



BIBLIOTECA NAZ.
Vittorio Emanuele III

XV III

H

26

NAPOLI

75

JUS NATURÆ

METHODO SCIENTIFICA

PERTRACTATVM.

PARS SEPTIMA

DE

IMPERIO PRIVATO,

IN QVA

TAM DE IMPERIO

AC

SOCIETATE IN GENERE,

QVAM

DE OFFICIIS

AC

IVRE IN SOCIETATIBVS

CONJVGALI, PATERNA, HERILI ATQVE

DOMO AGITVR,

SEV

IVS OMNE PERSONARVM

DEMONSTRATVR.

AVCTORE

CHRISTIANO L. B. DE WOLFF,

POTENTISSIMI BORVSSORVM REGIS CONSILIARIO INTIMO, FRIDERICIANÆ CANCEL-
LARIO ET SENIORE, JVRIS NATVRÆ ET GENTIVM ATQVE MATHESEOS PROFESSORE

ORDINARIO, PROFESSORE PETROPOLITANO HONORARIO, ACADEMIÆ REGIÆ

SCIENTIARVM PARISIENSIS, LONDINENSIS AC BORVSSICÆ MEMBRO.

CVM PRIVILEGIIS.

HALÆ MAGDEBVRGICÆ MDCCLXVI.

PROSTAT IN OFFICINA LIBRARII RINGERIANI.



SERENISSIMO AC POTENTISSIMO
PRINCIPI

AC

DOMINO

DOMINO

FRIDERICO

REGI BORVSSIÆ, MARGGRAVIO
BRANDENBVRGENSI, SACRI ROMANI IMPERII
ARCHI-CAMERARIO ET PRINCIPI ELECTORI, SVPREMO
SILESIE DVCI, PRINCIPI SVPREMO ARAVSIONENSI, NOVI
CASTRI ET VALENGIÆ, NEC NON COMITATVS GLACENSIS,
GELDRIÆ, MAGDEBVRGI, CLIVIÆ, JVLIIACI, MONTIVM, STE-
TINI, POMERANIE, CASSVBIORVM, VANDALORVM ET ME-
GAPOLIS, NEC NON GROSNE DVCI, BVRGGRAVIO NORIM-
BERGENSI, PRINCIPI HALBERSTADII, MINDÆ, CAMINI, VAN-
DALII, SVERINI, RACEBVRGI, OSTFRISIÆ ET MVRSII, CO-
MITI HOHENZOLLERE, RVPPINI, MARCÆ, RAVENSBERGI,
HOHENSTEINII, TECKLENBVRGI, SVERINI, LINGÆ, BVRE ET
LEERDAMI, DOMINO RAVENSTEINII, ROSTOCHII, STAR-
GARDIÆ, LAVENBVRGI, BVTOLVÆ, ARLAYÆ

ET BREDÆ

&c. &c. &c.

REGI AC DOMINO MEO LONGE
CLEMENTISSIMO

REX AUGUSTE,



Cum ciuitates eo fine institu-
tæ sint, ut unusquisque jus
suum sine armis consequa-
tur & eodem tranquille
atque secure fruatur; Re-
ctoribus illarum vel maxi-
me curæ esse debet, ut iudicia religio-
sissime administrantur & jus promptis-
sime

DEDICATIO.

sime reddatur. Et quamvis ea de causa subinde leges civiles ab immutabili illo jure, quod ipsa natura constitutum est recedant necesse sit; æquitatis tamen in iis, quantum datur, ubiuis habenda ratio est. Eadem sane causa me impulit, ut juris tam rerum, quam personarum, de quo in foro litigari solet, scientiam non ex duodecim Tabulis, nec ex edictis prætorum, nec ex sapientum placitis, sed penitus ex intima philosophia, quemadmodum jam olim suavit CICERO, haurirem & in systema veri nominis redigerem, quod nomen Corporis Juris tueri possit. MAJESTATI TVÆ, REX SAPIENTISSIME, ea, quæ dico, adeo explorata sunt, ut de religiosa & prompta administratione justitiæ ciuibz tuis procuranda serio cogites. Nemo est qui nesciat, jus suum in foris persequen-

DEDICATIO.

tes diuturna lite morari, & ea dissentos
 haud raro euentu dubio majores face-
 re sumtus, quam quantum est comino-
 dum, quod sperare possunt, si vicerint.
 Pendet sententia sæpiissime a favore Ju-
 dices, qui ideo plus valere dicitur, quam
 lex in codice, sæpius a Doctorum inter se
 dissentientium discordantibus opinio-
 nibus, ut arbitrium litis in sortem traje-
 ctum non immerito dicatur. Dudum ea
 de re prostant grauissimæ ipsorum
 Ictorum querelæ, qui sacerdotes justi-
 tiæ non tam dici, quam esse maluerunt.
 Nemo tamen hætenus huic malo reme-
 dium inuenire ac adhibere vel potuit,
 vel voluit. MAJESTATI igitur
 TUÆ reseruauit providentia divina,
 ut TUO acumine in apricum profer-
 res, quod aliorum sagacitate peruesti-
 gari minime potuit, & exemplo TUO
 doceres, quomodo ordinanda sit justi-
 tia

DEDICATIO.

tia, ut in ea certum sit civibus præsidium. Quid gloriæ TUÆ magis accedere poterat, quam ut post tot exantlatos belli labores Victor ad TUOS, qui TE delictum generis humani impense amant, redux rem tam arduam atque difficilem, maxime tamen salutarem serio ageres, qualis omnino est litium inter cives tuos vel amicabilis compositio, vel intra spatium unius anni decisio, & juris certi rationi ac conditioni provinciarum conformis constitutio. Quoniam igitur hoc ipso tempore, quo tam salutaria moliris, PATER PATRIÆ OPTIME, ad pedes MAJESTATIS TUÆ Tomum septimum Juris naturæ, qui Jus personarum complectitur, & Juri privatorum coronidem imponit, venerabunda mente depono; nullus dubito fore, ut eundem eodem vultu respicias, quo præce-

DEDICATIO.

præcedentes respicere dignatus es, hoc
est, benigno. Deus TE fervet, REX
AVGVSTE, in Nestoreos annos, ut
omnia feliciter perficias, quæ in salu-
tem civium tuorum animo meditaris!
Ita vovet

AVGVSTÆ
MAJESTATI TVÆ

Subiectissimus ac fidelissimus
CHRISTIANVS DE WOLFF.



PRÆFATIO.



n septimo hoc Tomo Juris naturæ,
qui jam in lucem prodit, de Jure
personarum, quod vulgo dicitur.
agimus. Jus hoc consistit in fa-
cultate determinandi actiones al-
terius & proprie Imperium dicitur, idque priva-
tum, quatenus privatis in actiones privatorum
b com-

PRÆFATIO.

competit. Oritur autem ex societatibus, quas vel ipsa natura instituit, veluti quodam quasi pacto, vel sua voluntate homines inter se contrahunt. Est itaque jus quoddam acquisitum, dependens a jure connato. Naturaliter nimirum homines omnes liberi sunt, ac nemini jus quoddam perfectum competit in actiones alterius, quippe in quibus unusquisque dependet a sua, non ab alterius voluntate. Quamvis enim naturaliter homini competat jus sese ac sua defendendi adversus aggressores atque raptorem, ac puniendi securitatis suæ, quæ in numerum jurium connatorum recte refertur, violatorem; utrique tamen locus non est nisi ex maleficio alterius, ut ideo nisi facto quodam alterius interueniente nobis competat & quasi momentaneum sit. Hic vero agitur de jure quodam manente, quo actiones vel omnes, vel certæ sive perpetuo, sive saltem ad certum tempus potestati nostræ subjiciuntur. Et istiusmodi jus in actiones alterius nemo acquirere valet, nisi vel expressa, vel præ-

PRÆFATIO.

præsumta alterius voluntate. Pertinet huc primo jus conjugale, quo utuntur inter se conjuges, & quod oritur ex pacto, quo matrimonium contrahunt. Deinde huc referendum jus parentum in liberos, quod patriæ potestatis nomine vulgo venit, utrique tamen parenti naturaliter commune est, & ex quasi pacto descendit, quo societas paterna initur. Porro hic locum habet jus domini in servum, & heri in famulum, quod ex pacto derivatur, quo quis vel in servitutem perfectam redigitur, vel societas herilis contrahitur. Et ex his consociationibus, seu societatibus simplicibus componitur domus, unde jus patris & matris familias in domesticos ortum suum habet. Ea igitur de causa in septimo hoc tomo agitur de societate conjugali, paterna & herili atque domo, & qualia in iisdem sint jura particularia, quales obligationes, methodo nostra ex principiis Juris naturalis demonstratur. Quoniam vero non modo hisce societatibus, verum etiam aliis tam simplicibus, quam

PRAEFATIO.

compositis insunt principia generalia; ideo tractationi speciali præmissimus generalem de societate in genere ac hinc orto imperio, quoniam specialia ex generalibus demonstranda. Enimvero ex matrimonio & societate paterna oriuntur cognationes atque affinitates. Quamobrem nostrum quoque erat de hisce demonstrare, quæ naturæ ac rationi conveniunt. Et quia jus hæreditarium demonstrari nequit, nisi antea jura liberorum atque parentum, itemque cognatorum fuerint perspecta; de eo quoque hic demum agere datum fuit, quamvis jus istud ad Jura rerum spectet. Atque ita tandem absolvimus omne Jus priuatum tam rerum, quam personarum, & confidimus fore, ut iis intellectis in quouis casu pateat, quid rationi consentaneum sit. Etsi enim fieri minime potuerit, neque etiam consultum esset, ut omnes casus particulares, quæ obtingere possunt, expenderemus; si quis tamen ea, quæ a nobis tradita sunt, animo comprehenderit & methodum, qua in demonstrando

PRÆFATIO.

strando usi sumus, in potestatem suam redegerit; ei haud quaquam difficile erit eadem methodo demonstrare, quid in quolibet casu a nobis præterito legi naturæ conveniat, quid ab eodem abhorreat. Immo ubi in sequentibus theoriam generalem legum civilium ex naturalibus efficiendarum dederimus; non modo evidenter perspicere licebit, quantum illæ cum his consentiant, & quantum ab iisdem recedant, verum etiam utrum rite fuerint factæ, an manu emendatrice adhuc indigeant. Non diffiteor, si opus nostrum de Jure Naturæ cum aliorum de eodem scriptis conferas, illud nimis amplum atque diffusum videri. Quod si tamen perpendere velis, nos omnia ad rationis normam exegisse, quæ in Jure civili de Jure rerum ac personarum traduntur, nec ea saltem recensuisse, sed sufficienter demonstrasse, & ne quicquam obscuritatis remaneret, aut animus alicubi adhuc fluctuaret, singulis ubivis plenam lucem affudisse, prolixitatem nimiam minime accusabis. Si breviores

PRÆFATIO.

esse voluissimus, propositiones quasdam omittendo, demonstrationes contrahendo, notas prætermittendo, vel abbreviando; officio nostro non satisfacissimus, nec finem a nobis propositum consecuti fuissimus. Quodsi enim propositiones quasdam omisissimus, aut subinde defuissent principia, ex quibus aliæ demonstrandæ erant, aut quidam sibi persuadere potuissent, quasi easdem ad jus positivum, seu mere civile rejiceremus, saltem non omnibus evidenter patuisset, quomodo ex principiis Juris naturæ sint demonstrandæ, aut eidem convenienter enunciandæ. Si demonstrationes contrahere libuisset, non cuiusvis fuisset supplere ea, quæ prætermissa fuissent, & valde vereor, ne defecisset evidentia, sine qua assensus firmus atque immotus nonnisi difficulter obtinetur. Quodsi denique notas non adeo liberali manu tradidissimus, multa omittenda fuissent, quæ ad Jura penitus comprehendenda & mere civilium a naturalibus differentiam intime perspicendam faciunt, multisque dubiis passim

PRÆFATIO.


fim locus fuiffet relinquendus. Optarunt non-
 nulli, ut quis fingulis definitionibus ac propofi-
 tionibus adjiceret leges ex Corpore Juris civilis,
 vel etiam canonici, aut, ubi tales non extant, lo-
 ca quædam Interpretum illius Juris, feu Docto-
 rum; fed iidem agnoverunt, hoc mihi fore ni-
 mis moleftum, nec me huic labori vacare poffe,
 nifi opus ipfum morari velim. Quamobrem aliis
 laborem lubens relinquo: neque enim is fum,
 qui fibi, vel aliis perfuadere velit, quafi præter
 me non fit alius, qui aliis utilia præftare poffit.
 Evolvantur modo, quæ in Tomo anteriore de
 officiis ac Jure eruditorum a me demonstrata
 funt, nec ullus dubito fore, ut omnes una con-
 fiteantur, nemini magis quam mihi in votis effe,
 ut conjunctis ftudiis fcientiæ promoucantur.
 Doleo sæpius plures effe, qui actum agere ma-
 lunt, quam qui multo utilius operam fuam col-
 locare poterant in iis, quæ nondum acta funt.
 Jure privatorum abfoluto, reftat Jus publicum
 univerfale, quod & Jus ciuitatis dicitur, nobis
 quo-

PRÆFATIO.

quoque Imperii publici nomine venit. Id ipsum in sequentibus ex principiis Juris naturæ eadem methodo deducemus, qua hætenus in Jure privato enucleando usi sumus. Atque ita apparebit, id ipsum quoque ad Jus naturæ pertinere, ac partem Systematis esse, quod de eodem condere instituimus. Halæ d. 29.

Martii An. 1747.





JURIS NATURÆ

PARS SEPTIMA.

DE

IMPERIO PRIVATO, SEU OFFICIIS AC JURE IN SOCIETATIBUS CONJUGIALI, PATERNA, HERILI ATQUE DOMO.

CAPUT I.

De imperio ac societate in genere.

§. 1.

Societas in genere est pactum, vel quasi pactum de fine Societas quodam conjunctis viribus consequendo. *quid sit.*

Sunt equidem, qui putant, dari etiam posse societates, quæ nullo pacto nituntur; sunt etiam qui arbitrantur, quasi pactum non esse juris naturæ, sed commentum juris civilis; nulla tamen ratio sufficiens est, quæ societatem per pactum, vel quasi pactum non definire nos cogat. Quæ enim in contrarium asseruntur exempla, aut nonnisi per abusum, seu inconstantiam

(Wolffs Jur. Nat. Pars VII.)

A

am

am loquendi societates dicuntur, ut adeo nonnisi de nomine his sit: aut nuntur quasi pacto, quod juri naturæ jam alias vindicavimus (not. §. 511. part. 5. Jur. nat.). Inprimis hic urgetur societas paterna, quæ inter parentes ac liberos subsistit. Verum ostendemus inferius hanc societatem esse utique quasi pactum naturale. Patebit autem ex subsequentiis, haud parum referre, ut fixam ac determinatam societatis notionem sumamus, ex qua sociorum jura & obligationes deduci possunt principiis juris naturæ convenienter.

§. 2.

An societas negotiatoria Quoniam societas negotiatoria est pactum de rebus ac operis eo fine conferendis, ut lucrum & damnum commune sub hoc genere sit (§. 1318. part. 4. Jur. nat.), omne autem pactum de fine re continetur quodam conjunctis viribus consequendo societas in genere est (§. 1.); *societas negotiatoria est species sub societate in genere contenta.*

Nimirum finis, qui in societate negotiatoria intenditur, est lucrum, quod qui eandem contrahunt conjunctis viribus consequi volunt, etiam præter spem atque intentionem accidere possit, ut damnum detur.

§. 3.

De speciebus societatis. Quoniam societas omnis supponit finem quandam conjunctis viribus consequendum (§. 2.); *societates differunt fine, qui intenditur, ac tot dantur societates, quot tantur fines, quot conjunctis viribus consequi datur.*

Atque inde confirmatur, societatem negotiatoriam, quæ in doctrina contractuum societas simpliciter dici solet, cum lucris communis causa contrahatur, esse speciem quandam societatis in genere hic definitæ. Lucrum enim commune est finis quidam peculiaris, in quo differentia specifica hujus societatis a ceteris consistit.

§. 4.

§. 4.

Socii, vel *Membra Societatis* dicuntur, qui societatem in- *Socii qui-*
cunt, seu intra quos societas subsistit. *nam sint.*

Significatus idem hic retinetur, qui vocabulo tribuitur in so-
cietate negotiatoria (§. 1319. *part. 4. Jur. nat.*), ob eam
quam modo indicavimus (§. 2.), rationem.

§. 5.

Societas simplex vocatur, cujus membra sunt personæ singu- *Societates*
lares: *Composita* autem, cujus membra sunt societates integrae. *simplices*
Et *composita societates minores* sunt, cujus membra sunt societates *compositæ*
simplices; *maiores* vero, cujus membra sunt societates compo- *quarum*
sitæ. Atque adeo patet, *societatem compositam minorem coale-* *sint.*
scere ex simplicibus, majorem vero ex aliis compositis.

Dari societates tam simplices, quam compositas, patebit ex
subsequentibus. Ita videbimus, societatem simplicem esse
conjugialem, compositam minorem domum, majorem, im-
mo maximam civitatem, seu Rempubicam.

§. 6.

Quoniam societates compositæ ex simplicibus coale- *De fine soci-*
scunt (§. 5.), quælibet autem societas suum habet finem sibi *etatum com-*
peculiarem, quem consequi intendit (§. 1. 3.); *in societate positarum.*
composita plures fines diversi conjunctim intenduntur.

Subsistunt adeo fines societatum simplicium, dum ex iis
compositæ coalescunt, sive ex iisdem per se coalescant, sive
quatenus insunt societatibus compositis majoribus, nec per
hanc societatum coalitionem fines eorundem vertuntur in alios,
sed tantummodo a se invicem dependentes quodammodo ef-
ficiuntur, quemadmodum suo loco elarius patebit.

§. 7.

Quilibet socius obligatur facere, quod ad finem consequendum *De obligati-*
facere potest, & quod ut ab ipso fiat specialiter conventum fuit, ne socio-
A 2 Etc. rum.

Etenim societates sunt pacta, vel quasi pacta de fine quodam conjunctis viribus consequendo (§. 1.). Quamobrem cum non minus ex quasi pactis (§. 505. *part. 5. Jur. nat.*), quam ex pactis nascatur obligatio præstandi ea, de quibus conventum est, vel conventum esse fingitur (§. 789. *part. 3. Jur. nat.*), socii vero sint, qui societatem contraxerunt (§. 4.); unusquisque sociorum obligatur facere, quod ad finem consequendum facere potest, & quod ut ab ipso fiat specialiter conventum fuit.

Nimirum si de eo, quod quis finis communis consequendi causa facere debeat, nihil expresse dictum fuerit; id conventum esse intelligitur, ut unusquisque faciat, quod potest, neque enim ultra posse quis obligatur (§. 209. *part. 1. Phil. pract. univ.*). At si specialiter conventum fuit, quid unusquisque facere debeat; tum quoque quilibet ceteris promittit, quod hoc facere velit, atque adeo ad idem faciendum sese obligavit (§. 393. *part. 3. Jur. nat.*). Cum pacta sint servanda (§. 789. *part. 3. Jur. nat.*); standum omnino est eo, quod conventum fuit, aut conventum fuisse in quasi pacto fingitur (§. 504. *part. 5. Jur. nat.*).

§. 8.

Qualis ea sit.

Obligatio sociorum perfecta est. Etenim cum societates sint pacta, vel quasi pacta (§. 1.); sociorum obligatio ex pacto, vel quasi pacto oritur. Obligatio, quæ ex pacto oritur ex promissione oritur (§. 788. *part. 3. Jur. nat.*). Quamobrem cum promissio producat obligationem perfectam (§. 363. *part. 3. Jur. nat.*); sociorum obligatio perfecta est, si societas pacto nitatur. Enimvero ex quasi pacto eadem oritur obligatio, ac si revera pactio facta fuisset (§. 505. *part. 5. Jur. nat.*). Quamobrem cum sociorum obligatio perfecta sit, quando societas pacto nititur, *per demonstrata*; perfecta quoque erit eorundem obligatio, si quasi pacto nitatur.

tur. Atque adeo patet, in omni societate obligationem sociorum perfectam esse.

Loquimur hic non de obligatione interna, quæ in agente terminatur, sed de externa, quæ personam alterius in singulari respicit. Hæc enim est, quæ ex societate oritur. Potest quis obligatus esse ad quid faciendum; sed propterea non obligatus est tibi in singulari, ut faciat. Potest alicui jus esse ad faciendum, sed propterea non obligatur tibi, ut faciat. Nemo autem alteri sese obligare potest nisi promittendo (§. 393. *part. 7. Jur. nat.*). Atque ideo societas absque pacto non concipitur (§. 789. *part. 2. Jur. nat.*). Quodsi enim sumas, Cajum & Sempronium sibi invicem declarare, quod autem quandam pro virili excolere velint, quemlibet tamen libertatem suam naturalem prorsus inrestrictam reservare, ita ut in eo, quod facere velit, vel num velit, totus ab arbitrio suo pendeat; nullus datur inter Cajum atque Sempronium quoad artem illam excolendam nexus, sed perinde est ac si uterque altero inscio agat, quod sibi proposuerit. Ad societatem non sufficit, ut duo simul eundem finem sibi consequendum proponant, vel ad eundem pro virili id conferant, quod a se proficisci potest, sed requiritur, ut vires mutuas conjungant, atque adeo unus alteri sese obliget ad faciendum. Aliud est satisfacere obligationi suæ naturali, vel jure naturali uti; aliud vero est in eo faciendo dependere a voluntate alterius. Unione voluntatum societas demum nascitur, sine ea autem unusquisque sibi vivit, nec ab eo statu, quem natura habet, recessisse ullo modo intelligitur. Ponamus Cajum de re quadam scribere librum. Ponamus te hoc audientem de eadem librum scribere, æmulandi animo. Equis propterea te & Cajum dicet socios? Sane nemo dicet, etiamsi tu, si liber in duas a Cajo dividatur partes, & hoc tibi notum sit, partem alteram conficias, dum ipse primæ incumbit, ut quasi conjunctis viribus librum totum ad umbilicum perduxeritis. Sive communicato consilio, five non aliqui ad eundem finem tendant, nisi vinculo quodam inter se

conjungantur, societas cur dicatur ratio nulla est. Entia moralia non fingenda sunt præter ullam rationem.

§. 9.

De jure sociorum.

Quoniam obligatio sociorum perfecta est (§. 8.), obligatio autem perfecta non intelligitur, nisi quando alteri competit jus te cogendi, ut obligationi satisfacias, si satisfacere nolis (§. 236. part. 1. Phil. pract. univ.); sociis competit jus cogendi consocium, ut satisfacias obligationi suæ, si vel satisfacere nolit, vel in eo negligentem se prabeat, consequenter ut facias, quod ad finem communem consequendum facere potest, aut quod ab ipso ut fiat specialiter convenitum fuit (§. 7.) Unde porro patet, societatem tribuere jus universis in singulos, si plures fuerint socii, vel uni in alteram, si duo fuerint.

Si societas fingitur absque obligatione, cum ex ea originem suam deducant jura (§. 23. part. 1. Jur. nat.), nullum quoque in eadem datur sociorum jus. Socii sunt personæ morales & relationem quandam ad se invicem habent, adeoque cum homo moralis sit subiectum obligationum & jurium (§. 70. part. 4. Phil. pract. univ.), non concipiuntur nisi per obligationes & jura, quæ relationem ad consocios habent, ita ut unusquisque obligetur ceteris in singulari & eidem competat aliquod jus in ceteros. Quemadmodum sine nexu partium natura non facit corpus unum, ita sine nexu morali, qui in obligatione ac ei respondente jure consistit, non fit societas.

§. 10.

Unde metiendum jus & obligatio sociorum.

Obligaciones ac jura sociorum metienda sunt ex fine societatis atque ex iis, de quibus in pacto specialiter convenitum fuit. Quilibet enim socius obligatur facere, quod ad finem consequendum facere potest, & quod ut ab ipso fiat, specialiter convenitum fuit (§. 7.). Quamobrem cum ex fine intelligatur, quid fieri debeat, ut eundem consequi detur,

ex

ex conventionem autem, si quis sociorum ad quædam horum, quæ ad finem consequendum requiruntur, specialiter sese obligaverit; obligationes sociorum utique metiendæ sunt ex fine societatis atque ex iis, de quibus in pacto specialiter conventum fuit. *Quod erat unum.*

Enimvero jura oriuntur ex obligatione (§. 23. *part. 1. Jur. nat.*). Quamobrem cum obligationes sociorum ex fine societatis atque ex iis, de quibus in pacto specialiter conventum fuit, æstimandæ sint *per demonstrata*; inde quoque metiendæ erunt illorum jura. *Quod erat alterum.*

Habemus hic principium heuristicum, quod monstrat viam, qua sit eundem, si in societate quadam data obligationes ac jura sociorum investigare volueris.

§. 17.

Non impeditus progressus ad finem societatis consequendum *Salus societatis* dicitur. Atque adeo patet, *salutem ratius quid societatis æstimandam esse ex fine, cujus gratia initur* (§. 1.). *sit.* Ipse autem finis, cujus gratia societas contracta, *commune Bonum* illius societatis appellatur.

Salva atque incolumis est societas, quamdiu socii non impediuntur, quo minus finem communem societati præfixum consequantur. Quodsi vero finem, quem intendunt, consequi non possunt, aut saltem non ex æste, quemadmodum voluerunt, sive hoc fiat culpa sociorum, quia non omnes satisfaciunt officio suo, vel non æque satisfaciunt, sive casu quodam; societas salva non est, non corpori sano, sed ægroto comparanda (§. 345. 346. *part. 1. Jur. nat.*). Propter finem agunt socii (§. 932. *Ontol.*), cujus causa societatem contraxerunt (§. 1.), adeoque eum spectant tanquam bonum (§. 892. 993. *Psych. empir.*), & quatenus eundem conjunctis viribus consequi conantur (§. 1.), tanquam bonum commune.

§. 12.

§. 12.

*De commu-
ni societatis
bono promo-
vendo.*

Quoniam socius quilibet obligatur facere, quod ad finem societatis consequendum facere potest, & quod ut ab ipso fiat specialiter conventum fuit (§. 7.), finis autem, cuius gratia societas contracta, commune bonum societatis est (§. 11.); *Quilibet socius commune bonum societatis pro virili & modo convento, si quid specialiter de eo conventum fuerit, promovere tenetur.*

Socios commune bonum promovere debere, agnoscunt omnes: est vulgo non semper satis distincte ac determinate agnoscitur, in quo bonum commune consistat, & quænam ejus promovendi causa a socio jure exigantur. Nostrium adeo erat, ut notioni communi lucem affunderemus, eamque ab omni obscuritate, quæ in casibus particularibus haud raro sese manifestat, liberaremus atque ad distinctam & determinatam revocaremus. Quæ enim hic de societate in genere traduntur, notiones directrices continere debent, quæ in casu particulari intellectum dirigunt ad id, in quo attentio desigenda, ne extra oleas evagemur. Non plus a socio jure exigitur, quam ad quod sese consociis obligavit (§. 9.). Quodsi ergo simpliciter contractum, ita ut nihil in specie fuerit dictum, quid ab uno vel altero fieri debeat, unusquisque facere debet, quantum potest; si vero in specie conventum fuerit, ut unus vel alter certi quid in specie faciat, hoc utique ut faciat, ab eo jure exigitur (§. 7. 9.). Atque adeo hinc in casu particulari haud difficile erit invenire, quid a socio quolibet jure exigatur, seu quodnam ejus sit in bono communi promovendo officium.

§. 13.

*Obligatio so-
ciorum com-
munis &
propria.*

Obligatio sociorum communis est, qua tenentur omnes ea pro virili facere, quæ ad consequendum finem, seu bonum commune requiruntur. *Propria* vero est *socii obligatio*, si in specie conventum, ut is quædam faciat, quæ ad finem, seu bonum

bonum commune consequendum requiruntur. Atque adeo patet, si nihil in specie fuerit conventum, quod uni vel alteri sociorum fuerit demandatum, in ea societate nullam dari obligationem specialem, sed nonnisi omnium communem; specialem vero tum demum locum habere, si uni vel alteri in specie aliquid fuerit demandatum.

Quando hic de obligatione speciali loquimur, facile patet, nobis sermonem esse nonnisi de ea, quæ ex ipso pacto venit, quo societas contracta, non vero de illa, quæ ex mandato oritur, quando scilicet occasione data communi sociorum consensu uni eorum societatis causa quid committitur.

§. 14.

Si in societate in specie fuerit conventum, quid a quolibet sociorum fieri debeat, data tamen occasione aliud præterea facere quis ea, de quibus possit, quo bonum commune promovetur; is ad hoc faciendum ob-conventum ligatur. Quando enim societas contrahitur, in hoc consensu ad bonum titur, ut conjunctis viribus finem, cujus gratia contrahitur, commune universi consequi conentur (§. 1.), consequenter ut singuli promovendofaciant, quod ad finem communem consequendum, adeo dum quis. toque commune bonum promovendum facit (§. 11.). Quam- neatur. vis adeo in specie conveniatur, quid a quolibet sociorum fieri debeat, cum tamen singuli velint, ut commune bonum, quantum datur, promoveatur; non is intelligitur fuisse animus paciscentium, ut præter ea, de quibus in specie certa de causa conventum fuit, nil faciat, quod ad bonum commune promovendum data occasione facere potest. Quamobrem etsi in specie conventum fuerit, quid a quolibet sociorum fieri debeat; hoc non obstante quilibet adhuc facere tenetur, si data occasione aliud præterea facere possit, quo bonum commune promovetur.

Si de quibusdam in specie convenitur, pactum societati adjici-

(Wolffii Jur. Nat. Pars VII.)

B

jici-

ñcitur. Pacta vero adjecta in contractu, cui adjiciuntur, quædam equidem immutant; non vero vertunt in aliud. Quamvis adeo de eo conveniatur, quod unusquisque finis, cujus gratia societas contrahitur, consequendi causa facere debeat; id tamen adhuc agitur, ut conjunctis viribus finem societatis consequi conentur socii, quippe quod ad societatem requiritur (§. 1.). Quamdiu igitur societas subsistit, unusquisque sociorum nullam prætermittere debet occasionem, qua commune bonum promovere potest, etsi facere debeat, quid ipsi specialiter fuerit demandatum.

§. 15.

De obligatione communis per propriam non penitus sublata.

Quoniam si in societate in specie fuerit conventum, quid a quolibet sociorum fieri debeat, data tamen occasione aliud præterea facere quis possit, quo bonum commune promovetur, is ad hoc faciendum obligatur (§. 14.), communis vero obligatio est, qua socii omnes pro virili facere tenentur, quod ad commune bonum consequendum requiritur, & propria, qua quis in specie certi quid facere debet (§. 13.); obligatio propria non penitus tollit communem, sed communis subsistit, quatenus cum propria coexistere potest.

Si plura in societate sunt agenda, ea inter socios distribuuntur non eo animo, ut bonum commune minus promoveatur, quam poterat promoveri, quippe quod promoveri, quantum datur, utique volunt omnes, cum ut promoveatur omnium intersit. Atque adeo absonum foret statuere, quod is sit paciscentium animus, ut obligatio communis penitus tollatur, & ejus loco introducatur propriæ, aut, si uni saltem, vel alteri socio aliquid in specie demandetur, ut is ab omni obligatione communi liberatus esse debeat.

§. 16.

De cura salutis societatis.

Unusquisque sociorum curam salutem societatis habere debet. Etenim unusquisque sociorum obligatur facere, quod ad finem

finem societatis consequendum facere potest (§. 7.), nec hæc obligatio tollitur, etiamsi in specie ad quid faciendum obligetur (§. 14.). Ea igitur ipsi debet esse cura, ut non modo ipse haud impeditus progrediatur ad finem societatis consequendum, verum etiam ut progrediantur consocii. Quamobrem cum in non impedito progressu ad finem societatis consequendum consistat salus societatis (§. 11.); unusquisque sociorum salutem societatis curæ habere debet.

Nemo inficiabitur, salutem societatis unicuique socio curæ esse debere: quod cum fieri nequeat, nisi obligatio quoque communis teneat socios, etsi singulorum quædam sit propria, quemadmodum ex demonstratione liquet; qui concedit, salutem societatis unicuique sociorum curæ esse debere, is affirmare nequit per obligationem propriam tolli penitus communem.

§. 17.

Quoniam unusquisque sociorum curæ habere debet *in quo ea salutem societatis (§. 16.), salus autem societatis consistit in consociis.* non impedito progressu ad finem societatis consequendum (§. 11.); socius quilibet non modo facere debet, quod ipse potest, verum etiam, quantum datur, curare ut faciant alii, quæ ad finem consequendum requiruntur, neque solum a se, verum etiam ab aliis removere impedimenta, quæ obstant, quo minus finem societatis consequi deat, consequenter etiam consilio ac ope adjuvare consocios, quando iisdem indigent.

Ita nimirum saluti societatis demum prospicitur, quæ unicuique sociorum curæ cordique esse debet, ac socii uniuntur, ut corpus quoddam unum constituent, cujus singula membra contendunt ad conservationem totius, quo ipso & singula servantur.

§. 18.

Nemo sociorum facere debet, quæ fini societatis quomodocum- De eo, quod
B 2 *que*

in societate que adversantur, nec quicquam eorum omittere, quod ad finem societatis consequendum conferre potest, vel ad quod faciendum in specie obligatur. Unusquisque enim obligatur facere, quicquid ad finem consequendum facere potest, & quod ut ab ipso fiat specialiter conventum fuit (§. 7.), nec obligatio communis per propriam tollitur (§. 15.). Enimvero qui ad hoc faciendum obligatur, ad contrarium non faciendum etiam obligatur (§. 722. *part. 1. Jur. nat.*). Quamobrem nemo sociorum facere debet, quæ fini societatis quomodo-
cunque adversantur. *Quod erat unum.*

Si quis obligatur ad aliquid faciendum, tum moraliter necesse est ut faciat (§. 118. *part. 1. Phil. pract. univ.*), neque adeo in arbitrio ipsius positum, utrum facere velit, an nolit. Quamobrem cum quilibet socius facere obligetur, quod ad finem societatis consequendum facere potest, & quod ut ab ipso fiat in specie conventum fuit (§. 7.); nemo quoque sociorum omittere debet quicquam, quod ad finem societatis consequendum conferre potest, vel ad quod faciendum in specie obligatur. *Quod erat alterum.*

Habemus adeo principium generale determinandi facta tam positiva, quam negativa in societate prohibita.

§. 19.

*De negli-
gentia socio-
rum prohi-
bita.*

Quoniam socius negligens est, qui ea omittit, quæ ad finem societatis consequendum conferre potest, vel ad quæ facienda in specie obligatur (§. 750. *part. 1. Phil. pract. univ.*), nemo autem sociorum quicquam omittere debet, quod ad finem societatis consequendum conferre potest, vel ad quod faciendum in specie obligatur (§. 18.); *nemo sociorum negligens esse debet.*

Negligentia in genere consistit in omissione eorum, quæ certo fine fieri debent (§. 750. *part. 1. Phil. pract. univ.*)
Quam-

Quamobrem in societate negligentia sociorum consistit in omissione eorum, quæ ab ipsis ad finem societatis consequendum fieri debent. Atque adeo hinc facile judicare datur, num socius aliquis negligentia reus existimandus sit.

§. 20.

Quoniam negligentia consistit in omissione diligentia *De diligentia sociorum* (§. 757. part. 1. *Phil. pract. univ.*), adeoque diligens est, qui negligentia sociorum negligens non est, id quod etiam ex collatione definitionis *naturaliter* (§. 750. 751. *præcepta. part. 1. Phil. pract. univ.*), nemo autem sociorum negligens esse debet (§. 19.); *Nullus omnino socius diligens esse debet.*

Idem etiam ostenditur hoc modo. Unusquisque sociorum facere debet, quicquid ad finem societatis consequendum facere potest, & quod ut ab ipso fiat specialiter conventum fuit (§. 7.). Quamobrem cum diligens sit socius, si ea omnia facit, quæ ad finem societatis consequendum facere potest, & ut ab ipso fiant, specialiter conventum fuit (§. 751. *part. 1. Phil. pract. univ.*); quilibet omnino socius diligens esse debet.

Diligentia adeo virtus est, quæ socium ornat ac commendat. Cumque ea in genere consistat in commissione omnium, quæ certo fine fieri debent (§. 751. *part. 1. Phil. pract. univ.*); diligentia sociorum utique consistit in commissione eorum, quæ ad finem societatis consequendum fieri possunt ac debent. Atque adeo hinc facile judicabitur, utrum socius aliquis sit diligens, nec ne:

§. 21.

Quoniam finis, cujus gratia societas contracta, commune societatis bonum est (§. 11.), consequenter quod fini *De non faciendo eo,* societatis adversatur, communi bono adversatur, nemo au- *quod com-*

muni bono adversum. tem sociorum facere debet, quæ fini societatis quomodo-
cunque adversantur (§. 18.); *nemo sociorum facere debet, quæ
communi bono adversantur*, consequenter socius bonum proprium
promovere nequit cum neglectu communis, vel in præjudicium com-
munis.

Socius ad commune bonum promovendum pro virili obli-
gatur (§. 12.). Quamobrem ipsi permissum esse nequit, ut
faciat, quæ eidem adversantur (§. 722. part. 1. Jur. nat.). Et
quia negligens esse non debet (§. 19.), nec bonum commu-
ne negligere licet, ut consulari privato, multo minus autem
suum querere potest in præjudicium communis, seu cum de-
trimento sociorum.

§. 22.

De visandis *Nemo sociorum quicquam facere debet, quod saluti societatis*
sis, quæ salu- adversatur. Unusquisque enim sociorum salutem societatis
si societatis curæ habere debet (§. 16.). Quamobrem cum per se pa-
adversan- teat, eum salutem societatis curæ non habere, qui facit,
sur. quod eidem adversatur, lex autem præceptiva, simul sit pro-
hibitiva contrarii (§. 722. part. 1. Jur. nat.); nemo socio-
rum quicquam facere debet, quod saluti societatis adver-
satur.

Salus societatis consistit in non impedito progressu ad finem
societatis consequendum (§. 11.). Quod adeo hunc progres-
sum impedit sive facto, sive non facto socii; id eidem adver-
satur. Perpendenda hic sunt, quæ paulo ante specialius de
hac cura salutis societatis commemoravimus.

§. 23.

Extranæus *Extranæus* dicitur respectu nimirum societatis, qui mem-
quinam di- brum societatis non est. *Omnis* adeo *extranæus est non socius*
catur. & *contra* (§. 4.).

Extranæus vocabulum relativum est, atque adeo extranæus non
dicitur

dicitur nisi in relatione ad societatem, in qua quibus comprehensus non est.

§. 24.

Socii pati non debent, ut extraneus salutis societatis officiat. De non pati-
 Debent enim curæ habere salutem societatis (§. 16.), adeo-
 que id agere, ne progressus ad finem societatis consequen-
 dum ullo modo ab alio quocunque, consequenter ab extra-
 neo impediatur (§. 23.). Quamobrem pati minime de-
 bent, ut extraneus salutis societatis officiat.

Multa cautione hic opus est, ne propositio præsens in ab-
 usum trahatur. Primo enim commune bonum, qui finis so-
 cietatis est, non confundendus, cum salute societatis, quæ in
 non impedito progressu ad finem consequendum existit (§. 11.).
 Quamobrem non statim salutis societatis adversatur, quod bono
 communi obest. Quamvis adeo extraneus jure suo usus
 faciat, quod bono communi parum faver, ut, si non faceret,
 id magis promoveri posset; non tamen ideo dici poterit ad-
 versari salutis societatis, quoniam te non impedit, quo minus
 facias, quæ ad finem societatis consequendum fieri datur. De-
 inde quoque ipsa impedimenti notio probe expendenda, ne
 impedire progressum ad finem societatis consequendum pute-
 tur, qui non impedit. Qui enim agentem impedit, actione
 contraria efficere debet, quo minus is agere possit, dum agere
 vult. E. gr. in societate negotiatoria intendi lucrum constat
 tanquam finem, & id ipsum bonum societatis commune est.
 Potest aliquis jure suo usus antevertere lucrum vestrum; non
 tamen propterea dici potest adversari salutis societatis vestræ.
 Enimvero si quis institorem vestrum corrumpit, ut vili pretio
 sibi vendat, quod multo cariori vendere poterat ac debebat;
 is facit, quod salutis societatis vestræ adversatur, adeoque fe-
 rendum non est. Idem eodem modo intelligitur, si dolo det-
 rammum aliud.

§. 25.

§. 25.

De jure non confocii pati non tenentur, ut socius faciat, quæ communi bono patiendi, ut non adversantur, vel salutis societatis repugnant. Neino enim socius unus eorum facere debet, quæ communi bono adversantur (§. faciat, quæ 21.), vel salutis societatis (§. 22.). Quamobrem cum socii communi bono is competat jus cogendi confocium, ut satisfaciatur obligationi suæ (§. 9.), adeoque etiam jus non patiendi, ut faciat, quod ei societatis eidem adversatur; confocii pati non tenentur, ut socius unus adversantur faciat, quæ communi bono adversantur, vel salutis societatis repugnant.

Nimirum quando socii societatem contrahentes inter se conveniunt, quod operam dare velint, ut conjunctis viribus finem societatis consequantur (§. 1.), adeoque bonum commune promovere ac salutem societatis curæ habere (§. 11.), singuli quoque se universis obligant, quod nil admittere velint, quod communi bono, vel salutis societatis adversatur, atque adeo promissione mutua, qua sese sibi invicem obligant (§. 363 part. 3. Jur. nat.), singuli in universos transferunt jus non patiendi, ut quis eorum faciat, quæ communi bono adversantur, vel salutis societatis repugnant (§. 361. part. 3. Jur. nat.). Etenim qui se obligat, quod operam dare velit, ut ad finem societatis consequendum suum pro virili conferat; is ad ea omnia se obligasse intelligitur, quæ ad eam consequendum requiruntur, & ad non faciendum, quæ eidem adversantur, idemque in eos, quibus sese ad hoc obligat, transfert jus ipsum cogendi, ut faciat, & non patiendi, ut non faciat, quod obligationi contractæ convenit, vel faciat, quod eidem adversatur. Nimirum semper perpendendum est, quid contineat promissum, ac inde æstimanda est obligatio ac jus contrahentium, cum nemo sibi alterum obligare possit ultra voluntatem suam, nec plus ab eo juris acquirere, quam is in ipsum transferre voluit (§. 382. part. 3. Jur. nat.).

§. 26.

Si societas simpliciter contrahatur de fine quodam conjunctis Quando ob-
viribus consequendo; sociorum omnium eadem obligatio est, idem ligationes ac
jus. Etenim si simpliciter dicatur, quod vires conjungere jura socio-
velint, qui societatem contrahunt ad finem communem con-
sequendum; singuli obligantur facere, quod ad finem conse-
quendum facere possunt (§. 7.), consequenter etiam ad non
faciendum, quod eidem quomodocunque adversatur, nec ad
omittendum, quod facere potest (§. 18.). Omnium igitur
sociorum eadem est obligatio (§. 382. part. 3. Jur. nat.). Quod
erat unum.

Enimvero ex obligatione nascitur jus (§. 23. part. 1.
Jur. nat.), consequenter quorum eadem est mutua obliga-
 tio, illis etiam eadem competunt jura. Quamobrem cum
 eadem sit sociorum omnium obligatio, si societas simplici-
 ter contrahatur de fine quodam conjunctis viribus consequen-
 do, *per demonstrata*, erit tum etiam sociorum omnium idem
 jus. *Quod erat alterum.*

Ostenditur etiam hoc modo. Quoniam obligationes
 ac jura sociorum metienda sunt ex fine societatis atque ex
 iis, de quibus in pacto specialiter conventum fuit (§. 10.),
 consequenter si nihil specialiter fuerit dictum, ex solo fine
 societatis; quando societas de fine quodam conjunctis viri-
 bus consequendo simpliciter contrahitur, ex solo fine dedu-
 ci debet omnis sociorum obligatio ac jus omne. Quam-
 obrem cum ex eodem fine, quatenus conjunctis viribus con-
 sequendus, nonnisi eadem deduci possit obligatio, ac ex ead-
 em obligatione nonnisi idem jus oriatur, quoniam nulla
 adest respectu diversorum sociorum unum idemque promit-
 tentium ratio diversitatis, sine qua tamen diversa quod-
 dam obligatio, vel jus quoddam diversum oriri nequit (§.
 382. 428. part. 3. *Jur. nat.*); quando societas de fine quodam
 (Wolffii *Jur. Nat. Pars VII.*) C con-

conjunctis viribus consequendo simpliciter contrahitur, sociorum omnium eadem obligatio idemque jus est.

Vidimus jam in anterioribus in contrahenda societate unumquemque socium sese obligare ceteris ad commune bonum societatis promovendum & salutem ejusdem curæ habendam (*not. §. 8.*), ita ut quoad actiones huc requisitas renunciet libertati suæ naturali, vi cujus ipsi permittendum, ut agat, quod libuerit (§. 156. *part. 1. Jur. nat.*). Quodsi ergo quis sese alteri obligare noluerit, nisi in quantum alter vicissim ipsi obligatur; diversa cur esse debeat utriusque obligatio, ratio omnino nulla est, consequenter ex obligatione mutua nec diversa oriri possunt jura. Nihil ergo in propositione præsentis difficultatis superest, modo rem penitus inspicias, quemadmodum fieri debet. Obligatio autem distinguenda est ab actuali præstatione ejus, quod debetur. Quamvis enim omnes socios eadem obligatio teneat, non tamen propterea necesse est, ut præstationes singulæ singulorum eadem sint: id quod non modo implicat in obligatione ad præstationes in genere definitas, veluti quod unusquisque sociorum ad finem societatis consequendum conferre debeat, quantum potest, verum etiam sæpius inutile foret, ut duo vel prorsus idem actu facerent adeoque idem bis fieret, quod semel fieri sufficiebat. Quamobrem etsi eadem sit sociorum obligatio in genere spectata, fieri tamen potest, ut unus ad quid faciendum obligetur, ad quod ceteri non obligantur, & vicissim alii obligentur ad faciendum, ad quod ipse non obligatur. Abunde hoc patet ex tractatione speciali in subsequendis. Idem quoque intelligitur de jure, quod ab ejus exercitio distinguendum. Quamvis enim jus prorsus idem sit, non tamen ideo necesse est, ut in ejus exercitio nulla appareat diversitas, cum unicuique jure suo uti liceat, quando occasio utendi sese offert, quæ pro diversitate circumstantiarum respectu sociorum omnium non eadem est. Absit itaque, ut diversitate præstationum ejus, quod debetur, in singulari ad diversitatem obligationis & a diversitate, quæ in exercitio juris actuali deprehenditur, ad diversitatem juris argumentari velis.

§. 27.

Si expresse conveniatur, ut unus sociorum ad aliquid præstet. Quando judum obligatus sit, ad quod ceteri non sunt, vel uni cuidam competeret jus, quod ceteri non habent; sociorum omnium non eadem est socii obligatio, nec idem prorsus jus. Patet hoc ex definitione diversitatis in genere. Neque enim obligationes ac jura universa socii substitui possunt in locum obligationum ac jurium alterius, ut salva maneant omnia prædicata vi eorundem utriusque tribuenda: id quod diversitatem arguit (§. 183. Ontol.).

Propositio præsens per se satis manifesta est, ut sine probatione sumi possit, nisi omnia ad primas notiones reducere voveris: id quod in systemate Philosophiæ universæ, quale nos adornamus, minime reprehendendum.

§. 28.

Societas æqualis est, in qua sociorum omnium eadem sunt obligationes ac jura eadem. Grotius de J. B. & P. lib. æquali Sin-1. c. 1. §. 3. vocat societatem sine inæqualitate. At inæqualis societas est, in qua unius socii plures sunt obligationes vel jura plura, quam alterius, seu in qua non omnes socii iisdem obligationibus tenentur, nec eodem utuntur jure.

In societate æqualitas & inæqualitas spectari nequit nisi respectu sociorum, inter quos contrahitur. Socii autem cum considerentur tanquam personæ morales; in iisdem spectanda non veniunt nisi jura ac obligationes (§. 70. part. 1. Jur. nat.). Immo non sunt socii, nisi quatenus sese mutuo sibi invicem ad certa obligant, ac ideo certo jure utuntur. A sociorum adeo juribus atque obligationibus derivanda est omnis societatis diversitas.

§. 29.

Quoniam in societate æquali sociorum omnium eadem sunt obligationes ac jura eadem (§. 28.), personæ autem morales

rales æquales sunt, quarum eadem sunt jura & obligationes eadem (§. 78. *part. I. Jur. nat.*); *in societate æquali socii omnes æquales sunt.*

Vide, quæ de æqualitate hominum in sensu morali annotavimus (*not. §. 78. part. I. Jur. nat.*). Quoniam vero societas pactum, vel quasi pactum est (§. 1.); æqualitas in societate oritur ex pacto, vel quasi pacto, quo ea nititur. Quamobrem cum natura homines æquales sint (§. 81. *part. I. Jur. nat.*); maxime naturale est, ne ab æqualitate in societate recedatur, nisi ratio prægnans urgeat, aut finis societatis istiusmodi sit, ut eandem non ferat.

§. 30.

An prærogativa locum habeat in societate æquali.

Quia in societate æquali sociorum omnium eadem sunt jura (§. 28.), adeoque uni præ ceteris eodem jure utentibus nullum competat jus, quod ceteri non habent, prærogativa autem jus est, quod alicui præ aliis ceteroquin eodem jure utentibus competit (§. 93. *part. I. Jur. nat.*); *in societate æquali socii nulli prærogativa quædam competit.*

Quodsi adem socius unus in societate æquali prærogativam quandam præterdit; id sine omni jure facit, adeoque a ceteris ferendum non est.

§. 31.

De jure universorum in societate æquali.

Similiter quia in societate æquali sociorum omnium eadem sunt obligationes atque jura eadem (§. 28.); unus ceteris non magis obligatur, quam ipsi eidem obligantur, nec universi in societate æquali jus majus est in unum, quam in alium, immo utriusque tantummodo juris est in singulos ceteros, quantum cuilibet eorum in ipsum.

Nimirum jus universorum in singulos oritur ex jure singulorum in se invicem, quatenus jura singulorum in unum coalescunt, quod una exorceri debeant.

§. 32.

§. 32.

Cum in societate æquali socii omnes æquales sint (§. De eo, quos 29.), quod vero uni licitum, id etiam licitum alteri in societate, & quod uni non licet, idem nec liceat alteri (§. 96. æquali sim- part. 1. Jur. nat.); quod in societate æquali socio uni licitum, id etiam gælis lici- licitum alteri, & quod uni non licet, idem nec licet alteri.

Jus vero non vertendum est in licentiam, quasi sine ulla restrictione facere possis, quod libet, si unus tibi hanc licentiam sumat (§. 150. part. 1. Jur. nat.). Id enim repugnat iis, quæ antea demonstrata sunt (§. 18. & seq.). Quid liceat, ex jure æstimandum (§. 170. part. 1. Phil. pract. univ.), non ex eo, quod socio cuidam, qui parum curat, quid sit officii sui, vel jure suo abutitur, lubet. Hoc enim cum ferendum non sit in socio (§. 9. 25.), nec tu facere potes, quia ille facit. Ita male argumentaris: socius unus negligens est. Ergo etiam mihi licet esse negligentem. Nimirum antequam ita argumenteris, inquirendum est, num quod faciat socius sit licitum. Quodsi deprehendas, id esse illicitum, inferendum erit, hoc tibi quoque non licere, nec te defendet factum consocii. Tenendum quoque est, sermonem hic non esse nisi de eo, quod in societate licitum, vel illicitum; socius enim in iis, quæ facit, hic spectatur tanquam socius, reliquæ ipsius actiones, quæ ad societatem nullum respectum habent, ad te non pertinent. Fruitur in iisdem libertate sua naturali, vi cujus ipsi permittendum quidem, quod facit (§. 156. part. 1. Jur. nat.), unde tamen tibi non nascitur jus idem faciendi. Quamvis vero hoc satis tritum ac vulgare videatur; indies tamen experimur plurimos in eo peccare, quod jus sociorum ob paritatem ad talia extendatur, quæ in eo minime comprehenduntur. Nascitur hinc præposterum studium imitandi socios, de quo plura nobis dicenda erunt, quando de Rep. acturi sumus.

§. 33.

Denique quoniam in societate æquali socii omnes æqua- An præce- les sunt (§. 29.), inter æquales vero nulla est præcedentia lo-

C 3

§. 105. cum habeat

in societate aequali. (§. 105. part. 1. Jur. nat.) ; in societate aequali nulli socio præcedentia competis, consequenter cum præcedentia sit jus prioritatis in ordine a pluribus simul observando (§. 104.) nulli socio jus prioritatis competit, si certa serie quædam fieri necesse fuerit, adeoque quilibet eum in serie locum occupare potest, quem casus commodum obtulerit, vel quem voluerit, nec datur in societate aequali certus quidam ordo necessario observandus.

Nulla datur in societate aequali ratio sufficiens, cur unus præcedere debeat alterum, vel certum quendam locum occupare, si certa serie quædam fieri necesse fuerit. E. gr. ponamus socios æquales convenire de negotio aliquo deliberaturos; quando mensæ assidere debent, nullus observandus necessario ordo est, sed unusquisque quemlibet locum occupare potest, prout casus tulerit. Jus commune est singulis ad locum quemcunque, quemadmodum in communione primæva ad res quas-cunque. Sicuti in hac quilibet rem, qua indiget, apprehendere potest pro lubitu suo; ita quoque in societate aequali naturaliter quilibet eum locum occupare potest, quem voluerit, aut sibi commodum judicaverit. Sicuti vero in communione primæva rem, quam quis apprehendit, invito eripere nequit; ita etiam in societate aequali socius alius locum socio relinquere tenetur, quem occupavit, nisi volens eundem cedat. Quodsi adeo ad ea animum advertas, quæ de communione primæva demonstrata sunt in parte secunda, quid hic juris sit, facile perspicies, nec verendum esse patebit, ut sublata præcedentia turbis aperiantur fores.

§. 34.

De inæqualitate sociorum in societate inæquali.

Cum in societate inæquali non omnium sociorum eadem sit obligatio, nec omnes eodem jure utantur (§. 28.), in sensu autem morali homines inæquales sint, quorum non eadem ac totidem sunt jura, nec eadem, neque totidem obligationes (§. 79. part. 1. Jur. nat.); in societate

tate inæquali socii inæquales sunt, saltem non omnes æquales sunt.

Nimirum non obstat, quo minus in societate inæquali quidam sint, qui eadem obligatione tenentur & eodem jure utuntur: quodsi enim æqualis esse debeat societas, necesse est ut singulos eadem teneat obligatio, ac singulis idem jus competat (§. 28.). Nulla autem utilitate societas, in qua socii quidam æquales, alii inæquales sunt, distingueretur a societate tam æquali, quam inæquali, tanquam ex utraque mixta, aut inæqualis subdivideretur in perfecte talem, in qua scilicet socii singuli inæquales sunt, ac imperfecte talem, in qua alii sunt æquales, alii inæquales: sed entia multiplicarentur præter necessitatem. Sane si hoc modo procedere velles, distinguenda etiam foret societas, in qua socii inæquales ceteris inter se æquales sunt, ab ea, in qua non sunt. Quodsi enim unicuique tribuas jus, quod socium inæqualem facit, & iis, qui æquales sunt, jus dem, atque hoc quoque observaveris de singulorum obligationibus; facile perspicias, subtilitates istas in distinguendo inutiles esse ac superfluas.

§. 35.

Quoniam in societate inæquali socius unus vel plures *De prerogativa* quoddam habent, quod ceteris eodem licet ceteroquin *sua in soci-jure* utentibus non competit (§. 28.), jus autem istiusmodi *etate in-* prerogativa est (§. 93. *part. 1. Jur. nat.*); *in societate inæquali quali-* socio uni, *vel pluribus prerogativa competit, immo etiam inter eos,* qui *præ ceteris prerogativam quandam habent, uni eorum prerogativa quandam competere potest.*

In casu particulari facile judicabitur, in quonam prerogativa ista consistat, nimirum in jure, quo consocios vincit. Ita e. gr. in societate negotiatoria prerogativa socii est, si quis particeps fuerit tantummodo lucri, non vero damni, cum inter socios æquales damnum atque lucrum commune sit.

§. 36.

§. 36.

De prerogativa in societate inaequali. Quoniam praecedentia prerogativa quaedam est (§. 108. *part. 1. Jur. nat.*), in societate autem inaequali socio uni prerogativa altero prerogativa quaedam competere potest (§. 35.); in societate inaequali praecedentia locum habet; consequenter cum praecedentia sit jus prioritatis in ordine a pluribus simul observando (§. 104. *part. 1. Jur. nat.*), si idem a sociis fieri debeat eodem loco, vel tempore eodem, certus observandus est ordo.

Ita in conventibus alius prior est loco, alius posterior; & quando in vota coeundum, alius prior fert votum, alius posterior, jure nimirum quilibet suo.

§. 37.

Intrinsicca sociorum aequalitas & extrinsicca inaequalitas. Socii intrinsicce aequales sunt, quorum omnia jura eadem sunt & qui iisdem prorsus obligationibus tenentur. *Extrinsicca* autem inaequales, qui ceteroquin aequales sola praecedentia differunt.

Praecedentia nimirum per se nihil facit ad finem societatis consequendum, quod facile patet per definitionem (§. 104. *part. 1. Jur. nat.*). Quamobrem cum jura & obligationes sociorum, unde resultat eorum aequalitas, vel inaequalitas (§. 78. 79. *part. 1. Jur. nat.*), ex fine societatis metienda sunt (§. 10.); inter socios aequales praecedentia ratione intrinsicca destituitur, atque aliunde, quam ex natura societatis desumenda ratio ejus est, consequenter ea extrinsicca ratione nititur. Arque ideo extrinsicce inaequales apte dicuntur. Nimirum jura & obligationes sociorum qua talium ex natura societatis fluunt, sive immediate, quando ex fine societatis deducuntur, sive mediate, quando ex iis, quae inde fluunt, ulterius derivantur: quae vero praeterea per conventionem accedunt, non tam ad esse, quam ad bene esse spectantia, propter rationes aliunde desumptas, adeoque extrinsiccas, superadduntur.

§. 38.

extraordinaria in societate ceteroquin aequali concedenda. sociorum ei locus quicunque extra ordinem concedi potest, immo unus ei locum suum cedere potest sine præjudicio consensui alterius. Cum præcedentia jus sit (§. 104. part. 1. Jur. nat.), quilibet antequam jus suum alteri cedere possit, quamdiu nihil fit contra jus tertii (§. 117. part. 3. Jur. nat.); præcedentiam quoque qui jam sunt in societate ei, qui postea in eandem venit, cedere possunt, quando nulli eorum invito præcedentia aufertur (§. 239. part. 1. Phil. pract. univ.). Quodsi ergo quis in societatem, ubi is observatur ordo, prout quis in societatem venit, recipitur, ei consensu sociorum locus quicunque extra ordinem concedi potest. *Quod erat unum.*

Similiter quia unusquisque jus suum alteri cedere potest, quando nihil fit contra jus tertii (§. 117. part. 3. Jur. nat.), in societate, ubi is ordo observatur, prout quis in societatem venit, unus quoque sociorum ei locum suum cedere potest, quando alteri non invito aufertur præcedentia, consequenter si id fiat sine præjudicio consocii alterius. *Quod erat alterum.*

Cum cessio pendeat a voluntate cedentis, nisi quatenus prohibetur quicquam committere, quod est contra jus tertii cujusdam (§. 117. part. 3. Jur. nat.); facile patet, eorum sufficere consensum, qui jure suo quæsiro privantur. Quodsi ergo ultimus ei, qui recipitur, locum suum cedat, nullius præterea socii consensu opus est. Quodsi vero non fuerit ultimus, locum suum eidem cedere nequit sine consensu eorum, qui ipsum ordine sequuntur. Hæc nimirum intelligenda sunt in statu naturali, ubi societas nullius juri subiecta est, qui de iis, quæ ad eam pertinent, pro libitu suo disponere potest. Neque enim hic societates consideramus, nisi quales obtinent in statu naturali, ubi libertate naturali fruuntur singuli, qui in societatem coeunt, & tota societas eadem libertate gaudet respectu extraneorum. Cavendum itaque, quemadmodum in aliis, ne ad societates in statu civili contractas promiscue applicentur, quæ

quæ hic demonstrantur. Ceterum ubi nullus observatur ordo, adeoque præcedentia omnis exulat, quilibet locum, quem occupavit, alteri cedere potest, sine ullius consensu, cum hac cessione nemini auferatur jus suum quæsitum, nemini jus competente nisi ad eum locum, quem ipse prior occupavit, quemadmodum jam ante monuimus (not. §. 33.).

§. 40.

In societate inæquali ei, qui plus juris habet, vel etiam ceteris paribus ad finem societatis consequendum, seu ad commune bonum promovendum plus conferre obligatur, naturaliter præcedentia in- *De præ-*
competit; nisi aliter conveniatur. *dentia in-*
societate in- *æquali.*

Qui enim in societate inæquali plus juris habet, quam socii reliqui, is utique ceteris præferatur, & quidem vi pacti, quo societas contracta (§. 10.). Quamobrem cum nulla ratio intrinseca adsit, cur inter socios æquales, qui eadem habent jura, cumque iisdem obligationibus teneantur (§. 28.), idem etiam ad finem societatis consequendum, consequenter ad commune bonum promovendum conferre tenentur (§. 11.), detur præcedentia (§. 33.); multo minus in societate inæquali deprehenditur ratio, cur socius, qui tantundem juris habet, vel etiam minus ad bonum commune conferre obligatur, quam alter, huic præferatur, atque præcedat. Decet igitur & aptum est socio, qui plus juris habet, vel etiam plus ad commune bonum conferre obligatur, ut præcedat (§. 194. part. 1. Phil. pract. univ.). Quamobrem cum quod decet juri naturæ conveniat (§. 204. part. 1. Phil. pract. univ.); eidem quoque convenit, ut in societate inæquali præcedat socius, cui plus juris est, vel qui ad commune bonum plus conferre obligatur. Naturaliter itaque præcedentia eidem competit.

Idem etiam ostenditur hoc modo. Si per naturam societatis socio præcedentia competere debeat, necesse est ut ratio aliqua ab ipso socio qua tali, seu ab eo, quo a consociis

ciis differt, desumi possit, cur is præcedere debeat. Enimvero socii in societate inæquali non differunt nisi per jura, quæ habent, atque per obligationes, quibus tenentur (§. 28.). Ratio igitur præcedentiæ petenda est à jure, quo socius unus differt ab altero, vel ab obligatione, qua bonum commune promovere tenetur (§. 12.). Quamobrem si de socio æstimandum, utrum scilicet ei præcedentia debeat, nec ne; æstimatio fieri debet ex jure, quo ceteris sociis præstat, vel ex eo, quod plus ceteris ad commune bonum conferre obligatur. Naturaliter igitur præcedentia competere debet ei, qui plus juris habet, vel plus ad bonum commune conferre tenetur sociis ceteris. *Quod erat unum.*

Enimvero quamvis in societate inæquali ei, qui plus juris habet, vel qui plus ad commune bonum conferre obligatur quam socii ceteri, naturaliter competat præcedentia, *per demonstrata*; cum tamen quilibet jus suum remittere possit (§. 117. *part. 1. Jur. nat.*), qui societatem ineunt pro lubitu de præcedentia convenire possunt. Quod ergo de eadem fuerit conventum, id obtinebit (§. 789. *part. 3. Jur. nat.*). *Quod erat alterum.*

Quando de præcedentia quæstio est, quid deceat & aptum sit sociis quæritur. Atque adeo de decoro quæstio est (§. 194. *part. 1. Phil. pract. univ.*), & ratio convenientiæ sufficit. Lex autem naturæ de decoro etiam disponit (§. 204. *part. 1. Jur. nat.*), & quomodo disponat, ratio convenientiæ manifestat. Quando itaque in societate inæquali de præcedentia non convenitur, sequendum omnino id, quod decet, & in hoc tacite consentire intelliguntur qui societatem ineunt, quando de præcedentia nihil expresse dicitur. Subinde adeo in omnium oculos incurrit quod decet, ut absurdum habeatur contrarium.

§. 41.

*Quomodo
de præce-*

Quoniam in societate inæquali de præcedentia pro lubitu convenire possunt socii (§. 40.); si ita visum fuerit, in eadem
etiam

etiam nulli socio competere potest præcedentia, sed quilibet eam occupare potest locum, quem casus commodum obtulerit, vel quem vocetate inalteris, quemadmodum in societate æquali (§. 33.); præcedentia quali conventia propter rationes extrinsecas concedi potest ei, qui jure inferiorior est, vel minus quam socii ceteri ad bonum commune confert, vel mutuo consensu sociorum certa præcedentia lex sanciri potest.

Stat nimirum de præcedentia conventa pro ratione sociorum voluntas, ex qua hoc jus metiendum. Ceterum existimandum non est, quasi, sublata præcedentia, nullus sit ordo, sed mera confusio. Quoniam enim occupatio tribuit jus ad eum locum, quem quis prior occupavit; ordo hic oritur quasi momentaneus, qui in casu præsentis obinet & in quolibet alio variabilis, cum, qui naturaliter obinet, vel ex conventionem (§. 40.), constans sit, in quolibet nimirum casu semper idem.

§. 43.

In societate quæcunque quoad præcedentiam, quam quis extra societatem habet, non attenduntur alia, quæ ad personam socii, sed præcedentia non quæ talis pertinent. Quoniam socium, tanquam personam socii determinam moralem, jura & obligationes faciunt, quæ a societate minanda veniunt (§. 70. part. 1. Jur. nat. & §. 4. h.), in societate autem non attenduntur socius non consideratur nisi quæ socius; in ea quoque præcedentia non spectantur nisi jura & obligationes, quæ eidem tanquam socio competunt. Quando igitur de præcedentia in societate adeoque jure quodam, quod socio competere debet (§. 104. part. 1. Jur. nat.) quæstio est; naturaliter quoad eam non attenditur præcedentia, quam quis extra societatem habet, nec attenduntur alia, quæ ad personam socii, sed non quæ talis pertinent.

Naturaliter adeo non repugnat, ut ultimus sit seu infimus in societate, qui extra eandem socios omnes præcedit, nec merita, quæ quis extra societatem habet, aptum efficiunt, ut in societate præcedentia eidem conferatur. Alia est existimatio-

nis, alia præcedentiæ ratio, ut nec existimatio socii, qua talis, eidem naturaliter tribuat præcedentiam, & majoris existimationis esse possit qui non præcedit, quam qui præcedit.

§. 43.

De præcedentia successori competente.

Si quis in societatem recipitur successor ejus, qui plus juris habuit, vel etiam ceteris paribus ad commune bonum plus conferre obligatus fuerat; ei naturaliter competit præcedentia, nisi aliter fuerit conventum. Etenim si quis succedit ei, qui plus juris habuit, vel etiam ceteris paribus ad commune bonum plus conferre obligatus fuerat; is in societate plus juris habet, vel etiam ceteris paribus ad commune bonum plus conferre obligatur, quod per se patet. Enimvero si quis in societate plus juris habet, vel etiam ceteris paribus ad commune bonum plus conferre obligatur, ei naturaliter præcedentia competit, nisi aliter conventum fuerit (§. 40.). Quamobrem quoque naturaliter præcedentia competit ei, qui in societatem recipitur successor ejus, qui plus juris habuit, vel etiam ceteris paribus ad commune bonum plus conferre obligatus fuerat, nisi aliter conventum fuerit.

Socius qua socius individuum morale est, quod in diversis subiectis physicis idem subsistit. Etsi adeo individuum physicum mutetur, non tamen mutatur morale, quando circa jura & obligationes nulla mutatio accidit, cum individuum morale faciant jura & obligationes (§. 70. part. 1. Jur. nat.). Quod si ergo præcedentia adhæreat hisce juribus, vel obligationibus, si eadem cadunt in successionem, huic etiam præcedentia competit. Hæc quidem ita se habent, quamdiu aliud non placuerit. Alias enim standum est eo, quod conventum (§. 41.).

§. 44.

Quinam in societate de muni sociorum consensu determinandum. Quid in societate finis consequendi gratia fieri debeat, socii enim ad finem societatis

societatis conjunctis viribus consequendum sese invicem sibi *terminare* obligant (§. 1.), adeoque omnium est statuere, quid fieri *debeat, quid* debeat, nec cuilibet permissum est pro suo arbitrato facere, *faciendum* quod libuerit. Quamobrem quid fieri debeat, communi *fit.* ipsorum consensu determinandum (§. 658. *part. 1. Phil. pract. univ.*).

Finis causa societas contrahitur (§. 1.), atque adeo omnium interest, ut eundem consequantur. Finem consequi non datur sine mediis (§. 937. *Ontol.*). De mediis adeo deliberandum, & quibusnam utendum sit, statuendum, Dum adeo finis consequendi gratia vires conjungunt, omnes quoque animæ facultates uniunt, ut intellectus singulorum sit communis universorum, atque ideo de mediis deliberandum est universis & communi consensu determinandum, quibusnam uti mediis velint. Immo si permissum esset unicuique facere, quod ipsi soli visum, contrariæ voluntates haud raro in contrarium tenderent, atque adeo unus alterum impediret, quo minus ad commune bonum conferret, quod conferre poterat, aut faceret, quæ eidem adversantur: id quod utique salutis societatis foret aduersum (§. 11.).

§. 45.

Quoniam in societate communi sociorum consensu de- *De actioni-* terminandum, quid fieri debeat finis consequendi causa (§. *bus sociorum* 44.); quando societas contrahitur, omnium sociorum consensu *licet* *certo modo* *tuendum est de iis, quæ constant ac semper eodem modo fieri debent. determinan-* Et quoniam unusquisque facere obligatur, quod ab ipso ut *dis.* fiat conventum fuit (§. 7.), quando societate contracta communi sociorum consensu statutum fuit, quænam ab iis constant ac semper fieri debeant, juxta hæc regulas actiones suas determinare obligantur socii.

Necesse est, ut socii in eo consentiant, quomodo bonum commune promovere velint (*not. §. 44.*), ne quid omittatur, quod finis consequendi gratia fieri debet, nec committatur, quod *fieri*

fieri non debet. Immo constare debet, ad quid singuli singulis, singuli universis & universi singulis obligentur, & quænam universis ac singulis competere debeant jura. Quodsi ergo in societate omnia ordine fieri debeant, quemadmodum fieri necesse est, si salus societatis omnibus ac singulis curæ cordique esse debeat (§. 12. 16.); de istis omnibus unanimi consensu statuendum est, quod commodum visum fuerit: quod ubi factum fuerit, nemini amplius liberum est facere, vel non facere, quod sibi visum fuerit, sed firmiter tenenda est regula, quæ ab universis singulis præscripta. Atque hac ratione obtinetur, ut una sit omnium voluntas, quæ est anima sociorum, quatenus unum corpus constituunt. Perinde nimirum est, ac si socii omnes simul nonnisi unica essent persona, in qua facultas cognoscitiva, appetitiva, averfativa & locomotiva nonnisi unica resideret, & socii singuli essent totidem membra ejusdem corporis, consequenter ac si actiones omnes sociorum ab eadem persona profiscerentur, atque ad communem finem tanquam ultimum sapienter dirigerentur. Membra corporis nostri conjunctis viribus agunt, ut finem communem consequi derent. Quemadmodum itaque eadem per essentiam atque naturam suam ad id determinati sunt: ita etiam socii tanquam membra unius corporis voluntate sua facti eadem voluntate determinari debent, ut conjuncti viribus finem societatis consequantur: id quod fit eo, quem diximus, modo.

• §. 46.

*De legum
necessitate
& jure eas
ferendi.*

*Qualibet societas suas habere debet leges & eidem competis
jus ferendi leges de iis, quæ ad eandem spectant.* Quando enim societas contrahitur, socii omnes consentire debent in ea, quæ constanter ac semper eodem modo fieri debent, & juxta eas regulas, in quas consenserunt, actiones suas determinare obligantur (§. 45.). Quamobrem cum regula, juxta quam actiones nostras determinare obligamur, lex sit (§. 131. *part. 1. Phil. pract. univ.*); quælibet societas suas habere debet leges. *Quod erat unum.*

Quo-

Quoniam societas suas habere debet leges, *per demonstrata*, natura autem homines omnes liberi sunt (§. 146. *part. 1. Jur. nat.*), nec per hoc omnes simul juri alterius subjiciuntur conjunctim, quod conjunctis viribus finem quandam consequi studeant; ideo nemo alius leges ipsis præscribere potest, quomodo ad eundem contendere debeant, sed vi libertatis naturalis ipsis permittendum, ut suo stent judicio (§. 156. *part. 1. Jur. nat.*). Societati igitur competit jus ferendi leges de iis, quæ ad eandem spectant (§. 156. *part. 1. Phil. pract. univ.*). *Quod erat alterum.*

Posteriorius etiam ostenditur hoc modo. Quando societas contrahitur, socii omnes communi consensu statuere debent, quaenam finis consequendi causa constanter ac semper fieri debeant (§. 45.). Quamobrem cum condere teneatur leges de iis, quæ ad societatem spectant (§. 131. *part. 1. Phil. pract. univ.*), lex autem naturæ tribuat jus ad eos actus, ad quos nos obligat (§. 158. *part. 1. Phil. pract. univ.*); eadem quoque societati tribuit jus ferendi leges de iis, quæ ad societatem spectant.

Immo idem quoque ostenditur ita. Quilibet socius obligatur facere, quod ad finem consequendum facere potest, & quod ut ab ipso fiat specialiter conventum fuit (§. 7.). Quamobrem cum suas habere debeat leges *per demonstrata*, juxta quas determinandæ sunt actiones ad societatem spectantes (§. 131. *part. 1. Phil. pract. univ.*), lex autem naturæ tribuat jus ad ea, sine quibus obligationi satisfacere non possumus (§. 159. *part. 1. Phil. pract. univ.*); societati quoque tribuit jus ferendi leges de iis, quæ ad eandem spectant.

Tanta est legum in qualibet societate necessitas, ut recte dixerit *Aristoteles*, nec sceleratissimam latronum societatem sine lege subsistere posse. Perinde vero est, siue leges consensu expresso

E

presso

presso condantur, five tacito recipiantur, sequendo id, quod in istiusmodi societate moris est. Qui enim per se non sapiunt, alios imitantur. Absit itaque, ut tibi persuadeas, tum societatem esse sine lege. Sane ad mores tanquam legem provocare solent socii, si quis eorum facit, quod iisdem adversatur, atque ex iis iudicium ferunt de obligationibus ac juribus socialibus. Valent autem mores instar legis, non quatenus in aliis societatibus obtinent, sed quatenus ab ea, quæ alias imitatur, approbantur, ut adeo absonum foret statuere, quasi societas una alteri præscriberet leges, quas observare deberet. Quando enim societas aliqua mores alterius sequitur, cum hoc libere faciat, perinde omnino est ac si ipsamet sibi ferret has leges, quatenus socii tacite consentiunt in hanc legem quod mores alterius societatis colere velint. Quæ enim moribus istis conformia sunt, habenda sunt pro legibus particularibus præceptivis ex generali ista fluentibus, quemadmodum illis contraria pro legibus prohibitivis & per eosdem licita pro permissivis. Ceterum facile patet, societatem in propositione præsentē non præcise sumi in eo significato, quem vocabulo vi definitionis tribuimus (§. 1.); sed cum tantisper immutari, homonymia facile permittenda. Ne tamen circa eam scrupulosioribus dubium quoddam superfit; sequentem addere lubet definitionem, quæ significatum vocabulo in propositione præsentē convenientem continet.

§. 47.

Homonymia vocabuli societatis explicata. Societas quoque dici solet ipsa multitudo hominum finis cuiusdam consequendi causa consociatorum, seu sibi mutuo promittentium, quod conjunctis viribus finem quendam ut consequentur studere velint. Quodsi pactum, quo sese sibi invicem ad hoc obligant, *Consociationem*, ad vitandam homonymiam dicere malis, per nos hoc licet.

Quamvis methodus accurata requiratur, ut ejusdem vocabuli idem constanter sit significatus (§. 143. *Disc. prælim.*), adeoque omnis vitetur homonymia (§. 326. *Log.*); lex tamen hæc facile

facile admittit exceptionem, quando verendum non est, ut homonymia pariat confusionem, quia ex prædicato, quod subiecto tribuitur, statim apparet, quinam sit vocabuli significatus a definitione recedens. Ita in propositione præcedente quilibet non monitus intelligit, societatem non sumi pro pacto, quo homines consociantur, quemadmodum habet definitio (§. 1.), sed pro ipsa multitudine hominum consociatorum. Utrumque significatum probat usus loquendi, etsi prior convenientior sit ad demonstrandum ea, quæ tenenda sunt de istiusmodi consociationibus; posterior vero aptior videatur ad nonnulla enuntianda. Uterque autem cum facile discernatur ex iis, quæ dicuntur, ut nulla metuenda sit confusio, multo minus verendum, ne quæ dicuntur, perperam intelligantur; significatus posterior absque ulla scrupulositate admitti poterat, & tanto magis permittendum, ut eidem juxta priorem fiat locus, postquam perinde ac prior distincte explicatus fuit.

§. 48.

Societati integrum est leges, quando visum fuerit, tollere & De legum immutare ac novas condere. Leges enim conduntur commutatione. ni sociorum consensu (§. 45.), jure ipsis competente (§. 46.), consequenter leges sunt, quia volunt, ut sint. Quamobrem cum leges condantur de iis, quæ ad societatem spectant (§. 44.), adeoque extraneorum non intersit, quibus inter se legibus utantur focii, homini autem non modo naturaliter competat jus voluntatem suam mutandi, quando mutata fertur in melius (§. 374. part. 3. Jur. nat.), verum etiam ipsi permittendum sit, ut eam actu mutet, quamdiu nil agit contra jus alterius (§. 377. part. 3. Jur. nat.); tam jure interno leges tollere, immutare ac novas condere licet, quoties bonum commune ac salus societatis hoc exigit (§. 12. 16.), quam externo, quotiescunque visum fuerit. Integrum adeo est societati leges, quandocunque visum fuerit, tollere, mutare ac novas condere.

Si leges tollantur, vel immutentur, in quibus nihil desiderari poterat, vel novæ condantur, quæ fini societatis parum conveniunt; non recte facit societas, atque eo nomine reprehendenda venit; immo quatenus ad recte agendum naturaliter obligamur (§. 189. *part. 1. Phil. pract. univ.*), peccat (§. 440. *part. 1. Phil. pract. univ.*), jure tamen externo hoc ipso permissum. Vi enim libertatis permittendum, ut suo stet iudicio (§. 156. *part. 1. Jur. nat.*). Hic potissimum respicitur jus externum, cuius fundamentum est libertas naturalis (§. 398. *part. 3. Jur. nat.*), societati perinde competens quoad ea; quæ ad societatem spectant, quemadmodum hominibus singulis quoad actiones suas (§. 146. *part. 1. Jur. nat.*). Quemadmodum itaque homo quilibet in agendo prorsus independens est a voluntate alterius, nec in eo dependet nisi a seipso (§. 153. *part. 1. Jur. nat.*); ita quoque societas independens a voluntate extranei cujuscunque, nec in iis, quæ ad eandem spectant, dependet nisi a seipsa, seu consentiente sociorum voluntate, quæ societatis voluntas habetur. Leges adeo de iis, quæ ad societatem spectant, ferre ac latas iterum tollere & immutare, iisdemque alias addere potest, prouti eidem visum fuerit. Ne tamen faciat, quod minus rectum est, quid expediat ex fine societatis dijudicandum (§. 7.). Sicuri vero communis sociorum consensus requiritur, quando leges primum conduntur (§. 45.); ita quoque tolli nequeunt nisi communi eorundem consensu, neque aliter etiam quicquam in iis immutari potest.

§. 49.

*Quid proprie leges
sint.*

Leges præscribunt media, quibus finis societatis obtinetur. Societas enim contrahitur finis consequendi causa (§. 1.). Enimvero qui vult finem, media etiam velit necesse est (§. 941. *Ontol.*) Quamobrem cum communi sociorum consensu determinandum sit, quid finis consequendi gratia in societate fieri debeat (§. 44.); de mediis quoque inter se convenire iidem debent, quibus finem obtinere datur (§. 698. *part. 3. Jur.*)

Jur. nat.). Quoniam igitur quæ finis consequendi gratia decernunt, ut fiant, sunt regulæ, juxta quas actiones suas determinare obligantur socii (§. 45.); hæ autem sunt leges, quas condunt (§. 131. *part. 1. Phil. pract. univ.*), nec nisi per eas socius unus universis obligari potest (§. 10.); ideo patet, leges præscribere media, quibus finis societatis obtinetur.

Ostenditur etiam hoc modo. Leges sunt regulæ, juxta quas socii qua socii actiones suas determinare obligantur (§. 131. *part. 1. Phil. pract. univ.*), consequenter cum socii obligentur ea facere, quæ ad finem societatis consequendum faciunt (§. 7.), eandem præscribunt, quid fieri debeat, ut societas finem, cujus gratia inita (§. 1.), consequatur. Quamobrem cum ea, per quæ finem consequi datur, sint media (§. 937. *Ontol.*); leges præscribunt media, quibus finis societatis obtinetur.

Cum societas finis consequendi causa contrahatur (§. 7.); sociis quoque qua sociis non aliæ competunt actiones, nisi quæ ad finem consequendum faciunt. Hæ actiones sunt media, quibus finem consequi datur. Leges easdem determinant, atque adeo media finem consequendi præscribunt. Quoniam in societate omnia referuntur ad finem, cujus gratia inita (§. 1.); de nullis quoque actionibus sociorum disponi potest a societate, nisi quæ respectum quandam ad finem ejusdem habent. Qualescunque igitur fuerint actiones, de quibus leges disponunt, eandem semper ad finem referuntur. Quamvis vero rationes legum non semper desumantur immediate a fine; in eum tamen tandem resolvuntur, aut certe resolvi debent. Quodsi contingere supponas, ut feratur lex, cujus ratio a fine non derivatur, ea perperam pro lege societatis habetur. Et si vel maxime ad eam sancte colendam sese sibi invicem obligent socii; non tamen obligatio hæc venit ex societate, sed ex promissione societati extrinseca, quæ etiam sine ea locum habere poterat. E. gr. Ponamus socios inter se convenire, quod decimam lucri partem pauperibus dare velint.

Hac lege quidem tenentur singuli; non tamen qua socii, sed quatenus pacto, quod adjicitur societati, obligantur. Nimirum hoc in casu perinde est, ac si quis de suo certam partem pauperibus dare sese ceteris obligasset.

§. 50.

De necessitate custodia legum ad salutem societatis.

Quoniam leges præscribunt media, quibus finis societatis obtinetur (§. 49), sine mediis autem is obtineri nequit (§. 937. *Ontol.*); ad finem societatis consequendum progredi non datur sine legum custodia (§. 138. *part. 1. Phil. pract. univ.*), consequenter cum salus societatis in non impedito progressu ad finem societatis consequendum consistat (§. 11.); sine legum custodia salus societatis subsistere nequit.

Quando leges servantur, socii singuli faciunt, quod iisdem præscribitur (§. 138. *part. 3. Phil. pract. univ.*). Atque ita progrediuntur, quantum in ipsis est, ad finem societatis consequendum. Salus adeo societatis tanta est, quanta per socios esse potest (§. 11.). Quodsi enim extrinsecus adveniant impedimenta inevitabilia atque insuperabilia; id referendum inter adversa, quæ toleranda, mutari autem non possunt. Salutem societatis unusquisque sociorum curæ habere debet (§. 16.), sed quantum in potestate est, cum ad impossibilia nemo sese alteri obligare possit (§. 209. *part. 1. Phil. pract. univ.*).

§. 51.

De transgressione legum non ferenda.

Quoniam sine legum custodia salus societatis subsistere nequit (§. 50.), unusquisque vero sociorum salutem societatis curæ habere debet (§. 16.); in societate ferendum non est, ut a lege recedatur, aut ab uno vel altero socio fiat, quod eisdem adversatur, consequenter transgressio legum minime ferenda (§. 139. *part. 1. Phil. pract. univ.*).

Nosse media, quibus finis obtinetur, non sufficit, ut eum consequaris, sed si consequi velis, iisdem utendum. Quamobrem si finis societatis obtineri, nec ea gratis contracta esse debe-

debeat (§. 1.), non sufficit condere leges salutares, sed curandum inprimis ut servantur. Legum adeo transgressio minime ferenda (§. 138. 139. *part. 1. Phil. pract. univ.*). Quodsi leges non servantur perinde est, ac si nullæ essent. Nil prosunt leges quam maxime salutares, nisi servantur. Haud postrema igitur cura societatis est, omni modo præcavere, ne contra leges quid committatur, utendo suo jure, quod universis in singulos competit (§. 9.).

§. 52.

Societati jus est sancienti pœna legum observantiam, tum et- De jure præmiam proponendi, qui observaverint. Egenim societati *namque* competit jus ferendi leges de iis, quæ ad eandem spectant *præmiorum*. (§. 46.), & transgressio legum minime ferenda (§. 51.). Singuli adeo socii obligandi sunt ad legum observantiam (§. 118. *part. 1. Phil. pract. univ.*). Quamobrem cum ad servandam legem positivam, quales sunt leges societatis (§. 44. *b.* & §. 149. *part. 1. Phil. pract. univ.*), homo aliter obligari nequeat, quam poenis atque præmiis (§. 300. *part. 1. Phil. pract. univ.*); societati jus est sancienti pœna legum observantiam, tum etiam præmia proponendi, qui observaverit.

Quoniam societas pactum, vel quasi pactum est (§. 1.); socii sibi invicem promittunt, aut promittere saltem præsumunt, quod stare velint iis, de quibus fuerit conventum (§. 788. *part. 3. Jur. nat. & §. 45. b.*), consequenter quod leges observare velint (§. 131. *part. 1. Phil. pract. univ. & §. 45. b.*). Atque adeo ex promissione ista nascitur obligatio observantæ legum (§. 363. *part. 3. Jur. nat.*), quam obligatio naturalis firmat, quatenus lex naturæ pactorum observantiam injungit (§. 789. *part. 3. Jur. nat.*). Hactenus itaque socii naturaliter obligantur observare leges. Idem etiam patet hoc modo. Unusquisque sociorum salutem societatis curæ habere debet (§. 16.). Quamobrem cum sine legum custodia, vel observantia salus societatis consistere nequeat (§. 50.); unusquisque socio-

rum

rum naturaliter obligatur servare leges. Enimvero naturalis ista obligatio non semper efficax est, quia indies experimur, homines non semper sua veluti sponte facere, quod est officii sui, ac suo loco rationes reddemus evidentes, cur in eo vel negligentes, vel refractarios sese præbeant. Contingit itaque etiam in societate, ut legem, quam observare debebant, transgrediantur socii. Ubi ergo obligatio naturalis non sufficit, ut caveatur, ne quid contra leges, salutis societatis fulcrum (§. 50.), committatur; obligatio positiva requiritur, tanquam medium unicum cohibendi transgressionem legum. Enimvero obligatio positiva sine sanctione pœnali, qua pœna adjicitur legi positivæ (§. 289. *part. 1. Phil. pract. univ.*) & præmiorum promissione introduci nequit (§. 301. *part. 1. Phil. pract. univ.*); legum adeo observantia in societate pœna scienda, vel præmiorum etiam promissione procuranda. Ipsa igitur lex naturæ societati tribuit jus sciendi pœna legum observantiam, tum etiam præmia proponendi, qui observaverint (§. 159. *part. 1. Phil. pract. univ.*). Nimirum omnis obligatio positiva vim suam accipit a naturali, & jus positivum defendit ipsa lex naturæ; alias enim illa coactio physica illicita, & hoc impunitas agendi inter homines erit. Non igitur inconsultum duximus originem juris pœnarum in societate altius repetere. Ceterum facile patet, pœnarum metu caveri, ne socii contra legem quid committant, præmiis autem obineri, ut in legibus observandis magis circumspectos ac diligentes sese præbeant. Quando vero præmiis, quando pœnis scienda sit observantia legum, & quibusnam præmiis ac pœnis locus sit, in casibus particularibus rectius ostendetur.

§. 53.

*Quomodo
pœna & præ-
mia decerni
debeant.*

Quoniam societati jus est sciendi pœna legum observantiam, tum etiam præmia proponendi, qui observaverint (§. 52.), quicquid vero in societate finis consequendi gratia fieri debet, communi sociorum consensu determinandum (§. 44.); pœna ac præmia legibus addenda decerni debent communi sociorum consensu.

Pœna

Pœnæ adeo ac præmia, quibus introducitur in societate obligatio positiva a naturali distincta & ad eam accedens eandemque firmans (*not. §. 52.*), efficiuntur voluntate sociorum, ac ideo humana sunt, non naturalia; quicquid enim voluntate hominum constituitur, humanum est, naturale autem, quod ipsa natura constituit.

§. 54.

Quia pœnæ ac præmia decernenda sunt communi sociorum consensu (§. 53.), *pœnarum ac præmiarum qualitas & quantitas a voluntate sociorum dependet: quoniam tamen per pœnas ac præmia intenditur observantia legum (§. 52.), ac quanta* *quantitas a voluntate sociorum dependet: quoniam tamen per pœnas ac præmia intenditur observantia legum (§. 52.), ac quanta* *tanquam finis (§. 617. part. 1. Phil. præct. univ.), ac quanta* *eadem media sunt, quibus id obtineri debet, ut socii singuli leges observent, nil vero contra eas committant (§. 937. Ontol.); tales ac tanta legibus addenda sunt pœna, qua ad* *obviam legum transgressionem, quantum datur, sufficiunt, ta-* *lia ac tanta proponenda sunt præmia, quæ observantiam totam appetitui commendant, seu ad hoc sufficiunt, ut appetitus rationi obediat.*

Pœnæ equidem & præmia arbitraria sunt, quatenus ab arbitrio sociorum dependet, num & qualia ac quanta præmia legum observantiæ addere velint: arbitrium tamen ratio regit, ne jus pœnas ac præmia legibus addendi vertatur in licentiam, ac a vitiis labem contrahat exercitium juris. Lex naturæ dat societati jus ad pœnas & præmia decernendum (§. 52.), aut non in specie determinat illorum qualitatem ac quantitatem: quatenus tamen obligat ad recte (§. 189. part. 1. Phil. præct. univ.), sapienter atque prudenter agendum (§. 254. 258. part. 1. Jur. nat.), pœnæ quoque ac præmia, five qualitatem, five quantitatem spectes, ita determinanda sunt, sicuti ratio, sapientia ac prudentia jubet. Oppido adeo falluntur, qui arbitrium sociorum adeo liberum censent, ut eorum voluntas sit loco rationis, quasi illud nulla prorsus lege regatur. Nimirum quando pœnæ ac præmia constituta sunt, sociis singulis rationis loco (*Wolffii Jur. Nat. Pars VII.*)

F

coest

co est voluntas univerforum; ast quando constitui debent, alia omnino rationes attendendæ sunt, ne quid constituatur, quod minus rectum sit, aut sapientiæ ac prudentiæ adversum. Idem intelligitur de legibus humanis & de iis, quæ arbitrii humani esse dicuntur, in genere. Quodsi homines lubenter facerent, quod est officii sui, consequenter socii, ad quod faciendum obligantur; nullis opus esset poenis, nec locus esset præmiis. Enimvero quia non omnes rationi obediunt, sed appetitu in transversum aguntur; ideo poenis a deviis retrahendi & præmiis in viam rectam alliciendi.

§. 55.

De obligatione sociorum ad poenam subeundam & præmia præstanda.

Socii singuli obligantur universis ad poenam subeundam, si contra legem, cujus observantia poena sancita, quid commiserint, & universi se obligant singulis, quod præmia observantia legum adscripta præstare velint. Quoniam enim poenæ communi sociorum consensu legibus adduntur (§. 53.), singuli declarant, quod poenam subire velint, si contra legem quid commiserint, seu eam non observaverint, atque in universos transferunt jus eam a se exigendi, cum alias frustra decernerentur, consequenter singuli promittunt universis, quod poenam subire velint, si quid contra legem commiserint, cujus observantia poena sancita (§. 361. part. 1. Jur. nat.). Enimvero homo homini promittendo perfecte sese obligat (§. 363. part. 3. Jur. nat.). Quamobrem singuli socii sese obligant universis ad poenam subeundam, si contra legem, cujus observantia poena sancita, quid commiserint. *Quod erat unum.*

Non abfimili modo ostenditur, universos sese obligare singulis, quod præmia observantiæ legum adscripta præstare velint, quatenus nimirum communi consensu facta præmiorum utpote ab universis præstandorum adscriptio continet horum promissionem, quæ sit singulis. *Quod erat alterum.*

Teme-

Temere pœnæ ac præmia legibus adderentur, nisi qui legem violant obligarentur ad pœnam subeundam ac qui legem observant jus haberent præmium exigendi. Quoniam itaque dum de pœnis ac præmiis conveniunt socii, iidem non intelligunt nihil agere velle; necesse omnino est, ut singuli sese obligent universis ad pœnam subeundam & universi singulis ad præmium præstandum.

§. 56.

Quoniam socii singuli se obligant universis ad pœnam subeundam, si contra legem, cujus observantia pœna sancita, quid commiserint, universi se obligant singulis, quod præmiæ observantiæ legum adscripta præstare velint (§. 55.). mereri autem dicimur id, ad quod patiendum ab aliis ob actiones malas obligamur, tum etiam illud, ad quod ob actiones bonas alii nobis obligantur (§. 785. part. 1. Phil. præf. univ.); qui contra legem, cujus observantia pœna sancita est, quid committit, pœnam meretur, præmium vero, qui legem observavit, cui præmium adscriptum. Unde porro patet, meritum pœna consistere in obligatione pœnam subeundi, meritum autem præmiis in jure præmium exigendi (§. cit.).

*De merito
pœna ac præ-
mii.*

Quod pœnæ meritum dicimus, a scholasticis demeritum appellatur, qui meritum in bono, demeritum in malo sensu accipiunt. In sensu ecclesiastico *Reatus* dicitur, qui significatus etiam apud Jurisperitos invaluit, miro, ut ait *Stephanus* in Thesauro L. L. errore. Quemadmodum vero significatus vocabulorum vulgo admodum vagus est, ita etiam tam demeritum, quam reatus pro crimine seu actione pœna digna accipitur. Sed consultius nobis fuit retinere vocabulum meriti in eo significato, quem eidem tribuimus (§. 785. part. 1. Phil. præf. univ.), & ab usu veterum non abhorreere putamus, cum usu autem loquendi vernaculo consentire palam est.

§. 57.

De jure puniendi soci-
um.

Quoniam socii singuli se obligant universis ad poenam subeundam, si contra legem, cujus observantia poena sancita, quid commiserint (§. 55.), ex obligatione autem passiva nascitur jus alteri, cui obligati sumus (§. 23. part. 1. Jur. nat.), universis competit jus puniendi socium, si contra legem cujus observantia poena sancita est, quid commiseris, immo cum sanctione poenali introducatur obligatio positiva (§. 291. part. 1. Phil. pract. univ.), adeoque sociis singulis imponatur necessitas observandi legem (§. 118. 138. part. 1. Phil. pract. univ.), si quis socius contra legem, cujus observantia poena sancita est, quid commisit, ab universis puniri actum debet, seu poena ab ea exigenda.

Finis poenarum est observantia legum, quippe quæ peream intenditur. Qui vult finem consequi, is etiam medio uti debet (§. 941. Ontol.). Nisi poena exigeretur, metus poenæ cessaret, quo a delinquendo abstrahendus, qui cupidine contra legem quid committendi corripitur. A jure adeo legis observantiam poena sancienti jus puniendi separari nequit & finis poenæ efficit exactionem necessariam, ut omitti non possit sine detrimento societatis. Quamvis autem metus medeatur appetitui sensitivo ad actionem legi contrariam proclivi tanquam affectus, qui in eodem residet (§. 603. Psych. empir.); non tamen propterea definit esse poena motivum voluntatis, quatenus intellectus judicio melius censetur omittere actionem lege prohibitam, vel committere præceptam, quam illam committendo, hanc omitiendo incurrere malum physicum, in quo poena consistit (§. 285. part. 1. Phil. pract. univ.): mali enim representatio utriusque motivum noluntatis (§. 890. Psych. empir.), & representatio boni qualis est evitatio mali (§. 756. part. 1. Jur. nat.), motivum voluntatis est (§. 890. Psych. empir.). Qui adeo poenam legi addit non aliud agit, quam ut motivum actionis omittendæ, vel committendæ cum eadem conjungat. Atque adeo obligatio activa hic quoque est connexio moti-
vum

cum actione, quemadmodum eandem in genere definivimus (§. 118. *part. 1. Phil. pract. univ.*). Quamvis enim metu pœnæ producatur obligatio passiva, qui tamen alterum obligare eodem vult ad actionem omittendam, vel committendam, non cum illius commissione, hujus omissione connectit metum, sed malum physicum, cujus representatione oritur metus.

§. 58.

Qui in societatem recipitur, promittere tenetur legum societatis observantiam, & nisi expresse promissit, tacite tamen eandem promittere intelligitur. Etenim in societate ferendum non est, ut a lege recedatur, vel a socio quodam fiat, quod eidem adversatur (§. 51.). Nemo igitur in eandem recipi potest nisi sub hac conditione, quod leges societatis servare velit. Quamobrem aut expresse promittere tenetur legum observantiam (§. 361. *part. 3. Jur. nat.*), aut, ubi hoc non fit, tacite tamen eandem promittere intelligitur.

Quando quis in societatem se recipi patitur, eo ipso declarat, quod iisdem obligationibus teneri velit, qua tenentur reliqui, nec alia affectet jura, quam quæ ceteris competunt, cum illæ obligationes ac jura ista efficiant socium (§. 70. *part. 1. Jur. nat.*), nec peculiare quid sibi stipuletur. Ipsa igitur declaratio, quod quis socius esse velit, etiam continet promissionem observantiae legum, sine qua salus societatis consistere nequit (§. 50.) Expressa igitur promissio, qua opus non erat, ex abundanti accedit, quatenus superflua non nocent.

§. 59.

Quoniam qui in societatem recipitur, tacite observantiam legum societatis promittere intelligitur; nisi expresse promittat (§. 58.); qui ex quasi pacto in societatem recipitur, per quasi pactum expresse nil promittat, legum societatis observantiam promittere presumitur (§. 504. *part. 5. Jur. nat.*).

Nimirum qui in societatem expresse consentit, is tacite consentit in ea omnia, ad quæ tanquam socius obligatur, consequenter etiam in leges, quæ media præscribunt ad finem consequendum necessaria (§. 49.), cumque expresse promittat, se socium esse velle (§. 1. b. *§. 788. part. 3. Jur. nat.*), tacite quoque legum observantiam, sine qua salus societatis consistere nequit (§. 50.), promittit. Quamobrem qui in societatem consentire præsumitur, is etiam præsumitur consentire in leges ac promittere legum observantiam. Ipsa lex naturæ præsumit consensum in eo, quem ad consentiendum obligat, quando per datas circumstantias consentire nequit. Clarius hoc elucescet in casu particulari, ubi societas quasi pacto contrahitur,

§. 60.

De obligatione eorum, qui in societatem recipiuntur.

Cum qui in societatem recipitur promittere teneatur legum societatis observantiam & nisi expresse promittat tamen eandem promittere intelligatur (§. 58.), quando autem per quasi pactum recipitur, eandem promittere præsumatur (§. 59.), ex promissione autem oriatur obligatio perfecta ad promissum adimplendum (§. 363. 431. *part. 3. Jur. nat.*); *quamprimum quis in societatem recipitur, ad legum societatis observantiam obligatur.*

Quando quis in societatem recipitur, membrum illius seu socius fit (§. 4.), adeoque statim in eum cadit omnis obligatio, quæ tenet socium. Cum ipsa igitur receptione oritur obligatio ad observantiam legum, a quibus ut recedat socius in societate ferendum non est (§. 51.). Concipere socium absque obligatione ista perinde est, ac triangulum concipere velle sine æqualitate angulorum cum duobus rectis, quia jura ac obligationes ad societatem spectantia efficiunt socium (§. 70. *part. 1. Jur. nat.*), perinde ac tres anguli ex concursu trium rectarum resultantes a triangulo separari nequeunt, unde porro necessario consequitur eorundem cum duobus rectis æqualitas, quemadmodum in Elementis demonstratur.

§. 61.

§. 61.

Singulis sociis jus est declarandi voluntatem suam de eo, quod fieri debet in casu emergente, qui ad societatem spectat. Cum enim ratione voluntati societati propositum sit conjunctis viribus finem quendam *tatis sua* in consequi (§. 1.); si casus quidam emergit, qui ad societatem *consultatio* spectat, de eo deliberandum, quid finis consequendi causa *nibus* fieri debeat. Quoniam itaque communi sociorum consensu determinandum, quid finis consequendi gratia fieri debeat (§. 44.); necesse omnino est, ut unusquisque declaret voluntatem suam de eo, quod fieri debet (§. 658. *part. 1. Phil. pract. univ.*). Patet itaque singulis sociis jus esse declarandi voluntatem suam de eo, quod fieri debet in casu emergente, qui ad societatem spectat (§. 156. *part. 1. Phil. pract. univ.*).

Consultatio, qua disquiritur, quid sit agendum, vel non agendum (§. 498. *part. 1. Theol. nat.*), præcedit decretum (§. 499. *part. 1. Theol. nat.*), quo determinatur voluntas ad agendum, vel non agendum (§. 497. *part. 1. Theol. nat.*). Quoniam communi sociorum consensu determinandum, quid finis consequendi causa in societate fieri debeat (§. 44.), si casus quidam emergit, in quo tale quid determinandum, socii omnino consultare debent de eo, quod fieri debet, æque voluntatem suam de eodem declarare. Jus adeo eandem declarandi nascitur ex ipsa obligatione conjunctis viribus bonum commune pro virili promovendi (§. 12.), cum finis societatis obtineatur, quando id promoveretur (§. 11.).

§. 62.

Declaratio voluntatis suæ de eo, quod plurium consensu determinandum, dicitur *suffragium*, minus quidem Latine, attamen usitatus *Votum*.

*Suffragium
vel votum
quid sit.*

E. gr. Si certo collegio competit jus eligendi ministrum ecclesiæ, singulorum membrorum consensu determinanda est persona,

sona, cui hoc munus conferendum. Quando igitur unusquisque declarat, cuius personæ hoc munus conferri debeat; declaratio ista dicitur votum. Et qui voluntatem suam declarat, *vote* dicitur, Latinius *ferre suffragium*. *Votare* nimirum, quod vocabulum posterioris Latinitatis est, proprio idem significat, quod *vovere*. Enimvero cum rerum cognitioni jam studeamus; consultius est retinere vocabula usitata, ut quæ dicuntur & facilius intelligantur, & suo loco applicentur, quamvis apud probatos auctores in eo significatu ea non occurrant.

§. 63.

De jure votandi.

Quoniam singulis sociis jus est declarandi voluntatem suam de eo, quod fieri debet in casu emergente, qui ad societatem spectat (§. 61.), consequenter quando consultatur (§. 498. *part. 1. Theol. nat.*), hæc autem declaratio votum est (§. 62.); sociis singulis jus votandi competit, seu singuli votum habent. Quoniam tamen non modo quilibet juri suo, quod naturaliter ipsi competit, renunciare potest (§. 118. *part. 3. Jur. nat.*), verum etiam de iis, quæ ad societatem spectant, leges condere possunt socii (§. 46.); ideo *non repugnat, ut socii quidam non habeant votum, & quod de jure votandi sancitum, id vales, consequenter nemo sibi votum arrogare potest, qui per leges habere nequit.*

Naturale omnino est, ut socii singuli habeant votum, quia voto declaratur, quid finis consequendi causa fieri, vel non fieri debeat (§. 62.), hoc vero communi sociorum consensu determinandum (§. 44.). Quoniam tamen jura sociorum etiam merienda sunt ex eo, de quo in pacto, quo societas inita, specialiter fuit convenum (§. 10.), & quando societate contracta communi consensu quid statutum fuit, id singulis observandum (§. 45.); de jure votandi socii sancire possunt, quod placuerit, atque adeo tenendum erit, quod statutum fuerit. Quodsi vero de eo nihil fuerit definitum, in id consensisse videntur socii, dum societatem contraxerunt, quod naturale est: hoc

hoc enim immutatum tacite non intelligitur. Quando paciscuntur homines, illud naturale est, quod fluit ex eo, in quod in genere consenserunt, quia de hoc nihil convenientes in id tacite consensisse censendi, quod naturale est. Quoniam tamen nemo sibi alterum obligare potest ultra voluntatem suam, nec plus juris ab eo acquirere, quam is in ipsum transferre voluit (§. 382. *part. 3. Jur. nat.*); ideo, quod naturale, non ejus necessitatis est, ut immutari non possit.

§. 64.

Votum affirmativum dicitur, quo quis declarat, se velle, *Voti affirmativum* ut quid fiat, vel suam de eo, quod fieri debet, voluntatem: *mativi* & *affirmativum* aut *negativum* vocatur, quo quis declarat, se nolle, ut quid *negativum* fiat, seu suam de eo, de quo consultatur, noluntatem. *negativum* *finis*.

Quando enim consultatur, de eo queritur, quid fieri debeat, vel non fieri debeat. Quodsi quidam affirmant, fieri debere, alii negant; illorum vota affirmativa, horum negativa sunt; si negent omnes erunt vota omnium negativa. Sunt vero adhuc vota affirmativa, si quidam volunt hoc fieri debere, alii vero aliud. Vota igitur non modo affirmativa & negativa, verum etiam affirmativa inter se contendere possunt.

§. 65.

Vota consentientia dicuntur eorum, quibus idem placuit. *Vota quando* erit, seu qui eisdem sunt sententia: *consentientia* vero illorum, quibus diversa placent, aut quorum sententia in diversa, *consentientia* quando versum abeunt. Per se patet, *consentientia* *affirmativa* & *negativa* *consentientia* esse, quam etiam *affirmativa* *disconsentientia* esse possunt. *disconsentientia* (§. 64.).

Denominatio votorum consentientium & disconsentientium derivatur a notione consensus ac dissensus (§. 658. 659. *part. 1. Phil. pract. univ.*). Sunt vero vota consentientia eadem (§. 181. *Ontol.*); disconsentientia diversa (§. 183. *Ontol.*).

§. 66.

Vota unanimia dicuntur, quando vota omnium consentientia sunt. *Vota majora* sunt vota consentientia majoris partis; *minora* vero consentientia partis minoris eorum, qui suffragia ferunt. Votorum majorum conjunctio *Pluralitas* vocorum appellari solet.

Idiomate patrio votum vocare solemus eine *Stimme*, & vota unanimia einhellige *Stimmen*, majora vero die meisten *Stimmen*. Quando vota unanimia sunt, omnium votantium eadem est sententia, idemque animus, ut adeo ab uno intellectu & una eademque voluntate profecta videantur: id quod etiam de consentientibus intelligitur. Qui enim idem volunt, eorum de eadem re idem intelligitur iudicium.

§. 67.

Vota paria dicuntur, quando consentientium ac dissentientium idem est numerus, seu quando pro utraque contradictionis parte, vel duabus sententiis totidem sunt vota.

E. gr. Si duodecim fuerint, qui suffragium ferunt, & sex affirmant aliquid fieri debere. Qui affirmant utique inter se consentiunt, seu ejusdem sunt sententiæ; qui vero negant id fieri debere, illis diversa placent, adeoque vota eorum ab illorum votis dissentiunt. Erunt igitur vota paria. Paritati votorum obstat, si qui dissentiant inter se non consentiant: non sufficit nimirum, ut dimidia pars eorum, qui suffragium ferunt, inter se consentiant. Si enim in exemplo, quod dedimus, sex fuerint, qui inter se consentiunt; quibus non idem placet, hi omnes quidem ab iisdem dissentiunt, quamvis eorum quoque sententiæ non sint concordēs, ut adeo sex consentire, sex ab illis dissentire recte dicantur, nondum tamen inde sequitur votorum paritas.

§. 68.

Negotium dicitur complexus omnium actionum ad aliquid obtinendum, vel efficiendum requisitarum. *Negotium* adeo

adco cognoscit, qui actiones omnes ad id obtinendam vel efficiendam consistas habet, cujus obtinendi, vel efficiendi causa agitur.

Negotium hic definimus in genere tribuendo vocabulo omnem significatus latitudinem, quam is habere potest. Ita negotium est contrahere matrimonium, ad id enim contrahendum plures requiruntur actiones, & qui eas omnes cognoscit, negotii hujus notitiam habet. Similiter librum conscribere negotium est, & qui novit, quænam sibi agenda sint, ut is conscribatur, negotium hoc cognoscit. Liberos educare negotium est, & is, qui omnes actiones ad educationem liberorum requisitarum perspectas habet, negotium hoc agnoscit. Statuam facere negotium est, & qui novit, quænam facienda sint, ut statua efficiatur, negotium hoc cognitum habet. Cultus divinus negotium est, & qui novit quænam actiones ad eundem requirantur, negotium istud cognoscit. Exempla, quæ hic damus, abunde loquuntur, quam late pateat negotium, & quam multa negotiorum sint genera, horumque species. Non itaque mirum videbitur, quod in eo definiendo terminis admodum generalibus utendum fuit. Nostrium autem in præsentī non est, omnia negotia humana reducere ad sua genera & iis subordinare suas species. Definitione enim generali, quæ scopo præsentī satisfacit, contenti esse possumus ac debemus.

§. 69.

Negotium exitum habere dicitur, quando id obtentum, vel effectum fuit, cujus obtinendi, vel efficiendi causa ag-
batum. *gotium ha-*
beat exi-

Ita negotium in iis, quæ modo dedimus exemplis (not. §. tam. 68.), perfectum est, si matrimonium consummatum, si liber fuerit conscriptus, si liberi fuerint educati, si statua perfecta, si cultus divinus peractus. Notandum vero est, haud raro negotium aliquod tanquam totum continere plura negotia par-

ticularia tanquam partes. Quemadmodum enim actiones humanæ plerumque compositæ sunt, ita ut ex pluribus simplicibus internis atque externis tanquam totum aliquod ex suis partibus constet, & ex compositis simplicioribus denuo oriuntur nova conjunctione aliarum magis compositarum; ita quoque negotia simpliciora ingrediuntur alia composita, & ex compositis simplicioribus nascuntur magis composita. Hinc distinctæ notionēs actionum atque negotiorum formantur resolvendo composita in simpliciora, & notionēs adæquatæ evadunt, si continua resolutione tandem degeniatur ad actiones irresolubiles (§. 682. 683. *Log.*). Philosophia practica tota occupatur in actionum humanarum & negotiorum analysi, quæ cum hætenus non satis fuerit expensa, ea quoque multiplicitate adhuc laborat defectu, nec nova indies capere potest incrementa, quemadmodum Mathesis.

§. 70.

Quod habere debeat.

Quoniam negotium exitum habet, quando id obtinetur, vel effectum fuit, cujus obtinendi vel efficiendi causa agebatur (§. 69.); si negotium non habeat exitum, frustra, adeoque revera nihil agitur. Quamobrem cum negotium tractans aliquid agere velit (§. 68.); negotia exitum habere debent, consequenter curandum est, ut exitum habere possint.

Principium hoc fecundissimum est in omni philosophia practica cum ad demonstrandum, tum ad operandum.

§. 71.

Vota meliora quam vota sunt.

Quando vota inter se contendunt, meliora dicuntur eorum vota, quorum de eo, quod fieri debet, iudicium verius est.

Qui enim de negotio aliquo consultant, iudicare debent, quid fieri debeat, aut non fieri. Quamobrem cum in omni negotio aliquid intendatur tanquam finis (§. 68. & §. 932. *Ontol.*), de eo quaritur, quomodo finis iste obtineatur. Qui ergo

ergo votum fert, is pronunciat, quomodo finem propositum obtineri posse sibi videatur. Nemo igitur negaverit iudicium esse debere verum, scilicet quod hoc modo finem intentum consequi detur (§. 505. *Log.*). Enimvero fieri potest, ut, quando eundem non uno modo consequi possumus, modus unus præstet altero, adeoque verius erit ejus iudicium, quod finem certius, breviori via, facilius & si non ex asse, saltem majore ex parte consequi insinuat. Immo contingit etiam, ut iudicium aliquod veritatem quidem attingat in genere, quatenus scilicet consentaneum est principiis generalibus, attamen ab eadem recedit quoad circumstantias speciales, quæ attendendæ erant in casu præsentis, atque adeo veritatis quidem aliquid continet, sed non omnem, consequenter aliud verius esse potest. In casu particulari facilius discernere, quid veri subfit iudicio, modo sufficiens adsit acumen. Ceterum hinc patet, cur in definitione præsentis non dicamus, votum melius requirere iudicii veritatem, sed saltem, quod verius esse debeat. Accedit, quod in rebus humanis ut plurimum acquiescendum sit in probabilitate, atque adeo iudicium sit verius, quod probabilius. Unde etiam votum habetur melius, si iudicium, quod fertur, fuerit probabilius.

§. 72.

Vota ponderari dicuntur, quando inquiritur, quænam *De votorum* sint meliora. Quamobrem cum vota meliora sint, quando *ponderatio-* iudicium de re proposita verius (§. 71.), consequenter etiam quando idem probabilius (§. 579. *Log.*), de probabilitate autem & veritate difficulter judicari, nemo non absque probatione admittat; *vota difficulter ponderantur.*

Ponderatio votorum supponit theoriam negotii, de quo consultatur, ne desint principia, ex quibus judicandum, quid sit verum, vel probabile. Supponit quoque dexteritatem regulas Logicæ applicandi, aut, si mavis, habitum demonstrandi. Immo quando de probabilitate quæstio est, supponit modum probabilitatem æstimandi, qui ad Logicam probabilium pertinet.

rinet. Quodsi præsentem disciplinarum statum perpendamus, & quænam sit Logica docens genuina (§. 26. & seqq. Log.), quantum ad hoc requiratur, ut logicam artificialem utentem possideamus (§. 12. Log.), præterea non ignoremus, Logicam probabilium adhuc in desideratis esse; de difficultate ponderandi vota non amplius dubitabimus.

§. 73.

*De dissensu
inponde-
randis vo-
tis.*

Quia vota difficulter ponderantur (§. 72.), mirum non est, si ponderari debeant, unumquemque in iisdem ponderandis suo abundare sensu, consequenter non sperandum esse consensum patet.

Quodsi ad animum revocaveris ea, quæ votorum ponderationem difficilem reddunt (not. §. 72.), & præterea consideraveris homines quoque in hoc negotio plus sperare de facultatibus suis, quam in iis est, quia ponderandi impotentiam non agnoscunt; facile perspicias, cur in votis ponderandis quilibet suo abundet sensu.

§. 74.

*Conclusum
quid sit.*

Consultantes *concludere* dicuntur, quando votis inter se collatis determinatur, quid fieri, aut non fieri debeat. Unde *Conclusum* dicitur, quod fieri aut non fieri debere per vota determinatum, vel determinatio ejus, quod fieri, aut non fieri debet per vota, seu sententia consultantium de eo, quod fieri vel non fieri debet, ex votis illata.

Nimirum qui consultant, statuere debent, quid in casu dato sit faciendum, aut non faciendum. Quando suffragia feruntur, unusquisque sententiam suam declarat. Ex votis itaque quando colligitur, quænam sententia valere debeat, tum concluditur, & ea sententia, in quam deliberantes consentiunt, conclusum appellatur. Dicendum erat rectius decretum (§. 497. part. 1. Theol. nat.); sed terminus receptus est conclusum, etsi minus Latine dicatur. Retinendus vero est terminus

nus inter nos usu receptus (not. §. 62.). E. gr. Si iudices deliberant, utrum reus sit condemnandus, an absolvendus, & postquam singuli dixere sententiam suam, in eam consentitur, quod sit absolvendus, sententia hæc dicitur conclusum & iudices concludere dicuntur, quod sit absolvendus.

§. 75.

Vota unanimia concludunt. Vota enim unanimia quando sunt, omnium vota sunt consentientia (§. 66.), adeoque omnibus votantibus idem placet (§. 65.). Quamobrem cum per vota determinandum sit, quid fieri, aut non fieri debeat, quando de negotio aliquo consultatur (§. 62.); hoc omnino fieri debet, quod volunt vota unanimia. Quoniam itaque concluditur, quando quid fieri debeat per vota determinatur (§. 74.); vota unanimia utique concludunt.

Ita si omnium hæc fuerit sententia, reum esse absolvendum; alia ex votis sententia inferri nequit, quam reum absolvendum esse. Id nimirum valet, quod omnibus ac singulis visum fuerit.

§. 76.

Quando vota inter se contendunt, meliora concludere nequeunt. Quando enim vota inter se contendunt, seu in diversa abeunt, nec unus alteri cedere vult, sed in sua sententia acquiescit; dissentientium pars quælibet affirmabit votum suum esse melius: quodsi enim concederet, votum partis adversæ melius esse, idem approbaret, adeoque in sententiam ejus abiret, quod est contra hypothesin. Quamobrem per vota meliora determinari nequit, quid fieri, aut non fieri debeat. Quoniam itaque concluditur, quid fieri, aut non fieri debeat, quando alterutrum per vota determinatur (§. 74.); quando vota inter se contendunt, meliora concludere nequeunt.

Quan-

Quando vota inter se contendunt, si consultatio exitum habere debeat, necesse est, ut definiatur, quænam vota prævalere debeant. Quamvis adeo lex naturæ nos obliget ad id, quod altero melius, eidem præferendum (§. 192. *part. 1. Phil. præst. univ.*), adeoque legi naturæ convenire videatur, ut vota meliora præferantur, quando concludendum; cum tamen per id, quod melius est, partes dissidentes non discerni possint, impossibile est, ut pro lege sit, id concludendum esse, quod volunt vota meliora. Lex naturæ in conscientia singulos votantes obligat, ut quis mutato voto iis accedat, quorum votum est melius; jure autem externo cogi nequi, ut accedat, id si suo melius agnoscere nolit. Cum enim prætendat, votum suum melius esse, eodem jure, quo tu hoc urges, ipse a te exigere, ut voto suo accedas. Quod si ergo vota meliora præferenda esse statuas, litibus nunquam terminandis latæ pendentur fores, adeoque magno conatu nihil ageretur. Vota unanimia concludere, meliora concludere non posse adeo clarum est, ut utrumque sine probatione instar postulati sumi possit. Nemo enim est, qui utrumque non ultro concedat, modo intelligat, quid sit votum, quænam vota unanimia dicantur, quænam meliora.

§. 77.

*Cur in concludendo
vota non
ponderen-
tur.*

Quoniam vota meliora concludere nequeunt (§. 76.), vota autem ponderantur, quando inquiritur, quænam sint meliora (§. 72.); quando concludendum, vota ponderari nequeunt.

Non est quod dicas, jus ponderandi vota uni conferri posse, ut consultatio habeat exitum, adeoque quid concludatur, conclusum enim consultationis exitus est (§. 69. 74.) Etenim hoc perinde esset, ac omne jus decernendi, quid fieri debeat, vel non debeat, transferre in unum & aliorum saltem rogare consilium (§. 983. *part. 1. Theol. nat.*), ita ut sequendum sit, quod uni placuerit: id quod notioni voti repugnat (§. 62.).

§. 78.

§. 78.

Quia vota ponderari nequeunt (§. 77.); *unius votum De valore tantumdem valere debet, quantum valet alterius, seu singulorum votorum. vota ejusdem sunt valoris.*

Valor votorum consistit in efficacia ad concludendum, quia per vota determinandum est, quid fieri debeat (§. 62.), adeoque vota concludere debent (§. 74.). Nimirum quando, quid fieri debeat, omnium consensu determinandum est, quemadmodum obtinet, ubi vota concludere debent (§. 62. 64.); non rationes attenduntur, sed voluntate eorum, qui suffragia ferunt, standum est, etsi unicuique sint suæ rationes, cur hoc velit. Et si quis vel maxime rationem voti sui reddat, id saltem facit ad informandum ceteros, non vero voto valorem conciliat. Valor adeo voto per se inest, quatenus votum est, qualescunque tandem tibi sint vel a te afferantur rationes, cur hoc velis, aut nolis. Sufficit te hoc velle, quando consensus tuus ad decernendum requiritur (§. 658. part. 1. *Phil. pract. univ.*). Votum valorem suum habet a jure votandi, non a veritate, aut probabilitate ejus, quod tibi videtur. Hæc curæ cordique tibi esse debet, quando voluntatem tuam determinare debes ad id, quod fieri debet: at ubi a consultatoribus determinandum, quid fieri debeat, id ratum esse debet, quod volunt vota.

§. 79.

Si vota inter se contendunt, seu unanimia haberi nequeunt; De effectu
vota majora concludunt. Vota feruntur de eo, quod plurium *pluralitatis*
consensu determinandum (§. 62.). Quando vota unanimia non sunt, non omnes consentiunt in idem (§. 66.), *votorum.*
consequenter si nonnisi unanimibus standum, quid fieri debeat, determinari nequit, atque adeo consultando nihil agetur, nec negotium exitum habere potest (§. 69. 73.). Quoniam tamen curandum, ut exitum habeat (§. 70.), quando autem vota inter se contendunt, meliora concludere nequeunt

(*Wolffii Jur. Nat. Pars VII.*) H

queunt (§. 76.), sed unius votum tantundem valet, quantum alterius (§. 78.); ideo necesse est, ut id habeatur ratum, quod volunt plurimi, seu in quod pars major consentit. Quamobrem si vota unanimia haberi nequeunt, vota majora concludunt (§. 66. 74.).

Nimirum si facta consultatione quid concludendum, quod utique intendi debet, unanimia autem haberi nequeunt, aut standum erit votis plurimorum, aut pauciorum. Quoniam omnia vota ejusdem valoris (§. 78.), nulla sane ratio est, cur pauciora præferantur majoribus, sed votorum simul sumtorum valor pendet a numero eorundem; ita ut prævalere dicendum sit, quod volunt plurima. Atque ideo vota dicuntur numerari: votorum enim numerus certus est, ut a nemine in dubium vocari possit, atque adeo præbet principium indubitatum definiendi, quidnam fieri debeat, vel non fieri.

§. 80.

De obligatione sociorum fieri, vel non fieri debeat, quando de negotio ad eam spectante, etante consultatur (§. 44.), quando autem vota unanimia qua in societate decernenda. Quoniam in societate per vota determinandum, quid haberi nequeunt, majora concludunt (§. 78.); qui societatem contrahunt aut postea in eandem recipiuntur, convenire debent, aut, si expresse non convenerint, convenisse præsumuntur, quod, si vota unanimia non sint, majora concludere debeant, consequenter quod illud ratum esse debeat, quod plurimis placuerit (§. 66.), atque adeo, quod majori parti visum fuerit, id habeatur pro communi omnium sententia.

Quod adeo plurimis placet, id ceteris sociis placere debet. Etsi enim absolute impossibile non sit, ut ad concludendum non admittantur, nisi vota unanimia; recte tamen pro moraliter absurdo hoc habendum, quia utique moraliter absurdum est, ut negotium non habeat exitum. Societas contrahitur finis cujusdam consequendi causa. Ea, de quibus consulta-

tur, ad eum consequendum faciunt, cum in consultationem non veniant, nisi quæ aut in numero mediorum, quibus finis obtinendus, aut remedium sunt, quibus impedimenta declinanda, & quæ ad alterutrum suo modo referri possunt. Sociorum adeo animus cum esse debeat conjunctis viribus bonum societatis commune, quod in fine obtento consistit (§. 11.), promovendi (§. 12.), & salutem illius, quæ in non impedito progressu ad finem societatis consequendum consistit (§. 13.), pro suprema lege habendi (§. 16.); societati quoque nihil magis naturale est, quam ut consultationes habeant exitum: quod cum aliter fieri non possit, nisi id, quod maxima pars voluerit, habeatur pro voluntate communi omnium sociorum; vota majora habentur pro unanimibus, quando unanimia haberi nequeunt. In hanc adeo legem cum consensu debeant socii, quando societas contrahitur; si expresse non consenserint, tacite consensisse recte præsumuntur, nisi manifesta absurditate decreverint, nunquam standum esse nisi votis unanimibus.

§. 81.

Vota paria nihil concludunt. Quando vota paria sunt, *De quorum* pro utraque contradictionis parte numero totidem sunt (§. *parium effe-* 67), affirmantium & negantium vel in diversum abeuntium *ctia.* idem numerus (§. 64.). Quamobrem cum vota singulorum sint ejusdem valoris (§. 78.), adeoque affirmativa tantundem valent, quantum negativa vel in diversum abeuntia; quando vota paria sunt, per ea nihil determinari potest. Vota igitur paria non concludunt (§. 73.).

E. gr. Ponamus sex votis reum condemnari, sex absolvi: is nec condemnari, nec absolvi poterit. Similiter ponamus totidem vota esse pro bello suscipiendo, totidem pro pace conservanda; vel etiam totidem de bello finiendo, totidem de eodem continuando; neutrum horum concludi poterit.

§. 82.

Idem porro expenditur. res in eo, quo est, statu, consequenter nihil immutatur, votis existentibus paribus.

Ita si pro bello suscipiendo, vel intermittendo paria fuerint vota, nihil immutatur, adeoque bellum intermittendum est. Si pro bello continuando & finiendo paria extiterint vota, cum nihil immutetur, bellum continuandum est. Si paria vota reum condemnent, paria non condemnent, sed absolvant; eum nec condemnari, nec absolvi possit, impunitus dimittendus: id quod quoad reum quidem perinde est, ac si absolveretur, non tamen quoad iudices, quippe qui non declarant, eum poenam non mereri, seu innocentem esse, cum hoc quasi in dubio relinquatur. Quodsi vota paria fuerint pro pecunia in emtionem prædii impendenda & saniori danda, neutrum horum fieri poterit.

§. 83.

Quando pro possessore est, statu, nihil vero immutatur (§. 82.); si vota paria fuerint, pronuncian- pro possessore pronuncian- dum.

E. gr. Si litigetur de prædio, & quando sententia ferenda, cuiusnam esse debeat, paria sint vota, ejus erit prædium, qui possidet: ita enim nihil immutatur, sed res manet in eo, quo est, statu.

§. 84.

Calculus Minerva quid sit.

Calculus Minerva dicitur decisio negotii controversi per paritatem votorum.

Nomen hoc apud Græcos venit ex fabula de *Oreste*, de qua vide *Æschylum* in *Furiis* & *Euripidem* in *Oreste* & *Electra* traegœdiis. Nimirum *Agamemnon* ab uxore *Chytemnestra* ope *Ægysthi* adulteri interemptus fuerat; *Orestes* filius iisdem insidiis expo-

expositus ut mortem patris vindicaret, matrem & *Egyptum* occidit. Accusatur a Furiis parricidii in areopago. Cum condemnantes una sententia vincerent, Minerva calculum suum adjicit absolventibus, salutarem sententiam ita enuncians: Evafit hic vir ultionem sanguinis, nam calculorum numerus æquus exiit. Atque ita impunitus dimittitur *Orestes*. Ad hunc casum vulgo cum *Grotius* solum restringunt calculum Minervæ, quo scilicet reus ob votorum condemnantium & absolventium paritatem reus impunitus dimittitur: quoniam vero hoc fit, quia, si vota fuerint paria, nihil agitur, quemadmodum ipse *Grotius* de I. B. & P. lib. 2. c. 5. §. 18. agnoscit, si vel maxime concedamus, ab initio calculum Minervæ appellatum fuisse jus per æqualitatem votorum condemnantium & absolventium absolventi reum, per interpretationem tamen extensivam recte transfertur ad omnem casum, in quo per paritatem votorum negotium controversum deciditur (§. 516. *part. 6. Jur. nat.*). Obiter notamus olim iudices calculis nigris damnassee, albis vero absolvisse. Minerva igitur fingitur calculum album apposuisse, ut condemnantium & absolventium vota efficerentur paria. Quamvis vero nomen a fabula originem traxit, non tamen res, quæ eodem denotatur, inde derivanda, cum ipsa votorum paritas in causa sit, cur negotium hoc modo decidendum.

§. 85.

Quoniam calculo Minervæ negotium controversum *Quando* deciditur per paritatem votorum (§. 84.), quando vero vota paria sunt, nihil concluditur a consultantibus (§. 81.); *calculo Minerva locus est, quoties nihil concludendo negotium non* *Minerva locus* *est.* *consequenter exitum habes (§. 69.), non vero eodem locus est, quoties nihil concludendo negotium exitum habere nequit, consequenter quandores in eo, quo est, statu manere nequit.*

Dari istiusmodi negotia, quæ nihil concludendo, adeoque votis paribus existentibus, ad exitum perducì nequeunt, experien-

perientia probat. Ponamus e. gr. pastorem esse eligendum. Ponamus vobis paribus duos nominari. Quoniam vota paria non concludunt (§. 81.); neutri eorum munus sacrum conferri potest. Electio igitur non habet exitum (§. 69.): neque enim Ecclesia sine pastore esse potest, sed necessario aliquis eligendus, Calculo adeo Minervæ in eo casu locus non est.

§. 86.

Quando sal- Si res manere potest in eo, quo est, statu, vel ex eo, quod ni-
va votorum hil concludi possit, sequatur, quid fieri debeat; stante votorum pa-
paritate ne- ritate negotium exitum habet: in casu opposito habere nequit.
gotium exi- Quando enim res manere potest in eo, quo est, statu; de
rum habeat, eo consultatur, utrum in eodem statu manere debeat, nec
quando non. ne. Quodsi ergo res quæ in deliberationem venit, per vo-
 ta in eodem statu manere debet, per ea negotium, de quo
 consultabatur, exitum habet (§. 69.). Enimvero votis pa-
 ribus existentibus res manere debet in eo, quo est, statu
 (§. 82.). Stante adeo votorum paritate negotium exitum
 habet, si res manere potest in eo, quo est, statu. *Quod erat*
primum.

Similiter si ex eo, quod nihil concludi possit, sequatur,
 quid fieri debeat; etiamsi nihil concludatur, negotium ta-
 men exitum habeat (§. 69.), consultatione nimirum non
 alio fine instituta, quam ut determinetur, quid fieri debeat.
 Quoniam itaque votis paribus existentibus nihil concludi-
 tum (§. 81.); si ex eo, quod nihil concludi possit, sequatur,
 quid fieri debeat, stante votorum paritate negotium exitum
 habet. *Quod erat secundum.*

Enimvero si res manere nequit eo, quo est, loco, nec
 ex eo, quod nihil concludatur, sequitur, quid fieri debeat,
 necessario determinandum est, quid fieri debeat, adeoque
 negotium, de quo consultatur, non ante exitum habere pot-
 est,

est, quam postquam per vota quid fuerit conclusum (§. 69. 74.). Quoniam itaque vota paria nihil concludunt (§. 81.); si res manere nequit eo, quo est, loco, nec ex eo, quod nihil concludatur, sequitur quid fieri debeat, stante votorum paritate negotium exitum habere nequit. *Quod erat tertium.*

Atque nunc clarius patet, quando calculo Minervæ locus sit, quando non. Etenim quando quid per vota determinandum; ratio cur hoc fieri, vel non fieri debeat, unice petenda est a votis, seu suffragia ferentium voluntate, nec recurrendum est ad alias aliunde petendas, tanquam extrinsecas: quod enim per alias rationes definitur, id non definitur per vota, quod est contra hypothesin. Quando itaque ex paritate votorum non sequitur, quid fieri debeat, nec negotium, de quo consultabatur, decisum dici potest calculo Minervæ, quippe qui præter votorum paritatem ad decidendum negotium rationem aliam non requirit. Ipsa sane Minerva in fabula de *Oreste* rationem aliam non reddit, cur *Orestes* sit absolutus, quam votorum paritatem. Evasis enim, alit, vir ultionem sanguinis, nam calculorum numerus æquus exit (not. §. 84.). Nihil ergo agunt, qui calculi Minervæ rationes aliunde conquirunt, quam ex eo, quod vi votorum valere debeat. Exempla, quæ dedimus (not. §. 84. 85.) propositionem præsentem illustrant. Ita si vota paria reum damnant & absolvent, cum nec damnari, nec absolvi possit, consequenter nec tanquam nocens in carcere detinendus sit, ut supplicio afficiatur, ex eo sequitur, ut impunitus sit dimittendus. Si vero paria sint pro bello inferendo & pace conservanda vota, cum res manere possit in eo, quo est statu, quemadmodum vi paritatis votorum debet (§. 82.); pax conservabitur. Atque ita in utroque casu negotium, de quo consultabatur, per votorum paritatem deciditur, adeoque exitum habet. Enimvero stante votorum paritate exitum minime habet in casu electionis pastoris ecclesiæ, in quo votis paribus nominantur duæ personæ diversæ, quia munus, de quo agitur, per vota neu-

ra neutri conferri potest, necessario tamen uni cuidam conferendum, nec semper vacare potest.

§. 87.

De eo, quod Si quid uni necessario dandum, vel jus quoddam in unum con-
uni necessa- ferendum, votis autem paribus duæ nominentur persona, quibus il-
rio dandum, lud dari vel in quas jus istud conferri debeat; per vota negotium
vel jure hoc exitum habere nequit. Quoniam enim per vota paria duæ
quod in v- nominantur personæ, quibus aliquid dandum, vel in quas
num neces- jus aliquod conferendum quod nonnisi uni dari, vel in u-
sario confe- nam conferri potest, per vota paria res manere debet in eo-
rendum, si statu, quo est §. 82.), ut scilicet nulli detur. Enimvero quo-
vota fue- niam uni necessario dandum, vel jus in unum necessario
rint paria. conferendum, *per hypothesis*; res in eo, quo nunc est, statu
 manere nequit, neque etiam ex eo, quod per vota paria con-
 cludi nequeat, cuinam, quod dandum est, dari, vel in quem-
 nam jus, quod in unum quandam conferendum, conferri
 debeat, sequitur, quinam rem habere, vel retinere debeat.
 Quamobrem cum negotium non habeat exitum, si res ma-
 nere nequit in eo, quo est, statu, vel ex eo, quod nihil
 concludi possit per vota non sequitur, quid fieri debet (§.
 86.); si quid uni necessario dandum, vel jus quoddam
 in unum conferendum, votis autem paribus duæ nominen-
 tur personæ, quibus illud dari, vel in qua jus istud transferri
 debeat, per vota negotium hoc exitum habere nequit.

• Pertinet huc exemplum de electione pastoris ecclesiæ, quan-
 do paribus votis duæ nominantur personæ (not. §. 85.). Sed
 demus adhuc exemplum aliud. Ponamus aliquibus dari cen-
 tum aureos, in quorum arbitrium confertur, ut eos dent per-
 sonæ, quæ Geometriæ sublimiori operam navare velit, ac in
 ea progressus eximios facere possit. Quodsi paribus votis
 nominentur duæ personæ, negotium non habet exitum, cum
 nonnisi uni dari debeat, per vota autem decidi nequeat, quæ-
 nam

nam ex duabus istis alteri sit præferenda. Patet itaque impossibile esse, ut in hypothese propositionis præsentis negotium terminetur. Cum enim paria sint votantium jura, nec pars una cogi possit, ut in gratiam alterius a sententia sua discedat, quia nemini invito jus suum auferri potest (§. 336. *part. 2. Jur. nat.*); neutri centum isti aurei dari possunt, quamdiu jure votorum statur.

§. 88.

Si vota numerantur, conjungi nequeunt, nisi quæ prorsus eadem sunt. Etenim vota sunt unitates (§. 332. *Ontol.*), quarum conjunctione oritur numerus (§. 339. 340. *Ontol.*). Quamobrem cum numerus sit unitatum earundem multitudo (§. 340. *Ontol.*); vota non faciunt numerum, nisi quæ prorsus possint eadem sunt. Quando itaque vota numerantur, conjungi nequeunt, nisi quæ prorsus eadem sunt.

Quando numerandæ sunt vaccæ, non licet iisdem jungere vitulos & boves, cum boves ac vituli vaccæ non sint, licet in quibusdam inter se conveniant. Similiter itaque quando vota numeranda sunt, conjungi nequeunt, nisi quæ prorsus idem volunt, v. gr. quæ singula reum condemnant in eadem multam, aut in idem supplicium, vel quæ præmium inter duos dividendum in easdem partes dividunt & easdem partes iisdem personis assignant. Qui notionem numeri perspectam habet, facile agnoscet, vota, quæ numerum facere debent, nil prorsus continere debere, quo a se invicem differunt, sed quid uni inest, id etiam inesse debere alteri.

§. 89.

Quoniam vota prorsus eadem esse debent, quæ numerando conjunguntur (§. 88.), adeoque uni inesse nequit, quod alteri non inest (§. 181. *Ontol.*), consequenter nihil continere debent, quo a se invicem differunt; *vota conjungi nequeunt, quæ genere vel specie eadem sunt, & vel in specie.*

(*Wolffii Jur. nat. Pars VII.*)

I

vel

vel in singulari differunt, hoc est, in quibus aliquid diversimode determinatur.

Ita vota reum condemnantia conjungi nequeunt, si condemnent in diversam penam: nec conjungi possunt, quæ condemnant in penam specie eandem, veluti in multam, si in penam quantitate diversam condemnant, veluti alia in decem, alia in viginti: condemnare enim in decem, & condemnare in viginti unum idemque non est, cum nimirum multa major magis gravet, quam minor, nocentem, una alteri salvo omni prædicato eodem tribuendo substitui non potest, adeoque penæ eadem non sunt (§. 181. *Ontol.*). Qui adeo dicunt, qui damnat in viginti, eum etiam damnare in decem, adeoque vota eorum conjungi posse, ut prodeat numerus in decem damnantium; dicunt utique, quod primis notionibus adversatur, adeoque absurdum est & juri votantium æquali adversum, vi cujus vota singula sunt ejusdem valoris (§. 78.). Non sine injuria eorum, qui in majorem quantitatem damnant, conjunguntur cum votis in minorem condemnantium, ut fiat numerus condemnantium in minorem, quia jus in majorem quantitatem condemnantium violatur, quos invitos in sententiam eorum, qui in minorem quantitatem damnant, trahere non licet §. 336. *part. 2. & §. 859. part. 1. Jur. nat.*). In votis nihil prorsus immutandum, ut conjungi possint ad faciendum numerum. Quando enim in gratiam conjunctionis aliquid in voto immutas, ipso facto confiteris, id cum ceteris conjungi non posse. Cave tibi, ne nimias subtilitates accuses, quod ad notionem ontologicam recurramus, propterea quod veteres istiusmodi conjunctionem admisere ac secentiores, quos inter ipse *Gratius* lib. 2. c. 5. §. 19. eandem calculo suo approbarunt; ex notionibus enim ontologicis demonstranda sunt ea, quorum veritas inde pendet. Agnoscas igitur potius, quam necessarium sit, ut notionem distinctas eorum, quæ in Ontologia traduntur, habeamus, nisi in multis cæcutire velimus, nec alia de causa veteres ac qui ipsos secuti sunt viros in ceteris licet satis acutos veritatem perspicere non potuisse, quia distinctis notionibus

nibus ontologicis fuerunt destituti. Aliud exemplum esto, si de dando honorario, vel præmio suffragia feruntur, & de quantitate non eadem est omnium sententia, non licet conjungere vota eorum, qui majorem quantitatem definiunt, cum votis illorum, qui in minorem consentiunt, quasi illi in hanc consentiant. Similiter non licet conjungere vota condemnantium adversus absolventes, quando non in eandem prorsus penam consentiunt. Quamvis enim in eo conveniant, quod reus sit condemnandus, adeoque genere eadem; quoniam tamen non in idem condemnant, specie diversa sunt (§. 233. & seqq. Ontol.). Aliud est, si vota condemnantia & absolventia numerare velis, tum enim vota condemnantium non spectantur nisi in genere, non attenda eorundem differentia, quatenus ad diversas species referenda.

§. 90.

*Si uni aliquid dandum & votis paribus determinatur vel quantitate, vel specie diversa; negotium per vota exitum habere ne-
quit.* Quamdiu enim vota paria existunt, res manet, in eo diversis statu, quo est (§. 82.). Quoniam vero uni aliquid dan-
dum, in eodem statu res manere nequit, in quo est, scilicet. *titate.*
cet ut nihil detur, quod per se patet, & quoniam votis paribus determinantur specie vel quantitate diversa, duorum unum saltem dari potest. Vota vero conjungi nequeunt, ut pro alterutro prodeant unanimia (§. 89.), quæ concludunt (§. 75.); vota paria tamdiu manent, quamdiu nemo votantium mutata sententia sua in sententiam partis adversæ abit, seu calculum suum huic adjicit, quod hic non fieri supponitur. Negotium itaque per vota exitum habere nequit, si uni aliquid dandum & votis paribus determinantur quantitate, vel specie diversa.

E. gr. Ponamus de dando honorario deliberari & vel per se necessarium esse honorarium, vel omnes in hoc consentire quod dandum sit, paribus autem votis decerni honorarium

centum aureorum ab una parte, nonnisi quinquaginta a parte altera. Dici nequit, qui in centum consentiunt, eos quoque consentire in quinquaginta, quia centum quinquaginta continent, ut adeo cogantur qui in honorarium majus consentiunt a sententia sua discedere & sententiae partis adversae accedere: id quod juri votantium adversatur (§. 78.). Per vota igitur exitum habere nequit negotium (§. 69.). Idem intelligitur, si qui volunt, dari horologium aureum, alii vero numero totidem vas quoddam argenteum. Similis casus est, si prædium alienandum, vel in ejus alienationem consentiant omnes, alii vero volunt idem cum alio commutandum, alii vero totidem numero idem pro certo pretio vendendum, eo nimirum, in quem alienari debet, tam permutationem, quam pretium offerente. In utroque casu vota in genere spectata unanimia sunt, quatenus nimirum in casu primo votantes omnes in eo consentiunt, quod honorarium sit dandum, in casu altero quod prædium sit alienandum, & haec vota conjunguntur. Enimvero in casu priori negotium exitum non ante habet, nisi quatenus determinetur per vota, quidnam præcise dari debeat, in posteriori quatenus, determinetur species alienationis. Quæ igitur utrobique determinanda adhuc sunt, antequam negotium exitum habere potest, de iis vota dissentientia sunt, quæ nullo modo conjungi possunt. Manet igitur negotium indecisum, quamdiu jure votorum statur, adeoque deliberatio in casum cadit.

§. 91.

De votis paribus pro diversis generis aut speciei, vel multis diversæ quantitatis; negotiis, vel oneribus, quocunque imponendo. Si quis sit puniendus, & paribus votis decernatur poena diversæ generis aut speciei, vel multis diversæ quantitatis; negotiis, vel oneribus, quocunque imponendo. Etenim etsi vota in genere sint eadem, quatenus iisdem omnibus reus condemnatur, & haec vota conjungi possint, ut sint unanimia pro reo condemnando (§. 66.), atque adeo reus puniri debeat, neque adeo impunitus dimitti possit (§. 75.); quoniam tamen diversitas poenæ

næ, sive genus aut speciem ejus spectes, sive quantitatem, obstat, quo minus vota jungantur (§. 89.), consequenter determinetur, quodnam pœnæ genus, vel quanam pœnæ species, aut quanam mûltæ quantitas præferri debeat, quomodo reus condemnatus puniri debeat, per vota dicidi nequit, consequenter negotium exitum habere nequit. *Quod erat unum.*

Si onus quoddam sit alteri imponendum, & hoc substituitur in locum pœnæ irrogandæ, eodem prorsus modo, quo ante colligitur, si vota paria fuerint pro ejusdem oneris quantitate, vel pro oneribus diversi generis, aut speciei, negotium exitum habere non posse. *Quod erat alterum.*

E. gr. Si tres reum morte puniunt, totidem relegant, quia unanimia sunt vota pro reo puniendo, impunitus dimitti nequit (§. 75.). Quoniam vero paribus votis morte puniendus, paribus relegandus, cum hæc vota nullo modo conjungi possint, ut ad unanimia reducantur (§. 89.), nec morte puniri, nec relegari potest reus. Per vota igitur negotium exitum habere nequit. Similiter ponamus omnes consentire in tributum extraordinarium; votis adeo unanimibus concluditur, tributum extraordinarium esse imponendum (§. 75.). Enimvero ponamus porro paribus votis duo decerni tributorum genera, pariter votantium una volente, ut tributum imponatur agris, altera vero, ut capitibus imponatur. Neutrum horum cum fieri possit (§. 81.); negotium per sola vota exitum habere nequit. Porro ponamus per vota determinari debere quantitatem canonis annui pro concessione juris cujusdam solvendi; si pro diversis quantitatibus paria fuerint vota, quantitatem canonis per ea determinare non licet.

§. 92.

Si per vota aliquid dividendum, & paria fuerint vota De partitate pro diversis partium quantitatibus, vel partes unanimiter divisa votorum in
pari-

rei divisi- *paribus votis non assignentur iisdem personis; per vota negotium*
one. *exitum habere nequit.* Quoniam enim votis paribus existentibus
 res manere debet in eo, quo est, statu (§. 82.), in casu priori
 dividi nequit, in casu posteriori partes unanimiter divisæ
 personis, quæ eas habere debent, assignari nequeunt. In
 utroque igitur casu negotium per vota exitum habere non
 potest (§. 69.).

Prior casus obtinet in divisione hæreditatis inter duos hæ-
 redes, posterior in assignandis partibus divisæ, sive heredes ipsi
 hæreditatem inter se dividere debeant, sive ejus divisionem in
 arbitrium quorundam aliorum conferant. Abunde ostendi-
 mus plures dari casus, ubi negotium controversum per voto-
 rum paritatem decidi nequit, consequenter calculo Minervæ
 locus non est (§. 84.). Quodsi alii adhuc casus occurrant, in
 quibus negotium, de quo agitur, per vota exitum habere ne-
 quit; idem eadem facilitate ostendetur, qua in iis casibus, de
 quibus diximus, id ostendimus.

§. 93.

An votorum *Si tria vel plura diversa fuerint vota, salvo jure votandi*
conjunctio. *conjunctio quorundam nunquam majora, vel paria effici possunt.*
ne majora *Etenim si tria vel plura fuerint vota diversa, cum impossibi-*
vel paria *le sit, ut quædam diversorum sint eadem (§. 181. 183.), vo-*
effici possint. *ta autem quando numeranda conjungi nequeant, nisi quæ*
prorsus eadem sunt (§. 88.); si tria vel plura fuerint vota
diversa, salvo jure votandi (§. 78.), impossibile est, ut vo-
torum conjunctio efficiantur majora vel paria.

Tres reum capite puniunt, duo damnant in viginti, quatuor
 relegant. Quamvis enim qui damnant in multam, & qui rele-
 gant, cum a supplicio ultimo absolvant, atque hæcenus ea-
 dem videntur in oppositione ad eos, qui pœnam capitalem de-
 cernunt; non tamen prorsus eadem sunt, cum multa relega-
 tionis substitui nequeat & contra. Quamobrem nec votorum
 isto-

istorum conjunctione majora effici possunt. Similiter si qui damnant in viginti, alii in decem, alii relegant; nec damnantium in viginti ac decem vota conjungi possunt adversus sententiam relegantium, ut prodeant majora. Etsi enim damnantes in viginti ac decem consentiant in multam, non tamen consentiunt in multam eandem, nec ex jure votorum deduci potest, si ista conjungere velis, utrum ex conjunctione majora effici debeant pro decem, an pro viginti, quamdiu neutra pars alteri cedere velit, quoniam nemini ob æqualem votorum valorem (§. 78.), comperit jus sententiam alterius ita immutandi, ut suæ sit concors. Ratio, quæ a *Grotio* assertur lib. 2. c. 5. §. 19. scilicet, quod decem contineantur in viginti, consequenter qui in viginti damnat, eundem quoque damnare in decem, nulla est, neque enim qui in viginti damnat vult, ut tantummodo solvantur decem, sed, si decem solvantur, vult, ut adhuc solvantur decem alii, v. gr. thaleri, aut nummi aurei, adeoque dici nequit, quod consentiat cum iis, qui decem saltem solvi volunt (§. 658. part. 1. *Phil. pract. univ.*). Qui diversa volunt, idem velle, consequenter consentire dici non possunt. Quamvis enim diversitas tantummodo sit in quantitate, non tamen hoc obstat, quo minus pœnæ dicantur diversæ. Sane si emtor offert decem, venditor exigit quindecim, pretium quod offert emtor, quis quæso dicet idem esse cum pretio, quod exigit venditor. Et quis non existimaturus est absurdum, si emtor ac venditor consentire dicerentur in idem pretium, quando emtor offert decem, venditor autem exigit quindecim, neuter vero a sententia sua discedere velit, hoc est, nec emtor pretio, quod offert, quid addere, nec venditor de eo, quod exigit, quid detrachere. Qui notionem identitatis ac diversitatis, itemque numeri distinctam habent, iis nihil difficultatis supererit, sed statim perspicient, votorum conjunctionem iisdem repugnare, consequenter quoque votandi juri, quod votis singulis eundem tribuit valorem (§. 78.). Quando per vota negotium controversum exitum habere nequit, non licet contra jus quorundam eorum votum immutare, ut exitum habere possit (§.

910. part. 1. *Jur. nat.*). Qui hoc facit, utique injuriam facit alteri, quem invitum in sententiam trahit.

§. 94.

*Cur voto-
rum conjun-
tione nego-
tium decidi
nequeat.*

Quoniam si tria vel plura diversa fuerint vota, salvo jure votandi conjunctione quorundam nunquam majora, vel paria effici possunt (§. 93.); si vero vota unanimia obtineri nequeunt, nonnisi majora concludunt (§. 79.), nec per paria negotium controversum deciditur nisi casu calculi Minervæ (§. 84. 85.); si tria vel plura fuerint vota diversa salvo jure votandi votorum conjunctione nihil concludi, nec negotium controversum decidi potest.

Non negamus conjunctione votorum negotium ad exitum deduci posse; sed negamus id fieri salvo jure votorum, quia, quemadmodum per ea, quæ diximus, satis patet, hac ipsa conjunctione revera non aliud agitur, quam ut quidam cogantur a sententia sua discedere in aliam sibi propiorem: quod quamdiu jus votandi æquale ac liberum est, absurdum utique habendum, nec sine injuria eorum, qui ita discedere coguntur, fieri potest. Non tamen propterea sequitur, salvo jure votorum negotium decidi non posse, cum tamen curandum sit, ut exitum habeat. Etsi enim conjunctione votorum violetur jus votantium, si per vota decidere velis; non tamen deest modus alius negotium decidendi per vota absque quorundam conjunctione; ita ut singulorum votorum idem maneat valor (§. 78.), nec rationes, cur ita decidendum sit, aliunde petantur, quam ex ipso æquali votorum valore, ut præpondium non nascatur, nisi ex pluralitate. De eo igitur nunc nobis erit agendum.

§. 95.

*Quenam
vota præva-
leant, si ma-* Si vota majora haberi nequeunt, sequendum erit id, quod vota præva-
pantioribus displices, seu cui paucissima vota adversantur. Si
leant, si ma- eniam vota majora haberi nequeunt ob diversarum sententiarum
rum

rum pluralitatem, & sequi velimus id, quod majori parti *jura haberi* placet, negotium per vota exitum habere nequit, quod per *non possint.* se patet. Quoniam tamen curandum est, ut exitum habeat (§. 70.), & vota singula ejusdem sunt valoris (§. 78.); plus utique valere debent illa vota, quibus pauciora adversantur, quam quibus plura, adeoque sequendum id, quod paucioribus displicet.

Nimirum quoniam stante æquali votorum valore nemo cogi potest, ut invitus in sententiam alterius abeat, fieri non potest, ut per vota quid concludatur, si unanimia non fuerint, quam si sequamur id, quod plurimis placet, vel paucissimis displicet, ita ut quod plurimi volunt, vel paucissimi nolunt, habeatur pro omnium voluntate. Quando nonnisi duæ vel etiam plures sunt sententiæ, & majora præferuntur; sequimur tum id, quod plurimis placet, tum quod paucissimis displicet. Enimvero si tres vel plures fuerint diversæ sententiæ, quarum unam non amplectitur pars major, fieri non potest, ut sequi velimus id, quod plurimis placet, cum votorum pluralitas locum non habeat, nisi quando pars major votantium in idem consentit, ceteri autem ab eadem dissentiant, sive iidem inter se consentiant, sive a se invicem quoque dissentiant. Sequendum igitur erit id, quod paucissimis displicet. Eadem sane ratio est, cur sequendum sit id, quod paucioribus displicet, & cur sequendum illud, quod plurimis placet, quemadmodum ex collatione demonstrationis propositionis præsentis cum demonstratione superioris de pluralitate votorum concludente (§. 79.) statim patescit. Subsistit utrobique votorum æqualitas, cum vis victrix in utroque casu non derivetur nisi a numero votorum: vincunt utrobique vota, quæ paucissima sibi adversa experiuntur. E. gr. Tres reum damnant in viginti florenos, quatuor in decem, duo absolvent, Sententia prima sex experitur vota sibi adversa, secunda quinque, tertia septem. Prævalere igitur debet secunda. Similiter si pastor Ecclesiæ eligendus, duo eligunt Titium, tres Mævium, duo

(Wolffii Jur. Nat. Pars VII.)

K

duo

duo Cajum. Sententia prima & tertia vota quinque, media nonnisi quatuor sibi adversa experitur. Vincit adeo sententia media, ut Mævius electus censeatur. Quodsi unus condemnet in quindecim, unus in decem, unus in quinque. Quolibet sententia duo vota sibi adversa experitur, adeoque nulla ratio est, ut una alteri præferatur, consequenter per vota negotium exitum habere nequit, cum res in eo, in quo est, statu manere non possit, cum per vota reus condemnandus sit in multam. Quodsi ergo quæ hæcenus fufius demonstrata sunt ad animum revocare volueris, facile patebit, per vota negotium ut habeat exitum, ea aut esse debere unanimia, aut majora, aut paucissima habere sibi adversa, aut in casu paritatis vincere calculo Minervæ. Quid vero in aliis casibus fieri debeat, ubi negotium exitum habere debet, quamdiu vero votorum æqualitate statur, habere nequit, ulterius discutiendum.

§. 96.

De obligatione sociorum quoad ea, quæ in societate discernenda.

Quoniam in societate per vota determinandum, quid fieri vel non fieri debeat, quando de negotio ad eam spectante consultatur (§. 44.), quando autem vota majora, adeoque multo minus unanimia (§. 66.), haberi nequeunt, id sequendum, quod paucioribus displicet (§. 95.); qui societatem contrahunt convenire debent, aut, si expresse non conveniant, convenisse præsumuntur, quod, si vota majora haberi nequeant, illud ratum esse debeat, quod paucissimis displicuerit, atque adeo, ut, quod paucissimis displicuerit, id habeatur pro communi omnium sententia.

Quod adeo plurimis non displicet, id nec displicere debet ceteris sociis. Quæ enim supra annotavimus de eo, quod plurimis placet (not. §. 80.); ea etiam trahenda sunt ad id, quod plurimis non displicet, seu quod paucissimis displicet. Ut negotium habeat exitum, standum est eo, quod plurimis videtur, si non omnes ejusdem sint sententiæ, consequenter quod
vel

vel plurimi volunt, vel paucissimi saltem nolunt. Ita nimis ratio decidendi derivatur a voluntate & noluntate, quemadmodum fieri debet, si per vota determinandum, quid fieri debeat (§. 62. 78.).

§. 97.

Si negotium exitum habere debet, per vota autem habere nequit, & decisio fieri moram; consultatio repetenda, donec perveniat ad vota, quæ concludunt. Etenim si negotium exitum habere debet, votis inter se collatis determinandum est, quid fieri debeat, aut non debeat, consequenter vota concludunt, necesse est (§. 74.). Quodsi ergo facta consultatione non perveniatur ad vota, quæ concludunt, nec in mora fuerit periculum; consultatio omnino repetenda, donec perveniatur ad vota, quæ concludunt.

De consultatione repetenda.

E. gr. Si pastor Ecclesiæ eligendus, negotium per vota exitum habere debet. Quodsi paribus votis eligantur duo, cum munus sacrum neutri conferri possit (§. 87.), negotium exitum per vota habere nequit. Quoniam tamen hic periculum non in mora est, sed nova consultatio fieri commode potest; alio die eadem repetenda, donec perveniatur ad vota, quæ concludunt. Voluntas nimirum hominum mutabilis est, ut, quod quis hodie vult, cras facile nolit, etsi hodie ad mutandam voluntatem nulla ratione adduci possit. Nova igitur consultatio facta fieri potest, ut unus vel alter a sententia sua discedat, & sententiæ aliorum accedat, sicque vota paria abeant in majora & minora, ut per majora unus eligatur, aut omnes mutant sententiam, ut tertius eligatur. Quodsi ea observaverimus, quæ de votis concludentibus demonstrata sunt, rarissimus erit casus, in quo negotium per vota exitum habere nequit. Neque enim is obtinet, nisi quando votis paribus existentibus calculo Minervæ locus non est, quemadmodum in electione pastoris, quando paribus votis duo eliguntur, nisi de votis concludentibus positivæ dentur leges, a quibus recedere non licet. Sed de his dicemus paulo post.

K 2

§. 98.

§. 98.

*Votorum
valor quan-
do sorte de-
terminan-
dus.*

Si votis paribus existentibus calculo Minervæ locus non est, utra sententia vincere debeat, sorte dirimere licet. Quoniam enim vota paria non concludunt (§. 81.), quando vero calculo Minervæ locus non est, per vota negotium decidi nequit (§. 85.) certo consilio nihil concludi potest (§. 74.), consequenter determinari nequit, quænam sententia alteri sit præferenda. Enimvero quæ certo consilio fieri nequeunt, ea sorte dirimere licet (§. 296. *part. 5. Jur. nat.*). Quamobrem si votis paribus existentibus calculo Minervæ locus non est, sorte dirimere licet, utra sententia alteri sit præferenda, seu vincere debeat.

Sortis usus non ante admittendus, nisi quando ex dubitationum fluctibus emergere non possumus (§. 296. *part. 1. Jur. nat.*), ratione nimirum intrinseca deficiente, cur hoc potius statuendum sit, quam alterum, vel quia nulla datur, vel quia nullam perspicere possumus. Quando per vota aliquid concludendum, ratio desumenda est ex æquali illorum valore (§. 78.) utpote quæ ponderari nequeunt (§. 77.). Quodsi ergo vota paria fuerint, per ea nihil concluditur (§. 81.), & quando calculo Minervæ locus non est, nihil concludendo negotium controversum exitum habere nequit per vota (§. 85.) Deficit adeo ratio intrinseca, cur una sententia alteri sit præferenda. Quamobrem casus existit, quo sorte dirimere licet, quænam sententia prævalere debeat, ut ex dubitationum fluctibus emergamus. Ideo si pastor ecclesiæ eligendus, & paria sint vota pro duabus personis, quin sorte determinare liceat, quænam alteri sit præferenda dubitandum non est; similiter si hæreditatis divisio in arbitrium quorundam fuit collatum, nec per vota eorum decidi potest, quænam pars uni, quænam alteri sit assignanda; quid fieri debeat, sorte definire licet. Probat igitur sortis usum in præsentī casu ipsum jus naturæ, ut ad eandem jure suo confugiant, qui votis dissident & sententiis suis

suis tenaciter inhærent. Sortitio adeo naturaliter licita est (§. 170. *part. 1. l'bil. pract. univ.*).

§. 99.

Si votis paribus existentibus sorte dirimendum, quamam sen- De sortiti-
tentia alteri sit præferenda, sortitione autem utraque confirmatur, one repeten-
ea repetenda, donec sententia alterutra sorte legatur. Sorti enim *da,*
committitur, quamam sententia alteri sit præferenda, quan-
do consultantes de eo convenire nequeunt (§. 98.), conse-
quenter sortitio succedit in locum consultationis. Enimve-
ro si negotium per vota exitum habere nequit, consultatio
repetenda, donec perveniatur ad vota, quæ concludunt, quan-
do decisio moram fert (§. 97.). Quamobrem cum in con-
tinenti nova sortitio fieri possit, adeoque nulla hic mora at-
tendenda veniat; si votis paribus existentibus sorte dirimen-
dum, quamam sententia alteri sit præferenda, sortitione autem
utraque confirmetur; ea repetenda, donec sententia alte-
rutra sorte legatur.

Ostendi etiam potest hoc modo. Quoniam sorte di-
rimendum, quamam sententia alteri sit præferenda, *per hypo-*
th. sin, sortes autem non semper eodem modo cadunt, quod
a posteriori constat; licet sortitio utramque sententiam con-
firmet, non tamen existimandum est, idem fore, si illa repe-
tatur. Repetenda igitur utique est, donec sententia al-
terutra sorte legatur.

Fieri posse, ut sortitione utraque sententia confirmetur, vix
est qui dubitet. Ponamus enim jactu tesserarum sortitionem
fieri. Quodsi tesseræ jaciens pro utraque sententia jaciat sex,
cum numeri tesserae inscripti respondeant votis, paria erunt
vota pro electione utriusque sententiæ, adeoque nulla
eligi poterit. Quamobrem utique necesse est, ut sortitio
repetatur. Quando enim pro una sententia jaciuntur quinque,

pro altera quatuor; illa pluralitate vincit. Hinc simul patet, quod non inepte sortitio comparetur cum consultatione & numeri tesseris inscripti cum votis consultantium, consequenter in demonstratione priori a consultatione recte argumentum ducatur ad sortitionem.

§. 100.

Quando ad rationes extrinsecas deveniendum. Si votis paribus existentibus calculo Minervæ locus non est, nec sorti locus conceditur; secundum leges probabilitatis receptas facienda electio. Etenim si votis paribus calculo Minervæ locus non est, impossibile est, ut negotium exitum habeat per vota, cum nulla inde ratio dari possit, cur sententia una alteri sit præferenda, res tamen in eo, quo est, statu manere nequeat (§. 81. 85.). Quodsi ergo nec sorti concedatur locus, vel quia ad eam confugere nolumus, etsi liceat (§. 99.), vel quia ob circumstantias casus dati fors non videtur aptus modus electionem faciendi, quam tamen fieri necesse est per hypoth. necesse est ut electio fiat per eas rationes, quæ in dubio attendi solent, quando scilicet assensus in alteram contradictionis partem determinandus, non tamen novimus, in quam eundem determinare debeamus (§. 417. part. 2. Theol. nat.). Quoniam igitur in casu dubio electio fieri suevit juxta certas probabilitatis leges, quemadmodum obvia experientia constat; ideo secundum easdem quoque eligenda sententia, si votis paribus existentibus calculo Minervæ locus non est, nec sorti locus conceditur.

Ad rationes extrinsecas non deveniendum, nisi deficientibus intrinsecis, quæ scilicet ex ipsis rerum notionibus desumuntur. Quando per vota concludendum, ratio, cur sententia una alteri vel ceteris præferatur, desumenda est ex jure votantium æquali, seu eodem votorum singulorum valore (§. 78.). Jure igitur isto salvo, seu stante hoc valore, si non appareat, quænam sententia sit eligenda, deveniendum utique est ad extrin-

extrinsecas rationes, aliunde nimirum, quam a jure votantium desumendas. Facile autem patet, rationes tales esse debere, quales in dubio quisque admittere solet, cum non unius judicio standum sit; sed omnium communi. Quando enim necesse est electionem per rationes extrinsecas determinari, in dubio habendum est consensu omnium comprobatum, quod determinatur per rationes, quas in dubio omnes attendere solent, ac tanquam genuinas admittere tenentur. Immo si accurate fieri debeat electio, nec ante ad sortem confugiendum foret, nisi rationibus istiusmodi communibus deficientibus, aut de iis non convenientibus illis, qui jure suffragiorum gaudent (§. 296. part. 5. Jur. nat.).

§. 101.

Quoniam si votis paribus existentibus calculo Minerva locus *Quando non est, nec sortis locus conceditur*, secundum leges probabilitatis receptas facienda electio (§. 100.), in dubio autem eligi *sententia tuior præferenda* solet, quod tutius est, sive secundum contemplationem physicam, ut damnum evitetur, aut malum minus majori præferatur, sive secundum moralem, ne peccetur, nec injuria cuidam fiat; ideo in casu præsentis ea eligenda est *sententia, quæ tuior, sive secundum contemplationem physicam, sive moralem.*

E. gr. Si paribus votis reus condemnatur in decem & viginti; præferenda est sententia in decem condemnantium. Ex enim cum ex votis dijudicandum sit, quænam sententia alteri præferenda sit; per votorum paritatem in dubitationem adductum intelligitur, utrum reus plus gravetur, quam debebat, si in viginti condemnatur, nec ne. Moraliter igitur tutius est, ut in decem condemnatur, quia hac multa non nimium gravari omnes confiteri tenentur. Reus adeo condemnandus erit in decem. Idem obtinebit, si paribus votis determinetur honorarium centum & honorarium quinquaginta aureorum. Per vota enim dubium redditur, utrum honorarium centum aureorum nimium sit, nec ne, consequenter utrum dantes nimium gra-

graventur, nec ne. Physice igitur tutius est, ut detur honorarium quinquaginta aureorum, quia omnes confiteri tenentur hoc nimium non esse, nec præter necessitatem nimium gravari dantes. Dandum adeo erit honorarium quinquaginta aureorum. Quamvis vero in eandem partem cadat electio, si more veterum cum *Grotio* vota jungas, quæ nonnisi quoad quantitatem differunt, ut prodeant unanimia, quæ concludunt (§. 75.); ratio tamen decidendi eadem non est. Qui enim contendunt, vota conjungi debere, hac ratione nituntur, quod majus contineat minus, tanquam totum partem suam (§. 352. *Ontol.*), atque hinc inferunt, qui in majus consentiunt, eos etiam consentire in minus: quod verum non esse, supra jam vidimus (*not.* §. 89.). Nostra vero ratio est, quod in casu dubio tutius sit præferendum, & necessitas jubeat, ut in hoc consentiant omnes, cum negotium exitum habere debeat, quod, quamdiu in solo suffragia ferentium jure subsistis, exitum habere nequit, omnes vero tutius existimare tenentur, in casu dubio minorem pœnam infligi reo, quam majorem, aut dantes non nimium onerandos, & in casu priori in eo utique convenire, quod non nimium gravetur reus, si pœna minor irrogetur, in posteriori autem, quod non præter necessitatem nimium onerentur dantes. Enimvero non perinde est, quam ratione decidendi utaris: etiamsi enim in casu præsentis per utramque idem decidatur, non tamen id obtrinet in quovis alio casu. Sane si rationem *Grotii* admittas, votorum conjunctione majora quoque efficiuntur vota, si v. gr. duo relegant, duo damnant in viginti, unus in decem: id quod per nostra principia non admittendum. Etenim tum ad paritatem redeunt vota relegantium & in viginti damnantium (§. 95.), cumque per præsentem propositionem eligenda sit sententia tutior, condemnandus erit reus in viginti: juxta *Grotium* vero idem condemnandus foret nonnisi in decem. Per nostra principia nihil committitur, quod juri votantium adversatur, quemadmodum votorum conjunctione duo coguntur discedere a sententia sua in gratiam unius, ut unus vincat ceteros omnes. Nostrum

strum vero jam non est in ea accuratius inquirere, quæ in dubio sint eligenda in genere. De his enim rectius alibi agetur, cum a jure votandi minime pendeant, nec hoc ullo modo respiciant, sed locum habeant, ubi quis libere statuere potest, quod visum fuerit, obligatio tamen ad recte faciendum (§. 189. part. 1. *Phil. pract. univ.*) & prudentia, cui non minus parendum (§. 258. part. 1. *Jur. nat.*), non permittunt, ut libertate abutamur.

§. 102.

Votum decisivum dicitur, quo paria vertuntur in majore. *Votum declar.*
ra. Accedit adeo parti uni, si vota fuerint paria, consequenter firmiter quid
voto decisivo negotium ad exitum perducitur, quando votis existens sit.
sibus paribus calculo Minerva locus non est (§. 85.).

Votum decisivum ideo inventum est, ut, quando ob paritatem votorum negotium exitum habere nequit, quod tamen habere debet, votum unum accedat sententiæ alterutri, atque ita pro eadem dentur vota majora, quæ concludunt (§. 79.).

§. 103.

Quoniam votum decisivum paria vertit in majora (§. *Effectus vo-*
 102.), majora vero deinde concludunt (§. 79.); *voto deci-*
sivo declaratur, quam sententia alteri sit præferenda, si pro
utraq; paria fuerint vota, consequenter fungitur vice sortis,
aut, si mavis, quando sorte dirimitur, quam sententia alteri sit
præferenda, votum decisivum competit sorti.

E. gr. Ponamus tres reum condemnare in duodecim, tres in octo. Si jam uni eorum, vel tertio cuidam competat votum decisivum, & is calculum suum adjiciat condemnantibus in octo; cum jam sint quatuor vota pro sententia in octo condemnantium, ea prævalet. Voto igitur decisivo declaratur, quod sententia in octo condemnantium præferenda sit alteri in duodecim condemnantium. Quod vero qui votum decisivum habet, idem faciat, quod fors, clarissime perspicitur, si id competit

(*Wolffii Jur. Nat. Pars VII.*)

L

perit

petit tertio cuidam, qui-suffragium non tulerat. Nemo autem non videt, perinde esse, siue votum decisivum habeat, qui jure suffragium ferendi gaudet, siue tertius quidam, qui præter votum decisivum non habet aliud. Ceterum votum decisivum adstrictum per se non est legibus probabililitatis, juxta quas facienda est electio sententiæ alterutrius, quando votis paribus existentibus calculo Minervæ locus non est (§. 100.), veluti ut sententia tutior præferatur (§. 101.); quodsi enim juxta istas leges fieri debeat sententiæ alterutrius electio, voto decisivo opus non est. Quamobrem ex eo solo, quod quis habeat votum decisivum, in exemplo, quod dedimus, non sequitur quod qui id habet præferre debeat sententiam condemnantium in octo sententiæ condemnantium in duodecim, sed si ipsi ita visum fuerit, præferre etiam potest sententiam condemnantium in duodecim. Quodsi votum decisivum restringatur ad id, quod tutius; si qui habet votum decisivum fuerit in numero condemnantium in duodecim, calculum suum adjicere teneatur condemnantibus in octo: quod sane perinde est, ac si a sententia sua discedere & in oppositam abire cogeretur.

§. 104.

*De jure
voti decisivi.*

Quoniam voto decisivo negotium ad exitum perducitur, quod calculo Minervæ, seu per vota cetera ad exitum deducit nequit (§. 102.), curandum vero est, ut negotium exitum habeat (§. 70.); *naturaliter licitum est, ut consultantium uni vel tertio cuidam votum decisivum deferatur* (§. 159. 170. part. I. Phil. præd. univ.).

Ipsa adeo lex naturæ votum decisivum commendat tanquam medium negotium dubium, seu controversum ad finem perducendi, quod per vota in dubitationem adductum & interminabile effectum fuerat. Quamvis vero electio sententiæ alterutrius tum fieri possit secundum leges probabililitatis (§. 100.); attamen juri suffragiorum magis convenit, ut votum decisivum consultationem terminet: ita enim per vota negotium ad exitum perducitur, quod per ea ad exitum deduci debebat, ut
adeo

adeo non opus sit confugere ad rationes extrinsecas, quibus sola necessitas locum facit, intrinseca deficiente. Immo modus terminandi consultationem voto decisivo certior est, quam si ad leges probabilitatis confugas, ut præferatur quod tutius, quia contingere potest ut de eo, quod est tutius, consultantibus omnibus non idem videatur.

§. 105.

* Quoniam naturaliter licitum est, ut consultantium uni, *De voto de-* vel tertio cuidam votum decisivum deferatur (§. 104.), in so- *cisivo in so-* cietate autem focii consultant de negotiis ad societatem spe- *cietate.* ctantibus (§. 61. h. & §. 498. part. 1. Theol. nat.), & de jure votorum id valet, quod sancitum fuit (§. 63.); *in societate* conveniri potest, ut socius unus habeat votum decisivum, vel in *perpetuum*, vel ad certum tempus, ita ut jus ferendi votum deci- *sivum sit ambulatorium*, seu certo ordine de socio in socium *transcat.*

Quoniam jus ferendi votum decisivum prærogativa quædam est (§. 93. part. 1. Jur. nat.); si idem uni conferatur in per-
petuum, inæqualitatem quandam in societatem invehit (§. 28.);
aut si fuerit ambulatorium, æqualitas illibata manet (§. cit.).

§. 106.

Deniquè quia voto decisivo negotium, de quo consul- *Contravot-* tatur ad finem perducitur, eodemque declaratur, quænam sen- *sum decisi-* tentia alteri sit præferenda, quando pro duabus sententiis *um num* adversis vota paria existunt (§. 102.); *si negotium, de quo valeat exce-* consultatur, propter votorum paritatem exitum habere nequit, stan- *ptio.* dum est voto decisivo, adeoque sententia valet, qua visa fuerit vo-
tum decisivum habenti.

Adversus votum decisivum nulla valet exceptio, adeoque
sententiæ electionem eodem factam consultantes irritam redde-
re nequeunt. Qui enim in voti decisivi jus consentiunt, eo

ipso sese obligant, quod eodem stare velint, quemadmodum in sortis judicio acquiescendum iis, qui in sortitionem consentiunt, alias enim ad votum decisivum ac sortem temere confugerent consultantes. Naturaliter non implicat, ut, quando paritas votorum negotium interminabile efficit, in consultatione presenti conveniatur, utrum sortitione, an voto decisivo negotium ad finem perducere velint, & quinam votum decisivum habere debeat. Quoniam tamen ad hoc nova consultatione opus est, nonnisi per vota terminanda; nemo non videt, melius esse, ut in societate lex feratur, quo medio terminandi consultationem uti velint, si quando contingat eam per votorum paritatem in cassum cadere. Et quia lex naturæ perfectiva nos obligat ad id, quod melius est, alteri præferendum (§. 193. part. 1. *Phil. pract. univ.*); ut de voto decisivo lex quædam feratur, juri naturæ magis convenit.

§. 107.

De votis unanimibus. Si ita conveniatur, ut nonnisi unanimia concludant, vel certis votorum numerus vincat, saltem in quibusdam negotiis; in casu priori nihil concludi potest, nisi unanimia adsint, in posteriori parte majori concluditur, quamdiu pro una sententia vel unum votum deficit. Quoniam societati competit jus ferendi leges de iis, quæ ad eandem spectant (§. 46.), consequenter etiam de consultationibus, adeoque & jure votandi (§. 74.); a voluntate sociorum pendet, quid convenire velint de eo, ut vota concludant, consequenter etiam convenire possunt, ut ne concludant, nisi vota unanimia (§. 75.), nec majora concludant, nisi quæ certo numero sunt (§. 79.). Quamobrem cum in societate valere debeat, quod de jure votandi sancitum (§. 63.); si ita conveniatur, ut nonnisi unanimia concludant, vel certus votorum numerus vincat saltem in quibusdam negotiis, in priori non concludunt nisi unanimia, nec in posteriori concludi quicquam potest, quamdiu pro una sententia vel unum votum deficit.

Facile

Facile patet, conveniri non posse, ut vota non concludant nisi unanimia, nisi quando res manere potest in eo, quo est, statu. Ita in Belgio fœderato bellum, pax, fœdera, res monetaria ac alia magni momenti non deciduntur ex pluralitate votorum, sed ad concludendum unanimia requiruntur. Ast ubi res in eo, quo est, statu manere nequit, conveniri potest, ut pars major, quæ vincere debet, habeat ad minorem quam vincit, datam rationem*, vel ut certus votorum pro sententia victrice sit numerus, consultatione adeo tamdiu repetenda, donec numerus definitus prodeat. Obtenet hoc in electione Papæ, quæ non valet, nisi facta per duas partes ex tribus concordēs. Nimirum cum rationi magis conveniat, ut vota saniora vincant, quod tamen fieri nequit (§. 77. 72.), juri autem votantium conformius sit, ut majora concludant (§. 79.); qui majoritatem votorum restringunt ad certam rationem, quam ad omnia habere debent, veluti in electione Papæ ad duas partes ex tribus, medium eligere volunt tanquam tutius, quia vota duarum partium, quæ majora sunt, præsumuntur quoque saniora, sive meliora. Hinc facile intelligitur, conveniens esse ut vota majora ad certum quendam numerum restringantur, si negotium, quod exitum habere debet, fuerit arduum, qualis est electio Papæ, tanquam capitis Ecclesiæ, cujus maxime interest, ut dignus eligatur. Quando negotium per vota exitum habere debet, jus internum colliditur cum externo, quorum illud vult, ut præferatur quod est melius (§. 192. *part. 1. Phil. pract. univ.*), hoc vero, ut præferatur quod plurimis placet (§. 79. 66.). Standum est jure externo, ne negotium, quod exitum habere debet, per vota efficiatur interminabile (§. 81.), quod hypothefi repugnat. Quoniam tamen, ut recte observat *Seneca*, non tam bene cum rebus humanis agitur, ut meliora pluribus placeant, verendum omnino est, ut sequendo jus externum ab interno recedas, non sine magno discrimine eorum, quorum intereat negotium, de quo consultabatur, recte decidi. Periculum igitur hoc ut caveatur, quantum datur, pars major votantium ad certam quantitatem restringitur,

definita ratione, quam ad integrum votantium numerum tanquam ad totum habere debet.

§. 108.

De absentibus vel aliter votare impeditis.

Qui absens est, nec ad consultationem vocatus votum suum alteri præsenti committit, aut præsens suffragium ferre non vult, aut alio quocunque modo ferre impeditur; ejus in votis numerandis nulla habenda ratio est. Etenim qui absens est, nec ad consultationem vocatus votum suum alteri præsenti committit, is tacite juri suo renunciat (§. 103. part. 3. Jur. nat.), & si præsens suffragium ferre nolit, expresse renunciat (§. cit.), consequenter se obligat ad non contradicendum ei, quod ceteri concludent (§. 104. part. 3. Jur. nat. & §. 74. b.). Quoniam itaque unusquisque juri suo renunciare potest, quamdiu nil sit contra jus tertii (§. 118. part. 3. Jur. nat.); in votis numerandis illius nulla habenda est ratio. *Quod erat nunc.*

Enimvero si quis aliter impeditur, sive absens, sive præsens fuerit, quo minus suffragium ferre possit; is in deliberatione de negotio præsenti jus votandi nullum habet. Quamobrem per se patet, quod in numerandis votis nulla habenda sit ejus ratio. *Quod erat alterum.*

Dicitur vulgo vota absentium accrescere præsentibus. *Grotius* l. 2. c. 5. §. 20. ait, jus absentium accrescere præsentibus. Id enim ita intelligi debet, ut, cum alias jus votandi pertineat ad omnes, nec cuiquam invito jus suffragium ferendi de negotio, de quo consultatur, auferri possit (§. 336. part. 2. Jur. nat.), si qui sint absentes, aut jure suo uti aliter impediantur, jus suffragii pertineat ad solos præsentes, & in casu altero ad eos solos, qui jure suo uti, cum sint præsentes, non impediuntur. Dari autem istiusmodi casus, in quibus qui jus votandi habet eodem uti impeditur, experientia satis constat. Casus est, si deliberandum de negotio, quod ad socium quandam spectat, veluti

veluti num puniendus, aut de negotio alio, in quo votum ipsius suspectum est, veluti si deliberatur de pœna filio irrogando, vel utrum filius sit eligendus, an alius, quando vacanti muneri aliquis præficiendus.

§. 109.

Si ita fuerit conventum, vel statutum, ut de aliquo negotio De certo non concludi nil possit, nisi præsentium certus fuerit numerus, vel omnes mero præfuerint præsentibus; quod pauciores præsentibus concludunt, non valet. sentium, ut Ostenditur eodem modo, quo paulo ante ostendimus, non concludere valere pluralitatem votorum quamcunque, si ea ad certum iidem pos-numerum fuerit restricta, vel unanimia requirantur (§. 107.). *sint.*

Ita e. gr. constitui potest, ut vel omnes, vel duæ ad minimum partes adesse debeant, ut concludi possit. Quæ paulo ante de votis unanimibus, vel certo eorundem numero ad concludendum requisitis annotavimus (not. §. 107.), ad præsentem quoque casum accommodari possunt.

§. 110.

Quoniam non valet, quod pauciores concludunt, *quid faciendo* conventum, vel constitutum fuit, ut de aliquo negotio *endum, si is* nil concludi possit, nisi præsentium certus fuerit numerus, *deficiat.* vel omnes fuerint præsentibus (§. 109.); *si numerus ad deliberandum requisitus deficiat, vel non omnes fuerint præsentibus, aut* deliberatio, si fieri possit, suspendenda, *aut vota etiam absentium* requirenda *votis præsentium communicatis, ut firmiter quid concludi possit.*

Non est, quod excipias, si tot non fuerint præsentibus, quot requiruntur, ut concludi possit; sufficere, ut tot absentibus communicentur vota præsentium, quot adhuc absunt: cum enim æquale sit omnium jus, a præsentium voluntate minime pendet, quosnam ex absentibus ad complendum numerum eligere velint. Quamobrem ne quis justam habeat contradicendi causam, nec, si vota præsentium unanimia non fuerint, de

de electione inter se contendant; necesse utique est, ut vota præsentium absentibus singulis communicentur. Sane si nova deliberatio instituenda, omnes ad eandem vocari debent. Quoniam vero perinde esse debet, siue nova deliberatio instituat, siue vota præsentium absentibus communicentur, ut & ipsi suffragium ferant; singulis quoque absentibus vota communicanda veniunt.

§. 111.

*Quando
quis a voto
suo discede-
re possit.*

Qui jam suffragium tulit, mutata sententia calculum suum adicere potest votis sequentibus, quamdiu nihil fuerit conclusum. Etenim si qui suffragium jam tulit mutata sententia calculum suum adjicit votis sequentibus, is voluntatem suam mutat (§. 62.), & quamdiu nihil conclusum, nihil quoque committi potest, quod sit contra jus tertii ex concluso ipsi quaesitum (§. 74.). Quoniam itaque unicuique permittendum, ut voluntatem suam mutet, quamdiu nil agit, quod est contra jus alterius (§. 377. *part. 3. Jur. nat.*); qui suffragium jam tulit, mutata sententia calculum suum adicere potest votis sequentibus, quamdiu nihil conclusum.

Ex concluso jus acquiritur iis, quorum vota concludunt, ut fiat, quod ipsis visum fuit: acquiri vero etiam potest tertio cuidam jus, cujus res agitur, quando deliberatur. Quamdiu adeo nihil fuit conclusum, nullum quoque jus ex voris alicui quaesitum est, consequenter nil obstat, quo minus quis voluntatem suam mutare & votis partis adversæ accedere possit, siquidem sententia adversa ipsi videatur melior.

§. 112.

*An ratio vo-
ti reddenda.*

*Qui suffragium jam tulit, mutata sententia calculum suum adicere potest votis sequentibus, quamdiu nihil conclusum (§. 111.), voluntatem vero mutamus, quando aliud putatur melius, quam quod ante videbatur (§. 898. *Psych. em-
pir.**

pir.); ideo *consultum est*, ut *votantes rationem voti sui reddant*; ut scilicet alii perspicere possint, num votum ipsorum sit melius (§. 56. *Ontol.*).

Valor voti non dependet a ratione, cur hoc potius alicui videatur, quam aliud, cum vota non ponderentur (§. 77.), sed numerentur (§. 79.), consequenter ratio voti nil facit ad concludendum (§. 74.). Quando igitur affertur, non aliud intenditur, quam ut ceteri judicare possint, num sententia votantis sit venior, consequenter votum melius. Facit adeo ad informandum ceteros, & prodesse potest, ut vel sequentes voto huic sese conforment, vel præcedentes a sententia sua discedant & eidem accedant.

§. 113.

Conclusum mutari nequit nisi unanimi suffragantium consensu, & ubi per hoc jam tertio cuidam jus quæsitum fuerit, nec consensu isto mutari potest. *Demutati- one conclusi.* Quando enim concluditur, per vota determinatur, quid fieri, aut non fieri debeat (§. 74.), consequenter cum singulorum votantium æquale jus sit (§. 78.), nemo eorum pati tenetur, ut se invito ab eo recedatur, quod semel conclusum fuit, sed unicuique competit jus exigendi, ut conclusum executioni detur. Quamobrem si ne omnium suffragantium consensu conclusum mutari nequit. *Quod erat unum.*

Enimvero si ex concluso tertio cuidam jus quoddam fuerit quæsitum; hoc invito eidem rursus auferri nequit (§. 336. *part. 2. Jur. Nat.*). Quamobrem nec omnium consensu conclusum mutari amplius potest. *Quod erat alterum.*

Non est, quod hæreas, num conclusum omnium consensu mutari possit, quando jus nullum ex eo quæsitum tertio fuit. Er enim quod conclusum fuit, id aut voluerunt omnes, si vota unanimia fuerint (§. 66.), aut pro communi omnium sententia habetur, quod per majora conclusum fuit (§. 80.), aut alio etiam (*Wolffii Jur. Nat. Pars VII.*) modo,

M

modo,

modo, in quem omnes consenserunt, vel consentire debuerunt, ut adeo, quod conclusum, ab eadem voluntate profectum intelligatur. Quamobrem cum unicuique permittendum sit, ut voluntatem suam mutet, quamdiu nil agit, quod est contra jus alterius (§. 377. *part. 3. Jur. nat.*); quin etiam idem permissum sit omnibus suffragantibus dubitari haud quam potest.

§. 114.

Quando quod parti fragrantium consensu (§. 113.); si per majora quid conclusum, minori placuit quod placuit parti minori, eidem praeferri nequit, nisi omnes, qui cuius praeferri sunt a parte maiore, in sententiam partis minoris abeant.

possit ei, quod per majora conclusum.

Quando nimirum omnes, quorum vota concludebant, votis partis minoris accedunt, cum hæc in sententia sua persistat, perinde omnino est, ac si unanimi consensu conclusum mutetur: quod cum fieri possit, quamdiu scilicet nullum jus tertio cuidam ex concluso jam fuerit quaesitum, quod hic supponitur (*not. §. 113.*); nullum quoque dubium est, quin minoris partis sententia ex post facto prævaleat, si a concluso recedant omnes, quorum vota concludebant, & votis partis minoris sese conforment. Nimirum quando unanimi consensu conclusum mutatur, perinde est, sive neutra anteriorum sententia probetur, sive ea probetur, quæ erat partis minoris.

§. 115.

De libertate votandi.

Quando suffragia feruntur, unicuique permittendum est, ut libere dicat, quid fieri velit. Quando enim suffragia feruntur, unusquisque votantium declarare debet voluntatem suam de eo, quod communi ipsorum consensu determinandum (§. 62.), consequenter non obligatur sequi voluntatem alterius. Quoniam igitur in votando non dependet ab ullo alio, nisi a seipso, liber autem est, qui in agendo non dependet ab ullo alio homine nisi a seipso (§. 153. *part. 1. Jur. nat.*); qui libet

libet in votando liber est. Enimvero vi libertatis unicuique permittendum, ut in determinandis actionibus suis suum sequatur iudicium, quamdiu nil facit contra jus alterius (§. 156. *part. 1. Jur. nat.*). Quamobrem cum per se pateat, suffragium ferentem nil committere, quod sit contra jus ceterorum, quando libere dicit, quid fieri velit; quando suffragia feruntur, unicuique permittendum est, ut libere dicat, quid fieri velit.

Nemo adeo prætereundum potest, ut ceteri votum suum approbent, nec ægre ferre, si alius sibi contradicat. Juri votandi competit libertas, repugnat vero necessitas sequendi iudicium alterius. Quodsi enim voluntas tua dependere debet a iudicio alieno, perinde omnino est, ac si jus votandi non haberes, ac votum tuum, quod ferre prohiberis, revera nullum censetur.

§. 116.

Qui alteri votanti permittere non vult, ut libere dicat, quid An violatio fieri velit; injuriam eidem facit. Quando enim suffragia feruntur, unicuique permittendum est, ut libere dicat, quid fieri velit (§. 115.), consequenter si permittere nolit, jus votandi violat (§. 239. *part. 1. Phil. pract. univ.*). Quamobrem cum injuriam alteri faciat, qui quid committit, quod contra jus ipsius est (§. 859. *part. 1. Jur. nat.*), adeoque jus ejusdem violat; qui alteri votanti permittere non vult, ut libere dicat, quid fieri velit, injuriam eidem facit.

Voluntatem non permittendi, ut quis libere dicat, quid fieri velit, non uno actu externo prodimus, veluti si suffragium ferenti contradicimus, quia a nobis dissentit, si votum ejus perstringimus, si eidem indignamur & ita porro. Cum vota non ponderanda sint (§. 77.), sed numeranda (*not. §. 79.*), nemini quoque competit jus votum alterius examinandi, vel censendi (§. 72.). Nil tamen committitur quod libertati votandi

adversatur, si quis modeste proferat rationes, quibus sententiam aliis commendet ac persuadeat (§. 112.), vel etiam roget, ut ad rationes istas animum attendant.

§. 117.

*De ordine
in votis fe-
rendis ob-
servando.*

In ferendis votis is observandus est ordo, qui in conventibus observari solet. Per se patet, omnes simul loqui, adeoque votum suum ferre non posse, consequenter certo ordine vota ferri debere, ut unus primus, alter secundus ferat vorum ac ita porro. Quamobrem cum in conventibus certus ordo observandus sit etiam in aliis; is in ferendis votis observandus ordo, qui in conventibus observari solet.

Quid in societatibus naturaliter de ordine tenendum sit, supra ostendimus (§. 33. *Et seqq.*). Et sane inter ea, quæ ordinem exigunt, locum quoque habet suffragatio. Non igitur opus est, ut de ordine in ferendis suffragiis observando in specie quid dicatur. In statu civili lege positiva determinatur ordo: id quod non est hujus loci.

§. 118.

*An si majora
adsint, reli-
quorum vo-
ta adhuc
sint expe-
tenda.*

Majora non ante concludunt, quam ubi singuli votum suum attulerunt. Etenim singulis competit jus votandi, quod nemini invito auferri potest (§. 336. *part. 2. Jur. nat.*). Et quamvis majora jam adsint, cum tamen fieri possit, ut, qui suffragium jam tulit, sententia calculum suum adjiciat votis sequentibus, atque hoc liceat, quamdiu conclusum nihil fuit (§. 111.); vota majora non ante adesse intelliguntur, quam postquam singuli votum suum tulerunt. Majora igitur nec ante concludunt, quam vota singulorum fuerint lata.

Accedit etiam, quod majoribus accedere possint sequentes; ut adsint unanimia, vel minimum numerus majorum augatur. Quoniam itaque majora non concludunt, nisi ubi unanimia obtineri nequeunt (§. 79.), & quo major fuerit consentienti-
um

um numerus, eo major quoque fit præsumtio, quod vota ipsorum sint meliora (not. §. 107.); consentaneum quoque est, ut singulorum vota audiantur.

§. 119.

Dissentientibus imputari nequit, quod vota majora concludunt. Quibus
Qui enim dissentiunt, iidem fieri nolunt, quod fieri volunt ce- *nam conclu-*
teri consentientes (§. 659. part. 1. Phil. pract. univ.), sed tantum- *sum imputa-*
modo pati tenentur, ut fiat, quod hi volunt (§. 80.). Quamob- *ri nequeat.*
rem dici nequeunt causa libera ejus, quod concluditur, con-
sequenter cum actio non imputetur, nisi quatenus aliquis de-
claratur causa libera ejus, quod ex actione ipsius consequitur,
boni malique vel sibi, vel aliis (§. 527. part. 1. Phil. pract. univ.);
quod vota majora concludunt, dissentientibus imputari nequit.

Ponamus in societate negotiatoria a plurimis concludi, ut
pecuniæ certa summa impendatur in negotium admodum pe-
riculosum; qui dissentiunt, illis jactura pecuniæ imputari ne-
quit, consequenter damnum ferendum solis consentientibus, etsi
alias damnum commune sit. Præstat igitur, si more Belgarum
in istiusmodi casibus requirantur vota unanimia (not. §. 107.).

§. 120.

Si quis ad finem societatis consequendum plus confert aliis so- Quando so-
ciis, valor voti æstimandus in ratione collati sui ad collatum mini- cion uni plura
imum. Etenim qui duplum confert ejus, quod in collatis *compctant*
minimum est, is duplicem repræsentat socium; qui triplum *vota.*
confert, triplicem & ita porro. Quamobrem cum singuli
socii votum habeant (§. 63.); qui vicem duorum, vel tri-
um sociorum subit, vota quoque duo, vel tria habere de-
bet. Sunt vero singula vota ejusdem valoris (§. 78.), ad-
eoque qui vota duo habet, ejus votum æquipollet duo-
bus, qui habet tria, ejus votum tribus æquipollet. Valor
igitur voti æstimandus est in ratione collatorum ad finem

societatis consequendum, si socius unus ad eundem plus confert ceteris,

Vota nimirum in casu propositionis præsentis æstimantur ratione geometrica, & sic æstimata demum numerantur. E. gr. Ponamus socium unum habere vota duo, tres vero singula. Si unus ex tribus consensit cum eo, qui duo vota habet, vota non erunt paria, etsi duo sint tantummodo qui consensuerunt, duo autem qui dissentiunt. Votorum enim numerus est 5, quamvis ea ferentes tantummodo sint numero quatuor, & sic in casu præsentis tria vincunt duo. Exempla occurrunt apud *Strabonem* lib. 13 & 14. Cum enim Libycæ & tres vicinæ urbes in unum quasi corpus coivissent, convenerunt, ut Libycæ, quia in commune multo plus ceteris conferebat, bina essent vota, ceterarum vero singula. Similiter in Lycia viginti & tres fuerunt urbes, quarum aliæ terna, aliæ bina, aliæ singula ferebant vota, quod ad eundem modum onera tolerarent. Quamvis autem juri naturæ maxime conveniat votorum æstimatio in ratione ejus, quod quis confert ad finem societatis consequendum; mos tamen populorum eidem sæpe intercedit. Ita in Belgio fœderato quamvis Hollandia & in ea Amstelodamum præcipua onera ferat; non tamen plus suffragiorum habet, quam vel modicæ civitates, & nobiles Hollandiæ nonnisi votum unum habent, quemadmodum minima urbs Provinciæ,

§. 121.

Idem porro Si rem, in qua fundamentum habet societas, non aequaliter expenditur. omnes participant, vota æstimanda sunt ex modo participationis, seu in ratione ejus, quod unusquisque participat. Quod si enim rem, in qua fundamentum habet societas, non æqualiter participant omnes, perinde omnino est ac si ad finem societatis consequendum unus plus conferret aliis. Enimvero si unus socius ad finem societatis consequendum plus confert aliis, valor votorum æstimandus est in ratione collatorum (§. 120.).
Quam-

Quamobrem si rem, in qua fundamentum habet societas, non æqualiter omnes participant, vota æstimanda sunt in ratione ejus, quod unusquisque participat.

Exemplum tale est, si in hæreditate vel fundo alius partem dimidiam, alius sextam, alius tertiam habeat. Tum enim votum primi erit ut 3, secundi ut 1, tertii ut 2: id quod pater reductione fractionum $\frac{1}{2}$, $\frac{1}{6}$, $\frac{1}{3}$ ad eandem denominationem facta. Perinde igitur est, ac si primus haberet vota sex, secundus unum, tertius duo. Et secundum hunc modum vota numeranda sunt. Grotius lib. 2. c. 5. §. 22. propositionem præcedentem sub præsentem comprehendit; sed rectius præsens reducitur ad præcedentem, quemadmodum ex demonstratione apparet. Sane si in exemplo, quod dedimus, fundus dividendus, divisio fieri debet in partes sex, & harum tres erunt primi, una secundi, duæ tertii, adeoque perinde est, ac si sex essent socii, quorum unusquisque contulisset partem unam in commune, consequenter primus repræsentat socios tres, secundus unum, tertius duos. Ceterum ex iis, quæ de diverso votorum valore demonstravimus, patet, eundem minime ob stare æquali juri sociorum in votando, nec votorum numerationi, æquitati autem naturali maxime convenire, quamvis mos eidem contrarius non iniquus dici possit, propterea quod societatem contrahentes in eum consenserunt, quilibet autem vi libertatis naturalis de jure naturaliter sibi competente pro arbitrio suo statuere potest, nec id semper facit temerarie, cum ut faciat prudentia suadeat. Sed de eo jam discretius dicere ab instituto nostro alienum.

§. 122.

Qui in locum socii succedit, in omne jus ac omnem obligationem ejus succedit. Socius enim persona moralis est, quæ loco alicui adeo efficitur per jura & obligationes, quæ eidem competunt (§. 70. part. 1. Jur. nat.). Qui adeo in locum socii succedit, ei idem jus competere debet, quod ipsi competit, De eo, qui in locum alicuius socii succedit.

bat, & eadem ipsum obligatio tenere debet, quæ illum tenebat. Patet itaque, eum, qui in locum socii succedit, in omne jus ac omnem obligationem ejus succedere.

Si quis in locum socii succedit, tum perinde esse debet, ac si qui antea erat socius adhuc adesset. Atque ideo in persona socii nulla mutatio accidere potest: secus enim non censetur idem socius, qui ante fuerat (§ 131. *Ostol.*). Quodsi sive in jure, quod socio competebar, sive in obligatione, quæ ipsum tenebat, quidpiam mutetur, tum loco socii veteris alius recipitur novus, non vero hic, qui recipitur, in locum veteris succedit.

§. 123.

De eo, qui in locum alterius succedit, in omne jus & obligationem ejus succedit. Immo in genere qui in locum persona cujusdam moralis succedit, do, quo propositionem præcedentem demonstravimus. Patet eodem modo, quo propositionem præcedentem demonstravimus.

Notanda quoque hic est differentia, quæ intercedit inter eum, qui in locum alterius succedit, & inter eum, qui loco alterius recipitur, quando de personis moralibus sermo est. In locum enim succedens eandem induit personam moralem: loco alterius qui recipitur, non eadem manet persona moralis, sed ea cum individuo physico mutatur. In casu adeo priori nulla accidere potest mutatio quoad jura & obligationes; in hoc autem jura non minus, quam obligationes mutari possunt, prout visum fuerit. Principio hoc utemur in sequentibus, adeoque idem hic non prætermittere debuimus. Demonstratio præcedens poterat ad propositionem præsentem applicari & præcedens per modum corollarii inde inferri.

§. 124.

An socius nemini sociorum competit jus sese opponendi ei, quod per majorem sese opposita fuit conclusum. Qui enim sese opponit ei, quod per majorem fuit conclusum, is vult, ut ne sit ratum, quod plurimis placuerit, quia ipse dissentit (§. 66. 74.). Vult igitur, ut votum suum plus valeat, quam partis majoris: quod cum æquali voto.

votorum singulorum valori repugnet, utique absurdum est (§. 78.). Nemini adeo sociorum competere potest jus sese opponendi ei, quod per majora fuit conclusum (§. 156. *part. 1. phil. pract. univ.*).

Ostenditur etiam hoc modo. Qui in societate est, tacite in hoc consensisse intelligitur, ut illud ratum sit, quod plurimis placuerit (§. 80.), consequenter ut valeat, quod per majora fuit conclusum (§. 66. 74.). Quamobrem cum societates nitantur pacto, vel quasi pacto (§. 1.), ex quasi pacto autem non minus (§. 505. *part. 4. Jur. nat.*), quam ex pacto nascatur obligatio (§. 789. *part. 3. Jur. nat.*); quilibet socius obligatur pati, seu universis sese obligavit, quod pati velit, ut illud ratum habeatur, quod plurimis placuerit, seu ut valeat, quod per majora conclusum. Nulli adeo competere potest jus sese opponendi ei, quod per majora fuit conclusum.

Immo hoc quoque modo demonstratur. Qui sese opponit ei, quod per majora fuit conclusum, quia ipse dissentit; is vult ut sententia sua sententiæ plurium consentientium præferatur, certe non alia de causa, quam quod prætendat, votum suum esse melius votis partis majoris. Vult itaque, ut vota meliora concludant. Quoniam itque vota meliora concludere nequeunt, quando vota iter se contendunt (§. 76.); nemini quoque sociorum competere potest jus sese opponendi ei, quod per majora fuit conclusum.

Quodsi uni sociorum liceat sese opponere ei, quod per majora fuit conclusum, votum potentioris semper vincet, consequenter omnia in societate dependent a voluntate socii potentioris, quæ tamen communi sociorum consensu determinanda sunt (§. 44.). Qui adeo hoc prætendit, jus sibi arrogat, quod nulli socio competere potest, ac perinde est, ac si omnes a voluntate ipsius dependere deberent. Facile autem patet, neminem sibi alios invitos subicere posse. Quocunque igitur modo

(Wolffii Jur. Nat. Pars VII.)

N

modo

modo rem consideres, semper absurdum erit, sese opponere ei, quod per majora conclusum, nisi scilicet de modo, quo vota concludere debent, specialiter quidpiam fuerit conventum (§. 107.). Nullo igitur jure sese votis majoribus socius aliquis opponit.

§. 125.

An pars minor sese opponere possit minor sociorum sese opponere potest ei, quod per vota partis majoris conclusum per majora factu.
Quoniam nemini sociorum competit jus sese opponendi ei, quod per majora fuit conclusum (§. 124.); nec pars minor sociorum sese opponere potest ei, quod per vota partis majoris conclusum per majora factu.

Jus partis minoris non differt a jure singulorum, qui hanc partem faciunt. Ponamus enim tres esse socios dissentientes. Cum horum primo non competat jus sese opponendi ei, quod per majora conclusum, nec tale jus competat secundo, neque etiam tertio; nulla sane ratio est, cur tribus hifce simul sumtis competere debeat jus, quod singuli habere nequeunt. Ex jure singulorum metiendum est jus simul sumtorum. Ast in re satis manifesta prolixiores esse nolumus.

§. 126.

Quando unus dissensu unius irritum efficitur, quod ceteri concludunt.
Si ita fuerit conventum, ut nonnisi unanimia concludant; dissensu unius irritum efficitur, quod ceteri concludunt. Quodsi enim ita fuerit conventum, ut nonnisi unanimia concludant, nisi unanimia adsint, nihil concludi potest (§. 107.). Quoniam itaque unanimia non adsunt, si vel unus dissentit (§. 66.); quamdiu vel unus dissentit, nihil concludere licet. Quodsi ergo non obstante unius dissensu ceteri concludant, quid fieri debeat, nullo jure hoc faciunt (§. 170. part. 1. Phil. pract. univ.), consequenter conclusum hoc unius dissensu irritum efficitur.

Sane quando ad concludendum unanimia requiruntur, uni cuilibet competit jus non patiendi, ut ceteri se dissentiente quicquam concludant. Injustum adeo est, quando vel uno dissentiente

tiente ceteri quicquam concludere audent, adeoque naturaliter non valet, cumque dissentiens pati non teneatur, ut jus suum violeetur; licite sese opponit ei, quod a ceteris conclusum.

§. 127.

Si ad concludendum certus votorum numerus requiratur, & Quando dis-
vel uno voto deficiente quidpiam concludatur; dissentientes conclu-
sum irritum facere possunt. Quando enim ad concludendum pauciores
certus numerus requiritur, nihil concludi potest, quamdiu conclusum
pro sententia plurium vel votum unum deficit (§. 107.). *irritum eff-*
Unde porro eodem, quo ante (§. 126.), modo patet, *dissen-*
tientes conclusum irritum facere posse, si ad concludendum sint.
certus votorum numerus requiratur, & vel uno deficiente
quidpiam concludatur.

Nimirum si certa detur lex de numero votorum concluden-
tium, in societate ferendum non est, ut ab ea recedatur, aut ab
uno vel altero socio fiat, quod eidem adversatur (§. 51.). Sin-
guli socii obligantur ad observantiam legum; singulis etiam
competit jus non patiendi, ut quid fiat, quod iisdem contrari-
atur.

§. 128.

Conclusum dicitur legitimum, vel etiam justum, quod jux-
ta leges de jure votandi sancitas, aut mores factum. *De concluso*
obrem cum in societate ferendum non sit, ut a legerceda-
tur, aut ab uno vel altero socio fiat, quod eidem adverfa-
tur (§. 51.), mores autem vim legum obtineant, cum in eos
tanquam regulam tacite consenserint, qui iisdem utuntur;
concluso legitimo seu justo nemo sese opponere jure potest, nec feren-
rendum, ut quis hoc faciat. *legitimo, seu*
justo.

Cum in societate vota non ponderentur (§. 77.); conclu-
sum per ea factum examinari nequit nisi secundum leges ac
mores suffragia ferendo (§. 72.). Quodsi adeo nil objici pos-
sit, quod hisce contrarietur; conclusum censetur legitimum,

seu justum, quippe eo modo factum, qui fieri debet. Ita si plurima vota simpliciter concludunt, conclusum justum dicitur, quod juxta plurima factum. Et ex adverso injustum, seu illegitimum erit, quod factum paucioribus conformiter. Agitur enim hic de jure externo, cujus fundamentum sunt leges ac mores, non alio fine latæ ac introducti, quam ut certo constet, quidnam concludi & quodnam conclusum pro justo haberi debeat, cum in votis ponderandis unusquisque suo abundet sensu, nec unquam sperandus sit consensus (§. 73.).

§. 129.

De jure proponendi, colligendi & juxta ea conclusum faciendi in aliquem conferendum.
Per se patet, necesse esse, ut quis ea proponat, de quibus consultandum, ut vota eorum, quibus jus votandi competit, colligat, & ut concludat, quid per vota fieri debeat.
Quoniam vero communi sociorum consensu statuendum est de iis, quæ constanter ac semper eodem modo fieri debent, & quod statutum fuit, observare obligantur socii (§. 45.); ideo jus quoque proponendi ea, de quibus consultandum, ac de iis vota colligendi & juxta ea conclusum faciendi in aliquem conferendum.

Naturaliter itaque a voluntate sociorum unice dependet, quid ea de re statuere velint. Et quod ipsis placuerit, id post hac observandum (§. 45.). Immo quamprimum quis in societatem recipitur, ad hujus observantiam obligatur (§. 60.). Nemo igitur jus proponendi vel vota colligendi, aut conclusum faciendi sibi arrogare potest, nisi is, in quem id fuerit collatum. Non tamen nego fieri posse, ut ita conveniatur, cuilibet integrum esse debere, ut ea proponat, quæ e re societatis esse putet, ac de eo vota colligat, & per ea concludat. Quodsi enim ita conventum fuerit, jus quoque, de quo nobis jam sermo est, promiscue in quemvis collatum. Neque adeo id refragatur propositioni præsentī. An vero consul-

sultum fit, ut ita conveniatur, in presenti disquirendum non est. Neque enim de eo jam quaeritur, quid sit melius; sed quid sit iuris: jus autem metiendum est ex eo, quod sociis placuit & conventum fuit.

§ 130.

Si jus proponendi in certam personam collatum & quis velit Quid te- aliquid proponi, de quo deliberetur; hic illum ut proponas rogare nendum, si debet. Etenim si jus proponendi in certam personam collatum, nemini ad deliberandum quid proponere licet nisi ipsi *quis qua-* dam propo- (§. 170. part. 1. *Phil. pract. univ.*). Quamobrem si quis velit, *ut velit, cui* quædam ad deliberandum proponi; is utique rogare tene- *id iuris non* tur eum, in quem jus proponendi collatum, ut proponat. *competit.*

Fieri omnino potest, ut uni vel alteri sociorum subinde succurrant nonnulla, quæ e re societatis, vel etiam hujus aut alterius socii esse videntur, & de quibus ut deliberetur ac certi quid concludatur consultum est. Quamobrem, ut id proponatur ad deliberandum, officiis sociorum consentaneum (§. 7.). Quoniam tamen nemo sibi arrogare potest jus, quod alteri competit, cum nemo naturaliter facere debeat, quod est contra jus alterius (§. 910. part. 1. *Jur. nat.*); ideo si jus proponendi in certam quandam personam collatum, is quoque proponere debet, non alius, consequenter ut proponat, rogandus est.

§ 131.

Si is, in quem jus proponendi collatum rogatus, ut quid Si is roga- proponat, proponere nolit; naturaliter provocare licet ad in-ius propo- tegram societatem, ut per vota sociorum concludatur, anrum vere nolit. ad deliberandum proponi debeat, nec ne. Quoniam enim quilibet sociorum facere obligatur, quod ad finem societatis consequendum facere potest (§. 7.), ac salutem societatis curæ habere (§. 16.), singulis autem sociis competit jus declarandi voluntatem suam de eo, quod fieri

debet in casu emergente, qui ad societatem spectat (§. 61.) & per vota conclusum faciendum (§. 75. & seqq.); cuiuslibet omnino socio integrum est rogare eum, in quem jus proponendi collatum, ut proponat id, quod ipsi e re societatis esse videtur. Atque adeo quoque, qui jus proponendi habet, rogatus proponere debet id, quod e re societatis socio uni, vel alteri videtur. Quodsi ergo facere nolit, cum ipsi non competat jus de eo, quod ad finem societatis consequendum fieri debeat, per se statuendi (§. 61.); naturaliter utique ei, qui quid proponi vult, provocare licet ad socios omnes, ut hi statuunt, utrum ad deliberandum id, quod vult, proponi debeat, nec ne.

Naturaliter unicuique competit jus proponendi ad deliberandum id, quod ad finem societatis conducere ipsi videtur, cum unicuique salus societatis curæ esse debeat (§. 16.), singuli tamen de eo voluntatem suam declarare teneantur (§. 51.). Quando vero necessitas, vel utilitas exigit, ut jus proponendi in unum quendam conferatur; id in eum non collatum intelligitur ea lege, ut de eo, quod ad finem societatis conducit, statuat pro lubitu, quasi ceteris adempta sit omnis causa salutis societatis. Jus enim proponendi ea, de quibus deliberandum est, hoc minime involvit, quippe quod non alia ratione nittitur, quam ut omnia ordine fiant, absque ulla confusione. Aliud omnino est proponere ea, de quibus deliberandum est, aliud vero statuere, utrum de aliquo deliberandum sit, nec ne: hoc enim supponit, ut unus sociorum solus de rebus nonnullis ad societatem spectantibus statuere possit, quod fieri non debeant, si ipsi ita visum fuerit. Jus igitur hoc sibi arrogare nequit is, in quem jus proponendi ordinis causa collatum. Quamobrem cum nemo sociorum pati teneatur, ut alius quidam socius sibi arroget jus, quod non habet; necesse omnino est, ut singulis competat jus provocandi ad socios omnes, ubi is, qui jus proponendi habet, proponere renuit id, quod ipsi ad proponendum commendatur.

§. 132.

Concordes dicuntur, qui ejusdem sunt animi, seu quorum *Concordia* eadem est voluntas & noluntas. Unde *Concordia* est identit- *quid sit.* tas animorum, seu voluntatis ac noluntatis in diversis, sub-
jectis.

Nimirum si unus vult, quod vult alter, & unus etiam non vult, quod non vult alter; duo hi sunt concordēs. Ac idem etiam intelligitur de pluribus.

§. 133.

Discordes ex adverso dicuntur, qui non sunt ejusdem *Discordia* animi, seu quorum diversa est voluntas & noluntas. Un- *quid sit.* de *Discordia* est diversitas animorum, seu voluntatis ac nolun-
tatis in diversis subjectis.

Nimirum si unus vult, quod alter non vult, vel unus non vult, quod vult alter, aut si diversa volunt, veluti unus hoc, alter aliud; hi duo discordes sunt. Ac idem etiam intelligitur de pluribus. Dissident discordes animo.

§. 134.

Concordes sunt socii, si vota eorum fuerint unanimia, vel si Quando so-
majoribus sese non opponunt; ac legibus societatis sese subiciunt. cii sunt Dis-
Etenim si vota fuerint unanimia, socii omnes idem volunt, *cordes.*
vel nolunt (§. 66. 65.). Quamobrem cum concordēs sint,
si idem volunt, vel nolunt (§. 132.); concordēs utique sunt,
si eorum vota fuerint unanimia. *Quod erat unum.*

Enimvero quando vota unanimia haberi nequeunt, ma-
jora concludunt (§. 79.), & quod majori parti visum est, id
habetur pro communi omnium sententia (§. 80.), conse-
quenter omnes adhuc idem velle, vel nolle censentur, si-
quidem nullus majoribus sese opponit, sed in eo, quod per
majora fuit conclusum, omnes acquiescunt. Quamobrem
cum

cum concordēs sint, qui idem volunt, vel nolunt (§. 132.); concordēs quoque sunt socii, si dissentientes majoribus sese non opponunt. *Quod erat secundum.*

Denique cum leges societatis sint regulæ, juxta quas socii qua tales actiones suas determinare obligantur (§. 131. *pars. 1. Phil. pract. univ.*); si se legibus subjiciunt, adeoque actiones suas in iis, quæ ad societatem spectant, juxta easdem determinant, in rebus ad societatem spectantibus idem volunt ac nolunt. Quoniam itaque concordēs sunt, si idem volunt ac nolunt (§. 132.); concordēs utique sunt, si sese legibus subjiciunt. *Quod erat tertium.*

Quælibet societas suas habere debet leges (§. 46.), quibus etiam accensentur mores (*not. §. cit.*). Legum adeo observantia conservatur concordia. Quoniam lege definitur, utrum tantummodo unanimia concludere debeant, an vero etiam istis deficientibus majora (§. 107.), quemadmodum naturaliter obtinet, nisi aliquid conventum fuerit in contrarium (§. 79.); qui majoribus sese non opponit, legi societatis utique sese subjicit, atque adeo hoc quoque in casu legum observantia concordia conservatur.

§. 135.

*Quando
sint discor-
des.*

Discordes sunt socii, si qui legibus subiecti esse nolunt, ac majoribus sese opponunt, etiam si conventum non fuerit, ut nonnisi unanimia concludant. Quoniam enim leges societatis sunt regulæ, juxta quas socii qua tales suas actiones determinare tenentur (§. 131. *pars. 1. Phil. pract. univ.*), si qui legibus sese subjiciunt, adeoque actiones suas in iis, quæ ad societatem spectant, juxta eas determinant, alii vero illis sese subjicere, adeoque actiones suas in iis, quæ ad societatem spectant, determinare nolunt; evidens omnino est, non idem velle ac nolle omnes. Quamobrem cum discordes sint

sint focii, si non idem volunt & nolunt, sed quod alii volunt, id alii nolunt (§. 133.); discordes utique sunt, si qui legibus subiecti esse nolunt. *Quod erat unum.*

Quoniam vota majora concludunt (§. 79.), nisi expresse fuerit conventum, ut nonnisi unanimia concludant (§. 107.); legibus omnino societatis accenseri debet, ut majora concludant, quando unanimia haberi nequeunt (§. 131. *part. 1. Phil. pract. univ. §. 80. h.*). Qui adeo majoribus sese opponit, etiam si expresse non fuerit conventum, ut nonnisi unanimia concludant, legibus societatis subiectus esse non vult. Quamobrem cum discordes sint focii, si qui legibus subiecti esse nolint, *per demonstrata*; discordes omnino erunt, si qui majoribus sese opponunt, etiam si expresse non fuerit conventum, ut nonnisi unanimia concludant. *Quod erat alterum.*

Non est, quod excipias, si vota non fuerint unanimia, alios nolle, quod volunt alii (§. 66.), consequenter discordes esse focios, quando unanimia haberi nequeunt (§. 133.). Quod si enim vota majora concludant, & his acquiescant ceteri, quorum dissensientia erant vota, lex animos eorum unit, adeoque concordia conservatur, quatenus eidem sese subjiunt, qui in diversam sententiam abibant. Unum enim idemque est, si effectum spectes, siue omnes idem velint, aut nolint, siue dissensientes acquiescant in eo, quod consentientibus placuit. Discordiæ adeo in societate autores sunt, qui exleges esse volunt (§. 165. *part. 1. Jur. nat.*), adeoque suo nutu omnia fieri debere contendunt.

§. 136.

Socii concordēs esse debent. Quilibet enim socius obligatur ad legum observantiam (§. 60.), nec ferendum est in *sociorum* societate, ut ab uno vel altero socio fiat, quod iisdem *addebita*. versatur (§. 51.), consequenter focii omnes sese legibus sub-
(*Wolffii Jur. nat. Pars VII.*) O jice-

jicere debent. Enimvero si socii sese legibus subjiciunt, concordēs sunt (§. 134.). Socii itaque concordēs esse debent.

Non igitur socii concordia tantummodo commendanda tanquam medium, sine quo salus societatis consistere nequit; verum ea spectanda est tanquam debitum, ita ut discordia sit illicita, tanquam naturaliter prohibita (§. 170. *part. 1. Phil. Pract. univ.*), ut adeo discordiarum autores peccent & in societatem injurii sint. Observantia nimirum legum conservatur concordia (*not. §. 134.*), ea vero debita est (§. 60.). Sine observantia legum salus societatis subsistere nequit (§. 50.), quam tamen unusquisque sociorum curae habere debet (§. 16.), atque ideo concordia socii quam maxime commendanda. Quoniam vero lege naturali præcipitur concordia; ideo patet, discordiam eadem prohiberi (§. 722. *part. 1. Jur. nat.*), adeoque illicitam esse (§. 170. *part. 1. Phil. pract. univ.*).

§. 137.

Quando so- *Si unius vires non sufficiunt ad finem aliquem consequendum,*
cietates con- *societates contrahenda.* Etenim si unius vires non sufficiunt
trahenda. ad finem aliquem consequendum, necesse est ut tot vires suas
conjugant, quot ad eundem consequendum vires sufficien-
tes habent, consequenter ut sibi mutuo promittant, quod
conjunctis viribus operam dare velit, ut eandem consequan-
tur, adeoque de fine ipso conjunctis viribus consequendo
inter se paciscantur (§. 788. *part. 3. Jur. nat.*). Quoniam
itaque pacto de fine quodam conjunctis viribus consequen-
do societas contrahitur (§. 1.); si unius vires non sufficiunt
ad finem aliquem consequendum, societas contrahenda.

§. 138.

De societate *Ipsa natura societatem inter homines instituit & ad societa-*
a natura in- *tem colendam eos obligat.* Etenim nemo hominum solus se sta-
stituta. tumque suum perficere potest, quemadmodum debet (§. 167;
part.

part. 1. Phil. pract. univ.), sed unusquisque aliorum indiget auxilio, nec nisi conjunctis viribus perfectio ista obtineri potest (§. 220. *part. 1. Phil. pract. univ.*), ac ideo homines per ipsam essentiam atque naturam suam obligantur ad perfectionem suam statusque sui conjunctis viribus promovendam (§. 221. *part. 1. Phil. pract. univ.*). Quoniam itaque lex naturæ imperat, ut homines velint conjunctis viribus perfectionem sui statusque sui promovere, atque adeo perinde sit ac si de hoc fine conjunctis viribus consequendo pactum inissent (§. 789. *part. 3. Jur. nat.*); ipsa natura societatem inter homines instituit (§. 1.), & quatenus ab hac obligatione naturali nemo sese liberare valet (§. 674. *part. 3. Jur. nat.*), ipsa natura homines obligat ad societatem colendam.

Societas hæc naturalis est, & latissime patet, cum extendatur ad omnia officia erga alios. Obligatio autem ista generalis ad vitam socialem colendam continet quoque obligationem ad contrahendas societates voluntarias, de qua dictum est in propositione præcedente (§. 137.). Vires enim hominum non sunt inexhaustæ, ut unus omnibus in universum quocunque in casu prodesse possit. Quamobrem necesse est, ut quidam per pacta sese invicem sibi obligent ad certos fines conjunctis viribus consequendum, atque adeo societates contrahant (§. 1.).

§. 139.

Quoniam ipsa natura hominem obligat ad societatem colendam (§. 138.); *nemini licet vitam solitariam agere, ut solitariam sibi soli vivat, non aliis.* *An vitam solitariam agere liceat*

Nemo sane nostrum sibi soli vivere debet, cum alteri cuiunque idem debeat, quod sibi, quatenus alter id non habet in potestate sua, ipse autem citra neglectum officii erga seipsum hoc alteri præstare potest, (§. 608. *part. 1. Jur. nat.*). Hoc cum fieri minime possit, nisi homines conjunctis viribus com-

mune bonum promovere studeant; ideo nec iis convenit, ut ferarum instar vitam solitariam agant. Ipsa omnino bruta ad societatem ineundam naturali instinctu feruntur, quando finem aliquem, propter quem agunt, nonnisi conjunctis viribus consequi datur. Exemplo sunt aves, quando speciei propagandæ operam dant.

§. 140.

*Adjutorium
quid sit, &
quid sit mu-
tuum.*

Adjutorii nomine veniunt actus, quibus vel ad factum alterius concurrimus, vel bonum alterius promovemus. *Mutuum* adeo *adjutorium* est, quod duo vel plures sibi invicem præstant, veluti si unus concurret ad facta alterius & hic vicissim ad facta illius, & unus promoveret bonum alterius & hic vicissim bonum illius.

Non recensere jam lubet, quot modis quis ad factum alterius concurrere possit: id enim jam abunde ostendimus alibi (§. 110. & seqq. *part. 2. Phil. pract. univ.*). Neque etiam inquirimus, quot modis unus bonum alterius promoverè possit; id enim pater ex iis, quæ de officiis erga alios in parte prima Juris naturæ integro capite tertio demonstravimus, tum etiam passim in sequentibus. Id tantummodo notandum est, cum absentia mali bonum sit (§. 756. *part. 1. Jur. nat.*); bonum quoque alterius a nobis promoveri, si malum quoddam ab eo depellimus, veluti avertendo, ne in id incidat, vel eundem ab eodem liberando, ubi eo jam affigitur. In societatibus particularibus bonum commune consistit in fine, cujus gratia contrahuntur (§. 11.). Qui adeo hæc omnia probe perspecta habet, ei non difficile erit in casu quocunque de adjutorio judicium ferre.

§. 141.

*Quinam
mutuum
adjutorium*

Quoniam mutuum adjutorium requirit, ut unus concurrat ad factum alterius & hic vicissim ad factum illius, & unus promoveat bonum alterius & hic vicissim bonum illius

(§. 140.);

(§. 104.); qui mutuum adiutorium sibi invicem præstant, ut vi- sibi invicem res suas coniungunt in agendo, & in eo, quod ipsis bonum est, prom- præsent. movendo, & contra.

In mutuo adiutorio unus supplet defectum virium alterius, ut obtineatur, quod alias obtineri non poterat, vel non poterat adeo commode. In agendo adeo duo vel plures spectantur tanquam una persona ac unus alterum considerat tanquam seipsum, si mutuum sibi adiutorium præstant.

§. 142.

Societas naturalis dicitur, quam ipsa natura inter homi- *Societas na-*
nes instituit. Vocatur autem *magna*, quam inter homines *turalis qua-*
promiscue omnes instituit. *nam sit, &*

Cum societatem superius definiverimus per pactum, vel quasi *quamam ma-*
pactum (§. 1.); forsitan non deerunt, qui existimaturum sunt, *gna dicatur.*
quasi societas nulla inter homines a natura instituta dici pos-
sit, nisi a significato isto recedatur, consequenter si significatus
iste proprius esse debeat, non nisi improprie dici posse natura
societatem quandam institutam esse. Enimvero hi erunt, qui
non satis perpendunt, quid sit quasi pactum. Etenim quasi
pactum nititur consensu præsumto alterius (§. 504. part. 5.
Jur. nat.). Quamobrem cum ipsa natura nos obliget ad per-
fectionem nostram ac status nostri promovendam conjunctis
viribus (§. 221. part. 1. *Pbil. pract. univ.*); unusquisque habere
debet voluntatem conjunctis viribus perfectionem communem
sui ac status sui promovendi (§. 170. part. 1. *Pbil. pract. univ.*).
Cumque nemo hominum solus se statumque suum perficere
possit, sed unusquisque indigeat auxilio aliorum, nec nisi con-
junctis viribus perfectio ista obtineri possit (§. 220. part. 1. *Pbil.*
pract. univ.); quin quisque habeat voluntatem istam, quando
hoc cognoscit, dubitandum non est. Et ipsa lex consensum
eorum, quorum ope indigemus, præsumere jubet. Atque
adeo dici potest, societatem istam naturalem niri quasi pacto,
quod natura nostro nomine fecit, nisi hoc a nobis ipsis factum

admittere velis. Homines conjunctis viribus commune bonum promovere debent, adeoque in hoc consentire, cum non dependeat ab ipsorum voluntate utrum consentire velint nec ne (§. 674. *part. 3. Jur. nat.*). Quamobrem cum quilibet velle intelligatur, ut alter bonum ipsius promoveat & in eo promovendo auxilium præster, alter quoque idem velle præsumitur, consequenter in commune bonum conjunctis viribus promovendum consentire intelliguntur (§. 658. *part. 1. Phil. pract. univ.*). Sed vix opus est, ut in hisce sumus prolixiores: parum enim refert, sive dicas, societatem naturalem improprie talem dici, sive nolis, societatem omnem a pacto vel quasi pacto derivari. Hoc unum saltem addimus, neminem in dubium vocare, si superiori sit parendum, societatem a nobis esse contrahendam, quando jubet. Enimvero natura quoque jubet, ut societatem inter se contrahant omnes, adeoque necessario contrahenda, & quatenus ab illa obligatione nos liberare non possumus contracta intelligitur. Instituit autem natura hanc societatem, quatenus homines natura tales sunt, ut unus sine auxilio alterius perfectionem sui ac status sui consequi minime possit (§. 220. *part. 1. Phil. pract. univ.*).

§. 143.

*De iis, quæ
ex custodia
societatis
fiunt.*

Quoniam naturaliter obligamur ad eam societatem colendam, quam ipsa natura inter omnes homines instituit (§. 138.), consequenter quæ naturalis est (§. 142.); quicquid magna illi societati naturali repugnat, id jure naturali illicitum est, quicquid vero ad eam conservandam facit eidemque convenit, seu rationem sufficientem in eadem habet, id est juris natura.

Inde est quod Grotius de I. B. & P. in Prolegom. §. 8. societatis custodiam humano intellectui convenientem, fontem esse statuat ejus juris, quod proprie tali nomine appellatur: quo refert alieni abstinentiam, & si quid alieni habeamus aut lucri inde fecerimus restitutionem, promissorum implendorum obligationem, damni culpa dati reparationem & pœnæ inter

inter homines meritum. In quo sequitur *Ciceronem*, qui lib. 1. de LL. disertè ait, si pateat, cujus muneris colendi efficiendique causa nati & in lucem editi sumus, quæ sit conjunctio hominum, quæ *naturalis societas* inter ipsos, his explicatis, fontem legum & juris inveniri. Enimvero etsi negari haudquaquam possit, ex custodia societatis naturalis, quæ conjunctione hominum unitatem generis humani efficit, ea deduci posse, quæ ad jus externum, quod strictè sic dictum appellat *Grotius*, spectant, consequenter juris naturæ esse, quod ad eam conservandam & colendam pertinet, eidem autem repugnare, quod societati huic repugnat; non tamen propositionem hanc invertere licet, quod quicquid juris naturæ est id ex societatis custodia deduci possit ac debeat, quemadmodum visum fuit *Puffendorfo*. Jus enim internum, præsertim officia erga seipsum & erga Deum, ex custodia societatis deduci nequeunt. Sane non ante intelligitur obligatio hominis ad societatem colendam, quam ubi ante intellexeris, quid sibi debeat (§. 220. *Et seqq. part. 1. Phil. pract. univ.*), & qualis esse debeat societas ista naturalis ex eo ipso æstimandum, quod singuli sibi metipsis debent. Hinc & *Cicero* ad fontem legum ac juris inveniendum quæ faciant enumeraturus, primo loco nominat munus, cujus colendi efficiendique causa nati & in lucem editi sumus ac huic subjungit societatem naturalem tanquam medium, sine quo finem istum consequi non datur & quod non abhorret ab iis, quæ distinctius a nobis demonstrata sunt in parte prima Philosophiæ practicæ universalis, ubi omnis juris naturalis fontem aperuimus & ex ipsa hominis natura deduximus. Nec ipse *Grotius* ea, quæ ad jus internum spectant, ad custodiam societatis, refert, prouti apparet ex §. 9. & 10. *Proleg.* & *Seneca* lib. 4. de benef. c. 18. cum societate conjungit rationem tanquam duas res diversas homini datas, quæ ipsum animantibus ceteris validissimum efficerent, & *Grotius* §. 7. cum appetitu excellentie societatis facultatem sciendi agendique secundum præcepta generalia. Quæ adeo non satis distincte a veteribus tradita fuerunt, ea a nobis distin-

distincte exposita sunt ac demonstrata, ut & facilius intelligi & quomodo unum ab altero dependeat penitus perspicui possit.

§. 144.

*Societatis
naturalis
quinam sit
finis.*

*Societatis naturalis finis est mutuum adiutorium in se statu-
que suo perficiendo.* Etenim ideo natura societatem instituit inter homines in universum omnes ac ad eam colendam omnes obligat, quia nemo sibi solus sufficit ad perfectionem sui statusque sui consequendum, sed unus alterius ope indiget, prouti ex demonstratione superiori liquet (§. 138.). Finis adeo hujus societatis est sui ac status sui perfectio tanquam commune bonum conjunctis viribus obtinendum (§. 932. *Ontol.* & §. 11. *h.*). Quamobrem cum mutuum adiutorium sibi invicem præstent, qui vires suas conjungunt in agendo & in eo, quod ipsis bonum est, promovendo (§. 141.); societatis naturalis finis utique est mutuum adiutorium.

In societate naturali, quemadmodum ea latissime omnium patet, ita etiam mutuum adiutorium ad omnes omnino actus extenditur, quibus bonum generis humani promoveri potest. Per societatem autem istam non aliud intenditur, quam ut homines sibi mutuo ea præstent, quæ ad perfectionem sui ac status sui consequendum faciunt, ac ideo animos ac vires conjungant. Mutuum adeo adiutorium finis est, qui animorum ac virium conjunctione tanquam medio obtinetur. Remotior autem finis est generis humani ac status eorundem perfectio quippe quam mutuo adiutorio consequi datur. Animorum ac virium conjunctio unitatem generis humani efficit, & quatenus conjunctionem istam necessariam efficit natura, societatem inter homines instituit.

§. 145.

*De mutuo
adiutorio*

In qualibet societate socii sibi invicem obligentur ad mutuum adiutorium in iis, quæ ad finem societatis consequendum quomodo.

quomodocunque faciunt. Etenim quilibet socius obligatur facere, *in qualibet* quæ ad finem consequendum facere potest (§. 7.), *consequenter etiam concurrere* quando opus est, ad factum socii alterius propter finem societatis agentis, & cum eo in agendo ac in bono communi promovendo vires suas conjungere. Quoniam itaque mutuum adjutorium sibi invicem præstant, qui hoc faciunt (§. 141.); in qualibet societate socii sibi invicem obligantur ad mutuum adjutorium in iis, quæ ad finem societatis consequendum quomodocunque faciunt.

Atque hinc patet, quo sensu mutuum adjutorium dici possit finis cujuscunque societatis, nimirum respectu finis, cujus gratia societas contrahitur, ita ut illud tanquam finis intendatur, dum societas initur, sed per modum medii subordinetur fini isti, cujus causa societas contrahitur, & qui tanquam bonum commune spectatur (§. 11.). Quoniam vero mutuum adjutorium extenditur ad ea omnia, quæ quocunque modo ad finem societatis consequendum faciunt; non solum ea hic spectanda sunt, quæ immediate ad finem consequendum faciunt, sed etiam ea, a quibus actus, in quo mutuum adjutorium immediate consistit, quomodocunque dependet.

§. 146.

Homines omnes concordare esse debent. Etenim natura so- *Concordia o-*
cietatem inter homines instituit & ad eam colendam eos ob- *mnium ho-*
ligat (§. 138.), adeoque homines omnes spectandi tanquam *minum præ-*
socii (§. 4.). Enimvero socii concordare esse debent (§. 136.). *cepta.*
Ergo homines concordare esse debet.

Non nego, concordiam inter homines omnes inter ea referendam esse, quæ quidem optanda forent, attamen sperari neutiquam possunt. Non tamen inde sequitur eam lege naturali non esse præceptam. Sane amor ille mutuus, quo homines omnes prosequi debent sese invicem (§. 619. *part. 1. Jur. nat.*), etiam exulat ex orbe; hoc tamen non obstante dici ne-
(*Wolffii Jur. Nat. Pars VII.*) P quic

quit, quod lege naturæ non fit præceptus. Nec dici potest; obligationem naturalem extendi ad id, quod impossibile: id quod fit absurdum (§. 109. *part. 1. Phil. pract. univ.*). Neque enim in se repugnat, ut concordēs sint homines sed eorum virio hoc accidit. Obligatio ad servandam concordiam tenet omnes &, si scirent, eandem colerent: quod autem paucissimi obligationi satisfaciunt, propterea ea non tollitur. Quodsi omnes obligationi naturali satisfacerent, vi cuius se statumque suum perficere tenentur, quantum datur, concordēs quoque forent omnes, ut adeo defectus concordie tribuendus sit defectui officiorum erga seipsum.

§. 147.

De Discordia vitanda.

Quoniam homines omnes concordēs esse debent (§. 146.), lex autem præceptiva simul est prohibitiva contrarii (§. 722. *part. 1. Jur. nat.*); discordia lege naturali prohibita, consequenter nemo facere debet, quod discordia causa sit.

Ex officiis dijudicandum est, quinam sit discordie autor. Qui enim vult, quod officia exigunt, altero repugnante, is non est autor discordie, sed ea huic tribuenda. Similiter qui non vult, quod officiis repugnat, altero volente, is dici nequit discordie autor, sed ea volenti imputanda.

§. 148.

In quo universalis concordia consistat.

Quoniam homines omnes concordēs esse debent (§. 146.), concordēs vero sunt, qui idem volunt ac nolunt (§. 133.); omnium hominum in iis, quæ ad magnam illam societatem naturalem spectant, eadem esse debet voluntas, eadem voluntas.

Societatis naturalis, quæ inter omnes homines intercedit, finis est mutuū adiutorium in se ac statu suo perficiendo (§. 144.). Quoniam itaque unusquisque ad se ac statum suum perficiendum obligatur (§. 152. *part. 1. Phil. pract. univ.*); omnes hoc velle debent. Et quoniam hoc fieri nequit, nisi conjunctis viribus (§. 220. *part. 1. Phil. pract. univ.*); omnes quoque velle debent mutuū

rum adjutorium in se ac statu suo perficiendo (§. 141.). Atque adeo patet, hominum omnium eandem fore voluntatem; siquidem omnes obligationi naturali satisfacerent. Ac idem etiam intelligitur de voluntate. Videmus adeo legem naturæ in hominibus requirere eandem voluntatem ac voluntatem in iis, quæ ad officia spectant, consequenter concordiam legi naturæ apprimè consentire, & ex adverso nihil magis eidem adversari, quam discordiam. Ex stricta observantia legis naturæ concordia per se oritur: quamprimum vero ab hac receditur, discordiæ locus est, cum jam sint contrariæ hominum voluntates atque voluntates.

§. 149.

Singulis hominibus naturaliter competit jus non patiendi, ut quis De jure non faciat, quæ communi bono societatis illius naturalis magnæ adversari, ut santur. Quoniam enim magna illa naturalis societas inter quæ faciat, omnes homines a natura promiscue instituta (§. 142.), ho- que bono mines omnes in universum consocii sunt (§. 4.). Quamob- communi so- rem cum consocii pati non teneantur, ut socius faciat, quæ cietatis ma- communi bono adversantur (§. 25.); singulis hominibus na- gna adver- turaliter competit jus non patiendi, ut quis faciat, quæ com- santur. muni bono societatis illius naturalis magnæ adversantur.

Facile patet hic non sermonem esse de eo, quod singuli singulis faciunt, sed de eo, quod societatem ipsam respicit veluti si quondam ii sint mores, ut nonnisi raptò vivere velint, vel promiscue pro lubitu suo lædere alios. Absit autem ut hoc exendas ad eos actus, quibus consulis alteri, cum nemo teneatur ultra id, quod sine neglectu sui facere nequit (§. 608. part. 1. Jur. nat.), & de quo unicuique suum relinquendum est vi libertatis naturalis judicium (§. 156. part. 1. Jur. nat.). Neque enim societatem instituendo natura tollit libertatem naturalem, hoc est, jus, quod unicuique tribuit, utpote sibi metipsum minime contraria. Spectantur adeo hic potissimum læsiones positivæ dolosæ, quibus admissis societas naturalis inter homines instituta

tuta tollitur. Ad hanc colendam, adeoque etiam conservandam cum singuli obligentur (§. 143.), ex hac ipsa obligatione resultat jus non patiendi, ut fiant, quæ societatem ipsam tollunt.

§. 150.

Qualis sit Societas illa naturalis magna societas æqualis est. Natura societas naturalis magna enim homines omnes æquales sunt (§. 81. part. 1. Jur. nat.). Quamobrem cum hominum omnium naturaliter eadem sint jura & eadem obligationes (§. 78. part. 1. Jur. nat.); si natura societatem inter omnes promiscue instituit, in ea omnium eadem obligationes sunt ac jura eadem, adeoque societas ista æqualis est (§. 28.). Quoniam itaque societatem naturalem magnam ipsa natura inter homines omnes promiscue instituit (§. 142.); societas naturalis magna societas æqualis est.

§. 151.

*An tollat
naturalia
jura.*

Quoniam societas illa naturalis magna societas æqualis est (§. 150.), in societate autem æquali socio nulli prærogativa quædam competit (§. 30.), nec præcedentia (§. 33.); in societate naturali magna socio nulli prærogativa, nulli præcedentia competit. Immo eodem modo patet, quod uni licitum, id etiam licitum alteri, & quod uni non licet, idem nec alteri licere. (§. 31.)

Patet adeo abunde, per societatem magnam nulla tolli naturalia jura, nec obligationes, quibus singuli tenentur, quicquam immutari; sed quæ capite primo partis primæ demonstrata sunt, immota prorsus ac inconcussa manere. Adversatur societati huic, si quis prærogativam quandam aut præcedentiam sibi arrogat, aut in alterum sibi licere existimet, quod alteri in ipsum licitum esse non debeat.

§. 152.

Quanam

Leges societatis naturalis magna sunt ipsæ leges naturales.
Quæ-

Quælibet societas suas habere debet leges (§. 46.), adeoque *sint leges so-*
cietatis na- etiam naturalis illa societas magna leges suas habere debet. *turalis ma-*
 Quoniam vero eam inter homines promiscue omnes instituit *gna.*
 natura (§. 142.) mutui adjutorii in se statuque suo perficiendo
 causa (§. 144.), perfectio autem sui statusque sui conjunctis
 nonnisi viribus obtinenda (§. 220. *part. 1. Phil. pract. univ.*),
 fundamentum est omnium legum naturalium (§. 152. 159.
 & §. 221. & *seqq. part. 1. Phil. pract. univ.*); societatis quoque
 illius naturalis magnæ non aliæ sunt leges, quam ipsæ leges
 naturales.

Societas hæc non dependet a voluntate hominum, quippe
 instituta ab ipsa natura (§. 142.). Quamobrem nec jus feren-
 di leges de iis, quæ ad hanc societatem spectant, illis compe-
 tere potest (§. 46.); sed quemadmodum natura societatem
 instituit, ita etiam ipsa natura constitutum jus est, quod in ea
 societate valet. Natura igitur præscribit leges, non voluntate
 sociorum conduntur. Et quia natura nos obligat ad faci-
 endum ea, quæ lege naturali præciuntur, & omittendum ea,
 quæ eadem lege prohibentur, & lege permissiva confert jus ad
 agendum, societatem quoque instituit, quæ alias nulla foret.
 Videtur adeo societas jure naturæ posterior, adeoque hoc sup-
 ponit, consequenter non commode jus naturæ ex ista societa-
 te deducitur, cujus custodiam ipsa lex naturæ imperat, ut ea
 proprie fons juris naturæ dici nequeat etiam quoad ea, quæ
 inde deduci quidem possunt, aliunde tamen jam cognosci, an-
 tequam de societate cogites, quemadmodum abunde patet ex
 iis, quæ de jure naturæ in Tomis præcedentibus demonstrata
 sunt.

§. 153.

Si finis societatis illicitus, societas illicita est: si vero finis Quando so-
præceptus, vel licitus, societas quoque licita est. Etenim cum *cietas licita,*
 illicitum sit, ad quod omittendum obligamur (§. 170. *part. quando illi-*
1. Phil. cita.

1. *Phil. pract. univ.*); si finis societatis sit illicitus, inter ea refertur, quæ a nobis omittenda sunt, consequenter ut eum consequamur, operam dare non licet. Quamobrem cum finis consequendi causa societas contrahatur (§. 1.), finis illiciti causa societatem contrahere non licet, consequenter quæ ejus causa contrahitur societas illicita est.

Ostenditur etiam per indirectum hoc modo. Ponamus societatem licitam esse, cujus finis illicitus, seu finis illiciti consequendi causa societatem inire licere. Quoniam socii obligantur facere, quod ad finem consequendum facere possunt (§. 7.); iidem obligantur ad dandum operam, ut fiat, quod illicitum est, consequenter ad quod omittendum obligamur. Quamobrem cum pacto contrahatur societas (§. 1.), ab obligatione naturali paciscendo nos liberare possumus: quod cum sit absurdum (§. 674. *part. 3. Jur. nat.*), finis quoque illiciti consequendi causa societatem contrahere non licet; seu contracta illius causa societas illicita est. *Quod erat primum.*

Quodsi finis fuerit præceptus, ad eum consequendum obligamur (§. 170. *part. 1. Phil. pract. univ.*): Quamobrem etiam vires conjungere possunt duo vel plures, ut eundem consequantur. Enimvero si duo vel plures inter se conveniant, quod conjungere vires velint ad finem consequendum, societatem ineunt (§. 1.). Societatem igitur inire licet, finis, qui præcipitur, consequendi causa, adeoque societas licita est, cujus finis præceptus. *Quod erat secundum.*

Quodsi finis fuerit licitus, nobis permissum est ut eum consequamur (§. 170. *part. 1. Phil. pract. univ.*). Enimvero si unius vires non sufficiunt ad finem consequendum, societas contrahenda (§. 137.). Quodsi ergo vires unius non sufficiunt ad finem quandam licitum consequendum, permis-
sum

sum quoque nobis est, ut societatem contrahamus. Societas adeo licita est, si finis societatis licitus. *Quod erat tertium.*

Societates differunt fine, qui intenditur (§. 3.). Si finis illicitus, eum intendere non licet, adeoque nec ejus causa contrahere societatem licet. Quod si finis fuerit præceptus, eum intendere debemus (§. 170. *part. 1. Phil. pract. univ.*). Quamobrem si societas ejus consequendi causa contrahitur, paciscentes non intendunt, nisi quod intendere debent. Nemo igitur dubitare potest, quin ejus consequendi causa contracta societas licita sit (§. 159. 170. *part. 1. Phil. pract. univ.*). Si denique finis fuerit licitus, eum intendere nobis permissum est (§. 170. *part. 1. Phil. pract. univ.*). Permissum igitur etiam est ejus consequendi causa societatem contrahere. E, gr. Furtum & rapina lege naturali prohibentur (§. 519. *part. 2. Jur. nat.*). Furti igitur ac rapinae causa societatem contrahere non licet, seu furum ac prædonum societas illicita. Similiter alterum occidere illicitum (§. 743. *part. 1. Jur. nat.*). Latrociniorum itaque causa societatem contrahere non licet, seu latronum societas illicita. Fraudare alterum non licet (§. 148. *part. 5. Jur. nat.*). Societas itaque, quæ contrahitur alios defraudandi causa, illicita est. Scientiam acquirere debemus (§. 240. *part. 1. Jur. nat.*). Ejus igitur acquirendæ causa quæ contrahitur societas licita est. Similiter in virtutibus moralibus propagandis seduli esse debemus (§. 638. *part. 1. Jur. nat.*). Societas igitur licita est, quæ virtutum propagandarum causa contrahitur. Se defendere licitum est (§. 973. *part. 1. Jur. nat.*). Quæ adeo sui defendendi causa contrahitur societas, licita est. Defensio rerum suarum licita est (§. 692. *part. 2. Jur. nat.*). Societas itaque rerum suarum defendendarum causa inita licita est. Non abfimili modo patet, societates negotiatorias licitas esse.

§. 154.

Finis liciti consequendi causa non licet facere quod illicitum, An mediis seu mediis illicitis uti non licet. Etenim quod illicitum est, ad illicitis uti id omittendum obligamur (§. 170. *part. 1. Phil. pract. univ.*), liceas ad fi-
adeo-

nem licitum adeoque id facere non licet (§. 111.). Quamobrem cum
consequen- obligatio naturalis necessaria sit ac immutabilis (§. 30. *part.*
dum. 1. *Phil. pract. univ.*), nec finis liciti consequendi causa facere
 licet, quod illicitum, consequenter cum media sint, quibus
 finis obtinetur (§. 937. *Ontol.*), finis liciti consequendi cau-
 sa non licet uti mediis illicitis.

Ita scortari, vel furari non licet, ut acquiras, quæ ad vitæ
 necessitatem tolerandam requiruntur. Neque etiam fraudare
 licet alios, ut patrimonium tuum amplifies, quo post mortem
 tuam habeant liberi tui necessaria alimenta. Pertinet huc, quod
 vulgo dicitur, non esse facienda mala, ut inde eveniant bona.

§. 155.

Quando Quoniam finis liciti consequendi causa non licet uti
media socie- mediis illicitis (§. 154.), *si societas finis liciti causa contrahi-*
tatem per se tur, non convenire licet, *ut media illicita ad eum consequendum*
licitam in il- adhibeantur, consequenter quamvis finis liciti causa contra-
licitam con- sta societas per se licita sit, attamen, *si societas ea lege contra-*
vertant. hatur, ut nonnisi media illicita ad finem licitum, immo etiam de-
 bitum consequendum adhibeantur, societas per se alias licita vi-
 tiatur, atque in illicitam abis.

E. gr. Fingamus aliquos ita convenire, ut furto ac rapina
 nummos acquirere studeant, quos in ægrotos inopes impendant.
 Si finem spectes, societas ejus causa contracta licita omnino
 est, immo laudanda: ast quatenus ad consequendum finem
 non adhibentur nisi media illicita, ea societatem illicitam ef-
 ficiunt.

§. 156.

An ex socie- *Ex societate illicita nulla nascitur obligatio, jus nullum.*
tate illicita Quando enim societas illicita est, socii vires suas conjun-
jus obliga- gunt ad finem illicitum consequendum (§. 153.) aut media
tio nascatur. illicita adhibent ad finem alias licitum consequendum
 (§. 155.)

(§. 155.), consequenter cum pacto contrahatur societas (§. 1.), sibi invicem promittunt, quod operam dare velint fini illicito consequendo, vel ad finem licitum consequendum adhibere velint media illicita (§. 788. *part. 3. Jur. nat.*). Promittunt itaque id, ad quod omittendum naturaliter obligantur (§. 170. *part. 1. Jur. nat.*). Quamobrem cum conjunctio virium promittatur sub ea conditione, ut fiant, quæ lege prohibentur; promissiones reciproca in contrahenda societate illicita fiunt sub conditione turpi (§. 491. *part. 3. Jur. nat.*). Enimvero ex promissione sub conditione turpi facta nulla nascitur promissoris obligatio, neque etiam jus ullum consequi potest promissarius, facto licet turpi commisso, & promissio statim invalida est (§. 495. *part. 3. Jur. nat.*). Ex societate adeo illicita nulla nascitur obligatio, jus nullum.

Societates illicitæ omnes nonnisi pacto contrahi possunt. Etenim præter societates, quæ pacto contrahuntur, non dantur aliæ, nisi quæ quasi pacto nituntur (§. 1.), aut ipsa natura inter homines instituit (§. 142.). Cum quasi pactum supponat consensum alterius præsumtum (§. 504. *part. 4. Jur. nat.*), quod autem illicitum est, aut lege prohibitum, præsumi non debeat; nulla quoque concipi potest societas illicita, quæ quasi pacto nitatur. Et cum lex naturæ rationem sufficientem in natura hominis atque rerum habeat (§. 135. *part. 1. Phil. præf. univ.*), quod vero illicitum est, eadem lege prohibetur (§. 170. *part. 1. Phil. præf. univ.*); nec natura societatem illicitam instituere potest. Atque adeo patet, impossibile esse, ut detur societas illicita, quæ alio fundamento, quam pacto nitatur. In demonstratione itaque recte ad pactum recurrimus, quo societas contrahitur, ut patet, ex ea nullam nasci obligationem, nec jus ullum.

§. 157.

Quoniam ex societate illicita nulla nascitur obligatio, *De jure soci-*
(Wolffii Jur. Nat. Pars VII.) *jus orum in con-*

Q

socium in so- jus nullum (§. 156.); *si societas illicita contracta, nullus socius*
citate illi- alteri ad quicquam obligatur, nec ulli socio competit jus ad quid-
cita & quid piam alterum adigendi, consequenter cum perinde sit, ac si so-
ea revera cietas nulla contracta fuisset, qui in societatem illicitam consen-
sit. serunt, socii non sunt (§. 4.), sed perperam pro talibus habentur,
 adeoque non sunt nisi cætus hominum sceleratorum.

Societas illicita non meretur nomen societatis, sed rectius dicitur cætus hominum sceleratorum: id quod hic notasse suo tempore proderit. Neque enim de nomine hic disputatur, quæ disceptatio inanis foret; sed ipsius rei habetur ratio. Etenim cum societas pactum sit (not. §. 156.), quando pactum nullum est, societas quoque nulla erit, quæ eodem niti debet.

§. 158.

An societas Quia ex societate illicita nulla nascitur obligatio (§. 156.),
illicita sit iuramentum vero non novam producit obligationem
valida, si ju- aliquid præstandi ei, cui juratur (§. 903. part. 3. Jur. nat.),
ramento nec actum minime obligatorium in obligatorium convertit
confirmetur. (§. 904. part. 3. Jur. nat.); ex societate illicita nulla nascitur ob-
 ligatio, etiamsi jurato contrahatur, nec iuramento eadem confirma-
 ta propterea socius unius alteri ad quicquam obligatur.

Promissio, quæ per se valida non est, per iuramentum valida fieri nequit (§. 905. part. 3. Jur. nat.). Nihil ergo agunt, qui promissionibus juratis societatem firmare volunt, quæ per se subsistere nequit.

§. 159.

Quanam
societas in-
justa.

Si finis societatis contrarius juri alterius, injusta est. Ete-
 nim qui societatem ineunt, vires suas conjungunt ad finem
 quendam consequendum (§. 1.), consequenter si is juri alte-
 rius contrarius, ad faciendum quod est contra jus alterius.
 Enimvero injustum est, quicquid est contra jus alterius (§.
 239. part. 1. Phil. pract. univ.). Quamobrem si finis societatis
 con-

contrarius juri alterius, qui eam incunt vires suas conjungunt ad injusta perpetrandum, adeoque societas hæc injusta est.

Ostenditur etiam hoc modo. Quoniam differentia societatum consistit in fine, qui intenditur (§. 3.), talis erit societas, qualis est finis, cujus causa contrahitur. Quodsi ergo finis societatis sit juri alterius contrarius, cum injustum sit, quicquid est contra jus alterius (§. 239. *part. 1. Phil. pract. univ.*), injusta quoque erit societas, cujus finis juri alterius contrarius.

Si finis societatis contrarius juri alterius, socii omnes faciunt, quod est contra jus alterius (§. 1.), consequenter injusti sunt (§. 239. *part. 1. Phil. pract. univ.*). Socii igitur cum sint injusti, inter quas societas subsistit; ipsa quoque societas injusta dicenda. Quando nimirum societas injusta dicitur, socii omnes qua tales injusti dicuntur, cum ab illorum factis injusta dicatur. Ita sceleratam dicimus societatem, quæ consistit in cætu hominum sceleratorum.

§. 160.

Quoniam injusta est societas, cujus finis juri alterius *Ansocietas* contrarius (§. 159.), nemo autem quicquam facere debet, *injusta & il-* quod est contra jus alterius (§. 910. *part. 1. Jur. nat.*); *societas licita disse-* *injusta illicita est*: quoniam vero alii quoque dantur fines *il-* *rant.* liciti, qui contra jus tertii non sunt, veluti si qui libidinis causa societatem incunt; *non omnis societas illicita est etiam* *injusta.*

Societas adeo illicita latius patet, quam injusta. Illa enim extenditur ad omnia, quæ lege naturali prohibita sunt; hæc vero nonnisi ad ea, quibus jus tertii violatur.

§. 161.

Societas integra pro una persona habenda, seu instar unius De societate
perso- personam

*unam re-
præsentan-
te.*

persona spectanda. Qui enim societatem ineunt, vires suas ad finem, cujus gratia ea contrahitur, consequendum conjungunt (§. 1.), quicquid qua focii agunt, ad eum consequendum facit (§. 7.), & quod finis consequendi gratia fieri debet (§. 44.), itidemque leges, juxta quas focii qua tales actiones suas dirigere tenentur, communi sociorum consensu determinatur (§. 45. 46.), ut adeo ab uno quasi intellectu, una voluntate proficiantur sociorum qua talium actiones. Quamobrem cum sociorum omnium simul sumtorum unus intelligatur esse intellectus, voluntas & noluntas una, ac vires unitæ spectentur tanquam vires unius hominis; omnes focii simul sumti qua tales sunt veluti una persona, adeoque integra societas pro una persona habenda, seu instar personæ unius spectanda (§. 47.).

Hinc etiam societates non modo corpori humano comparantur, quod ex pluribus membris constat, quæ omnia simul propter communem finem agunt, verum etiam nonnunquam corpora appellantur. Per se autem patet, cum societas quælibet determinetur per finem, cujus causa inquit (§. 3.), socios quoque simul sumtos spectandos non esse tanquam unam personam, nisi intuitu finis. Hujus nimirum consequendi causa uniuntur vires, uniuntur voluntates, consequenter etiam intellectus, ut prodeat una quasi persona, cui insunt vires unitæ, inest concors voluntas & a quo ea dependet intellectus. Non igitur verendum est, ne propositio præsens ultra suos limites protrahatur.

§. 162.

*Quanam le-
ges natura-
les ad socie-
tatem appli-
canda.*

Quoniam integra societas spectanda est tanquam una persona (§. 161.); ad quamlibet societatem applicanda veniunt, quæ lege natura de officiis erga seipsum præcipiuntur, quatenus nimirum finis societatis admittit (§. 160.).

Patet adeo, propositionem præcedentem esse principium fecundum.

cundissimum, cum inde fluat principium heuristicum, quod præsentem continetur, & vi cujus facillime longe plurima de qualibet societate tenenda deducuntur, modo finis societatis semper oculis quasi obversetur.

§. 163.

Quia homo quilibet obligatur ad se statumque suum *Principium* perficiendum, & ad vitandum ea, quæ ipsum statumque ipsi *juris natura* us imperfectiorem reddunt (§. 152. *part. 1. Phil. pract. univ.*); quoad societatem qualibet etiam societas obligatur ad se statumque suum perficiendum eadem. Ad vitandum ea, quæ ipsam statumque ipsius imperfectiorem reddunt, consequenter socii actiones suas dirigere debent ad perfectiorem societatis statusque ejusdem, & abstinere ab iis, quæ eidem adversantur.

Habemus adeo principium juris naturæ quoad Societates; quæ scilicet eodem jure subsistunt, adeoque illicitæ non sunt, Quæ enim eodem damnantur, de iis eodem nihil præcipi posse, per se patet.

§. 164.

Similiter quoniam ad societatem ea applicanda, quæ de *De societate* officiis erga seipsum præcipiuntur lege naturali, quatenus si *conservam-* nis illius admittit (§. 162.), homo autem obligatur ad corpus suum conservandum (§. 349. *part. 1. Jur. nat.*); qualibet etiam societas obligatur ad se conservandum, adeoque ad ea faciendâ, quæ ad sui conservationem conferre potest, & ad ea non faciendâ, quæ societatem destruant, consequenter cum singuli socii obligentur ad mutuum adjutorium in iis, quæ ad societatem spectant (§. 145.), singuli socii facere obligantur, quicquid ad societatis conservationem conferre possunt, & non facere, quæ eandem destruant.

Conservatio adeo societatis non modo naturaliter licita, verum etiam præcepta (§. 176. *part. 1. Phil. pract. univ.*).

§. 165.

De jure defendendi societati cuiuslibet competit jus se defendendi adversus eos, qui eam ledere conantur. Etenim ad societatem applicari debent, quæ lex naturæ disponit de juribus homini competentibus (§. 162.). Quamobrem cum homini cuiuslibet competit jus se defendendi adversus eos, qui ipsum ledere conantur (§. 972. 973. part. 1. Jur. nat.); societati cuiuslibet competit jus se defendendi adversus eos, qui eam ledere conantur.

Facile patet, sermonem hic esse de istiusmodi læsionibus quæ societatem respiciunt: quando enim socius aliquis læditur in iis, quæ ad societatem nullum respectum habent, ea huc non pertinent.

§. 166.

De libertate naturaliter societatis. Naturaliter societas qualibet libera est. Ad societatem enim quamlibet applicari debent jura, quæ vi legis naturalis homini unicuique competunt (§. 162.). Quamobrem cum naturaliter homines omnes liberi sint (§. 146. part. 1. Jur. nat.), neque in agendo ab ullo alio homine dependeant nisi a seipso (§. 153. part. 1. Jur. nat.), non modo in contrahenda societate a voluntate aliena minime dependent, verum etiam propter finem agentes, ubi eam contraxerunt, a nulla voluntate aliena dependent, sed liberi manent. Societas itaque qualibet naturaliter libera est.

Libertas singulis naturaliter competit, qui societatem ineuntes ad consequendum finem quendam vires suas conjungunt (§. 1.). Nemo autem est, qui non videat, propterea nemini, qui extra societatem est, jus quoddam nasci in eos, qui eandem contraxerunt, cum hoc pactum, quo societas nititur (§. 1.), ad alios, qui extra eandem sunt, non pertineat. Ratio igitur nulla est, cur socii omnes simul sumti jus libertatis, quod natura ipsis competit, retinere minime debeant, respectu ceterorum, qui in societate non sunt. Societas adeo in statu

statu naturali contracta libera est. Quamvis nimirum homines, qui societatem contrahunt, sese sibi invicem obligent ad certas actiones; ex ea tamen jus nullum nasci potest aliis, cum quibus nihil contraxerunt. Singuli adeo cum liberi maneant respectu eorum, qui in societate non sunt; integra quoque societas respectu eorum, qui extra eandem sunt, libera esse debet.

§. 167.

Quoniam naturaliter quælibet societas libera est (§. *Quid inde* 166.), vi libertatis autem naturalis unicuique permittendum, sequatur. ut in determinandis actionibus suis suum sequatur iudicium, quamdiu nil facit contra jus tuum (§. 156. part. 1. *Jur. nat.*), nec is actionum suarum rationem ulli hominum reddere tenetur, neque tibi jus est exigendi, ut reddat, quamdiu scilicet nihil facit contra jus tuum (§. 158. part. 1. *Jur. nat.*; naturaliter quoque societati cuicunque permittendum, ut in determinandis actionibus suis suum sequatur iudicium, quamdiu nil facit contra jus tuum, nec actionum suarum rationem ullam reddere tenetur tibi, neque tibi competit jus eam exigendi, quamdiu scilicet nil facit, quod est contra jus tuum.

Principium hoc maximi momenti est & suo loco proderit ad decidendas quæstiones arduas. Atque hinc clarissime patet, cur de iis, quæ ad societatem spectant, statuendum sit solo sociorum consensu, & quod societati placuerit lex sit. Ostendimus in anterioribus ad ea sociorum consensum requiri; sed jam liquet, præter sociorum consensum non requiri consensum alterius.

§. 168.

Quoniam societas quælibet naturaliter libera est (§. *Quomodo* 166.), quælibet autem societas spectanda est tanquam una spectanda persona (§. 161.); plures societates diversa spectanda sunt tanquam plures personæ singulares libera, in statu naturali viventes (§. 144. res plures 147. part. 1. *Jur. nat.*).

Facile

Facile patet, hoc intelligendum esse de societatibus, quæ singulæ per se subsistunt, non vero trahendum esse ad societates, quæ in unam compositam coaluerunt, neque etiam ad societates, quæ invicem pactiones certas fecerunt, vi quarum una alteri sese ad certas præstationes obligavit. Neque hic consideramus, quid in statu civili quoad societates minores immutetur, quippe de quo dicendum erit suo loco.

§. 169.

*Quomodo
libertas re-
stringatur
in societate.*

In societate libertas sociorum restringitur quoad actiones ad consequendum finem societatis requisitas, seu quoad ea, quæ ad societatem spectant. Etenim quilibet socius perfecte obligatur facere, quæ ad finem societatis consequendum facere potest, & quod ut ab ipso fiat specialiter conventum fuit (§. 7. 8.). sociis competit jus cogendi socium, ut obligationi suæ satisfaciat, si vel satisfacere nolit, vel in eo negligentem se præbeat (§. 9.). Quid in societate fieri debeat, communi sociorum consensu determinandum (§. 44.), & quod plurimis placuerit, sequendum (§. 80.). Unusquisque etiam sociorum ad observantiam legum obligatur (§. 45. 80.), immo etiam ad poenam subeundam, si contra legem, cujus observantia poena sancita est, aliquid commiserit (§. 55.). Quamobrem cum obligationes ac jura sociorum metienda sint ex fine societatis atque ex iis, de quibus in pacto, quo scilicet societas contracta (§. 1.), specialiter conventum fuit (§. 10.); ideo patet in determinandis actionibus suis ad finem societatis consequendum requisitis, seu in iis, quæ ad societatem spectant, socium non dependere a seipso, sed a voluntate confociorum. Quamobrem cum liber non sit, qui in agendo dependet a voluntate alterius (§. 153. part. 1. *Jur. nat.*); socii quoad actiones ad consequendum finem societatis requisitas,

fitas, seu quoad ea, quæ ad societatem spectant, liberi non sunt, consequenter libertas naturalis quod eas restringitur.

Ostenditur etiam hoc modo. Societas tribuit jus universis in singulos, si plures fuerint socii, vel uni in alterum (§. 9.), quoad ea scilicet quæ ad finem societatis consequendum faciunt (§. 10.), seu ea, quæ ad societatem spectant. Socii adeo in iis, quæ ad societatem spectant, non sunt sui juris (§. 134. 135. *part. 1. Jur. nat.*), adeoque nec liberi (§. 135. *part. 1. Jur. nat.*). Libertas igitur naturalis sociorum quoad ea, quæ ad societatem spectant, restringitur.

Qui societatem ineunt, singuli universim se obligant, quod non pro lubitu suo facere velint, quæ finis consequendi causa fieri debent, sed quod placuerit universis, aut saltem parti majori. Conveniunt itaque, quod libertate sua naturali aliter uti nolint, quam sequendo id, quod placuerit universis aut saltem plurimis. In hac autem voluntate permanendum, cum mutatio voluntatis repugnet juri perfecto sociorum ex pacto acquisito, adeoque licita non fit (§. 378. *part. 3. Jur. nat.*). Atque adeo intimius perspicitur, unde nam sit ista libertatis naturalis restrictio, & quod nihil in se contineat, quod libertati naturali sit adversum.

§. 170.

In societate composita libertas societatum simpliciorum, ex De restricti-
quibus ea coalescit, restringitur quoad actiones ad finem societatis one liberta-
composita consequendum requisitas, seu quoad ea, qua ad socia- tis socia-
tem compositam spectant. Etenim membra societatis compo- *sum simpli-*
 sitæ sunt societates integræ, sive simplices, sive minus *ciorum in*
 compositæ (§. 5.), adeoque in societate composita ad eas *composita.*
 societates, ex quibus illa coalescit, applicanda sunt, quæ
 de sociis in societate simplici demonstrantur. Enimvero
 societas quælibet naturaliter libera est (§. 166.), sicuti na-
 tura quilibet homo liber est (§. 146. *part. 1. Jur. nat.*), &
 (Wolffii *Jur. nat. Pars VII.*)

R

liber-

libertas sociorum in qualibet societate restringitur quoad actiones ad consequendum finem societatis requisitas, seu quoad ea, quæ ad societatem spectant (§. 169.). Ergo etiam in societate composita libertas societatum simpliciorum, ex quibus ea coalescit, restringitur quoad actiones ad finem societatis compositæ consequendum requisitas, seu quod ea, quæ ad societatem compositam spectant.

Nimirum quando societates compositæ in unam coalescunt, adeoque in finem quandam conjunctim obtinendum consentiunt (§. 1.), necesse omnino est, ut ad finem istum consequendum singulæ societates obligentur, & quatenus ad hoc obligantur libertas earum restringitur. Conveniunt adeo, quod libertate sua aliter uti nolint, quam in quantum ea non adversatur fini communi consequendo. Multa tamen cautione opus est, ne perperam ad societatem compositam applices, quæ de societatibus non compositis demonstrata fuerunt. Sed de eo rectius dicetur in sequentibus, quando de societatibus compositis acturi sumus.

§. 171.

Perfectio societatis in quo consistat.

Perfectio societatis consistit in aptitudine finem societatis consequendi. Etenim propter finem consequendum societas initur vel instituitur, & qui socii in eadem sunt non censentur membra ejusdem, nisi quatenus vires suas in finem consequendum impendunt (§. 1. 4.). Quodsi ergo socii singuli apti sunt ad finem societatis consequendum, atque adeo ea faciunt, quæ ad finem consequendum requiruntur; omnia, quæ ad societatem spectant, inter se consentiunt (§. 503. *Ontol.*). Quamobrem cum in hoc consensu consistat perfectio (§. *cit.*); perfectio societatis consistit in aptitudine ad finem societatis consequendum.

Non est, quod excipias, non sufficere, ut societas apta sit ad finem consequendum, sed præterea requiri, ut quilibet etiam

iam socius actu faciat, ad quod faciendum aptus est. Qui enim ita sentiunt, illi aptitudinem intra arctiores terminos coercent, quam debebant. Ad aptitudinem enim requiritur etiam voluntas faciendi ea, quæ ad finem consequendum necessaria sunt. Qui vero quid facere potest & vult; is utique facit; nisi quatenus impedimentum agendi inevitabile ac insuperabile ipsi obicitur: id quod hic attendendum non esse per se patet. Fortunæ adversæ hoc imputandum, non societati, quippe cui ex parte sui nihil deest, quod adesse debet.

§. 172.

Quoniam perfectio societatis consistit in aptitudine finem societatis consequendi (§. 171.), finem autem societatis consequi potest, si vires sociorum conjunctæ ad eum consequendum sufficiunt, cum impedimenti inevitabilis nulla hic habenda sit ratio (not. §. cit.); ex sufficientia virium, quas socii conjungunt, asstimanda est aptitudo societatis ad finem consequendum, adeoque perfectio. *Unde ea asstimanda.*

Necesse non est, ut singulorum sociorum vires sint æquales; nec ut sint eadem, ubi diversa propter finem societatis agenda, sed sufficit, ut, si singulorum sociorum vires conjunctim sumantur, quippe quæ conjunctim sumtæ vires societatis sunt (§. 1.), ad sint vires, quæ ad finem consequendum requiruntur. Facile autem patet, ad societatem requiri non modo conjunctionem virium corporis, sed etiam animæ, immo etiam viribus accensenda esse subsidia quæcunque alia, quibus ad finem consequendum indiget societas, veluti pecuniam, quæ nervus rerum gerendarum dici merito solet, consilia & operas extraneorum. Quæ vero extra societatem sunt, ea ad statum societatis externum spectant. Ad hæc qui animum attendit, haud difficulter de perfectione cujuslibet societatis judicium feret, modo finem ejusdem & media eum consequendi perspecta habeat. Generalia enim, quæ hic demonstrantur, perinde ac in aliis nonnisi notionum directricium locum obtinent,

§. 173.

*Quomodo**perfectio societatis promovenda.*

Quia perfectio societatis consistit in aptitudine finem societatis consequendi (§. 171.), societas vero obligatur ad se statumque suum perficiendum, & vitandum ea, quæ ipsam statumque ipsius imperfectiorem reddunt (§. 163.); *quislibet non modo socius pro virili operam dare debet, ut ad ea, quæ ad finem societatis consequendum conferre debet, in quæ aptior evadat, verum etiam ut aptiores evadant socii, consequenter ut vires societati sint sufficientes ad finem consequendum, eademque, si fieri potest, augeantur & quæ adsunt conserventur, & ut impedimenta quæ in eorum usu obiciuntur, declinentur, aut tollantur, quantum datur (§. 12.).*

Multa hic paucis dicuntur, quæ pro diversitate societatum specialius determinanda, & uberius explicanda. Convenit autem cum iis, quæ hic in genere dicuntur, quod de mutuo adiutorio supra demonstravimus (§. 145.).

§. 174.

*De numero**& qualitate**personarum**ad societatem**requis-**itum.*

Quia sufficientes societati esse debent vires ad finem, *cujus causa contrahitur, vel instituta est, consequendum (§. 172.); ad societatem quamlibet tot requiruntur persona ac tales requiruntur, quot & quales ad finem societatis consequendam sufficientiunt.*

Contrahendæ sunt societates, si unius vires ad finem aliquem consequendum sufficiant (§. 137.). Sane si nulli darentur fines, quos soli consequi non possemus; nulla quoque daretur societas. Sed quia dantur fines, quos nemo solus consequi potest, vel saltem non ita commode, quod perinde est, ac si eo, quo intenditur, modo consequi eundem non datur; ideo tam naturæ societates instituit, seu homines ad eam ineundam aut colendam lege naturali obligantur, quam sponte sua iidem societates appetunt. Nihil autem agitur, nisi vires, quæ in societate uniuntur, sint sufficientes ad finem consequen-

sequendum, & societas, si quo virium defectu laborat, admodum imperfecta est. Nemo igitur dubitaverit, quin ad societatem tot requirantur personæ, & quod hæc tales esse debeant, quot & quales simul seu conjunctim viribus sufficientibus instructi sunt.

§. 175.

Si fines societatum sibi mutuo non repugnant, & alicui fuerint vires ad eosdem simul persequendum; unus societas plures diversas inire potest simul. Quando diversa societas contrahi possint simul.

Etenim si fines societatum sibi mutuo non repugnant, unus minime obstat, quo minus etiam intendatur alter, aut, si plures fuerint, ceteri simul intendantur: quod per se patet. Et si alicujus fuerint vires ad plures fines simul persequendum, per se itidem patet, quod dum uni consequendo operam dat, propterea non negligentem esse oporteat in persequendo altero, aut, si plures fuerint, in persequendis ceteris. Quamobrem nil prorsus obstat, quo minus quis vires suas simul jungat cum diversis personis ad diversos fines consequendum. Quoniam itaque societas contrahitur, quando duo vel plures vires suas conjungunt ad finem quendam consequendum (§. 1.), cumque ex fine metienda sit obligatio socii (§. 10.), unus in qualibet societate obligationi suæ satisfacere potest in hypothesi præsentis; si fines societatum sibi mutuo non repugnant, & alicui fuerint vires ad eosdem simul persequendum, unus societas plures diversas simul inire potest.

Nimirum non solum physice possibile est, ut in hypothesi propositionis præsentis unus idemque plures societas simul ineat; sed etiam moraliter, ut adeo qui hoc facit, jure id faciat (§. 156. part. 1. *Pbil. pract. univ.*), consequenter facere liceat (§. 170. part. 1. *Pbil. pract. univ.*). De eo autem hic quæstio est, quid fieri licitum sit, non quid fieri physice possit. Moralis vero potentia agendi, sive jus præsupponit potenti-

rentiam agendi physicam. Sane si simul conferre non posses ad plures fines consequendos, quæ ad unumquemque eorum socius conferre tenetur; in qualibet societate obligationi tuæ satisfacere non posses (§. 7.). Quamobrem cum hanc urgeat lex naturæ, ea tibi permittere nequit ut facias, quod obligationi isti adversum. Sed consultum est, ut hoc sigillatim demonstretur.

§. 176.

*Quando
non.*

Si cujus vires non sufficiunt ad plures fines simul persequendum; ei plures societates simul contrahere non licet. Etenim quilibet socius facere obligatur, quæ ad finem societatis consequendum facere obligatur, quæ ad finem societatis consequendum facere potest (§. 7.), nec consocii pati tenentur, ut in eo se præbeat negligentem (§. 9.). Quodsi ergo vires non sufficiant ad plures fines simul persequendum, quorum consequendorum gratia societates contrahuntur (§. 1.); lege naturali, quæ negligentem esse in præstandis iis, quæ ad finem societatis consequendum faciunt, prohibet (§. 19.), utique prohibetur, ut quis plures societates simul contrahat, cujus vires ad plures fines simul persequendum non sufficiunt, adeoque eidem plures simul contrahere non licet (§. 170. part. 1. *Phil. pract. univ.*).

Lex naturæ dat jus ad faciendum ea, sine quibus obligationi naturali, quam urget (§. 159. part. 1. *Phil. pract. univ.*), satisfacere non possumus. Absurdum vero est statuere, quod det jus ad faciendum ea, quæ obstant, quo minus obligationi, quam urget, satisfaciamus: id enim notioni obligationis e diametro repugnat (§. 118. part. 1. *Phil. pract. univ.*), ut perinde foret ac si necessitatem agendi nobis imponeret, simul vero nobis permetteret, utrum hoc agere velimus, nec ne. Quod necessitatis est, non est voluntatis. Atque adeo facile parer, contra jus naturæ esse, si quis plures societates una contrahit, in quibus tamen simul obligationi, quæ socio unicuique in-

cum.

cumbunt, satisfacere nequit. Probe autem notandum est, cum obligatio socii non modo metienda sit ex fine, sed etiam ex iis, de quibus specialiter conventum fuit (§. 10.); si ita fuerit conventum ut quis ad finem societatis consequendum saltem certi quid præster, quod non obstat, quo minus in alia societate omnes officii socialis partes adimpleat, tum vires sufficientes intelligi ad diversarum societatum fines simul persequendum.

§. 177.

Damnum in societate datur, si quid sit, quod fini consequendi Quando da-
do adversatur. Finis enim, quatenus obtinetur, est commu- *munum in so-*
ne societatis bonum (§. 11.). Quodsi ergo aliquid sit, quod *cietate da-*
fini consequendo adversatur, necesse est, ut societas aliquid *tur.*
non consequatur, quod consequi poterat, consequenter ut
jacturam sui faciat (§. 487. part. 2. Jur. nat.). Quando ita-
que aliquid sit, quod fini consequendo adversatur, damnum
in societate datur (§. 486. part. 2. Jur. nat.).

E. gr. In societate negotiaria tanquam finis intenditur lu-
crum commune. Quodsi ergo quid sit, quo luerum quod-
dam intervertitur, quod haberi poterat; damnum utique in
societate datur. Ex fine, qui in societate intenditur, æstiman-
dum quoque est damnum. Fit autem, quid fini consequen-
do adversatur, non modo positive, verum etiam negative,
quando nimirum negligitur, quod fini consequendo intervi-
re poterat.

§. 178.

Quoniam quilibet sociorum facere tenetur, quicquid ad *Quod soci-*
finem societatis conferre potest, vel ut faciat, specialiter con- *us dare non*
ventum fuit (§. 7.), consequenter non facere obligatur, quod *debeat.*
fini societatis adversatur (§. 722. part. 1. Jur. nat.), damnum
vero societati dat, qui facit quod fini consequendo adversa-
tur (§. 177.); nemo sociorum damnum societati dare debet.

Poterat etiam idem deduci ex eo, quod quilibet socius bo-
num

num commune, quod in consecutione finis consistit (§. 11.), pro virili promovere debeat (§. 12.).

§. 179.

De damno in societate refarciendo. Si socius societati dolo vel culpa damnum dedit, id refarcire tenetur. Etenim quilibet damnum dolo vel culpa alteri datum refarcire tenetur (§. 572. part. 2. Jur. nat.). Ergo etiam socius eidem refarcire tenetur damnum dolo vel culpa datum.

Quoniam socius vi pacti, vel quasi pacti, quo societas contrahitur (§. 1.), se obligavit ad bonum societatis prosequendum (§. 12. b. et §. 789. part. 1. Jur. nat.), consequenter etiam ad omne damnum pro virili avertendum (§. 177.); non modo vi obligationis generalis, quæ omnes homines tenet, verum etiam qua socius specialiter damnum, quod dolo vel culpa sua dedit, refarcire societati debet. Equidem non nego, dari etiam societates, quarum is finis est, ut damnum datum non semper reparari possit; non tamen propterea cessat damni dati restitutio, ubi ea locum habet.

§. 180.

Quomodo quis in societate recipiatur. In societatem nemo recipi potest nisi communi sociorum consensu. Qui enim in societatem recipitur, finis consequendi causa in eandem recipitur (§. 1.), qui in societate intenditur (§. 3.); consequenter socii receptio ad ea pertinet, quæ in societate finis consequendi causa fieri debent. Quoniam itaque quid in societate finis consequendi gratia fieri debeat, communi sociorum consensu determinandum (§. 44.); in societatem quoque nemo recipi potest nisi communi sociorum consensu.

Societas quoque condere potest de receptione socii legem (§. 45. 46.), a qua non recedendum, quando quis in societatem recipiendus (§. 51.), nisi societati aliter videatur (§. 48.).

§. 181.

§. 181.

Societas temporaria est, quæ ad certum tempus contrahi- *De societate*
tur, vel cujus finis certo tempore elapso cessat, aut nonnisi *temporaria*
semel obtineri potest, vel debet. *Perpetua* vero est societas, *& perpetua.*
cujus finis perpetuus est ac semper obtineri potest, quæque
hujus gratia in perpetuum contracta.

Omnia in societate pendent a fine, cujus gratia ea contrahitur
(§. 1.). Quodsi igitur finis nonnisi semel obtineri potest, vel
intra certum tempus obtinetur; in casu priori societas per se
temporaria est, in posteriori eadem ad certum tempus contrahi
potest, adeoque voluntate eorum, qui eandem ineunt, tem-
poraria efficitur. Quodsi finis fuerit talis, ut semper obtineri
possit, societas in perpetuum contrahi potest, adeoque a vo-
luntate contrahentium pender, utrum perpetua esse debeat,
nec ne, nisi a natura fuerit instituta, quæ ad eundem finem
persequendum semper obligat, qualis est societas illa magna
naturalis (§. 142.).

§. 182.

Quoniam societas temporaria ad certum tempus con- *Quando so-*
trahitur, vel finis alicujus consequendi causa, qui certo tem- *cietas tem-*
pore elapso cessat, aut nonnisi semel obtinendus (§. 181.); *poraria fini-*
societas temporaria finitur, tempore elapso, ad quod contracta fuit, atur.
vel sine cessante, aut obtento, cujus gratia contracta fuerat.

Si societas ad certum tempus contracta, socii ultra istud sibi
invicem non sunt obligati (§. 382. part. 3. *Jur. nat.*). Obliga-
tione igitur mutua extincta, societas diutius subsistere nequit.
Si finis cessat, cum fine eo societas subsistere non possit, ea et-
iam expirat. Sane hic quoque extinguitur obligatio, quæ alia
non est, quam ut quilibet sociorum faciat, quod ad finem con-
sequendum facere potest, & quod ut ab ipso fiat, specialiter
conventum fuit (§. 7.). Et idem intelligitur, quando finis,
qui intendebatur, obtentus fuit.

(*Wolffii Jur. Nat. Pars VII.*)

S

§. 183.

§. 183.

Quando societas perpetua intereat. Si socii omnes intereunt, vel non amplius tot supersunt, quos ad finem consequendum sufficiunt; societas interit, etiamsi in perpetuum contracta. Sive enim socii omnes intereant, sive totidem, ut qui supersunt ad finem consequendum non amplius sufficiant, cum finis consequendi causa societas contrahatur (§. 1.), ea amplius subsistere nequit. Quamvis adeo in perpetuum contracta, quatenus per se non repugnabat, ut perpetua esset (§. 181.), casu tamen eam interire contingit.

Inter socios subsistit societas (§. 4.). Quodsi ergo omnes intereunt, nulli amplius sunt, inter quos subsistere potest. Si autem non amplius totidem supersunt, quos ad finem consequendum sufficiunt, nulla tamen utilitate societas continuaretur. Perinde nimirum in hoc casu foret, ac si quis uti veller mediis, de quibus ipsi jam constat, quod per ea finem intentum consequi non detur: id quod omnino temerarium foret (§. 277. part. 3. Jur. nat.), adeoque jure naturæ minime permixsum (§. 278. part. 3. Jur. nat.).

§. 184.

De societate mutuo dissensu soluta. Societas sive ad certum tempus, sive in perpetuum inita solvitur nullo sociorum dissensu, quandoque visum fuerit. Ostenditur eodem prorsus modo, quo idem de societate negotiatoria demonstravimus (§. 398. part. 4. Jur. nat.).

Multa nimirum, quæ de societate negotiatoria in specie demonstravimus, cum de contractibus ageremus, de societate in genere valent, quæ pacto expresso perfecta, quia ex principiis de pactis deducuntur. Inter ea etiam locum habet propositio præiens,

§. 185.

De interitu societatis. Si consociatio casu quocunque tollitur; societas interit. Et enim si casu quodam tollitur consociatio, qui erant socii im-

pedi-

pediuntur, quo minus amplius vires suas ad consequendum *consociatio-*
finem, cujus gratia societas inita, conjungere possint. Quam- *ne oblata,*
obrem cum sine ista virium conjunctione societas subsistere
minime possit (§. 1.); consociatione casu quocunque subla-
ta societas interit.

Casu tollitur consociatio, quando socii sedes suas relinque-
re coguntur: id quod accidit in bello, quando victi in captivi-
tatem abducuntur, vel in alia loca fugiunt, in quibus domici-
lium sibi constituunt. Simile quid contingere potest ob po-
stilitiam, aut seditionem.

§. 186.

A societate recedere non licet cum damno sociorum. Etenim *Quando a*
nemo sociorum damnum societati dare debet (§. 178.). Quam- *societate re-*
obrem si damnum detur societati, si quis ab ea recedat, ab *cedere non*
eadem recedere non licet. *liceat.*

Idem quoque jam ostendimus de societate negotiatoria, quæ
inter contractus numeratur in Jure Romano (§. 1390. *part. 4*
Jur. nat.).

§. 187.

A societate recedere licet, quando id sine damno sociorum fie- *Quando res*
ripisset. Etenim si societati nullum detur damnum, socio *cedere licet*
uno, vel altero ab eadem recedente; sociis reliquis vires ad-
huc sufficientes sunt ad finem, cujus causa societas contracta
est, consequendum: secus enim jacturam quandam patere-
tur boni communis (§. 11. *h. & §. 487. part. 2. Jur. nat.*);
adeoque damnum incurreret (§. 486. *part. 2. Jur. nat.*).
Quoniam itaque societas contrahitur, si unius vires non
sufficiunt ad finem aliquem consequendum (§. 137.), &
ad societatem quamlibet tot requiruntur personæ ac tales,
quot & quales ad finem societatis consequendum sufficiunt
(§. 174.); omnis societas contrahi intelligitur sub tacita hac

conditione, ut liceat ab eadem discedere, si absque damno societatis discedi possit. Quamobrem a societate discedere licet, quando id sine damno sociorum fieri potest.

Cum societas contrahatur finis consequendi causa (§. 1.); nulla sane ratio est, cur permittendum non sit, ut socius aliquis a societate discedat, si societati adhuc vires sufficientes sint ad finem suum consequendum, consequenter si absque damno societatis discedere possit. Immo potius officiis erga alios repugnaret, si ipsum cogere vellemus, ut in societate maneret, cum perinde sit, sive maneat, sive discedat. Lex igitur naturæ, quæ hominibus consulit singulis, necessitatem manendi imponere nequit, consequenter nec conferre consociis jus cogendi discedere volentem, ut maneat.

§. 188.

*Idem porro
expenditur.*

Quoniam sine damno societatis ab eadem recedit, qui socium alium æque idoneum in locum sui substituit, ab eadem autem recedere licet, si absque damno sociorum hoc fieri possit (§. 187.); *a societate recedere licet, si quis socium alium æque idoneum in locum sui substituit.*

An socius æque idoneus sit, qui in locum alterius substituitur, ex eo æstimatur, quod ad finem societatis consequendum confert (§. 10.). Quodsi ergo novus socius idem conferat, quod contulerat qui eum in locum sui substituit, æque idoneus censeatur. Facta autem substitutione nihil in societate mutatur (§. 290. *Ontol.*), consequenter perinde est ac si qui erat socius in societate mansisset. Idem enim intelligitur socius, qui fuerat ante, si eadem ipsi sint vires, quæ fuerant huic, cum viribus ceterorum conjungendæ (§. 1. b. & §. 181. *Ontol.*). Socius nimirum spectatur tanquam subiectum, cui insunt certæ vires ad finem quendam consequendum requisitæ & ubi cum viribus aliorum conjunguntur, ad eundem consequendum sufficientes prodeunt. Quamvis adeo mutetur individuum physicum; cui insunt vires istæ, modo individuo alteri, quod substituitur, eadem

eodem insint vires, socius adhuc idem intelligitur. Equis ergo sibi persuaserit, societati dari aliquod damnum, siquidem socius discedens alium æque idoneum in locum sui substituat?

§. 189.

Si specialiter fuit conventum, ne quis a societate recedere possit; recedere non licet, nisi consociorum consensu. Quoniam enim obligationes ac jura sociorum metienda etiam sunt ex iis, de quibus in pacto, quo Societas contracta (§. 1.), specialiter conventum fuit (§. 10.); si specialiter conventum fuerit, ne quis a societate recedere possit, socius quilibet obligatur ad manendum, ac consociis competit jus non permitendi ut discedat. Recedere adeo non licet (§. 170. *part. 1. Phil. pract. univ.*). *Quod erat unum.*

Quoniam tamen quilibet jus suum remittere potest, quando nihil fit contra jus tertii (§. 117. *part. 3. Jur. nat.*); socii quoque remittere possunt jus suum non permitendi, ut quis a societate discedat. Enimvero quamprimum jus suum remittunt, is qui discedere vult ab obligatione sua manendi liberatur (§. 97. *part. 3. Jur. nat.*). Sociorum itaque consensu discedere potest. *Quod erat alterum.*

Quando alicui permittitur, ut a societate discedat, etiam si conventum fuerit, ne discedere liceat, societas dissolvitur quoad eum, cui discessus permittitur. Quamobrem cum sociorum dissensu communi integra societas dissolvi possit (§. 184.); eorum quoque consensu dissolvitur quoad unum. Neque hic attenditur, num damnum inde sentiat societas, si quis ab ea discedat. Damnum enim, in quod quis consentit, pro damno non reputatur, nec id datum intelligitur a discedente.

§. 190.

Si socius prævidet, societatem fore damnosam, eidem renunciare licet. Ostenditur eodem prorsus modo, quo de renunciatione ob damnum soci-

etatis praecietate negotiatoria idem demonstratum (§. 1397. part. 4. visum. Jur. nat.).

Demonstratio nimirum, quam ibidem dedimus, contexta est ex principiis generalibus, quæ in omni societate locum habent, nihil vero in ea sumitur, quod ad societatem negotiatoriam in specie spectet.

§. 191.

Si quis nihil amplius ad finem societatis conferre possit. Si casus quidem emergit, ob quem socius aliquis nihil ad finem societatis amplius conferre possit; ab eadem discedere licet. Etenim per se patet, si socius aliquis ad finem societatis consequendum nihil amplius conferre possit, eum sine damno societatis discedere posse, cum perinde sit, siue maneat in societate, siue discedat, aut, si manet, perinde sit ac si in ea non esset. Quoniam itaque a societate discedere licet, si absque damno societatis hoc fiat (§. 187.); si casus quidam emergit, ob quem socius aliquis nihil ad finem societatis amplius conferre potest, a societate discedere licet.

In casu particulari de societate negotiatoria idem jam aliter ostendimus (§. 1396. part. 4. Jur. nat.).

§. 192.

De socio excludendo ob negligentiam. Si socius prestare nolit, ad quod præstandum vi societatis tenetur; ex societate excludi potest. Etenim si socius prestare nolit, ad quod præstandum vi societatis tenetur, a pacto, quo societas contracta (§. 1.) & quod servandum (§. 798. part. 3. Jur. nat.), recedit. Quoniam itaque a pacto recedere licet etiam alteri, si unus paciscentium ab eodem recedit (§. 827. part. 3. Jur. nat.); ceteri quoque socii non amplius obligantur socio negligenti, qui prestare recusat id, ad quod præstandum vi societatis tenetur, consequenter eum ex societate tanquam membrum prorsus inutile excludere possint.

Ostenditur etiam hoc modo. Sociis competit jus cogendi

gendi confocium, ut satisfaciatur obligationi suæ, si in eo se negligentem præbeat (§. 9.). Quodsi igitur præstare nolit id, ad quod præstandum vi societatis tenetur; ex societate excludi potest.

Ex demonstratione altera patet, non statim ob negligentiam socium excludi ex societate posse; sed id demum licere, quando negligentia corrigi nequit. Socius, qui præstare non vult, ad quod præstandum obligatus est, membrum inutile est, adeoque recte abscinditur.

§. 193.

Si socius unus solo arbitratu suo omnia fieri velit; a so- De domina-
cietate recedere, vel ceteris sociis eundem excludere licet. Ete- tu unius so-
 nim in societate quid fieri debeat, communi sociorum con-
 sensu determinandum (§. 44.). Quamobrem si quis velit
 solo arbitratu suo omnia fieri, ceteris sociis jus suum auferre
 vult invitis. Quoniam itaque nemo pati tenetur, ut jus su-
 um sibi invito auferatur (§. 336. part. 2. Jur. nat.); nec co-
 gi quis potest, ut habeat socium, qui suo arbitratu solo
 omnia fieri vult, adeoque a societate recedere, vel, si ita
 visum fuerit, sociis ceteris eundem excludere licet.

Violat socius, qui omnia suo arbitratu solo fieri vult, jus
 confociorum (§. 44.). Quamobrem cum nemo pati teneatur,
 ut jus acquisitum sibi invito ab altero auferatur (§. 336. part.
 2. Jur. nat.); si duo saltem fuerint socii, aut si, cum plures
 sint, alii patiantur, ut socii unius arbitratu fiant omnia, qui
 hoc pati non vult, a societate utique recedere potest, & siqui-
 dem ceteri omnes hoc pati nolunt, dominatum affectantem e
 societate excludere possunt. Qui patiuntur, ut unius arbitratu
 omnia peragantur, jus suum ipso facto remittunt (§. 95. part. 3.
 Jur. nat.), quod licet facere possint (§. 117. part. 3. Jur. nat.),
 non tamen facto suo nocere possunt nolenti (§. cit.).

§. 194.

§. 194.

*Imperium
quid sit.*

Jus determinandi actiones liberas alterius pro lubitu suo dicitur *Imperium*: is vero, qui imperium habet, *imperare* dicitur.

Imperare adeo plus est, quam jubere, quemadmodum dicit *Donatus*. Jubet enim, qui significat, quid fieri velit, in alterius arbitrio non relinquens, quid facere velit (§. 983. *part. 1. Theol. nat.*). Jubere igitur etiam potest is, cui nullum competit jus determinandi actiones liberas alterius pro lubitu suo (*not. §. cit.*). Hinc qui imperat, eundem jubere potest; non tamen qui jubet ideo imperat.

§. 195.

*An imperium
cuiusdam
naturaliter
competat,
aut id sibi
arrogare li-
ceat.*

Quoniam natura quilibet homo liber est (§. 146. *part. 1. Jur. nat.*), vi libertatis autem naturalis permittendum est, ut unusquisque actiones prouti sibi visum fuerit determinet, quamdiu nil facit contra jus alterius (§. 156. *part. 1. Jur. nat.*); natura quoque nemini competit jus actiones liberas alterius pro lubitu suo determinandi, consequenter *imperium nemini natura competit*. Et quia libertas est jus homini natura competens (§. 133. 135. 146. *part. 1. Jur. nat.*); jus autem connatum, adeoque homini naturaliter competens (§. 28. *par. 1. Jur. nat.*), nemini auferri potest (§. 64. *part. 1. Jur. nat.*); *nemo quoque imperium in invitum sibi arrogare potest*.

Notanda hæc sunt, ut origo imperii intelligatur: id quod ut intelligatur, haud parum refert, ne imperium latius extendarur in casibus particularibus, quam par est, vel etiam intra arctiores limites coarctetur, quam fieri debet. Patebit suo loco, quantum in eo fuerit peccatum, quod imperii origo non satis fuerit perspecta.

§. 196.

De consensu

Quoniam nemo imperium in invitum sibi arrogare potest,

est, neque natura alicui idem competere potest (§. 195.); *ejus, in imperium in alium acquiri nequit nisi consensu ipsius vel express- quem impe- so, vel presunto, aut tacito.* rium acqui-
ritur.

Videbimus sane suo loco, quando lex naturæ imperium alicui in aliquem tribuit, eam præsumere consensum ejus, in quem tribuit. Quoniam enim hominem vult esse liberum, (§. 146. part. 1. Jur. nat.), non potest sibi metipsi contrariari, quippe cum repugnet, esse liberum & imperio alterius subiectum (§. 156. part. 1. Jur. nat. & §. 194. b.). Sed de eo disertius dicendum suo loco.

§. 197.

Imperium involvit jus obligandi alterum ad actiones suas sic De jure ob- & non aliter determinandum. Pone enim imperium habenti non ligandi alteri competere jus obligandi alterum ad actiones suas sic & non *rum ad actiones* aliter determinandum. Quoniam si quis obligatus est ad *ones deter-* agendum sic & non aliter necesse est, ut sic & non aliter agat *minandum.* (§. 118. part. 1. Phil. pract. univ.), consequenter ut actiones suas componat ad nutum imperantis & agat, quod ipse voluerit, non quod sibi videtur; si imperans eum, cui imperat, obligare nequeat ad agendum, statui omnino debet, permittendum esse, ut, si libuerit, aliter agat, quam ipse voluerit. Quamobrem cum jus determinandi actiones alterius pro lubitu suo imperium sit (§. 194.); erit hoc jus revera nullum, quippe effectui suo destitutum. Quod cum sit absurdum, necesse est ut imperium involvat jus obligandi alterum ad actiones suas sic & non aliter determinandum.

Implicat habere jus determinandi actiones alterius pro lubitu suo, nec eidem imponere posse necessitatem moralem agendi, ita ut velit agere, quod tibi visum fuerit. Arque ideo imperium sine jure obligandi alterum concipi nequit (§. 118. part. 1. Phil. pract. univ. & §. 194. b.).

§. 198.

De jure puniendi & præmiis invitandi ad agendum.

Quoniam imperium involvit jus obligandi alterum ad actiones suas sic & non aliter determinandum (§. 197.), obligatio autem positiva, adeoque ea, quæ a voluntate hominis proficiscitur (§. 290. part. 1. *Phil. pract. univ.*), aliter introduci nequit quam pœnarum metu, aut spe præmiorum (§. 301. part. 1. *Phil. pract. univ.*); qui habet imperium, ei competit jus puniendi eum, qui actiones suas ad nutum ipsius componere non vult, & præmiis invitandi ad agendum.

Equidem plerumque pœnarum metu obligatio positiva intro-
citur; non tamen præmiis nullus prorsus conceditur locus.
Patebit autem suo loco, quando obligatio introduci debeat præ-
miorum potius promissione, quam sanctione pœnali.

§. 199.

De jure in actiones alterius.

Quoniam imperium involvit jus obligandi alterum ad actiones suas sic & non aliter determinandum (§. 197.), jus vero in actiones alterius habet is, ad cujus voluntatem alter actiones suas componere obligatur (§. 137. part. 1. *Jur. nat.*); cui competit imperium, is habet jus in actiones alterius, immo imperium revera non est nisi jus in actiones alterius.

Vide, quæ alias annotavimus (not. §. 137. part. 1. *Jur. nat.*).
Quænam vero sint actiones, in quas imperanti jus competit,
ex origine juris illius in casu particulari definiendum, quemad-
modum ex sequentibus constabit.

§. 200.

An imperium sit potestas.

Imperium potestas est. Etenim imperium est jus in actiones alterius (§. 199.), & involvit jus obligandi alterum ad actiones suas sic & non aliter determinandum (§. 197.), & ubi non fecerit eum puniendi (§. 198.). Qui adeo imperium habet, ei competit jus in alterum. Enimvero jus, quod quis

quis in alterum habet, potestas est (§. 133. *part. 1. Jur. nat.*)
Ergo imperium potestas est.

Imperium & potestas promiscue usurpari solent. Unde imperium parentum vocari solet potestas. Non tamen negandum est, potestatem latiore habere significatum, quam imperium. Quamvis enim imperium potestas sit, non tamen eisdem coæquatur. Qui vero hoc fecerunt, potestatem in nimum extenderunt, prouti ex inferius dicendis abunde patebit.

§. 201.

Quoniam imperium potestas est (§. 200.), alteri autem *Subiectus* subiectus dicitur, in quem ipsi potestas competit (§. 134. *quinam sit. part. 1. Jur. nat.*); *subiectus* etiam dicendus est is, in quem alter imperium habet.

Imperium non concipitur sine subiectione alterius: imperantis nimirum voluntati subjiuntur actiones ejus, in quem is imperium habet. Atque adeo idem subiectus alteri est quoad actiones suas: neque enim subiectio ultra limites imperii extendenda.

§. 202.

Quoniam natura nemo imperium in alterum habet (§. *An natura* 195.), subiectus vero alteri est is, in quem alter imperium *quis alteri* habet (§. 201.); *natura nemo alteri subiectus est.* *sis subiectus.*

Imperium & subiectio correlata sunt, quorum unum sine altero non intelligitur (§. 856. *Ontol.*). Ubi ergo nullum datur imperium, ibi nec locum habet subiectio. Natura non datur imperium: ergo nec subiectio.

§. 203.

Similiter quia nemo sibi in invitum imperium arrogare potest (§. 195.), nec imperium in aliquem acquiri nisi *An subiectio* *invita esse* consensu ipsius vel expresso, vel tacito, vel præsumto (§. 196.), *possit.*

subjectus vero alteri est is, in quem ille imperium habet (§. 201.); *nemo quoque alteri inuitus subijci potest, sed ad subjectionem requiritur consensus ipsius sive expressus, sive tacitus, sive presumptus.*

Nimirum subiectio extendi nequit in præjudicium libertatis naturalis, prouti intelligitur ex iis, quæ supra annotauimus (not. §. 196.).

§. 204.

De obligatione subiecti.

Et quoniam qui imperium habet, alterum obligare potest ad actiones suas sic & non aliter determinandum (§. 197.), consequenter alter ad ipsius voluntatem actiones suas componere tenetur, subjectus vero alteri est is, in quem imperium alter habet (§. 201.); *subjectus obligatur actiones suas ad voluntatem imperantis componere.*

Nullum foret jus imperantis, nisi subjectus obligatus esset ad faciendum, quod is vult. Vide, quæ supra jam annotauimus (not. §. 197.).

§. 205.

Obedientia quid sit.

Parere vel obedire dicitur, qui actionem suam ad voluntatem alterius componit. Atque adeo *obedientia* dicitur promptitudo actionem suam ad alterius voluntatem componendi, seu faciendi, quod fieri vult alter, & non faciendi, quod fieri non vult.

§. 206.

De obedientia subiecti.

Quoniam subjectus obligatur actiones suas componere ad voluntatem imperantis (§. 204.), qui vero actiones suas ad voluntatem alterius componit, eidem parere vel obedit (§. 205.); *subjectus imperanti parere, vel obedire obligatur.*

Obedientia virtus est, quæ subjectum maxime decet (§. 332. part. 1. Theol. nat.). Repugnat esse alteri subjectum & eidem obedire nolle.

§. 207.

§. 207.

Inobediens dicitur, qui actiones suas ad alterius voluntatem componere non vult. *Inobediens* adeo est noluntas *inobediens* actiones suas ad alterius voluntatem componendi. *inobediens* *quia quid sit.*

Ut *inobediens* sit vitium, necesse est, ut noluntas illa sit constans & perpetua (§. 329. *part. 1. Phil. pract. univ.*). Atque adeo patet, quamvis quis sit *inobediens*, fieri tamen posse, ut actionem suam componat ad voluntatem alterius, non tamen quia alter vult, ut hoc faciat, sed quia ipse proprio motu facere vult, aut quia metu poenarum facit, quod non faceremal-
ler & contra, manente noluntate actiones suas componendi ad alterius voluntatem. Sed cum hoc valeat de omni vitio; suo loco de hisce disertius dicetur in philosophia morali, ubi actionum ex virtute ac vitio procedentium ratio distinctius exponetur.

§. 208.

Quoniam subjectus imperanti obedire obligatur (§. *De inobedi-* 206.), *inobediens* autem esse nequit qui obedit (§. 205. *entia subje-* 207.); *subjectus inobediens esse non debet.* *Esti.*

Repugnat subjectum esse alteri & *inobedientem* esse, ut nihil magis dedecet subjectum, quam *inobediens* (§. 195. *part. 1. Phil. pract. univ.*).

§. 209.

Actiones subjecti dependens a voluntate imperantis. Ete-De depen-
nim actiones suas ad voluntatem imperantis componere ob-*dependens acti-*
ligatur subjectus (§. 204.), consequenter ratio, cur hasce *onum subje-*
potius actiones edat, quam alias, querenda est in volunta-*ti a volun-*
te imperantis (§. 56. *Ontol.*). Actiones igitur ejus depen-*tate impe-*
dent a voluntate imperantis (§. 851. *Ontol.*). *rantis.*

Nimirum si quis, cur subjectus hoc faciat, vel non faciat, ratio hæc redditur, quod imperans velit ut faciat, vel nolit ut

non faciat. Voluntas & noluntas imperantis est principium determinandi voluntatem ac noluntatem subiecti. Subiectus nimirum hanc legem agnoscit. Quicquid vult imperans ut faciam, vel non faciam; id mihi faciendum vel non faciendum. Et hac lege nritur obedientia subiecti, quæ in stricta ejus observantia consistit.

§. 210.

Quatenus subiectus non est liber. Subiectus quoad eas actiones, in quas imperanti jus est, liber non est. Actiones enim subiecti dependent a voluntate imperantis (§. 209.), adeoque subiectus quoad eas actiones, in quas imperanti jus est, non est independens a voluntate aliena. Enimvero liber non est, cujus actiones non sunt independentes a voluntate alterius (§. 152. part. 1. Jur. nat.). Subiectus itaque quoad eas actiones, in quas imperanti jus est, liber non est.

Libertas consistit independentia actionum a voluntate hominis alterius cujuscunque (§. 153. part. 1. Jur. nat.). Sublata igitur hac independentia tollitur libertas. Atque adeo patet, subiectione tolli libertatem naturalem.

§. 211.

De renunciatione libertatis in subiectione. Qui alteri se subijcit, libertati naturali renunciat quoad eas actiones, in quas imperanti jus concedit. Qui enim alteri subiectus est, quoad eas actiones, in quas illi jus est, liber non est (§. 210.). Quamobrem si quis se alteri subijcit, ipso facto declarat, nolle sese esse liberum quoad eas actiones, in quas imperanti jus conceditur. In hac declaratione cum renunciatio consistat (§. 103. part. 3. Jur. nat.); qui alteri se subijcit libertati naturali renunciat quoad eas actiones, in quas imperanti jus concedit.

Nimirum qui se alteri subijcit, jus in actiones suas in eundem transfert (§. 201. 194.), ut scilicet ipse pro lubitu suo easdem determinet (§. 194.). Atque adeo quoad eas actiones, quæ

quæ subesse debent imperio alterius, non vult dependere a voluntate imperantis. Subjectio adeo continet promissionem non faciendi, nisi quod voluerit imperans (§. 361. *part. 3. Jur. nat.*). Equidem nonnullis absurdum, aliis imprudenter factum videtur, ut quis libertati naturali renunciaret, consequenter hanc renunciationem vel rejiciunt, vel, ubi expressa non est, non præsumendam esse contendunt; in præsentem tamen locus non est, ut eos erroris redarguamus: id quod evidenti-
us fieri poterit alio loco.

§. 212.

Jus, quod universis in singulos competit in societate, imperium est. Universis enim competit jus cogendi socium, ut faciat, quod ad finem consequendum facere potest, aut quod ut ab ipso fiat, specialiter conventum fuit (§. 9.), utque leges stricte observet (§. 51.) & puniendi socium, qui contra legem, cujus observantia poena sancita est, quid commisit (§. 57.). Et quid finis consequendi gratia fieri debeat, communi sociorum consensu determinandum (§. 44.), adeoque non quilibet socius facere potest, quod sibi soli visum fuerit. Patet itaque in societate universis competere jus determinandi actiones singulorum sociorum qua talium, hoc est, eas, quæ societatem respiciunt. Quamobrem cum hoc jus imperium sit (§. 194.); jus, quod universis in singulos competit in societate, imperium est.

Quando societas contrahitur, singuli sese obligant universis, quod facere velint, quæ ad finem societatis consequendum requiruntur (§. 1. *l. 1. §. 789. part. 3. Jur. nat.*) & quæ communi consensu determinabuntur (§. 44.), vel etiam parti majori placuerint (§. 80.). Arque adeo in iis, quæ ad societatem spectant, singuli dependent a voluntate universorum (§. 851. *Ontol.*), consequenter quoad istas actiones libertati suæ renunciarunt (§. 153. *part. 1. §. 103. part. 3. Jur. nat.*). Et sic universi determinare easdem intelliguntur pro suo libitu, conse-

consequenter universis competit imperium in singulos. Quodsi duo tantummodo fuerint socii, universi quidem sunt ambo simul sumti, quorum etiam concorde voluntate determinantur actiones ad societatem spectantes. Atque adeo imperium duobus simul sumtis inest. Quatenus tamen exercendum est, ut fiat id, ad quod quilibet eorum obligatus est, exercitium competit ei, qui vult, ut fiat, ad quod communi consensu sese sibi invicem obligaverunt.

§. 213.

Quod ex ea nascatur.

Imperium omne nascitur ex societate. Natura enim nemini imperium competit, nec quisquam in invitum aliquid sibi arrogare potest (§. 195.), sed id acquirendum expresso, vel tacito consensu ejus, in quem datur (§. 196.). Quoniam vero nil temere faciendum (§. 278. pars. 3. *Jur. nat.*), necesse est, ut certo fine quis aliis tribuat jus in illas actiones, quæ ad finem consequendum faciunt (§. 277. pars. 3. *Jur. nat.*), in quo jure imperium consistit (§. 199.). Enimvero qui cum aliis convenit, quod quoad ea, quæ ad finem quandam requiruntur, pendere velit ab eorum voluntate, societatem contrahit (§. 1. 144.). Imperium adeo omne ex societate nascitur.

Quodsi homines omnes vitam solitariam agerent, per se patet, nullum in agendo ab alterius voluntate pendere, sed actiones suas in universum omnes pro lubitu suo determinare, consequenter nullum quoque dari imperium (§. 194.). Idem adhuc intelligitur, si homines quidem una vivant, sed nemo sese alteri obligat ad finem quandam conjunctis viribus proseguendum, ut in iis, quæ huc faciunt, non amplius pendeat a sola sua voluntate, sed simul a voluntate alterius. Non alius itaque concipi potest modus, quo nascatur jus in actiones alterius, quod est imperium (§. 199.), nisi ut oriatur ex societate. Quod jus parentum in actiones liberorum non faciat exceptionem, suo loco constabit. Ceterum hic sermo est de impe-

imperio humano, quod homini in homines competit, quemadmodum facile patet, non vero de imperio, quod Deo in homines competit, & ex dominio ejus fuit (§. 970. *part. 1. Theol. nat. & §. 194. h.*).

§. 214.

Quoniam imperium ex societate nascitur (§. 213.), in *De limitis* societate autem omne jus determinandum est ex fine, *bus imperii.* cujus causa contrahitur (§. 10. 1.); *imperium extendi nequit ultra actiones, quæ ad finem societatis consequendum faciunt.*

In quolibet ideo casu limites imperii hoc modo assignabuntur, ne imperans jus suum extendat ultra id, quod par est, nec plus juris sibi arroget, quam eidem competit,

§. 215.

Eodem modo patet, *an imperium recte exerceatur, ex fine Unde statumendū de* societatis dijudicandum esse.

Differunt societas sine (§. 3.). Quamobrem quod rectum *exercitio* est in una societate, propterea rectum dici nequit in societa- *imperii.* te altera, nisi idem conveniat fini utriusque societatis. Notandum vero nos hic loqui de imperio, quatenus ex societate resultat, adeoque universis competit. Mox enim videbimus, universos de eo exercendo statuere posse, prouti visum fuerit: quod ubi factum fuerit, de exercitio imperii iudicaturus non amplius stricte inhæreere debet fini, ut intelligatur, quid licite fiat.

§. 216.

Imperium in societate vel sibi retinere possunt universi, vel Quomodo si ita visum fuerit, in unam quandam, aut aliquos personas transfer- de imperio re possunt. Etenim imperium est jus, quod ex societate nasci- *disponi pos-* tur (§. 213.) & universis in eadem competit (§. 212.). E- *si.* nimvero a voluntate tua pendet unice, utrum jus tuum in alium transferre velis, nec ne, & in quem transferre velis
(Wolffii Jur. nat. Pars VII.) U (§. 12.

(§. 12. *part. 3. Jur. nat.*). Quamobrem a voluntate quoque universorum in societate pendet, utrum imperium in alium transferre velint, nec ne, & in quem transferre velint, consequenter id aut sibi retinere possunt universi, aut transferre in unam, vel aliquot personas.

Solius societatis interest, ut imperium recte exerceatur. Quamobrem ipsius est judicare, utrum consultius sit, ut id per se exerceat, vel per alium, aut alios. Quoniam itaque quid in societate finis consequendi causa fieri debeat, communi sociorum consensu determinandum (§. 44.); ecquis dubitet, societati integrum esse, ut, prouti sibi visum fuerit, imperium vel sibi retineat, vel in unum, aut aliquot personas transferat?

§. 217.

An transferri possit in extraneum.

Societas imperium etiam in extraneum transferre potest. Patet enim ex propositionis præcedentis demonstratione, a voluntate ipsius unice pendere, in quem imperium transferre velit (§. 216.). Quamobrem necesse non est, ut id transferat in quendam ex numero sociorum, adeoque transferre potest in eum, qui societatis membrum non est, consequenter in extraneum (§. 23.).

Quæ de translatione imperii in propositione præsentè ac præcedente demonstrantur, de iis equidem vix quisquam est qui dubitet; non tamen propterea demonstratio superflua videri debet. Quæritur enim, num jure hæc translatio fieri possit, cum non statim jure fiat, quod nemine contradicente fieri potest.

§. 218.

Regimen quid sit & quinam Reg-

Exercitium imperii *Regimen* dicitur. Ac ideo is, cui in societate imperium deferretur, ut id exerceat, *Rektor societatis* appellatur.

Nimi-

Nimirum imperium consistit in jure, regimen in facto. Atque ideo facile patet, quoniam inter utrumque differentia intercedat. Rector terminus generalis est, qui pro diversitate societatum diversa sortitur nomina specialia, prouti suo loco constabit.

§. 219.

Quoniam regimen in exercitio imperii consistit (§. Quinam societas sit, §. 18.); si societas imperium sibi retinet, seipsam regit, si transciatatem refert idem in alium, vel alios, per alium, vel alios regitur.

Non repugnat dici, quod homo habeat imperium in se ipsum, quatenus actiones suas liberas determinare potest. Atque ideo etiam dicitur regere seipsum. Et in statu naturali cum quilibet homoliber sit (§. 144. part. 1. Jur. nat.); quilibet etiam seipsum regit, imperium, quod in se habet, per se exercendo. Sed his in philosophia morali uberior lux affundetur.

§. 220.

Si societas imperium in alium transfert, a voluntate ipsius Qualege pendet, quomodo seu qua lege transferre velit. Imperium enim imperium jus est (§. 194.), consequenter quando societas imperium sit transferre in alium transfert, jus suum in eum transfert. Quoniam itaque a transferentis voluntate unice dependet, quomodo seu qua lege jus suum transferre velit (§. 11. part. 3. Jur. nat.); a voluntate quoque societatis unice dependet, quomodo seu qua lege imperium in alium transferre velit.

§. 221.

Quoniam a voluntate societatis pendet, quomodo seu Quot modis qua lege transferre velit imperium (§. 220.); imperium in imperium alium transferri potest vel revocabiliter, vel irrevocabiliter, ad transferri certum tempus, aut ad dies vitæ; tanquam transmissibile in certos alios, vel non transmissibile; plenum, vel certa parte deminutum; illimitatum, aut certo modo limitatum.

Hæc probe notanda sunt, ut in casu quolibet particulari definiri possit jus competens ei, in quem imperium translatum.

§. 222.

Unde metiendum sit jus Rectoris societatis.

Quoniam a voluntate societatis pendet, quomodo seu qua lege transferre velit imperium (§. 220.), is autem, in quem transfertur, acceptatione sua non plus juris acquirere potest, quam transferens in eum transferre voluit (§. 382. *part. 3. Jur. nat.*); *si imperium a societate in aliquem translatum fuit, tale in eo erit ac tali modo ab eo habebitur, quale esse & quali modo ab eo haberi voluit societas, consequenter Rectoris in societate jus omne metiendum est ex voluntate, qua fuit societati, cum imperium transferret.*

Principium hoc maximi momenti est, ne a veritatis tramine recedatur, quando de jure Rectoris societatis quæstio aliqua incidit.

§. 223.

De legibus imperium exercendi.

Quoniam a voluntate societatis unice pendet, quomodo imperium in alium, vel alios transferre velit (§. 220.), societati vero competit jus ferendi leges de iis, quæ ad eandem spectant (§. 46.); *de exercitio quoque imperii ipsa leges condere potest, & ubi imperium in aliquem translatum, is secundum eas imperium exercere, seu societatem regere (§. 218.), nil quicquam vero contra eas committere obligatur.*

Leges istæ voluntatem societatis de imperio exercendo indicant. Atque adeo norma sunt, ad quam Rector societatis actiones suas componere obligatur (§. 222.).

§. 224.

De legibus fundamentalibus societatis.

Leges fundamentales societatis appellantur, quæ conduntur de modo imperium exercendi. Quamobrem cum omne jus Rectoris societatis metiendum sit ex voluntate societatis (§. 222.),

(§. 222.), eandem vero voluntatem indicent leges fundamentales societatis (§. 223.); *Rektor societatis obligatur ad legum fundamentalium observantiam.*

Nimirum quando dantur leges fundamentales societatis, Rektor societatis eandem regere debet secundum voluntatem societatis, cum eidem non contulerit imperium, nisi sub hac conditione ut id exerceat secundum modum præscriptum.

§. 225.

Rektori societatis parere seu obedire tenentur socii. Quo-De obedientiam enim rektori societatis collatum est imperium (§. 218.), ita Rektori in societate imperium is habet, adeoque imperat sociis (§. societatis 194.). Quamobrem cum imperanti sit parendum, seu debita. obediendum (§. 206.); socii rektori civitatis parere, seu obedire obligantur.

Quando societas imperium in alium transfert, eo ipso sese obligat ad obedientiam eidem præstandam. Quodsi socii obedire nollent alteri, sed in iis, quæ ad societatem spectant, a sua dependere voluntate; imperium sibi retinere, nequaquam vero in alium transferre deberent. Repugnat itaque imperium transferre in alium & dum id exercens præcipit, quid fieri debeat, vel prohibet, ne quid fiat, obedire nolle. Translatio imperii in alium continet tacitam promissionem de obedientia præstanda, ex qua nascitur obligatio perfecta obedientiæ (§. 363. part. 3. Jur. nat.).

§. 226.

Si Rektor societatis præcipit, qua legi natura, vel etiam fundamentalis societatis repugnant, aut que ad societatem non spectant; socii eidem obedire non tenentur. Quando Re-Extenim obligatio naturalis sociis non obediendum. tori societatis præcipit, qua legi natura, vel etiam fundamentalis societatis repugnant, aut que ad societatem non spectant; socii eidem obedire non tenentur. Etenim obligatio naturalis sociis non obediendum. necessaria & immutabilis est (§. 141. 142. part. 1. Phil. præd. diendum. univ.). Quamobrem nec Rektor societatis socios sibi subiectos (§. 202.) ab ea liberare potest, consequenter nec ipsi

jus est præcipiendi, quæ legi naturæ repugnant. Imperium itaque in eundem non collatum intelligitur, nisi cum tacita hac exceptione, quod obedire nolint, si legi naturæ adversa præcipere velit. Quare cum se socii non obligaverint Reçtori societatis, nec obligare potuerint ad parendum legi naturæ adversa præcipienti, eidem quoque parere non tenentur, si naturæ legi adversa præcipiat. *Quod erat primum.*

Cum leges fundamentales imperii præscribant modum regendi, & ad earum observantiam reçtor societatis obligetur (§ 224.); sociorum imperium transferentium ea fuit voluntas, quod parere nolint, siquidem præcipiantur quæ legi fundamentali repugnant. Quoniam itaque reçtor societatis socios non plus sibi obligare valet, quam iidem sese obligare ipsi voluerunt, dum sese subjecerunt (§. 382. part. 3. *Jur. nat.*); socii quoque Reçtori societatis obedire non tenentur, si præcipit, quæ legi fundamentali societatis repugnant. *Quod erat secundum.*

Denique cum imperium in societate sit jus determinandi actiones sociorum (§. 194.), socios autem non teneat obligatio nisi quoad ea, quæ ad finem societatis consequendum spectant (§. 1.); imperium quoque non extenditur ultra ea, quæ ad societatem spectant. Quando itaque imperium transfertur in alium, Reçtori quoque societatis nullum competit jus in actiones sociorum, nisi quæ respectum quandam ad finem societatis habent, seu ad eandem spectant. Quamobrem patet imperium transferentes non habuisse animum sese obligandi ad obediendum in his, quæ ad societatem non spectant, consequenter cum nemo sibi alterum obligare possit ultra voluntatem suam (§. 382. part. 3. *Jur. nat.*); socii quoque reçtori societatis parere non tenentur, si præcipiat, quæ ad societatem non spectant. *Quod erat tertium.*

Quam-

Quamvis in omni casu propositionis præsentis socii non teneantur obedire rectori societatis; non tamen in omni eadem est non obediendi ratio. Etenim in casu primo adest obligatio, adeoque necessitas non obediendi (§. 118. *part. 2. Phil. pract. univ.*); in secundo & tercio nonnisi jus, adeoque libertas non obediendi (§. 156. *part. 1. Phil. pract. univ.*). Ratio diversitatis est, quod naturaliter obligati sumus ad non faciendum, quod legi naturæ repugnet; a voluntate autem nostra venit, quod alteri obligati esse nolumus ad non obediendum in iis, quæ legi fundamentali societatis repugnant, vel ad societatem non spectant, cum etiam quoad ea nos alteri subijcere potuissimus, siquidem ita visum fuisset. In casu itaque primo qui non obedit in gratiam alterius peccare non vult (§. 440. *part. 1. Phil. pract. univ.*); in casu autem secundo & tercio non vult, ut alter sibi arroget jus in actiones suas, quod ipsi concedere noluit (§. 382. *part. 3. Jur. nat.*). Hæc differentia probe notanda est, ne confusio obligationis ad non parendum cum jure non parendi cedat in præjudicium prudentiæ, quæ haud raro suadet, ut jure nostro cedamus. Sed de hisce rectius plura dicentur in casibus particularibus.

§. 227.

Si socii Rectori societatis parere seu obedire velint, quando quid Quando so-
imperat, quod legi fundamentali repugnat, vel quod ad societatem cunctati obe-
minime spectat, obedire licet. Etenim leges fundamentales dire licet,
 consensu sociorum conditæ fuerunt (§. 223. 224.). Quo- *etiamsi non*
 niam vero societati integrum est leges, quando visum fuerit, *teneatur.*
 tollere (§. 48.); legem quoque fundamentalem, si voluerit,
 tollere potest, consequenter etiam tollere quoad actum quen-
 dam præsentem. Sed lex fundamentalis quoad actum istum
 tollitur, si socii obediant Rectori societatis, quando quid im-
 perat, quod legi fundamentalis repugnat (§. 205. 226.).
 Quamobrem si socii Rectori societatis parere velint, si quid
 imperat, quod legi fundamentalis repugnat; obedire licet.
Quod erat unum. Simi-

Similiter vi libertatis naturalis quilibet facere potest, quod libet, salva obligatione naturali (§. 138. *part. 1. Jur. nat.*), consequenter socii etiam facere possunt, quod vult Rector societatis in iis, quæ ad societatem non spectant, siquidem libuerit, cum id supponamus fieri posse salva obligatione naturali, quæ a lege naturæ venit (§. 141. *part. 1. Phil. pract. univ.*). Sociis igitur Rectori societatis obedire licet etiam in iis, quæ ad societatem minime spectant, si ita visum fuerit (§. 205.). *Quod erat alterum.*

Non quæritur an in casibus propositionis præsentis consultum sit obedire, sed quid jure suo socii facere possint. Ac præterea notandum est, sermonem hic esse de obedientia, quæ sua sponte præstatur, non vero de ea, quæ vi ac metu extorquetur.

§. 228.

De facto unus socii societati non imputando.

Factum unius socii, in quod ceteri non consenserunt, aut quod ex post facto non ratihabuerunt, societati imputari nequit. Quoniam enim in societate omnia fieri debent communi sociorum consensu (§. 44.), si quid socius unus facit absque ceterorum consensu, vel antequam faceret, requisito, vel postea subsecuto, societas dici nequit causa libera ejus, quod ex facto isto subsequitur boni vel mali societati aut aliis. Quamobrem cum actio non imputetur, nisi quatenus quis declaratur causa libera boni malique vel sibi aut aliis, quod ex actione ipsius consequitur (§. 527. *part. 1. Phil. pract. univ.*); factum unius socii, in quod ceteri non consenserunt, aut quod postea non ratihabuerunt, societati imputari nequit.

Ostenditur etiam hoc modo. Quoniam in societate omnia fieri debent communi sociorum consensu (§. 44.), actio societatis libera haberi nequit actio unius socii, in quam ceteri non consenserunt, cumque perinde sit, siue quis
ab

ab initio in factum consentiat, sive postea rati habeat, quam nec ex postfacto ceteri rati habent. Enimvero nemini imputari potest nisi actio libera sua (§. 528. *part. 1. Phil. pract. univ.*), aut in quam quomodocunque sive verbis, sive factis consentit (§. 650. & *seqq. part. 1. Phil. pract. univ.*). Ergo societati imputari nequit factum focii unius, in quod ceteri non consenserunt, aut quod postea non rati habuerunt.

Ut pateat, quando factum focii unius integræ societati imputari possit, relegendæ sunt ea, quæ de imputatione facti alieni demonstravimus (§. 650. & *seqq. part. 1. Phil. pract. univ.*): ita nimirum facile præcavebitur, ne propositionem præsentem latius extendamus, quam par est.

§. 229.

Quod per plurima in societate fuit conclusum, imputari nequit iis, qui non consenserunt. Per se patet conclusum partis majoris esse respectu eorum, qui non consentiunt, factum quod per alienum, & quia non consentiunt, id nullo modo a voluntate dissentientium dependere (§. 659. *part. 1. Phil. pract. univ.* & §. 851. *Ontol.*). Enimvero factum alienum imputari tibi nequit, nisi quomodocunque a voluntate tua dependeat (§. 650. 528. *part. 1. Phil. pract. univ.*). Ergo conclusum partis majoris in societate imputari nequit iis, qui non consenserunt.

Non est quod excipias, qui societatem contrahunt, aut postea in eandem recipiuntur, in hoc consentire, ut, quod majori parti fuerit visum, id pro communi omnium sententia habeatur (§. 80.). Etenim conventio hæc id tantummodo operatur, ne partis minoris dissensus obstat, quo minus id concludatur, quod plurimis placuerit (§. 124.), nequaquam, vero ut id suo quoque calculo approbent, adeoque tandem consentiant, propterea quod vident, dissensu suo se nil efficere posse. Qui enim dissentiunt, dissentientes manent, nec dissensus mutata

(*Wolffii Jur. Nat. Pars VII.*) X sen-

sententia vertitur in consensum: id enim quando accidit, vota unanimita efficiuntur, nec amplius dici potest, majora conclusisse. Absit igitur fundamentum imputationis (§. 528. *part. 1. Phil. pract. univ.*), cum repugnet pro volente haberi, qui expresse declarat sese nolle (§. 659. *part. 1. Phil. pract. univ.*). Quæ porro dubia nasutionibus hic suboriri poterant, suo loco tollentur.

§. 230.

*An societas
sefe aliis
obligare &
jura ab iis
acquirere
possit.*

Societas integra sefe aliis hominibus singularibus & aliis societatibus obligare & jura ab iis acquirere valet. Etenim societas integra pro una persona habenda (§. 161.). Enimvero homines singulares sefe sibi invicem obligare possunt mutuo consensu (§. 357. *part. 3. Jur. nat.*), & acceptando jura ab aliis acquirere (§. 381. *part. 3. Jur. nat.*). Ergo etiam societas integra sefe aliis hominibus singularibus, vel aliis societatibus obligare & jura ab iis acquirere valet.

Nimirum quia integra societas spectanda est instar unius personæ (§. 161.), in ejus locum personam quandam singularem surrogare licet, cui tribuendum, quod a societate sit. Perinde igitur est, siue homines singulares sefe sibi invicem obligent, aut jura a se invicem acquirant, siue societas quædam aliis personis singularibus, aut societas una alteri sefe obliget, vel jura quædam sibi acquirat.

§. 231.

*De pactis
societatum.*

Societas integra cum aliis hominibus singularibus, vel aliis societatibus pacta inire potest. Etenim societas integra aliis hominibus singularibus, vel societatibus aliis sefe obligare & jura ab iis acquirere valet (§. 230.). Enimvero aliis nos perfecte obligamus promittendo (§. 363. *part. 3. Jur. nat.*), & promissorum acceptatione acquiruntur jura (§. 381. *part. 3. Jur. nat.*), consequenter obligationes contrahuntur & jura acqui-

acquiruntur conventionibus, quibus in eandem vel easdem promissiones consentitur (§. 361. *part. 3. Jur. nat.* & §. 658. *part. 1. Phil. pract. univ.*). Quamobrem cum conventio, qua duo vel plures in eandem, vel easdem promissiones consentiunt pactum sit (§. 788. *part. 1. Jur. nat.*); societas integra cum aliis hominibus singularibus, vel aliis societatibus pacta inire potest.

Nemo dubitat, unum cum pluribus simul de eadem re pacisci posse. Quoniam itaque qui cum societate integra contrahit, cum pluribus simul contrahit (§. 1.); inde est, quod nemo quoque dubitet, sese cum societate quadam integra valide pacisci posse. Placuit tamen id docere disertius, ne quid dubii restet, num jure paciscantur societates vel inter se, vel cum hominibus singularibus. Id enim hic in questione est, non quid fieri soleat & num de eo, quod fit, nemo dubitet.

§. 232.

Quoniam pacta naturaliter servanda sunt (§. 789. *part. 3. Jur. nat.*), societates vero integræ cum aliis hominibus singularibus, vel aliis societatibus pacta inire possint (§. 231.); cum ad pacta societates quoque integra pacta cum aliis hominibus, vel aliis societatibus imita servare naturaliter obligantur.

Societatum obligatio non minor est, nec jus majus, quam hominum singularium. Quemadmodum itaque homines singulares fidem datam fallunt, si pacta non servant, ac perfidi sunt, si contra pacta agunt (§. 790. *part. 3. Jur. nat.*); ita quoque societas fidem fallit datam, quæ pactum non servat, ac perfida fit, si contra pactum agit. Immo eodem modo ad societates integras etiam applicantur alia, quæ de pactis fuerunt demonstrata, ut adeo opus non sit particularia de pactis societatum in medium proferri.

§. 233.

Si societas extraneo concessit jus, & socius unus eundem sur- De jure a
bare societate ex-

traneo con- *bare velit in exercitio hujus juris; societati competit jus impediendi ne faciat.* Quoniam enim pacta sunt servanda societati (§. 232.; si ea jus quoddam concesserit extraneo cuidam, cum quoque in exercitio illius juris turbare nequit. Quodsi ergo socius unus tale quid facere audeat, is obligationi suæ non satisfacit. Enimvero sociis competit jus cogendi consocium, ut satisfaciat obligationi suæ (§. 9.). Ergo etiam societati competit jus impediendi socium, qui extraneum turbare audet vel vult in exercitio juris a societate sibi concesso, ne faciat.

Qui alteri concedit jus quoddam, is utique eidem sese obligat ad patiendum, ut jure isto utatur, consequenter ad eum non turbandum in exercitio hujus juris: alias enim jus inutiliter concederetur, quod in moralibus pro absurdo habendum. Obligatio hæc singulorum membrorum est: concessio nimirum juris continet tacitam hanc promissionem, quod nemo sociorum eum in exercitio juris turbare velit, cui conceditur. Et ex hac promissione nascitur singulorum obligatio (§. 363. *pars. 3. Jur. nat.*). Quoniam vero dum societas cum extraneo patiscitur, per modum universitatis sese obligat, cum instar unius personæ consideretur; universi quoque qua universi, hoc est, quatenus spectantur ut omnes simul sumti, sese obligant ad non turbandum alterum in juris concessi exercitio, consequenter juris concessio quoque continet tacitam hanc promissionem, quod pati universi nolint, ut unus ex ipsorum numero illum turbet in exercitio juris concessi, atque inde nascitur obligatio ad non patiendum, ut turbet (§. *cit.*). Ex hac vero obligatione nascitur jus societatis in socium, eum scilicet impediendi, si turbare velit, vel audeat, ne faciat. Satis adeo distincte vi principiorum Juris naturæ intelligitur, quænam sit juris hujus origo, quod societati in socium tribuitur in propositione præsentente. Nec minus liquet, nos in demonstratione nil sumere, quod a veritate abhorreat.

§. 234.

Si societas pacto in se suscipit negotium aliquod expediendum; De præstan-
ad omnem diligentiam in eo expediendo præstandam obligatur. Etenim cum societas pacta servare teneatur (§. 232.), negotium *tia in nego-*
 vero complectatur omnes actiones ad efficiendum, quod *rio expedi-*
 promissum est, requisitas (§. 68.); societas pacto in se suscipi-
 ens negotium expediendum sese obligat ad omnes actio- *societas in*
 nes committendas, quæ ad istud expediendum requiruntur. *se suscipit.*
 Quamobrem cum diligentia consistat in commissione omni-
 um illarum actionum, quæ certo fine committendæ sunt (§.
 751. part. 1. *Phil. pract. univ.*); societas pacto in se suscipi-
 ens negotium aliquod expediendum, ad omnem diligentiam
 in eo expediendo præstandam obligatur.

Ostendi etiam potest hoc modo. Si homo quidam
 singularis pacto in se suscipit negotium aliquod expedien-
 dum; is ad idem expediendum obligatur (§. 789. part. 4.
Jur. nat.), cumque naturaliter obligemur ad negligentiam
 vitandam (§. 361. part. 1. *Jur. nat.*), consequenter ad omnem
 diligentiam præstandam (§. 757. part. 1. *Phil. pract. univ.*), ad
 omnem diligentiam in negotio expediendo sese obligasse
 intelligitur. Quoniam itaque societas integra pro una per-
 sona habenda (§. 161.); si ea pacto negotium quoddam
 expediendum in se suscipit, ad omnem quoque diligentiam in
 expediendo præstandam obligatur.

Qui negotium aliquod ab altero expediri vult & de eo cum
 altero paciscitur, is utique vult ut recte expediatur, consequen-
 ter ut in eodem expediendo omnem diligentiam adhibeat ne-
 gotium expediendum in se suscipiens, quam adhibere potest,
 neque enim ultra id, quod fieri a se potest, quispiam obliga-
 tur (§. 209. part. 1. *Phil. pract. univ.*). Quamobrem qui nego-
 tium in se suscipit, is utique promittere intelligitur, quod o-
 mnem diligentiam id expedire velit, seu eam in negotio expedien-

do desiderari nolit. Etsi adeo ex obligatione naturali deducatur, in quidnam consensisse intelligantur paciscentes; non tamen propterea existimandum est, quasi naturalis tantummodo adsit obligatio ad diligentiam præstandam, minime vero ea, quæ ex pacto oritur, adeoque a voluntate ejus venit, qui cum altero paciscens sese eidem obligavit. Sane vi legis naturalis ad ea omnia sese obligasse dicendi sunt paciscentes, in quod vi ejusdem consensisse intelliguntur.

§. 235.

De culpa societatis in expediendo negotio commissæ.

Quoniam societas obligatur ad omnem diligentiam præstandam in negotio expediendo, quod pacto in se suscipit (§. 234.), ommissio autem diligentia negligentia est (§. 757. part. 1. Phil. præct. univ.); consequenter culpa (§. 758. part. 1. Phil. præct. univ.); si societas negligentem se præbet in expediendo negotio, quod pacto in se suscepit, culpam committit, consequenter cum culpa imputetur agenti (§. 722. part. 1. Phil. præct. univ.), culpa quoque in expediendo negotio commissæ societati imputatur, quæ id pacto in se suscepit.

CAPUT II.

De Societate conjugali seu Matrimonio.

§. 236.

De aptitudine naturali ad procreandam sobolem.

Homines natura apti sunt ad sobolem procreandam. Instructi enim sunt membris genitalibus. Et dantur duo hominum sexus, qui membris genitalibus differunt, horumque conjuncto usu foemina foetum concipere & ubi in utero ipsius perfectus fuerit, eundem in lucem edere potest. Homines igitur natura apti sunt ad sobolem procreandam.

Homi-

Homines esse aptos ad sobolem procreandam sumi poterat, quia quotidie videmus sobolem procreari. Enimvero quod ad naturam referenda sit hæc aptitudo, ostendendum erat per ea, quæ homini natura insunt.

§. 237.

Homines perinde ac animalia cetera natura feruntur ad sobolem procreandam Etenim quando animalia ad generandum apta sunt, seu potentia generandi perfecta, oriuntur stimuli, quibus appetitus sensitivus commovetur ad concumbendum cum animali diverſi ſexus, seu ad conjungendum uſum membrorum genitalium, qui ad procreandam ſobolem requiritur. Et cum actu concumbendi conjungitur voluptas ſenſualis, cujus memoria appetitum ſenſitivum movet ad concubitum iterandum. Atque ideo homines perinde ac animalia cetera natura feruntur ad ſobolem procreandam. *De naturali instinctu procreandi sobolem.*

Tribuitur ideo animali instinctus naturalis concumbendi cum animali diverſi ſexus, qui homini cum brutis communis eſt. Hunc vero instinctum tendere ad ſobolis procreationem, patet ex eo, quod naturaliter ex concubitu ſequitur. Quemadmodum enim organa cetera animalibus, conſequenter iſſis etiam hominibus, qui eadem cum iſtis communia habent, data intelliguntur ad eum uſum, quem habent, & ob id, quod ex uſu iſto conſequitur; ita etiam membra genitalia data ſunt ad actum concumbendi & ob id, quod ex eo conſequitur, nimirum ad procreationem ſobolis. Et quoniam instinctus ille, quem diximus, naturalis influit in actum concumbendi ſeu coeundi cum animali diverſi ſexus; natura quoque idem directus eſſe recte dicitur ad procreationem ſobolis. Ac idem affirmandum eſt de voluptate ſenſuali, quæ ex coitu, ſeu concubitu percipitur. Animalibus brutis ſtati per tempora anni concubitus ſunt. Videmus vero tum quoque instinctum naturalem concumbendi ſeſe exercere. Unde ſatis intelligitur, eundem naturaliter dirigi ad ſobolis procreationem, neque

que enim animalia concubitus appetunt, nisi quando factum concipere potest femina.

§. 238.

An procreatio sobolis conveniat primis naturæ ac juri naturæ.

Quoniam homines perinde ac animalia cetera natura feruntur ad sobolem procreandam (§. 237.), prima vero natura sunt, ad quæ animalia sua natura feruntur (§. 80. *part. 2. Jur. nat.*); procreatio sobolis primis natura convenit, consequenter cum prima naturæ cum jure naturæ consentiant (§. 83. *part. 2. Jur. nat.*), procreatio sobolis juri naturæ convenit.

Recolenda hic sunt, quæ de primis naturæ eorumque cum jure naturæ consensu annotavimus (*not. §. 83. part. 2. Jur. nat.*). Quoniam primis naturæ satisfaceret ab homine, etiam si nullo rationis usu pollerent (*not. §. 81. part. 2. Jur. nat.*); dubitandum non est, quin etiam homines non concumberent, nisi quando femina ad concipiendum apta est, nec instinctus ille naturalis tenderet, nisi ad procreationem sobolis. Sed cur in hominibus appetitus sensitivus depraveretur, contra prima naturæ, de eo disquirendum est in moralibus. Ne vero quis existimet, circulum in demonstrando committi, quando ex consensu primorum naturæ cum jure naturæ inferimus procreationem sobolis ideo juri naturæ convenire, quia primis naturæ convenit; tenendum est, in demonstratione secunda nos consensum primorum naturæ cum jure naturæ in genere, non eundo per species, quemadmodum in prima, demonstrasse, consequenter non supposuisse, quod conservatio speciei, quæ per generationem prolis obtinetur, sit juri naturæ conveniens. Ne tamen quoad demonstrationem quoque primam quid desideretur, ideo demonstrare lubet juri naturæ convenire sobolis procreationem.

§. 239.

Num procreatio

Lex natura vult, ut homines sobolem procreent, nec concubitus appetant, nisi sobolis procreanda gratia. Etenim homines natura

natura apti sunt ad sobolem procreandam (§. 236.) & natura sobolis sit ja-
 ra ad ejus procreationem feruntur (§. 237.), consequenter *vis natura* &
 actiones naturales quoad potentiam generandi tendunt ad *quatenus*
 procreationem sobolis (§. 12. *part. 1. Phil. pract. univ.*). Quam- *concupiscentia*
 obrem cum lex naturæ velit, ut actiones liberæ per easdem *appetendus*.
 rationes finales determinentur, per quas determinantur na-
 turales, non vero per diversas (§. 179. *part. 1. Phil. pract.*
univ.), consequenter ut cum naturalibus tendant ad eundem
 finem; lex naturæ utique vult, ut homines sobolem pro-
 creent, nec nisi ejus procreandæ causa concubitum appetant.

Imaginem juris naturæ conspiciamus in brutis, quippe quæ
 sobolis procreationi operam dare ac concubitum nonnisi hujus
 procreandæ gratia appetere indies videmus. Quemadmo-
 dum itaque hanc discimus, appetitum sensitivum naturaliter
 ferri in sobolis procreationem, & propter eam in concubitum;
 ita quoque recte hinc inferimus vi principii juris naturalis (§.
 179. *part. 1. Phil. pract. univ.*), legi naturæ consentaneum esse,
 ut soboles procreetur, nec concubitus appetatur nisi hujus pro-
 creandæ gratia.

§. 240.

Quoniam concubitus non appetendus nisi sobolis pro- *Quoniam*
 creandæ causa (§. 239.); *omnis concubitus naturaliter illicitus concubitus*
est, qui solius voluptatis percipiendæ gratia appetitur (§. 170. *illicitus*.
part. 1. Phil. pract. univ.).

Nimirum voluptas, quæ ex concubitu percipitur, non est fi-
 nis, quem natura intendit per concubitum, sed quatenus con-
 cubitum appetitui sensitivo commendat, & ad id concurrit,
 ut coitus sit secundus, ad media procreandi sobolem recte re-
 fertur (§. 937. *Ontol.*). Natura intendit procreationem sobo-
 lis, quæ adeo spectanda est tanquam finis; sed quæ ad
 hoc requiruntur, ut soboles procreari possit, ea utique ad me-
 dia referenda sunt, per quæ finis iste obrineri potest. No-
 (Wolffii Jur. Nat. Pars VII.) Y strum

strum vero jam non est inquirere, quid voluptas ex concubitu perceptibilis & æstus, quem ea fovet ac intendit, conferat ad concubitum recte consummandum, ut sit fecundus. Id enim explicare Physici est, ac multa supponit, quæ hic tanquam cognita præsupponi nequeunt. Sunt equidem haud pauci, qui simpliciter non admittunt concubitum solius voluptatis percipiendæ gratia celebratum illicitum esse; ex demonstratione tamen, quam dedimus, contrarium apparet; quod nec a quodquam hæcenus ex principiis juris naturæ demonstrari potuit. Qui enim provocant ad voluptatem, quam ex gustu cibi ac potus percipimus, oppido falluntur. Ostendimus cibum quoque ac potum non solius voluptatis percipiendæ gratia esse appetendum (§. 412. part. 1. Jur. nat.), sed ob saporem gratum ex duobus cibis vel potibus salubribus unum saltem alteri præferre licere (§. 411. part. 1. Jur. nat.).

§. 241.

De fornicatione.

Fornicatio seu scortatio dicitur concubitus cum meretrice. Dicitur autem *Meretrix* scæmina, quæ se pluribus prostituit, seu plures ad secum concumbendum admittit. Quoniam per se patet, concubitum cum meretrice fieri solius voluptatis percipiendæ causâ, non vero per eum intendi sobolis procreationem, omnis autem concubitus, qui solius voluptatis percipiendæ causâ appetitur, naturaliter illicitus est (§. 240.); *fornicatio quoque, seu scortatio naturaliter illicita est.*

Facile patet, fornicationem illicitam esse cum ex parte maris, quam ex parte scæminæ. Neque est quod excipias, scæminam quæstus gratia se prostituere, propterea quod mas cum ea concumbens mercedem ipsi solvere tenetur. Si vel maxime enim sumas, quod num sumi possit merito dubitatur, meretricem non concumbere voluptatis percipiendæ gratia, sed mercedis accipiendæ causâ; ad actum tamen illicitum occurrit: id quod non minus illicitum est, cum nemo alterum inducere debeat, ut legem naturæ transgrediatur (§. 701. part. 1. Jur. nat.). Non igno-

ignoro, antiquissimis jam temporibus ac moribus multarum gentium tam olim, quam hodie fornicationem pro licita habitam fuisse ac haberi: ecquis vero dixerit mores gentium quarundam, immo multarum, esse normam ejus, quod naturaliter licitum, aut id Jure naturæ non prohiberi, quod mores permittunt. Absurdum igitur est provocare ad illud *Terentii*: Non est flagitium (crede mihi) adolescentulum, scortari.

§. 242.

Lupanarium dicitur locus, in quo meretrices prostant. *Lupanarium* Idiomate patrio vocatur ein *Huren-Haus*. *um quid sit.*

Quando fornicatio pro re non illicita habebatur, in multis prædiis honestis lupanaria exercebantur, neque lupanarium habebatur pro domo inhonesta.

§. 243.

Quoniam fornicatio, seu scortatio naturaliter illicita (§. An lupanaria 241.), in lupanariis autem meretrices prostant (§. 242.), idcirco ea exercentur, ut voluptatis percipiendæ causa *con-naturaliter* cumbere detur, cuicumque libuerit (§. 241.); *lupanaria exercere naturaliter illicitum.*

Exercentur nimirum lupanaria fornicationis, adeoque finis illiciti causa (§. 241.). Naturaliter itaque licitum esse nequit exercere lupanaria. Alia vero quæstio est, an lupanaria tolerari possint in Rep. etiamsi fornicatio pro re illicita habeatur. Sed ea non est hujus loci.

§. 244.

Sodomia dicitur concubitus hominis cum bestia. *Quo-De Sodomia.* nam per se patet, hominem cum bestia coitum non appetere, nisi voluptatis solius percipiendæ gratia, omnis autem concubitus solius voluptatis percipiendæ causa factus naturaliter illicitus est (§. 240.); *Sodomia* quoque *illicita naturaliter.*

Equidem *Sodomia* in significato latiori sumi solet, ut comprehendat

prehendat omnem concubitum contra naturam commissum; sed cum deinceps Sodomiz diversæ distinguendæ sint species, quarum nonnullæ propriis nominibus insigniuntur, aliæ communi nomine Sodomiz appellantur, consultius nobis visum fuit significatum Sodomiz restringere ad eum concubitum, qui potissimum hoc nomine compellari solet. Dicitur vero solet hoc crimen Sodomia a Sodomis, quos ob id igne cælesti & sulphure absumptos fuisse Gen. XIX, 24. vulgo creditur, unde inferitur, quod sit Deo maxime inivisum.

§. 245.

De Pæderastia.

Pæderastia dicitur concubitus maris cum mari. Patet autem eodem, quo ante (§. 244.), modo *pæderastiam naturaliter illicitam esse.*

Crimen hoc olim Græcis atque Romanis usitatissimum erat, ita ut ipse *Socrates* severus alias morum cultor ejusdem reus feratur. Quoniam vero concubitus iste potissimum cum pueris committebatur, ideo hinc pæderastiz nomen accepit. Accedit hoc crimen propius ad Sodomiam: ab ea tamen distinguitur, cum utique aliud sit rem habere cum bruto, aliud cum puero, vel homine sui sexus. Cum eodem vero coincidit, si quis præpostero modo, eodem nempe, quo cum mare venerem exercet cum fœmina. Quoniam enim in subiecto patiente organo genitali substituitur aliud, quod fœminæ cum maribus commune habent; parum refert, utrum subiectum patiens mas sit, an fœmina.

§. 246.

Quando actus ad concubitum requisitus sit.

Omnis actus, ad concubitum requisitus sive venerem, si solus voluptatis percipiendæ causa sit, illicitus est. Cum enim concubitus solius voluptatis percipiendæ causa commissus naturaliter illicitus sit (§. 240.); naturaliter quoque illicitus est actus quivis ad concubitum requisitus in ipso concubitu, secundum naturam peracto, si per eum tantummodo intenditur

tur

tur voluptas ex eo percipienda. Idem itaque actus, si solius voluptatis percipiendæ causa quomodocunque fiat, sive in concubitu contra naturam facto, membrum scilicet genitale unius sexus non coniungendo cum membro genitali alterius sexus, sive extra eundem, & per consequens in genere illicitus est.

Vidimus jam ante (not. §. 240.), voluptatem in concubitu percipiendam non esse finem, qui per concubitum, ideo per usum membrorum genitalium intenditur. Hæc igitur nobis data non sunt voluptatis percipiendæ, sed sobolis procreandæ causa, ut, cum singula hominum individua moriantur, genus tamen humanum conservetur. Per præsentem itaque propositionem damnatur omnis venus illicita, quocunque tandem nomine veniat. Quoniam vero præstat vitia ignorari, ideo nostrum quoque non esse putamus, ut, quot modis hic peccari possit, distinctius exponamus.

§. 247.

Masturpatio dicitur actus, quo homo propriis manibus, *De masturb.* vel alio instrumento se polluit, seu venerem secum exercet, *pratione &* Mares hoc facientes dicuntur *molles*; foeminae autem *tribades*. Quoniam omnis actus ad concubitum requisitus, si soboles ac lius voluptatis percipiendæ causa fiat, naturaliter illicitus *molles dicitur* (§. 246.), istiusmodi autem sunt actus mollium atque *tribadum*, quod per se patet; *masturpatio* quoque *naturaliter illicita est*. Facile autem patet, *masturbationem non esse Sodomiam*, nec *paderastiam* (§. 244. 245.).

Cur hoc vitium non distinctius explicemus, ratio patet ex iis, quæ modo diximus. Addenda quoque hæc est, quod aures castæ non sint offendendæ. Vocari vero hoc vitium solet *Crimen Onaniticum*, quod Onan hoc commississe putetur *Gen. XXVIII, 9.* quamvis hic occurrat circumstantia singularis, quæ ordinarie abest, & ob quam a communi masturbacione, distingui poterat.

§. 248.

*Libido quid
sit.*

Voluptas venerea dicitur, quæ ex concubitu vel actibus venereis percipitur. Vocantur autem *Actus veneri* non modo ii, qui ad concubitum requiruntur, ideoque simul summi concubitum absolvunt, verum etiam alii, qui quomodocunque ad concubitum referuntur. Cupido voluptatis venereæ seu eam percipiendi *Libido* appellatur, idiomate patrio *Beilheit*.

Sumimus hic vocabulum libidinis in significato strictiori, qualis præsentis instituto convenit. Constat enim in significato laxiori, qui apud Latinos autores occurrit, libidinem denotare voluntatem, ut cum *Donato* loquar, temere susceptam, aut, ut *Cicero* ait, ratione adversa vehementius incitatam. Talem vero esse cupidinem voluptatem veneream percipiendi, vi antecedentium satis patet. Neque vero ab usu loquendi veterum Romanorum abhorret significatus strictior, quo denotatur nimia veneris appetentia, quam nos cupidinem voluptatem veneream percipiendi diximus; neque enim venus nimum appetitur, quam propter voluptatem veneream.

§. 249.

An sit illicita.

Quoniam libido cupido est voluptatem veneream, & per consequens eam, quæ ex concubitu vel aliis actibus venereis percipitur, percipiendi (§. 248.), concubitum autem solius voluptatis percipiendæ gratia appetere non licet (§. 240.), omnisque actus venereus, qui solius voluptatis percipiendæ causa appetitur, itidem illicitus est naturaliter (§. 246.); *libido omnis naturaliter illicita est.*

Ideo libido ad vitia refertur, & factus ipsius sunt fornicatio (§. 241.), Sodomia (§. 244.), pæderastia (§. 245.), masturbatio (§. 247.), aliæque multa, quæ peculiaribus nominibus designantur (not. §. 240.). In statu nimirum naturali tanquam vitia spectantur, quatenus legi naturæ adversantur, non vero tanquam

tanquam delicta pœna digna, quemadmodum in statu civili. In statu enim naturali vi libertatis naturalis unicuique permit-
rendum, quid agat, modo nil faciat, quod est contra jus no-
strum (§. 156. 157. *part. 1. Jur. nat.*), nec nobis competit
jus puniendi cum, qui contra legem naturæ quid committit,
qualecunque tandem id sit. Hæc quidem tenenda sunt, ne
videamur de actibus, qui gravissimis pœnis vindicari solent a-
pud nos & quibus lege Mosaica gravissimæ quoque pœnæ sta-
turæ sunt, mitius sensisse quam par est. Hic nimirum tantum-
modo quæritur, utrum actus aliquis juri naturæ adverfetur,
nec ne, & cur adverfetur.

§. 250.

Quoniam libido naturaliter illicita est (§. 249.), adeo- *De factis &*
que ad eam vitandam obligamur (§. 170. *part. 1. Phil. pract. verbis libi-*
umiv.); omnes quoque *actus illiciti sunt, quibus libido excitatur, dinoscit.*
consequenter etiam *sermo libidinem excitare valens illicitus est.*
Vocantur autem istiusmodi actus & verba, quæ libidinem
excitant, aut excitare valent, *facta & verba libidinosæ.*

Non opus est, ut istiusmodi actus in specie commemore-
mus: optandum potius foret, ut prorsus ignorarentur. Cum
facta & verba temeraria damnentur lege naturali (§. 278. *part.*
3. Jur. nat.); multo magis eadem lege prohibita intelligun-
tur facta & verba quæ tanquam media finis illiciti spectanda
veniunt.

§. 251.

Castitas virtus est, qua non appetitur concubitus, nisi *Castitas quia*
sobolis procreandæ gratia. *sit.*

Quoniam nimirum virtus consistit in habitu actiones suas le-
gi naturali conformiter dirigendi (§. 321. *part. 1. Phil. pract.*
umiv.), qui vero concubiturum appetit nonnisi sobolis procre-
andæ gratia, hoc facit quoad concubitum (§. 239.); castitas
utique virtus est.

§. 252.

§. 252.

*A quibus-
nam castus
abstineat.*

Quoniam *castus* non appetit concubitum, nisi sobolis procreandæ gratia (§. 251.), eundem non appetit solius voluptatis percipiendæ causa, consequenter *non modo abstinet a Sodomia & paderastia* (§. 244. 245.), *verum etiam a fornicatione* (§. 241.), *mastrupatione* (§. 247.), *ac omnibus actibus venereis* (§. 248.), *omnibusque factis ac verbis libidinosi* (§. 250.).

Patet hinc varios, eosque valde differentes esse castitatis gradus, aut, si mavis, multa admodum requiri, ut quis castus dici possit, siquidem in hac virtute nihil prorsus desiderari debeat.

§. 253.

*Obligatio ad
castitatem.*

Casti esse debemus. Etenim concubitum appetere non debemus solius voluptatis percipiendæ causa (§. 239.). Quoniam itaque castus est, qui concubitum non appetit solius voluptatis percipiendæ causa (§. 252.); casti esse debemus.

Castitas laudatur etiam a gentibus, quarum moribus fornicatio aliique actus libidinosi pro licitis habentur: id quod omnino contradictorium, quemadmodum ex antecedentibus facile intelligitur. Quod vero contradictionem non animadverterint, hæc dubio procul ratio fuisse videtur, quod sibi persuaserint, excessum saltem in voluptatibus venereis percipiendis illicitum esse, ut is demum libidinosus dicendus sit, qui actibus venereis aut concubitu nimirum delectetur, ut sanitati corporis vel alio modo sibi noceat. Partem temperantiæ *Maerobius* facit castitatem & inter Scholasticos disputatur, an castitas sit peculiaris virtus a temperantia distincta. Ast rectius distinguuntur, ita ut castitas versetur circa delectationes venereas, temperantia vero circa delectationes ciborum ac potus: hæc enim delectationes prorsus diversæ sunt.

§. 254.

*De indigen-
tia infantis &
nati.*

Infans natus indiget alieno auxilio, ut conservetur, adolescat & aptus evadat ad sibi metipso prospiciendum de iis, quibus ad sui con-

conservationem indiget, & ad actiones suas juxta legem naturæ determinandum. Patet hoc a posteriori. Pone enim neminem adesse, qui de infante recens nato conservando cogitet, miserrime statim peribit, nec adolescet. Quodsi ergo adolescere debeat, necesse est, ut ipsi de victu, amictu ac habitatione prospiciatur. Ut vero ubi ad ætatem adultam pervenit seipsum conservare possit, necesse est ut aptus efficiatur ad sibimetipsi prospiciendum de iis, quibus ad sui conservationem & ad vitam commode ac, quantum datur, jucunde transigendum indiget. Quodsi sibi soli relinquatur, ad usum rationis nunquam perveniet, sed obbrutescet, ac brutorum instar vivet, prouti probant exempla hominum inter feras educatorum (§. 461. *Psych. rat.*). Quodsi ergo actiones suas juxta legem naturæ determinare debeat, necesse est, ut ad hoc, non aliter eas determinandum aliorum cura adsuecat. Indiget itaque infans natus alieno auxilio, ut conservetur, adolescat & aptus evadat ad sibimetipsi prospiciendum de iis, quæ ad sui conservationem indiget, & ad actiones suas juxta legem naturæ determinandum.

§. 255. .

Studium infantem conservandi ut adolescat, & aptum *Educatio* efficiendi ad sibimetipsi prospiciendum de iis, quibus ad *quid sit.* conservationem sui indiget, & ad actiones suas juxta naturæ legem determinandum *Educatio* dicitur. Brevius definire poterat *Educatio*, quod sit studium infantem aptum ex sese ad vitam hominis vivendum efficiendi.

Vivit homo vitam hominis, si juxta præscriptum legis naturæ actiones suas determinat. Hæc vero præcipit etiam conservationem sui ipsius (§. 350. *part. 1. Jur. nat.*), & quomodo de iis prospicere nobis debeamus, quæ ad vitam conservandam & commode ac, quantum datur, jucunde transigendam requiruntur, prouti ex iis patet, quæ passim demonstra-

(*Wolffii Jur. Nat. Pars VIII.*)

Z.

ta

ta sunt. Qui adeo infantem aptum efficit ex sese ad vitam hominis vivendum; is ea facit, quæ in definitione priori distinctius enumeravimus. Definimus autem educationem per studium, quia juxta *Ciceronem* lib. 1. de Invent. c. 36. *studium* est animi assidua & vehemens ad aliquam rem applicata magna cum voluptate occupatio. Istiusmodi enim occupatio esse debet educatio proles, cujus imaginem in ipsis etiam brutis conspiciamus, qui omni conatu id agunt, ut fœtus aptus fiat ad vivendum in eum modum, quo ipsi vivunt.

§. 256.

Quod infantes nati indigeant educatione.

Quoniam infantes nati indigent alieno auxilio, ut conserventur, adolescant & apti evadant ad sibimetipsi prospiciendum de iis, quibus ad sui conservationem indigent, atque ad actiones suas juxta legem naturæ determinandum (§. 254.) studium vero infantem conservandi, ut adolescat, & aptum efficiendi ad sibimetipsi prospiciendum de iis, quibus ad sui conservationem indiget, & ad actiones suas juxta legem naturæ determinandum, educatio est (§. 255.); *infantes nati seipsos educare nequeunt, sed aliena educatione indigent, seu ut ab aliis educentur necesse est.*

Quemadmodum infantes non sibi debent, sed aliis, ut vivant; ita etiam nemo hominum sibi debet, quod vitam hominis vivat, sed aliis. Illud obtinetur per generationem, hoc per educationem. Quoniam homo a brutis distinguitur ratione, tum demum perfectus censetur, ubi ex ratione vivere atque ideo vitam hominis vivere valet. Quodsi ergo homines a brutis distincti existere debent in rerum natura, ea educatione opus est, quam definivimus. Bruta quoque fœtus suos educant, quemadmodum indies videmus; sed alia brutorum, alia hominis educatio. Cum nobis hic cum homine res sit, non cum brutis, educationem quoque definivimus, qualis homini convenit. Quodsi vero in genere eam definire velis, ut etiam sub se compre-

prehendar educationem brutis convenientem, dicendum erit:
Educationem esse studium foetum aptum efficiendi ad vivendum
vitam animalis ejus speciei, cujus est foetus.

§. 257.

Animalia bruta perinde ac homines naturali quodam amore De naturali
prosequuntur foetus suos. Patet hoc a posteriori, in omnibus amore foetus
 animantium speciebus, ac ipsis etiam hominibus, nisi con-
 trariis affectibus amor ille naturalis saltem ad tempus suppri-
 matur.

Non opus est, ut ad actiones particulares provocemus;
 quæ ex affectu isto proficiuntur, & per consequens eundem
 probant, cum indies eas observare detur.

§. 258.

Amor iste naturalis in brutis tamdiu durat, donec foetus fue- *Quamdiu*
rint educati: in hominibus autem, quamdiu vivant liberi. Ete- *is duret.*
 rim videmus, animantia bruta prolis suæ tamdiu curam age-
 re, donec vitam animalis ejus speciei vivere possit, cujus est.
 Enimvero cum educatio consistat in studio foetum aptum ef-
 ficiendi ad vivendum vitam animalis ejus speciei, cujus est
 foetus (not. §. 256.), consequenter proles educata sit, quan-
 do eam vitam vivere potest; amor iste naturalis, quo ani-
 mantia bruta prosequuntur foetus suos, tamdiu durat, do-
 nec iidem educati fuerint.

In hominibus vero indies observamus, quod ex felici-
 tate liberorum suorum, etiam postquam educati sunt, adhuc
 voluptatem percipiant, & ad illam promovendam proni
 sint, quamdiu vivunt liberi, immo morte eorum contristen-
 tur, nisi affectus quidem contrarii obstant. Quamobrem
 cum affectus iste amor sit, quo ex felicitate alterius volupta-
 tem percipimus (§. 633. *Psych. empir.*), eandemque appeti-

mus (§. 650. *Psych. empir.*), ac per consequens ad felicitatem aliter promovendam proni sumus; amor naturalis, quo homines prolem suam prosequuntur, in iisdem perdurat, quamdiu vivunt liberi. *Quod erat alterum.*

In brutis facilius observare licet, quæ ad appetitum sensitivum spectant, vel etiam aversionem sensitivam, quales sunt affectus (§. 603. *Psych. empir.*), quam in hominibus, cum in illis non dentur facultates superiores, quæ in appetitum sensitivum influunt, & haud raro affectus excitant contrarios ipsi, quæ natura insunt. Quamobrem cum appetitum sensitivum cum brutis communem habeant homines, ac idem etiam pateat de aversione sensitiva; quoad ea, quæ appetitui sensitivo, vel aversioni sensitivæ natura inesse deprehendimus in brutis, argumentatio recte procedit a brutis ad homines, etiamsi in hisce subinde deprehendantur, quæ istis contrariantur, & quorum rationes facile detegere licet acurioribus, modo animum sufficienter advertere velint ad circumstantias in casu dato obvias. Ipsi autem facultatibus superioribus tribuendum, quod in hominibus naturalis ille amor non extinguatur, ubi proles fuerit educata. Sed ea disertius explicare non est hujus loci.

§. 259.

Σταγίριον
est.

Amor iste naturalis, quo bruta ac homines prosequuntur prolem suam, *Σταγίριον* appellari solet, & significatus iste etiam extenditur ad amorem naturalem prolis, quo hæc prosequitur vicissim eos, a quibus procreata est. Vocabulum latinum, quo eundem affectum in specie indigitemus, non habemus, atque adeo eidem nonnisi amoris naturalis nomen tribuere possumus.

§. 260.

Quid per e-
am intendat
natura.

Quoniam amor naturalis, quo animantia bruta prosequuntur foetus suos tamdiu durat, donec hi fuerint educati (§. 258.), & idem in animantibus utriusque sexus deprehenditur

ditur, quæ simul ad educationem prolis concurrere tenentur, in iis vero, ubi foeminei sexus animal solum eidem sufficit, nonnisi in sexu foemineo, & ubi neuter sexus ad educationem prolium quicquam conferre potest, nisi ut per providentiam quandam eidem prospiciatur, ab utroque sexu abest; *natura per εὐφροσύνην seu amorem naturalem erga prolem intendit educationem prolis, & per consequens animantia naturali quodam instinctu ad educandum prolem suam feruntur.*

Ita e.g. aves, quarum pulli nudi ex ovis excluduntur, indigent continua incubatione & alimentis aliunde arcessendis: quod cum ab ave una fieri non possit, aves utriusque sexus educandis aviculis curam impendunt. Ast gallina, quæ sola huic curæ sufficit, galli auxilio non fruitur. Idem observamus in quadrupedibus. Immo in hoc casu videmus, id quod in canibus observare indies licet, masculum averfari prolem. Insecta vero, quæ ova sua deponunt eo in loco, ubi fœtus exclusi alimentum commodum reperiunt, per providentiam quandam educationi eorum prospiciunt. Nihil itaque sumitur in evincenda veritate propositionis præsentis, quod sit a veritate alienum.

§. 261.

Quoniam bruta animantia naturali quodam instinctu *Quod educatio prolis* ad educationem prolis feruntur (§. 260.), prima autem *educatio prolis* naturæ sunt ea, ad quæ animalia sua natura feruntur (§. 80. *sua primis* *part. 2. Jur. nat.*), *educatio prolis sua primis natura convenit. natura con-*

Natura nullum animal amore naturali prosequitur prolem alienam, sed tantummodo suam, ita ut ipsi misere sit pereundum, nisi ab eo educari possit, ex quo in lucem edita. Videmus hinc gallinam alienum pullum vi abigere, si una cum ceteris ad eam accedat & amore ipsius frui velit. Non est, quod excipias, eandem incubare ovis alienis, alterius etiam sexus, veluti anatum, & pullos alterius prorsus speciei eodem modo educare ac eos, qui sunt speciei suæ. Etenim gallina prolem

suam agnoscit, quæ ex ovo ab ipsa incubatio exclusæ; ovum vero a se positum non dignoscit ab ovo alieno. Quod si dicat non deesse exempla hominum ab urbis educatorum (§. 461. *Pfych. rat.*); lubens equidem fateor, me ignorare rationem, cur amor naturalis erga prolem suam extendatur ad humanam, non tamen dubitandum est sufficientem dari, cur natura hic exceptionem faciat (§. 70. *Ontol.*): quæ cum oriatur ex regulari collisione (§. 937. *Ontol.*), regulam propterea non infringit, cui quod ordinarie fit convenit.

§. 262.

Quod natura generatilis intendit (§. 260.); ea generationem cum educatione copulationem cum e-vit, cumque non minus educatio prolis suæ (§. 261.), quam educatione generatio primis natura conveniat, (§. 238.), iisdem omnino convenit, ut proles educetur a suis generatoribus, nec educatio a generatione separetur.

Probe hic perpendenda sunt, quæ de educatione prolis suæ pro diversitate animalium diversa paulo ante annotavimus (*not. §. 260.*). Inde nimirum intelligitur, educationem cum generatione eo modo a natura esse copulatam, qui sufficit, ut proles educetur, ut ideo, qui a quodam educandi modo argumentum contra propositionem præsentem petere velit, defectum acuminis atque attentionis prodatur. Natura nil facit frustra (§. 664. *part. 1. Theol. nat.*), ac ideo ad finem, quem intendit, consequendum, non mediis utitur superfluis, sed sufficientibus. Ea de causa educationem cum generatione diverso modo copulavit cum generatione.

§. 263.

An parentes liberos suos educare obligentur. Lex natura obligat utrumque parentem ad sobolem suam educandam. Etenim primis naturæ convenit, ut proles educetur a suis generatoribus, nec educatio a generatione separetur (§. 262.), utque uterque sexus ad educationem concurrat.

currat, ubi utriusque cura ac studium ad eandem requiritur (§. 260.). Quamobrem cum experientia satis constet, educationem proles humanæ non minus patris, quam matris curam atque studium requirere, quod vero primis naturæ, convenit, idem quoque juris naturæ sit (§. 83. *part. 2. Jur. nat.*); lex naturæ utrumque parentem obligat ad sobolem suam educandum.

Ostenditur etiam independentem a consensu juris naturæ cum primis naturæ hoc modo. Homines naturali quodam amore prolem suam prosequuntur (§. 257.), qui in ipsis tamdiu durat, quamdiu liberi vivunt (§. 258.). Per eum vero natura intendit educationem proles (§. 260.), ac appetitus quoque sensitivus hominum in eandem fertur, nisi affectibus quibusdam aliis in transversum agatur, quemadmodum indies experimur. Quoniam itaque lex naturæ vult, ut actiones liberas per easdem rationes finales determinemus, per quas determinantur naturales (§. 179. *part. 1. Phil. pract. univ.*); lex naturæ obligat utrumque parentem ad sobolem suam procreandum.

De priori demonstratione eadem tenenda sunt, quæ superius in casu simili annotavimus (*not. §. 237.*). Quod vero amor ille naturalis erga prolem suam non minus patri, quam matri inest, si quis in dubium vocare velit, is contradicit iis, quæ indies observamus: neque enim hic animus attendi debet ad exempla eorum, qui voluptatis tantummodo percipiendæ causa concubuerunt, fœmina, cum qua rem habuerunt, contra ipsorum intentionem concipiente, cum talia non fiant secundum naturam hominis, sed eidem contrariantur. Qui in concubitu intendit generationem proles, eandem quoque amat, &c, ubi moritur, vel adversa quædam eidem accidunt, contristatur, consequenter vel hinc colligitur, quod naturali quoque instinctu in ejus educationem feratur (§. 255.). Dubitandum itaque non est, nos non sumere in demonstratione
præ-

præsenti, nisi quod sumi posse experientia manifesta loquitur.

§. 264.

De voluntate Dei, ut genus humanum propagetur.

Dens vult, ut genus humanum propagetur. Etenim finis, cur Deus hunc mundum produxit, est patefactio perfectionis suæ absolute summæ (§. 608. *part. 1. Theol. nat.*), & vult, ut homo dirigat actiones suas, ad manifestationem gloriæ ipsius (§. 918. *part. 1. Theol. nat.*), consequenter ut agnoscat perfectionem Dei absolute summam & pro certo habeat, eandem ipsi competere (§. 610. *part. 1. Theol. nat.*). Quamobrem cum Deus finem creationis non consequatur, nisi in terra existant homines, qui usu facultatum humanarum pol-
lent, consequenter nisi genus humanum propagetur; Deus quoque vult, ut genus humanum propagetur (§. 937. 941. *Ontol.*).

Cum Deus sit autor naturæ (§. 822. *part. 1. Theol. nat.*), & corpora atque tota rerum natura agant, quæ Deus vult, seu voluntatem ejusdem exequantur (§. 969. *part. 1. Theol. nat.*), natura vero per amorem naturalem prolis, qui æque in hominibus, ac in animantibus brutis deprehenditur (§. 257.), intendat prolis educationem (§. 260.), & homo quoque perinde ac cetera animalia ad sobolis procreationem naturali quodam instinctu ferantur (§. 237.); hinc quoque colligi poterat voluntas Dei de genere humano propagando a posteriori, quem in demonstratione a priori deduximus.

§. 265.

De voluntate Dei, ut homines generentur ac educantur.

Quoniam Deus vult, ut genus humanum propagetur (§. 264.), genus humanum autem propagari nequit, nisi homines generentur, in lucem editi conserventur, cumque juxta legem naturæ actiones suas determinare debeant (§. 142. *part. 1. Phil. pract. univ.*), apti efficiantur ad actiones suas juxta eandem determinandum, consequenter educantur (§. 255.);

Dens

Deus omnino vult, ut homines generentur ac educentur, consequenter educationem a generatione non separari.

Tolle educationem, hominibus recens natis misere erit perendum, aut, si in educatione tantummodo ratio habeatur, ut adolescant, inter ipsos ac bruta nulla erit differentia, nec Deus finem creationis a se intentum consequetur (§. 918. 610. 611. *part. 1. Theol. nat.*). Quod si ergo Deus vult, ut homines procreentur, velit etiam necesse est ut educentur, & in educatione non tantummodo ratio habeatur conservationis eorundem, verum etiam aptitudinis ad actiones juxta legem naturæ determinandum. Educatio itaque eo, quem diximus, sensu (§. 255.), cum generatione seu procreatione proles ipsa voluntate divina arctissime copulata est.

§. 266.

*Deus parentes obligat ad sobolem suam educandum. Ete- De obligati-
nim lex naturæ obligat parentem utrumque ad sobolem su- one divina
am educandum (§. 263.). Quoniam Deus nos obligat ad sobolem edu-
legem naturæ servandam (§. 276. part. 1. Phil. pract. univ.), candi.
consequenter ad actiones eas committendas, ad quas com-
mittendas lex naturæ nos obligat (§. 138. part. 1. Phil. pract.
univ.); idgo quoque parentem utrumque obligat ad sobo-
lem suam educandum.*

§. 267.

*Concubitus promiscuus dicitur, si foemina quemvis con- Concubitus
cumbere secum volentem admittit. promiscuus*

Exemplum concubitus promiscui conspiciamus in canibus: *quoniam sit.*
canis enim concubitus appetens quemvis promiscue admittit,
qui occurrit, non vero cum uno tantummodo rem habet.

§. 268.

*Genus humanum propagari non debet per concubitus promi- An sit lici-
(Wolfii Jur. nat. Pars VII.) Aa scuum. tus.*

secum. Si enim promiscuus concedatur concubitus, foemina quemvis secum concumbere volentem admittit (§. 267.). Quando itaque imprægnata fuerit, cum non constet, ex quam conceperit, pater incertus est, neque adeo dici potest, quinam obligatus sit ad prolem educandam. Quamobrem cum pater naturaliter obligetur una cum matre educare sobolem (§. 263.), & amor ille naturalis erga liberos, per quem educatio intenditur (§. 260.), reddatur inefficax; genus humanum propagari non debet per concubitum promiscuum.

Non licet provocare ad exemplum canum (*not.* §. 267.). Ibi enim foemineus sexus solus educationi sufficit, ut adeo etiam nonnisi huic naturæ infusus sit amor prolis naturalis. Ast cum idem infusus sit tam patri, quam matri in hominum genere; naturæ quoque humanæ repugnat promiscuus concubitus, quicquid tandemingas de modo educationis.

§. 269.

*Quomodo
genus hu-
manum pro-
pagari de-
beat.*

Genus humanum propagari debet per societates inter mares & feminas sobolis procreanda ac educanda gratia initas. Etenim ad prolem procreandam mas & foemina vires suas conjungere debent, quod per se patet, cum sine concubitu non concipiat foemina. Enimvero lex naturæ utrumque parentem ad sobolem suam educandam obligat (§. 263.), consequenter idem mas & eadem foemina vires quoque suas conjungere debent ad prolem suam educandam. Quodsi ergo genus humanum propagare velint, necesse est ut inter se convenient, ac sibi invicem promittant, consequenter ut paciscantur (§. 788. *part. 3. Jur. nat.*), quod velint vires suas conjungere ad sobolem procreandam & educandam. Enimvero pactum de fine quodam conjunctis viribus consequendo societas est (§. 1.). Qui ergo genus humanum propa-
gare

gare volunt, societatem inire debent sobolis procreandæ ac educandæ gratia, consequenter genus humanum propagari debet per societates inter mares ac foeminas sobolis procreandæ ac educandæ gratia initas.

Imaginem hujus juris conspiciamus in brutis, ad quorum educationem tam mas, quam foemina concurrere debet. Ita inter aves speciem quandam societatis speciei suæ propagandæ causa verno tempore contrahi videmus, utroque sexu præstante, quod ad sobolis procreationem & educationem conferre tenetur. Cumque Deus velit educationem a generatione non separari (§. 265.); ejus quoque voluntati conforme est, ut genus humanum non propagetur, nisi per societates inter mares ac foeminas sobolis procreandæ atque educandæ gratia initas.

§. 270.

Societas inter marem ac foeminam sobolis procreandæ ac educandæ causa inita dicitur *Societas conjugalis*, sive *Matrimonium*. Quamobrem cum societas sit pactum de fine quodam conjunctis finibus consequendo (§. 1.); *matrimonium quoque pactum est, quod mas & foemina ineunt de sobole procreanda & educanda.*

Quoniam Deus vult, "ut sobolis procreandæ ac educandæ gratia ineantur societates (not. §. 269.); Deus quoque recte dicitur matrimonium generis humani propagandi causa instituisse. Quamobrem divinam matrimonii institutionem ipsa etiam ratio docet. Non minus itaque legi naturæ, quam voluntati divinæ adversatur modus propagandi genus humanum absque matrimonio, quem commendat *Campanella* in Republica Solis. Ibi enim introducta bonorum communione educatio contra amorem prolis naturalem parentibus insitum committitur aliis, educatione a generatione separata, quas ipsa natura arctissime copulavit in genitoribus (§. 262.), nec Deus a se invicem separari vult (§. 265.). Rationes, quæ ipsum movent, ut consultius putet, concubitus singulos publica autoritate de-

cerni, non sufficiunt ad tollendum matrimonium, cum etiam attendi possint, quantum quidem datur, in legibus positivis de matrimoniis contrahendis. Eo autem potissimum redeunt rationes ejusdem, ne soboles procreetur nisi a personis ad procreandum maxime aptis.

§. 271.

Quinam Quoniam matrimonium contrahitur sobolis procrean-
matrimoni- dæ gratia (§. 270.); *matrimonium contrahere non debent, nisi*
um contra- qui liberos procreare, & vel per se, vel per alios eosdem educare
here possint. possunt.

Quando dicimus, sobolem educari per alios, educatio a generatione non separatur. Quod enim quis per alium facit, id per se fecisse putandus est. Neque qui educationem prolis suæ alii committit, propterea omnem educandi curam abjicit, quare- nus adhuc ipsi curæ cordique est, ut ab aliis, quibus partem quandam educationis, vel etiam præcipuam committit, proles recte educetur. Et ubi hoc non fecerit, sed curam suam, quam abjicere minime debet, in se desiderari patitur, peccat.

§. 272.

Potentiam Quoniam liberos procreare nequit, qui potentia gene-
generandi randi destituitur, matrimonium vero contrahere nequit, nisi
non habens qui liberos procreare potest (§. 71.); *matrimonium quoque*
num matri- contrahere nequeunt, qui potentia generandi destituuntur.

monium
contrahere
possit.

Naturaliter itaque illicitum est matrimonium, quod contra- hunt personæ potentia generandi destitutæ, vel personæ, quo- rum una saltem potentia generandi gaudet. Immo hæ perso- næ inter se convenire nequeunt, nisi quod velint sibi mutuo corporis sui usum concedere solius voluptatis ex concubitu percipiendæ causa: quod cum sit illicitum (§. 249.), cum- que matrimonium sit societas sobolis procreandæ ac educandæ gratia contracta (§. 269.); societas ista matrimonium non est, sed nonnisi abusive matrimonium dicitur. Admittere quoque solent

solent fere omnes, ad matrimonium ineundum requiri in contrahentibus potentiam generandi, et si deinde oblixi hujus principii admittant conclusiones, quæ eidem adversantur,

§. 273.

Quoniam matrimonium contrahere nequeunt personæ *Causæ, ob quas* potentia generandi destituuntur (§. 272.), potentia vero generandi deest ob ætatem nimis teneram, vel etiam nimis provecctam, sexus inprimis fœminei, vel ob vitium quoddam corporis, quod impedit, ne coitus, prout requiritur, *monium contrahi non possit, physica.* absolvi possit, aut quod obstat, quo minus is sit fœcundus prouti in Phylis disertius docetur; ideo, *matrimonium contrahere non licet pueris ac puellis, nec senibus præsertim vetulis, nec iis qui ob vitium quoddam corporis ad coeundum, vel coitum absolvendum seu consummandum inhabiles sunt, nec iis, quorum coitus fœcundus esse nequit.*

Plurimæ sunt causæ tum ex parte maris, tum ex parte fœminæ, quæ coitum vel prorsus impossibilem efficiunt, vel obstant, quo minus is consummari possit. Sunt etiam plurimæ, quæ non permittunt, ut coitus sit fœcundus, hoc est, ut fœmina concipiat. Causæ istæ in maribus magis conspicuæ sunt, quam in fœminis, in quibus ut plurimum latent, quod organa genitalia eorum præcipua interna sint, ut eorum usus ad coitum fœcundum requisitus non appareat. In maribus requiritur tensio virgæ virilis, toto tempore coitus conservanda, semen prolificum & hujus ejaculatio, de quibus singulis facile constare potest. In fœminis non sufficit, ut penis in vulvam immitatur & semen ejaculatum in utero recipiatur, siquidem concipere debeat; sed ut conceptio fiat, alia adhuc requiruntur, de quibus in physica agitur. In utroque sexu æstus toto tempore concubitus flagrare debet, qui appetitum coeundi stimulat. Facile ideo patet, subinde difficile esse, immo impossibile de potentia generandi judicium, antequam duæ personæ sæpius coitum celebraverint, ut de infœcunditate ejusdem con-

stet ex toties frustrato coitu, quamvis etiam hic iudicium fieri debeat ex causis, cur frustretur, cum constet successu temporis haud raro vitium tolli posse. Accidit quoque subinde, ut inhabilitas ad generandum prolem sit tantummodo respectiva, veluti ut qui coire nequit cum una, vel coitum consummare, possit tamen cum alia. Hæc ut perpendantur, necessarium esse, tum ad rectius intelligenda, quæ quoad matrimonium contrahenda juri naturæ convenient, tum quæ lege positiva de iisdem præcipienda, vel prohibenda, vel permittenda, in dubium revocari nequit.

§. 274.

De puberibus & impuberibus.

Puberes dicuntur personæ, quæ per ætatem aptæ sunt ad generationem, seu in quibus potentia generandi sese exerit propter ætatem. *Impuberes* vero vocantur personæ, quæ propter teneram ætatem potentia generandi adhuc destituntur. Quamobrem cum potentia generandi destituti matrimonium contrahere non possint (§. 273.); *impueribus matrimonium contrahere non licet.*

Pubertas naturaliter æstimatur ex generandi potentia, ita ut puberes personæ utriusque sexus dicantur, quamprimum potentia generandi sese exerit, quam a prima nativitate non adesse, sed successu demum temporis venire constat. Naturaliter tamen fixus pubertatis terminus non est, qui ad certum annorum ac dierum numerum sit restrictus. Civile vero est, quod ad pubertatem in feminis anni requirantur duodecim; in maribus quatuordecim.

§. 275.

De castratis.

Spadones five *castrati* dicuntur, quibus testiculi sunt extracti, vel qui alio casu eos amiserunt, vel etiam natura iisdem destituuntur. Patet, ut ante, *castratis matrimonium contrahere non licere* (§. 273.).

An naturaliter deficient testiculi, subinde dubium esse potest,

est, cum contingere possit, ut intra abdomen lateant. Quæ admodum enim ordinarie mares natura duos habent testiculos; ita subinde quoque generantur, qui unum tantummodo habent, vel plures, immo nullum, vel extus non apparentes. Unum autem testiculum sufficere generationi exempla *Hottentotorum* abunde testantur, quibus solenne est, ut maribus, ubi ad pubertatem pervenerunt, testiculus unus excindatur.

§. 276.

Mulier nimis arcta dicitur, cujus vulva penem recipere *De muliere* nequit, qui nimis crassus non est. Unde sequitur, *ut mulier nimis arcta, nimis arcta matrimonium contrahere nequeat* (§. 273.). Si arctitudo vero tantummodo sit respectiva, *matrimonium contrahere eidem saltem non licet cum eo, qui respectu i suis nimis crassum habet penem, licet tamen contrahere cum alio, qui non adeo crassum habet.*

Probe autem notandum est, arctitudinem vincibilem esse posse, ita ut sæpius frustrato conatu coeundi tandem coire liceat. Exemplum notatu dignum memini me legisse in Historia Academiæ regiæ Scientiarum, quæ Parisiis floret, de viro, qui, ni fallor, per viginti demum annos arctitudinem vicit.

§. 277.

Frigidus appellatur, qui nullum stimulum ad coitum *De frigida* sentit, vel ab eo prorsus abhorret. *Persona itaque frigida de-tate.* *situuntur astu, qui cupidinem coeundi excisat & in ipso actu conservat,* consequenter cum constet, sine actu venereo concubitus rite celebrari non posse, & eo deficiente esse infœcundum, ut finis matrimonii obtineri nequeat (§. 270.), personæ autem, quorum infœcundus est concubitus, seu per quas finis matrimonii obtineri nequit, matrimonium contrahere non debeant (§. 273.), *persona frigida matrimonium contrahere nequeunt.* Frigiditas tam fœminis, quam viris commune vitium, in cuius

ius causas hic non inquirimus. Hoc enim Physicorum & Medicorum est, quorum etiam est inquirere in causas, cur frigidas obster fecunditati coitus.

§. 278.

De impotentia & sterilitate.

Impotentes dicuntur mares, qui propter vitium quoddam corporis, præsertim organorum genitalium, generare non possunt: *Fœmina* autem *steriles* appellantur, quæ eadem de causa concipere nequeunt. Quoniam itaque matrimonium contrahere nequeunt, qui potentia generandi destituntur (§. 272.); *mares impotentes ac fœmina steriles matrimonium contrahere nequeunt.*

Inter impotentes referendi sunt castrati, quibus deficiunt testiculi ad seminis generationem necessarij (§. 275.), sicuti in eundem numerum veniunt, qui semen prolificum generare nequeunt, etsi testiculis minime destituti. Sed nostrum jam non est in causas impotentia inquirere propter eam, quam modo attulimus (not. §. 277.), rationem. Impotentia, cujus causam Jæti maleficium seu veneficium allegant, & ob quam eadem laborantem *Maleficiatum* dicunt, veluti si penis in ipso coitu flaccescat, ut semen ejaculari nequeat, vel immittendus rigorem amittat, ut immitti debere non possit, suas habet causas naturales ac subinde morales, quas hic recensere nolumus. Et ob causas morales accidit, ut maleficiatus cum alia persona concumbere possit, quæ ad concumbendum cum hac inepta est. Facile autem patet, causas, cur quædam personæ inhabiles sint ad matrimonium, supponere theoriam generationis in Physica tradendam, siquidem eas intimius perspicere velis. Ceterum impotentia facilius detegitur, quam sterilitas, quæ raro habet causas in sensum incurrentes.

§. 279.

De Hermaphroditis.

Hermaphroditi vel *Androgyni* dicuntur, qui utriusque sexus sunt. Sexus autem prævalere dicitur, cujus membra geni-

genitalia ab iis, quæ sexui huic propria sunt, minime differunt, seu cujus vicem in coëundo debite præstare possunt. Atque adeo patet, *hermaphroditos quoad sexum prævalentem matrimonium inire posse* (§. 271.), quoad alterum vero sexum, cujus respectu potentia generandi deficiunt, inire non posse (§. 272.). Quodsi utriusque sexus participatio potentiam generandi in utroque aufert, hermaphroditi matrimonium contrahere nequeunt (§. cit.).

Difficile subinde est de sexu prævalente, præsertim fœmineo, iudicium. An vero dentur hermaphroditi, qui potentia generandi quoad utrumque sexum instructi sunt, defectu observationum, certarum ego definire non audeo. *Plinius* lib. 7. c. 2. autor est, populum esse in Africa supra Nafamonas, utriusque naturæ, inter se vicibus coëuntes, dexteram mammam his virilem, lævam muliebrem esse. Sed sit fides penes autorem. *Aristoteles* lib. 4. c. 4. de gen. animat. statuit, quibus gemina habere genitalia accidit, alterum maris, alterum fœminæ, iis semper alterum ratum, alterum irritum reddi, consequenter negat, dari hermaphroditos, in quibus utriusque sexus genitalia perfecta sunt, seu qui utroque sexu valent, neutro prævalente. Observationes nonnullas notatu dignas affert *Sennertus Medic.* præf. lib. 3. part. 9. sect. 1. c. 13. f. m. 607. Plures quoque prostant historię de mutatione sexus, quales collegerunt *Schenckius* lib. 4. observat. & *Marcellus Donatus* lib. 6. c. 2. de hist. med. mirabil. qui & in causam hujus mutationis inquit. *Plinius* lib. 7. c. 4. scribit: Ex fœminis mutari in marem, fabulosum non est, idque tribus exemplis ex Annalibus Romanorum in medium adductis probat. Simile exemplum viri ex muliere facti commemorat *Livius*. Quomodo hoc fieri potuerit, docet *Cardanus* de rer. Variet. lib. 8. & eandem sententiam tuetur *Sennertus* loc. cit. *Jovianus* vero *Pontanus* lib. 10. de reb. cœlest. refert, mulierem, cum prius filium peperisset, virilem sexum adeptam fuisse. Sed de causis miræ hujus mutationis inquirere, Physici est, ac ideo hanc disquisitionem in alium locum rejicimus.

(*Wolffii Jur. Nat. Pars VII.*)

Bb

§. 280.

§. 280.

Polygamia, *Polygynia*, *Polyandria* & *monogamia* quid sit. *Polygamia* dicitur matrimonium personæ unius cum pluribus contractum. In specie *Polygynia* vocatur matrimonium unius maris cum pluribus foeminis contractum; *Polyandria* vero matrimonium unius foeminæ cum pluribus maribus initum. Quoniam vero *Polyandriæ* exempla rarius occurrunt, *polygynia* vero & olim apud multas gentes in usu fuit, ac hodiernum in usu est; per *polygamiam* communiter tantummodo intelligitur in significato strictiori, quo nomen generis tribuitur uni speciei, *polygynia*. *Monogamia*, quæ *polygamia* opponitur, appellatur matrimonium unius maris cum una foemina contractum.

Omnia hæc matrimonia physice possible esse, per se patet. In Jure naturæ igitur inquirendum, quænam eidem conveniant, quænam repugnent.

§. 281.

Uxorem ducere & *nubere* *uxorem ducere*, foemina mari *nubere* dicitur. *re quid sit*

Nonio autore veteres non solum mulieres, verum etiam viros nubere dicebant. Postea tamen usus loquendi obtinuit, ut proprie mulieres nubere, mares uxorem ducere dicantur.

§. 282.

Maritus & *uxor* quænam personæ dicantur. In societate conjugali mas vocatur *Maritus*; foemina vero *Uxor*. Idiomate patrio dicimus conjugem marem den *Ehemann*, foeminam das *Ehefrau*, vel die *Ehefrau*, aut per brachyologiam vocabulo generali illum den *Mann*, hanc vero das *Weib*, oder die *Frau*.

§. 283.

An una pluribus nupta esse possit. Una foemina non debet nubere pluribus viris. Constat matrem unum, qui potentia generandi gaudet, & per consequens

quens matrimonium contrahere potest (§. 271.), uni fœminæ imprægnandæ sufficere, ac ideo si in concubitu non habeatur ratio nisi procreandæ sobolis, non vero is solius voluptatis percipiendæ gratia fiat, virum unum uni fœminæ satisfacere posse. Et quodsi fœmina una pluribus viris nubat, & per consequens plures ad secum concumbendum admittat, istiusmodi matrimonium a concubitu promiscuo haud protul abest (§. 267.), cum perinde ac in hoc pater sit incertus, & quamvis omnes in educationem prolis consentiant, quemadmodum fieri debebat (§. 270.), hoc tamen non obstante naturalis ille amor prolis, per quem natura ejus educationem intendit ac ad educationem stimulat (§. 260.), supprimitur, ut ideo vix speranda sit tam curata educatio, qualis foret, si pater certus esset. Quamobrem cum matrimonium nonnisi sobolis procreandæ ac educandæ gratia contrahi debeat (§. 270.), omnis vero concubitus, qui sit solius voluptatis veneræ percipiendæ gratia, illicitus sit (§. 240.) & naturæ lege pater ad educandam sobolem suam obligatur (§. 263.), consequenter etiam ad omnem educationi impendendam curam, quæ ab eo proficisci potest (§. 189. *part. 1. Phil. pract. univ.*); fœmina una pluribus viris simul nubere non debet.

Duplex potest concipi casus, quo fœmina una pluribus viris simul nubit, nimirum ut hoc fiat consensu omnium virorum, five iidem consentiant inter se, quod communem uxorem habere velint, five fœmina pro lubitu suo pluribus nubat inconsultis iis, quos jam habet. Ad utrumque casum respeximus in demonstratione, ne minus demonstretur, quam demonstrandum erat. Si plures viri inter se conveniant de uxore communi ducenda, facile patet, non tam generationem prolis, quam primario voluptatis veneræ perceptionem intendi, licet in eo consentiant, ut cura educationis sit quoque communis. Quodsi vero fœmina una pro lubitu suo cum pluribus pacis-

catur de usu corporis sui ipsis concedendo, multo minus dubitari potest, quin solius voluptatis venereæ percipiendæ causa hoc faciat, quia ad sobolem procreandam nonnisi unius ope indiget. Si vero contingat, uxorem deferere maritum & alii nubere, nec cum priori rem amplius habere velle; casus iste prorsus diversus est a præsentē, nec cum eo confundendus.

§. 284.

An polyandria licita sit.

Quoniam matrimonium unius fœminæ cum pluribus maribus contractum polyandria est (§. 280.), fœminæ autem una pluribus nubere (§. 283.), consequenter matrimonium cum iis contrahere non licet (§. 281.); *polyandria naturaliter illicita est.*

Natura admittit concubitus promiscuum, qui prope ad polyandriam accedit, quemadmodum in demonstratione præcedente jam sumimus, in canibus, quia ad educationem non requiritur opera maris, sed fœmina sola eidem sufficit, cumque uno coitu conceptio absolvi non possit, perinde est, a quonam mare fœmina imprægnetur. Polyandria itaque tanquam a natura minime abhorrens probari nequit exemplo canum; quin potius ex eo clarissime elucet, in humano genere polyandriæ potissimum obstare curam edutandi sobolem, quæ non exigua est (§. 255.).

§. 285.

Quid communitio uxorum sit.

Communitio uxorum dicitur jus (sictum scilicet, quemadmodum mox ostendetur) omnibus promiscue competens ad concubendum cum eadem fœmina prolis procreandæ causa.

Hanc communionem uxorum mirifice commendat *Plato* Dial. V. de Rep. & qui ejus vestigia legit *Campanella* in Rep. Solis. Vult quoque *Plato*, ne infantes nutrantur a matribus suis, sed ab aliis nutricibus, ita ut liberi nec patrem, nec matrem, nec parentes liberos suos noscant. Ita nimirum liberos quoque fore communes. Multum enim sibi pollicetur ex perfecta omnium in Rep. communitioe.

§. 286.

§. 286.

Communio uxorum naturaliter illicita est. Posita enim u- *An commu-*
 xorum communione, omnibus promiscue competit idem jus *nio uxorum*
 ad concumbendum cum eadem foemina sobolis procreandæ *naturaliter*
 causa (§. 285.) adeoque ea hujus finis gratia cum nemine so- *licita,*
 cietatem contrahit (§. 1.). Enimvero genus humanum pro-
 pagari debet per societatem inter marem & foeminam sobo-
 lis procreandæ ac educandæ gratia initam (§. 269.). Com-
 munio igitur uxorum naturaliter illicita est (§. 722. part. 1.
Jur. nat. & §. 170. part. 1. Phil. pract. univ.).

Ostendi etiam potest hoc modo. Quoniam si uxores
 communes sunt, quilibet cum eadem foemina concubere
 potest, qui voluerit, & quem ea admittere voluerit (§. 285.);
 communio uxorum parum differt a promiscuo concubitu (§.
 267.). Quamobrem cum per promiscuum concubitum ge-
 nus humanum propagari non debeat (§. 268.); nec uxores
 communes esse debent, consequenter uxorum communio na-
 turaliter illicita (§. 170. part. 1. *Phil. pract. univ.*).

Naturalis ille amor liberorum, per quem in parentibus na-
 tura educationem intendit (§. 260.), quæ quam late pateat in
 sequentibus videbimus, per hoc minime diffunditur promiscue
 ad liberos quoscunque, quod parentes ignorent, quinam eo-
 rum sint sui, seu a se procreati, quemadmodum videtur *Pla-*
toni, quin potius supprimitur, ut nullus sit ejus effectus, per-
 inde ac si prorsus eradicaretur. Naturæ igitur humanæ repu-
 gnat uxorum communio, atque ideo pro re naturaliter turpi
 recte habetur, cum ipsis primis naturæ contrarietur (§. 257.
b. & §. 80. part. 2. Jur. nat.). Quod si vero intimius perspi-
 cere volueris, quale jus foret communio uxorum, siquidem
 tale jus natura daretur; ad eam applicanda sunt, quæ de com-
 munionem primæva prolixè demonstravimus in parte secunda Ju-
 ris naturalis c. 1. Etenim si uxores natura essent communes,
 & matrimonia demum factio hominum perinde ac dominia in-

tracta; foeminae ad generandum habiles in numero rerum communium essent. Quodsi vero haec communio in civitate introduceretur, quemadmodum suadet *Plato* & cum eo *Campanella*, communio foret mixta (§. 129. part. 2. *Jur. nat.*), qualis est communio bonorum, quam patres Religiosorum introduxerunt (*not. §. cit.*). Communionem istam uxorum apud *Taprobanenses* usu receptam fuisse narrat *Diotorus Siculus* lib. 2. c. 58. tum etiam apud *Ichthyophagos*, *Hylophagos* & *Nomades* lib. 3. c. 15. 24. 32. Alias adhuc gentes commemorat *Pufendorfius* l. 6. c. 1. quibus eadem placuit.

§. 287.

*Communio
uxorum an
sit species
polyandria.*

Communio uxorum polyandria species non est. Etenim ubi communio uxorum viget, mares foeminis vulgo utuntur, certum matrimonium nulli est (§. 285.), & per consequens mulier nubit nulli (§. 281.). Enimvero polyandria est matrimonium unius foeminae cum pluribus viris contractum (§. 280.), consequenter ubi haec recepta, foemina una simul nubit pluribus (§. 281.). Communio itaque uxorum polyandriae species non est.

Non sine ratione communio uxorum a polyandria distinguitur, quae a nonnullis inter hujus species refertur, qui non satis a se invicem discernunt discernenda. Cum enim polyandria species quaedam matrimonii sit, communio autem uxorum matrimonio opponatur; facile patet, ad communionem uxorum applicari minime posse, quae de polyandria demonstrantur, nisi, quatenus in eo conveniunt, ut foemina una pluribus simul concedat usum corporis sui: quae ratio imposuit iis, qui communionem uxorum pro specie quadam polyandriae habuerunt.

§. 288.

An sit jus.

Communio uxorum jus non est, sed mera licentia. Est enim naturaliter illicita (§. 286.). Quoniam itaque jus esse nequit,

quit, quod naturaliter illicitum (§. 170. *part. 1. Phil. pract. univ.*); communio uxorum jus non est. *Quod erat unum.*

Quoniam communio uxorum jus non est *per demonstrata*, mera autem licentia est, quando homines faciunt, quod libet, sine ulla restrictione (§. 130. *part. 1. Jur. nat.*) & per consequens parum curantes, utrum hoc naturaliter licitum sit, an illicitum, communio uxorum mera licentia est. *Quod erat alterum.*

Quodsi ergo communio uxorum in civitate introducatur, jus quidem erit positivum, sed cum a naturali abhorreat, pro jure habetur, cum non sit, atque ideo jus nonnisi fictum est (§. 149. *part. 1. Jur. nat.*).

§. 289.

Communicatio uxorum est pactum, quo plures inter se *Communi-* conveniunt, ut uxores, quos singuli habent, sint omnibus *catio ux-* communes. *orum quid*

Hanc communicationem uxorum antiquis Britannis in usu fuisse, narrat *Julius Caesar* lib. 5. de bel. gall. Uxores, inquit, habent deni duodenique inter se communes, & maxime fratres cum fratribus, parentes cum liberis. Sed si qui sunt ex his nati, eorum habentur liberi, a quibus primum virgines quæque ductæ sunt. Necesse autem non est, ut partus sit ejus, cujus est uxor: conveniri enim quoque poterat, ut sit communis. Utrumque sane obtinere potest etiam in communione uxorum, ut vel liberi ex promiscuo concubitu nati sint communes omnium, quemadmodum voluit *Plato*, vel ut sit unus, cui ea per sortem tribuitur (§. 296. *part. 5. Jur. nat.*), vel quam ex iis, qui cum eadem muliere rem habuerunt, ipsa patrem elegerit. Immo multo facilius utrumque observare licet in polyandria. Ita ex *Ludovico Romano* Navig. lib. 5. c. 8. refert *Pufendorfus* loc. cit. de quibusdam incolis regni Calecuti, quod sæmina septenis nubat viris, in concubitum noctes alternanti-

sis.

nantibus, quæ ubi peperit, prolem delegat ad quemcunque ex septem conjugibus voluerit, dubio procul quod sæmina rectius præsumere credatur, ex quonam conceperit.

§. 290.

*An ea juri
naturali con-
venias.*

Communicatio uxorum juri naturæ repugnat. Quoniam enim qui uxores suas sibi invicem communicant inter se conveniunt, ut uxores, quas singuli habent, sint omnibus communes (§. 289.), uxorum communicatio respectu fœminarum cum polyandria (§. 280.), respectu marium cum communione uxorum convenit (§. 285.). Enimvero tam polyandria, (§. 284.), quam communio uxorum naturaliter illicita est (§. 286.). Ergo etiam uxorum communicatio naturaliter illicita est.

Ostenditur etiam hoc modo. Quoniam naturaliter matrimonium contrahere non debent, qui potentia generandi destituuntur (§. 272.), generationis prolis causa opus non est, ut, qui uxores duxerunt, eas inter se communes habeant, consequenter qui paciscuntur, ut sint communes, nonnisi voluptatis percipiendæ causa istiusmodi pactum ineunt, quod scilicet delectet varietas. Enimvero solius voluptatis percipiendæ gratia concubitum appetere non licet naturaliter (§. 240.), consequenter nec pactum iniste de concubitu, quod ea de causa fit. Quoniam itaque istiusmodi pactum est uxorum communicatio (§. 289.); hæc quoque naturaliter illicita est.

Cum a moribus nostris abhorreat communicatio uxorum, nec per leges nostras tolerari possit; non opus est, ut penitus in eam inquiramus. Quamobrem superfedemus discussioni objectionum, quæ fieri poterant, quod scilicet non voluptatis veneræ gratia istiusmodi pactio fiat, sed aliis longe de causis, veluti ut animi sociorum ætiori amoris vinculo sibi invicem devinciantur, & quilibet alterum respiciat tanquam seipsum, com-

communis quoque omnium amor ergo liberos, qui procreantur, propagetur ac liberis erga generatores communes infillitur, & quæ sunt alia istiusmodi, quæ insignis utilitatis speciem præ se ferre videntur. Sufficit in genere respondisse, quod talia facilius dicantur, quam probentur, & quod non liceat societatem contrahere finis liciti per media illicita promovendi causa. Neque etiam opus est, ut prolixè inquiramus in incommoda, quæ ex pacto de communione uxorum suarum provenire possunt, & quæ præcavere debemus, nisi in naturæ legem delinquere velimus. Immo facile ostendi poterat, uxorum communicationem majoribus malis obnoxiam esse, quam earundem communionem *Platonisam*. Equidem non ignoro multorum eam esse opinionem, quod in Jure naturæ non attendenda sint ea, quæ actui cuidam accidunt, non vero semper ex eodem necessario consequuntur, quasi talia actum illicitum efficere non possint: veruntamen, ut alia taceamus, hi minime perpendunt, lege naturali nos quoque ad prudentiam obligari (§. 258. *part. 1. Jur. nat.*), quæ etiam animum attendi jubet ad ea, quæ actui cuidam accidere possunt, & eadem lege nos obligari ad præferendum in omni casu, quod est melius (§. 192. *part. 1. Phil. pract. univ.*), consequenter etiam quod tutius est. Taceo, quod uxorum communicatio vix ac ne vix quidem consistat cum officiis mutuis conjugum erga se invicem, de quibus dicemus in sequentibus: id quod & de aliis matrimoniis a monogamia diversis notandum.

§. 291.

Commodare uxorem suam alteri ea lege, ut partus sit An uxorem commodantis, vel hac, ut sit commodatarii, naturaliter non licet, suam liceat
Si enim uxor commodetur alteri ea lege, ut partus sit commodantis, amor ille naturalis, qui educandæ prolis causa alteri commodanti inditus, supprimitur (§. 260.), nec genitor fo-
bolem suam educat, ad quam educandam ipse naturaliter obligatur (§. 263.). Similiter si uxor commodetur alteri ea
(*Wolffii Jur. Nat. Pars VII.*) Cc lege,

lege, ut partus sit commodatarii, mater contra amorem naturæ ipsi inditum ab educatione prolis suæ, quam ipsa educare obligatur (§. 263.), vel invita arcetur (§. 260.). Quamobrem cum naturæ humanæ, in qua rationem sufficientem habet lex naturæ (§. 135. *Phil. pract. univ.*), repugnet amorem illum natura inditum tanquam curatioris educationis stimulum (§. 260.) suppressere, vel effectui suo privare, & obligatio ad educandum prolem suam immutabilis sit (§. 142. *part. 1. Phil. pract. univ.*), a qua nemo seipsum, vel alterum liberare potest; naturaliter non licet uxorem suam commodare alteri ea lege, ut partus sit commodantis, vel hac, ut sit commodatarii.

Lycurgus, referente *Plutarcho* in ejus vita, morem commodandi uxorem alteri utraque, quæ in propositione præsentè commemoratur, lege in Rep. Spartana introduxit. Nam viro natu grandiori, cui florens ætate erat conjux, si quem probum & prudentem adolescentem charum haberet probaretque, jus dedit eam huic jungere, & cum impleta esset egregio semine, sibi vindicare partum. Ex adverso liberum fecit bono viro, si quæ ei casta mulier, quæ elegantes pueros ederet, alteri nupta cordi esset, agere cum ejus marito, ut ejus copiam sibi faceret, atque sibi prolem ex ea quærere. Ita nimirum putat fore, ut gignantur liberi probi & ex præstantissimis generentur cives, reliquos legislatores tanquam oppido insulos & vanos ridens, qui canes & equos ad optimos admissarios agant, idque pretio vel gratia contendant a dominis, conjuges vero inclusas, quas ex solis volunt ipsis parere, custodia sepiant, si ve amentes sint, si ve decrepiti, si ve valetudinarii. Speciosæ quidem sunt rationes, quas affert *Lycurgus*, probatæ ideo tam *Plutarcho*, quam *Campanella*, & ipsum jus naturæ perfectivum, quod meliora præferri jubet (§. 193. *part. 1. Phil. pract. univ.*), & præcipit omnem curam, quæ a nobis proficisci potest, ut optima proles procreetur, opinioni *Lycurgi* favere videtur; non tamen, si rem penitus inspicias, commodatione uxorum obtinetur, quod sine ea obtineri non poterat, modo homines præ-

prudenter matrimonia contraherent, quemadmodum debebant (§. 258. part. 1. *Jur. nat.*), & præterea officiorum suorum partes omnes ex asse adimplere studerent quemadmodum debebant. Jus naturæ in se immutabilis (§. 142. part. 1. *Phil. præct. univ.*), non ideo mutari potest in uno, quia in aliis homines minime satisfaciunt iis, ad quæ facienda eosdem obligat. Non jam urgere libet, quod nec uxorū commodatione semper obtrineatur finis, qui a *Lycurgo* intenditur, præsertim si educationis habeatur ratio, nec quæ incommoda haud raro oriri ex illa possint, merito attendenda, ubi inquisiveris, utrum actus aliquis jure naturæ licitus sit, nec ne (*not. §. 290.*). Sed si singula distinctius explicanda ac demonstranda forent, quæ commodationi uxorū obstant, quo minus eidem locus esse possit sive in statu naturali, sive in civili, amplior requireretur tractatio, quam quæ utilis existimari poterat in re, quæ a nostris moribus ac legibus prorsus abhorret. Immo pauci erunt mariti, qui affectu conjugali, quo debent, suas prosequuntur uxores, eas alii commodare voluerint, nec sine ratione affirmandum, uxorū commodationem mutuo conjugum amorī obesse. Hinc etsi apud Romanos, *Plutarcho* autore, non inusitatum esset, alteri uxorem suam cedere, ut liberos ex ea tolleret; non tamen eam recipere tenebatur, qui hoc fecerat, nisi vellet. Ubi in sequentibus omnem curam parentum in educanda sobole requisitam & mutua conjugum officia demonstraverimus, multo facilius ac rectius judicabitur, quod uxorū communicio, communicatio & commodatio juri naturæ adversetur.

§. 292.

Quoniam naturaliter non licet commodare suam uxorem alteri ut partus sit tuus (§. 291.), perinde vero est, sive alii commodet uxorem tuam, ut partus sit tuus, sive uxori permittas, ut connubii adjutores habeat; juri natura repugnat, ut uxor permittente marito connubii adjutores habeat.

beat. Quodsi hoc permittatur solius libidinis explendæ causa, multo magis id illicitum esse apparet (§. 240.).

Teste *Aenea Sylvio* apud Lithuanos in usu fuit, ut inter se matronæ palam concubinos haberent virorum permisso, quos connubii adjuutores vocabant, etsi pellicatus viris probro duceretur. Vix equidem hujus moris alia ratio fuit, quam libidini fœminarum ut satisfaceret, quæ mulieribus facilius condonanda, quam viris visa fuit. Mores gentium cum adeo sibi contrariantur, oppido falluntur, qui jus naturæ ex iisdem metiri volunt, cum ex adverbo potius mores ad normam legis naturæ exigendi.

§. 293.

An monogynia sufficiat generi humano propagando. *Monogynia generi humano propagando abunde sufficit.* Experientia domestica hoc comprobatur. Quis enim est, qui nesciat, in Europa, præsertim in Germania nostra, majorem esse hominum multitudinem, ut de ea indies audire detur plurimorum querelas, etsi monogynia sola probetur, quam in aliis terræ partibus, in quibus polygynia frequentatur. Accedit quod magna hominum pars utriusque sexus perpetuam castitatem Deo foveat, qui si matrimonia contraherent, numerus hominum adhuc magis multiplicaretur. Monogynia itaque generi humano propagando abunde sufficit.

Inprimis hic probe considerandum, si coitus nulli celebrarentur nisi sobolis procreandæ gratia, quemadmodum vult lex naturæ (§. 239.), fore ut per conjugia monogamica numerus hominum adhuc magis multiplicaretur: neque enim tot mares potentiam generandi imminuerent, aut eadem se prorsus privarent, solius voluptatis veneræ, lege naturæ reprobæ (§. 240.), percipiendæ causa.

§. 294.

An polygynia generi humano sufficiat. Quoniam monogynia generi humano propagando abunde sufficit (§. 293.), quamvis lex naturæ velit, ut homines

nes sobolem procreent (§. 239.), & generis humani propa-^{generis hu-}gandi gratia societatem ineant (§. 269.), consequenter ina-^{mani propa-}trimonia contrahant (§. 270.); non tamen propterea conc-^{gandi causa}pitur dare maribus, qui ex pluribus fœminis liberos tollere ^{naturaliter}possunt, jus ad Matrimonium cum pluribus fœminis contra-^{permissa}hendum (§. 159. part. 1. Phil. pract. univ.), consequenter cum polygynia sit matrimonium unius maris cum pluribus fœminis contractum (§. 280.), ^{propagandi generis humani causa}lex ^{natura}polygyniam non permittit (§. 165. part. 1. Phil. pract. univ.).

Jus ad concubitum non datur (§. 159. part. 1. Phil. pract. univ.), nisi quatenus lex naturæ vult, ut genus humanum progetur (§. 239.), & liberi educantur (§. 262. 263.). Vi iurisdictionis præsentis patet, necessitatem propagandi genus humanum minime tueri polygyniam.

§. 295.

Polygynia lege natura permissa non est. Jus non dat lex *Idem aliter* naturæ nisi ad ea, sine quibus obligationi naturali satisfacere *ostenditur*. re non possumus (§. 159. part. 1. Phil. pract. univ.), consequenter cum velit genus humanum propagari debere per matrimonia (§. 269. 270.), monogynia vero generi humano propagando abunde sufficit (§. 293.), concubitus vero solius voluptatis percipiendæ gratia factus illicitus sit (§. 240.); lex quoque naturæ non dat jus nisi ad conjugia monogamica ineunda (§. 280.), consequenter non dat jus ad polygyniam (§. cit.), ac propterea polygynia lege naturæ permissa non est (§. 165. part. 1. Phil. pract. univ.).

Patet nunc, polygyniam esse contra legem naturæ permissivam (§. 165. part. 1. Phil. pract. univ.), ut adeo dici nequeat, eum, qui cum pluribus fœminis simul matrimonium contrahit, hoc facere jure sibi a natura tributo.

§. 296.

Quando polygynia naturaliter prohibita.

Si quis cum pluribus fœminis matrimonium simul contrahat solius voluptatis percipiendæ causa, aut liberis, quos ex pluribus uxoribus tollit, educandis, prout educari debent, non sufficit; polygynia lege naturali prohibita est. Etenim lege naturali prohibetur omnis concubitus, qui solius voluptatis percipiendæ causa appetitur (§. 240.). Eadem igitur lege etiam prohibetur, matrimonium contrahere cum pluribus fœminis simul, solius voluptatis percipiendæ causa, consequenter polygynia voluptatis percipiendæ causa contrahenda lege naturæ prohibita. *Quod erat unum.*

Lege naturæ genitores liberos suos educare obligantur (§. 263.). Et quia eadem nos obligat ad recte agendum (§. 189. *part. 1. Phil. pract. univ.*), ad recte educandum quoque liberos obligat. Cumque eadem nos obliget ad culpam quamlibet vitandam (§. 299. *part. 1. Jur. nat.*), eam quoque in educatione vitare debemus, consequenter omnem adhibere diligentiam ac curam, ne quicquam a nobis omitatur, quod ad educationem facit, neque fiat, quod eidem quomodocunque impedimento est (§. 757. 751. *part. 1. Phil. pract. univ.*). Quodsi ergo qui cum pluribus fœminis simul matrimonium contrahit, liberis, quos ex iis tollit, debire educandis non sufficit; polygynia utique lege naturali prohibita. *Quod erat alterum.*

Probe vero notandum est, educationem æstimandam esse non ex solis sumptibus, qui educationis causa faciendi; verum omnem illam curam ac sollicitudinem considerandam esse, quam ad educationem requiri inferius demonstrabitur & quæ aliquo modo jam elucet ex ipsa educationis definitione (§. 255.). Non minus hic perpendenda sunt impedimenta, quæ ex ipsa polygynia emergere possunt. Horum enim rationem habendam esse, et si ex accidente tantummodo emergant, in superio-

perioribus jam monuimus (not. §. 290.). In hypothese itaque propositionis præsentis si non prorsus impossibile, perquam tamen difficile erit judicium, utrum quis educationi liberorum ex pluribus uxoribus tollendorum sufficiat, nec ne. Ceterum facile patet in hypothese propositionis præsentis polygyniam esse contra legem naturæ prohibitivam, non vero saltem contra permissivam.

§. 297.

Monogamia primis naturæ convenit. Quando nimirum *Monogamia* ad educationem proles requiritur tam maris, quam foeminae *num primis* opera, nonnisi marem unum foeminae uni jungi videmus, ut *natura com-* adeo imago monogamiæ conspiciatur in animalibus brutis *veniat.* (§. 280.). Quoniam itaque prima naturæ sunt, ad quæ animalia sua natura feruntur (§. 80. *part. 2. Jur. nat.*); monogamia primis naturæ convenit.

Prima naturæ homini cum brutis communia sunt, adeoque naturali instinctu quin etiam homines ferantur sobolis procreandæ ac educandæ gratia ad societatem ineundam singuli cum singulis, non est quod dubitemus. Scimus enim ad concubitum, per quem natura generationem intendit, non minus, quam *seeyi*, naturalis ille sobolis amor, per quem educatio intenditur a natura (§. 259.), hominibus cum brutis communis est. Quodsi ergo non accedat libido, voluptatis venereæ cupiditas (§. 248.), vix contingeret, ut quis plures uxores habere velit ideo, quod pluribus liberis gignendis ac educandis se sufficere putet.

§. 298.

Quoniam monogamia primis naturæ convenit (§. 297.), *An juri natura* prima autem naturæ cum jure naturæ consentiunt (§. 83. *natura.* *part. 2. Jur. nat.*); *monogamia etiam juri natura convenit.*

Patet adeo, ductum naturæ sequi homines (§. 297.), & legi quoque naturæ convenienter agere *vi prof.* si nonnisi singuli
marcs

mares cū singulis fœminis matrimonium contrahant, consequenter a polygynia abstineant.

§. 299.

De obligatione naturali præferendi monogamiam polygyniæ.

Naturaliter obligamur monogamiam polygyniæ præferre. Quoniam naturaliter matrimonium contrahere non debent, nisi qui potentia generandi pollent (§. 272.) & nisi potentia generandi per illicitos concubitus debilitetur, vel destructa sit, qui scilicet solius voluptatis venereæ causa fiunt (§. 240.), ex una uxore liberi haud pauci tolli possunt, experientia teste; nemo prævidere potest, quot liberi ex matrimonio cum una fœmina inito sint procreandi. Multo minus autem prævidere potest, quod liberorum educationi, siue sumtus in eam impendendos, siue curam, quam requirit, vi definitionis (§. 255.), & per ea, quæ inferius prolixè demonstrabuntur, sufficere possit, consequenter admodum difficile est judicare, an non polygamia contra manifestam legis naturæ prohibitionem contrahatur (§. 296.). Præterea vix ac ne vix quidem sperare licet, ut evitentur discordiæ ac molestiæ inter liberos ac uxores, in ipsum maritum ac parentem communem redundaturæ, quæ in monogamia metuendæ non sunt, & ut ne varia cum ex parte uxorum, tum ex parte liberorum, qui marito ex iis nascuntur, oriuntur impedimenta curatoris educationis si non omnium, saltem quorundam liberorum, in quæ prolixius jam inquirere supervacaneum videtur. Quamobrem cum genus humanum abunde propagari possit per monogamiam, nec ad id opus sit polygynia (§. 293.), consequenter necessarium non sit, ut unus mas ducat plures uxores (§. 280.); melius omnino est unam nonnisi, quam plures simul ducere. Quoniam itaque lex naturæ nos obligat ad id, quod melius est, alteri præferendum (§. 19. *part. 1. Phil. præf. univ.*); naturaliter quoque obligamur polygyniæ præferre monogamiam.

Hinc

Hinc etiam Christus, optimus Juris naturæ interpres, qui rigorem ejus vindicavit adversus corruptelas Phariseorum, urget, ut unus mas nonnisi unam ducat uxorem, ac femina una nonnisi mari uni nubat, moribus diversis contra intentionem ac institutionem Dei introductis. Quemadmodum vero dubium est, quoniam cum una uxore liberos procreare possit maritus; ita non minus dubium est, annon ex una tot liberos successive tollere possit, quot ex pluribus tollit. Et sane cura educandi sobolem facilitatur, si successive nascantur, quam si plures simul nascantur, ut adeo præster liberos ex una uxore successive, quam ex pluribus totidem simul, vel breviori temporis intervallo tollere. Quodsi modos omnes, quibus genus humanum propagari potest, inter se compares, modo ad singula unicuique propria animum advertas, facile perspicias, monogamiam omnium optimum esse, nec statui civili magis convenire alium, quam eandem, ut ideo, si vel maxime omnes liciti essent, monogamia tamen vi legis naturæ perfectivæ ceteris præferenda esset.

§. 300.

Polygynia non repugnet legi naturæ, si homines essent domini sui ipsius, in sensu scilicet morali: sed pro presenti hominum conditione ac statu sine ista repugnantia vix concipi potest. *An polygynia per se repugnet legi naturæ.*
 Etenim si homines essent domini sui ipsius, in sensu scilicet morali, sensibus, imaginationi atque affectibus resistere valerent, ne adversus rationem prævalerent, eorumque usum rationi convenienter determinarent (§. 555. pars. 2. Phil. pract. univ.), ac ideo sollicite caverent, ne in determinandis actionibus suis latum unguem a lege naturali recederent (§. 556. pars. 2. Phil. pract. univ.). Concubitus itaque nunquam appetere solius voluptatis percipiendæ gratia (§. 240.), & per consequens mas unus abunde sufficeret uxoribus pluribus quoad actum generationis. Nulli esset animus plures gignendi liberos, quam probe educare posset (§. 263.), ac
 (Wolffii Jur. nat. Pars VII.) D d quam-

quamlibet in educanda prole omni animi sollicitudine atque diligentia evitaret culpam (§. 299. *part. 1. Jur. nat.*). Omnes præterea foeminae maritum, maritus liberos promiscue eodem amore prosequerentur (§. 619. *part. 1. Jur. nat.*), ac diligerent (§. 618. *part. 1. Jur. nat.*), consequenter omni studio conjunctis viribus id agerent, ut sint cum prolibus suis felices, ac caverent, ne ullum societatis suæ membrum infelix fiat (§. 617. *part. 1. Jur. nat.*). Metuendum igitur non esset, ne oriantur discordiæ ac odia, aliaque obstacula curatori educationi prolium in universum adversa. Hoc modo conjunctis viribus unius maris atque plurium foeminarum finis matrimonii, qui procreatio & educatio sobolis est (§. 270.), legi naturæ convenienter obtineretur (§. 269.). Patet itaque polygyniam non repugnare legi naturæ, si homines sint domini sui ipsius, in sensu scilicet morali (§. 280.).

Quod erat unum.

Enimvero ubinam reperies homines, qui tales sese sibi invicem præbent, quales sese præbere debent, siquidem polygynia legi naturæ repugnare minime debeat, *per demonstrata* & qui sunt sui ipsius domini? Quodsi ante dicta probe perpendas & homines, quales sunt, considerare velis; facile deprehendes, non eam esse eorundem conditionem, non eum statum, quales requiritur, ut polygynia legi naturæ respondeat. Patet itaque pro præsentī hominum conditione ac statu vix concipi posse polygyniam sine repugnantia cum lege naturæ.

Quod erat alterum.

Non est quod objicias, si homines sumamus, quales sunt, in monogamia quoque committi, quæ legi naturæ adversantur, præsertim quoad educationem prolis, consequenter per eandem rationem monogamiam quoque improbandam esse. Enimvero distinguendum est inter ea, quæ ex ipsa polygynia nascuntur *sui matrimonii* contraria, & inter ea, quæ homines aliis

aliis de causis committunt legi naturæ adversa. Ad illa respicimus, quando affirmamus, pro præsentis hominum conditione ac statu vix concipi posse polygyniam sine repugnantia cum lege naturæ. Et ea de causa jam antea demonstravimus, lege naturæ nos obligari ad monogyniam polygyniæ præferendam (§. 299.), quatenus scilicet & remouentur obstacula, quæ ex ipsa polygynia emergunt, ac impediunt, quo minus fini matrimonii satisfiat. Accedit polygyniam non alia de causa invaluisse apud gentes nonnullas, quam voluptatis veneræ causa, & per consequens contra legem naturæ (§. 240.), & castitatem transcriptam esse ad solas fœminas, itidem contra naturæ legem (§. 253.), quas servilis conditionis supposuerunt contra naturalem hominum æqualitatem (§. 81. part. 2. Jur. nat.), et si fœminas ad litandum libidini magis aptas esse constet, quam mares. Rarissima adeo erunt exempla eorum, qui unice sobolis procreandæ ac educandæ gratia plures uxores ducunt, aut ducere mallent, si permissum foret, viribus probe expensis, utrum fini huic sufficiant, nec ne. An vero dentur casus, in quibus necessitas exceptionem facit ac locum polygyniæ, in præsentis non disquirimus. Qui enim affirmativam defendunt, a statu civili rationem desumunt, quem hic supponere nondum permittunt methodi leges, quas sequimur.

§. 301.

Impossibile est, ut singuli mares ducant uxores duas. Plurimo- An bigamia
rum annorum observationibus in diversis locis multa soler- *universalis*
tia institutis comprobatum est, plures nasci pueros, quam *sit possibilis.*
puellas constante quadam propemodum proportionem, nisi minimam differentiam in præsentis casu non attendendam urgere velis: excessus tamen puerorum exiguus est, ita ut in præsentis negotio sumi possit tot nasci puellas quot pueros. Si enim mille numeres puellas, pueri ultra mille viginti numerantur. Enimvero cum maxima pars eorum, qui nascuntur, si universos spectes, moriatur, antequam ad pubertatem

perveniant, consequenter ad generandum apti evadant (§. 274.), notatu dignum est, quod successive excessus marium imminuatur, ita ut circa ætatem virilem, quæ est triginta annorum, marium ac fœminarum numerus ad æqualitatem reducatur, ac tandem plures existant vetulæ, quam senes. Quodsi ergo singuli mares duas ducere deberent uxores, dimidia fere pars marium, qui ad generandum apti sunt, vitam cœlibem transigere cogerentur. Patet itaque impossibile esse, ut singuli mares duas ducant uxores.

Angli fuere primi, qui istiusmodi observationes studiose collegerunt, & ad varios usus præsertim in determinandis redditibus vitalibus applicarunt. Primo loco hic nominandus est *Guilielmus Petty* in Tentamine Arithmeticæ politicæ, quæ Londini A. 1699. in 8. prodiit. Accuratiores observationes huc spectantes conquisivit ac inter se contulit *Graunt* in libro Anglice conscripta sub titulo: Annotations of the bills of mortality, ac sæpius recuso, quibus multum tribuit *Derhamus* in Theologia Physica, secunda vice Londini 1714. in 8. idiomate patrio edita p. 176. n. 8. qui proportionem marium ad fœminas facit ut 14 ad 13. Silentio autem hic prætereundus non est, ut eas taceamus observationes, quæ passim in Transactionibus Anglicanis leguntur, *Maitland* in Historia civitatis Londinensis, quam idiomate patrio edidit. In Batavia *Nicolaus Struyck*, sermone Batavo, introductionem ad Geographiam edidit, in qua ea congescit, quæ *Petty*, *Graunt* & *Maitland* memoriæ prodiderunt. Quoniam vero libri isti in oris nostris rariores sunt, ac iis linguis conscripti, quæ a paucissimis intelliguntur; nobis hic inprimis nominandus est *Joannes Petrus Süssmilch*, nunc Præpositus ad ædem D. Petri Coloniz ad Spream, qui visis, lectis ac ponderatis omnibus, quæ ab aliis de hoc argumento tradita fuerunt, multo acumine ac industria & eruditione non minore idem pertractavit, adhibitis observationibus domesticis, quas multo studio sibi comparavit. Prodiit liber utilissimus cum præfatione mea A. 1741. Berolini in 8. sub

§. sub titulo: Die göttliche Ordnung in den Veränderungen des menschlichen Geschlechts. Ad illustrationem ac confirmationem propositionis presentis facit caput quintum integrum. Non est, quod objicias exemplum Turcarum, vel aliarum quoque gentium, apud quas polygynia in usu est. Neque enim promiscue omnibus permissum est apud Turcas plures ducere uxores, sed tantummodo iis, qui plures alere possunt, ac observatum est polygamos pauciores ut plurimum gignere liberos, quam monogamos: id quod nec a ratione naturali abhorret, eum nimia venus debilitet in maribus generandi potentiam. Constat præterea ingentem mulierum multitudinem ex aliis regionibus vicinis quotannis adduci, propter mulierum in Turcia defectum.

§. 302.

Quoniam impossibile est, ut singuli mares duas saltem ducant uxores (§. 301.), natura autem homines æquales sunt (§. 81. part. I. Jur. nat.), consequenter idem jus habent (§. 78. part. I. Jur. nat.), & genus humanum per monogamiam abunde propagari potest (§. 293.), quidni melius (not. §. 301.) ē etiam si educationis nullam habeas rationem, cujus tamen rationem maxime habendam esse constat (§. 263.); in natura hominum non datur ratio sufficiens polygyniæ (§. 56. Ontol.), consequenter polygynia juris natura esse nequit (§. 135. part. I. Phil. pract. univ.), ac ideo sola monogamia eidem convenit.

Per observationes, ad quas modo provocavimus in demonstratione propositionis præcedentis, patet, naturam, consequenter ejus autorem Deum (§. 822. part. I. Theol. nat.), non intendere propagationem generis humani nisi per monogamiam, consequenter polygyniam naturæ intentioni ac voluntati divinæ esse adversam. Sane si genus humanum propagari deberet per polygyniam, minimum duplo plures semina nasci deberent, quam mares: id quod tamen ab observatione prorsus

sus abhorret vi demonstrationis præcedentis. Immo si homines non appeterent concubitus nisi sobolis procreandæ ac educandæ causâ, quemadmodum fieri debebat, & eam educationi curam impenderent, quam debebant, vi eorum, quæ inferius demonstrabuntur; vix quisquam eorum esset, qui plures una uxores habere veller, ut dubitandum non sit, nonnisi libidinem polygyniam introduxisse contra naturæ legem (§. 240.), quæ scortationem & alios concubitus atque actus venereos illicitos peperit (§. 241. & seqq.). Per ea igitur, quæ hæcenus abunde demonstravimus, recte concluditur, juri naturæ tantummodo convenire, ut per monogamiam genus humanum propagetur.

§. 303.

Quot personæ ad matrimonium requirantur.

Quoniam sola monogamia juri naturæ convenit (§. 302.), monogamia vero est matrimonium unius maris cum una foemina contractum (§. 280.), & matrimonium societas inter mares ac foeminas inita (§. 270.); *matrimonium societas est inter foeminam unam & marem unum inita.*

Vulgo definitioni inseritur, quod societas sit unius foeminae ac maris unius; sed cum hoc demum demonstrandum fuerit ex fine, cujus gratia societas initur, qui ex definitione exulare nequit (§. 3), ideo in definitione sumendum non erat, quod ex iis, quæ in eadem continentur, demonstrandum (§. 336. Log.).

§. 304.

Conjuges quinam dicantur.

Qui matrimonium contraxerunt, communi nomine *Conjuges* appellantur, idiomate patrio *Eheleute*.

Hinc tam maritus, quam foemina dicuntur conjux in singulari, & nomen hoc generis communis est. In nostra tamen lingua nomen generis pro una specie poni nequit. Et magis indeterminate sumitur vocabulum *Eheleute* pro personis in matrimonio viventibus, unde maritum & ejus uxorem simul vocamus ein paar *Eheleute*.

§. 305.

§. 305.

Si matrimonium contrahitur, mas & femina & femina mari pro. De mātud mittit, quod corporis sui usum generationis causa concedere velint promissione sibi invicem & quidem solis, & quod ambo ad educationem prolis conjugum conferre velint, quod possunt. Etenim matrimonium est societas inter marem & foeminam sobolis procreandæ ac educandæ gratia inita (§. 270.). Quamobrem cum societas pactum sit de fine, cujus gratia initur, conjunctis viribus consequendo (§. 1.); quando mas & foemina matrimonium contrahunt, secum invicem paciscuntur, quod vires suas conjungere velint ad generandum & educandum sobolem. Pactum vero mutuas continet promissiones & earundem acceptationes (§. 788. *part. 3. Jur. nat.*). Si itaque matrimonium contrahitur, mas foeminæ & foemina mari vicissim promittit, quod conjunctis viribus sobolis procreationi ac educationi operam dare velint, consequenter quod sibi invicem procreationis causa corporis sui usum concedere & ambo ad educationem prolis conferre velint, quod possunt. *Quod erat unum.*

Enimvero matrimonium est societas, quæ nonnisi inter marem unum & foeminam unam iniri potest (§. 303.), nec liberos extra matrimonium generare licet (§. 269.). Uxori quoque permittere non licet ut habeat connubii adjuutores (§. 292.), nec uxores licet habere communes (§. 286.), neque etiam plures mariti uxores suas sibi invicem communicare possunt (§. 290.), nec marito ex aliena uxore liberos tollere, aut uxorem suam alteri commodare permissum, ut partum sibi quærat (§. 291.). Omnis præterea concubitus solius voluptatis percipiendæ causa factus illicitus est (§. 240.). Patet itaque eos, qui matrimonium contrahunt, non posse sibi invicem promittere, nisi quod persona una alteri soli corporis sui usum concedere velit generationis causa. *Quod erat alterum.*

Pacta

Pacta naturaliter licita ac valida non sunt, nisi quatenus legi naturæ conveniunt. Quamobrem promissiones paciscentium ita factæ intelliguntur, quomodo juxta legem naturæ fieri debebant. Et in Jure naturali demonstrandum, quomodo fieri debeant, ne quicquam in iis contineatur, quod legi naturæ adverteretur, adeoque illicitum sit (§. 170. *part. 1. Phil. pract. univ.*). Qui adeo matrimonium ineunt, non aliter sibi invicem promittere possunt usum corporis sui generationis causa concedendum, quam sibi invicem solis & qualis ad generationem proles requiritur.

§. 306.

*De jure in
corpus uxoris
& mariti.*

Quoniam foemina mari, mas foeminæ promittit, dum matrimonium ineunt, quod sibi invicem solis generationis causa usum corporis sui concedere velint (§. 305.), promissor vero in promissarium transfert jus ad id, quod promittit (§. 361. *part. 1. Jur. nat.*); *foemina in marem, mas in foeminam transfert jus in corpus suum, seu, quod perinde est, ad usum corporis sui, qualis ad generationem requiritur, ita ut neutri amplius liberum sit eundem alii concedere, consequenter quamprimum matrimonium contractum, jus foemina in corpus maris & mari in corpus foemina competit.*

Patet itaque, juris naturæ esse, quod dicit Apostolus 1 Cor. VII, 4. Mulier sui corporis potestatem non habet, sed vir. Similiter autem & vir sui corporis potestatem non habet, sed mulier. Quod enim nos dicimus jus in corpus, Apostolus vocat potestatem corporis. Et utroque vocabulo indigitur jus ad usum membrorum genitalium, qualis ad concubitum, sine quo proles generari nequit, requiritur.

§. 307.

*De injuria
ab una con-
juge alteri
facta.*

Quoniam marito competit jus in corpus uxoris, non uxori, & vicissim uxori competit jus in corpus mariti, non marito (§. 306.); *si maritus usum corporis sui concedit alii foemina, quam*

quam uxori, jus perfectum uxoris violat, & vicissim si femina usum corporis sui concedit alii mari, quam marito, jus perfectum mariti violat (§. 239. part. 1. Phil. pract. univ.). consequenter cum violatio juris perfecti alterius injuria sit (§. 859. part. 1. Jur. nat.), conjux una cum persona extranea concumbens injuriam facit conjugi alteri.

Naturaliter jus hoc conjux alteri remittere non potest, quod ex contracto matrimonio acquisivit (§. 291. 292.). Quamvis itaque volenti injuria non fiat; manet tamen concubitus conjugis cum persona extranea illicitus, etiamsi permisso conjugis alterius fiat, & uterque conjux peccat, tum qui concubitus permittit, tum qui cum extranea persona concumbit.

§. 308.

Quia mas foeminae, foemina mari promittit, dum matri- De obligati-
monium contrahitur, quod generationis causa usum corpo- one ad con-
ris sui eidem concedere velit (§. 305.), promissor vero pro- cubitum.
missario perfecte obligatur (§. 363. part. 3. Jur. nat.); mas
foemina, foemina mari perfecte obligatur ad concedendum corporis
sui usum generationis causa, consequenter non nisi ad salem, qua-
lem generatio requirit.

Ufus omnis alius, qui tantummodo libidini inservit, natu-
raliter illicitus est (§. 249.), qualiscunque tandem is sit, quem
ideo conjux unus alteri promittere non potuit (§. 494. part. 3.
Jur. nat.), ac ad quem alteri permittendum per consequens
se se obligare non potuit (§. 363. part. 3. Jur. nat.).

§. 309.

Concessio usus corporis sui, qualis ad generationem Debitum
requiritur, generationis causa Debitum conjugale vocatur, idi- conjugale &
omate patrio die eheliche Pflicht. Ipsa autem conjunctio copula car-
porum maris ac foeminae, qualis ad generationem requi- nalis quid
ritur, Copula carnalis appellatur, idiomate patrio die fleischli- sis.

(Wolffii Jur. Nat. Pars VII.)

Ec

he

de Vermischung. Respectu conjugum eadem copula conjugalis dicitur.

Vocatur ista concessio debitum conjugale, quia conjuges ad eam obligantur (§. 170. part. 1. *Phil. pract. univ.*). Copula vero carnalis, non simpliciter copula dicitur corporum conjunctio, ad differentiam copulae sacerdotalis, qui est actus ministri Ecclesiae, quo is in cœtu fidelium sponsum sponsæ jungit, moribus christianorum.

§. 310.

De praestando debito conjugali.

Quoniam conjux conjugi obligatur concedere corporis sui usum generationis causa, qualis ad eandem requiritur (§. 308.), in hac autem concessione debitum conjugale consistit (§. 309.); conjux conjugi obligatur ad debitum conjugale praestandum, consequenter id denegare non licet, & denegatio ejusdem peccatum est (§. 440. part. 1. *Phil. pract. univ.*).

Debitum conjugale naturaliter non extendendum est ultra finem, cum sit medium consequendi finem: unde & in definitione finis mentionem fecimus (§. 309.). Imaginem hujus juris, quam prima naturæ exhibent (§. 81. part. 2. *Jur. nat.*), conspicimus in animantibus, quæ non coire videmus, nisi quantum sufficit, ut foetus concipiatur, aut foemella fecundetur. Absit itaque, ut tibi persuadeas, maritum nimia venere vigorem corporis sui ac sanitatem destruere debere, ut uxoris libidini satisfaciat. Lex enim naturæ, quæ ad sui conservationem & sanitatem conservandam obligat in universum omnes (§. 349. 393. part. 1. *Jur. nat.*), non potest sibi metipsi esse contraria, ut obliget maritum ad corpus destruendum in gratiam uxoris libidinosæ. Eadem mutatis mutandis tenenda sunt de debito conjugali ex parte uxoris. Concubitus, qui solius voluptatis percipiendæ gratia appetitur, naturaliter illicitus est (§. 240.): eum igitur matrimonium licitum efficere nequit. Constat nimia venere corrumpi potentiam generandi, ut ex decausa polygamia non secundior deprehendatur monogamia.

Matri-

Matrimonium vero, quod sobolis procreandæ gratia iniri debet (§. 270.), dare nequit jus ad potentiam generandi destruendam, ut ad idem ineptus efficiaris (§. 272.). Ideo Hieronymus, approbante D. Thoma, damnat in conjugæ voluptates, quæ de meretricibus capiuntur, quando scilicet maritus nihil aliud in uxore attendit, quam quod in meretrice, etsi D. Thomas, cum peccata utrique omnia non sint ejusdem gradus, delectationem in casu præsentis inter peccata venialia referat, & tunc demum eandem peccatum mortale pronunciet, si quis ita utitur conjugæ suæ, ut paratus esset idem facere, si non esset suæ: quo imprimis pertinet, si quis cum uxore coiens sibi imaginatur se rem cum alia muliere habere, ut in coeundo fiat ardentior.

§. 311.

Quoniam debitum conjugale non præstatur nisi generandi causa (§. 309.), castus vero est, qui concubitum non appetit, nisi sobolis procreandæ gratia (§. 251.); conjuges quoque casti esse debent.

Castitas itaque virtus est, quæ non tantummodo cælibes decet, verum etiam conjuges. Absit, ut tibi persuadeas, matrimonium per se eidem adversari.

§. 312.

Venus præpostera dicitur abusus membrorum genitalium, qui alius quam usus eorundem ad generationem requiritur. Venus itaque præpostera diversa est a copula carnali (§. 309.).

Non opus, neque consultum est, ut distincte exponamus, quot modis venus præpostera committi possit. Nemo enim est, qui nesciat, quid sit copula carnalis (§. 309.). Vi igitur definitionis hujus facile agnosceret venerem præposteram in quolibet casu, qualiscunque tandem ea sit, seu quocunque modo committatur, ut adeo neminem ignorantia excusare possit.

§. 313.

An sit naturaliter illicita.

Quoniam Venus præpostera nihil facit ad generationem prolis (§. 312.), consequenter nonnisi voluptatis percipiendæ causa exerceri potest, omnis autem concubitus, qui solius voluptatis causa appetitur, naturaliter illicitus est (§. 240.); *venus præpostera naturaliter illicita*, ac ideo *nec marito licet venere præpostera exercere cum uxore*, consequenter *uxor pati non debet, ut maritus secum eam exerceat* (§. 308.).

Venus præpostera dicitur esse contra naturam, quia usus membrorum corporis convertitur in alium, quam ea per naturam suam habere debent. Nimirum mas abutitur membro genitali, fœmina vero in præpostera venerem consentiens membro alio corporis, vel subinde etiam genitali. In omni adeo veneré præpostera usus aliquis membri genitalis ex parte maris contra naturam adesse debet, aut, rectius abusus. A Jctis venus præpostera maris cum fœmina, etiam mariti cum uxore sua exercita, refertur ad Sodomiam. Ceterum patet, venerem præpostera etiam exerceri posse cum meretrice.

§. 314.

De concubitu cum fœmina mortua.

Concubitus cum fœmina mortua, etiam mariti cum uxore mortua illicitus est. Etenim per se patet, qui concubitum cum fœmina mortua appetit, eundem appetere non posse sobolis procreandæ gratia. Enimvero nemo, consequenter nec maritus, concubitum appetere debet, nisi sobolis procreandæ gratia (§. 239.). Ergo concubitus cum fœmina mortua, etiam mariti cum uxore mortua, illicitus est.

Concubitus cum fœmina mortua ad eos concubitus refertur, qui sunt contra naturam, quia adversatur instinctui naturali hominum ac brutorum communi. Quamobrem a Jctis, qui omnem concubitum contra naturam ad Sodomiam referunt; idem quoque ad eandem referri solet. Sodomia in significato strictiori est concubitus cum bestia (§. 244.), a qua homo potissimum

107. *finem animæ rationali diffat.* Quamobrem cum cadaver feminae animæ rationali destituatur, concubitus cum eadem a Sodomia parum abit. Ast nostrum in præsentī non est gravitatem delictorum determinare, ubi saltem inquirimus, quinam concubitus naturaliter illiciti sint.

§. 315.

Fides conjugalis dicitur constantia voluntatis a conjugī. *Fides conjugalis* sibi invicem, cum matrimonium contraherent, declarata, quod sibi invicem solis usum corporum suorum generationis causa concedere velint.

Applicatur nimirum ad conjuges definitio fidei in genere (§. 757. part. 3. *Jur. nat.*).

§. 316.

Si conjux usum corporis sui altero infcio, vel invito alii cui- *Quando vi-*
dā concedit; fidem conjugalem violat. Quoniam enim con-
juges sibi invicem promiserunt, quod corporis sui usum ge-
nerationis causa sibi invicem solis concedere velint, nec libe-
rum esse debeat eundem alii concedere (§. 306.); si conjux
unus cum altero infcio, vel invito alii cuiquam concedit, pro-
missum non servat (§. 430. part. 3. *Jur. nat.*), consequenter
fidem fallit (§. 759. part. 3. *Jur. nat.*). Quamobrem cum fi-
des conjugalis consistat in constantia dictorum de usu cor-
porum nonnisi sibi invicem solis concedendo (§. 315.);
conjux fidem conjugalem fallit, seu, quod perinde est, vio-
lat, qui altero infcio, vel invito usum corporis sui alii cui-
dam concedit.

Promissio illa, qua fides conjugalis nritur (§. 315.),
mutua est (§. 306.), ac ideo non minus vir, quam mulier fi-
dem violat conjugalem, si usum corporis sui extraneæ cui-
dam personæ concedit. Absolum itaque est, si fidei conju-
galis violationem ad uxorem restringere velis, quasi eidem

non idem jus fit in corpus mariti, quod huic competit in corpore ipsius.

§. 317.

Persona conjugata & soluta quanam.

Persona conjugata dicitur, quæ conjugem habet: *soluta* vero, quæ conjugem non habet. Unde *persona* etiam *soluta* est, quæ conjugem habuit, nunc vero non habet.

Dicitur tam de mare, quam de femina. Idiomate patrio personam conjugatam appellamus eine Verheirathete, solutam vero eine ledige Person.

§. 318.

Adulterium quid sit.

Concubitus conjugis cum persona alia sive conjugata, sive soluta, altero conjugis infcio, vel invito, dicitur *adulterium*. Quamobrem *adulterium committit vel maritus cum aliena uxore, vel maritus cum femina soluta, vel uxor cum mare soluto. Adulterium duplicatum* vocatur, quod persona conjugata cum conjugata, seu maritus cum uxore aliena committit: *Simplex* autem *adulterium* appellatur, quod persona conjugata cum soluta, veluti maritus cum femina soluta, aut mas solutus cum uxore alterius committit.

Differentia non minor intercedit inter adulterium soluti cum uxore alterius & adulterium mariti cum femina soluta, quam inter adulterium personæ conjugatæ cum conjugata & personæ solutæ cum conjugata. Etenim si uxor concumbit cum soluto, partus alienus infertur in familiam; minime autem si maritus cum soluta concumbat. In adulterio duplicato utraque persona fidem conjugalem violat; in simplici nonnisi una. Sed differentia istæ attendendæ non sunt, nisi ubi agitur de gravitate delicti, vel quando turpitudine ejus demonstranda, veluti in moralibus, vel quando pœna eidem decernenda, veluti in politicis. Adulterii adeo simplicis recte constituuntur duæ species, etsi nomina sibi propria nondum fuerint sortita. Idiomate patrio adulterium duplicatum a Jctis vocatur

die

die Ober-Duteren; simplex vero retinet nomen generale & hebrud.

§. 319.

Uxorum communicatio & commodatio adulterium non est. Et enim si uxores communicantur, maritus unus cum uxore alterius ipso consentiente concumbit (§. 289.), & si quis uxorem suam commodat personæ sive conjugatæ, sive solutæ, concubitus uxoris cum persona alia itidem fit consensu marito (§. 418. part. 3. Jur. nat.). Enimvero cum uxore alterius adulterium non committitur, nisi hoc fiat infcio ac invito marito (§. 318.). Uxorum adeo communicatio & commodatio adulterium non est.

Uxorem in utroque casu consentire in concubitum cum alio, quam marito suo, tacite supponitur. Alias vis inferretur pudicitie ipsius & maritus uxorem suam prostitueret, quod in utroque casu propositionis præsentis minime contingit. Sine consensu uxorum nec communicatio, nec commodatio earundem concipitur. Etsi vero negemus, communicationem & commodationem uxorum non esse adulterium; manet tamen utraque actus naturaliter illicitus (§. 290. 291.). Cum adulterio autem neutra confundenda, ne per errorem ad uxorum communicationem, vel commodationem applicentur, quæ de adulterio demonstrantur.

§. 320.

Adulterium ex parte persona conjugata est contra pactum conjugale & violatio fidei conjugalis. Quando enim matrimonium contrahitur, mas & foemina sibi invicem promittunt, id eoque paciscuntur (§. 788. part. 3. Jur. nat.), quod sibi invicem solis corporis sui usum ad eum actum, qui ad generationem requiritur, concedere velint (§. 306.), consequenter quod neuter conjux concumbere velit cum persona quadam alia, sive conjugata, sive soluta. Quamobrem cum hoc faciat

ciat. conjux adulterium committens (§. 318.); adulterium contra pactum conjugale est ex parte personæ conjugatæ. *Quod erat unum.*

Et quoniam fides conjugalī violatur, si conjux altero infcio ac invito usum corporis sui alii personæ concedit (§. 316.), id autem fit in adulterio (§. 318.); persona conjugata, dum adulterium committitur, fidem conjugalem violat, seu adulterium ex parte ipsius violatio fidei conjugalī est. *Quod erat alterum.*

Ideo adulterium a nonnullis definitur, quod sit concubitus contra pactum conjugale, vel etiam quod sit violatio fidei conjugalī. Et utroque modo idem definiri posse videtur, cum ex utraque definitione deducatur, adulterium esse concubitus conjugis cum persona aliā sive conjugata, sive soluta, infcio ac invito conjuge altero, quemadmodum nos adulterium definivimus. Quoniam tamen in adulterio simplici vi istiusmodi definitionis tantummodo persona conjugata adulterium committere videri poterat, ideo consultius est eam retinere quam dedimus.

§. 321.

*Quomodo
duplicatum.*

Quoniam in adulterio persona conjugata concubitus contra pactum conjugale committit & fidem conjugalem violat (§. 320.), in adulterio autem duplicato persona utraque conjugata est (§. 318.); *in adulterio duplicato utraque persona contra pactum conjugale concubitus committit & fidem conjugalem violat.*

Quando adulterium duplicatum confertur cum simplici, id etiam perpendendum est, quod persona una conjugata non modo fidem conjugalem violat; sed etiam alteram ad violandum eandem inducat: id quod in simplici non obrinet. In omni tamen adulterio persona altera sit particeps violationis pacti & fidei conjugalī, quæ sit ab altera, quatenus ad eandem concur-

concurrit. Et hoc modo sustineri possunt definitiones adulterii, quod sint concubitus contra pactum conjugale, vel quod sit violatio fidei conjugalis.

§. 322.

Qui adulterium cum alterius uxore committit, ei injuriam Quale sit facit. Etenim marito competit jus perfectum ad usum corporis uxoris suæ, nec huic liberum est eundem alii concedere ex parte e-re (§. 306.). Quodsi ergo quis cum uxore alterius concumbit, consequenter adulterium committit (§. 318.), jus alterius uxore perfectum mariti violat (§. 239. pars. 1. Phil. pract. univ.). Quamobrem cum violatio juris perfecti alterius injuria sit (§. 859. pars. 1. Jur. nat.); qui cum uxore alterius adulterium committit, ei injuriam facit.

Auferet adulter marito jus suum in corpus uxoris, aut saltem partem ipsius ipso inscio ac invito. Et hætenus quodammodo convenit cum furto (§. 498. pars. 2. Jur. nat.): id quod notasse usui est, quando de gravitate adulterii statuendum.

§. 323.

Fœmina adultera injuriam facit uxori, cum cujus marito Quale ex concumbit. Ostenditur eodem prorsus modo, quo proposi-tionem præcedentem demonstravimus (§. 322.).

Et quæ modo annotavimus de adultero (not. §. 322.); eadem quoque valent de fœmina adultera. Nimirum quod jus alterius con-marito in corpus uxoris, idem etiam uxori est in corpus mariti.

§. 324.

Fornicatio mariti adulterium est. Fornicatio enim est concubitus cum meretrice, hoc est, fœmina pluribus sese prostituyente (§. 241.). Fornicatio igitur mariti est concubitus cum persona alia, quam uxore sua. Quoniam itaque concubitus mariti cum persona alia, quam uxore sua adulterium est (§. 318.); fornicatio mariti adulterium est.

(Wolfs Jur. Nat. Pars VII.)

Ff

Qui

Qui fornicationem pro licita habent, eam tacite exceptam arbitrantur in pacto conjugali, ac ideo fornicationem negant esse concubitum contra pactum conjugale, nec ea violari putant fidem conjugalem, consequenter eam perperam pro adulterio haberi (§. 320.). Enimvero cum superius ostenderimus, fornicationem naturaliter illicitam esse (§. 241.); pactum conjugale de non concedendo usu corporis sui nisi conjugii suæ iræ restringi nequit, ut fornicatio excepta intelligatur. Mores quibus fornicatio toleratur & exceptio ista probatur, legi naturæ adversantur, nec moralitatem actus immutant.

§. 325.

De adulterio cum propria uxore commisso. Si quis cum uxore sua concumbit, quam putat esse feminam aliam, adulterium committit. Qui enim putat, foeminam, cum qua concumbit, esse aliam, quam uxorem suam, is habet animum adulterium committendi (§. 318.), & propositum suum exequitur, cum ea concubiturus, etiamsi non esset uxor sua. Quamobrem quoad ipsum perinde est, ac si cum foemina alia, quam uxore sua rem haberet, consequenter concubitus ex parte ipsius aliter spectari nequit quam concubitus cum foemina alia, quam uxore sua. Quoniam itaque maritus adulterium committit, si cum foemina alia, quam uxore sua concumbit (§. 318.); si quis cum uxore sua concumbit, quam putat esse foeminam aliam, quam uxorem suam, adulterium committit.

Pertinet hæc propositio ad casus conscientiæ, quos tractant casuistæ, qui dicuntur. Et demonstratio insinuat modum, quo in aliis istiusmodi casibus definiendis sit procedendum. Casum autem propositionis præsentis non esse impossibilem facile agnoscitur, ut opus non sit eum per circumstantias particulares determinari.

§. 326.

De adulterio cum uxore aliena. Si quis cum uxore aliena, quam solutam esse præsumit, con-

cumbit.

concupiscit; adulterium non committit. Qui enim putat, *foemina cum uxore aliena* nam, cum qua rem habet, esse solutam, is non habet an- *non committit* xorem alienam concumbendi cum uxore aliena, consequenter ex par- te ipsius perinde est, ac si cum foemina soluta concumberet. Quoniam itaque concubitus cum foemina soluta adulterium non est (§. 318.); qui cum uxore aliena, quam solutam esse præsunit, concumbit, adulterium non committit.

Casus esto talis. Uxor Sempronii in lupanari subternitur ei, qui fornicandi animo huc accedit. Recte is præsunit, eam esse foeminam solutam, quales meretrices esse solent (§. 248. part. 2. Jur. nat.).

§. 327.

Si uxores communes sunt, adulterium committi nequit. Et- *An in com-* enim si uxores communes sunt, unicuique liberum est con- *mune ux-* cumbere cum foemina, cum qua libuerit (§. 285.), conse- *uorum lo-* quenter nulla contrahuntur matrimonia (270.), & ideo nec *cum habeat* conjuges dantur (§. 304.). Quoniam itaque adulterium *adulterium.* committi nequit nisi a conjuge vel cum conjuge, altero inscio ac invito (§. 318.); si uxores communes sunt, adulterium committi nequit.

Stante rerum communione nullum committi potest furtum, quippe quod supponit dominia esse introducta (§. 498. part. 2. Jur. nat.). Quamobrem cum adulterium ex parte ejus personæ, quæ torum alienum vitiat, cum furto conveniat (not. §. 322.); communio quoque uxorum locum non permittit adulterio. Quemadmodum vero furtum non tollitur nisi posita communione negativa; ita quoque nisi communio uxorum negativa arcet adulterium. Et hæc vigente proprie loquendo nec foemina, cum quibus coitur, uxores dici possunt (§. 282.). Uxores enim esse debere communes idem est ac nullas habere uxores, nisi quatenus consensu foemina ac maris in concubitum, sobolis procreandæ causa matrimonium momentaneum concipitur iniiri.

§. 328.

*Zelotypia
quid sit.*

Zelotypia dicitur ægritudo ex eo, quod alter potiatur eo, quod ipse concupiverit. Idiomate patrio appellatur *Eifer* sicut. Hinc *zelotypia conjugal*is est ægritudo conjugis unius ex eo, quod persona quædam alia concupiscat conjugem alterum, vel rem habeat cum ea. Ita maritus dicitur *zelotypus* ob ægritudinem ex eo, quod alius concupiscat uxorem suam, vel cum ea rem habeat: *uxor* dicitur *zelotypa* ob ægritudinem ex eo, quod maritus personam aliam concupiscat, vel cum ea rem habeat.

Definitionem *zelotypiæ* dedit *Cicero* lib. 4. *Tusc.* c. 8. Constat autem affectum vehementissimum esse *zelotypiam* conjugum, qui difficulter sedatur & cui difficillime resistitur, quamvis non semper sit ejusdem gradus. Quænam vero sint hujus diversitatis rationes, in præsentis non disquirimus, cum hæc disquisitio non sit præsentis instituti. *Experientia* docet, *zelotypiam* esse multorum malorum segetem, etsi quemadmodum affectus ceteri in se mala non sit, & legi naturæ convenienter ad bonum usum dirigi potest: id quod de affectibus ostendetur in univèrsam in *Philosophia* morali.

§. 329.

*An in com-
munione u-
xorū lo-
cum habeat
zelotypia.*

*Si uxores fuerint communes, nulla datur zelotypia conjugal*is. Quodsi enim uxores fuerint communes, unicuique liberum est, concumbere cum foemina, cum qua libuerit (§. 285.), ideoque fieri non potest, ut quis ægritudinem sentiat ex eo, quod alius concumbat cum foemina, cum qua ipse solus rem habere voluit ac debuit, nulla quippe societate conjugalī contracta (§. 270.). Quamobrem cum *zelotypia* conjugalis non concipiatur sine conjugio, in quo mari uni ad foeminam unam jus quoddam proprium est (§. 228. § 106. h. & §. 2. part. 2. *Jur. nat.*); si uxores fuerint communes, nulla datur *zelotypia* conjugalis.

Equi-

Equidem adhuc concipi potest aliqua zelotypia, quatenus quis ægre fert, quod quis concumbat cum femina, quam sibi solus habere mallet & contra; ea tamen diversa est a zelotypia conjugali, nec differt ab ea, quæ quoad res locum habet in communione rerum. Qui communionem uxorum matrimonio præferunt, lege naturæ repugnante (§. 286.), eam quoque hoc nomine commendant, quod adulterium & zelotypia per eam tollantur. Quamobrem cum Stoici voluerint affectus omnes eradicari & sapientem esse debere ab omni affectu liberum; mirum sane non est, quod voluerint, sapientum uxores communes esse debere, ita ut quis coëat cum ea, quæ prima occurrit.

§. 330.

Zelotypia inter prima naturæ referenda, & juri naturæ De zelotypia convenit. Videmus enim in animantibus brutis, quod ægre pia ad pri-ferant nec admittere velint coitum cum foemellis, cum qui-*ma natura bus coire consueverunt, vel quas procreandæ ac educandæ referenda.* sobolis socias sibi elegerunt. In casu priori exemplo sunt galli gallinacii; in posteriori passerres. Quoniam itaque prima naturæ sunt ea, ad quæ animalia instinctu quodam naturali feruntur (§. 80. *part. 2. Jur. nat.*); quin zelotypia inter prima naturæ referenda sit, dubitandum non est. *Quod erat unum.*

Quoniam prima naturæ cum jure naturæ consentiunt (§. 83. *part. 2. Jur. nat.*), zelotypia vero ad prima naturæ referenda, *per demonstrata*; eadem quoque per se juri naturæ convenit. *Quod erat alterum.*

Zelotypia conjugalis instinctus naturalis est, qui tendit ad fidem conjugalem sanctam rectamque conservandum, & hæc ratio affectum hunc dirigere debet. Maritus pati non debet, ut uxor fidem conjugalem violet, nec uxor, ut violet maritus. Utriusque cum sit æquale jus, cumque utrumque teneat eadem obligatio (§. 306.); quod maritus sibi fieri non vult ab uxore

sua, id nec eidem facere debet & contra (§. 98. *part. 1. Jur. nat.*). Quomodo vero omnium affectuum datur abusus per se iisdem non tribuendus; ita etiam zelotypiæ per se tribuendum non est, quod ab abusu venit.

§. 331.

*Pellicatus
quid sit.*

Pellices dicuntur fœminæ, quas maritus præter uxorem concubitus causa habet. Atque ideo *pellicatus* est pactum, quod maritus, qui adhuc uxorem habet, cum fœminis aliis inquit de usu corporis sui ad concubitum sibi concedendo.

Differt itaque pellicatus a polygynia, quod fœminæ, quas quis concubitus causa habet, non æquiparentur uxori, nec liberi ex iisdem natis illis, qui ex uxore nascuntur, cum in polygynia uxores ac liberi omnes æquales sint, quia idem pactum conjugale cum omnibus ac singulis inquit. Pactum vero, quod cum pellice inquit, conjugale non est, neque enim eodem sine contrahitur pellicatus, quo matrimonium.

§. 332.

An sit licitus.

Quoniam pellices alit, qui uxorem habet (§. 331.), per concubitum cum iisdem non solum procreationem, sed primario voluptatis venereæ perceptionem intendit, consequenter cum omni concubitus, qui solius voluptatis causa appetitur, illicitus sit (§. 240.); *pellicatus illicitus est.*

Qui pellices habet, non aliter iis utitur, quam meretricibus: meretrices tamen proprie dici nequeunt pellices, cum non plures ad secum concumbendum admittant, quemadmodum meretrices (§. 241.), sed tantummodo rem habeant cum uno.

§. 333.

Num sit adulterium.

Concubitus cum pellice adulterium est. Est enim concubitus mariti cum fœmina alia, vel fœminis pluribus solutis (§. 331.). Enimvero concubitus mariti cum fœmina quadam

dam soluta adulterium est (§. 318.). Concubitus itaque cum pellice adulterium est.

Non obstat, quod cum pellice ineatur pactum de corporis sui usu sibi concedendo, quod assimulatur pacto conjugali (§. 305.). Cum enim pactum hoc illicitum sit (§. 332.); naturaliter nullum est, consequenter si quis cum pellice sua coit, perinde est, ac si cum foemina alia soluta coiret. Quodsi excipias ubi pellicatus moribus receptus maritum uxori non promittere, quod ipsi soli usum corporis sui concedere velit, consequenter concubitus cum pellice non esse contra matrimonium, nec fidem violari conjugalem per eundem, ac ea de causa pro adulterio habendum non esse (§. 320.). Etenim naturaliter promissio facta intelligitur, nec nisi lege naturae invitatus maritus sibi reservare potest jus usum corporis sui concedendi etiam foeminis aliis. Sane sicuti fornicatio mariti adulterium est (§. 324.), nec maritus sibi reservare potest jus fornicandi; ita quoque concubitus cum pellice adulterium est, nec maritus sibi reservare potest jus habendi pellices: jus, quod non datur, nec reservari potest.

§. 334.

Stuprum est concubitus cum foemina soluta, sive virgine, *Stuprum* sive vidua, quae pluribus sese non prostituit, consequenter *quid sit & virgo, vel vidua stuprata meretrix non est* (§. 241.). Dicitur *eius species*: ideo ad differentiam meretricis *Virgo*, vel *vidua deflorata* vel etiam *stuprata*. Est autem *stuprum voluntarium*, in quod foemina consentit: *Stuprum vero violentum* appellatur, quando virgo, vel vidua vi stupratur. Qui puellam, vel viduam stuprat, *stuprator* vocatur; sive voluntarium fuerit stuprum, sive violentum.

Vulgo dici solet stuprum esse concubitus cum virgine, vel vidua honesta: tum vero honesta censetur ea, quae pluribus si-
ve quassus, sive voluptatis venereae percipiendae causa pluri-
bus

bus sese non prostituit, sed nonnisi persuaderi sese patitur, ut in concubitum consentiat.

§. 235.

An stuprum sit licitum.

Quoniam facile patet, stuprum non committi sobolis procreandæ ac educandæ causâ, cum tunc naturaliter matrimonium contraheretur (§. 270.), sed solius voluptatis venereæ percipiendæ causâ, præsertim cum plerumque foeminæ concubitus persuadeatur, quod verendum non sit, ut concipiat prolem, sive voluptas ista tantummodo intendatur a stupratore, sive etiam a foemina, quæ se stuprari patitur, omnis autem concubitus, qui voluptatis venereæ percipiendæ causâ tantummodo appetitur, illicitus est (§. 240.); *stupro omne, tam voluntarium, quam violentum illicitum est, violentum tamen fœmina imputari nequit (§. 586. pars. 1. Phil. præf. univ.).*

Notandum vero fieri posse, ut stuprum inchoatum sit violentum, sed ut voluntarium consummetur: id quod fit, si virgo voluptatem in concubitu percipiens in ipso actu tandem consentit & stuprum consummatum approbat, minime autem de eo conqueritur ac luget. Nec stuprum erit violentum, si fœmina vi suppressa in ipso actu se præbet minime resistantem. Etenim aut ab initio dissensum saltem simulat, aut dum ad actum venit, mutata mente, in eum consentit. Dissensus ex actibus externis fœminæ colligendus, vis vero, cui fœmina resistere nequit, ex actibus stupratoris. Sed quomodo actus isti innotescant, cum solus cum sola rem habeat, nostrum jam non est inquirere.

§. 336.

An stuprum

Si quis meretricem vi suppressit, vel quia de mercede concubitus in venire nequit, vel quia ipsum admittere non vult, cum tamen meretricem cubitus non recuset cum aliis; stuprum violentum non committitur. Patet enim in hypothese propositionis præsentis fœmina,

tur.

nam,

nam, quæ pluribus sese prostituit (§. 241.), non tam cogi ad coitum, quem averfatur, quam refiftentia lucrum, vel aliud quid intendere, in quod confentire, vel quod pati non vult fornicator. Quamobrem cum ftuprum non committatur nifi in virginem, vel viduam, quæ pluribus sese non proftituit (§. 334.), nec violentum fit ftuprum, nifi in quod fœmina confentire non vult, ac quæ ideo vi ftupratur (§. cit.); fi quis meretricem vi comprimit, vel quia de mercede convenire nequit, vel quia ipfum admittere non vult, cum tamen concubitus cum aliis non recuset, ftuprum violentum non committitur.

Si vel maxime in ftatu civili, ubi fornicationi pœna ftatuitur, ratio aliquando habenda fit vis a fornicatore meretrici illatæ ad impetrandum coitum; violenta tamen fornicatio plurimum differet a ftupro violento, quippe cum virgo & vidua ftupratori refiftendo defendat pudicitiam, cui vis inferitur, minime autem meretrix, quæ pudicitia nullam rationem habet. Ob læfam autem pudicitiam ftuprum violentum a voluntario diftinguitur.

§. 337.

Si meretrix vi opprimatur, ut venus præpoftera cum eadem exerceri poffit; hac ipfi imputari nequit. Quando venus præpoftera diverfa fit a copula carnali (§. 312.), quæ in conjunctione corporum maris ac fœminæ confiftit, qualis ad generationem requiritur (§. 309.); meretrix ideo, quod pluribus sese prostituit (§. 241.), fi vel maxime quæftus caufa id fiat, non tamen habet animum patiendi, ut venus præpoftera fecum exerceatur. Quodfi ergo vi opprimatur, ut eadem cum ipfa exerceri poffit; coacte patitur, ut exerceatur & actio privativa ejus coacta eft (§. 579. pars. 1. Phil. præf. univ.). Quamobrem cum actio etiam privativa coacta ne-

Quando venus præpoftera meretrici imputari nequeat.

Gg mini

(Wolffii Jur. nat. Pars VII.)

mini imputari possit (§. 586. *part. 1. Phil. pract. univ.*); meretrici imputari nequit venus præpostera, quæ cum vi oppressa exercetur.

Quamvis meretrices castæ non sint (§. 241. 251.), non tamen propterea proni sunt ad omnes actus castitati adversos. Vis igitur adhuc locum habet in iis, quæ a fornicatione propriæ sic dicta recedunt.

§. 338.

De meretrice Si femina de mercede pro concubitu solvenda cum fornicatore præsumpsit paciscitur, nec eum admittit, nisi ubi de eadem fuerit conventum & donatione tum; meretrix præsumpsit & concubitus fornicatio est: non tam stuprica causa, men fornicatio, sed stuprum est, si virgo, vel vidua donis se per moveri patitur, ut in concubitum consentiat, vel eodem peracto donum sponte oblatum accipit. Quando enim femina pro mercede fornicatorem ad concubitum admittit; cum quæstum corporis sui faciat, nulla sane ratio est, cur non etiam alios admissura sit eandem mercedem solvere paratos. Quamobrem cum meretrix sit, quæ plures ad secum concubendum admittit (§. 241.); si femina de mercede pro concubitu solvenda cum fornicatore paciscitur, nec eum admittit, nisi ubi de mercede fuerit conventum, meretrix præsumpsit (§. 244. *part. 2. Jur. nat.*). *Quod erat primum.*

Quoniam itaque qui cum ea concumbit, tanquam cum meretrice rem habet, qui vero cum meretrice concumbit fornicatur (§. 241.); femina fornicatorem non admittente ad concubitum nisi pro certa mercede, de qua conventum fuerat, concubitus fornicatio est. *Quo erat secundum.*

Enimvero cum virgini, vel viduæ stuprum sit persuadendum, consequenter opus sit motivis ad consensum ejus impetrandum (§. 889. *Psych. empir. & 658. part. 1. Phil. pract. univ.*);

univ.); si virgo, vel vidua donis se permoveri patitur, ut in concubitu consentiat, propterea quæstus gratia non pluribus sese prostituit, multo minus autem hoc facit, si concubitu peracto donum sponte oblatum accipit, ob quod in eum minime consensit, consequenter concubitus non fornicatio (§. 241.), sed stuprum est (§. 334.). *Quod erat tertium.*

Differunt omnino merces & munuscula ac munera five ante coitum, five post eundem data. Merces enim solvitur pro concubitu & de quantitate ejus convenitur. Munus vel munusculum, etsi detur propter concubitu, non tamen datur pro eodem, ac in arbitrio dantis est, quantum dare velit. Si detur, vel promittatur ante concubitu, benevolentia captatur: si detur post concubitu, animo remunerandi vel amorem significandi datur. Distinguendæ vero sunt meretrices a virginibus, vel viduis, quæ stuprantur. Quamvis enim non minus stuprum, quam fornicatio actus illicitus sit, non tamen idem, quoad feminam præsertim, vitium reputari debet. Sed vitii utriusque turpitudine intrinseca rectius in Philosophia morali declaratur.

§. 339.

Stuprator prolem educare naturaliter obligatur. Est enim *De obligati-* generator prolis, quod per se patet. Quamobrem cum lex *one stuprator-* naturæ obliget generatorem ad prolem suam educandum (§. 263.); stuprator quoque prolem educare naturaliter obli- *prolis.* gatur.

Lex naturæ non tantummodo obligat stupratorem ad alimenta præstanda, verum etiam ad omnem curam reliquam, quam educatio requirit (§. 255.).

§. 340.

Qui virginem vel viduam stuprat sub spe matrimonii, natu- Quando *raliter eam ducere obligatur.* Quodsi enim quis virginem, vel *stuprator* viduam stuprat sub spe matrimonii, is eidem promittit, quod *stupratam* *eam*

*ducere ob-
ligetur.*

eam ducere velit, nec foemina cum eo concumbit, nisi quia ducere vult, *per hypothesein*. Enimvero naturaliter obligamur promissa servare (§. 431. *part. 3. Jur. nat.*). Quamobrem etiam stuprator virginem, vel viduam ducere naturaliter obligatur, quam sub spe matrimonii stuprauit (§. 430. *part. 3. Jur. nat.*).

Limitationes, quæ adjici solent, si sint æqualis conditionis, aut foemina melioris, sunt juris positivi: natura enim homines omnes æquales sunt (§. 81. *part. 1. Jur. nat.*), inæqualitas deum nascitur ex statu civili. Neque excipere licet, stupratorem non habuisse animum promittendi, sed falsis saltem persuasionibus usum, ut foemina consentiret in concubitus: naturaliter enim contra promissorem pro vero habetur, quod promissor sufficienter indicat (§. 428. *part. 3. Jur. nat.*).

§. 341.

*Quando
non.*

Qui virgini, vel viduæ stuprata matrimonium non promissit, nec eam ducere obligatur. Quoniam enim nemo sese alteri perfecte obligare potest nisi promittendo (§. 393. *part. 3. Jur. nat.*); si stuprator foeminæ stuprandæ matrimonium non promittat, neque hac promissione consensum in stuprum impetret, nulla sane ratio est, cur ad eam ducendam sit obligatus (§. 56. *Ontol.*), consequenter eam ducere non obligatur (§. 70. *Ontol.*).

§. 342.

De liberis

Liberi Spuriis dicuntur, qui extra matrimonium prognati sunt, veluti ex stupro, aut adulterio. Et in specie *vulgo* *quoque* *quæstis* *quæsti* dicuntur, qui ex meretrice pluribus eodem tempore & legitimis sese prostituente nati sunt, consequenter quorum pater incertus est. Ex matrimonio autem nati *legitimi* vocantur.

In statu naturali originario vix attendenda est differentia inter liberos spurios atque legitimos. In Jure autem civili usum habet distinctio hæc.

§. 343.

§. 343.

Fornicator non obligatur educare prolem vulgo quæsitam. Li-
 beri enim vulgo quæriti nascuntur ex meretrice (§. 342.), *tor prolem*
 quæ cum plures ad concubitum admittat (§. 241.), & qui-
 dem eodem tempore (§. 342.), ipsa ignorat, ex quonam con-
 ceperit, consequenter generator prolis incertus est. Quo-
 niam itaque qui prolem genuit lege naturæ eam educare
 obligatur (§. 263.), propterea vero quis generator non est,
 quia cum foemina pluribus sese prostituyente fornicatus; ideo
 nec fornicator prolem vulgo quæsitam educare obligatur.

Facile pater, fieri etiam posse, ut ex meretrice nascatur
 proles, cujus pater certus est, si primum per istud tempus cum
 uno solo rem habeat, quo eam concepisse pater. Cessat ni-
 mirum tum ratio, cur fornicator prolem, quæ tunc vulgo quæ-
 sita dici nequit, nec ab aliis spuris distinguitur (§. 342.), edu-
 care non debeat, per consequens a naturali obligatione prolem
 suam educandi minime liberatur (§. 263.). Esi adeo fœmi-
 na, cum qua quis fornicatur, jam antea passa fuerit viros ali-
 os, & quamvis etiam postquam se gravidam esse novit, ali-
 os ad concubitum admittat, salva tamen manet obligatio ejus,
 ex quo eam concepisse certum est.

§. 344.

Pudicus dicitur, qui alienam libidinem non est per-
 pessus, seu usum corporis sui ad concubitum illicitum nulli
 concessit. Ex adverso autem *Impudicus* appellatur, qui usum
 corporis sui ad concubitum illicitum concessit, seu alieni li-
 bidini obtemperavit. Dicitur tamen de mare, quam de fœ-
 mina, sive soluta fuerit, sive uxor. Uxor itaque *pudica* est,
 quæ adulterium non commisit; *impudica* vero, quæ adulte-
 rium commisit. Ceterum facile patet, *pudicum* multo magis
 abhorre a concubitu omni, qui sit contra naturam, & venere propo-
 siera, & ex adverso magis *impudicum* esse, qui concubitu contra

naturam ac venere prapostera delectatur. Nec minus patet, pudicum averteri omnes actus, qui ad concubitum illicitum sollicitant, seu venereos (§. 248.), impudicum vero iisdem delectari.

Ita pudicus erat *Josephus*, qui concubitum cum uxore *Pottipharis* averfabatur, ad quam ab ea sollicitabatur: uxor vero hic impudica erat.

§. 345.

Pudicitia & *Impudicitia* *quid sit.* *Pudicitia* dicitur animus ab omni concubitu illicito alienus: ex adverso vero *Impudicitia* animus in concubitum illicitum pronus. Utraque tam mari, quem foeminae tribuitur.

Quoniam animus ex actibus externis colligendus, qui per se in sensum non incurrit; pudicitia tamdiu tribuitur foeminae, quamdiu usum corporis sui ad concubitum nemini concessit.

§. 346.

Virgo & *virginitas* *quid sit.* *Virgo* vocatur foemina, quae nunquam cum mare concubuit. A Patribus Ecclesiae *Virgines* quoque dicuntur marres, qui nunquam cum foemina concubuerunt: id quod nec a patrio loquendi usu abhorret. Unde *Virginitas* appellatur non usus membrorum genitalium ad cocundum cum mare. Itaque *virginitas tamdiu retinetur, quamdiu membrorum genitalium nullus factus est usus* & amittitur in primo concubitu. A Patribus virginitas etiam tribuitur maribus.

Differt itaque virginitas a pudicitia, quia haec refertur ad concubitum illicitum, illa autem ad omnem, sive is licitus fuerit, sive illicitus. Unde etiam amittitur virginitas per copulam carnalem uxoris atque mariti, & quam primum uxor cum marito concubuit, virgo esse desinit. Hinc porro intelligitur, quod perpetuam virginitatem voveat, qui Deo pollicetur, quod nunquam usum facere velit membrorum genitalium (§. 460. *part. 3. Jur. nat.*). Non tamen satis apte dicitur is vovere perpetuam castitatem, quia castitati non obest con-

concubitus licitus conjugum (§. 251. 269.). Quando vero votum virginittis & votum perpetuæ castitatis pro synonymis habentur, votum perpetuæ castitatis sumi debet tanquam terminus complexus, qui vocabuli unius vicem sustinet, & cui ideo pro arbitrio significatus certus attribui potest, ut hic valeat, quod recte statuitur, necesse non esse, ut nomina convenient rebus suis.

§. 347.

Quoniam virginitas amittitur in primo concubitu (§. De virginitate 346.), stuprator vero virginis cum ea concumbit (§. 344.); *sate orbata. Stuprator virginis eam virginitate orbat.*

Contingit hoc, siue stuprum sit voluntarium, siue violentum, quamvis hæc intercedat differentia, quod stuprator violentus orbando virginem virginitate sua eidem injuriam faciat, quippe quam invitæ eripit, in stupro autem voluntario virgini violenti injuria non fiat.

§. 348.

Femina ac mares obligantur pudicitiam conservare. Obligantur enim abstinere ab omni concubitu illicito (§. 170. *sia conservare. 1. Phil. præf. univ.*), consequenter habere animum ab omni concubitu illicito alienum. Quamobrem cum pudicitiam conservet, qui retinet animum ab omni concubitu illicito alienum (§. 345.), foemina ac mares pudicitiam conservare tenentur.

Quoniam tam personis solutis, quam conjugatis pudicitia convenit (§. 345.); propositio præfens non minus de conjugibus, quam personis solutis intelligitur. Sunt equidem qui sibi persuadent, conservationem pudicitia tantummodo convenire sexui foemineo, mares autem, præsertim solutos, de ea conservanda non debere esse sollicitos: veruntamen qui vim demonstrationis vi antecedentium percipit, quantum iidem fallantur, abunde perspicit.

§. 349.

§. 349.

*De vitanda
impudicitia.*

Quoniam pudicitiam conservare tenemur (§. 347.), adeoque conservatio pudicitiae praecepta (§. 164. *part. 1. Phil. pract. univ.*); *impudicitia prohibita est* (§. 722. *part. 1. Jur. nat.*), adeoque vitanda.

Impudicitiam & studium conservandi pudicitiam sibi invicem contrariari, ex definitionum collatione patet (§. 345.). Poterat idem ex ipsa definitione impudicitiae demonstrari.

§. 350.

*De virginitate erepta
& pudicitia violata.*

Stuprator violentus virginitatem vi eripit, virginitasque vidua pudicitiam violat. Et enim stuprator violentus vi comprimit virginem (§. 334.), consequenter cum invita concubitus illicitus celebrat (§. 235.). Quamobrem cum in primo concubitu virginitas amittatur (§. 346.); stuprator violentus virginitatem vi eripit. *Quod erat unum.*

Quando virgo & vidua vi stupratur, in concubitus illicitus minime consentit (§. 334. 335.), sed animum retinet ab eo alienum in ipso actu (§. 345.). Quoniam itaque stuprum violentum pudicitiae repugnat, eandem vero violat, qui vim ei infert, quod per se patet; stuprator violentus pudicitiam virginis ac viduae violat. *Quod erat alterum.*

Pudicitia cum ad animam pertineat (§. 345.) non perinde ac virginitas eripi potest invitae. Vi tamen obtineri potest, ut femina patiatur fieri, quod pudicitiae ipsius repugnat, quatenus resistere nequit actui alterius, quem averfatur. Et hoc pacto vis infertur animo ipsius. Quamobrem cum violatio non concipiatur nisi vim inferendo, pudicitia vero sit animus a concubitu illicito alienus (§. *cit.*); pudicitia omnino violatur, quando femina vi comprimitur, ut secum concumbenti resistere minime possit, etsi maxime vellet.

§. 351.

§. 351.

Si quis uxorem alienam vi comprimit, concubitus cum ea An. uxor vi ex parte ipsius stuprum violentum est, non adulterium. Etenim compressa si uxor aliena vi comprimitur, in concubitu minime contra adulterium sentit, consequenter ex parte ipsius concubitus contra pa-
 ctum conjugale non est (§. 303.), cumque in ipso actu retineat voluntatem non concedendi usum corporis sui nisi marito, fidem conjugalem minime violat (§. 315.). Quoniam itaque ex parte personæ conjugatæ adulterium non est concubitus, qui non est contra pactum conjugale, nec violatio fidei conjugalis (§. 320.); si quis uxorem alienam vi comprimit, concubitus cum ea ex parte ipsius adulterium non est. *Quod erat unum.*

Quoniam uxor vi compressa nil facit, quod est contra pactum conjugale, nec fidem conjugalem violat per demonstrata; concubitus ex parte ipsius non differt a concubitu, qui committitur cum persona soluta vi compressa. Quamobrem cum concubitus cum persona soluta vi compressa stuprum violentum sit (§. 334.); si quis uxorem alienam vi comprimit, concubitus cum ea ex parte ipsius stuprum violentum est. *Quod erat alterum.*

Si uxor aliena vi comprimitur, in concubitu ex parte ipsius ratio non habenda est matrimonii. Hoc seposito, ex parte ipsius concubitus eodem prorsus modo sese habet, quam qui committitur cum fœmina soluta vi compressa. Nulla igitur ratio est, cur non in utroque casu concubitus ad eandem speciem referatur. Recte igitur in sermone vernaculo dicimus *Wethüchtigung* compressionem tam fœminæ solutæ, quam uxoris alienæ.

§. 352.

Quoniam concubitus cum uxore aliena vi compressa An uxori vi ex parte ipsius stuprum violentum est (§. 351.), stuprum autem compressa
 (Wolffii Jur. Nat. Pars VII.) Hh tem

concupitus imputari possit. tem violentum foeminae imputari nequit (§. 335.); *concupitus uxoris vi compressæ cum mare alio, quam marito suo, ipsi imputari nequit.*

Poterat idem independenter a propositione præcedente demonstrari ex eo, quod actio coacta privativa nemini imputari possit (§. 586. part. 1. *Phil. pract. univ.*). Concupitus iste nihil vitii habet a subiecto patiente; sed quicquid vitiosi inest, id omne venit ab agente.

§. 353.

De violatione pudicitiae uxoris alienae. Quia stuprator violentus foeminae, quam vi stuprat, pudicitiam violat (§. 350.), uxor autem aliena, quæ vi comprimitur, vi stupratur (§. 351.); *Si quis uxorem alienam vi comprimit, pudicitiam ipsius violat.*

Poterat idem eodem modo ostendi, quo idem de virgine ac vidua vi stuprata demonstravimus (§. 350.).

§. 354.

De jure defendendi pudicitiam. *Fœmina, quæ vi comprimitur, competit jus pudicitiam defendendi & hoc jus infinitum est.* Etenim quælibet foemina pudicitiam conservare obligatur (§. 348.). Quamobrem cum vi foeminam comprimens eam impedire conetur, quo minus eam conservet, consequenter eandem lædere conetur (§. 676. part. 1. *Jur. nat.*), lex naturæ eidem dat jus resistendi læsionem intentanti (§. 159. part. 1. *Phil. pract. univ.*). Enimvero actio, qua resistitur læsionem intentanti, ut quis eam, quantum in se est, avertat, defensio est (§. 972. part. 1. *Jur. nat.*). Lex igitur naturæ foeminae, quæ comprimitur, dat jus pudicitiam suam defendendi. *Quod erat unum.*

Enimvero, hoc jus defendendi esse infinitum, eodem modo demonstratur, quo ostendimus jus defendendi se (§. 978. part. 1. *Jur. nat.*), & res suas infinitum esse (§. 694. part. 2. *Jur. nat.*). *Quod erat alterum.*

Defen-

Defensio pudicitiae primis naturae convenit: videmus enim feris infitum, copulam suam extrema ratione defendere. Exemplo sunt tauri, arietes, equi. Vulgo hæc redditur ratio, pudicitiam vitæ adæquari communi æstimatione, sed non ostenditur, æstimationem hanc recte fieri. Non satis itaque evidens est, utrum a defensione vitæ ad defensionem pudicitiae recte argumentemur. Jus igitur defendendi pudicitiam ex evidenti bus Juris naturæ principiis deducere maluimus.

§. 355.

Quoniam jus pudicitiam defendendi infinitum est (§. An violentum supra- 354.), in genere eidem limites præscribi non possunt, sed tum supra- iidem demum ex circumstantiis præsentibus præfiguntur (§. torem occi- 977. part. 1. Jur. nat.), consequenter in-stupratorem violent- de re liceat. tum tantundem licet, quantum ad violationem pudicitiae averten- dam sufficit, adeoque pudicitiae defensio licita etiam cum inter- fectione stupratoris violenti, si aliter periculum evitari non possit.

Interfectio stupratoris violenti ad homicidium necessarium refertur, quod sui defendendi gratia committitur (§. 1021. part. 1. Jur. nat.). Potest homicidium necessarium in genere definiti, quod sit illud, quod defensionis causa committitur. Ubi ergo defensio cum interfectione periculum intentantis licita; ibi quoque homicidium necessarium locum habet.

§. 356.

Quia jus defendendi pudicitiam perinde infinitum est Defensio pa- (§. 354.), ac jus se defendendi (§. 978. part. 1. Jur. nat.), jas dicuntur qua- defendendi pudicitiam suam juri se defendendi æquiparatur, ac in- terius æqui- primis juri defendendi vitam & corpus suum (§. 1013. part. 1. paretur Jur. nat. & §. 355. h.) defensione

Quæ igitur de defensione sui, ac in specie corporis sui demonstrata sunt in parte prima, ea etiam ad defensionem pudicitiae applicari possunt, ut ideo de hac plura dicenda non sint. Ceterum hinc patet defensionem pudicitiae defensioni vitæ æ-

quiparari; non tamen hinc inferre licet pudicitiam æquiparari vitæ.

§. 357.

De jure & obligatione defendendi pudicitiam alienam. Cuilibet homini non modo competit jus pudicitiam alienam defendendi; verum quilibet etiam obligatur ad eam defendendam, quantum in potestate sua est, si fœmina, cui vis inferitur, ipsa sibi non sufficit. Ostenditur eodem modo, quo idem de defensione alterius demonstravimus §. 990. part. 1. Jur. nat.), modo notes, violationem pudicitie esse læsionem.

Defensor pudicitie alienæ induit personam fœminæ, cui vis intentator, ut perinde sit ac si se adversus aggressorem violentum defenderet, cum jus defendendi pudicitiam juri se defendendi æquiparetur. Unde haud difficulter determinatur ex circumstantiis præsentibus, quantum eidem liceat in casu dato.

§. 358.

De jure ac obligatione defendendi pudicitiam uxoris, matris, filie, sororis. Quoniam homini cuilibet non modo competit jus defendendi pudicitiam alienam, verum etiam is obligatur ad eam defendendam, quantum in potestate sua est, si fœmina sibi non sufficit (§. 357.); multo minus dubitari potest, quin etiam marito ac filio competat jus defendendi pudicitiam uxoris & matris, & patri ac fratri jus defendendi pudicitiam filie ac sororis, immo maritus ac filius obligatur ad pudicitiam uxoris & matris, pater atque frater ad pudicitiam filie & sororis defendendam, quantum in potestate est.

Addimus restrictionem, quantum in potestate est: neque enim obligamur ad ea, quæ vires nostras excedunt, aut prorsus impossibilia sunt (§. 109. part. 1. Phil. pract. univ.). Ergo si milites nefanda in bello licentia uxorem in præsentia mariti, filiam vel sororem in præsentia patris, vel fratris stuprent; facie patet, inermes vi armatæ resistere non posse, consequenter defensionem pudicitie uxoris, vel filie, ac sororis non esse in

Se in potestate mariti, vel patris, aut fratris. In istiusmodi igitur casu patienter ferenda, quæ mutari non possunt (§. 593. part. 1. Jur. nat.).

§. 359.

Fœmina vi stuprata naturaliter competit jus puniendi stupratorem violentum. Quoniam enim fœmina pudicitiam suam conservare tenetur (§. 348.), stuprator violentus pudicitiam ejus violando (§. 353.) ipsam lædit (§. 676. part. 1. Jur. nat.). Quoniam itaque cuilibet homini natura competit jus puniendi eum, qui ipsum lædit (§. 1061. part. 1. Jur. nat.); fœminæ quoque vi stupratæ naturaliter competit jus puniendi stupratorem violentum.

De jure puniendi stupratorem violentum

Si fœmina vi stupratur, defunt ei vires ad pudicitiam defendendam adversus stupratorem violentum, & non adest alius, qui eam defendere possit, aut velit. Pati igitur cogitur, ut stuprum ipsi inferatur. Non tamen æquo animo id ferre tenetur, cum nemo pati teneatur, ut alius ipsum lædat (§. 913. part. 1. Jur. nat.), consequenter nec fœmina, ut pudicitia ipsius violetur. Stupratione violenta jus securitatis fœminæ cuilibet natura competens violatur (§. 917. 918. part. 1. Jur. nat.), quod aliter nisi pœnis defensionis nequit, quemadmodum abunde patet per ea, quæ de jure puniendi demonstrata sunt (§. 1061. Et seqq. part. 1. Jur. nat.).

§. 360.

Quoniam fœminæ vi stupratæ naturaliter competit jus puniendi stupratorem violentum (§. 359.), si quis vero ei, qui ipsum lædit, puniendo non sufficit, alii cuicunque ejus loco pœnam sumendi, vel in puniendo altero ipsum adjuvandi, qui potest (§. 1069. part. 1. Jur. nat.); si fœmina vi stuprata stupratori violento puniendo non sufficit, alii cuicunque ejus loco eandem puniendi, vel in puniendo illam adjuvandi, qui potest.

Quando stuprator violentus puniri possit ab alio.

Jus puniendi stupratorem violentum ob violatam pudicitiam in hoc convenit cum jure pudicitiam alicuiam defendendi (§. 357.)

§. 361.

Quod puniri possit a bet, qui punire potest (§. 360.); multo minus dubitandum est, marito, pa- quod eundem quoque punire possit naturaliter maritus si uxor; tre, filio, fra filius, si mater; pater, si filia; frater, si soror, vi fuerit com- pressa.

Hoc jus competit in statu naturali: quid vero conveniat statui civili, suo ostendetur loco.

§. 362.

De jure ma- Merito competit jus defendendi jus suum in corpus uxoris riti defen- adversus adulterum in ipso actu deprehensum. Marito compe- dendi jus in tit jus proprium in corpus uxoris (§. 306. h. & §. 2. part. 2. Jur. uxorem ad- nat.), consequenter adulterium committitur contra jus ipsius versum adul- (§. 239. part. 1. Phil. pract. univ.). Enimvero unicuique com- terum. petit jus perfectum non patiendi ut alter ipsum lædat (§. 913. part. 1. Jur. nat.), consequenter ut quid faciat contra jus ipsius (§. 920. part. 1. Jur. nat.). Quamobrem etiam marito competit jus non patiendi, ut adulterium cum uxore sua committatur. Competit ergo ipsi jus impediendi, ne adulterium committatur (§. 726. Ontol.). Quamobrem cum jus suum defendat, qui impedire conatur, ne quid contra id fiat (§. 672. part. 1. Jur. nat.); marito competit jus defendendi jus suum in corpus uxoris adversus adulterum in ipso actu deprehensum.

Defensio ista locum habet non minus in adulterio voluntario, quam violento, in hoc autem concurrit cum jure defendendi pudicitiam uxoris, de quo modo diximus (not. §. 358.). Adulterium vel intentatur, vel inchoatum est, vel consummatum

tum, dum maritus adulterum apprehendit. Si adulterium jam consummatum, jus suum maritus defendere amplius nequit: quicquid igitur facit, adulterio consummato ad defensionem non pertinet. Quando adulterium intentatur, defensio tendit ad impediendum, ne inchoari possit, veluti si adulter in eo est, ut penem in vaginam immitrat, ne possit immittere; vel si in eo est, ut lectum conscendat, ne possit conscendere. Adulterium inchoatur cum copula carnali (§. 309.). Quando itaque adulterium inchoatum est, defensio tendit ad dissolvendam copulam carnalem & ad impediendum, ne semen intra vaginam ejaculetur: facta nimirum ejaculatione, adulterium consummatum, etiamsi copula carnalis nondum dissoluta. Hinc vero dijudicandi sunt actus ad defensionem juris requisiti pro circumstantiis datis, ne in ea excedatur: zelotypia enim facile suadet excessum (§. 328.).

§. 363.

Uxori naturaliter competit jus defendendi jus suum in cor- De jure uxoris mariti adversus adulteram in actu deprehensam. Etenim uxor perinde competit jus in corpus mariti, quemadmodum dendi jus suum marito in corpus uxoris, idque proprium (§. 306. b. & §. 2. *um in mari- part. 2. Jur. nat.*). Unde porro eodem prorsus, quo ante (§. *tum adver-* 362.) modo ostenditur, uxori naturaliter competere jus de- *sus adulte-* fendendi jus suum in corpus mariti adversus adulteram in *ram.* actu deprehensam.

Quæ modo annotavimus ad propositionem præcedentem, ea quoque de præsentī notanda sunt. Loquimur autem hic de jure uxori competente, non vero de executione juris, consequenter minime attenduntur difficultates, quæ in eadem obijciuntur, nec de eo jam quæstio est, utrum uxor eadem facilitate jus suum adversus adulteram defendere possit, quo maritus adversus adulterum, nec ne. Zelotypia incirat ad defensionem juris sui adversus adulteram, ne tamen in ea excedatur, ratio affectum moderare debet. Justa vero defensio, quam ratio

tio

tio dicitur, æstimanda ex iis, quæ ad propositionem præcedentem annotavimus,

§. 364.

De jure puniendi adulteri. *Marito competit jus puniendi adulterum; uxori autem jus puniendi adulteram.* Adulter enim injuriam facit marito (§. 322.), adultera vero uxori (§. 323.). Enimvero natura homini competit jus puniendi eum, qui ipsi injuriam facit (§. 549. *part. 2. Jur. nat.*). Ergo marito competit jus puniendi adulterum, uxori autem jus puniendi adulteram.

Hoc jus puniendi adulterum, vel adulteram concurrît cum jure defendendi jus suum adversus adulterum, vel adulteram. si adulter, vel adultera deprehenditur in actu attentato, vel inchoato, nondum vero consummato (§. 362, 363.). Quamobrem vis, quæ tunc infertur adultero, vel adulteræ, æstimanda est ex utroque jure, vi eorum, quæ in parte prima de jure defendendi atque puniendi demonstrata fuerunt.

§. 365.

Lenocinium quid sit. *Leno dicitur, qui quæstus causa stupra, fornicationes & adulteria promovet.* Unde *Lenocinium* est studium quæstum sibi faciendi ex stupris, fornicationibus & adulteriis promovendis.

Ubi fornicatio habetur pro re licita, lenones quoque tolerantur, qui ex fornicationibus quæstum sibi faciunt. Alunt nimirum meretrices, quas pro mercede conventa fornicatoribus prostituunt. Ita Sinensum lenones, referente *Nieubovio* in Legat. Batav. ad Sinæ Imperat. part. ult. f. 24. 25. universam Sinam meretricio comitatu peragunt, & ubi conductorem certo pretio reppererunt, scortum a fino impositum facie serico velata ad eum adducunt. Juvenculas formosas parentibus e plebe auro eblandiuntur, & salsando, cantando aliisque lascivis erudiunt & alunt, ut procis sint gratiores. Prostibula quoque sua lenones inter se velut mercem permutant. Ex definitione autem patet, lenonibus quoque accensendos esse maritos

maritos atque parentes, qui uxores & filias suas quæstus causa prostituunt.

§. 366.

Lenocinium naturaliter illicitum. Quoniam stupra (§. 335.), *Lenocinium* fornicationes (§. 241.) & adulteria naturaliter illicita sunt *an sit licitum* (§. 320. & seqq.); stupra, fornicationes & adulteria promovenda (§. 711. 713. *part. 1. Jur. nat.*), consequenter quæstum ex iis promovendis sibi facere non licet. Quamobrem cum leno ex stupris, fornicationibus & adulteriis promovendis quæstum sibi faciat (§. 365.); lenocinium naturaliter illicitum est.

Lenocinia plurimum a se invicem differunt, sive personas spectes, quæ prostituuntur, sive modum, quo corrumpuntur, ut se prostituere patiantur, sive etiam modum, quo quæstum sibi facit leno. Ast hæc differentia attendenda non venit, ubi tantummodo ostendendum, quod lenocinium sit illicitum, non vero quæritur, quænam sit ejus turpitudine naturalis, sicuti in Philosophia morali, nec an & quomodo id sit puniendum, sicuti in Philosophia civili, aut jure positivo criminali.

§. 367.

Quamprimum mas & femina sibi invicem declararunt voluntatem suam de sobole conjunctis viribus procreanda & educanda; matrimonium naturaliter perfectum est, seu idem perficitur mutuo consensu: consummatur vero per copulam carnalem. *Quomodo* Matrimonium enim pactum est, quod mas & femina *an perficiatur & consummatur.* ineunt de sobole procreanda & educanda (§. 270.), mare feminae & femina mari promittente, quod corporis sui usum generationis causa sibi invicem concedere velint, & quod ambo ad educationem prolis conferre velint, quod possunt (§. 305.). Quamobrem cum ex promissione nascatur obligatio mutua sibi invicem concedendi usum corporis ad
(*Wolffii Jur. Nat. Pars VII.*)

II

pro-

prolis generationem (§. 363. *part. 3. Jur. nat.*); quamprimum mas & foemina sibi invicem voluntatem suam de eo declararunt, matrimonium naturaliter perfectum est, atque ideo idem mutuo maris ac foeminae consensu perficitur (§. 658. *part. 1. Phil. pract. univ.*). *Quod erat unum.*

Quando vero copula carnalis accedit, mas & foemina sibi invicem actu concedunt corporis sui usum promissum (§. 309.), atque ideo utraque pars patitur, ut altera jus in se translatum exerceat (§. 306.), consequenter jus in se translatum tradere intelligitur (§. 39. *part. 3. Jur. nat.*). Quamobrem matrimonium mutuo consensu perfectum *per demonstrata*, per copulam carnalem consummatur. *Quod erat alterum.*

Jure Saxonico matrimonium consummatur per consensum thalami, vel quia copula carnalis ex ea praesumitur, vel quia thalamo consensu copulae carnalis physica potentia adest, ut scilicet jure suo uti possint personae conjugatae, & hujus causa thalamus conscenditur.

§. 368.

*Quando
matrimonium consum-
mandum.*

Quoniam naturaliter matrimonium statim perfectum est, quamprimum consensus mutuus declaratus, per copulam vero carnalem idem consummatur (§. 367.), nihil vero obstat, quo minus perfectum statim consummetur, quod per se patet; *naturaliter copula carnalis ad declarationem consensus mutui statim accedere potest, immo si quis concubinum petis sub conditione matrimonii & foemina in eundem consensit, cum concubitu acceptet sub conditione matrimonii, consequenter ipso facto consensum in matrimonium declarat (§. 2. part. 3. Jur. nat.), eodem actu matrimonium & perficitur, & consummatur.*

Hæc nimirum ita obtinent in statu naturali. Juris itaque mere positivi est, quod mutuo consensu in matrimonium de-
cla.

clarato copulæ carnali non statim fit locus, nec matrimonium uno actu & perfici, & consummari possit. Rationes hujus juris desumuntur a statu civili, de quibus suo loco. E. gr. Si in statu naturali Sempronius dicat ad Cleliam: concumbe mecum, eris mihi uxor, & Clelia concubirum cum Sempronio celebrat, promissione ipso facto acceptata & conditione adimpleta, Clelia est uxor Sempronii, & matrimonium perfectum est atque consummatum.

§. 369.

Sponsalia dicuntur pactum de matrimonio ineundo. *Sponsalia* Quamobrem cum sine mutuo consensu pactio nulla fiat (§. quid sint. 819. part. 3. Jur. nat.); si *sponsalia* celebrantur, mas & femina sibi invicem declarant, quod matrimonium inire velint. Iisdem celebratis mas dicitur *sponsus*, femina *sponsa* vocatur.

In statu civili opus sponsalibus, quatenus matrimonium contrahi nequit nisi publica declaratione consensus, legibus definita aut moribus probata, quemadmodum suo loco videbimus. Quoniam itaque in statu naturali matrimonium perficitur mutuo maris & feminae consensu sibi invicem declarato (§. 367.), & statim copula carnalis accedere, immo per eandem uno eodemque momento & matrimonium perfici & consummari potest (§. 368.); sponsalibus vix locus esse videbatur in statu naturali. Enimvero cum pactio etiam fieri possit de pacto alio ineundo, veluti de vendendo sibi prædio; nil sane obstat, quominus etiam pactio fiat de matrimonio ineundo.

§. 370.

Quoniam sponsalia sunt pactum de matrimonio ineundo (§. 369.), pacta vero naturaliter obligant (§. 789. part. 3. sponsaliorum. Jur. nat.); *sponsus* *sponsa* & *sponsa* *sponso* obligatur ad matrimonium ineundam, prouti conventum fuerit, nimirum si promissio pure facta, statim obligatur; si in diem, ubi dies venerit (§. 501. part. 3. Jur. nat.); si conditionata, conditione existente (§. 478. part. 3. Jur. nat.).

Sponsalia pura parum differunt a pacto conjugali, nisi in eo, quod si matrimonium fuerit contractum, ejus consummatio statim exigí possit, nisi de ea specialiter quid fuerit conventum, aut si sponsalia pura fuerint celebrata, exigí saltem possit, ut matrimonium perficiatur: quod ubi fit, de ejus consummatione demum conveniri potest. Qui matrimonium contraxit, obligatur ad idem consummandum; qui sponsalia contraxit, ad matrimonium contrahendum. Consensu mutuo efficitur conjunctio animorum, copula autem carnali fit conjunctio corporum (§. 309.).

§. 371.

*Tractatus
sponsaliti
quid sint.*

Tractatus sponsaliti sunt deliberationes de matrimonio incundo.

Nimirum tractatus in genere sunt deliberationes de pacto aliquo ineundo (§. 906. *part. 5. Jur. nat.*). Quamobrem cum sponsalia sint pactum de matrimonio ineundo (§. 369.); tractatus sponsaliti dicuntur deliberationes de matrimonio ineundo.

§. 372.

*An sint obli-
gatorii.*

Quoniam tractatus sponsaliti sunt deliberationes de matrimonio incundo (§. 371.), per consequens tractatus (§. 906. *part. 5. Jur. nat.*), ex tractatibus autem nulla nascitur obligatio (§. 908. *part. 5. Jur. nat.*), nec quisquam jus aliquod acquirere valet, quod ante non habet (§. 909. *part. 5. Jur. nat.*): ex tractatibus sponsalitiis nulla nascitur obligatio, nec ex iis jus aliquod acquiritur nisi in faciem, nec faciem in marem, consequenter tractatus minime obstant, quo minus iis nondum absolutis mas vel faciem matrimonium cum alia persona inire, immo in statu naturali per copulam carnalem idem statim consummare possit (§. 368.), vel etiam sponsalia celebrare (§. 369.); matrimonio autem cum alia persona perfecto, vel sponsalibus celebratis tractatus abrumuntur (§. 789. *part. 3. Jur. nat. & 370. h.*).

Nimirum quando tractatibus adhuc durantibus persona alteru-

tra

tra pactum conjugale, vel sponsalitiū init cum persona alia, nihil fit contra jus alterius (§. 239. *part. 1. Pbil. pract. univ.*), & per consequens nullam ei injuriam facit (§. 859. *part. 1. Jur. nat.*).

§. 373.

Si bina sponsalia celebrantur, priora præferantur posterioribus. De binis
 Celebratis enim sponsalibus, sponsus sponsæ obligatur ad ma- *sponsalibus*
 trimonium incundum, & contra (§. 370.). Quamobrem *celebratis.*
 cum nemo ab obligatione sua, quam contraxit, seipsum liberare possit (§. 674. *part. 3. Jur. nat.*); personæ desponsatæ liberum non est, alii sese obligare ad matrimonium incundum, consequenter cum ea sponsalia celebrare (§. 369. *h. & §. 788. part. 3. Jur. nat.*). Sponsalia igitur posteriora nullo jure facta valida non sunt, consequenter priora posterioribus præferuntur.

Nimirum persona desponsata sponsalia adhuc cum alia celebrans promittit, quod promittere non potest, cum quod promittit præstare non possit. Tenetur enim matrimonium contrahere cum persona sibi jam ante desponsata (§. 370.), cum duabus autem matrimonium contrahere nequit (§. 283. 302.). Perinde igitur est, si persona jam desponsata sponsalia adhuc cum alia celebrat, ac si promitteret factum, quod vires suas transcendit: qualis promissio invalida est (§. 636. *part. 3. Jur. nat.*).

§. 374.

Si persona, in cujus præjudicium bina sponsalia celebrata, jus su-
um remittere velit; sponsalia posteriora valida fiunt. Quando ea
 cum sponsus sponsæ obligetur ad matrimonium incundum & *possint.*
 contra (§. 370.), sponsæ competit jus cogendi sponsum, ut
 matrimonium cum ipsa ineat & contra (§. 23. *part. 1. Jur. nat. & §. 789. part. 3. Jur. nat.*). Enimvero quilibet jus suum remittere potest, quando nihil fit contra jus tertii (§. 117.

part. 3. Jur. nat.). Quamobrem cum jus tertii hic nullum adsit, persona quoque desponsata, in cujus præjudicium alia sponsalia fuerunt celebrata, jus suum remittere potest. Enimvero quamprimum jus tuum remittis, debitor ab obligatione sua liberatur (§. 97. *part. 3. Jur. nat.*). Quamobrem persona tibi desponsata ab obligatione matrimonium tecum in eundi liberatur, si jus tuum remittis. Nihil itaque amplius cum obstat, quo minus cum alia persona sponsalia celebrare possit; sponsalia posteriora utique valida fiunt, quamprimum jus tuum remittis.

Nimirum jus tuum ex sponsalibus prioribus acquisitum unice obstat, quo minus posteriora valida sint. Hoc igitur obstaculo remoto, valida utique esse debent. Sane si quis velit, ut posteriora sponsalia valida sint, obstaculum istud remove renetur, impetrando scilicet remissionem juris a persona jam antea sibi desponsata, quocunque tandem modo eandem ipsi persuadeat. Invitæ enim jus auferri nequit (§. 336. *part. 2. Jur. nat.*).

§. 375.

Quando ob Si bina sponsalia fuerint celebrata, persona desponsata, in cu-
bina sponsa- jus præjudicium fuerunt celebrata, a sponsalibus recedere potest.
lia a priori- Sponsalia enim pactum sunt, quod mutuas præstationes con-
bus recedere tinet (§. 369.). Quando vero persona desponsata adhuc
liceat. alia sponsalia celebrat, ipso facto declarat, quod præstare nolit, ad quod præstandum per priora sponsalia sese obligaverat (§. cit.). At si pacta mutuas præstationes contineant, & unus paciscentium præstare nolit, quod debet, nec alter ad præstandum tenetur, quod ipse debet, consequenter a pacto recedere licet, si alter recedit (§. 827. *part. 3. Jur. nat.*). Quod si itaque bina sponsalia fuerint celebrata, persona desponsata, in cujus præjudicium fuerunt celebrata, a sponsalibus recedere potest.

Differt

Differt hæc propositio a præcedente. Neque enim hic remittitur jus, quod personæ invitæ auferri nequit, quemadmodum in propositione præcedente; sed factio alterius, quæ jus ipsius violat, eidem acquiritur jus de jure alterius pro arbitrio suo statuendi, consequenter pactum parte altera etiam invita dissolvendi.

§. 376.

Quoniam *persona desponsata*, in cujus præjudicium bina *An persona*, sponsalia fuerunt celebrata, a sponsalibus recedere potest *cum qua* (§. 375.); *quæ bina sponsalia celebravit, eandem cogere nequit ad priora sponsa- matrimonium secum ineundum.* *alia cele-*

Dispar adeo est ratio personæ, quæ bina sponsalia celebra- *brata, cogi* vit, & alterius, in cujus præjudicium ea celebrata fuerunt. *possit ad ma-* Hujus jus integrum est, quod ex sponsalibus acquisivit: sed *rimonium* jus illius, quod acquisiverat, factum jam est dependens ab ar- *ineundum.* bitrio alterius. Illa obligata manet ad matrimonium ineundum, hujus vero obligatio extincta est, ut jam ipsi liberum sit, utrum matrimonium inire velit, nec ne. Injuria, quam facit personæ sibi desponsatæ primum, quæ bina sponsalia celebravit, hanc illa facit inferiorem, cum antea essent æquales (§. 74. *part. i. Jur. nat. & §. 370. b.*). Quod hic de binis sponsalibus dicitur, valet etiam mutatis mutandis de paciscentibus, quorum unus invito altero a pacto recedit.

§. 377.

Si persona desponsata in copulam carnalem consentiunt, nat- *Effectus co-* *pula carna-*
turaliter matrimonium contraxisse & consummasse intelliguntur. *lis persona-*
Personæ enim desponsatæ sibi invicem obligantur ad matri- *narum de-*
monium ineundum (§. 370), consequenter etiam consumman- *sponsata-*
dum. Quamobrem cum matrimonium perficiatur mutuo *rum.*
consensu & per copulam carnalem consummetur (§. 367.); *sum-*
dum in hanc consentiunt, matrimonium perficere ac con-

summare velle intelliguntur. Facta igitur copula carnali naturaliter matrimonium contraxisse ac consummasse censentur.

Supponimus in copulam carnalem pure consentiri, non in diem, nec sub conditione, quæ eam adhuc suspendit, consequenter copulam carnalem utriusque personæ desponsatæ consensu ad sponsalia accedere. Si personæ sibi mutuo fuerint desponsatæ, ut perficiatur matrimonium, naturaliter nil amplius requiritur, quam ut utraque declaret, se nunc matrimonium perficere velle; perfectum consummetur, copula carnalis accedere debet (§. 367.). Consensus ideo in copulam carnalem continet consensum in matrimonium jam perficiendum, consequenter ex copula carnali personarum sibi mutuo desponsatarum recte infertur matrimonii perfecti consummatio. Fraudem faceret virgini (§. 147. *part. 5. Jur. nat.*), qui sponsalia cum eadem celebraret eo animo ut sub hoc prætextu eandem virginitate orbare (§. 347.) & pudicitiam ejus violare posset (§. 345.): quæ cum a sponsalibus procul abesse debeat (§. 149. *part. 5. Jur. nat.*), consensum personarum desponsatarum in copulam carnalem aliter interpretari non licet, quam quomodo mutux ipsarum obligationi convenit.

§. 378.

*De matrimonio per-
sona despon-
sata cum
alia initio.*

Si persona desponsata cum alia matrimonium actu contrahit ac consummat; matrimonium subsistit, pars tamen laesa tenetur ad id, quod interest. Quoniam enim sponsalia tantummodo continent promissionem de matrimonio incundo (§. 369.), consequenter de jure in corpus suum in alteram personam transferendo (§. 306.); persona desponsata jus, quod adhuc habet, in aliam transferre potest, consequenter matrimonium cum ea valide contrahit contractumque consummat. Matrimonium itaque personæ desponsatæ cum aliâ actu contractum ac consummatum subsistit. *Quod erat unum.*

Enimvero persona desponsata alteri, cui desponsata est, ad matrimonium cum ea incundum obligatur (§. 370.), consequenter

sequenter si cum alia matrimonium actu contrahit & consummat obligationi suæ non satisfacit. Quodsi vero quis damnum quoddam incurrit, vel lucrum ejus cessat, propterea quod obligationi tuæ non satisfacisti, ad id quod interest teneris (§. 629. *part. 3. Jur. nat.*). Quamobrem persona etiam desponsata tenetur parti læsæ ad id, quod interest, si matrimonium actu contrahit & consummat cum alia. *Quod erat alterum.*

Non diffiteor, difficulter determinari id, quod interest, matrimonium cum parta læsa non fuisse contractum. Non tamen propterea cessat ejus præstatio, cum in statu naturali de eo transigi (§. 879. *part. 5. Jur. nat.*), vel id mediatorum (§. 923. *part. 5. Jur. nat.*), aut arbitratorum opera definire possit (§. 945. *part. 5. Jur. nat.*), vel etiam forti committi ejus determinatio (§. 296. *part. 5. Jur. nat.*). In statu civili arbitrio judicis committitur,

§. 379.

Quoniam matrimonium personæ desponsatæ cum alia *De copula* actu contractum ac consummatum subsistit, parti tamen læ- carnalis ad læ præstandum est id, quod interest (§. 378.), copula autem *posteriora* carnali ad sponsalia accedente matrimonium actu contrahitur *sponsalia ac-* & consummatur (§. 377.); si ad *sponsalia posteriora* accedat *co-* cedente. *pula carnalis, priora dissolvuntur, parti tamen læsa qua bina sponsalia celebrare præstare tenetur id, quod interest.*

Brevitatis causa jam non distingo casus, utrum posteriora sponsalia celebrentur cum sciente, an cum ignorante. Facile enim patet, si cum sciente celebrentur, hanc quoque injuriam facere personæ, cum qua priora fuerunt contracta (§. 859. *part. 1. Jur. nat.*), consequenter huic tanquam parti læsæ naturaliter competere jus illam puniendi (§. 549. *part. 2. Jur. nat.*).

§. 380.

Si error dat causam sponsalibus, ea valida non sunt. Spon- *De sponsali-*
Wolfii Jur. Nat. Pars VII.) *Kk* *bus errantis.*

alia enim pactum sunt (§. 369.). Quamobrem cum promissio consequenter & pactum (§. 800. part. 3. *Jur. nat.*) validum non sit, si error eidem causam det (§. 569. part. 3. *Jur. nat.*); nec valida sunt sponsalia, si error det causam iisdem.

Nimirum si error det causam sponsalibus, ea unice contrahuntur ob id, in quo erratur, nec hii hoc suppositum fuisset, ea contraxisset errans (§. 504. part. 2. *Jur. nat.*).

§. 381.

*De sponsa
stuprata &
sponso stu-
preatore.*

Quoniam error dat causam sponsalibus, si quis putat foeminam sibi desponsatam esse virginem, cum non sit, vel esse pudicam, cum tamen se stuprari patiaturs ab alio, antequam matrimonium perficiatur (§. 504. part. 3. *Jur. nat.*), sponsalia vero valida non sunt, si error det causam iisdem (§. 380.); si quis virginem esse putat, cum qua sponsalia celebrat, qua non est, aut si sponsa se ab alio stuprari patitur, antequam matrimonium perficiatur & consummetur, sponsalia valida non sunt, consequenter in utroque casu qui sponsalia celebravit, matrimonium inire cum femina sibi desponsata non tenetur (§. 370.). Facile patet, nec virginem ac viduam nubere teneri stupratori, quem talem non esse putabat, vel pudicum praesumebat.

Nulla sane est ratio, cur mas jure potior esse debeat, quam femina, cum utrobique eadem sit ratio, cur sponsalia non subsistant, scilicet quia error eadem vitiat. Quaelibet femina, quae marito conjuncta nondum fuit, virgo praesumitur, donec contrarium probetur, quaelibet etiam praesumitur pudica. Qui itaque sponsalia cum femina celebrat, is putat esse virginem, quae non est, & pudicam, quam talem non esse stuprum probat post sponsalia commissum, consequenter errat (§. 623. *Leg.*). Similiter quilibet non praesumitur stuprator, aut impudicus, quamdiu hoc probatum non fuerit. Atque ideo patet, eodem modo errare feminam, quae cum mare sponsalia celebrat, quem stupratorem esse, vel impudicum postea intelligit.

§. 382.

§. 382.

Quia error non dedit causam sponsalibus, si quis uxorem idem porro ducere velit sœminam, quam fuisse stupratam ignorabat, cum sponsa expenditur, sœmina celebraret, vel qua post sponsalia ab alio se stuprari patitur (§. 504. part. 3. Jur. nat.), sublatâ ratione, cur sponsalia invalida sint (§. 381.), valida manent, vel ex post facto valida efficiuntur. Et idem eodem modo intelligitur de mare, qui ante vel post sponsalia virginem, vel viduam stupravit.

Nec est, quod excipias, non necessario sequi, ut, qui post sponsalia comperit, sœminam, cum qua ea celebravit, non esse virginem, eadem etiam celebrasset, si antea scivisset. Error enim tantummodo tollit jus sœminæ, ne marem cogere possit ad matrimonium ineundum; non vero marem obligat ad non ineundum. Qui enim agnito errore pactum adhuc servare vult, ei liberum est ut servet, & quia pactum ratihabet, a quo recedere poterat, seu quod adimplere non tenebatur, eo ipso id efficit validum. Quodsi recedere velit, quemadmodum poterat, se autem persuadere patitur, ne faciat; sponsalia cum non virgine redintegrat, consequenter si vel maxime error sponsalibus ab initio causam dedisset, non tamen dat redintegratis. Pendet primum a voluntate errantis, utrum non obstante errore pactum servare velit, nec ne.

§. 383.

Sponsalia dissolvuntur mutuo dissensu. Sponsalia enim Quomodo pactum sunt (§. 369.). Quoniam itaque pacta dissolvuntur *sponsalia* mutuo dissensu (§. 840. part. 3. Jur. nat.), sponsalia quoque *dissolvuntur* mutuo dissensu dissolvi possunt.

Jus pariter canonicum ac civile sequitur Jus naturæ. Juris itaque mere positivi est, quod apud Protestantes mutuo dissensu dissolvi sponsalia prohibeantur, cujus prohibitionis rationes adducit Carpzovius in Jurisprud. Consist. lib. 2. tit. 10. def. 173. quas trutinare velle a præsentis instituto alienum est. Natura

liter non quæritur, quænam vel quales sint dissensus rationes, hæ enim minime attenduntur, quemadmodum nec quæritur, quænam sint consensus rationes, dum sponsalia contrahuntur. Vi enim libertatis naturalis permittendum est unicuique, ut faciat quid velit, quamdiu nil facit contra jus tertii: quale nihil committitur, dum mutuo dissensu sponsalia dissolvuntur.

§. 384.

*Sponsalio-
rum disso-
lutio ob im-
potentiam
generandi.*

Sponsalia dissolvuntur, si impotentia generandi superveniat: si vero per errorem cum impotente contrahuntur, statim invalida sunt. Etenim sponsalia sunt pactum de matrimonio ineundo (§. 369.). Quamobrem cum matrimonium contrahere nequeant, qui potentia generandi destituuntur (§. 272.), si celebratis sponsalibus impotentia generandi superveniat, sponsalia dissolvantur necesse est. *Quod erat unum.*

Quoniam matrimonium contrahere nequit, qui potentia generandi destituitur (§. 272.), sponsalia vero sunt pactum de matrimonio ineundo (§. 369.); cum impotente sponsalia celebrari nequeunt. Quodsi ergo per errorem cum eodem contrahantur, statim invalida sunt. *Quod erat alterum.*

Facile patet, etsi difficillimum videatur de impotentia generandi judicare, antequam matrimonium consummetur, dari tamen casus, in quibus impotentia satis manifesta est, veluti si quis casu pectus faciat testiculorum. In fœminis exemplo esse potest prolapsus uteri, seu procidentia, conceptionem impediens, de qua vide *Sennertum* Med. pract. lib. 4. part. 1. sect. 2. c. 16. f. m. 652. a. Huc etiam referri potest casus ex epistolis medicis *Horstii* sect. 19. de meatu pudendi per curationem vulneris clauso, quod sibi inflixerat fœmina quædam ludens, ligno ex improvviso in pudenda impacto.

§. 385.

*De furore
superveni-*

*Sponsalia dissolvuntur ob furorem supervenientem, & ab mor-
bos contagiosus ac graves non sanabiles.* Etenim matrimoni-
um

um initur sobolis procreandæ ac educandæ gratia (§. 270.), *ente & mor-*
 & uterque parens ad sobolem suam educandum obligatur (§. *bis contagio-*
 263.). Quoniam itaque furiosus non aptus est ad finem matri-
 monii consequendum, quemadmodum ex sola furoris notio-
 ne facile patet; cum furioso matrimonium contrahi nequit.
 Quamobrem cum sponsalia sint promissio ac repromissio ma-
 trimonii ineundi (§. 369. h. & §. 788. part. 3. Jur. nat.); ob
 furem supervenientem sponsalia dissolvuntur (§. 836. part.
 3. Jur. nat. & §. 370. h.). *Quod erat primum.*

Si pars una morbo contagioso laboret, periculum est,
 ne altera eodem inficiatur. Quamobrem cum quilibet mor-
 bos evitare debeat, quantum in potestate sua est (§. 394.
 part. 1. Jur. nat.), sponsalia vero obligent ad matrimonium
 ineundum (§. 370.); obligatio naturalis & ex sponsalibus
 contracta colliduntur (§. 206. part. 1. Phil. pract. univ.). E-
 nimvero cum obligatio naturalis sit prorsus immutabilis (§.
 142. part. 1. Phil. pract. univ.), contracta vero per pactum a
 voluntate contrahentium pendeat; naturalis contractam vin-
 cit (§. 208. part. 1. Phil. pract. univ.). Persona igitur sana
 non tenetur contrahere matrimonium cum persona, quæ
 morbo contagioso laborat, consequenter sponsalia ob mor-
 bum contagiosum dissolvuntur. *Quod erat secundum.*

Quodsi denique persona una morbo graviore insanabi-
 li, veluti epilepsia, laboret; cum nemo præsumatur matri-
 monium inire velle cum persona morbo graviore insanabili
 laborante, sponsalia non intelliguntur contracta nisi sub ta-
 cita hac conditione; si persona ista, cum qua contracta sunt,
 sit sana, aut, antequam matrimonium perficiatur ac consum-
 matur, non incidat in morbum graviozem insanabilem, ve-
 luti in epilepsiam, consequenter contracta censentur sub
 conditione negativa (§. 489. part. 3. Jur. nat.). Quamob-
 rem cum conditio negativa non existat, si persona, cum

qua sponsalia celebrata, morbo graviore insanabili laboret; vel, antequam matrimonium consummetur, in eundem incidat (§. 490. *part. 3. Jur. nat.*), promissio autem pro non facta habenda, quamprimum certum est deficere conditionem (§. 534. *part. 3. Jur. nat.*); si persona una morbo graviore insanabili laboret sponsalia dissolvuntur (§. 836. *part. 3. Jur. nat.*). *Quod erat tertium.*

Naturaliter sponsalia non differunt a pactis aliis. Quæ igitur de omni pacto in genere valent, ad sponsalia quoque recte applicantur. Hic vero quaeritur, quid circa sponsalia juris naturalis sit & cum omnis obligatio in sponsalibus nascatur ex promissio (§. 393. *part. 3. Jur. nat.*); nemo ex iis alteri parti ulterius obligatur, quam sese eadem obligare voluisse intelligitur.

§. 386.

Principium generale de dissolutione involuntaria sponsalium. In genere si casus contingit, qui si tempore sponsaliorum adfuerit, pars alterutra in sponsalia non consensisset; sponsalia dissolvuntur. Quod si enim casus contingit, qui tempore sponsaliorum adfuerit, pars alterutra in sponsalia non consensisset, status rerum præsens continetur in ratione sufficiente promissionis (§. 56. *Ontol.*). Enimvero si status rerum præsens continetur in ratione sufficiente promissionis, promissa in se habent tacitam conditionem, si res maneant, quo sunt loco (§. 534. *part. 6. Jur. nat.*). Quamobrem sponsalia, quæ sunt promissio matrimonii incundi (§. 369.), tacitam hanc habent conditionem, si casus non contingat, qui si jam adesset, sponsalia non contracta fuissent. Patet igitur porro, ut in demonstratione partis tertiæ propositionis præcedentis, sponsalia dissolvi, si casus quidam contingat, qui si tempore sponsaliorum adfuerit, pars alterutra in sponsalia non consensisset.

Principium hoc generale dudum agnoverunt Canonistæ. In Jure

Jure autem naturæ, ne minimum quidem difficultatis habet, quod objici possit. Ceterum ex eodem per modum corollariorum deduci possunt multæ rationes particulares, cur sponsalia dissolvantur, immo ex eodem inferri poterant ea, quæ in propositione præcedente demonstrata sunt. Sed demus etiam exemplum aliud. Quæritur, an inimicitia implacabilis sponsalia dissolvat? Nemo non videt, si inimicitia implacabilis, quæ supervenit, tempore sponsaliorum adfuisset, personam offensam in sponsalia non consensuram fuisse. Vi igitur propositionis præsentis sponsalia per eam dissolvuntur. Quamvis vero principium generale sufficiat ad dissolutionem sponsaliorum demonstrandam; non tamen propterea inconsultum est, in casibus particularibus animum quoque attendere ad rationes particulares, quæ vel exercitio officiorum, quemadmodum in parte secunda propositionis præcedentis, vel fini matrimonii contrariantur, sicuti in illius parte prima. Rationes enim particulares magis nos trahunt ad assensum generalibus, consequenter nos fortius convincunt. Quamvis itaque brevitatis causa in demonstratione generali acquiescamus; absit tamen ut quis existimet, nos propterea demonstrationes particulares rejicere. In rebus moralibus, ubi assensus influere debet in voluntatis ac voluntatis determinationem, quo is fortior, eo melior.

§. 387.

Naturaliter sponsalia contrahi nequeunt nisi per verba futuri temporis; verbis autem præsentis temporis persona nondum de verbis sponsalibus matrimonium statim contrahunt. Etenim cum sponsalia sint pactum de matrimonio incundo (§. 369.), qui sponsalia contrahere vult promittere tenetur, quod foeminam, cum qua paciscitur, sit uxorem ducturus, hac repromittente, quod eidem nubere velit, seu nuptura sit (§. 788. part. 3. Jur. nat.). Patet itaque naturaliter sponsalia contrahi non posse nisi per verba futuri temporis. Quod erat unum.

Enim-

Enimvero si quis verbis præsentis temporis declarat animam foeminam, cum qua paciscitur, ducendi in uxorem, & hæc vicissim animum eidem nubendi, cum naturaliter matrimonium statim perfectum sit, quando mutuum in idem consensum sibi invicem declarant personæ contrahentes (§. 367.), personæ nondum desponsatæ matrimonium statim contrahunt. *Quod erat alterum.*

Nimirum si quis dicat: promitto, quod ducam te in uxorem, is sponsalia contrahit, quippe quæ sunt promissio & repromissio futuri matrimonii (§. 369. b. & §. 788. part. 3. Jur. nat.): si vero dicat: Duco te in uxorem, matrimonium contrahit. In priori enim casu animum declarat de futuro, scilicet quod matrimonium cum ea contrahere velit; in posteriori autem de præsentis, scilicet quod matrimonium contractum esse debeat. Non abhorrent hæc a Jure Romano, quippe in quo sponsalia dicuntur promissio & repromissio futurarum nuptiarum, quæ ideo nonnisi verbis futuri temporis contrahi possunt.

§. 388.

*An nuptias
precedere
debeant.*

Quoniam naturaliter sponsalia contrahi nequeunt nisi per verba futuri temporis, verbis autem præsentis temporis matrimonium statim contrahitur (§. 387.), nihil autem obstat in statu naturali, quo minus personæ nondum desponsatæ consensum suum in matrimonium verbis præsentis temporis sibi invicem declarent, immo ad hanc declarationem copula carnalis, per quam mutuo consensu perfectum consummatur (§. 367.), statim accedere potest (§. 368.); *naturaliter opus non est ut contractum matrimonii precedant sponsalia.*

Cur vero in statu civili præcedere debeant, suo demum loco constabit.

§. 389.

§. 389.

In Jure Canonico sponsalia de præsentī distinguuntur a *De sponsalibus de futuro*. Dicuntur nimirum *sponsalia de præ-* *senti*, quæ contrahuntur verbis præsentis temporis: *sponsalia senti & de* *vero de futuro*, quæ contrahuntur verbis futuri temporis. Quoniam naturaliter sponsalia contrahi nequeunt, nisi verbis futuri temporis, si vero verbis præsentis temporis personæ nondum desponsatæ consensum suum sibi invicem declarent, matrimonium statim contrahitur (§. 387.); *jure mere naturali nulla dantur sponsalia de præsentī, sed qua ita dicuntur, matrimonium sunt.*

Hinc & Canonistæ sponsalia de præsentī matrimonio æquiparant, etsi vi legis positivæ pro matrimonio contracto haberi nequeant, nec matrimonium per copulam carnalem, antequam hoc fiat, consummari possit. Jure civili non dantur sponsalia nisi de futuro (not. §. 387.). Enimvero antequam constet, quamnam differentiam introducat Jus civile ob rationes a statu civili desumptas; quid sentiendum sit de ista distinctione, non dici potest.

§. 390.

Sponsalia contrahi possunt inter absentes. Sponsalia enim *An sponsalia* pactum sunt de matrimonio ineundo (§. 369.), consequenter promissionem & repromissionem futuri matrimonii continent (§. 788 part. 3. *Jur. nat.*). Enimvero promissiones *inter absentes contrahi* *possint.* validæ sunt, si quis absenti in literis quid promittit & hic promissum acceptet (§. 711. part. 3. *Jur. nat.*). Valida igitur etiam sunt sponsalia, quæ inter absentes per literas contrahuntur. Et quoniam perinde est, si per epistolam, si ve per internuncium quendam, qui mandatum promittendi a te habet, aliquid promittas; eodem modo patet, valida quoque esse sponsalia, quæ per internuncium celebrantur.

(*Wolffii Jur. Nat. Pars VII.*)

L1

Quam-

Quamobrem evidens est, sponsalia quoque contrahi posse inter absentes.

Sponsalia non requirunt, ut perficiantur, nisi declarationem mutuum consensus (§. 369.). Equis vero est, qui ignoret, non minus per epistolam aut internuncium, quam viva voce consensum declarari posse. Quoniam vero inter absentes sponsalia aliter contrahi nequeunt, nisi vel per epistolam, vel internuncium; de sponsalibus inter absentes contrahendis eadem valent, quæ in parte tertia de promissione absentis facta demonstrata sunt.

§. 391.

*Quinam
sponsalia
contrahere
nequeant.*

Qui matrimonium inire non possunt, nec sponsalia contrahere possunt. Qui enim sponsalia contrahere volunt, sibi invicem promittere debent, quod matrimonium inire velint (§. 369.). Quamobrem cum nemo promittere, consequenter ad faciendum alteri sese obligare, possit (§. 363. pars. 3. Jur. nat.), quod facere nequit; qui matrimonium inire non possunt, nec sponsalia contrahere possunt.

Istiusmodi itaque sponsalia statim nulla sunt, cum obligationem ad matrimonium ineundum, qui effectus sponsaliorum est (§. 370.), producere nequeant. Dubium oriri poterat circa sponsalia impuberum. Quamvis enim impuberes matrimonium contrahere nequeant, quamdiu impuberes sunt (§. 274.), puberes tamen facti possunt, consequenter cum sponsalia etiam contrahi possint in diem (§. 370.), nil ob stare videtur impuberibus, quo minus sponsalia contrahant, etsi demum puberes facti matrimonium inire possint. De impuberum itaque desponsatione addenda est propositio sequens.

§. 392.

*De despon-
satione im-
puberum.*

Quoniam sponsalia contrahere non possunt, qui matrimonium inire nequeunt (§. 391.), impuberes autem matrimonium inire nequeunt, quamdiu impuberes manent (§. 370.);

370.); *impuberes quoque sponsalia pure inire nequeunt*, scilicet *ut matrimonium statim seu durante pubertate incatur*. Quoniam vero impuberes, quando sponsalia contrahunt, promittunt, quod nunc non est in potestate ipsorum, aliquando tamen esse poterit, istiusmodi autem promissio fit sub tacita hac conditione, si res in potestatem venerit (§. 527. *part. 3. Jur. nat.*); *sponsalia impuberum, modo intelligant, quod promittunt*, cum in rem sibi ignotam vel non satis intellectam nemo consentire posse intelligatur (§. 658. *part. 1. Phil. pract. univ.*), *contracta censentur sub tacita hac conditione, quod matrimonium inire velint, quando ad pubertatem pervenerint*.

Quoniam iudicium cum ætate demum maturefcit, & matrimonium cum persona quadam inire fit res maxime ardua, quod utrumque experientia obvia confirmat; consultius omnino est, ut a sponsalibus abstineant impuberes, nec ea contrahant, nisi ubi puberes fuerint facti. Accedit, quod voluntas hominum fit ambulatoria, nec quod hodie placet, cras æque placeat. Cum talia perpendere prudentiæ sit (§. 257. *part. 1. Jur. nat.*), ad quam lege naturali obligamur (§. 258. *part. 1. Jur. nat.*); lex naturæ omnino probat, ut desponsatio differatur, donec ad pubertatem quis pervenerit. Qui jura positiva de impuberum desponsatione accuratius examinat, haud difficulter perspiciet, legislatores non minus animum attendisse ad ea, quæ in propositione præsentè enunciantur, quam ad hæc, quæ ad eandem annotantur: id quod apertius docere nostri jam instituti non est.

§. 393.

Arrha sponsalitia dicuntur arrhæ, quas sponsus sponsæ & *De arrhis* & sponsa sponso dat: *Munera autem sponsalitia* sunt dona, quæ *muneribus* persona desponsata una alteri dat ad declarandum amorem *sponsalitijs*. suum (§. 116. *part. 4. Jur. nat.*).

Differunt arrhæ & munera sponsalitia fine. Illæ enim dan-

tur sponsaliorum probandorum & confirmandorum gratia (§. 987. *part. 4. Jur. nat.*); hæc autem, quemadmodum ipsa definitio loquitur, amoris declarandi causa,

§. 394.

An arrha datio ad sponsalia contrahenda requiratur. Quoniam arrhæ datio, si ad contractum accedit, per se nihil in eodem immutat (§. 990. *part. 4. Jur. nat.*), in sponsalibus vero obligatio nascitur ex promissione mutua perfonarum ea contrahentium (§. 369. *h. & §. 393. part. 3. Jur. nat.*); *sponsalia sine arrhæ datione valida sunt.*

Moribus itaque introductum, ut arrhæ dentur sponsalitiæ, & per dationem annuli perficiatur contractus, cum arrhæ in pecunia vel re quacunque alia consistere possint (§. 987. *part. 4. Jur. nat.*), si quidem in dationem consentiunt sponsalia contracturi. Et propter hanc aliasque solennitates admittendum est, quod dicunt Juri, sponsalia esse juris civilis, tum etiam quod jure civili sponsalia matrimonium præcedere necessario debeant, cum naturaliter matrimonium statim contrahi & consummari possit (§. 367.). Sunt itaque sponsalia juris civilis quoad necessitatem, & quoad solennitates, ad quas etiam refertur convivium sponsalitium.

§. 395.

An munera sponsalitia sint licita. Quia munera sponsalitia dantur ad declarandum amorem suum (§. 393.), donationes autem amoris declarandi causa factæ legi naturæ conveniunt (§. 117. *part. 4. Jur. nat.*); *munera quoque sponsalitia naturaliter licita sunt.*

Cum munera sponsalitia dentur post sponsalia contracta, per se patet, quod ad sponsalia ipsa nihil conferant, consequenter adesse & abesse possint salvis sponsalibus. Nulla est necessitas, ut amor declaretur munerum datione, cum aliis adhuc modis significari possit, si vel maxime e re videatur, ut persona una desponsata alteram reddat amoris sui certio rem.

§. 396.

Quoniam arrhæ dantur contractus probandi gratia (§. De probati-
987. pars. 4. Jur. nat.), arrhæ autem sponsalitiæ arrhæ sunt *one sponsali-*
(§. 393.); *per arrhas sponsalicias probari potest sponsalia fuisse orum per*
contracta. arrhas.

Arrham nimirum sibi dari petit, qui vult certus esse, quod
alter serio contraxerit & habeat animum contractum adimplen-
di. Unde qui arrham dat sponsalitiæ, alterum certum face-
re vult, quod non modo habeat animum matrimonium ineun-
di ac consummandi in præsentī, verum etiam quod in eodem
constanter sit perseveraturus. Quamobrem arrha sufficienter
probat sponsalia fuisse serio contracta.

§. 397.

De modo, sub quo dantur arrha sponsalitiæ, convenire licet De modo, sub
sponso ac sponsa, quomodo visum fuerit. Quoniam arrhæ da-
quo dantur
tio contractus est (§. 987. pars. 4. Jur. nat.), a voluntate arrha.
autem dantis pendet, quodnam jus ad arrham vel in eadem
& quo modo idem in accipientem transferre velit (§. 11. 12.
pars. 3. Jur. nat.); de modo, sub quo dantur arrhæ sponsa-
litiæ, convenire licet sponso ac sponsæ, quomodo visum
fuerit.

Contrahentibus legem dare licet contractui, quam voluerint,
prouti ex doctrina contractuum abunde patet. Quamobrem
cum arrhæ datio contractus sit (§. 987. pars. 4. Jur. nat.); ei-
dem quoque legem dare possunt contrahentes, quam volue-
rint. Cumque pactis sit standum (§. 789. pars. 3. Jur. nat.),
consequenter eo, quod conventum (§. 788. pars. 3. Jur. nat.);
arrhæ datio valebit, prouti conventa fuerit.

§. 398.

Quoniam de modo, sub quo dantur arrhæ sponsalitiæ, Quid vale-
convenire licet sponso ac sponsæ, quomodo visum fuerit (§. at naturali-

arrhis nihil fuerit expresse conventum.

397.), sponsus vero ac sponsa tacite consensisse intelliguntur in id, quod moribus introductum, nisi expresse aliter convenerint, vel ex qualitate arrhæ contrarium præsumatur (§. 248. part. 2. Jur. nat.); si de modo, sub quo dantur arrhæ sponsalitia, nihil expresse fuerit conventum, naturaliter standum erit moribus, vel eo, quod ex ipsa qualitate arrhæ præsumitur.

Ita moribus nostris introductum est, ut sponsus sponsæ det anulum & contra, & in annulis reciproce transferatur dominium, quamvis non in omni casu irrevocabiliter. Annulorum itaque dominium a dantibus in accipientes transisse intelligitur. Enimvero ponamus sponsum sponsæ dare chirographum, ex quo debentur aliquot millia rhalerorum; non videtur sponsus in sponsam dominium transfuisse, ut debitum istud tanquam suum exigere possit. Idem intelligitur, si res data, quæ feminæ nullius usus est.

§. 399.

Quando naturaliter in arrha dominium non transferatur.

Si arrha simpliciter datur, ut scilicet nihil certi de ea conveniatur, nec moribus quicquam fuerit introductum, nec ex qualitate arrhæ colligi possit, qua lege data fuerit; naturaliter dominium in datione non transfertur. Etenim arrha datur probandi ac confirmandi contractus sponsalitiæ causa (§. 396.), consequenter opus non est, ut accipiens dominium in ea habeat. Quodsi ergo nihil certi de ea fuerit conventum, nec moribus quicquam introductum, in quod tacite consensisse sponsus atque sponsa intelligantur, neque etiam ex ipsa qualitate arrhæ colligi possit, qua lege data fuerit, nonnisi probandi ac confirmandi contractus sponsalitiæ causa data intelligitur, & per consequens dominium in datione non transfertur naturaliter.

Quodsi ergo quæsieris, quodnam jus in arrhæ datione transferatur, cum arrhæ datio ætus temerarius esse nequeat; ex ipsa definitione arrhæ patet (§. 987. part. 4. Jur. nat.), transferri jus arrham detinendi, donec matrimonium fuerit contractum.

tractum & consummatum, ut, si dans contractum sponsaliticum adimplere recuset, per arrham probari possit sponsalia vera fuisse contracta & sponsum declarasse, quod ab hoc contractu recedere nolit.

§. 400.

Quoniam si arrha simpliciter detur, ut scilicet nihil certi de ea conveniatur, nec moribus quicquam fuerit introductum, nec ex rha matritualitate arrha colligi possit, qua lege data fuerit, naturaliter dominio comminuum in datione non transfertur (§. 399.), per arrham venisummatum ro probatur, sponsalia fuisse firmiter contracta (§. 396.), restituenda. consequenter matrimonio perfecto & consummato usus hic cessat; eodem perfecto & consummato arrha danti restituenda.

Moribus itaque debetur, quod apud nos arrha sponsalitia maneat accipientis matrimonio perfecto & consummato, ac ideo detur annulus, quo uti potest accipiens. Quomadmum vero naturaliter sponsalia sine arrhe datione valida sunt (§. 394.), etsi per eam firmentur (§. 987. part. 4. Jur. nat.), quatenus scilicet signum sunt constantie voluntatis de matrimonio perficiendo & consummando (§. 990. part. 4. Jur. nat.); ita etiam nil obstat, quo minus contractu sponsalicio adimpleto restituantur.

§. 401.

Si arrha sponsalitie dominium transfertur, ea simul rationem muneris sponsalicii habet. Quando af- rha simul
muneris sponsalicii habet. Etenim arrha qua talis non exigit dominii translationem (§. 987. part. 4. Jur. nat. & §. 394. h.). munus spon-
Quod si ergo dominium transferatur, necesse est ut adsit ali- salitium est.
qua ratio, cur transferatur. Quamobrem cum gratis detur (§. 18. part. 4. Jur. nat.), ac ideo donum sit (§. 48. part. 4. Jur. nat.) dona vero dari possint ad significandum amorem (§. 116. part. 4. Jur. nat.); facile patet, arrhe dominium transferri ad significandum amorem. Quoniam itaque donum sponsae a sponsa & contra datum ad signifi-

gnificandum amorem munus sponsalitiū est (§. 393.); si arrhæ sponsalitix dominium transfertur, ea simul rationem muneris sponsalitiū habet.

Munera dari possunt reciproce, tumque dici nequit, quod non dentur gratis, cum munus unum considerari non possit tanquam pretium pro altero solum. Quamobrem nec obstat, quo minus arrhæ simul munera sponsalitia esse possint, licet & a sponso sponsæ & vicissim a sponsa sponso dentur. Et quamvis regulariter arrhæ dentur in ipso desponsationis actu, munera vero post desponsationem; nil tamen obstat, quo minus una cum arrhis dentur etiam munera, ac propterea una eademque res & arrhæ, & muneris sponsalitiū locum tueri potest.

§. 402.

*Quanam
res arrha
dari possit.*

Arrha sponsalitia nomine dari potest res quæcunque. Etenim arrhæ sponsalitix dantur, ut per eas probari possint sponsalia firmiter contracta (§. 987. part. 4. Jur. nat. & §. 393. h.). Quoniam vero necesse non est, ut dominium in arrha transferatur (§. 399.); ad probandum vero sponsalia firmiter contracta sufficit, ut res quæcunque detur, sive eadem usum quandam præstare possit accipienti, sive nullum; ideo arrhæ sponsalitix nomine dari potest res quæcunque.

Ita sponsus sponsæ arrhæ nomine dare potest ensē, vel baculum, aut vestem quandam suam, vel chirographum. Nec hic attenditur, an res sit multi, an exigui pretii. Probatio enim, cujus causa datur, eodem modo subsistit, modo constet, desponsationis causa rem datam fuisse, qualiscunque tandem ea sit & quantumcunque sit ejus pretium.

§. 403.

*Sub qua con-
ditione den-
tur munera
ter conveniantur,
vel aliunde contrarium
appareat.*

Munera sponsalitia dari intelliguntur sub tacita conditione, ut si matrimonium non consummari contingat, nisi aliter munera ter conveniantur, vel aliunde contrarium appareat. Etenim per-
sona

sona desponsata obligatur alteri ad matrimonium perficiendum ac consummandum (§. 370.), consequenter patet, datorem hac spe fretum, matrimonium consummatum iri, dare munera, nec daturum fuisse, si prævidere potuisset, matrimonium consummatum non iri. Quamobrem facile ulterius patet, munera sponsalitia dari sub tacita hac conditione, ut restituantur, si quidem matrimonium non consummari contingat. *Quod erat primum.*

Quoniam vero pactis, consequenter eo, quod fuit conventum (§. 788. part. 3. *Jur. nat.*), standum (§. 789. part. 3. *Jur. nat.*); si ita conventum fuerit, ut maneant accipientis, veluti si dator expresse dicat, se non dare intuitu vel spe matrimonii consummandi, sed unice ad significandum amorem suum de presenti, aut quanti faciat personam sibi desponsatam, nulla quoque ratio est, cur sint restituenda, siquidem matrimonium consummari minime contingat. *Quod erat secundum.*

Perinde vero cum sit, sive expresse hoc declaret dator, se non dare spe matrimonii consummandi, sive aliunde hoc colligatur; nec hoc in casu restituenda sunt munera sponsalitia, etiamsi matrimonium non consummari contingat. *Quod erat tertium.*

Non est, quod excipias, difficillimum esse probatu, munus sponsalitium non fuisse datum spe matrimonii consummandi, in casu enim dubio data non præsumuntur nisi hac spe (§. 248. part. 2. *Jur. nat.*).

§. 404.

Naturaliter sponsalia sub pœna contrahere licet. Quando *An sponsalia* enim sub pœna contrahuntur sponsalia; ea contrahuntur sub *(sub pœna)* hac conditione, ut, si persona alterutra promisso stare nolit, *contrahere* consequenter inire matrimonium, alteri certi quid debeat, *de liceat.*

(*Wolffii Jur. nat. Pars VII.*)

Mm

quo

quo convenitur (§. 606. *part. 3. Jur. nat.*). Quamobrem cum unicuique liberum sit, quantum se alteri obligare velit (§. 156. *part. 1. Jur. nat.*), nec aliquis sibi alterum obligare possit ultra id, quod voluit, nec plus juris ab eo acquirere, quam is in ipsum transferre voluit (§. 382. *part. 3. Jur. nat.*); naturaliter quoque sponsalia sub pœnâ contrahere licet.

Juris itaque mere positivi est, si sponsalia sub pœnâ contrahi prohibeantur.

§. 405.

De arrhis & numeribus sponsalitiis in pœnam imputatis.

Quoniam naturaliter sponsalia sub pœnâ contrahere licet (§. 404.), sub pœnâ autem contrahuntur sponsalia, si ita conveniatur, ut, nisi matrimonium consummetur, pars nocens perdat arrham & munera sponsalitia, quæ vero ipse accepit, ea restituere innocenti teneatur (§. 606. *part. 3. Jur. nat.*); si matrimonium non consummetur, & ita fuerit conventum, pars nocens arrham & munera sponsalitia restituere tenetur, innocens vero, quæ sponsaliorum nomine accepit, retinet.

Hæc notanda sunt, ut intelligatur, quid lege positiva recte constituatur. Quando sub pœnâ contrahuntur sponsalia, pœnâ contrahentium consensu definienda. Quodsi ergo placuerit, arrham & munera sponsalitia in pœnam imputari; id valebit. Diximus in superioribus (*not. §. 378.*), difficulter determinari id, quod interest, matrimonium cum parte læsa non fuisse contractum, quando id præstandum. Præstat igitur sponsalia contrahi sub pœnâ: tum enim constat, quid dari debeat (§. 611. *part. 3. Jur. nat.*), cum reus promittendi non amplius teneatur ad id, quod interest.

§. 406.

Effectus sponsalio-

Si quis a sponsalibus pœnalsibus recedere vult, recedere licet; nec parti alteri, ultra pœnam, ad quicquam tenetur. Quando o-
nim

nim sponsalia sub poena contrahuntur, ita convenitur, ut, *rum pœnali-*
 nisi matrimonium consummetur, pars nocens poenæ nomine *um natura-*
 quid dare debeat innocenti (§. 606. *part. 3. Jur. nat.*). Quam- *lis,*
 obrem tacite in hoc consentitur, ut, si poenam det, recede-
 re liceat (§. 658. *part. 1. Phil. pract. univ.*). Quodsi ergo quis
 a sponsalibus pœnalibus recedere velit, recedere licet. *Quod*
erat unum.

Enimvero quoniam promissario promissum pœnale ac-
 ceptante reus promittendi non amplius tenetur ad id, quod
 interest (§. 611. *part. 3. Jur. nat.*), & sponsalia contrahentes
 in hoc consenserunt, ut, si detur poena, ab iis recedere lice-
 at *per demonstrata*; si quis a sponsalibus pœnalibus recedere
 vult; ultra poenam ad quicquam parti alteri non tenetur.
Quod erat alterum.

Posterius etiam ostenditur hoc modo. Si sponsalia pœ-
 nalia contrahuntur, in hoc consentiunt contrahentes, ut, si
 poena detur, ab iis recedere liceat *per demonstrata*. Quam-
 obrem cum nemo sibi alterum obligare possit ultra volunta-
 tem suam (§. 382. *part. 5. Jur. nat.*); qui a sponsalibus pœ-
 nalibus discedit, parti alteri ultra poenam ad nihil tenetur.

Quoniam paciscentes legem contractui dare possunt, quam
 voluerint; libertatem a sponsalibus recedendi restringi posse
 nemo non videt. Ita poena tantummodo restringi potest ad
 eum casum, quo sponsalia culpa unius dissolvuntur, veluti si
 persona desponsata cum alia matrimonium actu contraxerit;
 & consummaverit (§. 378.), vel ad sponsalia posteriora co-
 pula carnalis accesserit (§. 379.), vel si ob stuprum solvantur
 sponsalia (§. 381.), & quæ sunt his gemina. In hoc itaque
 casu a sponsalibus recedere non licet, etiamsi poenam quis da-
 re velit, parte altera invita, cum huic per consensum in poenam
 non ademptum fuerit jus exigendi, ut matrimonium ineat, sed
 reservatum. Similiter ita conveniri potest, ut a sponsalibus
 data poena recedere liceat nonnisi intra certum tempus, quo
 Mm 2 itaque

itaque elapso pœna tantummodo restringitur ad eum casum, quo sponsalia culpa unitis dissolvuntur, ut ante. Immo etiam conveniri potest, ut sponsalia elapso termino non amplius sint pœnalia; sed ab eo sine pœna contracta intelligantur.

§. 407.

De eo, quod restituen- dum, si sponsalia mutuo dissensu dissolvantur.

Si sponsalia mutuo dissensu dissolvantur, arrhæ & munera sponsalitia utrinque sunt restituenda, nec, si sub pœna contracta, pœna nomine quid dandum, nisi expresse aliter fuerit conventum. Quando enim sponsalia mutuo dissensu dissolvuntur, personæ desponsatæ inter se conveniunt, quod neutra ab altera exigere velit, quod, ex pacto debebatur (§. 844. part. 3. Jur. nat.). Quamobrem cum perinde esse debeat, ac si sponsalia nunquam fuissent celebrata, si vero nulla celebrata fuissent, nec arrhæ, nec munera sponsalitia data fuissent (§. 393.), nec etiam pœnæ nomine quicquam promissum fuisset (§. 404.); idcirco si sponsalia mutuo dissensu dissolvantur, arrhæ ac munera sponsalitia utrinque restituenda, nec, si sub pœna contracta fuerint, pœnæ nomine quid dandum. Quod erat primum & secundum.

Enimvero cum fieri possit, ut pars una in dissolutionem sponsaliorum consentire nolit, nisi certi quid ipsi detur, nemo autem gratis jus suum, quod remittere potest (§. 117. part. 3. Jur. nat. & §. 383. h.), remittere tenetur, naturaliter autem ad præstandum interesse tenetur, qui obligationi suæ satisfacere non vult (§. 629. part. 3. Jur. nat.); nihil quoque obstat, quin minus certi quid detur, ut consensus in dissolutionem impetretur. Quamobrem si expresse de eo conventum fuerit, quod dandum, ut sponsalia sint dissoluta, cum pactis sit standum (§. 789. part. 3. Jur. nat.); dandum quoque hoc erit. Quod erat tertium.

Arrhæ dantur, nisi aliter conveniatur, tantummodo sponsaliorum probandorum & confirmandorum gratia (§. 987. part. 4. Jur.

4. *Jur. nat.*), consequenter nulla ratio est, cur maneant apud accipientes, dissolutis sponalibus ac ideo restituenda. Munera sponalitia dantur sub tacita conditione, ut restituantur, si matrimonium non consummari contingat (§. 403.). Iis igitur dissolutis, restituenda utique sunt. Arrha, si dominium in iis transferatur, rationem munerum sponalitorum habent (§. 404.). Idem igitur de iis valet, quod de muneribus dictum. Si sponalia pœnalia dissolvantur, pœna remittitur, consequenter quod pœnæ nomine debetur non præstandum (§. 97. *part. 3. Jur. nat.*). Rationes hæcæ particulares in medium afferre libuit, ut dispellantur nebulæ, si quæ forsitan circa demonstrationem alicui offendantur.

§. 408.

Quoniam sponalia mutuo consensu dissolvi possunt ea lege, ut parti una ab altera certi quid detur (§. 407.); *Quidnam* spon- de arrhis & salta quoque dissolvi mutuo consensu possunt ea lege, ut pars una ar- muneribus rhas & munera sponalitia retineat, altera vero restituat, aut ut pars sponalitiis utraque retineat, quod sponaliorum nomine accepit, vel etiam convenire ut quod sponaliorum nomine acceptum imputetur in partem ejus, liceat, si quod dandum, ut consensu partis alterius parti uni a sponalibus sponalia discedere liceat. dissolvun-

Quando pars una in dissolutionem sponaliorum non consentit, nisi certi quid detur, aut conveniatur, ne arrha & munera sponalitia sint restituenda, perinde omnino est ac si sub pœna sponalia contracta fuissent (§. 606. *part. 3. Jur. nat.*). Quamobrem cum naturaliter sub pœna sponalia contrahere liceat (§. 404.); quidni etiam liceat, non consentire in dissolutionem sponaliorum, nisi ut certi quid detur ab eo, qui primus discedere vult? Nihil in hoc iniqui deprehenditur, modo pars, quæ quid dare debet, non nimium gravetur: id quod ex circumstantiis æstimandum.

§. 409.

Naturaliter non opus est, ut sponalia celebrentur coram testi- An sponsa- bus. licet coram te-

testibus celebranda.

Quoniam testes adhibentur ad fidem faciendam de ré gestis (§. 1013. *part. 5. Jur. nat.*); non alia de causa sponsalia coram testibus celebrantur, quam ut per eos probari possit, eadem contracta fuisse. Quoniam igitur sponsalia per testium præsentiam non efficiuntur valida, consequenter nullis præsentibus personæ desponsatæ sibi invicem obligentur (§. 393. *part. 3. Jur. nat.*); naturaliter opus non est, ut sponsalia coram testibus celebrentur.

Quamvis per artham probari possint sponsalia (§. 396.), non tamen ideo superfluum est, ut celebrentur coram testibus & arthæ in præsentia testium dentur, non modo quia testimonium testium subinde certius est probatione per arthas, verum etiam de arthæ ipsis lis non una moveri potest, ad quam dirimendam facit testimonium eorum, in quorum præsentia arthæ fuerunt datæ. Etsi itaque necesse non sit sponsalia coram testibus celebrari, ut tamen hoc fiat, haud raro, immo tantum non semper consultum est.

§. 410.

De sponsalibus publicis & clandestinis.

Sponsalia publica dicuntur, quæ coram testibus fide dignis contrahuntur: *clandestina* vero, quæ nullo teste præsentem contrahuntur. Quoniam naturaliter non opus est, ut sponsalia coram testibus celebrentur (§. 409.); *naturaliter sponsalia clandestina æque valida sunt, ac publica, modo alias valide contrahantur.*

Juris itaque mere positivi est, si sponsalibus clandestinis detrahatur validitas. Subinde clandestina vocantur sponsalia, quæ sine consensu eorum contrahuntur, quorum consensus ad eadem requiritur, etiam si vel centum testes adfuerint, & ea demum publica vocantur, quæ accedente isto consensu celebrata fuerunt. Sed cum definitiones noninales arbitrarie sint, unicuique liberum est, quo sensu sponsalia publica & clandestina accipere velit, ut propterea litem nemini moveamus, si aliter ea distinguere velit,

§. 411.

§. 411.

Si sponsalia sub conditione fuerint contracta, hac pendente an pendente cum persona alia sponsalia pure contrahere non licet. Ex sponsalia conditionatis persona desponsata spem habet alteram ne sponsalia sibi obligatum iri ad matrimonium ineundum (§. 471. *part. contrahere* 3. *Jur. nat.* & §. 370. *b.*): quæ cum invitæ adiri non possit liceat, (§. 477. *part. 3. Jur. nat.*), adimeretur vero, si pendente conditione sponsalia pure contraherentur cum persona alia (§. 462. *part. 3. Jur. nat.* & §. 370. *b.*); si sponsalia sub conditione contracta, hac pendente cum persona alia sponsalia pure contrahi nequeunt.

§. 412.

Quoniam sponsalia pure contrahere non licet cum per- *An sponsalia*
sona alia, contractis jam conditionalibus (§. 411.); *Si bina posteriora*
fuerint contracta sponsalia, quorum priora sunt conditionalia, postea
pura, pura non preferenda sunt conditionalibus. *para prae-*
ferenda prio-

Valet hoc non tantummodo de sponsalibus, verum etiam *ribus condi-*
de omni pacto, qualecunque tandem fuerit, cum idem despon- *tionalibus.*
salibus non demonstratur, nisi quatenus pactum sunt, prouti
apparet, si principia demonstrandi in propositione præcedente
considerentur.

§. 413.

Si quis sponsalia celebravit sub conditione, cum persona alia sub qua
sponsalia celebrare licet sub hac conditione negativa, si prior non existat, conditione
Etenim si conditio, sub qua sponsalia priora celebrata, non contrahi
existit, sponsalia priora evanescent (§. 534. *part. 3. Jur. nat.*), possint bina
adeoque nulla sunt. Enimvero si conditio ista non existat, con- *sponsalia*
ditio negativa existit, sub qua sponsalia posteriora celebrata *conditiona-*
(§. 490. *part. 3. Jur. nat.*), adeoque posteriora valida sunt (§. 467. *ta.*
part. 3. Jur. nat.). Nihil itaque obstat, quo minus is, qui
spon-

sponsalia sub conditione celebravit, cum alia persona sponsalia contrahat sub hac conditione, si prior non existat, consequenter ea sub hac conditione negativa contrahere licet, antequam constare possit, utrum conditio ista, sub qua sponsalia priora contracta, sit exitura, nec ne.

Facile patet spem ex sponsalibus prioribus quæsitam personæ, cum qua contracta fuerunt (§. 471. part. 3. Jur. nat.), per sponsalia posteriora non adimi, consequenter posteriora contrahendo nullam injuriam eidem fieri (§. 475. part. 3. Jur. nat.). Salva manet spes ista perinde, ac si posteriora contracta non fuissent.

§. 414.

De consummatione matrimonii, conditione sponsaliorum nondum existentis.

Si sponsalia sub conditione fuerint contracta, conditione nondum existente matrimonium perficere & consummare licet. Si personæ, quæ sponsalia sub conditione contraxerunt, inter se conveniunt, quod conditione nondum existente matrimonium perficere ac consummare velint; evidens est, quod mutuo consensu conditionem tollant, seu pro non adjecta declarent, consequenter sponsalia conditionata in pura convertant (§. 462. part. 3. Jur. nat.), seu, quod perinde est, conditionata mutuo dissensu dissolvant, & pura mutuo consensu contrahant. Quoniam itaque mutuo dissensu sponsalia dissolvere licet (§. 383.) conditionatis vero dissolutis nil obstat, quo minus sponsalia pure contrahant, ex sponsalibus autem puris nascitur obligatio matrimonium perficendi & consummandi (§. 370.); si sponsalia sub conditione fuerint contracta, conditione nondum existente matrimonium perficere ac consummare licet.

Ostenditur etiam hoc modo. Per se patet, eas personas, quæ sponsalia sub conditione contraxerunt, eadem quoque pure contrahere potuisse, siquidem voluissent. Quamobrem

obrem cum unicuique permittendum sit, ut voluntatem suam mutet, quamdiu nil agit, quod est contra jus alterius (§. 377. *part. 3. Jur. nat.*); personis quoque, quæ sponsalia sub conditione contraxerunt, liberum est, in pura consentire, consequenter matrimonium perficere ac consummare (§. 370.).

Cum naturaliter non opus sit, ut sponsalia contractum matrimonii præcedant (§. 388.), immo eodem actu matrimonium & perfici, & consummari possit (§. 368.); naturaliter nihil obstat, quo minus personæ, quæ sponsalia sub conditione contraxerunt, parum sollicitæ, utrum conditio aliquando sit exitura, nec ne, matrimonium statim perficiant ac consumment.

§. 415.

Si ad sponsalia sub conditione contracta accedat copula carnalis, naturaliter matrimonium consummatum intelligitur. Etenim quando sponsalia sub conditione contrahuntur, contrahentes sese sibi invicem obligant ad matrimonium ineundum (§. 370.), consequenter & corporis sui usum sibi invicem concedendum generationis causa (§. 305.). Quamobrem cum cum concessio hujus usus copula carnalis sit (§. 309.) & per eam matrimonium consummetur (§. 367.), si vero sponsalia sub conditione contracta fuerint, conditione nondum existente, matrimonium consummare liceat (§. 414.), stuprum autem illicitum sit (§. 334.); si ad sponsalia sub conditione contracta accedat copula carnalis, naturaliter matrimonium consummatum intelligitur.

De copula carnali ad sponsalia conditionata accedente.

Quia jure positivo ad perficiendum matrimonium requiruntur certæ solennitates, veluti apud nos copula sacerdotalis, sine qua perfectum non intelligitur; ideo sponsalia conditionata accedente copula carnali habentur pro puris, ut adeo hæc tollat conditionem (§. 464. *part. 3. Jur. nat.*), & sic nascatur obligatio matrimonium perficiendi more lege præscripto (§. 370.).

(*Wolffii Jur. Nat. Pars II.*)

Nn

Non

Non est, quod excipias, personas sub conditione desponsatas consentire posse in copulam carnalem salvis sponsalibus sub conditione contractis. Hæc enim conventio cum illicita sit (§. 334.), non valet, consequenter nullum effectum juris producit.

§. 416.

De sponsalibus sub conditione turpi facta invalida sunt & illicita. Sponsalia sub conditione turpi facta invalida sunt & illicita. Sunt enim sponsalia pactum (§. 369.). Quamobrem cum promissio, consequenter & omne pactum (§. 800. *part. 3. Jur. nat.*), sub conditione turpi factum statim invalidum sit (§. 495. *part. 3. Jur. nat.*) ac illicitum (§. 494. *part. 3. Jur. nat.*); sponsalia sub conditione turpi facta invalida sunt & illicita.

Istiusmodi conditiones turpes complures enumerant Canonistæ & cum iis Theologi, veluti ducam te, si generationem prolis evitabis; si sterilitatis medicamenta sumseris, si pro quaestu te adulterandam dabis, si te nudam conspiciendam præbueris; si furatus fueris; si alterum occideris; si Deo maledixeris, & quæ sunt his geminæ.

§. 417.

De sponsalibus sub conditione impossibili facta nulla sunt. Sponsalia sub conditione impossibili facta nulla sunt. Pro-missio enim nulla est, quæ fit sub conditione impossibili (§. 484. *part. 3. Jur. nat.*), consequenter & pactum nullum est, quod sub tali conditione fit (§. 800. *part. 3. Jur. nat.*). Quamobrem cum sponsalia pactum sint (§. 369.); sponsalia quoque sub conditione impossibili facta nulla sunt.

Sunt equidem qui contendunt, sponsalia perinde ac pacta quæcunque alia, sub conditione impossibili facta valida esse, quod conditio impossibilis pro non adjecta habenda sit, quia jure Romano in testamento conditio impossibilis pro non adjecta habetur. Quodsi vero conditio non adjecta ponatur, promissio non amplius erit conditionata, sed pura (§. 464. *part. 3. Jur. nat.*). Enimvero ex notione promissionis conditionatæ & conditionis impossibilis hoc minime demonstratur, consequen-

quenter nec naturaliter admitti potest. Quod si quis sciens ad-
 jiciat conditionem impossibilem, quando serio contrahendum,
 jocabitur in re seria (§. 287. part. 3. *Jur. nat.*), quod minime
 ferendum (§. 289. part. 3. *Jur. nat.*).

§. 418.

Sponsalia contrahere licet sub hac conditione; ducam te; vel nubam tibi, si dederis centum aureos. Qui enim vult sibi dari ab altero centum aureos, cum gratis dari debeant, per hoc, is vult centum aureos sibi donari (§. 48 part. 4. *Jur. nat.*), & cum velit eos sibi dari eo fine, ut matrimonium cum dante contrahat, donum dari debet ad consequendum finem licitum (§. 269.). Quoniam itaque donationes in se illicitæ non sunt (§. 122. part. 4. *Jur. nat.*), nec reddantur illicitæ finis alicujus consequendi gratia factæ, nisi is malus, seu illicitus fuerit (§. 123. part. 4. *Jur. nat.*); nil sane obstat, [quo minus sub hac conditione contrahantur sponsalia, ducam te, vel nubam tibi, si dederis mihi centum aureos.

Qui contrarium statuunt, conditionem vel pro turpi habent, vel saltem pro non honesta, vel cum *Melanchtone* pro otiosa, utpote ad substantiam matrimonii non pertinente. Rectius vero *Canonistæ* eam inter honestas referunt, sub qua licite contrahuntur sponsalia. Quod enim quidam *Juri* dicant, eam esse contra bonos mores, cum præ se ferat amorem venalem; id etsi subinde locum habere possit, non tamen semper obtinet: possunt enim esse causæ maxime honestæ, cur quis uxorem ducere velit, si ipsi dederit certam pecuniæ summam, veluti si ære alieno laboret, vel si eandem in usum honestum impendere velit, e. gr. ut studiis operam dare possit in Academia & pariter, cur qua femina nubere velit viro diviti, sub hac conditione, ut ipsi det centum aureos, nimirum ut hos tanquam bona sua inferat & mortuo marito habeat, unde vivat. Cum vero motiva non attendantur, ubi de jure agitur, quod ex pacto acquiritur; hæc non alio fine a

nobis in medium afferuntur, quam ut pateat, conditionem præsentem omnino talem esse, sub qua sponsalia contrahi minime repugnet.

§. 419.

*Effectus il-
lorum spon-
saliorum.*

Quoniam sponsalia contrahere licet sub hac conditione, ducam te, vel nubam tibi, si dederis centum aureos (§. 418.), sponsalia vero conditionata valida non sunt, nisi existente conditione (§. 370.); *antequam conditio fuit adimpleta, matrimonium inire non tenetur persona, cui donatio promissa.* Et quoniam promissio conditionata non est servanda propter juramentum accedens conditione non existente (§. 951.); *nec sponsalia contracta sub conditione, si centum aurei dentur, licet juramento confirmata, obligant ad matrimonium inendum, si centum aurei dati non fuerint.*

Naturali juri conformem sententiam per omnia tuentur Canonistæ, qui matrimonium contrahere recusantem ante conditionem impletam a perjurii reatu recte absolvunt. Notandum vero in casu præsentis sermonem non esse de dote convenita, de qua inferius dicendum; sed de donatione, quæ sponsalibus tanquam conditio potestativa adjicitur & præter dotem stipulatur sibi pars una, seu nulla facta dotis mentione.

§. 420.

*De adimple-
tione pro-
missi spon-
salium alie-
ruius col-
lata.*

Si matrimonium promittatur ab una parte, ab altera vero acceptetur sub ea conditione, ut liceat promittenti matrimonium contrahere cum alia persona, si meliorem aut talem, qua quisque in arbitrio de causa magis placuerit, reperiat; promittenti liberum est matrimonium cum persona alia contrahere, conditionem vero offerens, seu sub ea promissionem acceptans contrahere tenetur, si ex verbis ejus vel aliunde appareat, eam consensisse sub hac conditione, si promissor in eadem voluntate perseveraturus sit, non tenetur, si appareat, eam in declarando consensu adhuc habuisse, tuncque & ipsi libe-

liberum est matrimonium pendente adhuc conditione cum alia persona contrahere. Etenim si matrimonium promittatur ab una parte, ab altera vero hoc acceptetur sub ea conditione, ut liceat promittenti matrimonium contrahere cum persona alia, si meliorem aut talem reperiât, quæ quæcunque de causa magis placuerit: acceptans adimpletionem promissi in arbitrium promittentis confert, ut statueret possit, quid visum fuerit. Liberum itaque eidem est matrimonium cum alia persona contrahere. *Quod erat primum.*

Enimvero si ex verbis partis alterius, vel aliunde appareat, eam in matrimonium consensisse sub hac conditione, si promissor in eadem voluntate sit perseveraturus; sponsalia sub condicione contracta sunt, consequenter ubi promissor urget, ut matrimonium contrahatur, contrahere tenetur (§. 370.). *Quod erat secundum.*

Quodsi vero ex verbis conditionem offerentis vel aliunde appareat, quod in declarando consensu adhuc hæserit, sponsalia, quæ tanquam pactum (§. 369.), promissionem & repromissionem continere debent (§. 788. part. 3. Jur. nat.), nondum perfecta intelliguntur, consequenter omne id, quod actum est, ad tractatus sponsalitis referendum (§. 371.), qui cum non sint obligatorii (§. 372.), ad matrimonium contrahendum persona ista, quæ conditionem obtulit, non tenetur & quia tractatus sponsalitii minime obstant, quo minus matrimonium cum alia persona contrahi possit (§. cit.), pendente adhuc conditione cum alia contrahere potest. *Quod erat tertium & quartum.*

Casum hunc non esse impossibilem, facile patet; esse autem dabilem, ipse novi, & noverunt dubio procul etiam Canonistæ ac Casuistæ, qui de eodem agunt.

§. 421.

De conditione... Si quis matrimonium promittat *fœminæ* sub hac conditione, ne ducam te, ducam te, nisi meliorem reperire potuerim, nec conditioni adjiciatur dies, nihil agitur; si vero dies adjectus fueris, sponsalia conditionata intelliguntur contracta. Etenim si quis matrimonium promittat *fœminæ* sub hac conditione, ducam te, nisi meliorem reperire potuerim, nec conditioni adjiciatur dies; quando *fœmina* urget, ut matrimonium contrahatur, is semper excipere valet, se adhuc querere meliorem, consequenter conditionem nonduam extare (§. 490. *part. 3. Jur. nat.*). Perinde, igitur est, ac si dixisset: Ducam te, si voluero. Enimvero si tibi quid promitto sub hac conditione, si mihi placuerit, vel quod perinde est, si voluero, promissio nulla est (§. 520. *part. 3. Jur. nat.*). Quamobrem nihil quoque agitur, si quis matrimonium promittat *fœminæ* sub hac conditione, ducam te, nisi meliorem reperire potuerim, nec conditioni adjiciatur dies. *Quod erat unum.*

Enimvero si conditioni adjiciatur dies, & dies venerit, cum die veniente vel cum persona alia contracta sint sponsalia vel matrimonium jam initum sit, vel non; utrum conditio existat, nec ne, manifestum est (§. 490. *part. 3. Jur. nat.*). Nihil itaque obstat, quo minus sub hac conditione sponsalia utiliter contrahantur, ut scilicet ex iis nascatur obligatio matrimonium contrahendi (§. 370.). Quamobrem in hoc casu sponsalia conditionata contracta intelliguntur. *Quod erat alterum.*

Facile patet, in casu priori pendente conditione *fœminæ* liberum esse matrimonium, consequenter & sponsalia (§. 369.), contrahere cum persona alia; in posteriore hoc non licere: mari autem matrimonium contrahere licere quocunque tempore cum alia in casu priore, in posteriori autem nonnisi antequam dies conditioni adjectus venerit, ut opus non sit ea pro-

prolixius demonstrari. Qui omnem Juris naturæ amplitudinem animo comprehenderit, in dubium minime revocabit istiusmodi casuum decisionem ad Jus naturæ pertinere. Immo ipsæ demonstrationes hoc aperte loquuntur, cum casus non decidentur nisi ex iis, quæ in Jure naturæ demonstrata sunt. Et quamvis fieri non possit, nec consultum sit, ut casus omnes possibiles decidentur; exempla tamen dare debuimus, ut intelligatur, quomodo hic sit procedendum. A nostro enim instituto minime alienum est monstrare viam, qua ulterius progredi datur, & docere modum, quo principia Juris naturæ ad casus obvios sint applicanda.

§. 422.

Rerum domesticarum nomine nobis veniunt res omnes, quibus utimur ad vitæ necessitatem, utilitatem ac jucunditatem. Et rerum domesticarum administratio *Oeconomia* dicitur.

Res domesticæ quanam dicantur & quid sit œconomia.

Homo non modo obligatur ad corpus suum vitamque (§. 349. 350. *part. 1. Jur. nat.*) atque sanitatem conservandum (§. 393. *part. 1. Jur. nat.*), consequenter ad prospiciendum necessitati vitæ; verum etiam operam dare tenetur, ut, quantum fieri potest, vitam commode (§. 466. *part. 1. Jur. nat.*), ac jucunde transigat (§. 471. *part. 1. Jur. nat.*). Opus igitur habet cum rebus necessariis (§. 499. *part. 1. Jur. nat.*), tum utilibus & voluptuariis (§. 500. 501. *part. 1. Jur. nat.*), ac de iis sibi comparandis sollicitus esse debet. Inde est, quod homines habeant res tam necessarias, quam utiles ac jucundas, atque operam dent, ut, postquam dominia rerum introducta sunt, ac per consequens res propriæ factæ, pecuniam acquirant, pro qua sibi eas comparare possunt. Res igitur istas omnes, quas ad vitæ necessitatem, utilitatem ac jucunditatem nobis comparavimus, vel quomodocunque acquisivimus, simul sumtas res domesticas appellare solemus. Earum vero administratio tum quatenus comparandæ, tum quatenus utendæ, tum quatenus conservandæ, œconomia appellatur.

§. 423.

§. 423.

*De cohabitatio-
ne & æco-
nomia con-
jugum.*

Conjuges cohabitare & ækonomiam communem habere debent. Etenim operam dare debent procreationi ac educationi pro-
lis (§. 270.). Enimvero prolem sine coitu procreari non
posse constat, consequenter prolis procreandæ causa corpo-
ris sui usum sibi invicem concedere tenentur. Et quoniam
proles educari nequit, nisi eidem prospiciatur de iis, quibus
ad conservationem sui indiget, & actiones ipsius juxta legem
naturæ determinentur, quas ipsamet sic determinare non-
dum novit (§. 255.); ideo necesse est, ut prolem penes se
habeant. Quamobrem cum utrumque commode fieri ne-
queat, nisi conjuges cum prole sua habitent in eadem domo,
quod experientia quotidiana abunde docet; conjuges co-
habitare debent. *Quod erat unum.*

Enimvero non modo ipsi conjuges, qui non modo iis
indigent, quæ ad vitæ necessitatem requiruntur, verum et-
iam aliis opus habent, quæ utilitati ac jucunditati vitæ ser-
viunt, res vero istas habere debent in domo, in qua habi-
tant, quod per se patet; verum etiam proli suæ, quam edu-
care tenentur conjunctis viribus (§. 305.), de iisdem rebus
prospicere debent (§. 255.). Quamobrem necesse est, ut
res ad vitæ necessitatem, commoditatem ac jucunditatem
spectantes, consequenter domesticas (§. 422.) habeant, &
de iis comparandis ac utendis communem curam adhibeant,
adeoque res domesticas communi cura administrent. Quo-
niam itaque rerum domesticarum administratio ækonomia
est (§. cit.); conjuges quoque communem ækonomiam ha-
bere debent. *Quod erat alterum.*

Quamprimum homines in societates conjugales consense-
runt; res ipsa eosdem docuit, quod cohabitare ac ækonomi-
am communem habere debeant. Atque ideo moribus rece-
ptum est, ut cohabitent ac communem ækonomiam habeant.

Quæ

Quæ vero natura ipsis dicitur, ea omnino juris naturæ sunt, quippe quod in ipsa hominis rerumque essentia atque natura rationem sufficientem habet (§. 135. *part. 1. Phil. pract. univ.*). Et postquam moribus hoc invaluit, qui in matrimonium consentiunt, tacite quoque consentiunt in cohabitationem & æconomiam communem, & ipsa lex naturæ consentire jubet, seu consensum imperat. Quamvis vero rerum domesticarum administratio communis sit, non propterea necesse est, ut rerum omnium usus sit promiscue utrique conjugii communis, cum quædam sint, quæ tantummodo usui unius inserviunt, neque etiam necesse est, ut res omnes, etiam quoad usum communes, sint quoad proprietatem communes, usus enim communis subsistere potest, etiam si proprietas sit penes unum, immo usus uni proprius subsistere potest cum dominio, quod in ea re alteri competit.

§. 424.

Quoniam conjuges communem ækonomiam habere debent (§. 423.), & per consequens rerum domesticarum administrationi communem curam adhibere (§. 422.), res veniunt in commune domesticæ sunt, quibus utuntur ad vitæ necessitatem, utilitatem ac jucunditatem (§. *cit.*), consequenter tam necessariæ (§. 499. *part. 1. Jur. nat.*), quam utiles & voluptuariæ (§. 500. 501. *part. 1. Jur. nat.*); conjuges usum rerum necessariarum, utilium ac voluptuariarum sibi invicem communicare & uterque conjugum ad eas acquirendas, comparandas & conservandas conferre debet, quantum potest.

Conjuges socii sunt (§. 270.), quorum unusquisque facere tenetur, quod ad finem societatis consequendum facere potest (§. 7.). Sine rebus necessariis, utilibus ac voluptuariis societas conjugalis subsistere nequit, cum finis societatis hujus, qui procreatio & educatio sobolis est (§. *cit.*), requirat, ut una vivant & sibi ac soboli de iis prospiciant, quæ vitæ necessitas, commoditas & jucunditas exigit, observata tamen differentia, quæ

(Wolffii Jur. Nat. Pars VII.)

O o

inter

inter usum rerum necessariarum, utilium & voluptuariarum observanda (§. 502. part. i. Jur. nat.). Officia enim, quæ unusquisque sibi metipsum naturaliter debet, inter conjuges communicantur, non minus ac officia, ad quæ proli suæ tenentur communi cura educandæ (§. 263.).

§. 425.

*Quinam
conjugum
plus acquirere
debeat.*

Quia uterque conjux ad res necessarias, utiles ac jucundas acquirendas conferre debet, quantum potest (§. 424.); si uxor plus acquirere potest marito, acquirere debet, & contra.

Ad ea quæ acquiruntur, referendi utique sunt redditus ex bonis, quæ conjux habet, veluti fructus ex rebus immobilibus ac usufructus ex pecunia scænorè exposita perceptæ. Unde patet, fieri posse, ut uxor dives plus acquirat quam maritus, etiam si insuper habeamus operas, quibus aliquid acquiritur.

§. 426.

*Cujusnam
sint quæ a
conjugibus
acquiruntur.*

Quoniam vero conjuges usum tantummodo rerum necessariarum, utilium ac voluptuariarum sibi invicem communicare & ad has res acquirendas conferre debent, quantum possunt (§. 424.); quæ ab iis acquiruntur, naturaliter communia non sunt, sed quatenus acquisita vel sunt in rerum necessariarum, utilium ac voluptuariarum numero, quarum usum exigit societas conjugalitatis, vel in has comparandas impenduntur, illorum usus communis est. Cum tamen per pacta jura, quæ quis habet, remittendo (§. 117. part. i. Jur. nat.), eadem immutari possint; quin de eo, quod acquiritur, conveniri possit, cuiusnam acquiri debeant, dubitandum non est.

Hic vero non queritur, quid juris ex pacto, sed quid ex societate conjugali nascatur. Atque hoc ante constare debet, quam judicium fieri possit, quid pactis conveniat, ut sint æqua, non iniqua: sit ita, quod jure externo pactis validitatem non semper detrahat iniquitas. Utile quoque est talia nosse, ut constet,

stet, quid lege positiva recte constituatur, prouti suo loco elucidet.

§. 427.

Opera obsequiales, seu officiales dicuntur, quarum ratio sufficiens in fine matrimonii continetur, cur ab uxore præstandæ sint, veluti ad oeconomiam & liberorum educationem spectantes. *Artificiales* vero appellantur, quarum ratio sufficiens ex sola matrimonii notione reddi nequit. Sunt hæc vel ministeriales, vel simplices. Nimirum *opera artificiales ministeriales* sunt, quæ fiunt in ministerium mariti, veluti si maritum juvet uxor in opificio, vel mercatura. *Opera artificiales simplices* vocantur, quæ in ministerium mariti non fiunt, veluti si lotrix fuerit, netrix aut obstetrix, vel si mercaturam suo nomine exercent.

Operæ, quæ rationem sufficientem in fine matrimonii habent, ad uxorem omnes promiscue spectant, cum quilibet, qui societatem contrahit, obligetur & ad ea faciendæ, quæ finis hujus societatis imperat (§. 7.). Enimvero quæ in fine matrimonii rationem sufficientem non habent, sed ut ratio sufficiens ad sit, aliæ præterea determinationes eidem superaddendæ sunt, cum nonnisi posita ratione sufficiente ponatur id, quod propter eam potius est, quam non est (§. 118. *Ontol.*), uxorum omnium communes esse nequeunt. Sane non quælibet uxor maritum juvare potest in opificio, vel mercatura, atque ideo hoc particulare quid est, sine quo finis matrimonii subsistere potest. Similiter non quævis uxor artem quandam caller, quam exercendo pecuniam acquirere potest. Unde sicuti ante patet, finem matrimonii sine illa subsistere posse.

§. 428.

Quoniam ex fine matrimonii ratio sufficiens reddi potest, cur operæ obsequiales ab uxore præstari debeant (§. 427.), *one uxoris* quilibet autem socius facere obligatur, quæ ad finem societatis *quoad opem*

ras obsequi- tatis consequendum facere potest (§. 7.); *uxor quoque ad*
ales. *operas obsequiales præstandas obligatur* (§. 270.), consequenter
eas negligere non debet (§. 722. *part. 1. Jur. nat.*).

Operæ obsequiales seu officiales ad officium uxoris ita perti-
 nent, ut ab ea separari minime possint. Eas si omittit, in of-
 ficio suo negligens est, nec facit, quæ uxori incumbunt. Ex
 quoniam omnes obligationes sociorum ex fine æstimandæ ve-
 niunt (§. 10.), finis autem ad determinationes essentielles perti-
 net (§. 3. b. & §. 252. *Ontol.*); operæ obsequiales sunt de es-
 sentia matrimonii.

§. 429.

Quando o-
pera mini-
steriales de-
beantur.

Si uxor apta est ad operas ministeriales & per obsequiales va-
caverit, ad illas marito obligatur. Etenim maritus per operas
 suas acquirere studet, quæ ad res domesticas comparandas
 requiruntur. Quamobrem cum etiam uxor ad eas compa-
 randas conferre obligetur, quantum potest (§. 424.), ope-
 ras quoque in ministerium mariti conferre debet, si apta fu-
 erit, consequenter operas ministeriales marito debet (§. 270.
part. 1. Phil. pract. univ.). Quoniam vero operas obsequia-
 les negligere minime debet (§. 428.); operas ministeriales,
 si ad eas apta fuerit, non debet, nisi per obsequiales vaca-
 verit.

Cum nemo obligetur ad impossibile (§. 209. *part. 1. Phil. pract. univ.*); facile patet, uxorem ad operas ministeriales mi-
 nime obligari, si ad eas apta non fuerit. Atque hinc porro li-
 quet, cur non quælibet uxor ad eas præstandas obligetur, con-
 sequenter earum ratio sufficiens in fine matrimonii non conti-
 neatur: tales enim esse debent operæ, quibus maritus acqui-
 rit necessaria vitæ præidia, ut eas etiam femina præstare pos-
 sit, cumque habitus istiusmodi operas præstandi acquirendus
 sit, porro necesse est, ut eodem polleat uxor.

§. 430.

§. 430.

Si uxor operas artificiales simplices præstare possit & per obsequiales vacaverit; naturaliter ad has quoque obligatur. Et nimirum per operas acquiritur pecunia, quibus res domesticæ comparari possunt, quod per se patet. Quamobrem cum uxor ad eas comparandas conferre debeat, quantum potest (§. 424.); si per operas sibi proprias, quæ non fiunt in ministerium mariti, pecuniam acquirere potest, ad hoc obligatur. Quoniam tamen obsequiales negligere minime debet (§. 428.), per istiusmodi operas nec acquirere pecuniam tenetur, nisi quatenus per operas obsequiales vacaverit. Quamobrem cum operæ, quæ non fiunt in ministerium mariti, sint artificiales simplices (§. 427.); naturaliter quoque uxor ad operas artificiales simplices obligatur, si eas præstare possit & per obsequiales vacaverit.

Probe tenendum est, sermonem hic esse non tantummodo de potentia physica, verum etiam morali, quæ posterior instatu potissimum civili attendenda venit, ubi quivis labor non convenit dignitati conjugum, quamvis etiam in statu naturali non quivis labor deceat omnes. Cavendum itaque, ne propositionem præsentem latius interpretemur, quam par est. Quid enim fieri ab uxore possit, ex circumstantiis dijudicandum.

§. 431.

Lucrum appellatur, quod per operas conjugum acquiritur, deductis impensis, quæ matrimonii causa fiunt.

Nimirum *lucrum* in genere appellatur res, qua firmus locupletiores (§. 613. *part. 3. Jur. nat.*). Conjuges itaque cum ex eo, quod acquirunt, non fiant locupletiores, nisi quatenus, deductis impensis quas matrimonii causa facere tenentur, quid relinquitur; pro lucro reputandum non est, nisi quod deductis impensis fuit acquisitum.

§. 432.

*An uxor
propter ope-
ras ministe-
riales fiat
particeps lu-
cri.*

Naturaliter uxor participat lucrum pro rata operarum ministerialium. Etenim si uxor operas ministeriales præstat marito, quod per eas acquiritur, non minus ab ipsa, quam a marito acquiritur, consequenter cum lucrum sit, quod deductis impensis, quæ matrimonii causa fiunt, superest (§. 431.), lucrum conjugum commune est, si operas ministeriales marito præstitit uxor. Quoniam vero non æquales operas præstiterunt uxor atque maritus; ideo lucrum commune pro rata operarum dividendum, consequenter uxor naturaliter participare debet lucrum pro rata operarum ministerialium.

Naturali huic æquitati conveniunt mores Hassorum. In Hassia enim uxor plebeja partem bonorum in matrimonio per operas acquisitionum accipit, marito mortuo. Nec ab ea abeunt aliæ leges positivæ, quas sub examen revocare præsentis instituti non est,

§. 433.

*De iis, quæ
per opera
artificiales
simplices ac-
quiruntur.*

Quæ uxor per operas artificiales simplices acquirit, ea ipsius sunt, de iis tamen in res domesticas comparandas impendere tenetur, quantum pro datis circumstantiis requiritur. Etenim operas artificiales simplices nec finis matrimonii per se, nec ministerium mariti exigit; sed contingit fœminas tales præstare ac per eas aliquid acquirere posse. Quod si ergo per eas aliquid acquirit; nulla sane ratio est, cur quod acquiritur, vel mariti, vel commune esse debeat. Quamobrem cum id, quod nec mariti, nec commune esse potest, ipsi proprium esse debeat; quæ per operas artificiales simplices acquirit, ea ipsius sunt. *Quod erat unum.*

Enimvero quoniam uterque conjux ad res domesticas comparandas conferre debet, quantum potest (§. 424.), quin de eo, quod per operas artificiales simplices acquirit uxor, illis

illis comparandis impendere teneatur, quantum pro datis circumstantiis requiritur, dubitandum non est. *Quod erat alterum.*

In genere dici nequit, quantum in res domesticas comparandas de eo, quod per operas artificiales acquirit uxor, impendi debeat. Quoniam enim naturaliter uxor plus impendere debet, quam maritus, si plus acquirit, non tantum, quantum maritus, si non tantum, quantum ille acquirit; ex circumstantiis utrique dijudicandum, quantum ipsa conferre teneatur. Quamobrem fieri potest, ut, quicquid acquirit, ad ferenda onera matrimonii conferre teneatur; fieri quoque potest, ut omne sit in lucro ipsius, consequenter meri arbitrii sit, quid facere constituerit. Non est, quod difficultates urgeas, quæ hinc oriri possunt. Hic enim tantummodo quæstio est de jure, non quid fieri pro casu emergente suadeat prudentia.

§. 434.

Quoniam per operas artificiales simplices uxor sibi *Quinam* acquirit (§. 433.), lucrum vero est, quod deductis impensis, *per operas* quæ matrimonii causa fiunt, a conjugibus tuit acqisitum (§. *artificiales* 431.); ex iis, *qua uxor per operas artificiales simplices acquirit, simplices* *lucri nihil maritus percipere potest, sed lucrum omne manet uxoris. lucretur.*

Nihil in hisce difficultatis est, modo consideres, cum eadem teneat conjuges obligatio, tam quoad educationem prolis, quam quoad seipsum, prouti ex iis, quæ passim demonstrata sunt, manifestum est, uxorem perinde per operas artificiales simplices sibi acquirere, quam maritum per operas, quibus ipse acquirit. Et quemadmodum ex eo, quod maritus acquirit, nihil lucri percipit uxor, ita similiter nihil lucri percipere posse maritum de eo, quod per operas suas acquirit uxor. Ex pacto conjugali, qua tali, si nimirum nullum aliud pactum adjiciatur, nulla sequitur inæqualitas inter maritum & uxorem.

§. 335.

Uxor naturaliter dominium retinet in bonis, qua habet, dum De dominio nubes,

uxoris in bonis suis; vel quæ durante matrimonio quomodocunque eidem obveniunt. Quæ enim a conjugibus acquiruntur naturaliter communia non sunt, sed quatenus acquisita vel sunt in rerum numero, quarum usum exigit societas conjugalis, vel in has comparandas impenduntur, illorum usus communis est (§. 426.). Quamobrem si uxor, dum nubet, bona quædam habeat, vel etiam quædam durante matrimonio quomodocunque eidem obveniant, ea communia non sunt, consequenter uxoris propria manent, cumque fructus ex iis percepti ad ea pertineant, quæ ipsa acquirit, hi quoque ipsius sunt. Patet itaque uxorem naturaliter dominium retinere in bonis, quæ habet, dum nubet, vel quæ durante matrimonio quomodocunque eidem obveniunt.

Non est, quod objicias, uxorem de iis, quæ acquirit, ad ferenda onera matrimonii conferre debere, quod potest (§. 424.). Hoc enim pertinet ad rectum domini usum (§. 167. part. 2. *Jur. nat.*). Obligatio autem dominio recte utendi non minuit ipsum dominium, quemadmodum obligationem non tollit libertas naturalis (§. 159. part. 1. *Jur. nat.*). De marito nemo est, qui dubitet, quod dominium in bonis, quæ habet, dum uxorem ducit, & in iis, quæ durante matrimonio acquirit, habeat. Nulla igitur ratio est, cur non idem jus competere debeat uxori, quod competit marito, sed hic melioris conditionis esse debeat, quam uxor. Recolenda animo hic sunt, quæ modo ad propositionem præcedentem annotavimus (not. §. 434.).

§. 436.

De jure in bonis conjugum sibi invicem constituendo. Uxor per pactum marito constituere potest jus in bonis suis, quale voluerit, & vicissim quoque maritus uxori in suis. Dominus enim alteri jus quodcunque constituere potest in re sua (§. 982. part. 3. *Jur. nat.*). Quamobrem cum bonorum nomine veniant res, quæ sunt in dominio, universim spectatæ (§. 448. part. 2. *Jur. nat.*), & jus alteri in re sua constituatur natu-

naturaliter pacto (§. 988. *part. 3. Jur. nat.*), uxor quoque marito & vicissim maritus uxori jus in bonis suis constituere potest, quale voluerit.

Absit itaque tibi persuadeas juri naturæ repugnare, ut marito competat aliquod jus in bonis uxoris, vel contra.

§. 437.

Quoniam uxor marito & maritus uxori jus quoddam *Quid hic* constituere potest in bonis suis, quale voluerit (§. 436.), matrimonium autem contrahentes in id tacite consensisse præsumuntur, quod moribus obtinet (§. 243. *part. 2. Jur. nat.*), nisi expresse aliter fuerit conventum; *si moribus obtinet, ut* marito competat aliquod jus in bonis uxoris, vel uxori in bonis mariti, id pacto tacito in iisdem constitutum intelligitur, dum matrimonium fuit contractum.

Nullam hic mentionem facimus juris positivi, quippe quod non obtinet nisi in statu civili, de quo hic nondum agitur.

§. 438.

Quia uxor marito constituere potest jus in bonis suis, *Usufructu* quaecunque voluerit (§. 436.); usufructus vero est servitus *in marito* (§. 1420. *part. 5. Jur. nat.*), & per consequens jus alteri in re in bonis uxoris constitutum (§. 1267. *part. 5. Jur. nat.*); uxor marito usufructum in bonis suis constituere potest, & ubi moribus receptum est, ut maritus habeat in bonis uxoris usufructum, eundem quoque in iis habere debet, nisi expresse aliter fuerit conventum (§. 437.).

Naturaliter itaque maritus usufructum in bonis uxoris acquirere nequit, nisi per pactum vel expressum, vel tacitum.

§. 439.

Similiter quia uxor marito, maritus uxori per pactum *De communione bonorum* constituere potest jus in bonis suis, quaecunque voluerit (§. 436.),

(Wolffii *Jur. nat. Pars VII.*)

Pp

436.)

*tum in ma-
trimonio.*

436.), pro parte quoque dominium conferre possunt sibi invicem in bonis suis indivisis, consequenter cum communio bonorum introducatur, si plures in re indivisa conjunctim pro parte rata dominium habent (§. 126. part. 2. *Jur. nat.*); *naturaliter matrimonium contrahentes convenire possunt, ut bona ipsorum sint communia.*

Talia probe notanda sunt, ut intelligatur, cum quid lege positiva constitui possit, tum quod non obstante lege positiva in contrarium pacisci liceat.

§. 440.

*De societate
bonorum a
conjugibus
contracta
pacto quo-
ad operas
ministeria-
les & artifi-
ciales sim-
plices.*

Eodem modo patet, *matrimonium contrahentes contrahere quoque posse societatem universalem, tam bonorum, quam omnium fortunarum, & particularem quoad ea, quæ ex certis rebus, vel certa negotiatione proveniunt (§. 1330. 1331. part. 4. *Jur. nat.*), & ita etiam conveniri posse, ut cum per operas ministeriales, quam artificiales simplices uxor non acquirat nisi marito.*

Quid obtineat, si societas bonorum, vel omnium fortunarum, aut etiam societas particularis contrahatur, patet ex iis, quæ de hisce societatibus demonstrata sunt (§. 1333. & seqq. part. 4. *Jur. nat.*), ut adeo opus non sit, ea hic denuo repeti. Quamvis vero de bonis suis non uno modo disponere possint conjuges, dum matrimonium contrahunt, immo postquam matrimonium etiam contractum fuit & in matrimonio quocunque tempore, si quidem solum jus naturæ spectes; in genere tamen dici nequit, quidnam horum consultius sit. Pro diversitate enim circumstantiarum nunc hoc, nunc illud rectius sit. Jure autem externo standum est eo, de quo conventum fuit (§. 789. part. 3. *Jur. nat.*), nec attenditur, quidnam sit melius. Ex pacto nimirum alteri nascitur jus, non ex eo, quod sit melius.

§. 441.

Quinam bo-

Uxor bonorum suorum administrationem marito committere potest,

potest, & vicissim maritus bonorum quoque suorum administratio-
nem committere potest uxori, si ad administrandum apta fuerit. Com-
mitti autem ea potest sive absolute, sive certa lege. Etenim vi do-
minii unusquisque de re sua, consequenter & de admini-
stratione bonorum suorum pro arbitrio suo disponere pot-
est (§. 118. part. 2. Jur. nat.). Quasi ergo quis nolit bona
sua ipsemet administrare, administrationem committere alii
potest, cuicumque voluerit. Quamobrem uxor quoque bo-
norum suorum administrationem marito, & maritus vicissim
uxori committere potest, modo hæc ad administrandum apta
sit. *Quod erat unum.*

Et quoniam a voluntate committentis pender, quomo-
do seu qua lege jus administrandi bona sua in alterum trans-
ferre velit (§. 11. part. 3. Jur. nat.); administratio quoque
bonorum sive absolute, sive certa lege conjugum a conjugum
committi potest, prouti commodum visum fuerit. *Quod
erat alterum.*

Naturaliter bona administrare debet, qui ad administran-
dum maxime aptus & cui per alia negotia vacat, si jus internum
respicimus, quippe cum lex naturæ nos obliget ad recte agen-
dum (§. 189. part. 1. Phil. pract. univ.) & ad melius præfere-
ndum (§. 191. part. 1. Phil. pract. univ.). Jure autem externo
valet, quod placuerit domino, vi dominii (§. 118. part. 2. Jur.
nat.). Qui itaque dicunt, administrationem bonorum com-
petere marito propter præstantiam sexus, aut sine ratione hoc
asserunt, consequenter præcario id sumunt, aut tacite volunt,
maritum ad administrandum bona apriorem esse uxore: id
quod tamen universaliter verum non est. Ac præterea patet,
tum a jure interno perperam concludi ad externum. Aptitudo
enim ad administrandum minime dat jus administrandi.

§. 442.

Impensa dicitur omne id, quod in rem aliquam impen-
Pp 2
ditur. quid sint.

ditur. Hinc in estimandis impensis ratio etiam habetur cura ac operarum, non modo pecunia atque rerum, in rem quandam aliam impensarum, immo etiam temporis, quod alius aliter collocari potuisset.

§. 443.

*Sumtus
quid sit.*

Sumtus dicitur pecunia, quæ in rem aliquam impenditur. Quamobrem cum omne id, quod in rem aliquam impenditur, impensa sit (§. 442.); *sumtus omnes impensa sunt, sed non impensa omnes sunt sumtus.*

E. gr. Ponamus ædibus dirutis extrui novas. Ligna & lapides, quæ ex ædibus dirutis impenduntur in novas, ad impensas pertinent; non ad sumtus. Pecunia vero, quæ erogatur pro materia comparanda & quæ tanquam merces solvitur pro operis, sumtus sunt, quos in extruccionem ædium facimus.

§. 444.

*Sumtus educationis qui-
nam sint.*

Quoniam pecunia, quæ in rem aliquam impenditur, sumtus sunt (§. 443.); pecunia, quæ impenditur in educationem proles, sunt sumtus educationis, si quæ vero res aliæ in eandem impenduntur, cum impensa sit, quod in rem aliquam impenditur (§. 442.), ea ad impensas educationis referuntur.

Ira parentes sumtus faciunt educationis, si pecuniam in vestimenta liberorum impendunt; impensas vero, si vestes suas in ea impendunt, aut mater ex linteo suo indusia eorum facit, & ubi ipsa facit, sumtui denuo parcit, atque operam suam impendit.

§. 445.

*De sumtibus
educationis
& impensis
in eandem
faciendis.*

Uterque conjux ad sumtus educationis conferre tenetur, quod potest, ac præterea eas facere in eandem impensas, quas facere potest. Etenim uterque conjux ad educationem conferre debet, quod potest (§. 305.). Quamobrem cum constet sine sumtu aliisque impensis, prolem educari non posse; uterque

que etiam conjux ad sumtus educationis conferre tenetur, quod potest, ac præterea eas facere in eandem impensas, quas facere potest.

Prudentiæ æconomicæ est, ut conjuges res, si quas habent, impendant in prolem, ut sumtibus parcant. Vide exemplum, quod modo dedimus (not. §. 444.).

§. 446.

Quoniam ad sumtus educationis uterque conjux conferre debet, quantum potest (§. 445.); si uxor fuerit inops, nec per operas suas aliquid acquirere valet, maritus solus sumtus educationis facere tenetur, uxor tamen, si quas res habet, quibus care-
De conjuge inope.
re potest, ut sumtibus parcat, eas impendere debet. Idem valet de marito inope, sed uxore divite.

Nimirum quilibet conjux confert pro modo facultatum suarum, neque enim onus, quod commune est, uni incumbere debet, nisi necessitas aliud exigat, quæ legem non habet.

§. 447.

Conjuges communi sumtu res domesticas comparare tenentur pro facultatibus uniuscujusque. Etenim ad comparandas res domesticas uterque conjux conferre debet, quantum potest (§. 444.). Quamobrem cum res pecunia comparentur, pecunia vero, quæ in eas impenditur, sumtus sit (§. 443.); conjuges communi sumtu res domesticas comparare tenentur pro facultatibus uniuscujusque. *De sumtibus in res domesticas faciendis.*

Tenenda hic quoque sunt, quæ de sumtibus educationis modo annotavimus (not. §. 446.).

§. 448.

Onera matrimonii dicuntur omnes impensæ, consequenter etiam omnes sumtus (§. 443.), matrimonii causa faciendæ. Quoniam sumtus educationis & impensæ quæcunque alia in eandem matrimonii causa sunt (§. 446.); sumtus edu-
Onera matrimonii
cati

rationis & quacunque impensa alia in eandem onera matrimonii sunt.

Onus in matrimonio habetur omne id, ad quod præstandum præter debitum conjugale tenentur conjuges, quia matrimonium contraxerunt, præstare autem non necesse haberent, si solutæ essent. Hinc onus matrimonii est, si maritus etiam uxori prospicere debet de alimentis, medicamentis et rebus ad vitæ commoditatem ac jucunditatem spectantibus, a quo onere liber foret, si matrimonium non contraxisset.

§. 449.

Quinam onera matrimonii ferre debeant.

Conjuges conjunctim onera matrimonii ferre tenentur pro modo facultatum suarum. Unterque conjux impensas in educationem proles (§. 445.) & sumtus in comparandas res domesticas facere debet, quantum potest, pro modo scilicet facultatum suarum (§. 447.). Quamobrem cum impensæ, consequenter & sumtus matrimonii causa faciendi onera matrimonii sint, & ad hæc etiam referantur sumtus educationis & impensæ in eam faciendæ (§. 448.); conjuges conjunctim onera matrimonii ferre tenentur, pro modo facultatum suarum.

Qui matrimonium contrahunt, tacite quoque consentiunt in onera matrimonii ferenda. Ea igitur quasi humeris suis imponunt. Quemadmodum vero nemo obligari potest ad ferendum majorem oneris communis partem, quam cui vires suæ sufficiunt; ita etiam onus matrimonii ita distribuendum est, ut utraque pars ferat, quantum potest, consequenter ut conjuges ferant onera matrimonii pro modo facultatum suarum.

§. 450.

Quomodo onera matrimonii pro

Onera matrimonii pro modo facultatum conjugum commodissime distribuuntur, si quæ per operas & ex rebus eorum acquiruntur, in unam massam conferantur, & lucrum inter eos dividatur in ratio.

ratione acquisitorum. Etenim si acquisita per operas & ex re-
bus conjugum conferantur in unam massam, & de ea fiant
impensæ, quas matrimonium exigit, cum quod uterque con-
jux acquirit, suum sit (§. 426.), unusquisque conjugum onera
matrimonii fert (§. 448.). Enimvero si lucrum, conse-
quenter id, quod deductis impensis matrimonii causâ factis
relinquitur (§. 431.), in ratione acquisitorum inter eos di-
vidatur; unusquisque fert onera matrimonii pro modo fa-
cultatum suarum. Patet itaque onera matrimonii pro mo-
do facultatum conjugum commodissime distribui in ratione
acquisitorum (§. 465. *part. 1. Jur. nat.*).

Nulla sane ratio est, cur conjux unus plus onerari debeat al-
tero. Plus autem oneratur, si onera matrimonii ferre tenea-
tur, & nihil lucri participet. Perinde hoc foret, ac si quis so-
cietatem contrahens tantummodo particeps esse deberet damni,
non vero lucri, quod absurdum (§. 1328. *part. 4. Jur. nat.*).
Quod vero maxime incommodum foret, si quilibet conjux sibi
haberetur, quod suum est, & quando impensæ fieri debent, in-
casibus particularibus determinandum foret, quid pro modo fa-
cultatum utriusque conferri debeat, nemo non videt. O-
mnia autem ista incommoda evitantur, si acquisita in-commu-
nem quandam massam conjiciantur, de qua impensæ fiant, &
lucrum deinde pro rata dividatur.

§. 451.

Quoniam onera matrimonii pro modo facultatum o-
mnium commodissime distribuuntur, si quæ per operas & ex
rebus conjugum acquiruntur, in unam massam conjiciantur,
& lucrum deinde pro ratione acquisitorum dividatur, lege
autem perfecta obligamur ad id, quod melius est, præte-
rendum alteri (§. 192. 193. *part. 1. Phil. pract. univ.*) ; legi
naturæ perfectivæ convenit, ut acquisita in communem massam con-
ferantur, & lucrum in ratione acquisitorum dividatur.

Nimi-

Nimirum acquisita conferuntur in communem massam, ut impensæ fiant conjunctim ab utroque conjugē: lucrum autem dividitur in ratione acquiritorum, ut impensæ fiant pro modo facultatum, nec pars una magis gravetur altera. Quod si singula probe perpenderit, quæ demonstrata sunt; facile intelligis, hoc modo nihil committi, quod sit contra jus conjugis unius, vel alterius naturaliter eidem competens, ut ideo neuter conjugum de injuria sibi facta, vel de iniquitate justas querelas movere possit.

§. 452.

Si conjuges tantundem acquirere nequeant, quantum ad ferenda onera matrimonii requiritur.

Si conjuges per operas suas & ex rebus suis tantundem acquirere nequeant, quantum ad onera matrimonii ferenda sufficit; de ipsis bonis, quæ habent, conjunctim pro rata bonorum seu in ratione eorumdem conferre tenentur, quoad adhuc requiritur. Etenim si conjuges per operas suas & ex rebus suis tantundem acquirere nequeant, quantum ad onera matrimonii ferenda sufficit, per se patet, quod adhuc deest, ex bonis eorum, seu rebus, quas habent, supplendum esse. Enimvero cum onera matrimonii conjunctim ferenda sint pro modo facultatum utriusque conjugis (§. 449.); quæ defunt, supplenda non sunt ex bonis conjugis unius, sed potius utriusque pro rata bonorum, quæ uterque conjux habet.

Naturale igitur non est, ut bona uxoris sint salva, & sola mariti bona impendantur. Ceterum cum res utiles voluptuariis, necessariæ autem utrique sint præferendæ (§. 502. *part. 1. Jur. nat.*); facile patet, utilibus ac voluptuariis esse cendum, si acquisita non sufficiant ad comparandum easdem, vel solis voluptuariis cendum esse, si utiles adhuc haberi possint. Ad abusum pertinet, si quis bona, quæ conservare tenetur (§. 458. 452. *part. 2. Jur. nat.*), rebus utilibus ac voluptuariis impendit, cum in necessariis acquiescere deberet, consequenter qui hoc facit, bona sua dilapidat (§. 459. *part. 2. Jur. nat.*): quod facere non licet (§. 460. *part. 2. Jur. nat.*).

§. 453.

§. 453.

Naturaliter maritus res uxoris alienare & oppignorare nequit, nec vicissim uxor alienare & oppignorare potest res mariti. Etenim naturaliter uxor dominium retinet in bonis, quæ habet, dum nubet, vel quæ durante matrimonio eidem quomodocunque obveniunt (§. 435). Quamobrem cum maritus non sit dominus rerum, quæ sunt uxoris (§. 121. pars. 2. *gum. Jur. nat.*), nemo autem rem alienare potest, nisi dominus (§. 668. pars. 2. *Jur. nat.*); naturaliter quoque dominus res uxoris alienare nequit. *Quod erat primum.*

Similiter quia oppignoratione alteri constituitur jus in re oppignorata (§. 1142. 1143. pars. 5. *Jur. nat.*); nemo autem alteri jus quoddam constituere potest nisi dominus (§. 983. pars. 3. *Jur. nat.*); nec maritus res uxoris oppignorare potest. *Quod erat secundum.*

Eodem modo ostenditur, nec uxorem res mariti alienare & oppignorare posse. *Quod erat tertium & quartum.*

§. 454.

Si in bonorum communionem consensere conjuges; res alienari & oppignorari nequeunt, nisi utriusque consensu. Etenim in communionem positiva nullus actus dominii validus absque consensu eorum, qui in ea sunt (§. 141. pars. 3. *Jur. nat.*). Quamobrem cum alienatio rei (§. 668. pars. 2. *Jur. nat.*) & oppignoratio sit actus dominii (§. 1142. 1143. pars. 5. & §. 983. pars. 3. *Jur. nat.*); si in bonorum communionem consensere conjuges, res alienari & oppignorari nequit, nisi utriusque consensu.

Notandum est, quoad propositionem tam præsentem, quam præcedentem, naturaliter uxorem ac maritum æquale jus habere, nec præstantiam sexus, qui terminus obscurus & (Wolffii *Jur. Nat. Pars VII.*)

Qq

vagus

vagus est, marito tribuere jus potius, sed, si quod habet, id pacto expresso, vel tacito debere esse quæsitum.

§. 455.

Quando Si conjux unus rem suam alienare vel oppignorare velit in
conjux pro- præjudicium alterius; conjux alter hoc permittere non tenetur. Et-
hilere possit, enim si conjux unus rem suam alienare vel oppignorare ve-
ne alter con- lit in præjudicium alterius, alienatio vel oppignoratio fit
jux rem su- contra jus hujus (§. 239. *part. 1. Phil. pract. univ.*). Enimvero
am alienet, cuiuslibet competit jus non patiendi, ut quis ipsum lædat (§. 913.
vel oppigno- *part. 3. Jur. nat.*), consequenter ut quid faciat, quod est con-
ret. tra jus ipsius (§. 920. *part. 1. Jur. nat.*). Conjux igitur unus
 permittere non tenetur, ut alter rem suam alienet, vel op-
 pignoret in præjudicium ipsius.

Conjux uterque onera matrimonii ferre debet pro modo fa-
 culatum suarum (§. 449.), & ea omnino commodissime di-
 stribuuntur, si acquisita in unam massam conjiciantur, de qua
 nimirum sumtus ac impensæ ceteræ matrimonii causa fiunt (§.
 448.), lucrum vero inter conjuges dividatur (§. 450.). Hinc
 facile intelligitur, alienationem vel oppignorationem fieri in
 præjudicium alterius conjugis, si per eam majus onus ipsi im-
 ponitur, ac ipse lucro quodam privetur, quod alias eidem obven-
 turum fuisset.

§. 456.

De servitu- Conjux unus rei conjugis alterius servitutem imponere nequit:
rebus con- nec si in bonorum communionem consensere conjuges, servitus imponi
jugum im- potest, nisi utriusque conjugis consensu. Qui enim servitutem
ponenda. rei imponit, jus quoddam in ea constituit alteri (§. 1267.
part. 5. Jur. nat.). Quamobrem cum nemo alteri jus quod-
 dam constituere possit nisi dominus (§. 983. *part. 3. Jur. nat.*),
 naturaliter autem uxor in rebus suis dominium habet (§.
 435.), nec quin habeat maritus in suo quisquam dubitat;
 con-

conjug quoque unus rei conjugis alterius servitutem imponere non potest.

Quoniam vero servitutis constitutio est actus domini, *per demonstrata*, in communione autem positiva nullus actus domini validus absque consensu eorum, qui in ea sunt (§. 441. *part. 3. Jur. nat.*); si conjuges in bonorum communionem consensere, servitus rebus ipsorum imponi nequit, nisi utriusque conjugis consensu. *Quod erat alterum.*

Nolumus ea persequi ulterius, quæ a pactis veniunt, five expressis, five tacitis, cum ex eo, quod conventum, metiendum sit jus. Sufficit itaque constare, uxorem marito & maritum uxori jus in rebus suis constituere posse, quale voluerit (§. 436.), & quando idem quoque tacite constituatur (§. 437.).

§. 457.

Si pecunia per operas vel ex rebus conjugum acquisita res im- *De rebus*
mobiles comparantur, eadem pertinent ad lucrum commune conjugum. *immobilibus*
Etenim si res immobiles comparantur pecunia per operas a
operas, vel ex rebus conjugum acquisita; evidens est, hanc conjugibus
pecuniam esse acquisitam deductis impensis matrimonii cau- *acquisita*
sa faciendis, consequenter lucrum commune conjugum esse *comparatis.*
(§. 431. 450.). Quod si ergo eadem res immobiles compa-
rentur, cum lucrum imminui nequeat in præjudicium alteru-
trius conjugis (§. 910. *part. 1. Jur. nat.*), res quoque istæ ad
lucrum conjugum commune pertinent.

Non quæstio est de dominio rei, sed saltem de eo, num
pretium ejus veniat in computationem lucri communis. Pa-
tet vero attendendum esse pretium, quod pro ea solutum.

§. 458.

Si damnum contingit in re uxoris, ejus est damnum, & simi- *De damno in*
liter damnum mariti est, quod in re sua contingit: quod si bona su- *rebus conju-*
erint communia, damnum commune est, & quod datur in bonis ac- *gum contin-*
quisi-gente.

quisitis, lucro communi conjugum decedit. Si enim damnum in re contingit, cum damnum in jactura sui consistat (§. 486. *part. 2. Jur. nat.*), aut res perit (§. 355. *part. 2. Jur. nat.*), aut deterioratur, consequenter quoniam rei deteriorata pretium imminuitur, quali pars ejus perit. Etenimvero res perit suo domino (§. 356. *part. 2. Jur. nat.*) &, quando deterioratur, damnum domino datur (§. 617. *part. 2. Jur. nat.*). Quamobrem cum uxor naturaliter dominium retineat in bonis, quæ habet, dum nubet, vel quæ durante matrimonio quomodocunque eidem obveniunt (§. 435.); si damnum datur in re uxoris, ejus est damnum. *Quod erat primum.*

Et quoniam nemo dubitat, quin marito soli competat dominium in rebus suis, quas habet, si matrimonium contrahentes non consenserunt in bonorum communionem; damnum, quod contingit in rebus mariti, ejus similiter esse debere eodem modo intelligitur. *Quod erat secundum.*

Quodsi bona fuerint communia, cum in communione positiva damnum pro rata commune sit (§. 135. *part. 3. Jur. nat.*), damnum quoque conjugum commune esse debet, quod in rebus ipsorum contingit. *Quod erat tertium.*

Quodsi damnum contingat in rebus acquisitis, jactura fit ejus, quod acquisitum fuerat (§. 486. *part. 2. Jur. nat.*), adeoque perinde est, ac si acquisitum non fuisset (§. 487. *part. 2. Jur. nat.*). Quoniam itaque lucrum conjugum est, quod a conjugibus acquiritur deductis impensis matrimonii causa factis (§. 431.); si damnum in bonis acquisitis contingit, lucrum istud imminuitur, adeoque illud, cujus jactura fit, eidem decedit. *Quod erat quartum.*

Facile patet, sermonem hic esse de damno, quod datur casu, vel dolo aut culpa alterius cujusdam, quam conjugis. Tale est damnum, si incendio conflagent ædes, siue fulgure fuerint

si taceat, siue ab incendiario ignes fuerint subiecti, siue quocunque casu funesto ortum fuerit incendium. Tale etiam est, si inundatione vastentur agri, si furto auferantur res mobiles, si debitor, cui pecunia credita, fuerit non solvendo. Ceterum quantum etiam ostendi poterat ex eo, quod res immobiles pecunia acquisita comparatae pertineant ad lucrum conjugum (§. 457.), sed propositionis sensus fieret restrictior.

§. 459.

Si conjux unus dolo vel culpa sua alteri det damnum, id re- De damno sarcire tenetur. Etenim qui dolo vel culpa sua alteri dat damnum, id refarcire tenetur (§. 380. part. 2. Jur. nat.). Quamobrem etiam conjux conjugii refarcire tenetur damnum, quod dato dolo, vel culpa sua eidem dat.

Valet hoc, siue in communionem bonorum consenserint conjuges, siue unusquisque sibi retinuerit dominium in rebus suis. Etenim damnum quoque pro rata patitur, qui in communione positiva est, quando in re communi datur damnum.

§. 460.

Conjux unus curam gerere debet vita, sanitatis, commoditatis ac felicitatis alterius conjugis. Etenim conjuges rerum necessariarum, utilium ac voluptuariarum usum sibi invicem communis communicare & ad eas comparandas conferre debent, quantum possunt (§. 424.). Quamobrem cum res necessariae sint, quibus vita ac sanitas conservatur, & quae ad animam perficiendam requiruntur (§. 499. part. 1. Jur. nat.), res vero utiles sint, quae ad vitam commode degendam faciunt (§. 500. part. 1. Jur. nat.) & voluptuariarum, quae ad jucunditatem vitae pertinent (§. 501. part. 1. Jur. nat.); conjux unus prospicere debet vitae, sanitati, perfectioni animae, consequenter virtutibus intellectualibus ac moralibus (§. 548. part. 1. Jur. nat.), itemque commoditati & jucunditati, & quoniam felicitas a

virtute unice pendet (§. 400. *part. 1. Phil. pract. univ.*), etiam felicitati alterius. Paret itaque, quod conjux unus curam gerere debeat vitæ, sanitatis, commoditatis ac felicitatis conjugis alterius.

Quodsi demonstrationes anteriores intime perspexeris, facile intelliges, curam hanc, de qua in propositione præsentē loquimur, pertinere ad officia conjugum & ex ipsa notione matrimonii fluere. Et ubi in sequentibus ostenderimus, qualis esse debeat parentum cura circa educationem liberorum, multo clarius adhuc elucescet, quod matrimonium requirat talem animorum unionem, qualis ad curam præsentem requiritur.

§. 461.

De amore
matrimonii
conjugum.

Conjux unus quæ conjux alteram diligere debet tanquam seipsum. Etenim conjux unus curam gerere debet felicitatis alterius (§. 460.), adeoque quantum potest eandem promoverē. Enimvero qui omni studio constanter id agit, ut alter sit felix, seu constantem & perpetuam habet voluntatem felicitatem alterius promovendi, is eundem diligit (§. 617. *part. 1. Jur. nat.*). Quamobrem etiam conjux conjugem diligere debet. Et quoniam uterque conjux etiam seipsum diligere debet (§. 607. *part. 1. Jur. nat.*), consequenter constantem ac perpetuam habere voluntatem felicitatem suam promovendi (§. 606. *part. 1. Jur. nat.*); conjux conjugis felicitatem promovere debet perinde ac propriam, consequenter conjux quæ conjux conjugem diligere debet tanquam seipsum.

Naturaliter conjux tenetur diligere conjugem tanquam æque hominem (§. 618. *part. 1. Jur. nat.*). Matrimonium enim non tollit obligationem naturalem in se immutabilem (§. 142. *part. 1. Phil. pract. univ.*). Enimvero etiamsi ponamus per impossibile hominem naturaliter non obligari ad diligendum hominem quemcunque alium tanquam seipsum; vi tamen matrimonii

rimonii conjux conjugem tanquam seipsum amare teneretur. Ad obligationem adeo connatam accedit etiam contracta (§. 17. 18. part. 1. *Jur. nat.*), ut ideo obligatio conjugis ad diligendum conjugem tanquam seipsum evadat fortior, & per consequens turpius ac gravius peccet conjux, si officio suo desit respectu conjugis, quam si id negligat respectu hominum aliorum.

§. 462.

Quoniam conjux unus qua conjux alterum diligere debet tanquam seipsum (§. 461.), non tantummodo vi obligationis omnium hominum communis, (§. 618. part. 1. *Jur. ne ceteris nat.*), quando vero duo officia erga alios inter se colliduntur, illud vincit, ad quod major est obligatio (§. 230. part. 1. *Phil. pract. univ.*); *conjux conjugem in dilectione præferre debet ceteris hominibus* (§. 208. part. 1. *Phil. pract. univ.*).

Peccat itaque maritus, si aliam quamcunque personam magis diligit, quam uxorem suam, & vicissim uxor, si aliam personam magis diligit, quam maritum suum.

§. 463.

In quibuscvis officiis præstandis conjux conjugem præferre debet aliis. Etenim conjux conjugi qua conjux obligatur ad præstanda ea officia, quæ homo homini debet (§. 460. b. cit. in quolibet §. 609. part. 1. *Jur. nat.*). Unde eodem, quo ante (§. 462.), officiorum modo patet, conjugem a conjuge aliis præferre debere in genere, quovis officiorum genere.

Quodsi officia, quæ aliis debemus, figillatim perpendere velis, facile deprehendes, ea talia esse, quæ etiam conjux conjugi debet qua conjux; ut ideo necesse non fuerit, prolixius hoc ostendi. Sane qui sincere diligit conjugem, eidem quovis ad præstanda quævis humanitatis officia erit paratus.

§. 464.

§. 464.

De dilectio-
nis & amoris
necessario
nexu.

Qui alterum diligit, eundem quoque amat. Qui enim alterum diligit, ei constans ac perpetua voluntas est felicitatem alterius promovendi (§. 617. part. 1. *Jur. nat.*), consequenter eam sibi repræsentat tanquam bonam (§. 892. *Psych. empir.*), consequenter animus ejus dispositus est ad voluptatem percipiendam ex alterius felicitate (§. 558. *Psych. empir.*). Quoniam itaque alterum amat, cujus animus dispositus est ad voluptatem percipiendam ex alterius felicitate (§. 633. *Psych. empir.*); qui alterum diligit, eundem quoque amat.

Qui amorem & dilectionem pro synonymis habent, & amare ac diligere promiscue usurpant, illi mirabuntur nos demonstrare, quod alterum amet, qui eundem diligit. Enimvero cum nos amorem a dilectione distinxerimus (§. 633. *Psych. empir.* & §. 617. part. 1. *Jur. nat.*); a nobis quoque demonstrandum fuit, dilectionem non posse concipi absque amore.

§. 465.

De mutuo
amore con-
jugum.

Quoniam qui alterum diligit, eundem quoque amat (§. 464.), conjux vero qua conjux conjugem diligere debet tanquam seipsum (§. 461.); conjux etiam qua conjux conjugem amare debet tanquam seipsum. Et quoniam conjux conjugem in dilectione ceteris omnibus præferre debet (§. 462.); conjux quoque conjugem in amore ceteris omnibus præferre debet, consequenter maritus neminem magis amare debet uxore sua, nec uxor quemquam magis amare debet marito suo.

§. 466.

Effectu illi-
us amoris.

Quoniam conjux conjugem amare debet (§. 465.), qui vero alterum amat, is voluptatem eidem creare, tedium autem seu molestiam ab eo avertere studet (§. 652. *Psych. empir.*); conjux omnem operam dare debet, ut conjugi voluptatem creet & tedi-

sadium omne seu molestiam ab eo avertat. Et quoniam id, ex quo voluptatem percipimus, nobis placet (§. 542. *Psych. empir.*); uxor studere debet, ut placeat marito, & maritus vicissim, ut placeat uxori.

Qui itaque matrimonium contrahere volunt, probe considerare debent, utrum se invicem impense amare possint, nec ne. Amore enim mutuo uniuntur animi conjugum (§. 660. *Psych. empir.*), sine qua unione felicitas conjugum subsistere nequit.

§. 467.

Quia conjux qua conjugem amare debet, nec De odio con-
quenkam magis, quam conjugem (§. 465.), qui vero alte-
rum amat, eum odisse nequit (§. 623. *part. 1. Jur. nat.*); *con-*
jux conjugem odio habere non debet, & conjugio maxime adversa-
tur, ut conjux conjugem odio habeat, consequenter cum inimi-
cus sit, qui nos odio prosequitur (§. 626. part. 1. Jur. nat.),
inimicitia matrimonio maxime adversatur, seu eidem repugnat.

Effectus odii e diametro adversantur effectibus amoris, quem admodum patet ex collatione eorum, quæ de utroque affectu demonstravimus in Psychologia empirica. Quamobrem cum conjux conjugem in quibusvis officiis præstandis præferre debeat aliis (§. 463.), sine amore autem hoc fieri non possit; facile patet, si conjux conjugem oderit, eum defuturum omnibus officiis, quæ conjux conjugi debet.

§. 468.

Qui matrimonium contrahens tacite, si non expresse sibi in- *Ad quam*
vicem promittunt, quod pars una neminem magis amare ac dili- *officia ma-*
gere velit, quam alteram, & quod in præstandis quibusvis officiis *trimonium*
alteram præferre velit ceteris hominibus omnibus, & ad hoc pars contrahentes
una alteri sese perfecte obligat. Etenim conjux unus neminem sese sibi in-
magis diligere (§. 462.) & amare debet, quam conjugem *vicem obli-*
alterum (§. 465.), ac in præstandis officiis quibusvis eun- *gent.*
(*Wolffii Jur. Nat. Pars VII.*) Rr deu

dem præferre aliis (§. 463). Quoniam hæc obligatio naturalis est (§. 141. *part. 1. Phil. præct. univ.*), ac ideo necessaria & immutabilis (§. 142. *part. 1. Phil. præct. univ.*), consequenter a matrimonio separari nequit (§. 290. 291. *Ontol.*); qui in matrimonium consentit, in illam quoque consentire intelligitur. Quamobrem si non expresse, tacite saltem promittit, quod neminem magis amare ac diligere velit quam conjugem suum, eundemque in præstandis officiis quibusvis præferre hominibus ceteris omnibus (§. 361. *part. 3. Jur. nat.*) & quoniam promittendo nos alteri perfecte obligamus (§. 363. *part. 3. Jur. nat.*), personæ, cum qua matrimonium contrahit, ad hoc perfecte sese obligat.

Ut hæc obligatio intimius perspiciatur, probe notandum est, tria in eadem considerata esse, quæ hic concurrunt. Adest nimirum 1. obligatio universalis, qua scilicet homo homini tenetur (§. 11. *part. 1. Jur. nat.*). 2. Hanc ipsa matrimonii natura ad se trahit & superaddit prælationem conjugis in casu collisionis, ita ut si alteri officium humanitatis præstandum foret cum neglectu conjugis vel in ejus præjudicium, præstatio ejus non esse in potestate tua intelligatur. Ideoque ad obligationem universalem accedit singularis (§. 12. *part. 1. Jur. nat.*) de conjugis personis aliis in præstandis officiis humanitatis præferendo. Denique 3. superaccedit obligatio externa (§. 656. *part. 3. Jur. nat.*), qua conjux unus alteri sese obligavit ad satisfaciendum obligationi internæ, quæ ex universali & singulari coaluit: quam obligationem externam firmat naturalis, qua promissa servare tenemur (§. 431. *part. 3. Jur. nat.*). Id hic notasse proderit etiam in aliis casibus,

§. 469.

*De unione
conjugum.*

Conjuges arctissime ita uniantur, ut instar unius personæ spectari debeant, nec ita cum persona alia uniri possint. Etenim conjuges sese sibi invicem obligant ad mutuum amorem, ita ut neuter

neuter personam aliam magis amare velit quam eam, cum qua matrimonium contraxit (§. 468.). Quamobrem cum mutuo amore duo ita uniantur, ut instar unius personæ spectari debeant (§. 660. *Psych. empir.*); ideo patet; conjuges arctissime ita uniri, ut instar unius personæ spectari debeant, nec ita cum persona alia uniri posse.

Unio conjugum est arctissima omnium, quæ concipi potest, cum non modo tribuat prælationem respectu ceterorum hominum omnium quoad singula officia humanitatis, verum etiam conjux unus alteri perfecte sese obliget ad hanc prælationem, dum matrimonium contrahitur. Unde scripura dicit, quod fiant una caro, quasi corpora ipsorum, dum animi amore isto uniantur, in unum coalescant, ut ideo quoad singula, quæ homo sibi ipse debet, simul spectentur tanquam eadem persona, & respectu conjugum officia erga alios degenerare intelligantur in officia erga seipsum, consequenter quod conjux conjugi præstat perinde sit ac si sibi ipse idem præstaret. Absit itaque ut existimes unionem conjugum absolvi sola copula carnali, qua in coitu corpora ipsorum junguntur (§. 309.). Propter hanc unionem conjux seipsum odisse dicitur, si conjugem odio habet, ita nihil naturæ humanæ magis adversum concipi debeat, quam odium conjugis sui.

§. 470.

Quoniam conjuges arctissime ita uniantur, ut instar unius personæ spectandi sint, nec ita cum persona alia uniri possunt (§. 469.); *Effectus illius unionis.* *qua homo sibi debet, ea etiam alii prestare tenetur conjugi alteri, & qua uni conjugum eveniunt sive prospera, sive adversa, ea etiam alteri evenisse intelliguntur, consequenter ea omnia, quæ quis sibi debet, omnesque casus inter se communicant.*

E. gr. Egrotat uxor: perinde est, ac si maritus ægrotaret. Quomodo itaque qui in morbum incidit, operam dare tenetur, ut sanitati restituatur (§. 413. *part. 1. Jur. nat.*); ita

R r 2

etiam

etiam maritus operam dare tenetur, ut uxor restituatur. Cumque perinde sit ac si uxori vires adhuc superessent sufficientes, quibus sibimetipsi facere possit ea, in quibus ope aliena indiget, ubi marito vires non defunt; ideo maritus quoque opem uxori ægrotæ ferre tenetur in iis, in quibus ope aliena indiget, consequenter opem ferre debet, quam potest. Et ubi absque medicamentorum usu sanitas restitui nequit, de iisdem uxori prospicere tenetur. Quilibet vitam suam conservare debet (§. 350. *part. 1. Jur. nat.*). Maritus igitur non minus sollicitus esse debet de conservanda vita uxoris, quam vita propria. Similiter defensionem uxoris ac famæ ipsius spectare maritus debet tanquam defensionem sui ac famæ suæ. Exempla hæc abunde docent, quomodo conjux conjugi mutuum adjutorium præstare debeat, ut opus non sit ad particularia descendere.

§. 471.

*Quid sit
consuetudo
vitæ.*

Communicatio omnium officiorum, quæ unus alteri præstare potest, usus rerum, quas quis habet, ac omnium casuum, tam secundorum, quam adverforum, qui cuique evenire possunt, dicitur *Consuetudo vitæ*.

Communio vitæ differt a communione bonorum (§. 126. *part. 2. Jur. nat.*), nec cum hac confundenda. Sumitur autem hic terminus in eo significato, quem habet in Jure Romano §. 1. Inst. de patr. potest. Vid. *Manzani* in Comment. ad h. t. §. 1. n. 10.

§. 472.

*An commu-
nionem bo-
norum re-
quirat.*

Quoniam consuetudo vitæ saltem exigit communicatorem usus rerum (§. 471.), qui absque dominio subsistere potest (§. 136. *part. 2. Jur. nat.*), communio autem bonorum dominium rerum commune facit (§. 126. *part. 2. Jur. nat.*); *consuetudo vitæ absque communione bonorum subsistere potest.*

Quando itaque ad consuetudinem vitæ accedit communio bono-

honorum, extrinsecus saltem eidem superadditur, & ista salva tolli potest, quando visum fuerit.

§. 473.

Naturaliter conjuges obligantur ad vitæ consuetudinem. Et enim conjuges inter se communicare tenentur ea omnia, quæ unusquisque sibi metipsum debet & omnes casus, qui ipsis eveniunt, sive secundi fuerint, sive adversi (§. 470.). Enimvero hæc communicatio consuetudo vitæ est (§. 471.). Conjuges itaque ad vitæ consuetudinem naturaliter obligantur. *De consuetudine vitæ conjugum.*

Hinc nuptiæ definiuntur ab Imperatore §. 1. I. de patr. pot. quod sint conjunctio maris & feminae perpetuam vitæ consuetudinem continens: ubi sub ea quoque comprehenditur communicatio usus corporum suorum, qui ad generationem proli requiritur, & in cujus concessione debitum conjugale consistit (§. 309.). Nos hic demonstrare nondum potuimus, consuetudinem vitæ perpetuam esse debere, quia nondum demonstrari potest, quamdiu durare debeat matrimonium. Ceterum ex antea dictis patet, in consuetudine vitæ personam unam alteram spectare tanquam seipsam, ita ut quod evenit alteri id tibi evenisse existimes & quo indiget alter, eo te indigere putes. Quamobrem qui officia hominis erga seipsum in parte prima Juris naturæ demonstrata animo comprehendit, is data quavis occasione intelliget, quid debeat alteri, cum quo ipsi vitæ consuetudo intercedit. Quod si a vitæ consuetudine removeas debitum conjugale, quod ad eam non per se requiritur, sed respectu matrimonii saltem eidem inesse intelligitur; facile patet naturaliter consuetudinem vitæ subsistere quoque posse inter personas, quæ matrimonium non contrahunt, consequenter etiam inter duos viros vel plures, itemque inter duas pluresque feminas. Pactum autem de consuetudine vitæ tum dici potest *Societas vitæ*. Ac id eo qui matrimonium contrahunt, eo ipso quoque societatem vitæ contrahere intelliguntur, quia sine ea matrimonium naturaliter subsistere nequit, siquidem nullus in eo notari debeat defectus.

§. 474.

*De mutuo
adjutorio
conjugum.*

Naturaliter conjuges obligantur ad mutuum adjutorium in procreatione ac educatione sobolis & in iis, quæ unusquisque naturaliter sibi metipsum debet seu quæ vitæ consuetudo exigit. Etenim matrimonium societas est (§. 270.) & qui hanc societatem ineunt conjuges sunt (§. 304.). Quamobrem conjuges sibi invicem obligantur ad mutuum adjutorium in iis, quæ ad finem societatis consequendum quomodocunque faciunt (§. 145.). Quoniam itaque matrimonium contrahitur sobolis procreandæ ac educandæ causa (§. 270.), & propterea conjuges obligantur ad vitæ consuetudinem (§. 473.); conjuges naturaliter obligantur ad mutuum adjutorium in procreatione ac educatione sobolis & in iis, quæ vitæ consuetudo exigit, consequenter quæ unusquisque naturaliter sibi metipsum debet.

Communiter mutuum adjutorium sumitur restrictius pro eo, quod præstatur in œconomia & in adversitatibus quibuscunque, ac ideo tanquam finis secundarius opponitur primario, qui est procreatio ac educatio sobolis. Enimvero ne notionibus generalibus vim inferamus, mutuum adjutorium referre debuimus non minus ad sobolis procreationem ac educationem, quam ad omnem vitæ consuetudinem, consequenter eidem tribuere omnem amplitudinem, quam naturaliter habere debet. Quod si itaque perpendas ea, quæ ad vitæ consuetudinem pertinent (§. 471.) & quæ modo de eadem annotavimus (not. §. 473.), in dato quolibet casu haud difficulter definies, quidnam mutuum adjutorium exigit.

§. 475.

*Quomodo id
præstetur.*

Quoniam conjuges obligantur ad mutuum adjutorium non solum in procreatione ac educatione sobolis, verum etiam in iis omnibus, quæ ad vitæ consuetudinem pertinent (§. 474.), qui vero mutuum adjutorium sibi invicem præstant,

stant, vires suas conjungunt in agendo & in eo, quod ipsis bonum est, promovendo (§. 141.); *conjuges vires suas conjungere debent non modo in procreatione ac educatione sobolis, verum etiam in iis, quæ ad vitæ consuetudinem pertinent, ac in promovendo eo, quod unicuique bonum est.*

Ostendimus ante, conjuges ætissime ita uniri, ut in unam quasi personam coalescant, nec ita cum persona alia quacunque uniri posse (§. 469.). Vires itaque utriusque conjugis ita conjunguntur ac si essent vires unius personæ. Atque hac virium conjunctione obtinetur concursus conjugis unius ad facta alterius.

§. 476.

Societas propter solum mutuum adjutorium in iis, quæ ad vitam mutui sa consuetudinem pertinent, inter marem ac foeminam contracta adjutorii matrimonium naturaliter non est. Quod si enim societas inter causa commarem ac foeminam contrahatur propter solum mutuum adtracta societatorum in iis, quæ ad vitæ consuetudinem pertinent, ea casus non contrahitur sobolis procreandæ ac educandæ gratia (§. 471.). Sed societas, quæ non contrahitur sobolis procreandæ ac educandæ causa, matrimonium non est naturaliter (§. 470.). Ergo si societas propter solum mutuum adjutorium in iis, quæ ad vitæ consuetudinem pertinent, inter marem ac foeminam contracta fuerit, matrimonium naturaliter non est.

Monuimus jam ante (not. §. 473.), istiusmodi societatem contrahi posse, eamque diximus societatem vitæ. Quamvis vero societas vitæ inter marem ac foeminam contracta naturaliter matrimonium non sit; hoc tamen minime obstat, quo minus civiliter quoad effectus scilicet, quos matrimonium jure civili habet, eidem æquiparetur. Et sane istiusmodi societates vitæ sub titulo matrimonii moribus nostris contrahuntur inter senes ad sobolem procreandum non amplius habiles. Huc etiam

etiam referendum est conjugium juvenis cum vetula, item conjugium inter personas ad generandum habiles contractum cum perpetuo castitatis voto: in utroque enim casu non intenditur procreatio & educatio sobolis, sine qua intentione matrimonium concipi nequit (§. 3. 270.), sed solum consuetudo vitæ, quæ ad perfectionem matrimonii requiritur, quatenus per eam finem matrimonii, qui procreatio ac educatio sobolis est, perfectius consequi datur, minime autem per se matrimonium facit.

§. 477.

De matrimonio imperfecto.

Si pactum initur a mare cum femina ea lege, ut sibi liceat ex ea quærare prolem unam, vel alteram, sed absque consuetudine vitæ; tale pactum quidem naturaliter matrimonium est, sed minus perfectum. Etenim qui pactum init cum femina ea lege, ut sibi liceat ex ea quærare prolem unam, vel alteram; is sobolem, quæ procreatur, educare vult, consequenter pactum init sobolis procreandæ ac educandæ causa. Quamobrem cum pactum sobolis procreandæ ac educandæ gratia inter marem ac foeminam initum matrimonium sit (§. 270.); si pactum initur a mare cum femina ea lege, ut sibi liceat ex ea quærare prolem unam, vel alteram, naturaliter pactum hoc matrimonium est. *Quod erat unum.*

Enimvero quoniam naturaliter conjuges etiam obligantur ad vitæ consuetudinem (§. 473.), consequenter si absque vitæ consuetudine pactum quis ineat cum femina, ut sibi liceat ex ea prolem quærare, aliquid deest, quod ad perfectum matrimonium ipsa lege naturæ requiritur, pactum istud erit matrimonium imperfectum. *Quod erat alterum.*

Et si naturaliter stuprum non committat (§. 334.), multo minus fornicetur, qui pactum istiusmodi cum femina init (§. 241.), ac ideo nulla in eo deprehendatur turpitudine naturalis; non tamen ex asse juri naturæ convenit, quatenus lex naturæ
nos

nos obligat ad id, quod melius est, alteri præferendum (§. 192. *part. 1. Phil. pract. univ.*), ut tale pactum recte dicatur adversari legi naturæ perfectivæ. Cura nimirum prolis pertinet naturaliter ad utrumque parentem (§. 263. 255.): in hoc autem pacto id agitur, ut proles tantummodo sit patris, nec mater spectetur aliter quam nutrix mercede conducta. Ueberior lux affundetur per ea, quæ de societate paterna demonstraturi sumus. Quamvis vero in statu naturali istiusmodi matrimonium haberi nequeat pro illicito; non tamen inde sequitur, idem permittendum esse in statu civili, nec in eo pro studio habendum esse. Multo minus autem hinc inferri potest, quod non sit christianismo adversum, seu hominem christianum salva conscientia tale pactum inire posse. Non est quod excipias plures esse rationes, easque honestas, cur quis prolem habere velit, matrimonium tamen perfectum, quod vitæ consuetudinem continet, contrahere nolit. Neque enim necesse est habere prolem, si cui sint rationes prægnantes, cur matrimonium perfectum contrahere nolit. Multi matrimonium contrahunt prolis habendæ causa, improles tamen moriuntur. Nec qui sibi prolem quærere vult ex fœmina, cum qua tamen matrimonium perfectum contrahere non vult, certus esse potest eam esse supervicturam, immo nec novit, num talis sit futura, ut eum pœniteat, se sibi prolem quævisse, qua carere poterat: quod etsi etiam contingere possit in matrimonio perfecto, multa tamen in eo sunt, quibus malum hoc per vitæ consuetudinem compensatur. Ceterum matrimonii hujus imperfecti species dici potest *matrimonium philosophicum*, quatenus nonnisi per rationes philosophicas defenditur. Tale matrimonium contraxisse videtur *Cartesius*, qui ex fœmina honesta genuit filiam, quam pro sua agnoscebat, impense amabat & mortuam lugebat. Sed plura de eo addere supervacaneum existimamus, cum inter nos matrimonium hoc non sit permissum.

§. 478.

Non licet matrimonium contrahere ea lege, ut maritus uxorem De matrimonio
(*Wolffii Jur. nat. Pars VII.*) Ss *certo monio ad*

sertum tem- certo tempore, vel quodocunque illi visum fuerit, cum prole dimit-
pus vel pre- tere possit soluta femina certa pecunia summa educanda sobolis cau-
cario con- sa. Lex enim naturæ utrumque parentem obligat ad sobo-
tracto. lem suam educandum (§. 263.), educatio autem requirit, ut
 cura parentum in eum perducatur statum, quo sibi metipsum
 prospicere possit de iis, quibus ad conservationem sui indi-
 get, & ut actiones suas juxta naturæ legem determinare no-
 rit, consequenter vitam homines vivere possit (§. 255.).
 Quamobrem non sufficit, ut mas det feminæ certam pecu-
 niæ summam, ut sola curam educationis gerat, ipse autem
 prolem tanquam alienam negligat. Legi itaque naturæ re-
 pugnat matrimonium contrahere ea lege, ut maritus uxorem
 certo tempore, vel quodocunque illi visum fuerit, dimitte-
 re possit, soluta sobolis educandæ causa certa pecuniæ summa.

Repugnat hoc ipsis primis naturæ. Videmus enim in eo
 animantium genere, in quo tam mas, quam femella educati-
 oni prolis præesse tenetur, marem femellam non ante dimit-
 tere, quam ubi ea ad eum statum fuerit perducta, ut aliena
 ope non amplius indigeat & generatores suos relinquat.
 Quando in capite subsequente demonstraverimus, quænam
 ad educationem hominis requirantur & quænam sint of-
 ficia parentum erga liberos, immo & liberorum erga paren-
 tes; multo clarius patebit, quantum a ratione quoque alienum
 sit matrimonium ea lege contractum, quam in propositione
 præsentē commemoravimus. Tum etiam constabit luculentius,
 quid primis naturæ superaddat ratio, quæ amorem illum
 naturalem, qui *εὐγενής* appellatur (§. 259.), extendit per omne
 tempus, quo liberi vivunt.

§. 479.

De matri-
monio ad
thalac vel
arbitrario.

Matrimonium ad thalac dicitur, quod a mare cum fœ-
 mina ea lege contrahitur, ut eam tempore convento elapso
 vel quodocunque visum fuerit cum prole dimittere liceat,
 solu-

soluta educationis causa pecuniæ summa conventa. Vocatur etiam *Matrimonium arbitrarium*, subinde quoque *matrimonium ad beneplacitum*. Enimvero cum matrimonium ad tempus certum etiam contrahi possit ea lege, ut eodem elapso mas uxorem dimittat & prolem sibi habeat; matrimonii arbitrarii latior esse poterat significatus. Si accuratius distinguere velis, quæ diversa sunt, quemadmodum exigit rerum in sua genera & species distributio; *Matrimonium temporarium* dici poterat, quod ad certum tempus, vel etiam ad tempus indeterminatum contrahitur: quod duas jam continere species per se patet. In utroque casu dimissa uxore vel maritus sibi retinet prolem, vel eam uxori relinquit, ut ideo utraque species duas alias sub se contineat subalternas. Sed defunt nomina commoda, quibus singulas hæc matrimoniorum illegitimorum species a se invicem distinguere possis. *Matrimonium ad thalac repugnare legi naturæ* patet per propositionem præcedentem. *Matrimonium vero ea lege contractum, ut dimissa uxore prolem sibi solus habeas maritus*, etiam *legi naturæ esse adversum* eodem fere modo ostenditur, quo propositionem præcedentem demonstravimus (§. 478.).

Matrimonium ad thalac in oriente frequens est, ubi mores gentium nimium tribuunt præstantiæ sexus masculini & amorem illum, quem natura ingenerat parentibus erga prolem suam, supprimunt. Nec difficulter patet, matrimonia istiusmodi magis libidinis, quam generis humani propagandi causa contrahi. Neque etiam satis conveniunt amor, quem conjux conjugii debet (§. 465.), nec consuetudini vitæ, qualem in conjugibus exigit lex naturæ (§. 471. 473.). Ceterum matrimonium ad thalac differt a philosophico, quod diximus (not. §. 477.). In eo enim cura educationis utrique parenti communis est, & amor ille naturalis, quo uterque fertur in felicitatem prolis, perinde ac in matrimonio perfecto conservatur, ut eidem

officere nequeant nisi casus, qui in hoc etiam contingunt. Immo amor iste marem impellit ad matrimonium hoc contrahendum.

§. 480.

De lactatione infantis.

Mater infantem lactare obligatur, nisi casu quodam impediatur, quo minus possit. Quando enim foemina peperit, lac in mammis affluit, quo infans indiget, ut nutriatur. Acin brutis animantibus videmus, quod partum suum lactet. Quamobrem cum lac non generetur, nisi foetus nutriendi causa; & prima naturæ sint, ad quæ animalia sua natura feruntur (§. 80. part. 2. *Jur. nat.*); naturæ genetricis & primis naturæ convenit, ut illa partum lactet. Enimvero prima naturæ cum jure naturæ consentiunt (§. 83. part. 2. *Jur. nat.*), & quod rationem sufficientem in essentia & natura hominis habet, legi naturæ convenit (§. 135. part. 1. *phil. pract. univ.*); juri adeo seu legi naturæ convenit, ut mater infantem suum lactet, consequenter infantem lactare obligatur (§. 131. part. 1. *phil. pract. univ.*). *Quod erat unum.*

Enimvero nemo obligatur ad id, quod impossibile (§. 109. part. 1. *phil. pract. univ.*). Quamobrem si casu quodam mater impediatur, quo minus infantem ipsa lactet; lactare quoque non obligatur. *Quod erat alterum.*

Parum itaque conveniunt mores nostri Juri naturæ, dum nulla urgente necessitate partus foeminis stupratis ac talibus, quæ ob libidinem scortis æquiparantur, lactandus traditur, vel ut molestiam vitent, vel ne foeminis plebejis pares videantur, quasi natura foeminas omnes non fecisset æquales, nec pro turpi habendum sit aut indecoro, quod lex naturæ jubet. Ceterum quando dicitur impossibilitatem facere exceptionem, id non tantummodo intelligendum est de impossibilitate physica, verum etiam morali, veluti si lac matris sanitati infantis parum conducatur.

§. 481.

Quoties statuendum, quid sobolis procreandæ ac educandæ & De jure convitæ consuetudinis causa fieri debeat; id utriusque conjugis consensu determinandam, & si casus quidam emergit, qui ad societatem conjugalem spectat, utrique conjugii de eo, quod fieri debet, voluntatem suam declarandi jus est. Etenim matrimonium societatis est, quæ sobolis procreandæ ac educandæ causa contrahitur (§. 270.), consequenter conjuges socii sunt (§. 4.), & finis cujus gratia societatem contrahunt, procreatio & educatio sobolis est (§. 3.), finis autem hujus consequendi causa conjuges obligantur ad vitæ consuetudinem (§. 473. 10.). Enimvero quid in societate finis consequendi gratia fieri debeat, communi sociorum consensu determinandum (§. 44.), & quando casus quidam emergit, qui ad societatem spectat, lingulis sociis jus competit voluntatem suam declarandi de eo, quod fieri debet (§. 61.). Quoties itaque statuendum, quid sobolis procreandæ ac educandæ & vitæ consuetudinis causa fieri debeat, id utriusque conjugis consensu determinandum, & si casus quidam emergit, qui ad societatem conjugalem spectat, utrique conjugii competit jus declarandi voluntatem suam de eo, quod fieri debet.

Facile patet, propositionem spectare ad eos casus, in quibus deliberandum, quid fieri debeat, v. gr. quando quaeritur, cuinam vitæ generi filius dicandus, vel quomodo acquisitis sit utendum fruendum, num prædium aliquod conducendum, num domicilium sit mutandum, num æs alienum contrahendum, num res quædam domesticæ comparandæ & quæ sunt alia hujusmodi. Qui ad ea animum attendit, quæ in antecedentibus de obligationibus & juribus conjugum demonstrata sunt, & imprimis perpendit, quid vitæ consuetudo sibi velit; ei obscurum esse nequit, quænam in dato quolibet casu ad societatem conjugalem pertineant. Quæ ad societatem conjugalem quo-

modocūque pertinent, ea utrumque conjugem tanguunt; præsertim si spectes arctissimam illam unionem, quæ inter conjuges intercedit (§. 469.). De his igitur statuere, cum facile in præjudicium alterius quid statui possit, naturaliter uni conjugum permissum esse nequit, cum conjugium non tollat officia erga seipsum & ea alterius voluntati seu arbitrio subijciat.

§. 482.

De dissensu conjugum in rebus ad societatem conjugalem spectantibus. Si de rebus ad societatem conjugalem spectantibus conjuges inter se dissentiant, ea tenenda sunt, quæ de paritate votorum demonstrata sunt. Etenim cum conjugi utrique conveniat jus declarandi voluntatem suam de rebus ad societatem spectantibus (§. 481.), declaratio voluntatis votum est (§. 62.). Enimvero quoniam conjuges nonnisi duo sunt, si inter se dissentiant, vota paria sunt (§. 67.). Quodsi ergo quæsi-
veris, quid concludendum sit; id utique hic valere debet, quod de paritate votorum demonstratum.

Naturale itaque non est, ut, quando vota conjugum dissentientia sunt, prævaleat, quod vult maritus, multo autem minus ut maritus inconsulta uxore omnia suo arbitratu facere possit.

§. 483.

De voto decisivo in socium mariti, vel in certis rebus mariti, in certis uxori competere debeat; id ex speciali pacto inter conjuges inito acquirendum & ut pacto definiatur consultum est. Etenim quando vota conjugum inter se contendunt, ea tenenda, quæ de paritate votorum demonstrata sunt (§. 482.), consequenter nihil concluditur (§. 81.), ac ideo negotium extra casum calculi Minervæ nullum exitum habere potest (§. 85.). Quoniam vero vota paria vertuntur in majora per votum decisivum, ut negotium ad exitum perducatur (§. 103.); ideo consultum est,

est, ut conjuges definiant, cuinam votum decisivum convenire debeat. *Quod erat unum.*

Enimvero istiusmodi conventio, qua conjux unus alteri promittit, se permissurum, ut valeat quod ipsi placuerit, si non ejusdem fuerint sententiæ, consequenter votum decisivum defert (§. 102.), pactum est (§. 788. part. 3. *Jur. nat.*). Quodsi ergo votum decisivum marito, vel in certis rebus marito, in certis uxori competere debeat, quando eorum vota inter se contendunt, id ex speciali pacto inter conjuges inito acquirendum. *Quod erat alterum.*

Qui affirmant, quando vota conjugum inter se contendunt, ob præstantiam sexus votum mariti prævalere debere, eos nullam asserti sui asserere rationem, supra jam annotavimus (not. §. 441.). Ex pacto, quo matrimonium contrahitur, minime sequitur, potius quoddam jus competere debere marito, vidimus in anterioribus, pares esse utriusque conjugis obligationes ac paria jura, quæ ex fine matrimonii deducuntur, ex quo jus conjugum metiendum, omnis quoque metienda obligatio (§. 10.). Quod vero in genere demonstravimus, quando vota inter se contendunt, meliora concludere non posse (§. 76.); id etiam in societate conjugali valet. Illorum itaque sententia probari nequit, qui statuunt, ejus conjugis voluntatem sequendam esse, qui id, quod sub deliberationem cadit, rectius intelligit, seu cujus de eo judicium verius (§. 71.).

§. 484.

Societas conjugalis suas habere debet leges & eadem communi De legibus mariti atque uxoris consensu determinanda. Quælibet enim societas cietas suas habere debet leges (§. 46.). Quamobrem etiam conjugalis societas conjugalis leges suas habere debet. *Quod erat unum.*

Competit autem cuilibet societati jus ferendi leges de iis, quæ ad eandem spectant (§. 46.), consequenter etiam conjugali jus fe-

jus ferendi leges de iis, quæ ad societatem conjugalem spectant, competere debet. Quoniam vero leges præscribunt media, quibus finis societatis obtinetur (§. 49.), quæ vero finis consequendi gratia in societate fieri debent, communi sociorum consensu determinanda sunt (§. 44.); maritus quoque & uxor communi consensu determinare debent leges societatis conjugalis. *Quod erat alterum.*

Facile apparet, sermonem hic esse de legibus positivis (§. 147. part. 1. *Jur. nat.*), qualis v. gr. est quod vel maritus solus simpliciter seu sine exceptione vorum decisivum habere debeat, vel in certis rebus id competere debeat marito, in aliis uxori (§. 483.), quod bona esse debeant communia (§. 439.), quod per operas ministeriales & artificiales uxor acquirere debeat marito (§. 440.), quod idem bona uxoris administrare debeat modo præscripto, & quæ sunt alia ejusmodi, quorum determinatio vi libertatis naturalis a voluntate hominum dependet. Uberior itaque lux doctrinæ præsentī affundetur per ea, quæ suo loco de condendis legibus positivis in genere demonstrabuntur. Si qua istiusmodi moribus definita sunt, ea legum vim habent, quatenus matrimonium contrahentes tacite in eadem consentiunt, dum consensu expresse nihil in iisdem immutant. In statu enim naturali, in quo unicuique permittendum ut faciat, quod libuerit, quamdiu nil facit, quod est contra jus alterius (§. 156. part. 1. *Jur. nat.*), non necessario standum est moribus, quippe quæ, ut modo diximus, non nisi a consensu conjugum vim legis acquirunt. Perinde nimirum est, ac si in condendis legibus alios imitarentur, dum consensu minimum tacito easdem approbant.

§. 485.

Legum istarum materia.

Leges societatis conjugalis feruntur de iis, quæ ad procreationem ac educationem sobolis, vitæ consuetudinem & onera matrimonii ferenda pertinent. Leges enim præscribunt media, quibus finis societatis obtinetur (§. 49.). Finis vero societatis conjugalis

jugalis est procreatio ac educatio sobolis (§. 270. 3.), & propter hunc finem conjuges obligantur ad vitæ consuetudinem (§. 473.) atque onera matrimonii pro modo facultatum ferenda (§. 449.). Leges itaque societatis conjugalis feruntur de iis, quæ ad procreationem & educationem sobolis, ad vitæ consuetudinem & onera matrimonii ferenda pertinent.

Mentionem hic non facimus mutui adjutorii, cum mutuum adjutorium conjugum non consistat nisi in actionibus, quæ ad procreationem & educationem sobolis atque vitæ consuetudinem pertinent (§. 474.). Ceterum quæ hic demonstrantur notanda sunt, ut constet, de quibusnam in civitate legibus positivis disponi possit quoad matrimonium.

§. 486.

Conjux unus naturaliter pati non tenetur, ut alter faciat, De jure non qua procreationi ac educationi sobolis ac vitæ consuetudini adversantur patiendi, ut & qua obstant, quo minus onera matrimonii pro modo facultatum ferant, qua solum ferat. Conjuges enim focii sunt (§. 270. 4.). Quamvis societatis communem cum sociis pati non teneatur, ut socius faciat, quæ jugalis societatis communi bono, vel salutis societatis, consequenter fini ejus adversantur (§. 11.), adversantur (§. 25.), finis autem societatis consensantur. jugalis sit procreatio ac educatio sobolis (§. 270. 3.), ac hujus obtinendi causa conjuges obligentur ad vitæ consuetudinem (§. 473.) atque onera matrimonii ferenda pro modo facultatum suarum (§. 449.); conjux unus pati non tenetur, ut alter faciat, quæ procreationi sobolis & vitæ consuetudini adversantur & quæ obstant, quo minus onera matrimonii pro modo facultatum ferat.

Jus hoc naturaliter competit tam uxori, quam marito: neque enim ex definitione matrimonii sequitur, marito integrum esse quid facere velit, uxori autem non permittendum esse, ut faciat quod libuerit. Pacto, quo matrimonium contrahitur, libertas naturalis restringitur quoad ea, quæ procreatio ac edu-

catio sobolis exigit, consequenter etiam quoad vitæ consuetudinem atque onera matrimonii ferenda. Interest utriusque conjugis, ne quid committatur, quod istis adversatur, & quatenus pacto contrahitur obligatio perfecta ad ea faciendâ, quæ huc conducunt, ea etiam continet jus exigendi a parte altera, ut faciat, ad quod obligatur (§. 236. *part. I. Phil. pract. univ.*), consequenter non patiendi, ut non faciat, vel faciat contrarium.

§. 487.

De jure conjugum quoad alter faciat, quæ procreationi ac educationi sobolis & vitæ observantiæ legum conjugalium societatis. Quoniam conjux unus naturaliter pati non tenetur, ut consuetudini adversantur, & quæ obstant, quo minus onera matrimonii pro modo facultatum ferat (§. 486), leges autem societatis conjugalium feruntur de iis, quæ ad procreationem ac educationem sobolis, vitæ consuetudinem & onera matrimonii ferenda pertinent (§. 485.); *conjux unus pati non tenetur, ut, alter faciat, quæ legibus societatis conjugalium adversantur.*

Poterat idem inferri ex eo, quod in societate ferendum non sit, ut a lege recedatur, aut ab uno, vel altero socio fiat quod eidem adversatur (§. 51.). Et, *gt.* Maritus pati non tenetur, ut indulgentia matris corrumpantur mores liberorum, ut pecuniam profundat, ut in operis ministerialibus præstandis negligens sit, ut artificiales simplices præstet cum neglectu obsequialium. Similiter uxor pati non tenetur, ut maritus omnem curam liberorum abiciat, ut bona sua dilapidet, ut opificium vel negotiationem suam negligat, ut præter necessitatem æs alienum faciat, & res, quas habent, immobiles oppignoret, ut omnia matrimonii onera in se devolvat. Non est quod excipias imbecillitatem virium obstat, quo minus hæc jure uti possit uxor, consequenter jus omni vi destitutum pro nullo habendum esse. Etenim uxor, si desunt vires, alieno auxilio vii potest in statu etiam naturali,

§. 488.

§. 488.

Naturaliter non minus uxor imperium habet in maritum, De imperio quam maritus in uxorem quoad eas actiones, quæ ad sobolis procrea- tionem & educationem, ad vitæ consuetudinem & ad onera matrimonii ferenda pertinent. Etenim conjux unus naturaliter pati non tenetur, ut alter faciat, quæ procreationi ac educationi sobolis & vitæ consuetudini adversantur, aut quæ obstant, quo minus onera matrimonii pro modo facultatum facere possit (§. 486.), nec pati tenetur, ut alter faciat, quæ legibus societatis conjugalis, de illis communi consensu conditis (§. 484. 485.), contrariantur (§. 487.). Quamobrem non minus uxori competit jus exigendi a marito, quam marito jus exigendi ab uxore; ut faciat, quæ ad sobolis procreationem & educationem, ad vitæ consuetudinem & ad onera matrimonii ex parte sua conferre potest, consequenter non minus uxori competit jus determinandi actiones mariti huc spectantes, quam marito jus determinandi actiones uxoris. Quoniam itaque hoc jus imperium est (§. 194.); naturaliter non minus uxor habet imperium in maritum, quam maritus in uxorem quoad eas actiones, quæ ad sobolis procreationem & educationem, ad vitæ consuetudinem & ad onera matrimonii ferenda pertinent.

Imperium conjugale nascitur ex societate conjugali (§. 213.), nec extendi potest ultra actiones, quæ ad finem societatis conjugalis faciunt (§. 214.). Quamobrem cum finis societatis conjugalis sit procreatio & educatio sobolis (§. 270.), & hujus rite consequendi causa contrahatur vitæ consuetudo (§. 473.), & uterque conjux ad onera matrimonii conferat, quantum potest (§. 449.); imperium conjugale ad has actiones restringitur. Et quoniam mariti atque uxoris eadem est obligatio, idem jus, si matrimonium simpliciter contrahatur (§. 26.), quatenus nimirum obligatio ac jus in genere spectatur in relati-

one nimirum ad finem, ex quo æstimantur (§. 10.); quale jus competit marito in actiones uxoris, tale etiam competit uxori in actiones mariti, consequenter uxor non minus in maritum, quam maritus in uxorem imperium conjugale habet (§. 199.). Non est quod objicias, difficultatem exercendi mutuum imperium. Aliud enim est jus, aliud exercitium juris. Difficultas jus exercendi non tollit jus. Alia vero quæstio est, quid conveniat legi naturæ perfectivæ, ut difficultas ista tollatur.

§. 489.

Quomodo maritus imperium conjugale in uxorem transferre potest, etiam in ceteras actiones quaslibet. Et enim imperium conjugale in societate, quæ ex duabus saltem personis constat, socius unus in alterum transferre potest, si ita visum fuerit (§. 216.). Quamobrem cum matrimonium sit societas inter duas personas contracta (§. 270.); uxor imperium conjugale omne in maritum transferre potest. Quod erat unum.

Et quoniam natura homines omnes liberi sunt (§. 146. part. 1. Jur. nat.), consequenter jus in actiones suas habent (§. 137. 138. part. 1. Jur. nat.); quilibet autem jus suum in alium transferre potest, si ita visum fuerit (§. 12. part. 3. Jur. nat.); uxor quoque in maritum transferre potest jus in ceteras actiones, quæ ad societatem conjugalem minime spectant, consequenter quoque imperium quoad easdem (§. 199.). *Quod erat alterum.*

Patet itaque quomodo maritus acquirat imperium in uxorem non modo quoad omnes actiones, quæ societatem conjugalem respiciunt, verum etiam quoad ceteras omnes. Nimirum natura nemini imperium competit (§. 195.), nec acquiri potest nisi consensu ejus, in quem acquiritur (§. 196.). Nec est quod objicias, parum prudenter uxorem imperium in se transferre in maritum & renunciare juri, quod ipsi in actiones mariti vicissim competit. Id enim in jure externo non attenditur,

ditur, nec dici potest hoc semper imprudenter fieri, si consideres difficultates exercendi imperium mutuum. Naturaliter non repugnare, ut etiam maritus transferat imperium conjugale omne in uxorem, ex ipsa demonstratione liquet. Sed cum a voluntate transferentis unice pendeat, utrum transferre velit, nec ne (§. 12. part. 3. Jur. nat.); vix habilis concipitur casus, quo matrimonium contrahens cum femina adjicit pactum de imperio eidem concedendo. Quamvis enim haud raro fiat, ut maritus pariat imperium sibi arrogari ab uxore, non tamen hinc inferre licet, quod idem subisset sua sponte.

§. 490.

Imperium conjugale dicitur, quod ex societate conjugali nascitur. Hoc mutuum esse conjugum in se invicem, patet (§. conjugali & 488.). Imperium maritale appellatur, quod marito competit in actiones uxoris omni imperio destitutæ. Imperium maritale acquiritur pacto, quod ad matrimonium accedit, & ultra actiones ad matrimonium spectantes extendi posse ad ceteras quoque actiones quascunque patet (§. 489.).

Imperium maritale trahit ad se partem imperii conjugalit naturaliter uxori competentem & extenditur ultra ea, quæ ad societatem conjugalem requiruntur. Quoniam vero acquiritur nequit nisi voluntate uxoris (§. 196.) & ab hac pendet, quæ lege jus in actiones suas in maritum transferre velit; vel absolutum esse potest, vel diversis admodum modis limitatum. Atque ideo imperium maritale admodum variare potest. Ita si imperium maritale intra fines matrimonii continetur, fieri potest, ut, quando de iis, quæ ad matrimonium spectant, conjuges non consentiunt, marito competat imperium per modum voti decisivi, consequenter uxori integrum sit suas allegare rationes, cur aliter sentiat, marito omnino expendendas, nisi justis uxoris querelis locum facere velit.

§. 491.

Si marito imperium in uxorem competis; ea ipsi subiecta est: De subjectione uxoris.

necessario autem uxor marito subiecta non est. Quoniam enim subiectus alteri est is, in quem ille imperium habet (§. 201.); si marito imperium in uxorem competit, ea ipsi subiecta est. Quod erat unum.

Enimvero quoniam imperium maritale acquiritur pacto, quod ad matrimonium accedit (§. 490.), & per consequens non pacto, quo ipsum matrimonium contrahitur (§. 270.); uxor quoque marito necessario subiecta non est. *Quod erat alterum.*

Hinc etiam in sacris literis Deus dicitur subiecisse uxorem marito in pœnam, Gen, III, 16. Quoniam imperium conjugale mutuum est (§. 490.); mutuam quoque id parit subjectionem (§. 201.), ita ut maritus perinde uxori, ac uxor marito subiecta sit. Sed de ista subiectione hic sermo non est; quæ æqualitatem inter conjuges minime tollit; verum de ea, quæ inæqualitatem inducit & maritum uxore facit superiorem.

§. 492.

De obedientia uxoris.

Quoniam subiectus imperanti parere tenetur (§. 206.), uxor autem marito subijcitur, si is imperium in eam habet (§. 491.); *si marito imperium in uxorem competit, uxor maritò parere, consequenter actiones suas ad voluntatem mariti componere tenetur (§. 205.).*

Si uxor maritum amet, quemadmodum debet (§. 465.), & per consequens studeat, ut placeat marito (§. 466.); actiones suas ad voluntatem mariti ultro componet, etiamsi ipsi non competat imperium. Et ob eandem rationem maritus, etiamsi imperium in uxorem habeat, id magis exercebit per modum consilii, collatis inter se rationibus, quæ pro & contra, quemadmodum dicitur, utrinque afferuntur, ut ideo societas conjugalis magis amicitia, quam imperio consistat. Et hinc intelligitur, quomodo absurdum non sit, ut imperium conjugale mutuum sit. Lex enim naturæ, quæ vi pacti, quo matrimoni-

monium contrahitur, nisi præterea aliud pactum accedat, imperium conjugale mutuum facit, amorem quoque illum mutu-
um, quo animi conjugum ætissime uniuntur, præcipit (§. 465.), quo præsupposito, exercitium istius imperii nullam pa-
rit difficultatem. Ast quoniam homines non sunt, quales es-
se debent; ideo utique consultius est, ut de imperio in socie-
tate conjugali exercendo inter se conveniant, qui matrimoni-
um contrahunt, nisi id jam moribus fuerit definitum.

§. 493.

*Si moribus introductum fuerit, ut marito competat imperium De imperio
in uxorem; in hoc consensisse intelligitur uxor, dum matrimonium maritali per-
contraxit, & tale marito competit imperium, quale mores appro- mores defi-
bant. Uxor imperium omne conjugale in maritum transfer- nito.
re potest, immo etiam in actiones ceteras quascunque (§.
489). Quamobrem cum matrimonium contrahens in id
tacite consensisse præsumatur, quod moribus obtinet (§. 248.
part. 2. Jur. nat.); si moribus introductum fuerit, ut marito
competat imperium in uxorem, in hoc omnino consensisse
recte præsumitur, quod imperium in se habere debeat. Quod
erat unum.*

Enimvero cum maritus imperium acquirat pacto, quod
ad pactum, quo matrimonium contrahitur, accedit (§. 490.),
in casu quidem præsentis tacito, nemo autem plus juris ab
altero acquirere potest, quam in eum transferre voluit (§.
382. part. 3. Jur. nat.), uxor autem tacite non consensit in
imperium maritali, nisi quale moribus obtinet, per demon-
strata, si moribus introductum fuerit, ut marito competat
imperium in uxorem, tale omnino id erit, quale mores ap-
probant. Quod erat alterum.

Manet igitur etiam in hoc casu ratum, maritum acquisivisse im-
perium in uxorem pacto, & eam propria voluntate sese ejdem
subjecisse, consequenter imperium a marito non exerceri in in-
viram.

§. 494.

De jure puniendi & præmiis demandandi uxorem.

Si maritus imperium habet in uxorem, ei competit jus puniendi uxorem, si actiones suas ad nutum ipsius componere nolit, & præmiis invitandi ad agendum. Qui enim imperium habet, ei competit jus puniendi eum, qui actiones suas ad nutum ipsius componere non vult, & præmiis invitandi ad agendum (§. 198.). Ergo etiam marito, qui imperium in uxorem habet, competit jus puniendi uxorem, si actiones suas ad nutum ipsius componere nolit, & præmiis invitandi ad agendum.

Jus puniendi privatum vulgo dicitur *Jus coercendi*: unde marito tribuitur jus coercendi uxorem. Ast in Philosophia & Jure naturæ conservanda est notio universalitas, nec præter necessitatem distinguenda, quæ intrinsece non differunt. Imperium omni vi destituitur sine jure puniendi. Si jus puniendi moribus fuerit definitum, aut in statu civilis legibus, uxor, dum contraxit matrimonium, in id consensisse intelligitur, quod mores approbant, consequenter se obligavit ad pœnam in casu inobedientiæ subeundam: id quod eodem modo patet, quò propositionem præcedentem demonstravimus. Facile autem apparet, sermonem hic esse de jure externo, neque enim mores & quæ ex pacto oriuntur jura & obligationes semper juri interno conveniunt.

§. 495.

De moderate jure puniendi.

Quoniam maritus neminem magis amare debet, quam uxorem suam (§. 465.) & ab hac obligatione in se immutabili (§. 142. part. 1. Jur. nat.) liberari non potest; *jus puniendi uxorem, quod marito competit, si imperium in eandem habet, amor moderari debet* (§. 642. Psych. empir.).

Quodsi hoc respectu jus istud potius jus coercendi dicere velis, ac marito tribuere jus uxorem moderate coercendi, id facilius tolerari posse videtur, quamvis in re ipsa nihil mutetur, modo notes in ejus exercitio sollicitè cavendum esse, ne quid

quid committatur, quod amoris conjugali repugnat. Hinc minime probantur mores illarum gentium, quæ uxores servilis faciunt conditionis, & nimia maritorum sævitia maxime improbat. Ceterum cum jus puniendi marito imperium habenti non competat, nisi quatenus uxorem obligare valet ad obediendum (§. 300. *part. 1. Phil. pract. univ.* §. 492. *b.*); hinc facile agnoscitur, intra quosnam limites contineatur exercitium istius juris.

§. 496.

Conjuges concordare esse debent, discordia autem à matrimonio abesse debet. Etenim conjuges socii sunt (§. 270. 4.). Sed *diu conjugi socii concordare esse debent* (§. 136.). Ergo etiam conjuges concordare esse debent. *Quod erat unum.*

Enimvero lex præceptiva est etiam prohibitiva contrarii (§. 722. *part. 1. Jur. nat.*). Quamobrem cum discordia contrarietur concordia (§. 132. 133.); discordia a matrimonio procul abesse debet. *Quod erat alterum.*

Nihil magis convenit amoris conjugali, quam concordia. Hoc enim amore conjuges arctissime ita uniuntur, ut instar unius personæ spectari debeant, nec eodem modo cum persona alia uniri possint (§. 469.). Intellectus igitur utriusque conjugi simul spectari debet tanquam unus idemque intellectus & voluntas atque voluntas utriusque simul tanquam eadem voluntas, consequenter cum concordia in identitate voluntatis ac voluntatis consistat (§. 132.), amor conjugalis concordiam parit ac fovet, nec ab eo separari hæc potest. Quamobrem etsi marito competat imperium in uxorem, id tamen, quemadmodum jam ante annotavimus (*not.* §. 492.), per modum consilii exerceri debet, ponderatis rationibus, quæ utrinque afferuntur, ita ut juri puniendi non ante sit locus, quam ubi uxor ea, quæ debet, facere præfracte recusat. Sed talia porius ad philosophiam moralem, quam ad Jus naturæ pertinent.

§. 497.

An in invitam imperiare nequit: si vero uxor arroganti non contradicit, longa patientia tandem in jus transit. Nemo enim imperium in invitum possit maritus.

Naturaliter maritus imperium in uxorem invitam sibi arrogare nequit: si vero uxor arroganti non contradicit, longa patientia tandem in jus transit. Nemo enim imperium in invitum sibi arrogare potest (§. 195.). Quamobrem cum maritus imperium maritale in uxorem non acquirat nisi pacto, quod matrimonio accedit, nec idem ultra actiones ad matrimonium spectantes extendi possit ad ceteras quascunque (§. 490.); maritus quoque naturaliter imperium in uxorem invitam sibi arrogare non potest. Quod erat unum.

Quoniam maritus in uxorem invitam imperium sibi arrogare nequit, *per demonstrata*, uxor ut hoc faciat, pati non tenetur, & per consequens contradicere potest, inmo si non vult, ut id sibi arroget, contradicere debet. Tacet igitur, quando loqui poterat & debebat. Enimvero qui tacet, quando loqui poterat & debebat, is consentire videtur (§. 1054. *part. 3. Jur. nat.*). Quamobrem uxor tacens, quando maritus imperium in ipsam sibi arrogat, in hoc consentire videtur, ut habeat. Quod si itaque diu patitur maritum in se imperium exercere, inde præsumitur velle, quod imperium habere debeat, consequenter cum imperium in ipsam maritus consensu ejus acquirere possit (§. 489.), longa patientia omnino tandem in jus transit. *Quod erat alterum.*

Acquirat nimirum hoc in casu maritus imperium in uxorem per præscriptionem. Amittit enim uxor jus suum ex consensu præsumto, quæ amissio juris præscripto est (§. 1024. *part. 3. Jur. nat.*).

§. 498.

Nuptia quid sint.

Nuptia dicuntur actus, quo matrimonium perficitur. Quamobrem cum matrimonium naturaliter perfectum sit, quamprimum mas & femina sibi invicem declararunt voluntatem

catem suam de sobole conjunctis viribus procreanda & educanda (§. 367.); *nuptia naturaliter consistunt in declaratione mutua consensus de sobole conjunctis viribus procreanda & educanda*, consequenter *quod mas feminam sibi habere velit uxorem & femina marem sibi habere velit maritum* (§. 282.).

Nuptiæ hic definiuntur, quales in statu naturali obtinent, sepositis moribus & legibus positivis, quibus certi ritus ac ceremoniæ accedunt. Istiusmodi ritus sunt apud nos copula & benedictio sacerdotalis, declaratio consensus mutui ad interrogationem sacerdotis coram testibus, epulum nuptiale: ceremonia est annulorum nuptialium permutatio. Respectu rituum ac ceremoniarum Nuptiæ definiuntur, quod sint actus solennis, quo matrimonium perficitur, vel etiam solennis declaratio consensus mutui in matrimonium, seu societatem conjugalem.

§. 499.

Quoniam sponsalia pactum sunt de matrimonio incun- *Differentia*
do (§. 369.), consequenter personæ, quæ desponsantur, sibi a sponsali-
bus. invicem promittunt, quod matrimonium inire velint (§. 788.
part. 3. Jur. nat.), per nuptias autem matrimonium perficitur,
seu actu initur (§. 498.); *per nuptias promissum sponsalium ad-*
impletur.

Patet itaque differentia nuptiarum a sponsalibus. In his enim matrimonium promittitur, in istis matrimonium, quod erat promissum, actu initur. Differunt itaque sponsalia a nuptiis, quemadmodum promissio ab ejus adimplerione.

§. 500.

Quoniam naturaliter opus non est, ut contractum ma- *Antea præ-*
trimonii sponsalia præcedant (§. 388.), consequenter matri- *cedere debe-*
monium absque iis præviis perfici potest, per nuptias autem *ant nuptias.*
idem perficitur, & hæc naturaliter non requirunt nisi decla-
rationem mutuam consensus de sobole conjunctis viribus

Uu 2

pro-

procreanda & educanda, seu quod mas fœminam sibi habere velit uxorem & fœmina marem sibi maritum (§. 498.); *naturaliter nuptias celebrare possunt persona nondum desponsata declarando scilicet sibi invicem consensum in societatem conjugalem de presenti.*

Facile apparet, nonnisi præviis sponfalibus nuptias celebrari posse, si ad eas requirantur certi ritus ac ceremoniæ, quibus extemplo locus esse nequit, dum consensum suum in matrimonium sibi invicem declarant mas & fœmina. Tum enim matrimonium actu iniri seu perfici non potest, nisi ex intervallo, quod ritus ac ceremoniæ exigunt, consequenter consensus in matrimonium declarari nequit nisi de futuro, seu saltem promitti, quod perfici debeat. Et tum, si penitius rem consideres, desponsatio magis consistit in declaratione consensus in nuptias, quam in matrimonium. Neque enim tam verba inspicienda sunt, quam animus paciscentium, qualem esse permittit negotium, de quo contrahitur. Quodsi in statu naturali mas accedens ad fœminam interroget: visne me habere maritum, vel, visne esse uxor mea? & hæc respondet: Volo te habere maritum, vel volo esse uxor tua; matrimonium perfectum est (§. 367.), & in hac stipulatione consistunt nuptiæ (§. 498.), eaque facta fœmina est uxor maris & mas maritus fœminæ, tumque obligantur ad debitum conjugale sibi mutuo præstandum & ad præstationes conjugum ceteras, de quibus in anterioribus dictum. Quodsi non simpliciter matrimonium contrahere velint, sed certa lege, pacta statim adjici possunt, ut stipulatio fiat sub modo.

§. 501.

De ceremoniis nuptialibus.

Ceremonia nuptiales sunt, quæ in nuptiis adhibentur. Quoniam ceremoniæ sunt signa eorum, quorum in executione propositi alicujus meminisse debemus (§. 442. part. 2. Phil. pract. univ.); ceremonia nuptiales in memoriam conjugum contrahentibus revocare debent ea, quorum in eodem contrahendo memi-

meminisse debent, vel memoria imprimere ea, quorum durante matrimonio meminisse debent.

Omnis ritus significativi sunt ceremoniarum (§. 808. *part. 7. Jur. nat.*). Quamobrem cum apud nos copula sacerdotalis significet, matrimonium esse divinitus institutum, & sacerdotem Dei nomine marem ac feminam conjugare, consequenter conjuges posthac constanter meminisse debeant, se conjunctos esse ab ipso Deo ad sobolem procreandam & educandam vitæque consuetudinem, consequenter ab eodem feminam datam esse sociam mari & marem feminæ; copula sacerdotalis ceremonia est. Similiter cum permutatio annulorum nuptialium significet, conjunctionem fieri libera utriusque voluntate, & se consentire in perpetuam vitæ consuetudinem; ea in numerum ceremoniarum referenda. Ceterum cum de ceremoniis in genere abunde actum sit alibi (§. 442. *Et seqq. part. 2. Phil. pract. univ.*), quæ ad nuptias facile applicari possunt; non opus est, ut de iisdem pluribus dicamus. Id tantummodo notandum est, in jure naturæ omnia referri ad officia, consequenter ceremoniarum nuptiales matrimonium ineuntibus in memoriam revocare debere ea, quæ respectum quendam ad officia conjugum, vel societatem conjugalem contrahentium habent.

§. 502.

Ceremonias nuptiales instituire licet & in statu naturali uni- De jure ce-
cuique jus est ceremoniis nuptialibus utendi, quibus liberis. Ete- remonia-
nim natura dat nobis jus instituendi ceremonias, quæ ad be- rum nuptia-
ne & recte agendum faciunt (§. 503. *part. 2. Phil. pract. univ.*), *lium.*
consequenter etiam ad eas, quæ faciunt ad matrimonium ri-
te ineundum & ad præstationem officiorum conjugum, ac
ideo ad nuptias pertinent (§. 498.). Quamobrem cum ce-
rimoniarum nuptiales sint, quæ in nuptiis adhibentur (§. 501.);
lex naturæ dat nobis jus ceremonias nuptiales instituendi,
consequenter eas instituire licet (§. 170. *part. 1. Phil. pract. univ.*). *Quod erat unum.*

Uu 3

Quod

Quod vero in statu naturali unicuique jus sit ceremoniis nuptialibus utendi, quibus voluerit, eodem modo ostenditur, quod idem de ceremoniis funebribus demonstravimus (§. 805. part. 6. Jur. nat.). Quod erat alterum.

Facile patet, partem alteram propositionis tantummodo intelligendam esse de jure externo, vi cuius permittendum, ut quis ceremoniis utatur, quæ ipsi placuerint: non tamen propterea probari ceremonias promiscue omnes, abunde patet ex iis, quæ de ceremoniis demonstrata sunt (§. 444. Et seqq. part. 2. Phil. pract. univ.). Vide, quæ alibi annotavimus (not. §. 805. part. 6. Jur. nat.).

§. 503.

De obligatione naturali quoad ceremonias.

Lex natura nos obligat ad ceremoniarum nuptialium reëtitudinem. Obligat enim nos in genere ad ceremoniarum reëtitudinem (§. 500. part. 2. Phil. pract. univ.). Ergo etiam obligat ad ceremoniarum nuptialium reëtitudinem.

Hinc illarum demum ceremoniarum institutio legi naturæ conformis, quæ ad matrimonium rite ineundum & ad præstationem officiorum conjugalium profunt (§. 501.). Nimirum reëtitudo ceremoniarum dijudicanda est tum ex fine ceremoniarum nuptialium (§. 501.), tum ex iis, quæ de ceremoniis in genere demonstrata sunt (§. 444. Et seqq. part. 2. Phil. pract. univ.). Quamvis itaque in statu naturali nobis competit jus ceremonias nuptiales instituendi; non tamen propterea tollitur obligatio naturalis, ut rectæ instituuntur. Peccant, qui ineptas, absurdas, superstitiosas, immo turpes instituunt. Ita turpis ceremonia est, qua utuntur Hortentotti, quando, qui sponsam cum sponsa copulat, erecta hasta virili urinam tanquam rorem nuptialem pectoribus sponsi ac sponsæ denudatis ad spargit, quemcunque tandem significatum huic ritui assignaverint, qui eandem primitus introduxerunt.

§. 504.

Ritus nup-

Ritus nuptiales dicuntur, quæ nuptiarum causa sunt, ab iis tamen abesse possunt. Istius.

Istiusmodi ritus sunt apud nos, quod consensus personarum matrimonium contrahentium declarari debeat coram sacerdote, aliisque testibus ad hunc actum invitatis. Refertur etiam huc ipsa copula & benedictio sacerdotalis, convivium nuptiale, deductio sponsæ in domum sponsi, vel ad thorum ad consummandum matrimonium per copulam carnalem.

§. 505.

Quoniam nihil fieri debet temere (§. 278. *part. 3. Jur. Quales esse nat.*), nec ritus nuptiales temerarii esse debent, consequenter debeant, cum certo fine fieri debeant, quæ temere non fiunt (§. 277. *part. 3. Jur. nat.*), ideo quoque ritus nuptiales certo fine fieri debent, eodemque officiis lege naturali præscriptis conveniente, minime repugnante (§. 142. *part. 1. Phil. præf. univ.*)

Ostendimus jam alibi (§. 803. *part. 6. Jur. nat.*), ceremonias omnes esse ritus, sed non vicissim ritus omnes esse ceremonias. Idem tenendum etiam de ritibus nuptialibus. Dum autem jus naturæ regit ritus nuptiales, quemadmodum omne negotium humanum, rituum quoque norma sunt officia lege naturali vel conjugibus, vel hominibus in genere tum erga seipsum, tum erga alios præscripta. Unde ex his dijudicandum, quid recte fiat. Nostrium jam non est ritus nuptiales apud nos, vel alias etiam gentes receptos sub incudem vocare, ut tamen appareat, dare etiam ritus illicitos & naturæ matrimonii e diametro contrarios, exempli loco esse potest, quod in regno Pegu & Aracam virginitas sponsæ alicui ex convivis nuptialibus delibanda tradatur, & olim referente *Diodoro Siculo* l. 5. c. 18. apud incolas insulæ Balearium in convivio nuptiali necessarium & amicorum quisque ætate primus, secundus & ceteri deinceps cum nova nupta singulatim rem habuerint, donec ad sponsum honor ille ultimum tandem deferretur. Convenit cum fado hoc ritu lex *Eventi* Scotiæ Regis, ut Rex ante nuptias sponсарum nobilium, nobiles plebejarum prælibarent pudicitiam, autore *Buchanano* Rer. Scotic. lib. 4. Repugnat sane ritus iste fidei conjugali de usu corporis sui non alii, quam marito

marito concedendo (§. 315. 316.), & cum nonnisi voluptatis percipiendæ causa concubitus isti fiant, ad naturaliter illicitos referendi (§. 240.). Ceterum non nego generalem theoriam rituum nuptialium ad Jus naturæ pertinere, alias enim non concederemus eidem eam amplitudinem, quam alias eidem tribuimus; nostrum tamen institutum in præsentem non permittit, ut eam tradamus. Sufficit indicasse fontes, unde derivanda.

§. 506.

De matrimonio non dissolvendo in præjudicium liberorum.

Matrimonium dissolvi nequit, si liberi nondum fuerunt educati. Etenim lex naturæ utrumque parentem obligat ad sobolem suam educandum (§. 263.), & primis naturæ convenit, ut proles educetur a suis generatoribus, nec educatio a generatione separetur (§. 262.). Quamobrem cum matrimonium sobolis procreandæ ac educandæ causa contrahatur (§. 270.); nec id dissolvi potest, si liberi nondum fuerunt educati.

Patet itaque in præjudicium liberorum matrimonium dissolvi non posse. Imaginem hujus juris videmus in brutis, quæ societatis conjugalis quandam speciem contrahunt: neque enim eam dissolvunt, nisi quando proles fuit educata, ut eorum ope non amplius indigeat, nec eam appetat. Utrum vero matrimonium ea de causa perpetuum esse debeat, nec ne, nondum ostendi potest, quia cura liberorum, quæ parentibus incumbit, & eorum erga liberos officia nondum fuerunt exposita.

§. 507.

De matrimonio mutuo dissensu dissolvendo.

Quando nulli adhuc geniti sunt liberi, aut qui nati fuerant decesserunt; matrimonium mutuo conjugum dissensu naturaliter dissolvi potest. Quodsi enim nulli extent liberi, quorum educatio parentis utriusque curam exigit (§. 262.), ea non obstat, quo minus matrimonium dissolvi possit (§. 506.). Quamobrem cum matrimonium pactum sit (§. 270.), & pacta

Et a contrahentibus mutuo consensu dissolvantur (§. 840. *part. 3. Jur. nat.*), modo non contingat aliquid committi, quod est contra jus alterius (§. 910. *part. 1. Jur. nat.*); quin naturaliter matrimonium mutuo conjugum consensu dissolvi possit, quando nulli adhuc geniti sunt liberi, aut qui nati fuerant, decesserunt, dubitandum non est.

Cum matrimonium nonnisi sobolis procreandæ ac educandæ causa contrahatur (§. 270.), naturaliter nihil obstat, quominus instar pactorum aliorum mutuo consensu dissolvatur. Quoniam veteres non satis expenderunt, quid sibi velit educatio prolis (§. 255.), nec intimius perspexerunt curam, quæ ab utroque parente eidem debetur (§. 263.), immo hodiernum non desunt gentes, qui eadem ignorantia laborant; ideo divortia naturaliter licita existimantur, hodiernumque existimant. Immo eandem ob causam non desunt, qui divortia naturaliter licita pronunciant, nec ea juri naturæ adversari statuunt.

§. 508.

Non licet marito pro lubitu dimittere uxorem, nec uxori licet An maritus pro lubitu a marito discedere. Etenim quamprimum matrimonium fuit contractum, foemina non minus in corpus maris, *uxorem* di- quam mari in corpus foeminae jus competit (§. 306.). Quam- *mittere, vel* obrem cum nemo jus suum, quod acquisitum, invito auferre *uxor ab eo* possit (§. 336. *part. 2. Jur. nat.*), nec marito pro lubitu uxo- *discedere* rem dimittere, nec uxori pro lubitu a marito discedere li- *possit.* cet.

Inæqualitatem inter conjuges nescit Jus naturæ, quemadmodum in anterioribus abunde perspicitur. Idem utriusque conjugis jus est, eadem obligatio. Neuter alteri inviro jus quæsitum auferre, neuter quoque ab obligatione, qua alteri parti tenetur, seipsum liberare potest. Qui adeo existimant, maritum quidem pro lubitu uxorem dimittere posse, non autem vice versa uxorem pro lubitu discedere a marito, oppido fal-
(*Wolffii Jur. Nat. Pars VII.*) X x lun-

luntur. Si ergo dissolutio fieri potest, quæ a sola voluntate pender, communi nonnisi dissensu fieri potest (§. 507.). Inæqualitas conjugum nonnisi a pacto oriri potest: nam etiam quando a moribus venit, a pacto validitatem acquirit, quatenus tacite consensisse intelliguntur contrahentes in mores, consequenter pactum tacitum accedit ad contractum matrimonialem, quo jus moribus conveniens in maritum confertur.

§. 509.

*Repudium
& divor-
tium quid sit.*

Sicuti dissolutio sponsaliorum *Repudium*; ita dissolutio matrimonii *Divortium* appellatur.

Duo diversa pacta sunt, quibus sponsalia & matrimonium contrahuntur. Diverforum itaque pactorum dissolutio diversa etiam nomina requirit.

§. 510.

*De necessa-
ria dissoluti-
one matri-
monii.*

Si conjux unus moritur, matrimonium dissolvitur. Etenim societas conjugalitatis ad finem, sobolis nimirum procreationem ac educationem, consequendum requirit conjugem utrumque, marem scilicet ac femineam (§. 270.). Quoniam igitur conjuge uno moriente non tot amplius socii supersunt, quot ad finem consequendum sufficiunt, si autem non amplius tot supersint socii, quot ad finem consequendum sufficiunt, societas interit, etiamsi in perpetuum fuerit contracta (§. 183.); si conjux unus moritur, societas conjugalitatis interit, consequenter conjux superstes ab obligatione, qua marito tenetur ex pacto, liberatur. Quamobrem cum pactum dissolvatur, si contrahentes ab obligatione, qua sibi invicem tenentur ex pacto, liberantur (§. 836. *part. 3. Jur. nat.*); si conjux unus moritur, matrimonium dissolvitur.

Ostenditur etiam hoc modo. Quoniam homo jus omne amittit ac omnis ejus obligatio cessat, quamprimum moritur (§. 700. *part. 6. Jur. nat.*); conjux etiam, qui moritur,

tur, jus omne amittit, quod ex pacto matrimoniali acquiritur, & omnis ejus obligatio cessat, quam eodem contraxit. Societas itaque conjugalis inter conjugem defunctum & superstitem subsistere nequit, consequenter morte unius conjugis dissolvitur.

Hæc matrimonii solutio necessaria est, cum prorsus independens sit a voluntate conjugum, & ut matrimonium inter eos subsistat prorsus impossibile sit.

§. 511.

Propter adulterium matrimonium dissolvere licet. Quando *De divortio*
enim matrimonium contrahitur, mas & femina & femina ma- *propter*
ri promittit, quod corporis sui usum sibi invicem solis gene- *adulterium:*
rationis causa concedere velint (§. 305.), & pars una in alteram transfert jus ad usum corporis sui, qualis ad generationem requiritur (§. 306.), ut per consequens ipsa de eodem non amplius disponere possit. Enimvero si pars una adulterium committit, cum persona alia, quam conjuge suo, concumbit (§. 218.), consequenter a pacto recedit. Quamobrem cum a pacto recedere liceat, si pars altera recedit (§. 827. *part. 3. Jur. nat.*); propter adulterium matrimonium dissolvere licet (§. 836. *part. 3. Jur. nat.*).

Nimirum per adulterium conjugis unius pars altera liberatur ab obligatione sua (§. 827. *part. 3. Jur. nat.*), consequenter ab ipsius arbitrio dependet, utrum matrimonium tacite redintegret, an idem dissolvere velit (§. 12. & §. 827. *part. 3. Jur. nat.*).

§. 512.

Quoniam propter adulterium matrimonium dissolvere *Quando non*
licet (§. 511.), consequenter parti læsæ competit jus matri- *habeat lo-*
monium dissolvendi (§. 170. *part. 1. Phil. pract. univ.*), quili- *cum.*
bet autem juri suo renunciare potest, quamdiu hac renun-

ciatione nihil committitur, quod est contra jus tertii (§. 118. *part. 3. Jur. nat.*); si pars laesa nolit propter adulterium solvi matrimonium, id subsistit.

Maritus uxorem adulteram, uxor maritum adulterum retinere potest, si voluerit, modo id fiat condonando injuriam sibi factam (§. 307.), non approbando, aut saltem non improbando actum illicitum, ne peccati alieni fiat particeps.

§. 513.

Idem in casu Si maritus cum uxore, quam adulteram esse novit, concumbit, *particulari* matrimonium propter adulterium dissolvi nequit. *Idem valet de* uxore cum marito adultero rem habente. Quodsi enim maritus novit, uxorem suam adulterium commisse, matrimonium dissolvere potest (§. 511.). Quodsi velit matrimonium esse dissolutum, non amplius ipsi competit jus ad usum corporis uxoris (§. 836. *part. 3. Jur. nat.* & §. 306. *h.*), consequenter nec amplius cum ea concumbere potest. Quando itaque cum ea concumbit, ipso facto declarat, se matrimonium dissolutum esse nolle, consequenter pactum, quo id contractum fuerat, tacite redintegrat. Quamobrem cum pacta sint servanda (§. 789. *part. 3. Jur. nat.*) &, si pars laesa nolit matrimonium solvi, id subsistit (§. 512.); si maritus cum uxore, quam adulteram esse novit, concumbit, matrimonium propter adulterium dissolvi nequit. *Quod erat unum.*

Idem eodem modo intelligitur de uxore cum marito adultero rem habente. *Quod erat alterum.*

Quando nosti, uxorem tuam adulterium commisse, tuum est statuere, utrum velis matrimonium esse solum, an nolis. Pro vero igitur contra te habetur, quod sufficienter significas (§. 428. *part. 3. Jur. nat.*). Non licet concumbere cum foemina, quam uxorem tuam esse non vis. Hoc igitur dum facis, omnino significas, te eam non obstante adulterio, quod commisit, uxorem tibi habere velle. Perinde igitur est, ac si pactum,

factum, quo matrimonium contractum, redintegraret. Ex pacto autem redintegratio eadem nascitur obligatio, quæ primitus ex eodem nata fuerat, & femina denuo acquirit jus, quod invitæ auferri amplius nequit (§. 336. *part. 2. Jur. nat.*).

§. 514.

Si conjux alterum malitiose deserit; matrimonium dissolvere De malitiose licet. Etenim conjux alterum malitiose deserens ipso facto a pacto, quo matrimonium contractum, recedit (§. 308. 473.). Quamobrem cum parte una a pacto recedente etiam parti alteri recedere liceat (§. 827. *part. 3. Jur. nat.*); si conjux unus alterum malitiose deserit, ipsi quoque a pacto, quo matrimonium contractum, recedere, consequenter matrimonium dissolvere licet (§. 836. *part. 3. Jur. nat.*).

Malitiosa desertio supponitur, quæ scilicet fit eo animo, ut rem cum conjuge amplius habere nolit, qui eam deserit. Alias enim dici non poterat, quod a pacto recedat. Si enim maritus negotii cujusdam causa per longum etiam temporis intervallum ab uxore abesse cogitur; eam malitiose deseruisse dici nequit. Non abiit eo animo, quod cum ea rem amplius habere nolit, nec deposuit absens animum revertendi, sed vitæ communionem continuat, quantum per absentiam fieri potest.

§. 515.

Si conjux unus alteri debitum conjugale prestare recuset; matrimonium dissolvere naturaliter licet. De denegatione debiti. Etenim matrimonium contrahitur sobolis procreandæ causa (§. 270.), ad quem finem consequendum debitum conjugale præstandum (§. 309.). Quod si ergo conjux unus debitum conjugale alteri præstare recuset, a pacto conjugali recedit. Unde porro ut ante patet, licere naturaliter parti læsæ, ut matrimonium solvat.

Facile intelligitur, in hypothesi propositionis præsentis summi, præstationem debiti conjugalis penitus denegari, nec de-

negantem adduci posse ad præstandum. Aliud vero est, si certis de causis hic & nunc a præstatione absteineat.

§. 516.

De divorzio
ob inimici-
tiam irre-
conciliabi-
lem.

Ob inimicitiam irreconciliabilem matrimonium naturaliter dissolvere licet. Quodsi enim inimicitia fuerit irreconciliabilis, conjux inimicus alteri amicus reddi nequit (§. 766. *part. 1. Jur. nat.*), consequenter odium, quo persequitur alterum (§. 626. *part. 1. Jur. nat.*), mutari non potest (§. 625. *part. 1. Jur. nat.*). Quamobrem cum conjugio maxime advesetur, ut conjux conjugem odio habeat, (§. 467.); inter conjuges inimicos tale subsistere nequit, quale jure naturæ requiritur, sublata nimirum unione conjugum arctissima (§. 469.), a qua pendet vitæ consuetudo (§. 470. 471.), ad quam conjuges obligantur (§. 473.) Ob inimicitiam itaque irreconciliabilem naturaliter matrimonium dissolvere licet (§. 826. *part. 3. Jur. nat.*).

Ad finem matrimonii spectat etiam educatio prolis (§. 270.); a generatione inseparabilis (§. 262.). Quamobrem cum conjux conjugi inimicus, consequenter eum odio prosequens (§. 626. *part. 1. Jur. nat.*) tædia creare studeat (§. 671. *Psych. empir.*); ut educationi prolis rite prospiciatur, inimicitia irreconciliabilis vix permittit Matrimonium itaque dissolvendum potius, quam ut & proli, & conjugi noceatur. Quis enim contendet societatem quandam subsistere debere, cujus finem consequi non datur, cum nonnisi hujus consequendi causa contrahatur? Ut reconciliatio ante rentetur, & sub ejus spe conjuges ad tempus a thoro & mensa separentur, ac ita vitæ consuetudo, ad quam conjuges obligantur (§. 473.), interea suspendatur; in statu naturali vix locum habet, in quo unicuique permittendum, ut faciat, quod lubet, quamdiu nil facit, quod est contra jus tuum (§. 156. *part. 1. Jur. nat.*)

§. 517.

In statu naturali unicuique permittendum est, ut pro lubitu De toleranti matrimonium dissolvat. Etenim in statu naturali unicuique *via divortio* permittendum est, ut faciat, quod lubet, quamdiu nil facit *rum in statu* contra jus tertii (§. 156. *part. 1. Jur. nat.*), & uniuscujusque *naturali*, conscientię relinquendum, quid faciat (§. 157. *part. 1. Jur. nat.*), nec is ulli hominum rationem reddere tenetur, cur faciat, quamdiu nil facit contra jus ipsius (§. 158. *part. 1. Jur. nat.*). Quamobrem in statu naturali permittendum quoque conjugibus, ut pro lubitu matrimonium dissolvant.

Permittendum nimirum est in statu naturali, ut alter faciat, quę legi naturę adversantur, modo jus nostrum non violet: neque enim nobis naturaliter ullum competit jus in actiones alterius, nisi quatenus libertas ejus quoad ea, quę nobis debet, restringitur. Quoniam vero si societas conjugalis simpliciter contrahatur, idem conjugum jus est (§. 26, 270.); si marito pro lubitu uxorem dimittere licet, uxori quoque permissum esse debet a marito pro lubitu discedere. Atque hinc patet, undenam fluxerint mores illarum gentium, apud quas divortia pro lubitu fuerunt permissa, quemadmodum olim admodum frequentia fuisse apud Romanos, nemo facile ignorat, nisi qui in antiquo Romanorum jure prorsus alienus ac hospes fuerit. Immo etiam constat, Moſen Hebręis permisſiſſe divortia, ita ut pro lubitu maritus uxorem dimittere posset. Christus autem, optimus juris naturalis interpres, hanc licentiam restringit ad jus externum, quo multa impune fiunt, quę sine peccato fieri nequeunt, & majoris mali evitandi causa tolerantur, quę lex minime probat. Sed hæc ad statum civilem pertinent. De causis uxores repudiandi apud Hebręos legi potest *Lichtfootus* in Horis Hebraicis & Talmudicis in Matthæum ad c. 5. v. 31. In earum numero sunt, si quis uxorem odio habeat, si ea esculenta mariti nimia falsedine aut nimia toſtion: male conficiat, si ille videat mulierem uxore formosiorẽ.

§. 518.

§. 518.

An matrimonio dissoluto, naturaliter maritus uxorem aliam ducere, uxor alii viro nubere possit. Quando enim matrimonium soluto cum dissolvitur, conjuges liberantur ab obligatione, qua sibi invicem ex pacto conjugali tenebantur (§. 836. part. 3. Jur. nat.), consequenter personæ solutæ jam sunt, non amplius trahere licet. Nihil igitur obstat, quo minus matrimonium cum personis aliis contrahere possint. Naturaliter itaque matrimonio soluto maritus uxorem aliam ducere, uxor alii viro nubere potest.

Civile igitur, naturale non est, si conjugum uni vel utrique prohibeatur ne matrimonium contrahat cum persona alia, priori matrimonio soluto.

§. 519.

Secundæ nuptiæ quædam dicantur. *Secunda nuptia* dicuntur, si matrimonio anteriori soluto novum contrahitur. Vocantur etiam *secunda vota*, item *polygamia successiva*.

Ratio diversarum denominationum facile patet. Secundæ nimirum appellantur respectu earum, quæ præcesserunt: contingere autem potest, ut præcesserint plures, consequenter tertiæ, quartæ sint, quæ nunc celebrantur, ut ideo denominatio parum apta aliis persuaserit polygamie successivæ appellationem, quia conjux unus successive plures habet conjuges. Et quia nostris moribus, quibus sacerdos Dei nomine conjuges copulat, matrimonium contrahentes Deo pollicere intelliguntur, quod fidem conjugalem violare nolint & officii conjugilibus satisfacere velint; ideo nuptiæ votorum nomine veniunt (§. 960. part. 3. Jur. nat.). Quoniam itaque conjuges Deo sese obligant ad votum servandum (§. 964. part. 3. Jur. nat.); hinc intelligitur, cur moribus christianorum non facile admittenda sint divortia, etiamsi nulla ratio naturalis, nec præceptum Christi obstatet.

§. 520.

Quoniam nuptiæ secundæ celebrantur matrimonio anteriori soluto (§. 519.), hoc autem soluto novas celebrare licet (§. 518. 498.); *secunda nuptia naturaliter licita sunt*, consequenter *mas successive tot ducere potest uxores, quos libnerit; & mulier successive tot nubere potest viris, quos libneris.* An sint licita.

Non jam quaeritur, an semper consultum sit nuptias secundas contrahere, immo an id rigori juris interni semper conveniat. Quodsi enim contingat, secundas nuptias adversari educationi liberorum; juri naturæ interno eadem minus conveniunt, consequenter ab iis potius abstinendum.

§. 521.

Vidua dicitur uxor orba per mortem marito, & *vir viduus*. *Vidua & vir viduus.*
us appellatur maritus orbus per mortem uxore.

Nimirum viduitas inducitur morte conjugis unius: si vero matrimonium dissolvitur, nec uxor vidua, nec maritus vir viduus appellatur, sed qui erant conjuges, facto divortio, æquiparantur personis solutis. Necessaria nimirum conjugii solutio, qualis morte contingit, non tollit animum conjugem defunctum sibi habendi conjugem, si fieri posset, quemadmodum in divortio, solutione matrimonii voluntaria, accidit.

§. 522.

Mortuum conjugem lugendi, etiam veste, jus naturaliter conjugis superstiti competit. Etenim luctus voluntarius & quatenus talis etiam naturalis ob mortem amicorum, benefactorum & bene de nobis ac aliis meritorum licitus; seu jus lugendi, nobis competit (§. 817. *part. 6. Jur. nat.*); & veste etiam mortuos lugere licet (§. 818. *part. 6. Jur. nat.*). Quamobrem cum conjux conjugem in amore ceteris omnibus præferre (§. 465.), & conjuges vires suas conjungere debeant in iis, quæ ad vitæ consuetudinem pertinent, & in promovendo

Wolffii Jur. nat. Pars VII.)

Y y

do

do eo, quod unicuique bonum est (§. 475.), consequenter inter se communicare omnia officia, quæ sibi invicem præstare possunt, usum rerum, quas habent, ac omnes casus tam secundos, quam adversos (§. 471.); non arctior concipi potest amicitia, quam quæ inter conjuges intercedere debet (§. 625. *part. 1. Jur. nat.*), & conjux unus benefacit conjugi alteri ac de eo optime meretur, nisi officiis suis desint, quod sine ulteriori probatione patet. Quamobrem naturaliter conjugi supersititi competit jus mortuum conjugem lugendi, etiam veste.

Luctus naturalis est conjugi superstiti, si amaverit defunctum, ut abesse nequeat. Hic vero quaeritur, utrum licitus sit, ne quid committatur, quod officiis adversum videri possit. Veste actum quod lugere liceat, a lege naturæ decori venit (§. 202. 204. *part. 1. Phil. pract. univ.*). Quamdiu autem luctus voluntarius durare debeat, id moribus potius, quam naturali quadam ratione definiendum. In statu naturali cuilibet integrum est lugere conjugem mortuum, quamdiu voluerit (§. 156. *part. 1. Jur. nat.*).

§. 523.

Quando secundæ nuptiæ naturaliter; fatmina autem ad novas nuptias ante transire non potest celebrari, quam certo constet eam ex priori matrimonio non esse gravidam. Quoniam enim matrimonio dissoluto, maritus uxorem aliam ducere potest (§. 518.), nec obstat luctus voluntarius, quo minus ducat, quod per se patet, si vel maxime moribus adversetur; quin matrimonio dissoluto mas statim uxorem aliam ducere possit, dubitandum non est. *Quod est unum.*

Enimvero quoniam fieri potest, ut uxor, dum matrimonium, præsertim morte mariti, solvitur, sit gravida, ratione educationis proles autem interest nosse, quemnam ea habeat

beat parentem (§. 262. 263.); fœmina ad novas nuptias transire nequit, antequam certo constet eam ex priori matrimonio non esse gravidam. *Quod eras alterum.*

Non puto quempiam fore, qui rem penitus considerans existimaturus sit, luctum conjugis mortui obstare, quo minus matrimonium novum contrahatur. Luctus enim mortui sic ad significandum amorem, quo prosecuti sumus conjugem defunctum. Propterea vero nullum nobis obstaculum objicitur, quo minus conjugem novum in amore ceteris omnibus præferamus (§. 465.), quemadmodum præferebamus defunctum, cum viveret, nunc vero amplius præferre non possumus. Novo autem marito, cui nûbet fœmina interest nosse, utrum ex anteriori matrimonio gravisata sit, ne prolem aliam educare teneatur, vel etiam ducat viduam stupratam. Contingere enim subinde posse, ut vidua primis statim a morte conjugis diebus stupretur, in dubium revocari nequit: attendenda etiam sunt jura prolis, de quibus deinceps.

§. 524.

Qui ad prolem generandum & educandum habiles sunt ac o- De obligatio-
nera matrimonii ferre possunt; ad matrimonium contrahendum *one ad ma-*
obligantur. Primis enim naturæ, consequenter & juri natu- *trimonium*
ræ (§. 51. part. 2. Jur. nat.), convenit (§. 83. part. 2. Jur. nat.), *contrahendum.*
ut genus humanum conservetur. Necesse igitur est, cum
genus humanum propagari debeat per societatem conjugalem (§. 269. 270.), ut matrimonia contrahantur, nec promiscue ideo omnibus liberum esse potest, utrum contrahere velint, nec ne. Quamobrem cum nulla prorsus adsit ratio, cur matrimonium non contrahat, adsit vero ratio sufficiens, cur contrahat, si quis ad prolem generandum & educandum habilis ac onera matrimonii ferre potest; qui ad prolem generandum & educandum habiles sunt ac onera matrimonii ferre possunt, ad matrimonium contrahendum utique obligantur.

Homines omnes simul sumtos ipsa natura obligari ad speciei suæ, seu generis humani conservationem, nemo est qui dubitet. Obligatio autem hæc, quæ est totius generis humani, non est singulorum, sed eorum saltem, per quos finis, generis nimirum humani conservatio, obtineri potest. Qui nascuntur, nondum actu sunt homines, sed accedente educatione ac commercio cum aliis hominibus demum fiunt. Homines enim a brutis distinguuntur ratione, quæ usum facultatum superiorum supponunt. Constat autem nonnisi usum facultatum inferiorum, quas cum brutis homo communes habet, cognosci, usum autem facultatum superiorum longo exercitio demum successive acquiri. Atque ea de causa non sufficit generare liberos, sed cura parentum iidem perducendi sunt in eum statum, quo usu facultatum superiorum instructi vitam hominis, hoc est eam, quæ juxta rationem est, vivere valent. Hinc facile patet, si obligationem contrahendi matrimonium in singulari determinare volueris, non modo respiciendam esse potentiam physicam generandi, verum etiam consideranda esse ea omnia, quæ ad curam educationis quomodocunque pertinent, & de quibus accuratius fiet judicium, quando in subsequenti singula demonstraverimus, quæ ad istam curam pertinent. Præter obligationes autem communes dantur etiam propriæ (§. 186. *part. 1. Jur. nat.*), quæ tenentur quidam tantummodo homines, vel unus eorum (§. 188. *part. Jur. nat.*), & in quatuor numero est obligatio matrimonium contrahendi, quæ genus humanum tenetur, sed non singula tenentur ejus individua. Quod si hæc obligatio collidatur cum alia obligatione propria, cui pauci aut vix unus satisfacere potest; hæc utique vincet, consequenter qui hac tenetur, matrimonium contrahere non obligatur, etiam si ad prolem generandum & educandum sit habilis & onera matrimonii ferre possit. Ita dici nequit philosophum, qui scientias excolendo bene de humano genere mereri potest, rei autem domesticæ ac prolis educandæ cura multum impediretur in scientiis promovendis, matrimonium contrahere obligari, cum sine eo genus humanum abunde pro-

paga-

pagari possit, qui vero in scientiis locupletandis & propagandis similem operam præstare possint, vix licet reperire alios. Hæc quidem probe considerari merentur, ne obligatio contrahendi matrimonium in nimium extendatur. Notanda autem venit propositio præsens, ut iudicium fieri possit, quid de ea in statu civili lege positiva recte decernatur.

§. 525.

Quoniam ad prolem generandum & educandum habiles & qui onera matrimonii ferre possunt, ad idem contrahendum obligantur (§. 524.): si matrimonium contrahere datur prolem generandum cum persona, qua sola oneribus matrimonii ferendis abunde sufficit, merandum ad matrimonium contrahendum etiam obligatur ad prolem generandum & educandum tantummodo habilis, etsi parum aut nihil ad id dum saltem onera matrimonii ferenda conferre possit (§. 446. 448.). habiles.

Obligatio naturalis contrahendi matrimonii æstimanda venit inde, quod conjuges conjunctis viribus finem matrimonii consequi possint. Quodsi ergo defectus personæ unius compensatur per ea, quæ ab altera præstari possunt, is in definienda obligatione ipsius non attendendus.

§. 526.

Si conjugi moriente promittat superstes, se ad secunda vota transire nolle; promissio non valet, etiamsi juramento confirmetur, nisi liberorum ex priori matrimonio genitorum educationi officis perpetua. Quoniam enim naturaliter ad matrimonium contrahendum obligatur ad prolem generandum & educandum habilis ac onera matrimonii ferre valens (§. 524.), immo tantummodo habilis, si matrimonium contrahere debet cum persona, quæ oneribus ferendis sola abunde sufficit (§. 525.); promissio de secundis nuptiis vitandis illicita est (§. 170. part. 1. Phil. pract. univ.). Quamobrem cum nemo sese liberare possit ab obligatione sua (§. 674. part. 3. Jur. nat.),

nat.), consequenter nec promittere, quod licitum non est (§. 170. *part. 1. Phil. pract. univ.* & §. 363. *part. 3. Jur. nat.*); si conjugii morienti promittat superstes, se ad secundam vota transire nolle, promissio non valet. *Quod erat primum.*

Enimvero si juramentum superaccedat actui non obligatorio, cum in obligatorium convertere nequit (§. 904. *part. 3. Jur. nat.*), nec promissio, quæ per se valida non est, per juramentum valida efficitur (§. 905. *part. 3. Jur. nat.*). Quamobrem cum promissio conjugii morienti a superstite facta de secundis nuptiis vitandis naturaliter valida non sit *per demonstrata n. 1.*; eadem nec valet, etiamsi juramento confirmetur. *Quod erat secundum.*

Conjux superstes ad educandum liberos ex priori matrimonio genitos obligatur (§. 263.), consequenter ad secundas nuptias transire non debet, si eadem educationi illorum officiant. Quamobrem cum in hoc casu promittatur id, ad quod naturaliter promittens obligatus est; nihil jam obstat, quo minus ad idem sese conjugii morienti, cui cura educationis cordi est, quemadmodum esse debet (§. cit.), superstes obliget (§. 363. *part. 3. Jur. nat.*). Quamobrem in hoc casu promissio valet. *Quod erat tertium.*

Nimirum ponamus promissione conjugii morienti de vitandis secundis nuptiis facta produci obligationem. Obligatio igitur contracta colliditur cum naturali (§. 524. 525.). Naturalis itaque tanquam immutabilis (§. 142. *part. 1. Phil. pract. univ.*), vincit (§. 208. *part. 1. Phil. pract. univ.*), consequenter promissio valere nequit. Enimvero si secundæ nuptiæ pugnent cum educatione liberorum ex priori matrimonio natorum; obligatio absoluta colliditur cum hypothetica (§. 263. 524.). Absoluta igitur vincet (§. 208. *part. 1. Phil. pract. univ.*), consequenter promissio in illius gratiam facta, cum legi naturæ conveniat, utique subsistit. Per se patet, ac ipsa demonstratio aperte loquitur, promissionem factam intelligi a persona,

na, quæ ad matrimonium contrahendum naturaliter obligatur, ut sit invalida (§. 524. 525.).

§. 527.

Si liberis undecunque obveniant bona, sumtus educationis De liberis sustentare licet subsidio fructuum. Quodsi enim liberis sint bona propria bona, ex quibus fructus percipiunt, eorum subsidio ipsimet habentibus. sumtus educationis sustentare valent. Quamobrem cum sumtus facere in educationem sit officium parentum erga liberos (§. 263.), ad officia vero erga alios præstandum non obligemur, nisi quatenus alii id, quod præstandum est, ipsimet in potestate sua non habent (§. 608. part. 1. Jur. nat.); si liberi propria habeant bona, ut subsidio fructuum, quos inde percipiunt, sumtus educationis sustentari possint, de suo eos facere non tenentur parentes, consequenter illorum subsidio hos sustentare licet.

Videmus imaginem hujus juris in brutis, quorum educationi per speciem quandam providentiæ prospiciunt eorum generatores & quæ sine eorundem auxilio educari possunt. Ita de alimentis sævi prospicit papilio ova ibi deponens, ubi erucæ ex ovulis exclusæ paulum commodum reperiunt. Pisces vero & ranæ, quamprimum alimento indigent, sine opera alieni in aquis nutriuntur. Ipsa igitur natura docet, parentum opem non exigi in faciendis sumtibus in educationem, nisi fetus sui indigentia. Quemadmodum vero patrimonium, consequenter bona, quæ habemus (§. 452 part. 1. Jur. nat.), conservare debemus (§. 458. part. 2. Jur. nat.); ita quoque bona liberos conservanda sunt, consequenter sumtus educationis fructuum subsidio sustentandi, nec parentes ab iis faciendis liberantur, nisi in quantum fructus isti sufficiunt. Sed hæc manifestiora evadent ex subsequentiis.

§. 528.

Si conjux unus moritur, cura educationis ad supersistentes so. De educatione uno libero-

ym conjuge uno mortuo. lum spectat, & nisi propria habeant bona, superstes sumtus in educationem facere tenetur. Etenim ad educationem prolis obligantur parentes (§. 263.), & conjux unus solus sumtus educationis facere tenetur, si alter nihil conferre possit (§. 446.). Quamobrem si conjux unus moritur, cum mortuus ab obligatione sua liberetur (§. 700. part. 6. Jur. nat.), cura omnis educationis ad superstitem spectat, & nisi mortuus bona relinquat, ut fructuum subsidio vel in totum, vel saltem in tantum sumtus educationis sustentari possint (§. 527.), superstes quoque omnem in educationem sumtum facere tenetur. *Quod erat unum.*

Enimvero si liberi propria habeant bona, fructuum, qui inde percipiuntur, subsidio sumtus educationis sustentare licet (§. 527.), consequenter parentes eos facere non tenentur. Quamobrem si conjux unus moriatur, & liberi propria habuerint bona; superstes quoque de suo sumtus in educationem facere non tenetur, sed fructuum, qui ex bonis percipiuntur, subsidio sustentari possunt. *Quod erat alterum.*

Fieri posse, ut liberi propria habeant bona, patebit ex iis, quæ in subsequentiis demonstrabuntur.

§. 529.

De educatione prolis ex actionem prolis facere non tenetur, sed eos dare obligatur adulter. adulterioge. Si maritus uxorem adulteram non repudiat, sumtus in educationem prolis facere non tenetur, sed eos dare obligatur adulter. Adulter enim est generator prolis suæ consequenter ipse quoque sumtus in educationem facere tenetur (§. 445.). Quamvis alias quoque mater ad eosdem faciendos similiter obligetur (§. cit.); cum tamen hæc obligata sit ad ferenda onera matrimonii & faciendos sumtus in educationem liberorum ex matrimonio natorum (§. 449. 445.), consequenter obligata manet, si maritus adulteram retinet; maritus uxorem adulteram non repudians sumtus in educationem pro-

prolis ex adulterio genitæ facere non tenetur, sed eos dare obligatur adulter.

Cura educationis & sumtus in eam faciendi ad adulterum eodem modo spectant, siue maritus uxorem adulteram repudiet, siue retineat. Nec ex eo, quod eam retineat, intelligitur, quod onus educationis prolis ex adulterio genitæ in se devolvi velit. Nulla igitur ratio est, cur propterea ab obligatione sua liberari debeat adulter (§. 56. *Ontol.*), consequenter obligatus manet. Quoniam vero mater quoque obligatur ad sumtus in educationem symbolam suam conferre (§. 445.); si præter ea, quæ ad onera matrimonii conferre tenetur, adhuc supersint, unde educationi prolis ex adulterio genitæ prospici possit, ex sua parte quoque sumtibus parcere non debet, quemadmodum nec adulter liberatur ab omni cura educationis, etiamsi proles sit penes matrem, nec ab iis officiis, quæ parens liberis suis debet per ea, quæ inferius demonstrabuntur. Natura non distinguit quoad educationem & officia parentum inter liberos ex matrimonio genitos & inter eos, quæ ex adulterio, vel stupro nascuntur: adulterium vero non intelligitur commissum in præjudicium matrimonii, si vel maxime id non solvatur.

§. 530.

Si vidua ad secunda vota transit, novus maritus educationis liberorum ex priori matrimonio natorum curam gerere & nisi propria bona habeat, vel mater de suo sumtus educationis sustentare sumtus quoque in educationem facere tenetur. Idem va- *De educatione liberorum ex priori matrimonio natorum, nuptiis secundis initis.*
let de viro viduo ad secunda vota transiente. Etenim uxor mortuo marito liberos sola educare tenetur (§. 528.). Quod si vero ad secunda vota transit, cum novo conjugē vitæ consuetudinem contrahit (§. 470. 471.), consequenter etiam curam educationis liberorum ex priori matrimonio natorum cum eodem communicat (§. 471.). Quamobrem cum novi conjuges ad vitæ consuetudinem obligentur (§. 472.); vidua ad secunda vota transeunte novus maritus educationis

(*Wolffii Jur. Nat. Pars VII.*) Z7. libe-

liberorum ex priori matrimonio natorum curam gerere debet. *Quod erat primum.*

Enimvero si liberi ex priori matrimonio nati bona propria non habeant, sumtus in educationem facere mater sola tenetur (§. 528.). Quoniam ab hac obligatione non liberatur per hoc quod ad secunda vota transit (§. 142. *part. 1. Phil. pract. univ.*); maritus novus, dum matrimonium contrahit, tacite in hoc consentire intelligitur, ut uxor tanquam mater liberorum ex priori matrimonio prognatorum de suo sumtus in illorum educationem faciat. *Quod erat secundum.*

Quodsi vero mater de suo sumtus educationis sustentare minime valeat, qui matrimonium cum ea contrahit, consequenter in vitæ consuetudinem, ac ideo quoque in communicationem omnium casuum, tam secundorum, quam adversorum, qui cuique evenire possunt (§. 471.), consentit (§. 473.), tacite quoque ipse recipit onus sumtus in educationem liberorum ex priori matrimonio natorum faciendi. Quamobrem si liberi isti propria bona non habeant, nec mater de suo sumtus educationis sustentare valeat, postquam ea ad secunda vota transit, novus conjux sumtus in educationem liberorum ex priori matrimonio natorum facere tenetur. *Quod erat tertium.*

Idem eodem modo quoad singulas partes ostenditur de viro viduo ad secundas nuptias transeunte. *Quod erat quartum.*

Hæ quidem ita se habent, si solum jus naturæ spectes, sepositis omnibus iis, quæ vel per pacta expressa, vel per tacita quoad onera matrimonii ferenda & bona conjugum tam unicuique propria, quam conjunctim in matrimonio acquisita, de quibus in anterioribus abunde dictum, immutantur. Quid vero per ea pro diversitate eorundem non invito jure naturæ immutetur, prolixitatis virandæ causa jam demonstrare nolumus. Consequentum omnino est, ut, dum secundæ nuptiæ contrahuntur, præ-

præsertim si leges positivæ in statu civili nihil disponunt, contrahentes de educatione liberorum ex priori matrimonio natorum, inter se conveniant, consequenter ad ea, de quibus conveniunt, promittendo perfecte sibi invicem sese obligent (§. 393. part. 3. Jur. nat.). Ne tamen conveniatur, quod legi naturæ adversetur, vel etiam quod eidem contrariatur lege positiva definiatur, probe tenenda sunt, quæ in propositione præsentem demonstrantur: qua etiam de causa eadem hic demonstravimus.

§. 531.

Quoniam mater ad secunda vota transiens in liberorum De bonis ab prioris matrimonii bonis propriis carentium educationem sum- uxore edu- tus de suo facere tenetur (§. 530.); si bona propria habet, qualia cationis li- mon sunt liberis, de iis sibi reservare debet, quantum sufficit ad sum- berorum tus educationis liberorum prioris matrimonii sustentandos. prioris ma-

Consultum est, ut de quantitate bonorum reservatorum ad trimonii sumtus educationis liberorum prioris matrimonii sustentandum causa sibi re- conveniatur, ne ullæ nascantur querelæ de conferendis iis, servandis. quæ ad onera matrimonii ferenda pertinent. Et hoc pertinet ad pactum secundarum nuptiarum contractui adjiciendum, de quo modo diximus.

§. 532.

Bona, quæ uxor sibi reservat, dum matrimonium con- De bonis re- trahit, *Receptitia* dicuntur. Bona igitur, quæ uxor ad secunda ceptitiis. vota transiens in usum educationis liberorum prioris matrimonii sibi reservat (§. 531.), *receptitia* sunt.

Bona uxoris distingui solent in dotalia, receptitia & paraphernalia, seu parapherna. Enimvero cum bona paraphernalia contradistinguantur potissimum dotalibus, de dote autem hic nondum commode agi potest; ideo quoque differentiam dotalium & paraphernalium suo demum loco explicare poterimus.

§. 533.

*An fructus
bonorum re-
ceptiturum
in onera ma-
trimonis
impendendi.*

Quoniam bona receptitia uxor sibi reservat (§. 532.), consequenter nihil juris in iis marito concedit, ac propter ea respectu matrimonii perinde sit, ac si ea non haberet; ideo quoque nihil fructuum, quæ ex bonis receptitiis percipit, in onera matrimonii impendere tenetur.

Si casum illum excipias, quo uxor ad secunda vota transiens sibi reservat quædam bona in usum educationis liberorum prioris matrimonii (§. 531.); bona receptitia rationem naturalem non habent; sed a pacto contractui matrimoniali adjecto unice veniunt.

§. 534.

*An ea bona
juri natura
repugnent.*

Cum vi dominii de bonis suis pro arbitrio quilibet disponere possit (§. 118. part. 2. Jur. nat.); naturaliter quoque licet femina, si bona habeat, dum matrimonium contrahit, sibi reservare quædam, ita ut nihil fructuum inde perceptorum in onera matrimonii impendere teneatur, consequenter bona receptitia juri natura minime repugnant.

Non quæritur de eo, num consultum sit, ut bona receptitia habeat uxor: plures enim sunt casus, in quibus præstaret uxorem nulla habere. Quæstio saltem de jure, præsertim externo, sermo est.

§. 535.

*De bonis
conjugum
sumptibus e-
ducationis,
facta disso-
lutione ma-
trimonii.*

Si matrimonium dissolvitur, quilibet conjux recipit quod suum est, & quod ipsi debetur; naturaliter tamen ad sumptus educationis sustentandam adhuc conferre tenetur ratam suam. Etenim si matrimonium dissolvitur, consuetudo vitæ, ad quam conjuges obligantur, tollitur (§. 473.), consequenter communicatio usus rerum, quas quis habet, cessat (§. 471.). Quamobrem quæ unicuique conjugum propria sunt, & quæ

ex

ex acquisitis unicuique debentur (§. 430.), ea recipere debet. *Quod erat unum.*

Enimvero quoniam uterque conjux ad educationem prolis conferre debet, quod potest (§. 305.); consequenter etiam sumtus in eandem facere (§. 445.); hæc vero obligatio tanquam naturalis (§. 263. h. & §. 141. part. 1. Phil. pract. univ.), immutabilis est (§. 142. part. 1. Phil. pract. univ.); dissoluto licet matrimonio uterque tamen conjux proli suæ adhuc eodem modo obligatur, quo antea obligabatur. Quamobrem ad sumtus educationis sustentandum adhuc ratam suam conferre uterque tenetur. *Quod erat alterum.*

Dissolutio matrimonii tollit obligationem conjugalem, qui enim fuerant conjuges, esse desinunt; ast non tollit obligationem educationis liberorum, neque onus educationis transfert in unum, nisi in casu necessitatis (§. 446.). Cum vero difficulter curam prolis gerere detur, nisi parentes cohabitent & in vitæ consuetudine persistant; abunde patet, quantum matrimonii dissolutio obligationi prolis educandæ adversetur, ut nec animantia bruta vitæ consuetudinem deferant, aut prolis procreandæ ac educandæ gratia contractam societatem dissolvant, antequam ea fuerit educata, nec ope illorum amplius indigeat. Turpe ideo est hominibus, si obligationi huic minus satisfaciant animantibus brutis ac causam dent divortii.

§. 536.

*Liberi just*i dicuntur, qui utrumque conjugem parentem *Liberi just*i habent, consequenter a conjugibus in matrimonio fuerunt *quinam sint*. generati. Vocantur etiam *legitimi*.

Genus enim humanum propagari debet per societates conjugales (§. 269.), non per concubitum promiscuum (§. 268.), nec per adulterium (§. 320.), nec per stupra (§. 335.). Naturaliter itaque liberi justi dici nequeunt, nisi qui secundum legem naturæ, consequenter in matrimonio a conjugibus sunt generati, ac ideo utrumque conjugem parentem habent.

§. 537.

Illegitimi, *Illegitimi* vocantur *liberi*, qui in matrimonio nati non sunt, seu a personis generati, quæ societatem conjugalem non contraxerunt. In specie autem *Spurii* appellantur ex *ulterini*, stupro nati; *adulterini* ex adulterio procreati & *vulgo quasi* ex promiscuo concubitu prognati.

Liberi nimirum dicuntur illegitimi, quia non sunt nati secundum naturæ legem. Quoniam vero diversi dantur modi, quibus liberi extra matrimonium nascuntur, illegitimi quoque a se invicem distinguuntur.

§. 538.

Liberi suppositii dicuntur, qui vel loco eorum, qui ex matre nati sunt, supponuntur, vel quando fœmina, quæ non peperit, prolem alienam tanquam ex se natam simulat.

E. gr. Ponamus matrem, quæ filiam parit, eam clam permutare cum filio ex alia matre nato; erunt liberi isti supposititii. Ponamus similiter, maritum per aliquot menses esse absentem, & uxorem graviditatem simulantem ante reditum ipsius infantem ex alia fœmina natum assumere, ut eum ex se natum marito persuadeat; erit infans hic supposititiuus. Dantur casus plures, in quibus liberi supponi possunt; sed in singulos inquirere inutile foret.

§. 539.

De certitudine prolis. Mater certa est prolem esse suam & si in præsentia aliarum personarum partum edit, ipsius etiam mariti, aliis quoque & ipsi marito certum est, prolem ex ipsa esse natam; maritus vero prolem a se genitam præsumere tenetur ac certum ipsi hoc non est, nisi uxor constituta fuerit quasi sub oculis & custodia ipsius. Matrem certam esse, quod hæc sit proles sua, per se patet. Quod erat primum.

Illi

Illi, in quorum præsentia in lucem editur, cum videant infantem ex utero ejus extrahi, propria experientia cognoscunt, prolem hanc esse matris suæ (§. 664. *Log.*), consequenter in quorum præsentia partus editur, iis certum est, ex matre hac infantem esse natum (§. 567. *Log.*), ac ideo etiam hoc marito certum est, si præsens fuerit. *Quod erat secundum.*

Maritus novit, se uxori debitum conjugale præstitisse, & quoniam uxor ipsi soli obligatur ad concedendum corporis sui usum generationis causa (§. 305.), quamdiu contrarium manifestum non est, præsumere tenetur eam, quando gravis est, ex se concepisse, non vero ex alio. Prolem itaque a se genitam præsumit. *Quod erat tertium.*

Quodsi vero uxor constituta fuerit quasi sub oculis & custodia mariti, ipsi satis exploratum, impossibile esse, ut uxor sua cum alio rem habuerit, consequenter ex eo conceperit. Quamobrem in hoc casu ipsi quoque certum est, prolem ex uxore sua editam ex se fuisse genitam. *Quod erat quartum.*

Propter certitudinem proli videtur *Grotius* lib. 2. c. 5. §. 8. ad matrimonium requirere talem maris cum foemina cohabitationem, quæ eam constituat quasi sub oculis & custodia maris, ne injuria ipsi fiat, si prolem alienam educare, & sumtus in educationem ejus facere teneatur. Vix vero est quod præsumtio valeat adversus foeminas, quasi fidem conjugalem violent, nisi violatio efficiatur impossibilis.

§. 540.

Pater dicitur *agnoscere prolem*, si eam ex se genitam vel *De agn. expressis verbis*, vel ipso facto declarat, seu pro prole sua habendo probet. Quoniam itaque maritus præsumere tenetur *prolem a se esse genitam* (§. 539.); *quamdiu probare nequit, eam ex adulterio nasam esse, eandem agnoscere tenetur.*

Viola-

Violatio fidei conjugalis est factum, quod probari debet. Quamdiu adeo probari nequit, uxorem adulterium commisisse, nec pro adultera haberi potest, consequenter maritus nec editum ex uxore partum tanquam adulterinum repudiare potest.

§. 541.

Quinam liberi legitimi sunt, quamdiu adulterium non fuit probatum. Quamdiu enim maritus probare nequit, partum ex uxore editum esse adulterinum, cum agnoscere tenetur, consequenter prolem pro sua habere (§. 540.). Proles itaque utrumque conjugem parentem habere censetur. Quamobrem cum liberi justii, seu legitimi sint, qui utrumque conjugem parentem habent (§. 536.); liberi justii seu legitimi censentur, qui in matrimonio nati sunt, quamdiu adulterium non fuit probatum.

Liberis itaque quæstio status non movetur, si constet eos ex justis nuptiis natos fuisse, præsertim si pater eos agnoverit.

§. 542.

De partu ex supro agnoscendo. Si quis confitetur, se concubuisse cum fœmina eo tempore quo concepisse præsumitur; partum agnoscere tenetur, donec probaverit, eam illo tempore cum alio adhuc rem habuisse, vel cum pluribus. Etenim si stuprator confitetur, se cum fœmina, quæ peperit, concubuisse eo tempore, quo concepisse præsumitur (§. 248. part. 2. Jur. nat.); probabile omnino est, quod ex eo conceperit, consequenter quod pater prolis sit. Quoniam itaque prolem pro sua habere debet, eam vero agnoscit, qui pro prole sua habet (§. 540.), si quis confitetur, se concubuisse cum fœmina eo tempore, quo concepisse præsumitur, partum agnoscere tenetur. *Quod erat unum.*

Enimvero si probaverit, fœminam eo, quo concepisse præsumitur, tempore cum alio adhuc, vel pluribus rem habuisse; incertum omnino est, ex quonam eorum conceperit,

rit, consequenter quinam pater sit. Quamobrem etsi confiteatur, se illo tempore cum eadem concubuisse, partum tamen agnoscere non tenetur (§. 540.). *Quod erat alterum.*

Distantia termini nativitatis a termino conceptionis non computari potest in diebus atque horis. Quamobrem sufficit, novem circiter menses a coitu primo, si is deinde repetitus fuit, elapsos esse, cum ordinarium præsumatur (§. 248. *part. 2. Jur. nat.*). Præsumtio autem de partu septimestri, aut quæ ad decem vel plures menses extenditur, naturaliter non valet, cum quod extraordinarium habetur, immo de quo, utrum possibile sit, nec ne, adhuc dubitatur, præsumi nequeat (§. *cit.*).

§. 543.

Si femina, quæ gravida est, aut peperit, contendat se ex te Quando scilicet concepisse, tu vero neges, te cum ea rem habuisse; concubitus minime concubitus probare tenetur. Quando enim femina, quæ gravida est, aut bitum propeperit, contendit se ex te concepisse; te partum agnoscebare debet. re vult (§. 540.), consequenter ut eum educes (§. 339.), ac ideo sumtus in educationem facias (§. 445. 446.). Quod si vero tu neges, te cum ea rem habuisse, partum agnoscere, consequenter eum educare, ac ideo in educationem sumtus facere non vis. Quoniam vero interest prolis, ut de patre constet, pater autem præsumitur, qui diffiteri nequit, se cum femina eo, quo concepit, tempore concubuisse, donec probaverit, eam isto tempore adhuc cum alio, vel cum pluribus rem habuisse (§. 542.); si femina affirmet, se ex te concepisse, tu vero neges, illa utique concubitus probare tenetur.

§. 544.

Quoniam femina contendens se ex te concepisse, con- *Quomodo*
tra te negantem concubitus probare debet (§. 544.), testes *concubitus*
vero, per quos probantur facta (§. 1014 *part. 5. Jur. nat.*), *probandus.*
(*Wolffii Jur. Nat. Pars VII.*)

Aaa

deesse

deesse solent, cum concubitus solus cum sola ordinarie ce-
lebratur, & raro contingat, ut quis ab aliis in actu deprehen-
datur, aut testibus deficientibus per juramentum probatio fi-
eri debet (§. 1060. part. 5. *Jur. nat.*), nemo autem in propria
causa testis esse potest (1048. part. 5. *Jur. nat.*); *fœmina con-*
cubitus neganti juramentum deferre tenetur, scilicet *quod cum*
ea rem non habueris. Et quia juramentum hoc purgatorium
est (§. 1065. part. 5. *Jur. nat.*), juramentum vero purgatori-
um referri nequit (§. 1087. part. 5. *Jur. nat.*); *si juramentum*
tibi delatum recuses, pro vero habendum, te cum fœmina coi-
tum celebrasse, consequenter *partum agnoscere teneris* (§. 542.).

Juri naturæ convenire, ut fœmina ante juramentum calu-
mniæ faciat, quam tu delatum præstes, ostendi nequit. Quo-
niam enim necesse est, ut, si ambo juretis, perjuriam magis in-
troducatur, quam calumnia excludatur, recte observante *Ol-*
dendorpio & approbante *Schardio* in *Lexico*, perjuriam autem da-
mnet lex naturæ (§. 927. part. 3. *Jur. nat.*); ideo nec jura-
mento calumniæ locum facere potest, quo fœmina jurat se non
malitiose juramentum deferre ei, quando se imprægnatam
fuisse dicit. Non est quod excipias, nisi præstetur jura-
mentum calumniæ, nullam militare adversus te præsumptionem,
quæ juramento elidi debeat, consequenter juramento purgato-
rio non esse locum (§. 1065. part. 5. *Jur. nat.*). Quoniam
enim vix contingit, ut fœmina contendat, se ex te concepisse,
si cum ea rem nunquam habueris; ordinarium vero seu
quod plerumque fit præsumitur (§. 248. part. 2. *Jur. nat.*);
præsumtio adversus te jam militat, si fœmina tibi in faciem di-
cit, te cum ea coivisse. Nec defunt in casu particulari indi-
cia, quæ præsumptionem augent.

§. 545.

An liberis Liberis illegitimis imputari nequit, quod non in matrimonio
illegitimis fuerint nati. Liberi enim illegitimi nascuntur vel ex stupro,
nativitas il- vel ex adulterio, vel ex concubitu promiscuo (§. 537.),
consc-

consequenter illegitimi sunt ob stuprum, vel adulterium pa-^{legitima im-}
rentum suorum, aut ob concubitum promiscuum matris. Quam-^{putari pos-}
obrem cum per se pateat, factum parentum, vel matris a vo-^{lit.}
luntate liberorum nondum natorum minime dependere, fa-
ctum autem alienum nemini imputari possit, nisi aliquo modo
dependeat a voluntate ipsius (§. 650. part. 1. Phil. pract. univ.);
liberis quoque illegitimis imputari nequit, quod non in ma-
trimonio fuerint nati.

Absurda igitur vulgi opinio est, quando famam liberorum
illegitimorum lacescunt ob factum parentum.

§. 546.

Quoniam liberis illegitimis imputari nequit, quod non *De jure libe-*
in matrimonio nati fuerint (§. 545.), ipsi autem perinde sunt *rorum ille-*
liberi parentum suorum, ex quorum concubitu nati, ac *gitimorum.*
beri legitimi; *liberorum illegitimorum naturaliter eadem sunt ju-*
ra respectu parentum suorum, qua legitimorum, & parentes, ex
quorum concubitu nati, ad eadem ipsis obligantur, ad qua naturali-
ter obligantur parentes liberis legitimis.

Naturale igitur non est, sed civile, si liberorum illegitimo-
rum conditio deterior efficiatur, quam legitimorum: quod qua-
tenus recte fieri possit, in presenti discutiendum non est.

§. 547.

Similiter quia liberis illegitimis imputari nequit, quod *An liberi il-*
non in matrimonio fuerint nati (§. 545.); *naturaliter nativi-*
tas illegitima fama ipsorum nullam maculam adspersit: id quod pter nativi-
& ipsi notioni famæ repugnat (§. 553. part. 1. Jur. nat.); ne-
satem ma-
que etiam illa ignominiam parit, consequenter qui ignominia af-
ficiendi animo liberis illegitimus natiuitatem illegitimam exprobrat, laboret.
eos conviciatur (§. 815. part. 1. Jur. nat.), ac ideo injuriam ipsis
facit (§. 860. part. 1. Jur. nat.).

Macula natiuitati liberorum illegitimorum adhæret propter factum illicitum parentum, ex quorum concubitu nati sunt; sed ea non inhæret liberis, in quos transire nequit nisi factum parentum ipsis imputeretur: id quod absurdum (§. 545.). Nihil in hisce difficultatis deprehenditur, modo ratione, non communi opinione stare velis.

§. 548.

*De facto
conjugis u-
nius alteri
non impu-
tando.*

Factum conjugis unius alteri imputari nequit, si ad id nullo modo concurrat. Etenim si conjux unus ad factum conjugis alterius nullo modo concurrat, is nulla actione sua ad actualitatem actionis alterius quidpiam confert (§. 106. part. 2. *Phil. pract. univ.*), consequenter factum alterius nullo modo a voluntate ipsius dependet (§. 110. part. 2. *Phil. pract. univ.*). Quamobrem cum nemini imputari possit factum alienum, quando id nullo modo a voluntate ipsius dependet (§. 650. part. 1. *Phil. pract. univ.*); nec factum conjugis unius alteri imputari potest, si ad id nullo modo concurrat.

Arctissima illa unio conjugum, qua una veluti efficiuntur persona (§. 469.), & vi cujus omnes etiam casus inter se communicant (§. 470.), non extendenda est ultra ea, in quibus concordare debent. Quando enim conjux unus facit, quod illicitum est, inscia, inconsulta, vel etiam invita parte altera; id unioni isti repugnat, eamque tollit, quippe vi cujus unus utriusque conjugis esse debet quasi intellectus, una quasi voluntas. Diversa igitur si sentiunt, vel volunt; non amplius tanquam una persona spectari possunt, neque enim in unam eandemque personam simul cadunt contrarii intellectus, vel voluntatis actus, neque etiam actus intellectus vel voluntatis unius tantummodo personæ physicæ spectari potest tanquam actus personæ moralis, quæ duarum personarum physicarum unione constituitur.

§. 549.

An conjux

*Quoniam factum conjugis unius alteri imputari nequit,
si ad*

fi ad id nullo modo concurrat (§. 548.), ob factum autem ^{unus puniri} alienum nemo puniri potest (§. 1084. part. 1. Jur. nat.), nisi ad ^{possit propter} id concurrat (§. 1082. part. 1. Jur. nat.); nec conjux unus ob factum ^{al-} factum conjugis alterius, si ad id nullo modo concurrat, ^{puniri} terius. ^{potest.}

Quodsi in statu naturali maritus te læsit, tibi quidem competit jus puniendi maritum (§. 1061. part. 1. Jur. nat.), minime autem uxorem, quam si punire voveris, injuriam eidem facis (§. 859. part. 1. Jur. nat.). Quodsi vero concurrat ad factum mariti uxor, quo læsus es, tum pœna inter maritum atque uxorem communicatur (§. 1082. part. 1. Jur. nat.), & uxor punitur propter factum proprium (§. 1083. part. 1. Jur. nat.), consequenter non propter factum mariti.

§. 550.

Liberi puniri non possunt propter factum parentum, ad quod minime concurrunt. An liberi ^{propter fa-} Nemo enim puniri potest propter factum alienum, quo quis læsus fuit (§. 1084 part. 1. Jur. nat.). Quamobrem cum parentum factum parentum non sit factum liberorum, & quia ad ^{tum.} id minime concurrunt, nec propter concursum pœna inter eos atque parentes communicatur (§. 1082. part. 1. Jur. nat.), ut propter factum proprium puniri possent (§. 1083. part. 1. Jur. nat.); liberi puniri non possunt propter factum parentum, ad quod minime concurrunt.

§. 551.

Si conjux unus suo nomine debitum contrahit, conjux alter De debito id solvere non tenetur, nisi quatenus in rem societatis conjugalis a conjuge versum. Etenim si conjux unus suo nomine debitum contrahit, contractus hic ad solum conjugem contrahentem spectat. Quamobrem quæ ex eo oritur obligatio (§. 793. part. 3. Jur. nat.), nonnisi conjugem contrahentem respiciunt, qui se se alteri obligare voluit (§. 428. part. 3. Jur. nat.). Con-

jux igitur alter debitum solvere non tenetur. *Quod erat unum.*

Enimvero cum conjuges communi sumtu res domesticas comparare teneantur pro facultatibus uniuscujusque (§. 447.) & ad sumtus educationis conferre, quod quisque potest (§. 445.), & ubi per operas suas & ex rebus suis tantundem acquirere nequeunt, quantum ad onera matrimonii ferenda sufficit, de ipsis bonis, quæ habent, conjunctim pro rata bonorum conferre teneantur, quod adhuc requiritur (§. 452.); si æs alienum in rem societatis conjugalæ versum fuerit, nec debitum solvere teneretur conjux alter, quando qui contraxit solvendo non est, conjux alter locupletaretur re aliena (§. 583. *part. 2. Jur. nat.*). Quamobrem cum nemo locupletari possit ex re alterius (§. 678. *part. 4. Jur. nat.*); si conjux unus debitum contraxit suo nomine, & æs alienum in rem societatis conjugalæ versum, conjux alter id solvere tenetur.

Quemadmodum factum unius conjugis alteri imputari nequit, si ad id non concurrat (§. 548.); ita nec conjugi alteri imputari potest, quod unus debitum contraxit. Nulla igitur ratio est, cur ad id solvendum teneatur. Nisi verò æs alienum in rem societatis conjugalæ a conjuge uno fuisset versum; alter utique de suo id impendere debuisset, quod in usum societatis conjugalæ impendendum erat (§. 452.). Quamobrem clarissime perspicitur ipsum fore locupletiores re alterius, si quidem debitum solvere non teneretur. Injustissimum vero est, si maritus uxoris causa æs alienum contrahit, quando vero idem solvendo non est, uxor res alieno ære sibi comparatas retinet, nec debitum solvere tenetur. Quid enim manifestius est, quam uxorem tunc locupletiores fieri re alterius? Idem quoque luculenter patet in eo casu, in quo luxus uxoris in causa est, ut æs alienum contraxerit maritus.

§. 552.

Si uxori a venditoribus fides habetur de pretio in emtione re- *Casus parti-*
ram domesticarum, ipsa vera pecuniam eo fine a marito sibi datam *cularis.*
inscio eodem in suos quoscunque usus impendit; maritus nihilomi-
nus debitum solvere tenetur, si ipsa solvendo non sit. Cum enim
 ad res domesticas comparandas uterque conjux conferre de-
 beat, quantum potest (§. 424.), & conjuges œconomiam
 communem habeant (§. 423.), consequenter res domesticas
 communi consensu administrare debeant (§. 422.); si uxor
 fidem sibi haberi vult de pretio in emtione rerum domesti-
 carum, venditor præsumit id fieri consensu mariti, nec ipsi-
 us est inquirere, utrum maritus pecuniam ad eas comparan-
 das dederit uxori, nec ne, consequenter nec de eo sollicitus
 esse tenetur, num pecuniam a marito acceptam eodem
 inscio aliter impenderit. Quamobrem cum perinde sit, ac
 si maritus fidem de pretio habuissent venditori, is etiam
 solvere debitum tenetur, nisi ipsa solvendo sit.

Nimirum si uxor sit solvendo, maritus solvit de eo, quod
 est uxoris, vel quod ipsi debetur (§. 450.). Quoniam de bo-
 nis conjugum & eorum administratione, nec non de oneri-
 bus matrimonii per pacta multa disponi possunt, prouti ex an-
 tea demonstratis apparet; quæ hic & in propositione præce-
 dente demonstrantur, in diversis hypothesibus variant. Sed
 nostrum jam non est, ut omnem illam varietatem perstrin-
 gamus.

§. 553.

Naturaliter donationes inter virum & uxorem sunt licitæ. De donatio-
Donationes enim in se illicitæ non sunt (§. 122. part. 4. Jur. nibus inter
nat.), & a domini unice voluntate pender, utrum alicui quid virum & u-
donare velit, an nolit (§. 130. part. 4. Jur. nat.). Quamob- *xorem.*
rem cum dominium, quod habent conjuges in rebus suis,
 per

per societatem conjugalem non limitetur (§. 270.); naturaliter quoque donationes inter virum & uxorem sunt licitæ.

Civile igitur est, quod in Jure Romano donationes inter virum & uxorem sint prohibitæ. Enimvero cum plura esse possint donationis motiva, eaque maxime honesta, ut eam officia exigant; ideo in Jure civili prohibitio ista tot patitur exceptiones, ut per illas fere plane absorbeat. Apud Romanos divortia admodum frequentia erant. Hinc non desunt, qui existimant, hanc potissimum prohibitionis fuisse causam impulsivam, ne matrimonia dissolverentur, si donare conjux noller, quæ poterat, quamvis enim ab aliis plures allegentur rationes aliæ, non tamen istæ statui civili Romano æque conveniunt, unde tamen ratio probationis desumpta videtur.

§. 554.

De donatione sub conditione nuptiarum secundarum non inenndarum.

Si conjux unus alteri quid donet sub hac conditione, ne ad secunda vota transeat; naturaliter id actum intelligitur, ut re donata tanquam sua in statu viduitatis utatur fruatur & si in eodem permanferit usque ad mortem eandem tanquam suam retineat, si vero ad secunda vota transeat eandem restituat. Quod si conjux unus alteri quid donet sub hac conditione, ne ad secunda vota transeat, acceptans promittere videtur, se ad secunda vota transire nolle (§. 2. & §. 393. part. 3. Jur. nat.). Quoniam vero promissio hæc non valet, nisi educationi liberorum ex priori matrimonio genitorum officiant secundæ nuptiæ (§. 526.), & vi libertatis naturalis acceptanti permitendum, ut de obligatione naturali matrimonium contrahendi (§. 524.) per se statuatur (§. 156. part. 1. Jur. nat.), quæ autem actus irritos faciunt ita interpretanda sunt, ut actus, quantum fieri potest, subsistat (§. 510. part. 6. Jur. nat.); si conjux unus alteri quid donet sub hac conditione, ne ad secunda vota transeat, naturaliter id omnino actum intelligitur, ut acceptans re donata tanquam sua in statu viduitatis

tis utatur fruatur & si hæc perpetua fuerit eandem tanquam suam retineat, si vero ad secunda vota transeat, eandem restituar (§. 68. *part. 4.* & §. 469. *part. 3. Jur. nat.*)

Facile patet, si donationem ita interpretemur, nihil committi, quod sit illicitum. Donatio facta in solatium viduitatis convenit amoris conjugali (§. 465.). Non adimitur donatario potestas matrimonium contrahendi, quæ adimi nequit (§. 524. 525.). Libertas quoque naturalis, vi cujus unusquisque actionum suarum arbitrius est (§. 156. 157. *part. 1. Jur. nat.*), integra relinquitur. Perinde igitur est, ac si donatio facta fuisset ea lege ut re donata utatur fruatur donatarius in statu viduitatis & si viduitatem perpetuam esse contingat, ea ipsius maneat: id quod nihil vitii habet. Quamobrem absolum si ret, si hoc modo donatio subsistere non deberet, quo subsistere potest. In casibus particularibus dantur etiam rationes particulares honestæ, ob quas interne ad ita donandum obligatur conjux moriens superstiti: quæ cum facile agnoscantur, quando occurrunt, in eas jam inquirere nostrum non esse existimamus.

§. 555.

Quoniam si conjux unus alteri quid donet sub hac conditione, De cautione ne ad secunda vota transeat, res donata restituenda, si hoc fiat ob donationem (§. 554.) donatarius cavere tenetur iis, quibus res restituenda, nem istam ne: si res immobilis fuerit eam alienare potest, quamdiu vivit. præstanda.

Nimirum nisi de restitutione cautum esset iis, quibus in casu secundarum nuptiarum ea fieri debet, facile contingere poterat, ut nihil restitui posset, vel quia pecunia consumpta, vel res donata alienata ac pretium inde redactum consumptum. Multis autem modis contingit, ut, qui hodie solvendo est, idem cras solvendo non sit. Convenit cum his Jus Romanum, quo eum in finem introductam esse constat cautionem Mutianam in legato uxori a marito sub conditione viduitatis relicto.

(Wolffii Jur. Nat. Pars VII.)

Bbb

CAPUT

CAPUT III.

De Cognationibus & affinitatibus.

§. 556.

*De modo, quo
genus hu-
manum pro-
pagatur.*

Genus humanum propagatur per continuatas generationes. Patet hoc a posteriori. Quotquot enim nascuntur homines, ab aliis hominibus generati sunt. Et hi deinceps rursus generant alios: Atque hoc modo continuatis generationibus, ita ut qui erant geniti continuo fiant generatores, genus humanum propagatur.

Equidem hoc & alia nonnulla, quæ sequuntur, obvia admodum sunt: attendenda tamen, si cognationes earumque gradus intimius perspicere volueris.

§. 557.

*Quomodo
persona alia
ab aliis de-
scendant.*

Quoniam genus humanum propagatur per continuatas generationes (§. 556.); ideo persona alia ab aliis per generationem descendunt.

Nimirum ponamus, Cajum genuisse Grachum, Grachum genuisse Sempronium, Sempronium genuisse Titium, Titium genuisse Florentem; evidens est Florentem, Titium, Sempronium, Grachum per generationem descendere a Cajo, ita ut si Cajus non extitisset, aut generare noluisse, nec Florens, Titius, Sempronius, Grachus extitissent: hi itaque omnes agnoscunt Cajum tamquam communem ortus sui autorem, & Florens, Cajum, Grachum, Sempronium, Titium, Florentem agnoscit simul tanquam ortus sui autores. Idem patet eodem modo si Florentem referas ad Grachum, vel ad Sempronium, vel ad Titium. Patet autem omnes simul descendere ab una femina, Caji nimirum uxore, aut ea, ex cujus concubitu generatus Grachus.

§. 558.

§. 558.

Personæ aliæ vel continuo a se invicem descendunt, vel ab una Quam in quidem persona descendunt, non vero a se invicem. Una enim eo fit utruque persona generare potest plures, qui ideo ab eadem descendunt, non vero a se invicem. Quod si hi singuli iterum generent alios, hi omnes descendunt ab una persona, sed non a se invicem.

Exemplum, quod dedimus (not. §. 557.), illustrat descensum continuum personarum plurium a se invicem. Sed ponamus Cajum generare Grachum & Mævium, Grachum vero generare Septimium & Mævium generare Tullium. Grachus & Mævius descendunt a Cajo, sed non a se invicem: similiter Septimius & Tullius ab eodem Cajo descendunt, sed non a se invicem. Idem intelligitur de descensu a femina per generationem.

§. 559.

Persona, a qua aliæ per generationem descendunt, dicitur *De stipite communis stipes earum.*

Ita in exemplo primo (not. §. 557.), Cajus est communis stipes Grachi, Sempronii, Titii & Florentis, in exemplo altero (not. §. 578.) Cajus est communis stipes Grachi, Mævii, Septimii & Tullii. In illo Grachus quoque communis stipes est Sempronii, Titii & Florentis; at in hoc Grachus non est communis stipes Septimii & Tullii.

§. 560.

Quoniam persona, a qua aliæ per generationem descendunt, communis stipes est (§. 559.), ad generationem autem *De duplici* concurrunt duæ personæ, mas & femina, quod per se patet, consequenter personæ plures per generationem descendunt non minus ab una femina, quam ab uno mare; *non minus* Bbb 2 *etiam.*

etiam *femina, quam mas, unde plures personæ aliæ per generationem descendunt, communis earum stipes est.*

E. gr. Ponamus Cajum & Sybillam generare Sempronium & Tanaquillam, a Sempronio generari Mævium, a Mævio Cleliam & ita porro, ast ex Tanaquilla nasci Octavianum & hunc generare Florentem; erit Cajus stipes communis Sempronii, Mævii, Cleliæ &c. idem erit stipes communis Tanaquillæ, Octaviani, Florentis &c. ac similiter in utraque ista serie tam Cajus, quam Sybilla stipes communis est. Immo etiam Sempronius & Tanaquilla, Mævius & Octavianus, Clelia & Florens, & singulæ personæ a Sempronio descendentes cum singulis personis a Tanaquilla descendentes, veluti Clelia & Tanaquilla, Florens & Mævius utrumque stipitem communem habent, Cajum scilicet & Sybillam.

§. 561.

Stipes masculinus & femininus.

Fœminam, a qua plures personæ per generationem descendunt, *stipitem fœmineum* appellare lubet; sicuti *masculinum* marem, a quo personæ plures per generationem descendunt. Quoniam si maritus ad secunda vota transiit, ex nuptiis primis nati & qui porro ab iis descendunt, ab alia fœmina descendunt, quam descendentes ex nuptiis secundis; ex *nuptiis primis & secundis nati & qui porro ab iisdem descendunt communem quidem stipitem habent masculinum, sed fœmininum tamen diversum.*

E. gr. Ponamus Cajum & Sybillam generare Sempronium, Sempronium vero Grachum & Grachum porro Mævium; eandem vero Cajum mortua Sybilla ducere Cleliam & cum ea generare Octavianum, hunc vero Florentem & ita porro. Evidens est Sempronium, Grachum, Mævium &c. Octavianum, Florentem &c. communem stipitem habere masculinum, nimirum Cajum; ast non eundem stipitem fœmineum, cum Sempronii, Grachi, Mævii &c. stipes communis fœmineus sit Sybilla, ast Octaviani, Florentis &c. Clelia.

§. 562.

§. 562.

Dependentia ortus duarum vel plurium personarum a *Agnatio* & communi stipite masculino dicitur *Agnatio*; dependentia vero *cognatio* a communi stipite foemineo *Cognatio*. Illa idiomate patrio, *quomodo* in Jure praesertim Saxonico, vocatur die *Schwerdt* mag- *differant*. *schaft*; haec autem die *Spill* & *magtschaft*, & agnati *Schwerdtmagen* a gladio; cognati *Spillmagen* a fuso appellantur. *Cognatio* etiam in genere vocatur dependentia ortus duarum vel plurium personarum a communi stipite. Unde qui agnati dicuntur *cognati paterni*; qui vero cognati in specie appellantur, *cognati materni* audiunt: qui autem a communi stipite tam masculino, quam foeminino simul descendunt, *cognati ab utroque latere*, Germanico sermone *Blutsverwandten*, sive *Blutsfreunde von beyden Seiten*, vel von väterlicher und mütterlicher Seite vocantur. *Cognatio* in genere nobis dicitur die *Magtschaft*, vel etiam *Spillschaft*.

Parebit ex subsequentiis, agnationem & cognationem attendendam quoque esse in Jure naturae ac a se invicem distinguendam.

§. 563.

Series personarum per continuas generationes a se invicem descendantium dicitur *Linea*, eaque *recta* quamdiu in se *quid sit*, spectatur. Ex hinc personae in eadem serie constitutae dicuntur *Agnati*, vel *Cognati in linea recta*, prouti stipes, hoc est, persona, a qua linea incipit, vel mas est, vel foemina.

E. gr. Si Mævius genuit Sempronium & ab hoc porro per continuas generationes a se invicem descendunt Cajus, Gracchus, Scævola, Marius, Modestinus, Marcellus, Florens; personae istae omnes dicuntur agnati in linea recta. Erunt autem iidem cognati in linea recta, si omnes descendant a Sybilla.

Bbb 3

§. 564.

§. 564.

Develatione Quoniam *persona in linea recta* per continuas generationes personarum a se invicem descendunt; eandem *ad se invicem referuntur si ad se invicem genita ad generantes.*

cem in linea recta.

Ita in exemplo, quod modo dedimus, Sempronius ad Mævium refertur ut genitus ad generantem, & eadem est relatio Modestini ad Mævium, Sempronium, Cajum, Grachum, Scævola, Marium: etenim Modestinus quoad ortum suum a Mævio, Sempronio, Cajo, Gracho, Scævola & Mario dependet, ita ut, nisi hi omnes existissent ac generassent, nec ipse existeret ac genitus fuisset.

§. 565.

De linea a- Personæ, quæ in linea recta se habent ad ceteras in ea
scendente & dem ut generatores ad genitas, dicuntur *Ascendentes*: quæ
descendente, vero se habent ut genitæ ad generatores vocantur *Descen-*
item ascen- *dentibus* & mas tanquam terminum, per quem ea in duas partes divi-
descendenti- ditur; pars lineæ rectæ, in qua constituuntur ejus generato-
bus. res, vocatur *Linea ascendens*, altera vero, in qua constituuntur personæ genitæ ab eadem, vocatur *Linea descendens*. Nimirum si personam genitam in linea recta referas ad gignentem aliquam, ascendendo ab illa ad hanc per loca omnia intermedia, series personarum dicetur *Linea ascendens*: quod si vero eandem personam ut gignentem referas ad genitam descendendo per omnia loca intermedia; series earundem personarum erit *Linea descendens*. Patet itaque unam eandemque lineam rectam esse *ascendentem* & *descendentem*, prouti persona aliqua tanquam genita refertur ad aliam tanquam gignentem; vel contra eadem persona gignens ad eandem genitam.

E. gr.

E. gr. Sit series personarum A, B, C, D, E &c. quarum A genuit B, B genuit C, C genuit D, D genuit E, ac ita porro. Quod si quærat de cognatione personarum E atque A, & E referatur ad A, diceretur linea ascendens, quæ constituitur serie personarum E, D, C, B & A. Ast si persona A referatur ad E, diceretur linea descendens, quæ constituitur serie personarum A, B, C, D, E. Etenim respectu personæ E ceteræ D, C, B & A spectantur ut generatores, consequenter ipsius E sunt ascendentes: ast respectu personæ A ceteræ B, C, D & E spectantur ut genitæ, consequenter ipsius A descendentes sunt. &c. Perinde hic sese res habet ac in progressionibus numerorum, quæ vel ascendens dicitur, vel descendens, prouti a termino maximo continuo progrediatis ad majores, vel vice versa a maximo termino continuo ad minores. Etenim si progressio geometrica fuerit 1. 2. 4. 8. 16. 32. 64, progressio ascendens: quodsi vero seriem numerorum invertas, scribendo 64. 32. 16. 8. 4. 2. 1. eadem progressio descendens dicitur.

§. 566.

Quoniam in linea recta personæ ad se invicem referuntur ut genitæ ad gignentes (§. 564.), & quatenus linea ista in se spectatur personæ singulæ a se invicem per generationes descendunt, excepta prima, a qua omnes descendunt (§. 563.), consequenter quæ communis stipite est (§. 559.), personæ autem, quarum ortus per generationem a communi stipite dependet, descendentes sunt (§. 565.), una vero eademque linea recta pro diversa relatione descendendum ad stipitem, vel stipitis ad descendentes nunc ascendens appellatur, nunc descendens (§. 565.); in linea recta, sive tanquam ascendens, sive tanquam descendens consideretur, tot dantur generationes, quot personæ in eadem constituuntur, demto stipite, per quas unicuique earum suus locus in linea determinatur.

De loci determinatione in linea recta.

Ita in serie A. B. C. D. E. dependet quoad ortum suum B a stipite A per unam, C per duas, D per tres, E per quatuor

tuor generationes & ita porro, consequenter quando in eadem constituuntur personæ quinque, quarum prima A ceterarum communis stipes est, quatuor sunt generationes, quarum una determinatur locus ipsius B stipiti proximus, duabus locus ipsius C, tribus locus ipsius D, quatuor denique locus ipsius E.

§. 567.

Unde oritur diversitas cognationis. Quoniam in linea recta tot sunt generationes, quot personæ, demto stipite, & per eas unique personæ locus suus in eadem determinatur (§. 566.), *diversitas cognationis inter stipitem & personam quamcunque in linea recta oritur ex numero generationum, per quas ea quoad ortum suum a stipite dependet.*

Ita stipiti A diverso modo cognati sunt B, C, D & E, quia B quoad ortum suum ab eodem dependet per generationem unam, C per duas, D per tres, & E per quatuor.

§. 568.

Quid Gradus cognationis sit in linea recta, & quomodo computetur. Diversitas cognationis personæ descendens cum stipite in linea recta dicitur *Gradus*. Quoniam itaque ea oritur ex numero generationum, quæ inter stipitem & personam, quæ ad eum refertur, intercedunt (§. 567.); *generatio gradum facit, ac tot sunt gradus quot inter stipitem & personam, qua ad eum refertur, generationes intercedunt, consequenter persona descendens stipiti in eo gradu cognata est, quem indicat numerus generationum inter ipsam & stipitem intercedens.*

Ita in linea recta, in qua constituuntur A, B, C, D & E, & cujus stipes est A, cum inter A & E quatuor intercedant generationes, gradus sunt quatuor, & persona B ipsi A cognata est in gradu primo, C in secundo, D in tertio, E in quarto.

§. 569.

De cognatis propriioribus & remotioribus. Cognati propriiores sunt, qui minori graduum numero a stipite distant; remotiores autem, qui majore numero distant. Et cognatus proximus est, qui uno saltem gradu a stipite distat, seu

seu per unam generationem ab eodem descendit. Dicitur tamen in significato generali etiam *proximus cognatus*, si alii propiores non amplius extant. Ita stipiti agnatus in gradu tertio erit proximus, si nullus extet amplius in gradu primo, atque secundo.

Quoniam nimirum generatio gradum efficit, consequenter distantiam a stipite (§. 568.); singulæ generationes addunt eidem æquale intervallum, ut adeo distantia a stipite crescat in ratione generationum. *Paulus* l. 10. §. 10. ff. de gradibus: Gradus, inquit, dicti sunt a similitudine scalarum locorum declivium, quos ita ingrediamur, ut a proximo in proximum, id est, in eum, qui quasi ex eo nascitur, transeamus.

§. 570.

Linea recta non terminatur ascendendo per se, nisi subsistere vobis. De terminis lueris, ubi placuerit; descendendo autem terminatur in persona, linea recta, quæ improles moritur. Etenim in linea recta constitutæ personæ omnes quoad ortum suum a se invicem dependent per continuas generationes (§. 563.). Quamobrem cum naturaliter nemo existat, nisi qui ab alia persona fuit genitus; si in linea recta ascendas, subsistendum erit in persona, quæ quoad ortum suum ab alia per generationem dependet. Recta igitur linea per se nullibi terminatur; sed si terminari debeat, ibi subsistendum erit, ubi placuerit. *Quod erat unum.*

Enimvero si descendendo pervenias ad personam, quæ improles moritur, vel mortua est, cum ab ea nulla alia per generationem quoad ortum suum dependeat, in ista serie ultra illam nulla amplius existit, consequenter descensus finitur. Linea igitur recta descendendo terminatur in persona, quæ improles moritur. *Quod erat alterum.*

(*Wolffii Jur. nat. Pars VII.*)

Ccc

§. 571.

§. 571.

*De ultima
persona ex
linea descen-
dente.*

Quoniam linea recta descendendo terminatur in persona, quæ improles moritur (§. 570.), consequenter a qua quoad ortum suum nulla dependet per generationem, ultima vero est in linea, post quam non existit alia (§. 44. *part. 1. Theol. nat.*); in linea recta descendente persona ultima est, qua improles moritur.

Lineas rectas finiri, experientia quotidiana docet, vel quia cælibes moriuntur, vel quod matrimonia contracta sunt sterilia, vel denique quod liberi moriuntur ante parentes.

§. 572.

*De cognati-
one directa.*

Cognatio directa dicitur, quam inter se habent personæ in linea recta constitutæ, consequenter quarum una ab altera quoad ortum suum per generationem dependet (§. 563.). In cognatione igitur directa ascendens refertur ad descendensem vel descendens ad ascendensem (§. 565.).

Nimirum descendens in ortu suo per generationem dependet ab ascendente. Unde in cognatione directa vel persona quædam refertur ad eam, quæ per generationem in ortu suo ab ipsa dependet, vel persona quædam refertur ad eam, a qua ipsamet per generationem in ortu suo dependet.

§. 573.

*De divisione
rectæ in a-
scendentem
& descen-
dentem.*

Si in linea recta personam quamcunque sumas pro termino, ad rectam in a- quam referenda sunt tam superiores, quam inferiores; ea per ipsam dividitur in lineam ascendentem & descendentem. Etenim patet personam istam, quæ pro termino assumitur, ad quem ceteræ referendæ, sese ad superiores habere ut genitam ad generatores; ad inferiores autem ut generatorem ad genitas (§. 563.). Quamobrem superiores sunt ascendentes ejusdem, inferiores autem descendentes (§. 565.). Quoniam itaque

que linea ascendens est, in qua constituuntur ascendentes, descendens vero, in quo descendentes constituuntur (§. cit.); si in linea recta personam quamcunque sumas tanquam terminum, ad quem ceteræ referendæ, ea per ipsam dividitur in lineam ascendentem & descendentem.

In linea nimirum recta de persona qualibet, modo non sit ultima, quæ descendentes non habet, quæri potest, quinam sint ejus ascendentes, quinam descendentes. Atque tum ad eandem referuntur tum singulæ superiores, a quibus ipsa per generationem descendit, quam singulæ inferiores, quæ ab ipsa per generationem descendunt.

§. 574.

Gradus superioris ordinis sunt, qui obtinent in cognatione personæ alicujus cum aliquo ascendente. *Gradus autem inferioris ordinis* sunt, qui obtinent in cognatione alicujus cum aliquo descendente. Ascendentes nimirum appellantur *cognati ordinis superioris*; descendentes vero *cognati ordinis inferioris*. Quoniam una eademque persona ab alia superiore per unam, duas & plures generationes dependere potest, quemadmodum & sub se habere alias, quæ per unam, duas & plures generationes in ortu suo ab ipsa dependet; Una persona in linea recta habere potest cognatos in eodem gradu tam ascendentes, quam descendentes.

E. gr. Ponamus Sempronium generasse Cajum, Cajum vero Grachum: Sempronius & Grachus Cajo cognati erunt in gradu primo. Ponamus porro Sempronium genitum fuisse a Modestino, Grachum vero genuisse Pomponium: erunt Modestinus & Pomponius cognati Caji in gradu secundo.

§. 575.

Cognati ordinis superioris in linea recta uno nomine dicuntur *Parentes*; cognati autem ordinis inferioris *Liberi*.

Ccc 2

Di- ris.

Distinguuntur enim deinceps tam parentes, quam liberi pro diversitate graduum in parentes primi, secundi, tertii gradus & ita porro, ac similiter liberi in liberos primi, secundi, tertii gradus & ita porro. Et hoc quidem pacto cognati tam superioris, quam inferioris ordinis facilius ac clarius distinguuntur, quam peculiaribus nominibus, sicuti in Mathesi potentia facilius & clarius distinguuntur per exponentes, qui gradum exprimunt, quam peculiaribus nominibus, quibus usi sunt *Diophantus* & *Vieta*, vel etiam Arabes. Quoniam tamen istorum cognatorum in utroque ordine peculiaria prostant nomina, quibus etiam utimur; ideo ea hic præmittere non debemus.

§. 576.

Cognatio ordinis superioris in linea recta gradu primo dī-
dinis *superi-* cūntur *Pater* & *Mater*. Nimirum *Pater* est, qui personam
oris in linea alteram, quæ ad ipsum refertur, genuit: *Mater* vero, quæ
recta & eo- eandem peperit, seu ex qua eadem nata est. Cognati or-
tum nomina. dinis superioris in linea recta gradu secundo sunt *Avus* &
Avia. *Avus* nimirum *maternus* est pater patris mei; *avus*
vero *maternus* pater matris meæ. Similiter *Avia paterna* est
mater patris mei; *Avia* vero *materna* mater matris meæ.
Cognati ordinis superioris in linea recta in gradu tertio sunt
Proavus & *Proavia*. *Proavus* est pater avi mei tam paterni,
quam materni, & similiter *avia* meæ tam paternæ, quam
maternæ: *Proavia* vero mater tam utriusque avi, quam utri-
usque aviæ. Cognati ordinis superioris in linea recta gra-
du quarto sunt *Abavus* & *Abavia*. Scilicet *Abavus* dicitur
pater singulorum proavorum; *Abavia* vero mater singula-
rum proaviarum. Cognati ordinis superioris in gradu quin-
to lineæ rectæ sunt *Atavus* & *Atavia*. Nimirum *Atavus* di-
citur pater abavi & abaviæ; *Atavia* vero mater abavi &
abaviæ. Cognati ordinis superioris in gradu sexto lineæ re-
ctæ

Et sunt *Tritavus* & *Tritavia*. Nimirum *Tritavus* vocatur tam atavi, quam ataviæ pater; *Tritavia* vero tam atavi, quam ataviæ mater. Cognati ultiores in linea recta non speciale nomen habent, sed communi nomine *Majores* appellantur.

Facile apparet, nos retinuisse significatum generalem vocabuli cognationis ad evitandam prolixitatem, quemadmodum quoque jam ante fecimus, ubi opus non est agnationem a cognatione in specie sic dicta distingui. Nomina vero, quæ commemoravimus, tradit *Paulus* l. 10. de grad. & affin. & nomin. eor.

§. 577.

Quoniam homo quilibet duos parentes primæ gradus habet, quando vero matrimonium contrahitur, mas non minus, quam fœmina, itidem duos sibi proprios parentes habet; levi attentione animadvertitur, numerum parentum progredi in ratione dupla, consequenter in gradu primo parentes esse duos, in secundo quatuor, in tertio octo, in quarto sedecim, in quinto triginta duo, in sexto sexaginta quatuor, in septimo centum viginti & in octavo ducentos quinquaginta & sex, atque ita porro in infinitum, & in quolibet gradu tot dari mares, quot fœminas, consequenter Hominem quemlibet habere patrem unum & matrem unam, avos duos & avias duas, proavos quatuor & proavias quatuor, abavos octo & abavias octo, atavos sedecim & atavias sedecim, tritavos triginta duos & tritavias triginta duas, in gradu autem septimo majores inter mares sexaginta quatuor & totidem inter fœminas, ac ita porro in ratione dupla progrediendo in infinitum, seu quousque libuerit, si nimirum supponas nulla matrimonia contrahi inter ascendentem & descendentem in linea recta (§. 332. *Arithm.*)

Hinc intelligitur, quam stupendus prodeat parentum numerus, a quibus ortus tuus dependet, ita ut tu non existeres,

nisi isti omnes extitissent. Qui progressionem geometricam summare novit; numerum parentum facile computabit, ad quemcunque usque gradum progredi voluerit. Sane si in gradu sexto subsistere, nec ultra tritavum & tritaviam progredi volueris; parentes, a quibus descendis, sunt 128: si subsistas in gradu octavo, parentes tibi sunt 512; si in decimo, erunt 2048. Facile igitur apparet, cur ultra tritavum parentibus peculiaria nomina imponere noluerint Romani. Ceterum non inutile est, ut consideremus, quomodo actualitas, seu existentia nostra determinetur, & quantus sit causarum numerus, quæ injeundem influunt: prodest enim ad clarius concipiendum modum, quo actus contingentium in natura rerum determinatur, & principium secundum est ad inveniendum alia, de quibus in præsentī dicere ab instituto præsentī alienum,

§. 578.

Cognati ordinis inferioris in linea recta & eorum nomina.

Cognati ordinis inferioris in gradu primo lineæ rectæ sunt *Filius* & *Filia*, qui tamen & plures esse possunt. Dicitur autem *Filius* persona mascula, quæ ab alia immediate genita vel in lucem edita fuit, seu ab ea per unam generationem quoad ortum suum dependet. *Filia* vocatur foemina, quæ ab alia immediate genita, vel in lucem edita fuit, seu ab eadem per unam generationem quoad ortum suum dependet. Nimirum *Filius* quis dicitur, vel etiam foemina *Filia* respectu tam patris, quam matris. Cognati ordinis inferioris in gradu secundo sunt *Nepos* & *Neptis*. *Nepos* est filius ex filio, vel filia natus; *Neptis* vero filia ex filio vel filia natus. Cognati ordinis inferioris in gradu tertio sunt *Pronepos* & *Proneptis*. *Pronepos* est nepos filii, vel filiæ; *Proneptis* nepos filii, vel filiæ, aut, si mavis, ille est filius ex nepote ex filio vel filia, aut ex nepte ex filio & filia. Cognati ordinis inferioris in quarto gradu lineæ rectæ sunt *Abnepos*

nepos & Abneptis. Abnepos nimirum dicitur filius Pronepotis, vel Proneptis; *Abneptis* vero filia Pronepotis, vel Proneptis. Cognati ordinis inferioris in quinto gradu sunt *Adnepos & Adneptis*. Nimirum *Adnepos* est filius abnepotis vel abneptis. *Adneptis* vero filia abnepotis, vel abneptis. Cognati ordinis inferioris in gradu sexto sunt *Trinepos & Trineptis*. *Trinepos* nimirum est filius adnepotis, vel adneptis. *Trineptis* vero est filia adnepotis, vel adneptis. Apud Romanos liberi usque ad trinepotem proprio vocabulo nominantur, ultra hos *posteriores* vocantur.

Nomina hæc tradit *Paulus* l. 10. de grad. & affin. & nominib. eor. qui singularem de hoc argumento librum olim conscripsit.

§. 579.

Quoniam conjuges duo, seu pater unus cum una matre *De numero* plures generare possunt filios & filias, quod a posteriori *no. liberorum in* tum sumitur; *numerus liberorum in quovis gradu cognationis or. quovis co-* dinis inferioris determinatus non est, sicuti parentum in quovis gnationis gradu ordinis superioris (§. 577.)

Ita si tibi nascantur duo tantummodo filii, ex quorum pri-
mo tibi porro nascuntur nepotes tres & neptes duæ, ex altero
vero nepos unus & neptes quinque; in gradu secundo ordinis
inferioris cognatos habes undecim, quatuor nimirum nepotes,
septim neptes. Ast pone tibi nasci filium & filias duas; ex
filio porro tres nepotes & tres neptes; ex filia primogenita
nepotes tres, neptes quatuor; ex filia secundo genita quinque
nepotes, neptem nullam. In gradu secundo cognati tibi sunt
octodecim, scilicet nepotes undecim, neptes septem.

§. 580.

Quoniam nepos dupliciter intelligitur, ex filio vel filia na-
tus, & idem est in nepte (§. 578.); in secundo gradu cognationis or. omnem speci-
dinis ebus in li-

nea descen-
dente.

dinis inferioris in linea recta quatuor sunt cognationum species. Similiter quoniam proneptis quadrisariter intelligitur, nimirum aut ex nepote ex filio; aut ex nepote ex filia, aut ex nepte ex filio, aut ex nepte ex filia propagatus & idem est in nepte; in tertio gradu ordinis inferioris in linea octo sunt cognationum species. Quoniam eodem modo patet, sub appellatione abnepotis cadere personas octo & totidem sub appellatione abneptis; in quarto gradu ordinis inferioris in linea sedecim sunt cognationum species. Et quia abnepos sedecim, abneptis totidem habet personas, in quinto gradu ordinis inferioris in linea recta triginta dua cognationis species sunt. Et in genere patet, crescente gradu in progressionem numerorum naturali numerum specierum cognationis ordinis inferioris crescere in ratione dupla, termino primo progressionis existente binario. Quoniam tamen numerus liberorum in quovis gradu cognationis inferioris determinatus numerus non est; (§. 579.) ideo ab uno stipite non semper descendunt singularum specierum in quolibet gradu cognati. Et quia denique descendentes in gradu propiori improles etiam moriuntur; linea quoque descendentiū sapissime prorsus extinguuntur.

Patet adeo aliam prorsus esse rationem cognationis in linea recta descendente & cognationis in ascendente.

§. 581.

De stipite
cognationis
in linea de-
scendente.

Quoniam cognati cujuscunque gradus omnes ab eadem persona, quæ lineam descendentem inchoat, descendunt (§. 578.), persona autem, a qua alia per generationes quocunque descendunt, harum stipes est (§. 559.); filii & filiae, nepotes & neptes, pronepotes & proneptes, abnepotes & abneptes, adnepotes & adneptes, trinepotes & trineptes, & omnes, quocunque sunt, posteriores ab eodem stipite descendunt, nimirum ab ea persona,

persona, qui est pater & qua est mater filii vel filia, aut vel qui pater est, vel quæ mater filii aut filia.

Nimirum quia secundæ nuptiæ celebrari possunt, contingere potest, ut ab uno patre descendant, qui non eandem matrem habent; & ab his porro propagentur deinde cognati ultiores. Unde personæ, quæ constituuntur in linea recta a patre derivata, non etiam omnes constituuntur in linea, quæ derivatur a matre.

§. 582.

Si quis plures habuerit liberos primi gradus & ex singulis propagentur alii ulteriorum graduum; tot oriuntur lineæ rectæ diversæ, quot sunt liberi primi gradus, quæ primum genitorem communem stipitem agnoscunt. Etenim ponamus Titium habere duos filios Mævium & Sempronium, ac filiam unam Tanaquillam. Ponamus porro ex singulis nasci Titio nepotes, neptes, pronepotes, proneptes, abnepotes, abneptes & ita porro. Quoniam qui ex Mævio nascuntur omnes a Titio per continuas generationes descendant, minime autem a Sempronio & Tanaquilla; qui vero propagantur a Sempronio, similiter a Titio per continuas generationes descendant, sed non a Mævio & Tanaquilla, & qui per Tanaquillam propagantur, per continuas itidem generationes descendant a Titio, at non a Mævio & Sempronio; tres omnino distinctæ nascuntur lineæ (si nimirum nonnisi unam personam a singulis continuo generari ponamus) quarum singularum communis stipex est Titius (§. 565.).

De pluribus lineis rectis communem stipitem habentibus.

(Wolffii Jur. Nat. Pars VII.)

Ddd

Cla-

Clarissime hoc patet, si lineas ipsas tibi repræsentantes hunc in modum:

| | | |
|---------------|-------------------|-------------------|
| Titius | Titius | Titius. |
| | | |
| Mævius filius | Sempronius filius | Tanaquilla filia. |
| | | |
| Nepos. | Neptis. | Nepos. |
| | | |
| Pronepos. | Pronepos. | Proneptis. |
| | | |
| Abneptis | Abnepos. | Abneptis. |
| &c. | &c. | &c. |

§. 583.

Species linearum in communis stipite concurrentium dua sunt species, nimirum paterna & materna, quæ pro diversitate personarum, quæ ad communem stipitem referuntur, etiam linea avita, seu avi & avia, & ita porro vocantur.

Alia nimirum est linea descendentium a patre uno vel matre una, alia ab avo vel avia, alia a proavo vel proavia, alia ab abavo & abavia & ita porro, extra quam scilicet tanquam descendens ab eodem stipite ego constituor.

§. 584.

De linea obliqua. Duarum linearum rectarum, quæ communem stipitem habent, una dicitur ad alteram obliqua, vel etiam respectu alterius, quæ ad eam refertur, obliqua linea.

E. gr.

E.gr. Si a Mævio per continuas generationes descendunt

| | | |
|-------------|------------|--|
| | Mævius | Grachus, Cajus, Sybilla, Clelia, Florens &c. ab eodem itidem per generationes continuas descendunt Sempronius, Octavianus, Titius, Tanaquilla, Diana &c. duæ sunt lineæ rectæ, quæ communem stipitem agnoscunt Mævium. Linea, in qua constituuntur Grachus, Cajus, Sybilla, Clelia, Florens &c. dicitur ad alteram, in qua constituuntur Sempronius, Octavianus, Titius, Tanaquilla, Diana &c. obliqua, vel etiam simpliciter respectu alterius obliqua. |
| Grachus | Sempronius | |
| Cajus | Octavianus | |
| Sybilla | Titius | |
| Clelia | Tanaquilla | |
| Florens &c. | Diana &c. | |

Denominatio desumpta est ex Geometria, in qua duarum linearum rectarum in eodem puncto sub angulo obliquo concurrentium una ad alteram obliqua dicitur.

§. 585.

Personæ omnes, quæ ab eodem stipite descendunt in pluribus lineis rectis, simul sumptæ faciunt *Familiam stipitis*. Unde *Familia* est multitudo personarum ab eodem stipite per lineas quotcunque descenduntium. Hinc *qui a patre meo descendunt faciunt familiam patris mei; qui ab avo, familiam avi, qui a proavo, familiam proavi & ita porro.*

De familia & diversitate earumdem.

E. gr. Grachus, Cajus, Sybilla, Clelia, Florens a patre Sempronii descendunt. Sunt itaque personæ istæ omnes cognati Sempronii in familia patris sui. Ast Octaviani avus Mævius est. Quare eadem personæ sunt cognati Octaviani ex familia avi sui. Similiter idem Mævius est proavus Titii. Quamobrem personæ istæ sunt cognati Titii ex familia proavi sui & ita porro.

§. 586.

*De gradibus
familia.*

Quoniam personæ in pluribus lineis ad se invicem obliquis a communi stipite descendunt (§. 584.), generatio autem gradum facit (§. 568.); iidem numero gradus in singulis seriebus simul sumtis gradum familiæ faciunt, consequenter filii ac filiæ omnes constituuntur in primo gradu familiæ, nepotes & neptes in secundo, pronepotes & proneptes in tertio, abnepotes & abnepotes in quarto & ita porro.

E. gr. Si a Mario in linea recta descendunt Grachus, Cæjus, Sybilla, Clelia, Florens &c. & in alia recta Sempronius, Titius, Tanaquilla, Diana &c. Grachus & Sempronius sunt in primo gradu familiæ Marii, Cæjus & Octavianus in secundo, Sybilla & Titius in tertio, Clelia & Tanaquilla in quarto, Florens & Diana in quinto &c.

§. 587.

*De gradu
um numero
in familiis.*

Familia patris & matris nonnisi unum gradum habet, familia avi & avia duas; familia proavi & proavia tres; familia abavi & abavia quatuor; familia atavi & atavia quinque; familia tritavi & tritavia sex. Etenim qui a patre & matre descendunt, nonnisi per unam generationem descendunt, ab avo vero & avia per duas, a proavo & proavia per tres, ab abavo & abavia per quatuor, ab atavo & atavia per quinque, a tritavo & tritavia per sex generationes descendunt (§. 576. 578.). Quamobrem cum personæ omnes simul ab eodem stipite descendentes faciant familiam (§. 585.), generatio autem faciat gradum (§. 568.), & gradus numero iidem in omnibus lineis ad se invicem obliquis conficiant gradum familiæ (§. 586.); familia patris & matris nonnisi gradum unum habet, familia avi & avia duos, familia proavi & proavia tres, familia abavi & abavia quatuor,

tuor, familia atavi & ataviae quinque, familia tritavi & tritaviae sex.

Ita in exemplo, quod dedimus (not. §. 584.), Mævius est pater Grachi & Sempronii, avus Caji & Octaviani, proavus Sybillæ & Titii, abavus Cleliæ & Tanaquillæ, atavus Florentis & Dianæ &c. Patet itaque familiam Mævii tanquam patris considerari terminari gradu uno, tanquam avi spectati duobus gradibus, tanquam proavi tribus, tanquam abavi quatuor, tanquam atavi quinque contineri. Hæc probe notanda sunt, ut intelligatur, undenam sit omnis diversitas cognationis in lineis ad se invicem obliquis, consequenter quomodo ejusdem gradus naturali ratione determinentur. Nimirum probe considerandum est, quomodo persona in linea ad alteram obliqua respiciat stirpem, ut pateat genuina ratio cognitionis, prouti ex subsequentibus patebit. Notandum vero est, familiam patris hic dici, cujus stirpes seu caput pater est, familiam avi, cujus stirpes vel caput avus est & ita porro, ut ideo in familia patris non contineantur nisi liberi primi gradus, in familia vero avi, quæ illam continet, liberi & primi, & secundi gradus ac ita porro.

§. 588.

Familia patris mei, item avi mei, proavi mei ac ita porro De gradibus extendi potest ad gradum quemcunque. Etenim ab una eadem familia patris, avi, pro-que persona descendere possunt per generationem liberi cujuscunque gradus in diversis lineis rectis, quarum communis stirpes ea est (§. 582.). Quamobrem si ea persona fuerit pater meus, vel avus meus, vel proavus meus, ac ita porro; liberi cujuscunque gradus in diversis lineis ab ea descendentes, pertinent ad familiam patris, avi, proavi mei, ac ita porro. Familia itaque patris mei, avi mei, proavi mei, ac ita porro, extendi potest ad gradum quemcunque.

Familia patris non est confundenda cum familia patris mei. Illius enim caput pater dicitur respectu omnium personarum

Ddd 3 ad

ad eandem pertinentium: ast familiæ patris mei caput eundem est pater meus, sed idem non est pater omnium personarum ad eandem pertinentium, verum potius liberorum in secundo gradu, seu nepotum & neptium avus, liberorum in tertio gradu proavus, ac ita porro. Ita in exemplo, quod ante dedimus (not. §. 584.), cum Sempronii pater sit Mævius, Grachus autem, Cajus, Sybilla, Clelia, Florens sint in familia Mævii, personæ istæ omnes sunt in familia patris Sempronii, quamvis in diversis gradibus ejusdem. Similiter Mævius est avus Octaviani, ac ideo eadem illæ personæ sunt in familia avi Octaviani, singulæ tamen in diversis ejusdem gradibus. Porro Mævius est proavus Titii; eadem itaque illæ personæ sunt in familia proavi Titii, in diversis tamen ejusdem gradibus. Atque ideo patet, alio prorsus sensu dici familiam patris, avi, proavi &c. alio autem familiam patris, avi, proavi mei &c. Nimirum in casu priori stipes dicitur pater, vel avus, vel proavus respectu personarum omnium in aliquo gradu familiæ constitutarum, in casu autem posteriori idem nomen tribuitur stipiti respectu unius saltem personæ in linea quadam recta descendentes ejus continente constitutæ.

§. 589.

De familiis Familia avi continet familiam patris, proavi familia continet familiam avi & patris, abavi familia familiam proavi, avi minores sub & patris, ac ita porro. Etenim pater descendit per generationem ab avo, consequenter etiam liberi ipsius ab eodem descendunt (§. 576. 578.). Quoniam itaque personæ omnes ab eadem altera descendentes familiam hujus faciunt (§. 585.); familia avi utique continet familiam patris. Quod erat primum.

Similiter quoniam avus a proavo, consequenter etiam omnes ab avo descendentes a proavo descendunt, proavus vero ab abavo & a proavo descendentes etiam ab abavo descendunt (§. 578.); patet ut ante, familiam proavi continere famili-

familiam avi & patris, familiam abavi vero continere familiam proavi. *Quod erat secundum & tertium.*

Non abfimili modo intelligitur ascendentis cujuscunque familiam continere familias omnium descendentium. *Quod erat quartum.*

Nimirum qui sunt in familia patris, sunt etiam in familia avi; qui in familia avi sunt, etiam in familia proavi sunt, & qui in familia proavi sunt, in familia etiam abavi sunt. Ac ita porro in genere quilibet in familia aliqua inferiori, quæ scilicet cognatos pauciorum graduum complectitur, constitutus est etiam de familia qualibet superiori, quæ cognatos plurium graduum comprehendit (§. 587.)

§. 590.

Cognati a latere dicuntur, qui a communi stipite descendunt, sed quorum unus ab altero non descendit. Quoniam stipes tam mas, quam foemina esse potest; Cognati a latere distingui possunt in *agnatos a latere* & *cognatos a latere in specie* sic dictos (§. 562.), siquidem e re visum fuerit agnatos a cognatis distingui. Dicuntur autem cognati a latere etiam uno vocabulo *Collaterales*. Quamobrem *Cognatio a latere*, seu *collateralis* est, quæ intercedit inter personas in diversis lineis constitutas, quarum una ad alteram obliqua est, consequenter quæ quoad ortum suum a communi stipite dependet, sed quarum una ab altera non dependet (§. 584).

De cognatione collateralis.

Nimirum in cognatione collateralis referuntur ad se invicem duæ personæ, quæ in diversis lineis communem stipitem habentibus constituuntur. Ita in exemplo superiori (not. §. 584.), duæ sunt lineæ communem stipitem Mævium habentes, in quibus sunt Cajus & Sempronius. Hi itaque sunt cognati collaterales.

§. 591.

§. 591.

De familia, Quoniam collaterales a communi stipite descendunt (§. 590.), omnes autem personæ ab eodem stipite descendentes familiam stipitis faciunt (§. 585.); *cognati a latere seu collaterales in eadem familia sunt.* Quoniam tamen qui in eadem familia sunt, si simplicissimam, quæ parentum primi gradus est, excipias, non ideo in eodem gradu familiæ sunt (§. 586.), consequenter stipes communis aliorum pater, aliorum avus, aliorum proavus est, & ita porro (§. 587.) *qui in diverso gradu familia existunt, in eadem quidem familia diffusiori, sed non in eadem arctiori existunt* (§. 589.), consequenter *collateralis remotior existit in aliquo gradu familia patris, vel avi, vel proavi &c. collateralis propioris* (§. 569-588.).

Ita in exemplo superiori (not. §. 584.), Mævius est pater Sempronii & Florens est in familia Mævii (§. 585.), & quidem in gradu quinto (§. 586.). Florens igitur est in gradu quinto familiæ patris Sempronii. Eodem modo intelligitur quod idem sit in gradu quinto familiæ avi Octaviani, cum Mævius hujus avus sit. Ac idem est in gradu quinto familiæ proavi Titii, in gradu quinto familiæ abavi Tanaquillæ & in gradu familiæ quinto communis atavi sui atque Dianæ. Hæc probe consideranda sunt, ut cognatio a latere intimius perspicatur, & quomodo omnis ejus diversitas distincte & accurate determinanda sit intelligatur. Pater autem penitus rem consideranti, gradum numero eundem in diversis familiæ speciebus diversitatem cognationis parere. Ita Florens, qui est in quinto gradu familiæ patris Sempronii propior est Sempronio, quam Titio, in cuius proavi familiæ gradu quinto est.

§. 592.

De cognatione collateralium Collaterales in equali gradu linearum ad se invicem obliquane consistente habent ascendentem communem, cui in eodem gradum in ad cognati sunt & referuntur ad se invicem tanquam descendens ad quasi gradu.

descendentem & in eodem gradu familia sunt. Etenim si duo collaterales constituuntur in linearum ad se invicem obliquarum æquali gradu, a communi stipite eodem numero graduum distant, nimirum uno gradu, si uterque in primo gradu consistit; duobus, si ambo consistunt in secundo; tribus, si iidem in tertio consistunt & ita porro, consequenter tot inter quemlibet eorum & stipitem generationes intercedunt, quot sunt, gradus (§. 568.). Quamobrem cum persona descendens stipiti in eo gradu cognata sit, quem indicat numerus graduum inter ipsam, & stipitem intercedens (§. 568.); collaterales in æquali gradu linearum ad se invicem obliquarum consistentes ascendentem communem habent, qui stipes communis ipsorum est (§. 559.), cui in eodem gradu cognati sunt. *Quod erat primum.*

Enimvero quoniam in æquali gradu a stipite distant, *per hypoth.* adeoque unus stipiti non propior est altero, consequenter nec unus altero superior; non aliter ad se invicem referri possunt, quam descendens ad descendentem. *Quod erat secundum.*

Et quia gradus numero iidem in diversis lineis ad se invicem obliquis gradum familiæ faciunt (§. 586.); qui in gradu æquali linearum consistunt, in eodem gradu familiæ sunt. *Quod erat tertium.*

Nimirum si uterque collateralium est in gradu primo lineæ suæ, patrem communem habent, cui in primo gradu cognati sunt, & ad se invicem referuntur tanquam liberi primi gradus, seu fratres, ac in primo gradu familiæ sunt, is enim est gradus fratrum & Sororum. Similiter si uterque collateralium in gradu secundo lineæ suæ consistit, avus eorum communis est, cui in gradu secundo cognati sunt, atque adeo ad se invicem referuntur ut nepotes ejusdem avi, & in secundo gradu

(*Wolfii Jur. Nat. Pars VII.*)

Ecc

gradu

gradu familiæ sunt, qui est nepotum. Idem eodem modo intelligitur de descendentibus ejusdem gradus ulterioribus. Ita in exemplo superiori (not. §. 584.), Grachus & Sempronius in primo gradu linearum ad se invicem obliquarum constituti patrem communem habent Mævium, cui in primo gradu cognati sunt, & in primo gradu familiæ Mævii sunt. Cajus & Octavianus in secundo gradu linearum ad se invicem obliquarum constituti avum communem habent Mævium, cui in secundo gradu cognati sunt, & in secundo gradu familiæ Mævii sunt. Sybilla & Titius in tertio gradu linearum ad se invicem obliquarum constituuntur, & proavum communem habent Mævium, cui in tertio gradu cognati sunt, & in tertio gradu familiæ Mævii sunt. Ascendentes sunt pater, avus, proavus, abavus, atavus, tritavus & majores, quos per ordinem, quo se invicem ascendendo consequuntur, distinguere licet, ita ut tritavo vel tritavæ proximi dicantur majores primi ordinis, ceteri deinceps majores secundi, tertii, quarti &c. ordinis, quousque scilicet progredi datur. Qui adeo in lineis ad se invicem obliquis in eodem gradu constituuntur, patrem, vel avum, vel proavum, vel abavum, vel atavum, vel tritavum, vel majorem quandam ejusdem ordinis communem habent. Per se autem patet, quæ hic & alibi dicuntur de stipite, qui mas est, eadem quoque intelligenda esse de stipite femina, quamvis brevitatis causa de illo tantummodo loquamur.

§. 593.

De aequalitate linearum obliquarum. Linea obliqua ad alteram dicitur eidem *æqualis*, quando utraque æqualem numerum graduum complectitur, veluti unum, aut duos, aut tres, aut quatuor & ita porro. Vulgo duæ istæ lineæ simul dicuntur *linea obliqua æqualis*, quasi duæ lineæ rectæ in puncto aliquo concurrentes constituent unam lineam in duas partes æqualiter divisam.

Longitudo linearum æstimatur ex numero graduum, qui spectantur tanquam distantie personæ unius ab altera, ex quibus

bus tanquam partibus æqualibus componatur linea cognationis. Sed talia imaginaria sunt, quæ per modum fictionum sustinentur, quatenus imaginatio juvat intellectum ad cognationum diversitatem facilius concipiendam.

§. 594.

Collaterales in linea æquali inter se cognati sunt in eo gradu, in quo cognati sunt stipiti. Collaterales enim, cum unus ab altero per generationem non descendat, nonnisi ideo cognati sunt, quia ab eodem stipite descendunt (§. 590.). Quamobrem diversitas cognationis inde oritur, quod stipiti tanquam ascendenti communi (§. 592.), alii propiores sint, alii ab eodem remotiores, consequenter quod vel in propiori, vel in remotiori gradu familiæ ascendentis communis consistant, veluti in gradu primo, si patrem communem habent, vel matrem, in gradu secundo, si avus vel avia sit communis, in gradu tertio, si proavus, vel proavia fuerit communis & ita porro (§. 591.). Quoniam itaque diversitas cognationis personæ descendentis cum stipite gradus est in linea recta (§. 568.), iidem vero numero gradus in lineis ad se invicem obliquis faciant gradum familiæ stipitis communis (§. 586.); cognatio collateralium in linea æquali non aliter gradum habere intelligitur, quam quatenus in primo, vel secundo, vel tertio &c. gradu familiæ existunt, & hinc in eo inter se cognati intelliguntur gradu, in quo stipiti cognati sunt.

De gradu cognationis collateralis in linea æquali.

Cognatio collateralium inde oritur, quot ambo simul eodem tertio, nempe ei, quem inter ascendentes suos communem habent, cognati sint (§. 592.). Hinc liberi primi gradus ideo inter se cognati sunt, quia patrem communem habent; liberi secundi gradus inter se cognati sunt, quia avum communem habent; liberi tertii gradus vero, quia proavus

Ecc 2

ipsis

ipsis communis est & ita porro. Quod si ergo diversitatem cognationis assignare velis in linea recta, non aliter id fieri potest quam per gradum familiæ, quo ad communem ascendentem tanquam stipitem referuntur. Primus cognationis collateralis gradus in linea æquali est primus gradus familiæ stipitis, secundus gradus illius secundus gradus hujus, tertius gradus illius, tertius gradus hujus & ita porro. Ita in exemplo superiori (*not.* §. 584.), Grachus & Sempronius sunt cognati a latere in primo gradu, quia uterque constituitur in primo gradu familiæ. Quando itaque dicuntur cognati a latere in primo gradu, perinde est ac si dicerentur liberi primi gradus, seu filii Mævii. Similiter Cajus & Octavianus sunt cognati a latere in secundo gradu, quia uterque constituitur in secundo gradu familiæ. Quamobrem cum dicuntur cognati a latere in secundo gradu, perinde est ac si dicerentur nepotes Mævii. Eodem modo intelligitur, quando Sybilla & Titius dicuntur cognati a latere in tertio gradu, perinde esse ac si dicerentur proneptis & pronepos Mævii, ac ita porro. Quamvis itaque gradus cognationis inter Mævium & Grachum atque eundem & Sempronium, & inter Grachum & Sempronium, eodem numero exprimatur, non tamen propterea gradus primus utrobique idem significat: alius enim est primus gradus cognationis directæ in linea recta inter ascendentem & descendentem, alius vero primus gradus cognationis a latere in linea æquali. Et idem eodem modo intelligitur de gradu secundo tertio, quarto, quinto & quocunque altiori. Naturalem hanc rationem cognationis a latere in linea æquali observat Jus canonicum, quando pro computando gradu cognationis a latere tradunt regulam: Collaterales in linea æquali sibi invicem in eo gradu cognati sunt, quo a stipite distant, seu eidem cognati sunt. Hæc ipsa enim regula eadem est cum propositione præsentē. In Jure Romano gradus aliter computantur, addendo nimirum gradus cognationis directæ utriusque personæ cum stipite communi, ut, qui sunt liberi primi gradus, dicantur cognati in gradu secundo; qui sunt gradus

gradus secundi, dicantur cognari in gradu quarto; qui sunt gradus tertii, dicantur cognari in gradu sexto & ita porro. Nimirum gradus in linea una veluti a Sybilla ad Mævium numerantur ascendendo & continuata numeratione a Mævio ad Titium in linea altera descendendo, perinde ac si linea altera cum priori jaceret in directum & Titius esset stipes, a quo Octavianus, Sempronius, Mævius, Grachus, Cajus, Sybilla per continuas generationes descenderent, contra rei veritatem. Hujus computationis nulla ratio intrinseca dari potest, quæ nempe sit petita ex ipsa notione cognationis. Videbimus autem paulo post, quanam Romanis fuerit ratio extrinseca computationis istius. In Jure naturæ nobis respiciendum non est ad hypothèses juris positivi, qualescunque tandem illud sit; sed tradenda sunt ea, quæ ex ipsis rerum notionibus deducuntur: quo facto collatio juris positivi cum iisdem prodit consensum, vel dissensum juris naturæ ac positivi. Absit itaque, ut tibi persuadeas, nos computationis canonicæ defendendæ causa ea excogitasse, quæ de cognatione collateralis in linea æquali dicta sunt. Ex primis enim cognationis principiis deduximus diversitatem cognationis collateralis in linea æquali, & ita naturalem rationem definiendo istam diversitatem incidimus in computationem canonicam, quam ideo juri naturæ consentientem recte dicimus.

§. 395.

Cognati collaterales primi gradus in linea æquali, dicuntur *Fratres & Sorores*, pro diversitate sexus. Quoniam *lateralium* vero personæ istæ vel patrem & matrem communem, vel in primo eundem quidem patrem, non vero eandem matrem, vel gradu linea eandem matrem, non vero eundem patrem habere possunt; *æqualis*. ideo *arbitrario cognationis fratrum omnium ac sororum eadem non est*. Hæc differentia cum statim in omnium oculis incurrat; dudum quoque nominibus fratres & sorores pro illa diversitate a se invicem distinxerunt Romani. Nimirum

Ecc 3

fratres

fratres ex utroque parente dicuntur *Fratres germani*; ex eodem tantum patre *Fratres consanguinei*; ex eadem matre *Fratres uterini*. Quodsi ergo agnatos a cognatis distinguas; *fratres germani sunt simul agnati & cognati, consanguinei agnati quidem, sed non cognati, uterini, seu qui ex eadem tantummodo matre sunt, patres vero diversos habent, cognati, sed non agnati.*

Vocantur subinde uterini, qui ex eadem matre sunt, & eundem quoque patrem habent, consequenter germani, respectu nimirum matris solius. Enimvero consultius foret, ut homonymia evitaretur: neque enim vocabula ab etymologia seu origine grammatica sortiuntur significatum, sed ex impositione hominum, tanquam signa artificialia (not. §. 558. *Ontol.*)

§. 596.

De nomini-
bus libero-
rum fratris
& sororis.

Collaterales in gradu secundo lineæ æqualis sunt fratrum & sororum filii ac filiæ (§. 591.). Dicuntur autem, qui ex duobus fratribus nascuntur, *Patruels*; qui ex duobus fororibus, *consobrini* & *consobrina*, qui ex fratre & forore, *Amitini* & *Amitina*. Idiomate Germanico, quemadmodum fratres & sorores uno nomine vocamus *Geschwister*; ita quoque eorum liberos *Geschwister Kinder*, & nepotes eorundem seu collaterales in gradu secundo lineæ æqualis *ander Geschwister Kinder*, & ita porro. Romani fratrum sororumve nepotes, seu collaterales in gradu tertio lineæ æqualis dixerunt *Sobrinos*; neptes vero *Sobrinas*. Sunt itaque *Sobrini* & *Sobrina* patruelium, consobrinorum & amitinorum filii & filiæ (§. 578.). Sed nolumus nomina ista ulterius prosequi. Commodissimum foret, si in secundo gradu diceremus fratrum & sororum filios ac filias, in tertio fratrum & sororum nepotes ac neptes, in quarto fratrum ac sororum pronepotes ac proneptes ac ita porro: id

Id quod appellationibus, quibus nos in vernaculo sermone utimur magis convenit & cognationis rationem magis perspicue indicat.

§. 597.

Linea obliqua ad alteram dicitur eidem *inequalis* quando una plures gradus continet, quam altera. Dicitur etiam simpliciter in hoc casu *Linea inequalis*. Quando itaque *duae personae ad se invicem referuntur, quae in diverso gradu sunt communi cognati sunt*, cum lineae ad se invicem oblique terminentur, oritur *inequalitas linearum*. De linea- rum obli- quarum in- aequalitate.

Distinctio lineae obliquae cognationis, quae & *transversa* dicitur, in aequalem & inaequalem obtinet in Jure canonico, cum in civili nulla utilitate aequalis ab inaequali distingueretur. Cum tamen computatio canonica sit, quae rationem intrinsecam naturalem habet, qua destituitur civilis, prouti ex parte jam vidimus (not. §. 594.); distinctio ista in Jure naturae locum habet, nec sine ea naturalis cognatio hominum explicari potest.

§. 598.

Quoniam lineae cognationis a latere inaequales terminantur in personis, quae ad se invicem referuntur (§. 597.); si remotior cognatus sit in gradu secundo, seu duobus gradibus a stipite communi distet, & propior distet uno, erit is in gradu secundo familia patris cognati propioris; si remotior distet a stipite gradibus tribus, erit idem in gradu tertio familia patris propioris; si remotior distet gradibus quatuor, erit is in gradu quarto familia patris propioris & ita porro. Quod si remotior distet a stipite gradibus tribus, quatuor, quinque &c. propior vero duobus; erit remotior in gradu tertio, quarto, quinto &c. familiae propioris. Similiter si remotior distet a stipite gradibus quatuor, quinque, sex &c.; & propior tribus; erit remotior in gradu quarto

quarto, quinto, sexto & ita porro familia proavi propioris (§. 592.). Unde in genere patet, familiam, in cujus gradu existit persona remotior a stipite, denominari a cognatione, quæ inter stipitem & propiorem intercedit, consequenter in linea inæquali remotiorem referri ad propiorem tanquam existentem in eo familie gradu, quo ipse a stipite distat, & quæ nomen accipit a cognatione, quæ propiori cum stipite intercedit.

Patent hæc jam ex iis, quæ supra jam explicavimus (§. 591.), & hic tantummodo repetita ad lineam inæqualem applicantur, ut diversitas cognationis in linea inæquali in oculos incurrat, consequenter appareat, quomodo ea intelligibili modo explicari possit ac debeat. Origo cognationis venit a stipite; unde cognatio collateralis in dependentia a communi stipite per generationem consistit (§. 590.), sicuti directæ in dependentia per generationem a persona altera (§. 572.). Personæ omnes, quæ ab alia descendunt, sunt in familia ejusdem (§. 585.) & consistunt in eo gradu familiæ, quo ipsæmet a stipite distant (§. 586.). Quodsi inæqualiter distent, in eadem quidem familia stipitis existunt, propior tamen in familia arctiori, quæ cognatos propiores continet, remotior vero in familia diffusiori, quæ cognatos remotiores continet (§. 591.). Apparet adeo cognationem collateralem in linea inæquali continere relationem utriusque personæ ad stipitem & differentiam familiæ arctioris a diffusiore. Quamobrem ut cognatio collateralis in linea recta distincte intelligatur, diversitas ejus ita explicanda est, ut & relatio utriusque personæ ad stipitem communem & diversitas familiarum, prouti una altera arctior est, intelligatur. Ita nimirum relatio personarum in certo aliquo gradu familiæ arctioris & diffusioris consistentium quoad ortum suum a communi stipite in omni casu sufficienter determinatur & cognationis vinculum arctius a latiori distinguitur. Hæc probe consideranda sunt, ubi quis judicium ferre voluerit, utrum per regulas computandi gradus cognationis, sive determinandi diversitatem ejus (§. 568.), in Jure positivo

positivo traditas cognationis diversitas rite determinetur, & sic determinata distincte concipi possit, nec ne.

§. 599.

Quoniam itaque gradus cognationis in diversitate ejusdem consistit (§. 568.); *collateralis remotior in linea inæquali cognatus est propiori in gradu secundo, aut tertio, quarto, quinto, sexto &c. familia patris, vel avi, vel proavi, vel abavi, vel atavi, vel tritavi &c. propioris* (§. 598.).

De gradu cognationis collateralis in linea inæquali.

Naturalem hunc modum computandi cognationis collateralis gradum in linea inæquali sequitur Jus canonicum, juxta quod collateralium remotior propiori cognatus dicitur in eo gradu, quo is a stipite distat, v. gr. in gradu sexto, si gradibus sex a stipite distat. Cum enim inter collaterales non concipiatur cognatio, nisi quatenus in familia stipitis sunt (§. 590. 585.); gradus, in quo remotior consistit, non aliter accipi potest, quam de gradu familiæ. Et quatenus ad propiorem refertur remotior, familia hic intelligitur cum relatione ad propiorem, consequenter quatenus stipes nomen suum accipit a cognato propiori. Propioris nimirum cognatio cum stipite sumitur, & tantummodo quæritur, quomodo remotior cognatus sit personæ taliter stipiti cognatæ, veluti filio, nepoti, pronepoti, abnepoti, atnepoti, atrinepoti & ita porro stipitis sui. Quando itaque dicitur, remotiorem cognatum esse propiori in gradu primo esistenti in gradu secundo, tertio, quarto &c. revera nihil aliud dicitur, quam collateralem propiorem esse filium, remotiorem vero nepotem, pronepotem, abnepotem &c. stipitis communis. Quando cognatio propioris sumitur, omnino supponitur eum stipiti cognatum esse in gradu primo, aut secundo, tertio, quarto &c. stipiti, quando exprimitur gradus, in quo remotior stipiti cognatus est, utique ad illum refertur tanquam cognatus in gradu secundo, tertio, quarto, quinto &c. ad cognatum communi stipiti in gradu vel primo, vel secundo, vel tertio, vel quarto &c. Quodsi hoc modo inter-

(Wolffii Jur. Nat. Pars VII.)

FFf

prete-

preteris regulam Juris canonici, qua computatur gradus cognationis collateralis in linea inæquali, quemadmodum æquitas interpretandi postulat (§ 921. *Log.*); nihil ea absurditatis habet. Quamvis enim vulgo dicatur ex computatione canonica sequi absurdum, quod eadem persona patri & filio; patri, filio & nepoti; patri, filio, nepoti & pronepoti &c. in eodem gradu cognata sit; absurditas tamen statim evanescit, si penitius rem consideres, prouti eandem hætenus sufficienter explicavimus. Cum enim gradus idem, quo remotior a stipite distat, accipiat in relatione ad cognatum stipiti propriorem, consequenter cum respectu ad cognationem, quæ propiori cum stipite intercedit; non eodem respectu qui distat a stipite v. gr. gradu sexto dicitur cognatus in gradu sexto ei, qui stipiti cognatus est in primo, & ei, qui eidem cognatus est in secundo, vel alio quodam remotiori. Equis vero est, qui nesciat, tum demum nasci absurdum, si eodem respectu remotior in eodem gradu cognatus dicatur & ei, qui in gradu propiori, & ei, qui in remotiori stipiti cognatus est. Hæc ut clarius intelligantur, ea ad exemplum superius (*not.* 584.) applicare lubet. Mævius est pater Sempronii, avus Octaviani, proavus Titii, abavus Tanaquillæ, atavus Dianæ &c. Florens, distat a stipite Mævio quinque gradibus. Est ergo cognatus Sempronio in gradu quinto familiæ patris ejus, Octaviano in gradu quinto familiæ avi ejus, Titio in gradu quinto familiæ proavi ejus, Tanaquillæ in gradu quinto familiæ proavi ejus, Dianæ in gradu quinto familiæ atavi ejus &c. Equis vero dixerit cognationem in gradu quinto familiæ patris mei esse eandem cum cognatione in gradu quinto familiæ avi mei, aut cum cognatione in gradu quinto familiæ proavi mei & ita porro. Nonne potius intelligitur gradum quintum familiæ patris esse diversum a gradu quinto familiæ avi, item a gradu quinto familiæ proavi & ita porro (§. 586.). Quod vero de patre, avo, proavo, abavo &c. dictum est, idem intelligitur de matre, avia, proavia, abavia &c.

§. 600.

Cognatus mihi in gradu sexto, vel alio quocunque familia patris mei uno gradu mihi propior est, quam cognatus in eodem gradu familia avi mei, & duobus gradibus propior, quam cognatus in eodem gradu familia proxvi mei; tribus gradibus propior, quam cognatus in eodem gradu familia abavi mei & ita porro. Etenim, qui in gradu sexto stipiti cognatus est, consequenter in gradu sexto familiae ejus consistit, in linea inæquali cognatum propiorem habere nequit, quam filium stipitis communis, qui uno gradu ab eodem distat, & cujus stipes communis pater est (§. 576. 578.). Quamobrem cum in gradu secundo illius lineæ sint nepotes stipitis communis (§. 586.), cognatio ei, qui in gradu sexto familiae consistit, cum iis intercedens erit uno gradu remotior, quam quæ eidem cum filiis stipitis intercedit. Et eodem modo intelligitur, cognationem in gradu sexto familiae stipitis consistenti cum pronepotibus in linea collateralis intercedentem duobus gradibus remotiorem esse, quam quæ eidem intercedit cum filiis stipitis ac ita porro. Quamobrem cum communis stipes sit pater filiorum, avus nepotum, proavus pronepotum, abavus abnepotum & ita porro (§. 581.); cognatus mihi in gradu sexto, vel alio quocunque familiae patris mei uno gradu mihi propior est, quam cognatus in eodem gradu familiae avi mei, & duobus gradibus propior, quam cognatus in eodem gradu familiae proavi mei, tribus gradibus propior, quam cognatus in eodem gradu familiae abavi mei & ita porro.

In exemplo, ad quod modo provocavimus (not. §. 599.); id statim in oculos incurrit. Nemo enim negabit Florentem uno gradu Sempronio esse propiorem, quam Octaviano; duobus, quam Titio; tribus, quam Tanaquillæ, quatuor, quam

Fff 2

Dianz

Dianæ &c. Est vero Florens cognatus Sempronio in gradu sexto familiæ patris ejus, Octaviano in gradu sexto familiæ avi ejus, Titio in gradu sexto familiæ proavi ipsius, Tanaquilla in gradu sexto familiæ abavi ejus, Dianæ in gradu sexto familiæ atavi ejus. Unde patet cognationem in gradu sexto familiæ patris esse uno gradu propiorem cognatione in eodem gradu familiæ avi; duobus propiorem cognatione in eodem gradu familiæ proavi; tribus propiorem cognatione in eodem gradu familiæ abavi; quatuor propiorem cognatione in eodem gradu familiæ atavi. Hinc clarissime perspicitur, eundem gradum, quo quis a stipite distat, diversum exprimere cognationis gradum, prouti spectatur vel ut gradus familiæ patris, vel ut gradus familiæ avi, proavi, abavi, atavi personæ alterius in linea collateralis, ad quem persona certo gradu a stipite distans refertur, consequenter si eadem persona refertur ad filium, vel nepotem, pronepotem, abnepotem, atnepotem stipitis. Quod si ergo regulam juris canonici rite interpretemur, quemadmodum æquitas postulat, & natura cognationis exigit, falsum est, quod tanquam absurdum eidem objicitur, in eo cognationes diversas haberi pro iisdem, ita ut eadem personæ mihi & filio, nepoti, pronepoti &c. meo in eodem gradu cognata dicatur. Dicendum potius est, in Jure civili non satis distincte exprimi cognationem collateralium in linea inæquali numerando gradus ascendendo a persona una, veluti a Florente, ad stipitem Mævium & inde descendendo usque ad alteram, veluti Titium, seu numerando personas, demto stipite. Etenim Florens & Titius hoc modo cognati sunt in gradu octavo; sed Clelia & Tanaquilla itidem cognati sunt in gradu octavo. Refertur vero Florens ad Mævium tanquam atnepos Mævii ad pronepotem ejusdem Titium; Clelia vero ad Tanaquillam tanquam abnepotem ad abnepotem Mævii. Quamobrem si tam Florens & Titius, quam Clelia & Tanaquilla dicantur cognati in gradu octavo; inde non intelligitur relatio, quæ propter mutuam dependentiam quoad ortum suum a stipite, in qua cognatio collateralis consistit (§. 599.), obrinet: neque enim eadem est

est relatio atnepotis Mævii ad pronepotem ejusdem, quæ abnepotis ad abnepotem Mævii. Non tamen ideo reprehendimus JCtos Romanos, quod gradus isto modo numeraverint, cum eos invenerint non tam ad declarandum cognationem personarum, quam in usum Successionis ab intestato, ut pateret, cuinam personæ in successione ab intestato hæreditas deferenda sit isto jure.

§. 601.

Patris frater ex patre, vel matre dicitur *Patruus*, idio-De nomini-
mate patrio der Vetter; matris autem frater ex patre vel *bus collate-*
matre vocatur *Avunculus*, idiomate Germanico der Oheim. *valium, quos*
Afror patris ex patre, vel matre *Amita*, die Base; *so- habent*
ror matris ex patre, vel matre *Matertera*, die Muhme, *ap- ascendentes.*
pellatur. Avi frater *Patruus magnus*, soror *Amita magna*; a-
viæ autem frater *Avunculus magnus*, soror *Matertera magna*
dicitur. Proavi frater *Patruus major*, soror *Amita major*;
proaviæ autem frater *Avunculus major*, soror *matertera major*
appellatur. Abavi frater *Patruus maximus*, soror *Amita ma-*
xima; abaviæ autem frater *Avunculus maximus*, abaviæ so-
ror *Matertera maxima* vocatur.

Numerus collateralium, quos habent ascendentes, mirum in modum multiplicatur. Sed inanis labor in præsentis casu foret, in eundem inquirere velle pro diverso cognationis gradu. Quamobrem ab eodem abstinemus. Cui vero volupe fuerit eundem cognoscere, is adeat *Paulum* JCtum l. 10. ff. de grad. & affin. & nom. eorum. Multitudo autem, quæ ascendendo continuo multiplicatur, non permittit, ut singularum cognationum collateralium species diversis nominibus insigniantur.

§. 602.

Quoniam fratres & sorores vel sunt ex patre eodem, & De diverso
matre eadem, vel ex eodem saltem patre, aut matre (§. 595), *vinculo co-*
Fff 3 *patriuignationis*

*eorum, qui patruī vero sunt fratres patris, avunculi fratres matris & amita-
descenden-
tibus meis* quoque mei vel sunt ex eodem avo paterno & eadem avia materna,
collaterales ac idem eodem modo intelligitur de avunculis respectu avi materni
sunt. & avia materna. Et similiter idem patet de amitis & materteris.
Atque hinc intelligitur arctius cognationis patruorum, avuncularum,
amitarum, matertrarum vinculum, prouti scilicet personæ istæ vel ab avo & avia mea simul, vel tantummodo
ab avo, aut avia descendunt. Eadem valent de patruis, avunculis, amitis & materteris magnis, majoribus & maximis, im-
mo de majoribus cujusvis ordinis, quousque progredi libuerit, vel
necesse fuerit.

Vidimus supra, arctius cognationis vinculum esse, si quis mihi frater, vel si qua mihi soror est ex utroque parente, quam si ex uno tantummodo fuerit (§ 595.). Quoniam itaque arctius patri meo cognatus est, qui mihi est patruus, vel avunculus ex avo & avia simul, vel tantummodo ex avo, aut avia, cognatio autem cum patruo, vel avunculo mediante patre mihi intercedit, ac idem intelligitur de amitis & materteris; facile apparet, patruorum, avunculorum, amitarum & matertrarum cognationem arctiorem esse, si personæ istæ ex avo & avia simul, quam si tantummodo ex avo, aut avia mihi tales fuerint. Et non absimili modo idem intelligitur de patruis, avunculis & materteris magnis, majoribus & maximis, immo de majoribus cujusvis ordinis quoque progredi libuerit.

§. 603.

*De nomi-
bus eorum,*

Peculiariora nomina imponi iis, qui ex patruo, avunculo, amita, matertera descendunt, consultum non est. Præ-
quia a patruo, ita eos designari iis nominibus, quibus appellantur respectu
eorum,

eorum, a quibus descendunt. Dicendi itaque sunt descen- *avunculo*, dentes illorum in primo gradu *Filii & Filia*, in secundo *Nepo- amita & tes & Neptes*, in tertio *Pronepotes & Proneptes*, in quarto *Ab- matertera nepotes & Abneptes*, in quinto *Atnepotes & Atneptes*, in sexto descendunt. *Trinepotes & Trineptes* &c. *patrui, avunculi, amita & matertera*. Ac idem eodem modo intelligitur de iis, qui a patruo, avunculo, amita & matertera magnis, majoribus, maximis &c. descendunt.

Vidimus jam superius (§. 589.), familias magis diffundi, prouti stipes communis tanquam caput familiae inter ascenden- tes remotior assumatur. Patet autem non minus ex anteceden- tibus, stipitem communem nunc remotiorem, nunc propi- orem assumendum esse, prout casus tulerit, nimirum prouti collateralium remotior, qui cum propiori in eadem familia diffusiori, sed non arctiori est, majore, minoreve graduum num- ero, aut uterque majore graduum numero, vel minore a sti- pire communi distat. Hoc igitur assumto facile collocantur cognati in dato casu attendendi, per quos scilicet cognatio ad collaterales datos venit, in suis familiae tam diffusioris, quam arctioris gradibus.

§. 604.

In familia avi paterni primo gradu sunt patrui & amita, De ordine ac in primo gradu familia avi materni avunculus & matertera. collateralis. Similiter in primo gradu familia proavi paterni sunt patrui ma- um in diver- gnus & amita magna, sicuti in primo gradu familia abavi ma- sarum fa- terni avunculus magnus & matertera magna. Porro in primo miliarum gradu familia abavi paterni sunt patrui major & amita major, gradibus. sicuti in primo gradu familia abavi materni avunculus major & matertera major. Et in primo familia atavi gradu sunt patrui maximus & amita maxima, sicuti in primo gradu familia atavia avunculus maximus & amita maxima ac ita porro. In gradu quolibet familia cujuslibet secundo collocantur eorum, qui in primo gradu

gradu sunt liberi primi gradus ac ita porro in sequentibus liberi secundi, tertii, ac ulterioris gradus. Etenim patruus est patris mei frater & amita patris mei soror (§. 601.), consequenter pater meus, patruus & amita sunt liberi primi gradus avi mei paterni (§. 576. 578.). Quamobrem iidem sunt in primo gradu familiæ avi mei paterni (§. 586.). *Quod erat primum,*

Quoniam avunculus est frater, matertera soror matris meæ (§. 601.); eodem, quo ante, modo intelligitur, quod avunculus & matertera sint in primo gradu familiæ avi materni. *Quod erat secundum.*


Et quia patruus magnus est frater avi, amita magna soror avi (§. 601.); non absimili modo ostenditur, quod sint in gradu primo familiæ proavi paterni. *Quod erat tertium,*

Immo haud obscure intelligitur eodem modo ostendi cetera, quæ in propositione præsentī de gradu primo familiarum diffusiorum, seu ascendentium ulteriorum continentur. Quodsi vero, qui in gradu primo familiæ alicujus sunt, considerentur tanquam parentes eorum, quæ ab iis porro descendunt; patet omnino in gradu secundo quolibet esse collocandos liberos primi gradus, in tertio eos gradus secundi & ita porro, illorum scilicet, qui in gradu primo collocantur (§. 578.). *Quod erat ultimum.*


Ut vero ea, quæ hic diximus, clariora evadant, uno vel altero exemplo eadem illustrare lubet. Ita nimirum obtinebitur, ut non modo cognatio collateralium intime perspiciatur, & collaterales suis nominibus a se invicem rite distinguantur; verum etiam in casu quolibet dato schema cognationis rite delineatur, quando quæstio incidit, de cognatione duarum personarum, quarum cognatio cum stipite datur.

Familia

Familia avi & aviæ duos continet gradus (§. 587.). Ejus igitur schema tale erit;



Familia proavi & proaviæ tres continet gradus (§. cit.). Ejus igitur schema tale erit.



(Wolff Jur. Nat. Pars VII.)

Hæc facile applicantur ad schema, quo supra cognationem in linea reliqua illustravimus (not. §. 584.). Nimirum si Mævius sit pater, erunt Grachus & Sempronius fratres; si sit avus, erit Grachus pater, Sempronius patruus Caji; si sit proavus, erit Grachus avus, Caji pater, Sempronius patruus magnus Sybillæ; si sit abavus, erit Grachus proavus, Caji avus, Sybilla mater Cleliæ & Sempronius patruus major ejusdem. Erit autem in casu primo Octavianus filius patris Caji, in secundo filius patris magni Sybillæ; in tertio filius patris majoris Cleliæ. Notandum vero, quæ de familia avi, proavi, abavi &c. ostenduntur in propositione præsentē; eadem valere de familia avix, proavix, abavix &c. Neque enim semper contingit, ut, qui eundem habent avum, proavum, abavum &c. eandem quoque habent aviam, proaviam, abaviam, propter nuptias nimirum secundas (§. 595.). Hinc brevitatē causa aviam avo, proaviam proavo subjecimus, ut duo schemata contraherentur in unum.

§. 605.

De cognatione ex concubitu illicito natorum.

Cognatio naturaliter eadem est, siue quis in matrimonio fuerit natus, siue ex concubitu quocunque illicito. Quoniam enim pater est, qui personam alteram genuit, quæ ad ipsum refertur, mater vero, quæ eandem peperit (§. 576.); qui ex concubitu illicito, veluti ex stupro, vel adulterio Grachi & Cleliæ nascitur, patrem utique habet Grachum, matrem vero Cleliam, consequenter utrique cognatus est in gradu primo (§. 568.), estque filius tam Grachi, quam Cleliæ. Hinc porro patet patrem Grachi & patrem Cleliæ esse avum, matrem vero Grachi & matrem Cleliæ aviam ejusdem, ac ita porro (§. 576.). Ac idem intelligitur de puella vel scemina ex concubitu illicito nata. Quod si ponamus Grachum ducere uxorem Sybillam, Cleliam vero nubere Sempronio; erunt masculi nati ex priori matrimonio illius fratres, scemi-

foemina vero sorores ex patre, nati autem masculi ex matrimonio posteriori fratres, foeminae sorores ex matre (§. 595.). Hinc porro facile patet illegitime quoque natum vel natam, habere patris sui patrem avum, matrem aviam, & similiter matris suae patrem avum, matrem vero aviam. Ac idem intelligitur de ascendentibus cujuscunque gradus (§. 576.). Immo inde porro liquet, & fratrem patris esse quoque patruum, fratrem matris avunculum, sororem patris amitam, sororem matris materteram ex concubitu illicito nati, vel natæ. Ac idem intelligitur de patruo & avunculo magno, majore, maximo & de amita atque matertera magna, majore, maxima (§. 601.). Nativitas itaque illegitima in cognatione nihil immutat; consequenter cognatio naturaliter eadem est, sive quis in matrimonio fuerit natus, sive ex concubitu quocunque illicito.

Cognatio nimirum omnis consistit vel in dependentia quoad ortum suum per generationem a persona altera, vel in dependentia quoad ortum suum ab eadem persona tertia (§. 563. 590.). Quoniam itaque hæc dependentia minime mutatur, si vel maxime quis ex concubitu illicito, veluti stupro aut adulterio nascatur; ideo quoque in ipsa cognatione ex concubitu isto nati natæve nihil immutatur, consequenter illegitime natorum cognati sunt iidem, qui forent, si legitime nati fuissent.

§. 606.

Si matrimonia contrahuntur, quæ ad unum conjugem respectu de relatione cum parentum vel liberorum habent persona, eadem etiam ad al-cognatorum terum eundem quasi respectum habent. Etenim conjuges ar-conjugis a-ctissime uniuntur, ut instar unius personæ spectari debeant, *nisi ad alte-ram.* (§. 469.). Quamobrem personæ, quæ ad unum conjugem referuntur tanquam parentes vel liberi, seu parentum

Ggg 2

vel

vel liberorum respectum habent; ad alterum quoque conjugem quasi parentes vel liberi referri debent, seu parentum vel liberorum respectum habent.

E. gr. Pater mariti respectum quoque patris habet ad uxorem & contra. Frater, mariti respectum fratris habet ad uxorem. Unio enim, quæ efficit ex duabus unam quasi personam, efficere quoque debet eandem quasi relationem personæ cujusdam tertiæ ad utramque inter se unitam. Hinc vulgo dicitur: personæ quæ uni conjugi sunt numero parentum & liberorum, eadem alteri sunt loco parentum & liberorum. Neque enim pater mariti pater uxoris est, cum uxor ab eodem per generationem minime descendat: est tamen loco patris, quia si revera esset eadem persona, quæ est maritus, per generationem descenderet ab ea persona, quæ pater mariti est; similiter frater mariti non est frater uxoris, cum non ab eodem patre descendat: est tamen loco patris, quia si revera eadem esset persona uxor, quæ est maritus, cum fratre mariti eundem patrem haberet. Sicuti pater mariti est quasi pater uxoris, ita quoque filius ejus mariti frater est quasi frater uxoris. Quemadmodum enim moraliter maritus & uxor spectantur tanquam una persona, ita finguntur quasi per generationem descendente ab eodem patre.

§. 607.

*Affinitas
quid sit.*

Respectus cognatorum conjugis unius ad conjugem alterum dicitur *Affinitas*. Ac ideo cognati conjugis unius dicuntur *Affines* conjugis alterius, & in quo gradu persona quædam cognata est conjugi uni, in eo affinis censetur conjugi alteri (§. 606.). Per se autem patet, *affinitates contrahi per matrimonia, sive nuptias*.

Jure

Jure canonico triplex constituitur affinitatis genus. Primum genus est, quod per simplices nuptias contrahitur inter conjugem unum & alterius cognatos. Sint e. gr.

Seja — Cajus — Sempronius
conjuges Fratres

Sempronius est affinis Sejae in primo gradu affinitatis, Sint ut ante

Grachus pater Caji

Seja — Cajus
conjuges

Grachus est affinis Sejae eodem in gradu primo affinitatis,

Secundum genus est, quod contrahitur per duplices nuptias inter conjugem unum & alterius affines primi generis. Sint e. gr.

Seja — Cajus — Sempronius — Cornelia
conjuges Fratres conjuges

Seja est affinis Sempronio marito Corneliae in primo genere affinitatis; ergo Corneliae affinis est in genere secundo.

Similiter sint

Seja — Cajus Seja eadem — Titius
conjuges conjuges

Cornelia
Filia Sejae — Florens
conjuges

Florens est affinis Sejae in primo genere: ergo Titio affinis in secundo genere.

Ggg 3

Tertium

Tertium genus est, quod per triplices nuptias contrahitur inter conjugem unum & alterius affines secundi generis.

Sint e. gr.

| | | | | | |
|----------|-------|----------|--------|----------|------------|
| Seja | Cajus | Seja | Titius | Lucilla | Sempronius |
| conjuges | | conjuges | | conjuges | |

Cornelia
filia Sejae ex Cajo.

Cornelia est affinis Titio in primo genere, Lucillae in secundo, Sempronio in tertio.

Similiter sint

| | | | | |
|----------|-------|----------|--------|----------|
| Seja | Cajus | Seja | Titius | Lucilla |
| conjuges | | conjuges | | conjuges |

Septimius
Filius Camilla
| conjuges

Camilla est affinis Sejae in primo genere, Titio in secundo, Lucillae in tertio.

Quamvis vero genera ista affinitatis ratione naturali non destituantur, quatenus nimirum per nuptias simplices, duplices & triplices istiusmodi respectus personarum vi unionis artificum conjugum nascuntur; cum tamen in Jure naturali nullus appareat usus generis secundi ac tertii affinitatis, nulla quoque ratio est, cur ad ea genera hic animum advertamus.

§. 608.

An detur Quoniam conjugis unius cognati sunt affines conjugis
affinitas in- alterius (§. 607.); *cognati unius conjugis non sunt cognati al-*
ter cognatos terius conjugis affines, seu cognati utriusque conjugis non sunt in-
utriusque ter se affines,
conjugis.

E. gr.

E. gr. Ego duxi filiam tuam. Cum tu ejus sis pater, cognatus ei es in gradu primo lineæ ascendentis (§. 568.). Ergo mihi affinis es in gradu primo & loco parentis (§. 607.). Frater meus mihi cognatus est in gradu primo lineæ obliquæ, seu transversæ (§. 592.). Tu ipsi affinis non es. Nimirum archissima unio inter me & filiam tuam efficit, ut sis mihi loco patris, quemadmodum ex demonstratione propositionis præcedentis (§. 606.) patet. Nulla igitur ratio est, cur tu quoque loco parentis esse debeas fratri meo. Ratio affinitatis cum cesserit in fratre meo, tu & frater meus non estis vobis invicem affines. Idem eodem modo intelligitur in casu quocunque alio.

§. 609.

Gradus affinitatis est diversitas ejusdem orta ex diverso *Gradus affinitatis* gradu, quo affinis conjugis unius est cognatus conjugis alterius. *quid sit.*

Facile patet, gradum affinitati non tribui posse eodem significato, quo cognationi tribuitur. Etenim cognationis diversitas oritur ex dependentia unius personæ ab altera, vel duarum a tertia quadam per generationem, & hinc per numerum generationum intercedentium æstimatur, utrum personæ alteri cum altera intercedat propior, an remotior cognatio. Et sic gradus exprimit diversitatem cognationis. Quoniam vero affines neque a se invicem, neque ab eadem tertia persona per generationem dependent, sed affinitatis fons situtio conjugum, non generatio; nec gradus eo sensu de affinitate dicuntur, quo de cognatione, seu consanguinitate. Cum tamen ideo mihi quis affinis sit quia conjugii meo cognatus est, eorum vero, qui eidem cognati sunt, alius propior, alius remotior existat: affinis quoque unus mihi propior, alius remotior esse debet. Quoniam itaque diversitas affinitatis oritur ex diversitate cognationis; ideo eodem graduum numero exprimi potest diversitas affinitatis, qui exprimit diversitatem cognationis. Quamobrem quando quis dicitur affinis mihi in primo, secundo vel tertio gradu

gradu affinitatis; eo ipso indicatur, affinitatem oriri ex primo, secundo vel tertio gradu cognationis. Nimirum affinitates diversæ non aliter a se invicem distingui possunt, quam ut indicetur, ex quo gradu cognationis oriantur. Diversitas omnis affinitatis unice pendet a diversitate cognationis, neque ideo nisi per illam intelligitur. Pater itaque, quo jure admittuntur gradus cognationis, eodem quoque admittendos esse gradus affinitatis.

§. 610.

*Nomina affi-
nium.*

Si pater ad secundas nuptias transit, vel etiam ad ultiores; uxor ejus dicitur *Noverca*, die Stief-Mutter, liberorum ipsius primi gradus, seu filiorum & filiarum ex priori, aut anteriori matrimonio. Et vice versa si mater ad secunda vota transit, maritus ejus dicitur *Virtricus*, der Stief-Vater, filiorum & filiarum ex priori matrimonio. In utroque casu filius ex priori matrimonio vocatur *Privignus*, der Stief-Sohn; filia vero *Privigna* dicitur. Uxoris pater dicitur *Socer*, der Schwäher, item der Schwieger-Vater; mater ejus *Socrus*, die Schwieger, item die Schwieger-Mutter. Iisdem nominibus insiguntur mariti pater atque mater. Enimvero qui alterius personæ alterutrius sexus filiam ducit, *Gener*, der Eydam, der Schwieger-Sohn; quæ vero filio personæ alterutrius sexus nubit, *Nurus*, die Schwür, item die Schwieger-Tochter appellatur. Nimirum *Gener* est maritus filix; *Nurus* uxor filii, *Consoceri* audiunt, quorum alter filiam alterius filix maritum dedit, sermone vernaculo *Schwieger-Eltern*, quo nomine etiam apud nos *Socer* & *Socrus* simul appellantur. *Consocer* rectius dicitur, der Mit-Schwäher, *Consocrus* vero, die Mit-Schwieger, dicitur focus una respectu alterius. Avus uxoris meæ dicitur *Socer magnus*, ego ipsius *Progener* sum: & retro avus meus est *Socer magnus* uxoris meæ, ipsa vero ei *Pronurus* est. Similiter avia

avia mea est *Socrus magna* uxoris meæ, & illi uxor mea *Pro-nurus* est, ac retro avia uxoris meæ mihi *Socrus magna* est, ego illi *Progener* sum. Affinibus ceteris desunt nomina pecuniaria, consultius enim est, ut retineant nomen cognationis respectu ejus conjugis, a quo affinitas venit, veluti ut dicantur Proavus, vel Proavia uxoris meæ, aut Proavus, vel Proavia mariti mei, Patruus, vel Amita uxoris meæ & Patruus vel Amita mariti mei & ita porro.

§. 611.

Confoceri & Confocrus non sunt inter se affines. Illorum *An detur* enim unus est pater uxoris, alter mariti pater & harum una *affinitas in-* mater uxoris, altera mariti mater (§. 610.), consequenter *ter confoce-* confoceri & confocrus sunt cognati utriusque (§. 576.). *ros & con-* Enimvero cognati utriusque conjugis non sunt inter se *socrus.* affines (§. 608.). Ergo etiam confoceri & confocrus non sunt inter se affines.

Honoris causa apud nos Soceri & Socrus vocantur a genere & nuro Pater ac Mater, & hic atque hæc retro Filius & Filia, ac confoceri & confocrus se invicem Patris ac Matris nominibus compellant, cum dici deberent *Mit. Schwäger & Mit. Schwieger* (§. 610.)

§. 612.

Noverca & vitricus proli privigna sunt affines in primo De vitrico, gradu & parentum loco; proles privigna vero ipsis liberorum loco. *noverca &* Etenim privignus est filius, privigna filia mariti novercæ, vel *privignis* uxoris vitrici (§. 610.). Quamobrem cum filius & filia *prolibus.* patri ac matri jungantur in primo gradu cognationis (§. 576.), cognati autem unius conjugis sunt affines alterius conjugis, in eo quidem gradu, quo cognati sunt (§. 607.);
(*Wolffii Jur. Nat. Pars VII.*) Hhh nover-

noverca & vitricus proli privignæ sunt affines in primo gradu.
Quod erat unum.

Enimvero affinitates per matrimonia contrahuntur (§. 607.). Quoniam itaque personæ, quæ respectum parentum vel liberorum ad unum conjugem habent, eundem quoque ad alterum habent (§. 606.); noverca quoque & vitricus ad prolem privignam parentum respectum habent, ac ideo eidem sunt parentum loco, hic vero ipsis liberorum loco (§. 610.). *Quod erat alterum.*

Quæ illustrationis causa jam supra monuimus ex iis jam pater, liberos ex priori matrimonio, quando ad secunda vota transitur, novum parentis conjugem habere parentis loco (*not.* §. 606.). Hic tamen idem demonstrandum erat, cum nobis etiam propositum sit methodum demonstrandi extra Mathematicam reddere lectori operum nostrorum familiarem, & evolutionem notionum confusarum ac ejus, quod confuse perceptum in distinctis adhuc continetur, in potestatem lectoris redigere.

§. 613.

De noverca ac vitrici privignæ, nec huic parentum loco sunt. Etenim privignus filius, privigna filia est novercæ mariti, vel vitrici uxoris (§. 610.), consequenter cognati conjugis unius sunt (§. 578.) mater vero ac pater novercæ & vitrici sunt cognati conjugis alterius (§. 576.). Quoniam itaque cognati conjugis unius non sunt cognatis conjugis alterius affines (§. 608.), nec mater & pater novercæ atque vitrici proli privignæ affines sunt. *Quod erat unum.*

Quod vero personæ quædam aliis sint loco parentum, id ab affinitate venit (§. 606, 607.). Cessante igitur affinitate, nec respectui parentelæ locus est. Quamobrem cum mater & pater novercæ ac vitrici non sint affines proli privi-

privignæ, per demonstrata n. i. nec personæ istæ huic parentum loco esse possunt. *Quod erat alterum.*

Hanc propositionem ideo addimus, quia in Jure Saxonico prohibentur matrimonia propter affinitatem cum novercæ & vitrici sui matre. Vid. *Siruvius* in Jurispr. Rom. Germ. for. lib. 1. tit. 6. §. 8. Nulla tamen hic datur affinitas, nec respectus parentelæ attendi potest extra eandem, cum is nullo fundamento nitatur: quod ideo hic attendendum erat, quia in omni Jure naturæ id quoque intendimus, ut appareat legum positivarum apud nos receptarum cum Jure naturæ vel consensu, vel dissensu prouti jam alias monuimus.

§. 614.

Socer & Socrus sunt genero & nurui affines in primo gradu & De socero, & socra, genero hisce loco parentum, gener vero ac nurus illis loco liberorum. *Socru, genero* cer enim est pater, focrus mater mariti, vel uxoris (§. 610.), & *nuro*. maritus autem gener, uxor nurus est, ille nimirum parentum uxor, hæc parentum mariti (§. cit.). Sunt itaque focer & focrus cognati conjugis unius, gener & nurus autem conjugis alterius locum obtinent. Quamobrem cum persona quælibet sit conjugii alteri in eo gradu affinis, in quo cognata est alteri (§. 607.); focer & focrus sunt genero & nurui affines in primo gradu (§. 576.) *Quod erat unum.*

Quoniam vero in affinitate personæ sunt loco parentum & liberorum, quæ numero parentum & liberorum sunt in cognatione (§. 606. 607.); focer & focrus genero atque nurui parentum loco sunt, gener vero ac nurus illis liberorum loco. *Quod erat alterum.*

§. 615.

Noverca uxoris meæ non est mihi affinis nisi in gradu primo De noverca jecundi generis affinitatis Jure canonico. Etenim noverca uxoris meæ.
Hhh 2 uxoris

uxoris meæ est affinis uxori meæ in gradu primo (§. 612.), consequenter uxori meæ cognatione juncta non est. Enimvero personæ, quæ uxori meæ cognatæ non sunt, mihi affines non sunt (§. 607.). Quamobrem noverca uxoris meæ mihi affinis non est. *Quod erat unum.*

Enimvero Jure canonico conjugis unius affines sunt alteri affines in secundo genere affinitatis (not. §. 610.). Quamobrem cum noverca uxoris meæ sit eadem affinis & quidem in gradu primo (§. 612.); erit eadem Jure canonico mihi affinis in gradu primo generis secundi affinitatis. *Quod erat alterum.*

Ut hæc clariora evadant, schema delineandum:

| | |
|---------------|---------------------|
| Pater uxoris | Noverca uxoris |
| L. Socer meus | five uxor Socri mei |
| conjuges | |

| | |
|----------|---------------------|
| Ego | uxor mea |
| | f. filia Soceri mei |
| conjuges | |

Ita nimirum clarissime patet, uxori mei affinem esse novercam in primo genere per simplices nuptias, & mihi affinem in secundo genere per duplices nuptias. Idem quoque fieri debet in aliis casibus, etsi nos brevitate causa id omittamus.

§. 616.

*De vitrico
mariti.*

Vitricus mariti uxori suæ non est affinis nisi in secundo genere affinitatis Jure canonico. Ostenditur eodem prorsus modo, quo propositionem præcedentem demonstravimus.

Idem

Idem statim patet, & schema delineare volueris ac idem cum anteriore (not. §. 615.) conferre.

Vitricus Mater

conjuges |

Maritus uxor

conjuges

Vitricus marito affinis est in primo genere ob simplices nuptias matris suæ cum vitrico suo. Accedentibus itaque novis nuptiis cum uxore sua, erit idem ob duplices hæc nuptias uxori mæx affinis secundi generis juxta Jus canonicum (not. §. 607.).

§. 617.

Socer magnus pronurui & progenero affinis est & parentis De socero loco: Socrus vero magna pronurui & profocrus progenero affinis est magna, & parentis loco, ubi vis affinitas in secundo gradu. Etenim socer *cru magna* magnus est avus mariti, vel uxoris, maritus vero eidem & profocrus progener, uxor pronurus respective (§. 616.). Avus mariti marito, avus uxoris uxori cognatus est in gradu secundo (§. 576.). Quamobrem socer magnus progenero & pronurui respective affinis est in gradu secundo (§. 607.) *Quod erat primum.*

Socrus magna est avia mariti & hujus uxor illi pronurus: profocrus vero est avia uxoris & hujus maritus illi progener (§. 610.). Enimvero avia mariti marito, avia uxoris uxori cognata est in gradu secundo (§. 576.). Quamobrem socrus magna pronurui, profocrum progenero affinis est in gradu secundo (§. 607.) *Quod erat secundum.*

Esse autem focerum magnum & socrum magnam pronurui; focerum magnum & profocrum progenero loco parentum, ostenditur ut ante (§. 614.) *Quod erat tertium.*

Hhh 3

§. 618.

§. 618.

De avo & avia vitrici privignis. Vitrici atque noverca avus & avia non sunt affines prolibus
avia vitrici privignis. Eodem profus modo idem ostenditur, quo su-
atque no- pra demonstravimus negandam esse affinitatem de patre ac
verca. matre vitrici & novercæ (§. 613.).

Ratio, cur propositionem hanc apponimus, eadem est, quam supra allegavimus (not. §. 613.). Per simplices hic tantummodo nuptias contraheretur affinitas, veluti patris mei cum noverca. Quamobrem nec Jure canonico obtinere potest affinitas generis remotioris (not. §. 607.).

§. 619.

De vitrico & noverca avi ac avia. Avi & avia vitricus atque noverca mihi affines sunt in gra-
du tertio & sunt loco parentum. Etenim avi vel avia vitri-
cus est maritus proavia meæ, & avi vel avia noverca est uxoris proavi mei (§. 610.). At proavus mihi cognatus est in gradu tertio & in eodem proavia mihi cognata (§. 576.). Ergo vitricus & noverca avi & avia mihi affines sunt in gradu tertio. Quod erat unum.

Quod vero sint loco parentum, patet ut supra (§. 614.). Quod erat alterum.

§. 620.

De filia & filio privigni privignæ. Filius & filia privigni, vel privigna uxoris meæ, mihi affinis non est; & filius ac filia privigni mei, vel privigna ex priori scilicet matrimonio uxori meæ affinis non est. Filius vero & filia privigni mei, vel privignæ affines mihi sunt in gradu secundo. Etenim privignus & privigna uxoris meæ mihi affines non sunt (§. 607.). Quamobrem multo minus personæ, quæ ab iis descendunt, mihi affines esse possunt, consequenter earum filia ac filia affines mihi non sunt. Quod erat primum.

Eodem

De Cognationibus & affinitatibus.

Eodem modo ostenditur, filium & filiam privigni mei, vel privignæ, ex anteriori scilicet matrimonio, non esse affines uxori meæ. *Quod erat secundum.*

Privignus meus est filius uxoris meæ & privigna filia ejus (§. 610.), consequenter, filius privigni est nepos, filia privigni vel privignæ neptis uxoris meæ, vel privignæ (§. 578.). Quoniam itaque nepos & neptis eidem cognatione junguntur in gradu secundo (§. cit.); erunt eadem personæ mihi affines in gradu secundo (§. 607.). *Quod erat tertium.*

§. 621.

Uxoris mea soror vel frater est mihi affinis in gradu primo, De sorore & eodem gradu soror mea, & frater meus uxori meæ affinis est. fratre uxoris & mari-
Etenim soror & frater uxoris meæ eidem junguntur in gradu primo cognationis & eodem in gradu mihi junguntur frater meus & soror mea (§. 578.). Quamobrem cum cognati mei sint eodem gradu affines uxori meæ, quo mihi junguntur, & cognati uxoris meæ sint in eodem gradu affines mihi, quo ipsi junguntur (§. 607.); uxoris meæ soror vel frater mihi affinis in gradu primo, & eodem gradu soror mea & frater meus uxori meæ affinis est.

§. 622.

Uxor filii fratris mei, vel sororis meæ est mihi affinis in gradu secundo. De uxore fi-
Etenim ego filio fratris vel sororis meæ cognatus sum in gradu secundo (§. 578.). Ergo quoque affinis sum vel sororis uxori illius in gradu secundo (§. 607.).

§. 623.

Soror uxoris fratris mei mihi affinis non est. Ego enim De sorore u-
fratri meo conjugii uni cognatus sum & soror uxoris meæ xoris fra-
eidem conjugii alteri cognata est (§. 595.). Sed cognati tris mei.
con-

conjugis unius non sunt affines cognatis conjugis alterius. (§. 608.). Ergo soror uxoris fratris mei mihi affinis non est.

Affinitas itaque demum contraheretur, si ego uxorem fratris mei, seu viduam ejus ducerem: tum enim soror ejus fieret mihi affinis, sicuti ante erat fratri meo (§. 607.).

§. 624.

De comprivignis.

Comprivigni & comprivigna inter se affines non sunt. Etenim comprivignorum unus est cognatus marito, alter uxori (§. 595. 610.). Et idem eodem modo patet de sexu altero. Quare cum cognati utriusque conjugis non sint inter se affines (§. 608.); nec comprivigni, aut comprivignæ inter se affines sunt.

§. 625.

De filio & filia amita ac patrui conjugis unius.

Filia amita & patrui uxoris mea mihi affinis est in gradu secundo. Et similiter filius patrui atque amita mea uxori mea affinis est in gradu secundo. Etenim filia amitæ ac patrui uxoris meæ eidem cognata est in gradu secundo & vicissim filius amitæ meæ ac patrui mei mihi jungitur in gradu secundo cognationis (§. 603.). Est igitur filia amitæ patruique uxoris meæ mihi, filius patrui ac amitæ meæ uxori meæ affinis in gradu secundo (§. 607.).

Idem eodem modo intelligitur in tertio gradu de filia & filio patrui magni & amitæ magnæ. Sed nolumus plura asserere exempla affinitatum particularium, cum ex iis, quæ in medium allata sunt, abunde perspiciatur, quomodo in dato casu affinitates sint investigandæ & eorum gradus sit determinandus.

§. 626.

An affinitates per sponsalia contrahantur.

Affinitates per sponsalia non contrahuntur. Sponsalia enim faciunt sponsum & sponsam (§. 369.), conjuges vero demum fiunt

sunt personæ desponsatæ per nuptias (§. 304. 498.), consequenter sponsus & sponsa nondum sunt conjuges, nec ideo arctissime ita uniuntur, ut instar unius personæ spectari debeant (§. 469.). Quamobrem cum unio ista efficiat, ut quæ ad unum conjugem respectum parentum vel liberorum habent personæ, eadem etiam ad alterum eundem quasi respectum habeant (§. 606.), consequenter ex ea demum nascatur affinitas (§. 607.) ; per sponsalia affinitates non contrahuntur.

Jure Saxonico affinitas deducitur etiam a sponsalibus; sed id naturale non est.

§. 627.

Quoniam per sponsalia affinitas non contrahitur (§. De dissol. 626.); si sponsalia dissolvantur, prouti naturaliter solo personarum desponsatarum dissensu dissolvi possunt (§. 383.), saliorum. cognati sponsi non fiunt affines sponsæ, nec cognati sponsæ affines sponso fiunt, consequenter fratre meo mortuo, sponsæ ejus mihi affinis non est, nec mortua sorore sponsus ejus.

Contrarium obtinet Jure Saxonico (not. §. 626.)

§. 628.

Si maritus uxorem adulteram non repudiat, proles ex adulterio nata est ipsi affinis & refertur ad eum tanquam proles privigna ad vitricum. Etenim si maritus uxorem adulteram non repudiat, manet ea uxor ipsius, matrimonio, quod propter adulterium dissolvi poterat (§. 511.), redintegrato. Enimvero proles ex adulterio genita est cognata uxori (§. 605.). Quamobrem affinis est marito si uxorem non repudiat (§. 607.). Quod erat unum.

Enimvero proles uxoris, quæ maritum patrem non habet, est proles privigna & ipse vitricus ejusdem (§. 610.).

(Wolffii Jur. nat. Pars VII.)

lii

Quodfi

Quodli ergo maritus uxorem adulteram non repudiet, proles ex adulterio nata refertur ad ipsum tanquam proles privigna ad vitricum. *Quod erat alterum.*

Patet omnino eodem modo, quod matrimonio propter adulterium a marito commissum non soluto proles quoque ex adulterio genita sit affinis uxori, & ad eam referatur tanquam proles privigna ad novercam.

§. 629.

Quando non nascitur ex fornicatione non fit affinis parti innocenti. Matrimonio enim dissoluto, pars nocens & innocens non amplius sunt conjuges, quod per se patet. Quamvis itaque proles adulterina, cognata parti nocenti, utpote filius, vel filia ejusdem (§. 605.); non tamen fieri potest affinis parti innocenti (§. 607.).

Nimirum naturaliter adulterium tollit nexum conjugalem, consequenter unio illa, ex qua nascitur affinitas, non subsistit. Nulla igitur affinitas contrahi amplius potest.

§. 630.

De quasi conjugibus. *Qui copula carnali junguntur, sunt quasi conjuges.* Naturaliter enim concubitus appetendus non est nisi sobolis procreandæ causa (§. 239.), nec soboles procreari debet nisi in matrimonio (§. 269. 270.). Quamobrem qui copula carnali junguntur, per quam matrimonium consummatur (§. 367.); quasi matrimonium contrahunt, consequenter quasi conjuges sunt (§. 304.).

Qui copula carnali junguntur sibi invicem concedunt usum corporis sui instar conjugum. Actus physicus utrobique idem est: sed deficit moralitas, quæ eundem in conjugio reddit debitum (§. 309.), extra matrimonium vero illicitum. Quamobrem cum matrimonium, quo contracto fiunt conjuges (§. 304.), copula carnali consummeretur, quod mutuo consensu in societa-

societatem conjugalem fuerat perfectum (§. 367. 270.); qui copula carnali junguntur matrimonium quasi momentaneum contrahunt, consequenter physice spectari possunt quasi conjuges. A copula carnali pendet generatio prolis, quatenus est actus physicus, adhærens enim eidem moralitas ad eandem nihil confert. Quamobrem quæ a generatione dependent, ea a copula carnali derivanda. Unde naturalis cognatio eadem prorsus est, sive quis in matrimonio fuerit natus, sive extra matrimonium (§. 605.). Et Jus canonicum affinitatem deducit a copula carnali.

§. 631.

Quoniam qui copula carnali junguntur, sunt quasi con- *De quasi af-*
juges (§. 630.), conjugis autem unius cognati sunt affines *finitate,*
conjugis alterius (§. 607.); *persona, quæ alteri carnali copula*
jungitur, cognati sunt hujus quasi affines.

Copula carnalis sunt quasi nuptiæ (§. 498.). Quemadmodum itaque per nuptias contrahitur affinitas (§. 607.); ita per copulam carnalem contrahitur quasi affinitas.

§. 632.

Quoniam per copulam carnalem contrahitur quasi af- *Casus parti-*
finitas (§. 631.); *stupratori virginis quasi affinis fit soror ejus-*
culæ, & virgo stuprata affinis fratri stupratoris.

Non opus est, ut plures casus particulares commemoremus: ab affinitate enim sine ullo negotio fit argumentatio ad quasi affinitatem. Quasi affinitatis vero mentionem injicere volumus, immo debuimus, ut appareat, quandonam leges positivæ de affinibus recte extenduntur ad personas alias, quæ stricto vocabuli significatui inhærendo affines non sunt, veluti quando quaeritur, an liceat fœminam a fratre stupratam ducere uxorem, & in causa delictorum, quale sit delictum duorum fratrum fornicatorum cum eadem fœmina.

CAPUT IV.

De Societate paterna.

§. 633.

De societate paterna. **S**ocietas paterna est, quæ inter parentes & liberos horum educandorum gratia contracta intelligitur.

Quamvis hæc societas nomen habeat a patre, non tamen ea tantummodo inter patrem & liberos subsistit, verum etiam mater hujus societatis membrum est, ad quam non minus cura educationis spectat, quam ad patrem (§. 263.). Falluntur autem, qui sibi persuadent, quia societas paterna pro fine habet educationem sobolis, ex definitione societatis conjugalis educationem sobolis exulare debere. Quodsi vero societas conjugalis definitur per societatem sobolis procreandæ ac educandæ causâ initam, tunc paternam cum conjugalî misceri ac duas societates diversas contrahi in unam. Etsi enim societas conjugalî contrahatur etiam sobolis procreandæ causâ, cujus causâ inita intelligitur paternâ; non tamen paternâ & conjugalî contrahuntur inter easdem personas. Nam conjugalî contrahitur inter marem & fœminam; paternâ autem inter conjuges & liberos. Simile quid observare licet in societate negotiatoria. E. gr. Ponamus Titium & Sempronium inter se convenire, quod lucrum & damnum commune esse debeat, quod sperandum vel metuendum ex societate a Sempronio inita cum Cajo & Gracho: ejusdem finis gratia contrahuntur duæ diversæ societates; quarum una inter Titium & Sempronium, altera inter Sempronium, Cajum & Grachum subsistit citra ullam confusionem vel commixtionem. Quomodo hic aliæ nascuntur obligationes & jura aliæ inter Titium & Sempronium, aliæ obligationes & jura alia inter Sempronium & Cajum atque Grachum respectu ejusdem negotiationis; ita similiter aliæ sunt obligationes & jura alia conjugum inter se quoad educationem proles, aliæ obligationes &

& jura alia parentum atque liberorum in societate paternâ. Ad quænam conjux conjugi obligetur vi societatis conjugalis quoad educationem liberorum, vidimus in capite præcedente; ad quænam vero parentes liberis & hi vicissim illis obligentur vi societatis paternæ, ostendendum erit in capite præsentis. Illa ex societate paternâ deducere non licet, quemadmodum nec hæc ex societate conjugali. Absit itaque ut tibi persuadeas, nos nonnisi per præcipitantiâ quandam educationem sobolis ad finem societatis conjugalis retulisse, cum id re probe expensâ fecerimus. Qui matrimonium contrahunt, sibi invicem promittunt, quod sobolem natam communi cura & sumtu educare velint; parentes autem, qui societatem contraxisse intelliguntur cum liberis, iisdem promittere censentur, quod omnem curam in iis educandis adhibere velint. Ex promissio merienda est obligatio (§. 393. *part. 3. Jur. nat.*). Obligatio igitur, quæ quoad educationem proles nascitur ex societate conjugali, prorsus alia est, quam quæ nascitur ex paternâ. Quamobrem alia quoque sunt jura, quæ ex illâ obligatione, conjugi nimirum uni in alterum, & ex hac parentibus in liberos & liberis in parentes nascuntur, prouti ex subsequentiis clarius elucescet.

§. 634.

Societas paterna est quasi pactum. Parentes obligantur *Quod socie-*
ad prolem suam educandum (§. 263.), & hinc naturaliter *tas paterna*
proli nascitur jus exigendi a parentibus suis, ut ab ipsis edu- *sit quasi pa-*
cetur (§. 23. *part. 1. Jur. nat.*). Parentes dum matrimo- *nium.*
nium contrahunt, sese invicem sibi obligant, quod in edu-
canda prole vires suas conjungere velint (§. 270.), conse-
quenter cum prolem natam agnoscunt & educandum susci-
piunt, ipso facto proli declarant suam educandi eandem
voluntatem. Quoniam vero proles se ipsam educare ne-
quit, & naturaliter ipsi competit jus exigendi a parentibus
suis, ut educatur *per demonstrata*; consensus in educationem

præsumitur (§. 245. *part. 2. Jur. nat.*). Quamobrem cum conventio ficta, in qua consensus alterius partis tantummodo præsumitur, sit quasi contractus, aut quasi pactum (§. 504. *part. 5. Jur. nat.*); Societas paterna, quæ inter parentes & liberos inita intelligitur (§. 633.), est quasi pactum.

Non omnes parentes societatem contrahunt cum liberis, etsi ad eos educandum obligentur. Sane qui liberos ex stupro natos negligunt, societatem cum iis non ineunt. Similiter qui liberos suos exponunt, cum iis societatem minime contrahunt. Societas itaque paterna, quemadmodum quasi contractus alii, supponit factum parentum, quo voluntatem suam liberis tanquam parti alteri declarant. Et horum itidem consensus præsumitur ob eandem rationem, qua præsumitur consensus partis alterius, quia id, quod fit, ad utilitatem partis alterius tendit (§. 506. *part. 5. Jur. nat.*). Non obstat, quod parentes naturaliter jam obligentur ad liberos educandos, & hinc vicissim liberi ad ea, sine quibus educatio eorum obrineri nequit: per pacta enim nos etiam obligare possumus ad ea, quæ jam naturaliter debentur (§. 399. 404. *part. 3. Jur. nat.*).

§. 635.

An naturaliter valeat tanquam quasi pactum.

Quoniam quasi contractus naturaliter valet, si quis consensum alterius præsumit, propterea quod alterius nomine quid faciendum utilitatis ipsius ac damni ab eo avertendi gratia (§. 506. *part. 5. Jur. nat.*), societas autem paterna quasi pactum est (§. 634.), cumque ea pro fine habeat educationem liberorum (§. 633.), horum consensus præsumatur, quod curam educationis in se suscipiant parentes utilitatis liberorum ac damni ab iis avertendi gratia, prouti non solum ex educationis notione intelligitur (§. 255.), verum etiam ex iis abunde patefcet, quæ in subsequentibus demon-

demonstrabuntur; *societas paterna tanquam quasi pactum naturaliter valet.*

Sane si liberi ea intellectus vi essent instructi, ut nossent, quomodo utilitati ipsorum velificaretur, & quænam damna ab ipsis averterentur, dum parentes curam eos educandi in se suscipiunt, ac interrogarentur, utrum velint, nec ne, ut parentes hanc curam in se suscipiant; ecquis dubitabit, eosdem responsuros, quod velint. Consensus igitur eorum recte præsumitur. Atque hinc patet societatem paternam recte concipi tanquam quasi pactum & tanquam tale naturaliter valere. Quatenus lex naturæ parentes obligat ad hanc curam in se suscipiendam (§. 263.), eosdem obligat ad ita quasi paciscendum cum prole nata, consequenter ad societatem paternam ineundum.

§. 636.

Quia societas paterna tanquam quasi pactum naturali- *De fonte* ter valet (§. 635.), ex quasi contractu autem alter nobis *obligationis* bis obligatur ad id, ad quod obligatus fuisset, si revera con-*parentum* traxisset, & nos eidem vicissim obligamur tanquam ex con- & *libero* tractu vero (§. 505. *part. 5. Jur. nat.*); *Parentes non modo natura-* *turaliter* (§. 663.), *verum etiam ex quasi contractu liberis obli-* *gantur ad eorum educationem diligenter curandam, & liberi vicis-* *sim parentibus ad facienda ea omnia, sine quibus educatio ipsorum* *obtineri nequit.*

Duplex adeo fons est obligationis, qua parentes teneantur liberis & vicissim liberi parentibus. Obligationis nimirum naturalis fons est ipsa lex naturæ; contractæ autem quasi pactum. Hanc vero obligationem, quæ ex quasi contractu venit, non esse inanem, patebit suo loco.

§. 637.

Quoniam parentes liberos educare debent (§. 636.), *Ad quam* educantur autem, si conserventur, ut adolecant, & apti ef- *parentes li-* *beris obli-* *fician-* *gentur.*

ficiantur, ut sibi metipsis de iis, quibus ad conservationem sui indigent, prospicere & actiones suas juxta legem naturæ determinare possint (§. 255.); *Parentes obligantur liberos, quos procreaverunt, conservare, ut adolescant, & eos aptos efficere, ut sibi metipsis prospicere possint de iis, quibus ad conservationem sui indigent, & actiones suas juxta legem naturæ determinare valeant.*

Hæc continentur omnia officia parentum ergo liberos, quæ vi societatis, quatenus quasi pacto nititur (§. 635.), etiam in obligationem externam perfectam degenerant, ut parentes non modo in conscientia ad ea liberis præstanda obligentur, sed si in iis negligentiores sese præbeant, etiam vi adigi possint, ne officio suo deficiant.

§. 638.

De jure infantum enecandi exponendi. Parentibus non competit jus enecandi infantes, nec jus infantes enecantes exponendi. Obligantur enim infantem sibi natum conservare, ut adolescat (§. 637.). Quamobrem ipsis permissum esse nequit eundem enecare, consequenter jus enecandi infantem ipsis non competit (§. 156. part. I. Phil. pract. univ.). *Quod erat unum.*

Parentes liberos educare tenentur (§. 636.). Quoniam itaque eos educare detrectat, qui recens natos exponit, consequenter fortunæ potestati subjicit, num forte alium nanciscantur educatorem, lex autem præceptiva est simul prohibitiva contrarii (§. 722. part. I. Jur. nat.); parentibus permissum non est infantes sibi natos exponere, consequenter jus infantem exponendi ipsis competere nequit (§. 156. part. I. Phil. pract. univ.). *Quod erat alterum.*

Olim apud Romanos permissum erat infantes occidere, quos quis habere noller, vel quorum educatio sibi nimis gravis ac molesta foret; id quod etiam hodiernum apud gentes non-

nonnullas præsertim barbaras obtinet. Enimvero cum id nimis atrox videretur, sublata licentia infantes occidendi, in ejus locum surrogabatur jus liberos exponendi. Quoniam enim tunc temporis servitus erat recepta, facile reperiebatur, qui infantem expositum tolleret & eum educaret, ut servum haberet. Cum tamen durum quoque merito videretur, infantem innocentem perpetuæ servituti addicere; nec hoc amplius permissum. Facile autem apparet, ignorantiam Juris naturæ mores istos peperisse, ob quam falso sibi persuaserunt homines, vel hodie-num persuadent, quasi de liberis suis perinde ac de re sua pro arbitrio statuere possint parentes, parum considerantes, liberos esse homines, quibus eadem debentur, quæ hominibus aliis. Sane nemo occidendus (§. 743. part. 1. Jur. nat.). Ergo nec infantem suum occidere licet. Lex igitur naturæ, quæ in genere homicidium prohibet, nec jus dare potest parentibus liberos occidendi. Præter hanc obligationem generalem non occidendi infantes datur etiam specialis, quam obligatio parentum, qua liberis tenentur, continet, & per quam tollitur infantes occidendi licentia, quemadmodum ex propositionis demonstratione liquet.

§. 639.

Parentibus curæ esse debet vita, sanitas & integritas omnium membrorum corporis liberorum suorum. Etenim obligantur conservare liberos, ut adolescant, & ut apti evadant ad sibimetipsis prospiciendum de iis, quibus ad conservationem sui indigent (§. 637.). Quamobrem cum finis hic obtineri nequeat, nisi vita, sanitas & integritas omnium membrorum corporis conservetur, quod per se patet; parentibus omnino vita, sanitas & integritas omnium membrorum corporis liberorum suorum curæ esse debet.

Offenditur etiam hoc modo. Liberi cum sint homines, naturaliter obligantur, quemadmodum homines alii ad vitam suam (§. 350. part. 1. Jur. nat.), sanitatem (§. 393. part. 1. (Wolffii Jur. Nat. Pars VII.)

Kkk

Jur.

Jur. nat.) & integritatem omnium membrorum corporis sui conservandam (§. 372. *part. 1. Jur. nat.*). Enimvero liberi, antequam ad usum rationis pervenerint, & actiones suas juxta legem naturæ determinare didicerint, obligationi huic per se satisfacere nequeunt (§. 254.). Quamobrem cum parentes ipsorum loco eidem satisfacere debeant (§. 255. 263.); vita, sanitas & integritas membrorum omnium corporis liberorum parentibus curæ esse debet.

Convenit hoc primis naturæ. Videmus enim animantia bruta prospicere proli suæ de iis, quibus ad sui conservationem opus habent, & prolem defendere adversus vim, qua damnum dari poterat corpori ejusdem, Immo homines quoque naturali quodam instinctu huic feruntur, nisi aliæ adsint causæ, quæ animum in transversum agunt, vel eos negligentiores faciunt, qualia impedimenta a brutis procul absunt, ut in his facilius conspiciere liceat, quinam sit instinctus naturæ, quam in hominibus.

§. 640.

De alimentis & vestimentis liberorum & periculo ab iis depellendo. Quoniam vita, sanitas & integritas membrorum corporis liberorum parentibus curæ esse debent (§. 639.), ad vitam autem conservandam opus sit cibo ac potu (§. 380. *part. 1. Jur. nat.*), consequenter alimentis (§. 381. 382. *part. 1. Jur. nat.*), & ut sanitas conservetur, alimenta salubria esse debent (§. 395. *part. 1. Jur. nat.*), ac vestimenta requiruntur ad tuendum corpus adversus injurias aëris (§. 446. *part. 1. Jur. nat.*), integritatis autem membrorum corporis conservandæ causa depellendum omne periculum, quod corpori imminere potest, quod per se patet; parentes obligantur liberis suis prospicere de alimentis salubribus & vestimentis ad tuendum corpus contra injurias tempestatum aptis ac quævis ab iis avertere pericula, quæ corpori imminere possunt.

Ecqui-

Equidem hæc prorita & vulgaria videntur, & unicuique per se nota; non tamen propterea superfluum videri debet, quod demonstrentur. Neque enim solum necesse est, ut ea faciamus cum sensu officii nostri; verum etiam ut omnes officii hujus partes rite adimpleamus. Sane haud raro contingit, ut, qui eidem abundantius satisfacere sibi videntur, eidem tamen maxime desint, quatenus in alimentis non habetur ratio salubritatis, nec in vestimentis sanitatis, nec in avertendis periculis, quibus corpus lædi potest, sufficiens adest circumspectio. Hinc sane haud raro videas vel in summa fortuna natos vitio corporis laborare, nec integra sanitate frui, immo ante decedere, quam adolecant.

§. 641.

Quamdiu liberi per se officiis erga se ipsum satisfacere ne-Principium queunt; parentes facere tenentur, quæ ipsimet facere debe- generale de bant, sed nondum possunt. Etenim parentes liberos educare cura paren- debent (§. 263.), consequenter aptos ex sese efficere ad vi- tum circa tam hominis vivendum (§. 255.), ac ideo officiis erga se- liberos. ipsum satisfaciendi (§. 226. 225. part. 1. & §. 7. 18. part. 2. Phil. pract. univ.). Quamdiu itaque per se officiis erga se- ipsum satisfacere nequeunt, parentes utique facere tenentur, quæ ipsimet facere debebant, sed nondum possunt.

Genus humanum propagari debet ab hominibus, quemadmodum animantia bruta speciem suam propagant. Non igitur sufficit, ut proles generetur & in lucem edatur: neque enim generatio & nativitas facit nisi potentia hominem, educatio vero demum facit actu hominem. Si infans natus sibi relinqueretur, aut misere ipsi esset pereundum, aut siquidem a brutis eundem educari contingeret, vitam animalis viveret, non hominis. Quemadmodum itaque fœtus in utero est pars matris, a qua vitam naturalem trahit; ita in lucem editus moraliter censetur quasi pars parentum, a quibus vitam moralem trahit, immo quoad vitam quoque naturalem adhuc spectari debet tanquam pars parentum, quatenus iidem per-

Kkk 2 inde

inde infantem alant necesse est, quemadmodum seipſos, ut vivere atque adoleſcere poſſit. Sicuti fructus tamdiu adhæret arbori ac inde nutrimentum capit, donec fuerit maturus; ira liberi tamdiu adhærent parentibus ſuis, donec ad maturam ætatem pervenerunt, ut vitam hominis per ſe vivere poſſint, nec parentum auxilio atque cura amplius indigeant. Natura ſibi in omnibus ſimilis, ut iſtiusmodi comparationes attentionem mereantur. Ceterum propoſitio præſens principii heuristicæ vicem tuetur, cum inde intelligatur, quomodo invenire liceat ſingula, quæ ad curam parentum circa liberos pertinent.

§. 642.

*De corpore,
anima &
ſtatu libero-
rum perſi-
ciendo.*

Quoniam homo obligatur facere omnium facultatum ſuarum uſum, qui ad perficiendum animum, corpus & ſtatu noſtrum, & ad arcendum omnem ab anima, corpore & ſtatu noſtro imperfectionem requiritur (§. 173. part. 1. *Jur. nat.*), quamdiu vero liberi per ſe officiis erga ſeipſum ſatisfacere nequeunt, parentes facere debent, quæ ipli met facere debebant, ſed nondum poſſunt (§. 641.) ; *parentes tamdiu omnem facere tenentur facultatum ſuarum uſum, qui ad perficiendum animum, corpus & ſtatu liberorum requiritur, & ad arcendum omnem ab anima, corpore & ſtatu liberorum imperfectionem exigitur, quamdiu ipli met eundem facere nondum poſſunt, ac omnem dare operam, ut liberi ad eundem faciendum adducantur, conſequenter tam corpus, quam animum liberorum, eorundemque ſtatu perſicere debent, quantum poſſunt.*

Multum hic peccatur in praxi. Sane curam corporis quidem gerunt parentes, non vero animæ, aut quoad utrumque non ex aſſe adimplent omnes officiæ ſui partes. Alii non ſatis tempeſtive de anima perſicienda cogitant, ut deinceps perfectio ejus reddatur admodum difficilis, immo prorsus impoſſibilis. Sed in hæc inquirere non eſt hujus loci: pertinent enim ad philoſophiam moralem, in qua etiam docendum,

dum, quomodo parentes officiis suis satisfacere debeant. Sunt enim quoque virtutes parentibus propriæ, sunt etiam vitia iisdem opposita, utut peculiaribus utraque destituantur nominibus. In utero materno fœtus primum vivit vitam vegetativam, qualis est plantarum, & successive fit transitus ad vitam animalem, qualis est brutorum: neque enim natura facit transitum ab uno extremo ad alterum per saltum. Dum in lucem editur, vitam animalem vivit, & natura eundem curæ parentum committit, ut a vita animali perducatur ad vitam hominis, quæ secundum rationem est. Parentes igitur imitari debent naturam, quæ per insensibilia incrementa tendit ad maximum, & cum fœtus in utero vitam vegetativam vivit, eum successive ac insensibili modo ad vitam animalem præparat aptumque efficit, & quemadmodum cetera omnia, ita etiam vitam animalem fœtus in utero ex insensibilibus gignit.

§. 643.

Parentes præcavere debent, ne sensus liberorum, præsertim De vitiis oculi, vitia contrahant, & operam dare, ut imaginatio & memoria perficiatur. Operam enim dare debent, ut omnem imperfectionem a corpore liberorum arceant (§. 642.). & memoria Quamobrem cum constet, sensus in tenerrima inprimis atate vitia contrahere posse, organis sensoriis depravatis; ipforum utique est præcavere, ne iidem, præsertim oculi, vitia contrahant. *Quod erat unum.*

Enimvero memoria & imaginatio perfici possunt (§. 196. & seqq. *Psych. empir.*). Quamobrem cum parentum sit, ut liberos suos quoad animam & corpus perficiant (§. 642.); operam omnino dare debent, ut imaginatio & memoria liberorum perficiatur. *Quod erat secundum.*

Utus facultatum inferiorum, veluti sensuum, imaginationis ac memoriæ, homini naturalis est, nec demum acquirendus (§. 200. *part. 1. Jur. nat.*). Organa tamen corporis huc

speſtantia depravari poſſunt, ut eorum uſus vel prorfus tollatur, vel arctioribus limitibus circumſcribatur. Quamobrem parentum cura eo potiffimum redit, ut organorum iſtorum deſtructionem, vel depravationem impediunt. E. gr. nimia lux oculi aciem debilitat. Impediendum igitur, ne infantibus nimia lux affulgeat. Quamvis vero hæc proſtrita videantur, plura tamen obſervanda ſunt, quam vulgo putatur, ſi officio huic ex aſſe ſatisfacere velint parentes. Alſt quænam hic conſideranda ſint, in Philoſophia morali doceri debet. Imaginario & memoria perſciuntur uſu, quem cum per ſe facere non poſſint infantes, parentum eſt eundem excitare, ſeu iis occaſionem præbere imaginatione ac memoria utendi. Equidem vulgo hæc caſui permittuntur & a moribus abhorret, ut ad talia animum advertamus; inde tamen inferri nequit, quod recte fiat, veritate adverſus mores prævalente. Illud vero etiam notandum eſt, ſuo ſingula fieri debere tempore, neque enim eidem ætati conveniunt omnia, quin potius, quæ ſuo tempore proſunt, ea nocent, ſi ante tempus ſiant. Immo pro diverſa ætate differunt actiones ad eundem finem tendentes & ideo idem officium non eodem prorfus modo exercendum a parentibus. Acutiores facile vident, quam amplius aperiatur campus in Philoſophia morali ſi eam novis veritatibus indies augere velimus, quemadmodum Mathematici Geometriam augere ſolent & Mechanicam. Sparſimus ſemina, ex quibus iſtiusmodi fructus ſperare licet, modo ea agro fertili committantur: quod ut facilius fieri poſſit, exemplo præbimus in Philoſophia morali, fidem oculatam daturi.

§. 644.

De diverſa
liberorum
ætate.

Ætas liberorum diſtinguitur in infantiam, pueritiam, adoleſcentiam, juventutem & ætatem virilem. Sed de terminis cuiusvis ætatis non ſatis convenit. Numero annorum definiri ſolet, ita ut *Infantia* terminetur anno ſeptimo, *Pueritia* anno decimo quarto, *Adoleſcentia* vigefimo primo,

Juven-

Juventus vigesimo octavo; a quo termino *Ætas virilis* incipit: quæ distinctio ætatum per annorum septenarium convenit hypothefibus Medicorum veterum de annis climactericis, & corpus magis respicit, quam animam. Germani vulgo per numerum denarium ætates distinguunt & ideo nonnisi tres faciunt, quarum una terminatur anno decimo, altera vigesimo, tertia trigesimo, a quo incipit ætas virilis, juxta istud pervulgatum: *Zehn Jahr ein Kind, zwanzig Jahr ein Jüngling, dreyßig Jahr ein Mann.* Enimvero istæ ætatum distinctiones exiguum, aut nullum usum habent in determinandis iis, quæ cura parentum in educatione liberorum exigit: neque enim tam ad numerum annorum, quam ad usum facultatum animæ respiciendum, prouti sese exerit. *Infantiam* igitur definire licet per eam ætatem, qua liberi adhuc destituuntur usu sermonis, consequenter ad eundem perducendi: *Pueritiam* per ætatem, qua usu sermonis pollentes usu tamen facultatum superiorum destituuntur, & ad eum perducendi: *Adolescentiam* per ætatem, qua usus facultatum superiorum equidem sese exerit, sed iudicium tamen adhuc imbecille est & magis firmandum; *Juventutem* per ætatem, qua iudicium magis maturuit, & *Ætatem virilem* per eam, qua iudicium perfectum videtur ad vivendum vitam hominis per se.

Hæc mihi distinctio commoda videtur ad determinandam varietatem curæ, quam parentes in educanda prole adhibere debent, ne quod necessarium quovis tempore negligatur, nec præpostero studio vel nihil agatur, vel magis noceatur liberis, quam consulatur. Ceterum nemini in discernendis istis ætatibus litem movebimus, nec cuiquam ea in re legem præscribimus. Abundet unusquisque suo sensu. Nobis sufficit, ut parentes in educatione prolis suæ ad ea animum attendant, per quæ ætates istas discrevimus, ut quovis tempore

agent

agant quod officii sui est, nec quicquam præpostere fiat. Et si qui fuerint, qui latum istum campum, quem modo diximus (not. §. 643.), ingredi voluerint, ad eadem omnino animum attendere debent, ut constet, quam sumenda sint, ut ex iis deducantur alia, cum per se pateat, ex annorum numero nihil deduci posse, quæ parentibus in educatione liberorum sint observanda, nisi hæc vel ista ætati huic convenire supponas, consequenter ea sumas, per quæ nos ætates, aut, si mavis, diversos status liberorum educandorum distinguimus. Ut vero appareat, illam ætatum distinctionem in praxi esse attendendam, exemplum aliquod facile addere lubet illustrationis gratia. Diximus, ad curam parentum pertinere, ut præcaveant, ne oculi vitium contrahant. Quando liberi usu sermonis nondum pollent, nec fieri potest, ut legere discant. Quamobrem in infantia præcavetur, ne oculorum acies obtundatur, si lumen intensius, quale est solare, immo dum ex tenebris uteri haud ita pridem egressi sunt, ipsa lux diurna, ab iis avertatur, & si non permittatur, ut oculorum aciem in candelam ardentem, vel ignem intendant. Ast in pueritia præcavere debent, ne legentes libro nimis prope admoveant oculos, aut luce crepera legant. Rationes ex Optica petendas jam prætereo.

§. 645.

De usu facultatum
anima acquirendo.

Parentibus cura esse debet, ut liberi consequantur omnem facultatum animæ usum, quem acquirere valent. Usus facultatum superiorum animæ, intellectus ac voluntatis liberæ, non inest homini natura, sed exercitio acquiritur (§. 199. part. 1. Jur. nat.) & facultates animæ perficiuntur acquirendo habitus iisdem utendi (§. 209. part. 1. Jur. nat.). Quamobrem cum parentibus cura esse debeat animam liberorum perficere, quantum possunt (§. 642.), iisdem quoque curæ esse debet, ut ipsi consequantur omnem facultatum animæ usum, quem acquirere valent.

Facul-

Facultates superiores hominem a brutis potissimum distinguunt. Quoniam vero usus illarum natura homini non ineft (§. 199. *part. 1. Jur. nat.*); illa differentia non ante in sensus incurrit, quam ubi homo facultatibus istis utitur. Usu isto destitutus bruto similis videtur (§. 461. *Psych. rat.*). Parentes, ut jam supra monuimus (*not. 641.*), genus humanum propagare debent, consequenter etiam formare animum liberorum, ut actu rationales sint: id quod sine usu facultatum animæ superiorum fieri non posse, cum experientia palam loquitur, tum Psychologia evidenter demonstrat. Parentum itaque cum sit non modo generare prolem, sed formare quoque hominem, ad usum facultatum superiorum eosdem adducendo & habitus iisdem utendi ipsis conciliando; Societatis non modo paternæ necessitas inde elucescit, verum etiam conjugalis, seu matrimonii. Propagatio generis humani requirit, ut homines ea conferant, sine quibus fieri nequit, ut in rerum natura existant homines. Non igitur sufficit generari homines, sed iidem quoque educandi. Ex superioribus abunde liquet imaginem hujus juris conspici in ipsis brutis, quibus proles sua tamdiu cutæ est, donec vitam speciei sua convenientem per se vivere possint.

§. 646.

Quoniam parentibus curæ esse debet, ut liberi con- *De cautione*
quantur omnem facultatum animæ usum, quem acquirere *in concili-*
valent (§. 645.), experientia aperte loquitur, non *ando liberis*
cuius ætati, aut, si mavis, statui liberorum, quarum unus *facultatum*
successive excipit alterum, convenire acquisitionem usus cu- *usu adhi-*
juslibet (§. 644.); *parentibus cura esse debet, ut liberos per-*
ducant ad usum facultatum unicuique ætati convenientem, con-
sequenter probe discernant, quam infantia, quam pueritia,
quam adolescentia, quam juventuti convenient (§. cit.).

Hinc patet, cur ætates hominis a prima infantia usque ad virilem ætatem non tam annorum numero, quam aptitudine ad
(*Wolffii Jur. Nat. Pars VII.*) LII certos

certos facultatum usus & iis convenientes habitus acquirēdi in Jure naturæ ac philosophia morali distingui conveniat, quemadmodum fecimus (§. 644.). Quænam vero ætati unicuique conveniant, non tam in Jure naturæ, quam in philosophia morali demonstrandum, quippe quæ docere debet, quomodo obligationi naturali satisfaciamus, recto facultatum nostrarum inter se consentientium usu.

§. 647.

De usu facultatis locomotivæ.

Parentibus cura esse debet, ut liberi acquirant usum facultatis locomotivæ cuilibet ætati convenientem. Quoniam usus facultatis locomotivæ, quatenus appetitui sensitivo & aversioni sensitivæ subest, homini natura inest, quatenus vero volitionibus & nolitionibus solis respondet, appetitionibus autem & aversionibus sensitivis solis per se respondere nequit, demum acquirendus (§. 314. part. 1. Jur. nat.), omnis tamen subest directioni animæ (§. 315. part. 1. Jur. nat.), & in actione humana recta, ad ejus rectitudinem naturaliter obligamur (§. 189. part. 1. Phil. pract. univ.), nihil quoque desiderari debet ex parte facultatis locomotivæ (§. 79. part. 1. Phil. pract. univ.); eodem quoque, quod ante (§. 645.), modo patet, parentibus curæ esse debere, ut liberi acquirant usum facultatis locomotivæ, qui scilicet non sua sponte sese prodit, dum corpus adolescit, sed demum acquirendus. *Quod erat unum.*

Enimvero distinguendas hic esse ætates, ut dijudicetur usus unicuique earum conveniens, eodem modo patet, quod de usu facultatum animæ idem ostendimus (§. 646.). *Quod erat alterum.*

Facultatem locomotivam perfici posse, a posteriori constat. Sane homo vires suas augere potest exercendo & majus corporis robur acquirere. Usus facultatis locomotivæ designari

stinari potest ad certos fines. Quamvis itaque virium exercitium & usus facultatis locomotivæ casui permittatur, quemadmodum alia, quæ ad educationem pertinent, casu permitti solent; inde tamen minime inferri potest, quod talia non sint in potestate nostra & recte casui permittantur.

§. 648.

Parentes obligantur ad omnem diligentiam adhibendam, ut liberi rerum cognitu sibi possibilem cognitionem acquirant, nec ullam prætermittere occasionem, qua rei cujuscunque cognitio iis comparari potest. Homo enim obligatur ad distinctam rerum cognitu possibilem cognitionem acquirendam (§. 220. part. 1. Jur. nat.), nec ullam prætermittere occasionem, qua rei cujuscunque cognitionem sibi comparare valet (§. 221. part. 1. Jur. nat.). Quamobrem cum intellectus absque rerum cognitione distincta perfici non possit, sed tanto sit perfectior, quo plures res distincte sibi repræsentare valet (§. 218. part. 1. Jur. nat.), parentes vero intellectum liberorum perficere debeant (§. 641.); parentes utique obligantur ad omnem diligentiam adhibendam, ut liberi rerum cognitu sibi possibilem cognitionem acquirant, nec ullam prætermittere occasionem, qua rei cujuscunque cognitio iis comparari potest.

Parentes funguntur officio liberorum, quamdiu ipsi met eo-
dem defungi non possunt, quemadmodum jam ante monuimus (not. 641.). Quamobrem quicquid ad hoc conferre possunt, ut liberi rerum notitiam acquirant; id omnino conferre tenentur. Plura vero in hoc genere a prima statim ætate conferre possunt, quam vulgo putatur. Et quæ in prima statim ætate liberis imprimuntur notiones, non modo firmiter agunt radices in anima, verum etiam plurimum profunt ad scientiam acquirendam & augendam.

§. 649.

De cura sin-

gulari circa *notiones rerum obviarum clara, etsi adhuc confusæ, deinde successi-*
motiones sibi *ve præparandi ad distinctas, & tandem manuducendi sunt ad ac-*
comparan- *quirendum habitum notiones distinctas formandi.* Parentes
das. enim obligantur ad omnem diligentiam adhibendam, ut li-
 beri rerum cognitu sibi possibilem cognitionem acquirant
 (§. 648.). Quoniam vero omni ætati non omnia conve-
 niunt, cum per gradus sit ascendendum ad perfectiorem re-
 rum cognitionem, prouti non modo a postetiori constat,
 verum etiam ex iis, quæ de diversitate notionum tradun-
 tur in Logica & Psychologia empirica abunde colligitur,
 parentibus autem curæ esse debet, ut liberi faciant usum
 facultatum suarum cognoscendi, qui ætati ipsorum conve-
 nit (§. 646.); ab infimo gradu cognitionis utique initium
 facere tenentur, ascendendo deinceps ad altiore, dum li-
 beros suos ad rerum cognitionem perducere student. Quo-
 niam itaque notiones claræ, sed confusæ, sunt primus gra-
 dus cognitionis humanæ, a quo ascendendum ad notio-
 nes distinctas (§. 80. 88. *Log.*), ad has vero acquirendas
 certa opus est attentione & reflexione (§. 678. *Log.*), quæ
 cum naturaliter non adsit, ad illas acquirendas præpara-
 mur, dum attentioni ac reflexioni aduescimus; parentes
 liberis in prima ætate insinuare debent notiones rerum ob-
 viarum claras, etsi adhuc confusas; deinde vero eos præ-
 parare ad distinctas acquirendas. Quoniam vero habitum
 acquirere debemus notiones distinctas formandi (§. 227.
part. I. Jur. nat.); parentes quoque tandem manuducere
 debent liberos ad habitum notiones distinctas formandi ac-
 quirendum.

Quoniam in Jure naturæ saltem docetur, quænam sint pa-
 rentum obligationes vel officia, philosophiæ moralis vero est
 ostend-

ostendere, quomodo iisdem satisfieri potest; ideo in presenti non addimus, quomodo pro diversa liberorum ætate, immo & pro diversa eorundem conditione, tum notiones quædam veluti basis omnis cognitionis futuræ, iisdem sint insinuandæ; in quonam consistat præparatio ad notiones distinctas inde derivandas & quomodo habitus notiones distinctas formandi iis concilietur. Perfectio intellectus duplici modo considerari potest, vel objective, vel subjective. Objective spectata æstimatur ex multitudine notionum distinctarum & veritatum evidenter cognitarum; subjective autem considerata consistit in habitu operationes intellectus eliciendi, qui quidem sine rerum cognitione acquiri nequit, non tamen utilitatem ejus ac necessitatem respicit. Ita utimur ad intellectum perficiendum veritatum geometricarum cognitione, quemadmodum docui in Commentatione de studio mathematico recte instituendo, quæ continetur in Tomo quinto Elementorum Matheseos universæ; etsi veritates istæ nulli nobis sint usui, immo in spem futuræ oblivionis addiscantur. Quamvis enim veritates istæ oblivioni tradantur, non tamen propterea extinguuntur habitus operationes intellectus eliciendi & iisdem in rerum cognitione rite utendi. Atque hæc notasse proderit, siquidem in educatione liberorum officio, quod in propositione præsentè argetur, satisfacere velimus.

§. 650.

Parentes præcavere tenentur, ne animus liberorum in pueritia imbuatur notionibus erroneis ac superstitiosis. *Quanam hic vitanda.* Notiones enim, quibus animus liberorum in pueritia imbuatur, non modo firmiter eidem inhaerent; verum etiam liberis, qui sibi conscii in ætate adultiore non sunt, unde venerint, quasi innatæ videntur, ut posthac difficulter eradicentur. Quamobrem cum nemo non agnoscat, notiones erroneas ac superstitiosas obstat, quo minus verum cernamus, consequenter animum liberorum reddi imperfectiorem, quando

iisdem imbuuntur, parentes vero omnem imperfectionem, quantum datur, ab anima liberorum remove debeant (§. 642.); iidem utique præcavere tenentur, ne animus liberorum in pueritia imbuatur notionibus erroneis ac superstitiosis.

Non minima pars est illius curæ parentum, quæ ad educationem pertinet, animum liberorum in tenera ætate immunem præstare ab omnibus opinionibus falsis, præsertim insulis atque superstitiosis, & nullibi fere magis peccatur, quam hac in parte. Nocent autem istiusmodi notionēs haud parum, non modo quatenus posthac impediunt, ne possimus cernere verum, conscientia veluti adversus evidentiam reluctante; verum etiam quatenus eadem in appetitum insuunt eundemque corrumpunt, ut sensitivus posthac prævaleat adversus rationalem, nec is cum hoc in gratiam redire queat. Non alia de causa *Cartesius* Princip. philos. part. 1. §. 1. voluit, ut semel in vita de iis omnibus studeamus dubitare, in quibus vel minimam incertitudinis suspensionem reperimus, immo ea, de quibus dubitamus, pro falsis habere, ut tanto clarius, quidnam certissimum & cognitu facillimum sit, inveniamus. Nec sine ratione hanc dubitationem etiam extendit ad ea, quæ antea pro maxime certis habuimus §. 5., quia vidimus aliquando nonnullos errasse in talibus, & quædam pro certissimis ac per se notis admisisse, quæ nobis falsa videbantur. Contingit sane, ut homines, quæ a pueritia ipsis familiaria facta sunt, pro per se notis habeant, propterea quod sine ratione iisdem assensum præbuerunt & deinceps ea pro veris constanter habuerunt, nullo profluxu dubio emergente. Enimvero cum non tam facile sit eradicare præiudicia, quæ firmas in animo radices egerunt, cum etiam hic consuetudo sit altera natura, quam ne furca quidem expellere datur, quin redeat; ideo necesse omnino est, ut caveatur, ne notionēs erroneæ teneris puerorum animis insinuentur & radices altas in iisdem agant. Ceterum cum non omnes idem vitæ genus secten-

sectentur, facile patet pro diverso vitæ genere, cui destinantur liberi, variari tantisper curam a parentibus in hoc genere adhibendam. Sed ea curatius examinare non est præsentis instituti. Patet autem hanc curam pertinere ad parentes & eos, quibus educatio liberorum ab illis ex parte committitur (§. 641.), cum liberi in pueritia usu rationis adhuc destituti verum a falso separare nequitiam possint, sed credere tenentur, quæ ab aliis dicuntur.

§. 651.

Parentes tempestive studere debent, ut liberos ad usum ra- De usu ra-
tionis perducant. Quoniam enim operam dare tenemur ut ra-
tionem perficiamus (§. 253. *part. 1. Jur. nat.*), nemo autem est,
qui nesciat, infantes natos usu rationis destitui, nec eos per se
eundem consequi posse certum est (§. 641. *Psych. nat.*); paren-
tibus omnino curæ esse debet, ut liberi ad usum rationis
perducantur (§. 641.), cumque omnem diligentiam in qua-
vis educationis parte adhibere debeant (§. 301. *part. 1. Jur.*
nat.), tempestive studere tenentur, ut liberi usum rationis
consequantur.

Ratio homines potissimum a brutis distinguit. Quoniam
itaque infantes nascuntur potentia saltem homines, sed
actu fiunt homines per educationem (*not.* §. 641.), educatio-
nis haud postrema pars est, quovis modo studere, ut liberi
usum rationis consequantur: qui quo amplior erit, eo rectius
parentes satisfacisse intelliguntur officio suo. Non igitur a-
vero aberrant, qui eandem doctoribus referunt gratiam
quam parentibus, qui eos doctrina solida rationales effecerunt.
Nos sane philosophiam in systema veri nominis redigendo
id potissimum intendimus, ut rationis usum amplificemus, &
homines quam maxime rationales efficiamus. Nec desunt
plures inter eruditos, qui ex operibus nostris hunc fructum per-
ceperunt & propterea in literis gratias egerunt.

§. 652.

§. 652.

*De principi-
rationis
sufficientis
inculcando.*

Quoniam parentes tempestive studere debent, ut liberos ad usum rationis perducant (§. 651.), principium autem rationis sufficientis rationis veluti basis est (§. 483. *Psych. empir.* & §. 56. *Ontol.*), parentes, quam primum datur, liberos adsuafacere debent, ne propositioni cuidam assentiantur sine ratione, & ut semper quarant, cur hoc ita sit, vel esse debeat (§. 70. *Ontol.*).

Principium nimirum rationis sufficientis a teneris unguiculis libetis inculcandum. Imitari autem debemus naturam, ut per gradus hoc fiat. Sufficit itaque primo, ut tantummodo firmiter ipsis imprimatur, nihil esse sine ratione, etsi nondum discernere valeant, utrum rationem norint ejus, nec ne, cui assensum præbent. Neque enim ætati omni conveniunt omnia. Prudenter itaque dijudicanda sunt, quæ ætati unicuique conveniant. Quemadmodum enim naturaliter obligamur ad prudenter agendum (§. 258. *part. 1. Jur. nat.*; ita lex quoque naturæ prudentiam requirit in educatione liberorum.

§. 653.

*De præjudicio
auctoritatis
arcedendo.*

Parentes præcavere debent, ne liberorum animus præjudicio auctoritatis imbuatur. Etenim adsuafaciendi sunt, ne quid admittant absque ratione, sed quærant rationem ejus, cui assentiendum (§. 652.). Quamobrem cum illi, qui præjudicio auctoritatis imbuti sunt, assensum præbeant dictis propter auctoritatem dicentis (§. 1013. *Log.*); parentes præcavere debent, ne liberorum animus præjudicio auctoritatis imbuatur.

Quamdiu intellectus liberorum imbecillis est, fieri equidem aliter non potest, quam ut assensum præbeant iis, quæ ipsis dicuntur, quia dicuntur. Quodsi tamen tempestive adsuafiant quærere rationem eorum, quæ ipsis dicuntur, vel quæ esse aut

quæ fieri vident (§. 652.); eo ipso præcavetur, ne præjudicium autoritatis sese insinuet animo eorundem, ac facile deinceps discunt, ob imbecillitatem intellectus sese capere non potuisse rationem. Immo cum præjudicio autoritatis prorsus carere nequeant, qui ad scientiam animum appellunt, immo in negotiis quoque humanis haud raro alienis oculis videndum fit; ideo utile quoque est, ut liberi, quando per ætatem hoc fieri potest, doceantur, quamdiu & quandam assensum præbere conveniat propter auctoritatem dicentis. Sed de his dicendum est in philosophia morali.

§. 654.

Parentes ingenium liberorum perficere debent. Ingenium *De ingenio* enim perficere tenemur (§. 252. *part. 1. Jur. nat.*). Quam-*perficiendo.* obrem cum parentum sit perficere animum liberorum, quantum possunt (§. 642.); quin etiam ingenium liberorum perficere teneantur, dubitandum non est.

Idem etiam ostenditur hoc modo. Ingenium in facultatum animæ numero est (§. 476. *Psych. empir.*). Quamobrem cum parentum sit curare, ut liberi consequantur omnem facultatum animæ usum, quem acquirere valent (§. 645.); ad eorum curam quoque pertinet liberis familiarem reddere usum ingenii. Quoniam itaque facultates animæ perficiuntur acquirendo habitus iisdem utendi (§. 209. *part. 1. Jur. nat.*); parentes quoque ingenium liberorum perficere tenentur.

Erunt forsitan qui existimaturi sunt, necesse non esse, ut homines omnes sint ingeniosi. Enimvero hi non satis per-
dunt, quid sit ingenium & quemnam usum homini cuilibet præstet. Nulla homini facultas frustra data, sed omnes suum unicuique præstant usum, eidemque utiles sunt, quamvis non eadem singulis hominibus eveniat utilitas. Consistit ingenium in facilitate observandi rerum similitudines, quæ quam
(*Wolffii Jur. Nat. Pars VII.*) M m m neces-

necessaria sit omni homini, ac his præsertim, qui scientia destituuntur, in Philosophia morali disertius docendum: ubi etiam inquirendum, quibusnam mediis pro diversa liberorum ætate & diverso vitæ genere sit utendum, ut finem intentum consequamur.

§. 655.

De virtutibus intellectualibus & moralibus. *Parentes operam dare debent, ut liberi consequantur virtutes omnes tam intellectuales, quam morales.* Perfectio enim animæ acquisita consistit in virtutibus intellectualibus & moralibus (§. 548. *part. 1. Jur. nat.*). Quamobrem cum parentes animam liberorum perficere debeant, quantum possunt (§. 642.); operam omnino dare debent, ut iidem consequantur virtutes omnes tam intellectuales, quam morales.

Virtutes intellectuales sunt habitus intellectus, quibus subordinatur ministerium sensuum; morales autem sunt habitus voluntatis & noluntatis (§. 547. *part. 1. Jur. nat.*). Pendunt morales ab intellectualibus, nec sine his perfectæ esse possunt. Quamobrem cum nemo virtutibus moralibus carere debeat, quod jam sumere licet, nemine contradicente; nemo quoque virtutibus intellectualibus carere potest. Virtutes intellectuales tam objective, quam subjective spectari possunt (*not. §. 649.*), & utroque modo spectatæ suos habent gradus, nec eandem conveniunt singulis. Hoc igitur probe perpendendum, ne inanes circa studium acquirendis virtutibus intellectualibus impendendum difficultates nectantur. Quodcumque vitæ genus aliquis sectetur, in eo virtutibus intellectualibus carere nequit, quæ tamen variant eum objective, tum subjective spectatæ pro diversitate ejusdem. Sed talia disertius docenda in philosophia morali.

§. 656.

De virtutibus intellectualibus. Quoniam parentes operam debent, ut liberi consequantur omnes virtutes intellectuales, (§. 655.), in numero

mero autem virtutum intellectualium sunt scientia (§. 594. *Etualibus in Log.*), ars inveniendi (§. 454. *Pfych. empir.*), sapientia (§. *specie.* 678. *Pfych. rat.*), prudentia (§. 256. *part. 1. Jur. nat.*) & ars (§. 260. *part. 1. Jur. nat.*), homo autem quilibet eas artes addiscere debet, ad quas addiscendas maxime aptus, & quæ ipsi maxime necessariæ (§. 262. *part. 1. Jur. nat.*); parentes operam dare debent, ut liberi consequantur scientiam, sapientiam, prudentiam & artes, ad quas addiscendas maxime apti & quæ ipsis maxime necessaria.

Quilibet equidem facile concedet, ad educationem liberorum in genere pertinere, ut liberi efficiantur sapientes ac prudentes in suo genere & addiscant artes sibi necessarias, velut artem legendi ac scribendi, qua nemo facile carere potest nisi incommodo suo; non tamen eadem facilitate largiantur omnes, promiscue liberis omnibus insinuandam esse scientiam & artem inveniendi, immo non dubito fore haud paucos, quibus impossibile videbitur, ut hoc fiat. Enimvero hi erunt, qui non perpendunt diversitatem graduum, quos admittit non minus ars inveniendi, quam scientia, sive eam objective, sive subjective consideres, nec eundem gradum promiscue convenire omnibus: neminem vero esse hominum, cui omnis prorsus negetur. Id demum absurdum foret, si quis contenderet, ut quoad instillandas liberis virtutes intellectuales parentum omnium eadem sit cura ac idem studium.

§. 657.

Nemo hominum virtute ulla morali carere debet. Virtutes De virtutibus enim morales, qui habitus voluntatis ac noluntatis sunt (§. *bus morali-* 547. *part. 1. Jur. nat.*), sunt habitus actiones suas legi naturæ conjunctæ conformiter dirigendi (§. 321. *part. 1. Phil. pract. univ.*), gendis, & requirunt voluntatem constantem & perpetuam non committendi actiones, nisi quæ legi naturæ conformes sunt (§. 328. *part. 1. Phil. pract. univ.*). Quamobrem cum obligatio,

Mmm 2

quæ

quæ a lege naturæ venit, sit necessaria & immutabilis (§. 142. part. 1. Phil. pract. univ.); nemo quoque hominum virtute ulla morali carere debet.

Qui contendere veller, non omnes virtutes morales hominibus promiscue singulis necessarias esse; circa naturæ legem dispensandi facultatem sibi arrogaret, consequenter obligationem immutabilem in mutabilem convertere auderet: id quod in se absurdum. Virtutes non sunt sejungendæ, sed conjungendæ. Non dantur virtutes sibi invicem contrariæ, ut simul in eodem subiecto inesse non possint.

§. 658.

De virtutibus conjungendis.

Quoniam nemo hominum virtute ulla carere debet (§. 657.), parentes vero operam dare debent, ut liberi consequantur virtutes morales (§. 656.); *parentum omnino est virtutis omnis exercitium liberis reddere familiare.*

Alia est ratio virtutum moralium, quam intellectualium. Harum omnium non omnes sunt æque capaces, nec tanta est earum conjungendarum necessitas, quanta moralium. Non igitur necesse est, ut hic sigillatim enumerentur virtutes, ad quas liberi sunt adducendi, cum nullius studium sit negligendum.

§. 659.

De directione actionum liberorum.

Quamdiu liberi ignorant, quam actiones sint legi naturæ conformes, quamam vero eidem repugnant; quid facere debeant, quid non, jubere ac prohibere debent parentes, nec permittere, ut sine ipsorum jussu, vel ipsis insciis ac inconsultis quicquam faciant. Et enim parentum est virtutis omnis exercitium liberis reddere familiare (§. 658.), consequenter eos aptos efficere ad actiones suas juxta legem naturæ determinandum (§. 321. part. 1. Phil. pract. univ.). Quoniam vero exercitio comparantur

ratur habitus (§. 430. *Pfych. empir.*) & continuo usu confer-
vatur ac perficitur (§. 431. *Pfych. empir.*), exercitium vero in actu-
um specie vel genere eorundem iteratione consistit (§. 195.
Pfych. empir.); quamdiu liberi ignorant, quænam actiones
sint legi naturæ conformes, quænam vero eidem repu-
gnent; quid facere debeant, jubere, quid non facere, prohi-
bere debent parentes, cumque habitus amittatur & contrarius
acquiratur, editis continuo actionibus eidem contrariis (§. 433.
Pfych. empir.), consequenter habitus non acquiratur, actio-
num indentitate contrariis interrupta, nec permittendum est
a parentibus, ut sine ipsorum jussu vel ipsis insciis ac inconsul-
tis liberi quicquam faciant.

Pater hinc, quam necesse sit, ut liberi quasi continuo con-
stituantur sub oculis parentum, aut, ubi ipsimet per alia ne-
gotia actionibus eorundem non constanter attendere possunt,
sub eorum oculis, quibus hanc curam demandarunt.

§. 660.

Quoniam parentes jubere debent, quod liberi facere *De jure pa-*
debent, & prohibere, quod non facere, seu omittere de-*rentum in*
bent, nec iis permittendum, ut sine parentum consensu, aut *actiones*
ipsis insciis ac inconsultis faciant, quod libuerit, quamdiu *liberorum.*
ignorant, quid facere debeant, vel omittere (§. 659.);
parentibus competis jus determinandi actiones liberorum, quam-
diu ipsimet easdem juxta naturæ regem determinare non norunt
(§. 159. part. 1. *Phil. pract. univ.*), & liberi actiones suas compo-
nere tenentur ad voluntatem parentum.

Nascitur hoc jus ex obligatione liberos educandi, quæ te-
net parentes (§. 263.), quippe vi cujus aptos ex sese efficere
debent ad vivendum vitam hominis (§. 255.). Obligatio
liberos educandi cum a lege naturæ veniat (§. 263.), natu-
ralis est (§. 141. part. 1. *Phil. pract. univ.*). Quamobrem

jus in actiones liberorum parentibus tribuitur ab ipsa natura lege, immo cum Deus quoque parentes obliget ad educandum prolem suam (§. 266.), idem jus parentibus tributum intelligitur ab ipso Deo. Deus igitur & natura liberos subjecerunt parentibus, quamdiu ex sese apti non sunt ad vivendum vitam hominis. Dubium movere non debet, quod homines omnes natura liberi sint (§. 146. part. 1. Jur. nat.), consequenter nemini subiecti (§. 134. 135. part. 1. Jur. nat.). Neque enim liberi ante censendi actus homines, seu homines perfecti, quam ubi vitam hominis vivere possunt (not. §. 641. 645.). Quamdiu liberi ignorant, quid debeant facere, quid non facere, tamdiu quoque manent pars parentum, quorum intellectus & voluntas ipsis loco intellectus & voluntatis est (§. 641.). Natura igitur sibi minime contraria, quæ vult, homines esse liberos, seu alteri cuidam minime subiectos, liberos tamen ad certum tempus subijcit parentibus, nec sinit esse sui juris,

§. 661.

De regimine liberorum & Determinatio actionum liberorum dicitur *Regimen & liberorum* Jus eas determinandi *Potestas patria*, consequenter *regimen potestate patris* potestatis patria exercitium est. Quoniam itaque jus determinandi actiones liberorum utrique parenti competit (§. 660.); potestas patria non solum patri, verum etiam matri competit, seu utrique parenti communis est.

Apud Romanos potestas patria tantummodo competebat patri, minime autem matri: unde etiam a patre nomen accepit jus in liberos. Sed potestas, quæ patri tributa Jure Romano, naturalis non est, sed civilis, eaque Romanorum propria. Repugnat eadem non una ex patre Juri naturæ, nec ejus ratio hic habenda. Monuimus jam fontem illius potestatis esse obligationem educandi sobolem, quæ cum communis sit utriusque parentis, eandem quoque utrique communem facit (§. 660.), nec aliunde aliquod jus parentibus in liberos nasci

nasci potest (§. 23. *part. 1. Jur. nat.*). Istiusmodi autem potestatem, qualem Jus Romanum patri tribuerat, ex obligatione educandi sobolem deducere minime licet. Nee concipi aliqua in liberis potest obligatio, quippe quæ rationem sufficientem in essentia & natura illorum habere debebat, unde veniat istiusmodi potestas.

§. 662.

Potestas patria imperium est parentibus in liberis competens. Quale jus
Potestas enim patria est jus determinandi actiones libero-^{fit potestas}
rum (§. 661.). Quamobrem cum jus determinandi actio-^{patria.}
nes liberis alterius pro lubitu suo dicitur imperium (§. 194.); potestas patria imperium est, & quia etiam matri competit (§. 661.), imperium est parentibus in liberos competens.

Consultius ideo fuisset, potestatem patriam imperium parentum in liberos, vel *imperium parentale* dicere, sicuti Ovidio animæ parentum dicuntur umbræ parentales. Ast nolumus terminos novos introducere in disciplinas, ubi alii jam prostant. Sufficit itaque ostendisse, potestatem patriam naturalem (de hac enim sola nobis sermo est in Jure naturæ) non esse aliud jus, quam imperium.

§. 663.

Naturaliter parentibus jus aliud in liberos competere nequit, Quale jus
nisi in actiones eorundem. Per se patet, cum jus sit facultas ^{naturaliter}
moralis agendi (§. 156. *part. 1. Phil. pract. univ.*), nemini in ^{parentibus}
animam alterius jus quoddam competere posse; quippe quod ^{in liberos}
prorsus inutile foret, quia omni exercitio destitutum nul-
lum haberet effectum. Nemini hominum competit jus in ^{competere}
corpus suum, vel ullum ejus organon, nisi eodem utendi, ^{possit.}
quoties usum exigit obligatio quædam naturalis (§. 374.

376. *part. 1. Jur. nat.*). Quamobrem cum parentes vitam, sanitatem & integritatem omnium membrorum corporis liberorum suorum obligentur conservare (§. 639.), de ipsa substantia corporis disponere ipsis non licet: quoniam vero parentes facere debent, quæ ipsimet fecere debebant liberi, sed nondum possunt, quamdiu scilicet ipsi per se officiis erga se ipsum satisfacere nequeunt (§. 641.), jus quoque ipsis competere debet determinandi usum, or ganorum corporis, quem obligatio naturalis exigit. Enimvero usus iste consistit in actionibus liberis exterminis (§. 12. *part. 1. Phil. pract. univ.*). Quamobrem naturaliter parentibus jus aliud in liberos competere nequit nisi in actiones eorumdem.

Deus dominus hominis est quoad animam atque corpus (§. 379. *part. 1. Jur. nat.*). Qui itaque homini tribuere vellet jus, quale est dominium, in animam & corpus hominis cujusdam alterius, vel etiam in corpus suum; is jus Deo proprium in hominem transferre auderet, improbo sane ausu.

§. 664.

An præter imperium Quoniam naturaliter parentibus jus aliud in liberos competere nequit, nisi in actiones eorumdem (§. 663.), *jus aliud in* jus vero in actiones alterius imperium est (§. 199.); *liberos com-* naturaliter parentibus jus aliud in liberos competere nequit, nisi *petat. imperium.*

Patria itaque potestas ultra limites, quos lex naturæ eidem constituit, extensa olim a Romanis, qui liberos constituerunt in dominio parentum, ut a servis parum differrent. Ex qua erronea notione multa alia deduxerunt jura particularia, quorum reliquæ nonnullæ ex Jure Romano hodiernum apud nos supersunt.

§. 665.

§. 665.

Liberi subiecti sunt parentibus. Etenim parentibus com-
petit imperium in liberos (§. 661. 662.). Quoniam ita-
que alteri quis subiectus est, qui imperium in eum habet (§. 201.); liberi parentibus subiecti sunt.

Subiectio nimirum liberorum in eo consistit, quod pati te-
neantur, ut voluntate parentum determinentur ipsorum actio-
nes, quasi propria voluntate destituti essent. Toti in agendo
dependent a voluntate parentum (§. 209.). Definiri itaque
potest *subiectio liberorum* per dependentiam eorundem a vo-
luntate parentum in agendo.

§. 666.

Quoniam liberi subiecti sunt parentibus (§. 665.),
subiectus vero imperanti parere, seu obedire obligatur (§. 206.); *liberi parentibus parere, seu obedire tenentur*, conse-
quenter cum alteri obediat, qui actiones suas ad volunta-
tem ipsius componit, faciendo scilicet, quod fieri vult alter,
& non faciendo, quod fieri non vult (§. 205.), *liberi actio-
nes suas ad voluntatem parentum componere debent, facere nimi-
rum, quod iubent parentes, non facere, quod prohibent.*

Obedientia limites suos recipit ab imperio parentum. Quam-
late patet imperium parentum, ad tantam quoque latitudinem
extenditur obedientia liberorum. Patebit autem ex sequenti-
bus, imperium parentum limitari ipsa lege naturæ, & ex eo
metienda obedientia liberorum.

§. 667.

Similiter quia subiectus inobediens esse non debet (§. 208.), liberi autem parentibus subiecti sunt (§. 665.); *liberi
inobedientes non esse debent*, consequenter cum inobediens sit,
qui actiones suas non vult componere ad voluntatem alterius
(*Wolffii Jur. nat. Pars VII.*) Nnn (§. 207.)

(§. 207.), non licet liberis actiones suas componere ad propriam potius, vel tertii cujusdam voluntatem, quam ad voluntatem parentum, faciendo scilicet non quod parentes volunt, sed vel ipsimet facere malunt, aut ut faciant, tertius quidam ipsis suadet, vel etiam faciendo, quod parentes nolunt, vel quia ipsis lubet, vel quia alii volunt, ut faciant.

Hinc liberi non excusantur, si quid fecerint suasu vel jussu alterius cujusdam, parentibus vel invitis, vel insciis saltem ac inconsultis. Obedire enim debent parentibus, non aliis (§. 666.).

§. 668.

De obligatione parentum quoad obedientiam liberorum.

Quoniam liberi parentibus obedire debent (§. 666.), non aliis (§. 667.), parentum vero est virtutis cujuslibet exercitium reddere liberis familiare (§. 658.); parentes quoque obligantur liberos efficere obedientes, nec permittere, ut obediant aliis, ipsis insciis ac inconsultis, aut prorsus invitis.

Parentes haud raro ipsimet in culpa sunt, ut liberi fiant inobedientes. Circumspectio nimirum haud exigua requiritur, ne inobedientiam inopinanter contrahant liberi qua igitur utendum sit, in Philosophia morali inquirendum.

§. 669.

De jure obligandi liberos ad obedientiam praestandam.

Parentibus competit jus obligandi liberos ad actiones suas sic & non aliter determinandas. Etenim parentibus competit imperium in liberos (§. 662.). Enimvero imperium involvit jus obligandi alterum ad actiones suas sic & non aliter determinandas (§. 197.). Parentibus igitur competit jus obligandi liberos ad actiones suas sic & non aliter determinandas.

Vide, quæ supra annotavimus (not. §. 197.).

§. 670.

Parentibus competit jus liberos puniendi, si actiones suas ad nutum ipsorum componere nolint, & præmiis invitandi ad agendum. Parentibus enim competit imperium in liberos (§. eos præmiis 662.). Qui vero imperium in alterum habet, ei competit invitandi jus puniendi eum, qui actiones suas ad nutum ipsius componere non vult, & sibi subiectum invitandi præmiis ad agendum (§. 198.). Ergo etiam parentibus competit jus liberos puniendi, si actiones suas ad nutum ipsorum componere nolint, & præmiis eos invitandi ad agendum.

Ostenditur etiam idem hoc modo. Parentibus competit jus obligandi liberos ad actiones suas sic & non aliter determinandas (§. 669.). Enimvero positiva obligatio, qualis est parentum (§. 290. part. 1. Phil. pract. univ.), aliter introduci nequit, quam pœnarum metu, aut spe præmiorum (§. 301. part. 1. Phil. pract. univ.). Ergo parentibus competit jus liberos puniendi, si actiones suas ad nutum ipsorum componere nolint, & præmiis invitandi ad agendum.

Cum duplex detur obligandi modus, unus, qui consistit in pœnis irrogandis, alter, qui consistit in præmiis persolvendis; facile intelligitur, non sine ratione ex duobus unum esse eligendum. Quamobrem ulterius inquirendum, qua lege regatur electio.

§. 671.

Metu pœnarum obligantur liberi ad inobedientiam vitandam & obedientiam non abjiciendam; spe autem præmiorum obligantur ad obedientiam præstandam. Quoniam enim pœna est malum physicum, quod immittitur liberis a parentibus, si faciant, quod ipsi nolunt, vel non faciant, quod volunt (§. 285. part. 1. Phil. pract. univ.); metu pœnarum deter-

rerī debent liberi, ne faciant, quod parentes nolunt, vel ne facere negligant, quod volunt, consequenter eodem impediri debet, ne actiones suas ad voluntatem parentum componere detrectent. Quamobrem cum inobedientes sint, si actiones suas ad voluntatem parentum componere nolint (§. 207.), obedientes vero, si componant (§. 205.) inobedientiam vero vitent, si faciant, quod volunt parentes, etsi non facere mallerent, aut non faciant, quod nolunt parentes, etsi facere mallerent, aut obedientiam non abjiciant, si faciant, quod parentes volunt, quia volunt, & non faciant, quod iidem nolunt, quia nolunt, voluntatem suam & noluntatem voluntati ac noluntati parentum conformando; metu poenarum obligantur liberi ad inobedientiam vitandam & obedientiam non abjiciendam. *Quod erat unum.*

Quoniam præmiū est bonum, quod a parentibus confertur in liberos, si faciant, quod ipsi volunt, vel non faciant, quod iidem nolunt (§. 29 §. part. 1. *Phil. pract. univ.*), liberi autem obedientes sunt, si faciant, quod ipsi volunt, vel non faciant, quod nolunt (§. 205.), & voluntas eorundem repræsentatione boni determinatur ad faciendum, quod volunt parentes, vel non faciendum, quod ipsi nolunt (§. 904. *Psych. empir.*); spe præmiorum liberi obligantur ad obedientiam præstandam. *Quod erat alterum.*

Parent hinc, qua lege nitatur electio modi obligandi liberos. Si qui enim ad inobedientiam proni sint, metu poenarum obligandi sunt, ut illam vitent, nec abjiciant obedientiam: quodsi vero ad obedientiam jam propendeat animus, ad eandem præstandam spe præmiorum facilius adducuntur. Notandum tamen, pronitatem ad inobedientiam & propensionem ad obedientiam in eodem subiecto variare pro diverso actionum genere, ut in quibusdam facilius, in aliis difficilius

ius obtemperent liberi pro diversitate dispositionum & inclinationum naturalium: quæ ipsa etiam in causa est, ut non eadem pœnæ; nec eadem præmia convenient omnibus. Multa igitur circumspectione opus est, ut prudenter fiat modi obligandi electio: alias enim aut inefficax erit obligatio, aut prorsus nocua evadet. Sed de his dicere Philosophi est in philosophia morali.

§. 672.

Parentes liberis imperare nequeunt, quæ juri naturæ repugnant, seu non debent præcipere, quæ lege naturæ prohibentur, nec parentes liberos imperare nequeunt, quæ eadem lege præcipiuntur. Etenim obligatio naturalis, quæ a lege naturæ venit, immutabilis & necessaria est (§. 142. part. 1. Jur. nat.). Quamobrem nec parentibus in ea quicquam immutare licet, consequenter nec liberos præcipere, quæ lege naturæ prohibentur, nec prohibere, quæ eadem præcipiuntur.

Offenditur etiam hoc modo: Parentum est virtutis exercitium liberis reddere familiare (§. 658.), consequenter eos aptos efficere ad actiones suas juxta legem naturæ determinandum (§. 321. part. 1. Phil. pract. univ.). Quamobrem iisdem præcipere non debent, quæ jure naturæ prohibentur; nec prohibere, quæ eadem præcipiuntur.

Parentibus equidem competit jus determinandi actiones liberorum, quamdiu ipsi easdem juxta naturæ legem determinare nequeunt (§. 660.); non tamen a voluntate eorum dependet, quomodo easdem determinare velint. Lex naturæ norma est, juxta quam tam actiones proprias, quam liberorum determinare debent. Qui aliter faciunt, peccant & ad peccandum liberos seducunt (§. 440. part. 1. Phil. pract. univ.), quos ab iisdem avocare debebant.

§. 673.

Quando liberi parentibus legi naturæ adversa præcipientibus liberi obedire non tenentur. Quoniam lex naturæ rationem sufficientem habet in ipsa natura & essentia humana (§. 135. part. 1. Phil. pract. univ.); non minus liberi, quam parentes obligantur ea facere, quæ lege naturæ præcipiuntur, & non facere, quæ eadem prohibentur. Et quoniam obligatio, quæ ab ista lege venit, necessaria & immutabilis est (§. 142. part. 1. Phil. pract. univ.); si parentes præcipient, quæ legi naturæ adversantur, ea facere non debent, consequenter legi naturæ adversa præcipientibus obedire non tenentur (§. 205.).

Peccant parentes, si liberis præcipiunt legi naturæ adversa, veluti ut faciant, quæ lex naturæ prohibet, vel ut non faciant, quæ præcipit (§. 672. b. & §. 440. part. 1. Phil. pract. univ.). Multo magis itaque peccant, si obedire nolentes puniant, vel poenarum metu eos obligent ad committendum quidpiam, quod legi naturæ repugnet. Facile autem apparet, si liberi obedire non debeant, supponendam esse in iis legis naturæ notitiam: alias enim de eo, quod parentes præcipiunt, vel prohibent, iudicium ferre nequeunt.

§. 674.

Quando liberi parentibus legi naturæ adversa præcipientibus obedire non tenentur. Si liberi parentibus legi naturæ adversa præcipientibus obedire non tenentur, quamdiu nondum fieri potest, ut ipsi de convenientia actionum cum lege naturæ, aut disconvenientia iudicent; id ipsis imputari nequit. Etenim si fieri nondum possit, ut liberi ipsi de convenientia actionum cum lege naturæ, aut disconvenientia iudicent, ignorantia eorum invincibilis est (§. 28. part. 1. Phil. pract. univ.). Quamobrem cum ignorantia invincibilis (§. 350. part. 1. Phil. pract. univ.), consequenter actio ex eadem profecta nemini imputari possit; nec liberis imputari potest, quod parentibus legi naturæ adversa

versa præcipientibus obediant, quamdiu fieri nondum potest, ut ipsimet de convenientia actionum eum lege naturæ, aut disconvenientia judicent.

Nimirum quamdiu liberi per se de actionum moralitate iudicium ferre nequeunt, parentum iudicium ac inde dependens voluntas eorum est loco intellectus ac voluntatis liberorum, quamdiu censentur pars parentum (not. §. 660.). Actiones igitur liberorum spectantur in hoc statu tanquam actiones parentum, nec liberi aliter se habent, quam instrumentum, quod per se non agit. Quamobrem actiones liberorum imputandæ sunt parentibus, non liberis, quemadmodum homicidium non imputatur gladio, sed homicidæ gladio abutenti ad occidendum alterum. An vero ignorantia liberorum sit invincibilis, non ex annorum numero, sed ex educationis circumstantiis dijudicandum. Miseranda est fors liberorum, qui ob pravam educationem ignorantia eorum laborant, quæ per ætatem nosse poterant.

§. 675.

Quamdiu liberi ignorant, quomodo actiones suas juxta naturæ legem determinare debeant; actiones eorum sunt in dominio jus parentum. Etenim quamdiu liberi ignorant, quomodo iuxta actiones suas juxta naturæ legem determinare debeant, paros assimilentibus competit jus eas determinandi, & liberi actiones iuxta naturæ legem suas ad voluntatem parentum componere tenentur (§. 660.). Actiones igitur liberorum spectantur tanquam res, de quibus jure sibi proprio parentes disponere possunt pro lubitu suo. Quamobrem cum res, de quibus quis jure sibi proprio disponere potest pro lubitu suo, sint in dominio ipsius (§. 118. part. 2. Jur. nat.); actiones liberorum sunt in dominio parentum, quamdiu liberi ignorant, quomodo eas juxta naturæ legem determinare debeant.

Vidi-

Vidimus in superioribus (not. §. 664.), veteres constituisse liberos in dominio parentum, quod facile caperent, ipsos de actionibus liberorum pro lubitu suo disponere posse, quemadmodum disponunt de actionibus jumentorum, quæ sunt in dominio ipsorum. Non abs re itaque fuit ostendere, quatenus jus parentum in liberos, quod imperium esse demonstravimus (§. 662.), assimiletur dominio, ne id ultra limites in præjudicium veritatis extendatur. Ersi autem actiones liberorum sint in dominio parentum, non tamen contra legem naturæ eas determinare licet. Quemadmodum enim abusus dominii lege naturali in genere prohibitus (§. 170. part. 2. Jur. nat.); ita nec parentibus abuti licet dominio, in quo sunt actiones liberorum suorum, quippe cujus exercitium restringitur ad legem naturæ tanquam normam (§. 672.). Libertas in nullo actionum humanarum genere tollit obligationem naturalem (§. 159. part. 1. Jur. nat.), quamobrem nec ea tollitur quoad educationem liberorum, dum actiones eorundem subjiiciuntur voluntati parentum.

§. 676.

Quo tempore actiones liberorum sint in dominio parentum.

Quoniam actiones liberorum tamdiu sunt in dominio parentum, quamdiu ipsimet ignorant, quomodo eas juxta naturæ legem determinare debeant (§. 675.), in infantia autem & pueritia usu facultatum superiorum destituuntur liberi (§. 644.), consequenter ignorant, quid fieri, aut non fieri debeat, & in adolescentia iudicium ipsorum adhuc imbecille est (§. cit.), ut facile a vero aberraret: *in infantia & pueritia actiones liberorum omnes sunt in dominio parentum, nec in adolescentia prorsus eodem eximuntur, sed parentes diligenter attendere debent animum ad actiones liberorum, ne quid faciant, quod rectum non est; nec a recto tramite ad avia deflectant.*

Nimirum actiones duplices sunt, aut tales, quas liberi juxta voluntatem parentum jam alias sic & non aliter determinarunt aut tales, quas antea nondum patrarunt. In iis sequuntur volun-

voluntatem parentum jam antea ipsis cognitam atque perspectam, parentum vero est sedulo attendere, ne contraria ratione easdem determinent, ac degeneres fiant: in his consilio parentum adhuc opus habent, consequenter ipsis in consultis facere non debent, quod propter iudicii imbecillitatem dijudicare nondum satis valent. *Aristoteles* tempus imperfecti iudicii, vel deficientis vis electricis appellat, in quo liberi nondum discernere valent ea, quæ ipsis utilia sunt, ab iis, quæ noxia sunt, consequenter nondum norunt, quodnam eligere debeant. Libertas voluntatis cum consistat in hac electione (§. 941. *Psyeb. empir.*), tempore isto nondum norunt libertate voluntatis uti, consequenter necesse est, ut ea regatur ab aliis, nimirum a parentibus, quibus hæc cura lege naturæ demandatur (§. 660.).

§. 677.

Parentes liberis ferre possunt leges. Et enim parentibus *De potestate* competit jus actiones liberorum determinandi, quamdiu *legislatura* ipsi met easdem juxta legem naturæ determinare nesciunt & *parentum.* liberi actiones suas ad voluntatem parentum componere tenentur (§. 660.), consequenter ipsis præscribere possunt regulas, juxta quas actiones suas determinare tenentur. Iidem vero liberos etiam obligare possunt ad actiones suas sic & non aliter determinandum (§. 669.), consequenter juxta regulas, quas iisdem præscribunt. Quamobrem cum regula, juxta quam actiones nostras determinare obligamur lex sit (§. 131. *part. 1. Phil. pract. univ.*); parentes liberis ferre possunt leges.

Leges quas parentes ferunt liberis, positivæ sunt (§. 149. *part. 1. Phil. pract. univ.*). Non tamen ideo excipere licet, istiusmodi legibus non esse opus, quia parentes liberorum actiones juxta legem naturæ determinare, nec eidem adversa imperare debent (§. 660. 672.). Et enim leges naturæ abeunt in leges
(*Wolffii Jur. Nat. Pars VII.*) O o o posi-

positivas, quando ad eas obligatio positiva accedit (§. 149. part. 1. *Phil. pract. univ.*), pœnz enim, quas parentes decernunt, vel etiam prœmia, quorum spe flectunt voluntatem liberorum ad agendum legi naturæ conformiter (§. 671.), juris naturalis non sunt, cum utraque voluntate parentum definiatur.

§. 678.

*Leges paternæ
na quam
sunt.*

Leges, quas parentes ferunt liberis suis, dicuntur *Leges paternæ*: quodsi patre mortuo ferantur a matre, *maternæ* quoque appellari possunt.

Leges paternas veras esse leges, ex demonstratione propositionis præcedentis liquet. Quodsi enim hoc concedere velles, negandus foret canon Logicorum: cui competit definitio, eidem etiam competit definitum (§. 349. *Log.*), fundamentale rectæ ratiocinationis principium: quod quam sit absurdum, nemo non vider. Potestas legislatória continetur sub imperio, quod parentes in liberos habent (§. 662.), & in societate paternæ locum habet, quemadmodum in omni societate reliqua (§. 46.). In societate paternæ parentes sunt superiores, liberi inferiores, ut leges parentum non minus sint iussus superioris inferiori promulgatus ipsumque obligans, quam leges civiles in civitate, quemadmodum vulgo hæc defini solent.

§. 679.

*A quonam
ferenda.*

Leges paternæ ferri debent mutuo parentum consensu. Etenim potestas patriæ utrique parenti communis est (§. 661.). Quamobrem cum ea sit imperium (§. 662.), consequenter jus determinandi liberas actiones liberorum pro libitu suo (§. 194.), lex autem paternæ regula est, juxta quas liberi actiones suas determinare obligantur (§. 131. part. 1. *Phil. pract. univ.* & §. 678. b.); leges paternæ ferri debent mutuo parentum consensu.

Natura.

Naturaliter hæc ita obtinent, nisi per pactum five expressum, five tacitum jus quoddam potius ab uxore in maritum fuit translatum. Quodsi parentes satisfaciant officio suo, haud difficilis erit consensus, cum lex paternâ naturæ legi immutabili repugnare non debeat. Sed cum non adeo facile sit in educandis liberis ex assè satisfacere officio suo; haud raro etiam imperia parentum inter se contendunt.

§. 680.

Si parentum imperia inter se contendunt, & uxor subiecta sit viro, patris imperium præferendum. Quando ini-
casu collisio-
 sit viro, huic in illam imperium competit (§. 491.), con-
nis patris
 sequenter uxor actiones suas ad voluntatem mariti compo-
imperium
 nere tenetur (§. 492.), & maritus eam punire valet, si præferen-
dum.
 componere nolit (§. 494.). Quodsi ergo parentum impe-
 ria inter se contendant, & uxor subiecta sit viro; patris im-
 perium utique præferendum.

Imperium a marito in uxorem pacto acquiri posse, supra ostendimus. Pacto autem æquivalere mores, pervulgatum est. Quando igitur uxor tenetur sequi voluntatem mariti, cui subiecta est; sequi etiam debet eandem, cum legem præscribit liberorum educationi, consequenter si imperia, inter se con-
 tendant, patris imperium utique præferendum.

§. 681.

Si parentum imperia inter se contendant, naturaliter ea te-
Suid na-
menda sunt, quæ de paritate votorum demonstrata sunt. Osten-
suraliter
 ditur eodem prorsus modo, quo idem de dissensu conjugum
valent.
 in rebus ad societatem conjugalem spectantibus demonstra-
 vimus (§. 482.).

Immo idem inde deducitur sequentem in modum. Quoniam educatio sobolis pertinet ad societatem conjugalem (§. 270.), quando leges ferendæ sunt liberis, conju-

ges statuere debent de rebus ad societatem conjugalem spectantibus. Enimvero si de rebus ad societatem conjugalem spectantibus conjuges inter se dissentiunt, ea tenenda sunt, quæ de prioritate votorum demonstrata sunt (§. 482.). Ergo eadem quoque tenenda sunt, si leges liberis ferendæ, consequenter si ipsi quædam imperanda, parentum vero imperia inter se contendunt.

Quoniam educatio sobolis non minus ad societatem conjugalem (§. 270.), quam paternam spectat (§. 633.); quæ ad educationem pertinent, tam ad societatem conjugalem, quam paternam referri possunt, diverso licet respectu. Quando conjuges deliberant de rebus ad educationem spectantibus, cum tum satisfacere velint officio conjugum, nimirum ut conjunctis viribus consulant proli suæ; deliberatio ista ad societatem conjugalem spectat. Deliberant enim quæ conjuges, quorum est educare prolem: tum nimirum ipsis non est negotium cum liberis, sed negotium conjugum cum conjuge, etsi agatur de eo, quod liberos respicit.

§. 682.

Quomodo Si, quando imperia parentum inter se contendunt, imperium imperii præ patris præferri debeat, vel in certis rebus patris, in certis autem valentia ac matris; id speciali pacto definiendum & ut pacto definiatur conquiratur. *sultum est.* Ostenditur eodem prorsus modo, quo supra ostendimus, pacto definiendum esse, cuinam votum decisivum competere debeat, si vota conjugum inter se contendunt, & consultum esse, ut definiatur (§. 483.).

Parentum jus in liberos æquale est: neque enim datur ratio naturalis, cur & quando patris vel matris, imperium sit præferendum. Qui enim affirmant, ob præstantiam sexus patris imperium præferendum esse, non dicunt, quod intelligi possit, consequenter pro ratione sufficiente haberi (§. 56. *Onol.*), cum distincta notione non explicant, in quonam præstantia sexus

sexus consistat, & quomodo inde sequatur, patris imperium semper esse præferendum. Quodsi dicas, cum lege naturali obligemur ad id, quod melius est, alteri præferendum (§. 192. part. 1. *Phil. pract. univ.*); standum esse sententiæ ejus, qui meliora imperat; facile patet, hoc modo negotium exitum habere non posse, prouti supra ostendimus, vota meliora concludere non posse (§. 76.). Quamobrem aliunde prærogativa imperii nasci nequit, quam ex pacto, siquæ expresso, siue tacito. Vide, quæ supra annotavimus (not. 483.).

§. 683.

Pater pati non tenetur, ut mater, nec mater, ut pater imperet, De jure non qua legi naturæ manifesto repugnant, vel in educanda prole faciat, patiendi, ut quæ eidem manifesto adversantur. Etenim parentes liberis imperare non debent, quæ juri naturæ repugnant (§. 672.), nec conjux unus naturaliter pati tenetur, quæ educationi sobolis adversant legi naturæ ad-
adversantur (§. 486.). Quodsi ergo mater imperet, quæ legi naturæ manifesto repugnant, vel in educanda prole faciat, quæ eidem manifesto adversantur, hoc pati non tenetur pater, & vicissim mater pati non tenetur, ut pater tale quid imperet, vel faciat.

Esse multa, quorum repugnantia cum Jure naturæ adeo manifesta est, ut in dubium revocari non possit, nemo negaverit. In evidentibus non opus est Judice, qui dirimat sententias oppositas. Atque in hoc casu illicita imperanti aut liberis permittenti resistendum, prouti in talibus & liberi obedire recte recusant (§. 673.). Ita pater pati non debet, ut mater filiz permittat fornicationem, vel consuetudinem cum juvenibus, quæ stupro facile occasionem dar: nec mater pati ex adverso debet, ut pater quæstus causa filiam prostituat, vel filium ad defraudandum alios aut conviciandum seducat, aut ebrietatem & otium filii ferat. Quamvis itaque ita fuerit conventum, ut educationi filiarum præsit mater, educationi autem filiorum pater; hoc tamen non obstante pater attendere de-

bet, num maior, & mater vicissim, num pater officio suo rite fungatur: obligatio enim naturalis, quæ tenet utrumque parentem (§. 63.), ob immutabilitatem suam ac indisponibilitatem necessitatem (§. 142. *part. 1. Phil. pract. univ.*) non permittit, ut pater omnem curam educationis filiarum, aut mater omnem curam educationis filiorum prorsus abjiciat.

§. 684.

Quando parentes liberi ob inobedientiam punire nequeant.

Parentibus illicita imperantibus jus non est puniendi liberos, si obedire noluerint. Etenim parentes liberis imperare non debent, quæ juri naturæ repugnant (§. 672.), & eidem adversa imperantibus liberi obedire non tenentur (§. 673.). Quamobrem cum metu pœnarum obligandi sint liberi ad obedientiam non abjiciendam (§. 671.), lex autem naturæ non det jus nisi ad eâ, sine quibus obligationi naturali satisfieri nequit (§. 159. *part. 1. Phil. Pract. univ.* & §. 23. *part. 1. Jur. nat.*); parentibus illicita imperantibus jus non est puniendi liberos, si obedire noluerint.

Malum, quo liberi afficiuntur a parentibus illicita imperantibus ob inobedientiam, proprie loquendo pœna non est, sed vi illicitæ attribuendum. Quamobrem parentes in hoc casu duplici modo peccant, nimirum primo, quod illicita imperent, deinde quod liberos punire audeant, quod obligationi suæ satisfaciant.

§. 685.

Pœna capitales & crudeles quænam sint.

Pœna capitales dicuntur, quibus vita adimitur: crudeles, appellantur, quibus damnum datur corpori aut sanitati, vel cruciatiu horrendo afficitur corpus.

Pœnæ crudeles ex accidente fieri possunt capitales, quatenus nimio cruciatiu perire quis potest, vel ex damno corpori dato sequitur morbus functus.

§. 686.

§. 686.

Parentibus permissum non est liberos pœna capitali afficere, An eadem vel pœnis crudelibus. Etenim parentes metu pœnarum obligare debent liberos ad inobedientiam vitandam & obedientiam non abjiciendam (§. 671.), consequenter non alio sine puniuntur, quam ut in posterum non denuo faciant, quod fecerant, vel ut posthac faciant, quod non fecerant (§. 205.). Quoniam igitur pœna capitalis, qua liberis vita adimitur (§. 685.), effectum hunc habere nequit, quod per se patet; nec parentibus permissum esse potest pœna capitali afficere liberos. *Quod erat unum.*

Enimvero parentum est conservare sanitatem & integritatem omnium membrorum corporis liberorum (§. 639.). Quamobrem pœnæ, quibus ad obedientiam præstandam obligari debent (§. 671.), extendi nequeunt ad damnum corpori aut sanitati liberorum inferendum. Et quoniam in puniendo modum excedere non licet (§. 1066. *part. 1. Jur. nat.*), consequenter pœnæ graviori locus non est, ubi levior sufficiebat (§. *cit.*), experientia autem constat, ut liberi obligentur ad obedientiam non abjiciendam & inobedientiam vitandam, horrendis non opus esse cruciatibus, sed sufficere dolores moderatos, præsertim nisi culpa parentum mores ipsorum fuerint corrupti: nec parentibus licet pœnas, quibus liberos afficiunt, ad horrendos cruciatus extendere. Quoniam itaque pœnæ crudeles sunt, quibus damnum datur corpori, aut sanitati, vel cruciatur horrendo afficitur corpus (§. 685.); nec parentibus permissum est pœnis crudelibus afficere liberos. *Quod erat alterum.*

Pœnæ liberorum emendatrices sunt, consequenter non ad perdendum liberos tendunt. Quod si tempestive adhibeantur, antequam liberi reddantur inobedientes; leniores plerumque sufficiunt,

sufficiunt, præsertim si ad veram boni ac mali cognitionem perducantur, quamprimum usus rationis sese exerit. Absurdum est scire in liberos, quos negligentia & indulgentia tua corrupisti. Immo si liberi nimis duriter tractentur, crudelitas magis nocet, quam prodest. Sufficit jam provocare ad experientiam. Accuratus vero talia discutienda sunt in philosophia morali. Quoniam vero pœnæ leniores sufficiunt ad educationem liberorum; ideo vulgo *castigationes paternæ* appellari solent, ut a pœnis civilibus ipso nomine separentur, quibus in civitate animadvertitur in maleficos.

§. 687.

*De pœnæ
remissione.*

Si emendationis spes sit absque pœnæ executione, ea remittenda. Pœna enim non alio fine infligitur, quam emendationis causa, ne scilicet qui fuerant inobedientes posthac obedientiam denuo abjiciant (§. 671.). Quoniam voluntas non potest cogi (§. 927. *Psych. empir.*), quando pœna infligitur, nonnisi emendationis spes concipi potest (§. 799. *Psych. empir.*). Quodsi igitur emendationis spes jam adsit absque pœnæ executione, non opus est, ut, qui puniri poterat licite, vel debebat, actu puniatur, consequenter cum pœna remittatur, quando non punitur, qui licite puniri poterat (§. 1089. *part. 1. Jur. nat.*), pœna remittenda.

Spes emendationis nunquam adeo certa esse potest, ut fallere nequeat, & quæ aliunde concipitur haud raro major est, quam quæ a pœna inflicta derivatur. Immo remissio pœnæ subinde plus prodest, quam pœnæ executio. Sed hæc ad prudentiam in educatione adhibendam pertinent, in quam inquirendum in Philosophia morali. In Jure naturæ docetur, quid sit licitum; quomodo vero jure recte utendum, in Philosophia morali doceri debet.

§. 688.

Quoniam poenæ mitigatio æquipollet remissioni partis ejusdem (§. 1099. part. 1. Jur. nat.), ac ideo rationes poenæ mitigandi eadem sunt, quæ poenam remittendi (§. 1100. part. 1. Jur. nat.), poena autem remittenda, si emendationis spes sit absque poenæ executione (§. 687.); poena etiam mitiganda, consequenter leviore, quam qua decreta fuerat, locus fieri debet (§. 1090. part. 1. Jur. nat.), si spes emendationis ex poena leviore insitula, addita comminatione majoris, concipi potest.

Praxis in poena mitiganda subest prudentiæ, quam modo diximus (not. §. 687.). Imprudentia plurimum nocet in educatione, immo subinde magis nocet, quam negligentia.

§. 689.

Quamprimum liberi ad usum rationis perveniunt, parentes eisdem scientiam boni & mali legumque naturalium, quantum sufficit, instillare debent, eosque perducere ad eam cognitionem, qua ad bona vera ab apparentibus, mala item vera ab apparentibus discernenda sufficit. Parentes enim operam dare debent, ut liberi consequantur omnes virtutes morales (§. 655.), consequenter voluntatem constantem & perpetuam non committendi actiones, nisi quæ legi naturæ conformes sunt (§. 328. part. 1. Phil. pract. univ.) & quidem ob earundem bonitatem intrinsecam, quemadmodum ex adverso voluntatem constantem ac perpetuam non committendi actiones legi naturæ diffformes ob earundem malitiam intrinsecam (§. 336. part. 1. Phil. pract. univ.). Quoniam itaque metu poenarum ac spe præmii positivi voluntas non emendatur, sed tantummodo actio externa legi naturæ conformis efficitur (§. 347. part. 1. Phil. pract. univ.), nec recta actio est, quæ (Wulffii Jur. Nat. Pars V. tit. 11. §. 11.)

Ppp

Item lex naturæ exigit (§. 189. *part. 1. Phil. pract. univ.*); quæ metu poenarum extorquetur, vel spe præmii tantummodo elicitur (§. 349. *part. 1. Phil. pract. univ.*); necesse omnino est; ut parentes, quamprimum liberi ad usum rationis perveniunt, iisdem scientiam boni & mali legumque naturalium, quantum sufficit, instillent eosque perducant ad eam cognitionem, quæ ad bona vera ab apparentibus, mala itidem vera ab apparentibus discernenda sufficit, ne scilicet tanquam bonum appetat, quod malum, aut tanquam malum avertentur quod bonum est (§. 894. *Psych. empir.*).

Emendatio voluntatis liberorum parentibus quam maxime curæ esse debet. Ut voluntas emendetur, antequam ad usum rationis perveniant, prorsus impossibile est. Quamdiu igitur is abest, nonnisi præcaveri potest, ne appetitus sensitivus liberorum exorbitet, & ne consuetudinem male agendi contrahant, ac curandum, ut potius consuetudinem bene agendi contrahant, atque ideo posthac virtus sese ipsis facilius commendat, ac odium vitiorum inspirari queat. Huc vero requiritur, ut non modo norint, quid bonum sit, quid malum, verum etiam ut intelligant, cur bonum, vel malum sit, consequenter ut ipsis manifesta sit ratio, cur quid revera bonum sit, aliud vero nonnisi speciem boni præ se ferat, & cur quid revera malum sit, aliud vero nonnisi speciem mali præ se ferat. Diximus supra (*not. §. 652.*), principium rationis sufficientis a teneris unguiculis liberis inculcandum. Id maxime observandum est quoad ea, quæ imperantur, rationem ipsis indicando, cur hoc sit malum, ac ideo omittendum, & cur istud sit bonum, ac propterea committendum: alias sane fieri nequit, ut peccare oderint virtutis amore, atque odio vitii, & cum gaudio faciant, quod legi naturæ convenit, consequenter virtutis est, sique revera efficiantur virtuosus (§. 348. 368. *part. 1. Phil. pract. univ.*). Tristia exempla quotidie loquuntur, quantum a scopo aberrant, qui poenarum metu ac præmiorum

minorum spe adolescentes ad virtutem perducere student, aut cæca obedientia consuetudinem bene agendi introducunt, quam perperam cum virtute confundunt.

§. 690.

Parentes obligantur liberis exempla bona præbere, mala autem non prodere. Etenim aliis exempla bona præbere, mala *plis paren-* autem non prodere obligamur (§. 930. *part. 1. Jur. nat.*). *sum.* Quamobrem cum parentes liberos ad virtutes intellectuales ac morales perducere debeant (§. 655.), exemplis autem bonis eadem doceantur & alii ad easdem incitentur, pravis contra alii doceantur vitia & ad easdem incitentur (§. 929. *part. 1. Jur. nat.*); parentes multo magis obligantur liberis exempla bona præbere, mala autem non prodere.

Ostenditur quoque hoc modo. Constat pueros, hoc est liberos, quamdiu usu rationis destituuntur, seu ipsimet bonum a malo discernere nondum valent, imitari alios, consequenter ea facere, quæ facere vident alios (§. 204. *part. 2. Phil. præd. univ.*). Quamobrem cum parentes liberos ad virtutes morales perducere debeant (§. 605.), consequenter curæ habere, ut iidem actiones suas ad legem naturæ componant; necesse omnino est, ut ipsorum quoque actiones, quas vident liberi, sint legi naturæ conformes, minime autem eidem contrariæ. Exempla igitur bona liberis suis præbere, mala vero non prodere obligantur (§. 929. *part. 1. Jur. nat.*).

Duplex parentum obligatio est ad exempla bona liberis præbenda, mala vero non prodenda, altera universalis, quæ omnes homines tenet, altera particularis, quæ parentum propria. Illa fluit ex obligatione generali aliorum animam, quantum datur, perficiendi, & omnem imperfectionem ab eadem arcendi (§. 609. *part. 1. Jur. nat.*); hæc vero ex obligatione

particulari sobolem suam educandi (§. 255. 263.): Quoniam utraque immutabilis (§. 142. *part. 1. Phil. pract. univ.*), particularis universalem non tollit, sed fortiozem efficit. Ac ideo mali exempli parentum turpitudine intrinseca major est, quam mali exempli aliorum.

§. 691.

De jure liberorum respectu illorum.

Quoniam parentes obligantur liberis exempla bona præbere, mala autem non prodere (§. 690), ex obligatione autem, qua parentes liberis devincti sunt, iisdem nascitur jus aliquod (§. 23. *part. 1. Jur. nat.*), vi tamen libertatis naturalis conscientiae parentum relinquendum, quid faciant (§. 157. *part. 1. Jur. nat.*), liberi vero obligantur ad exemplum malum parentum non sequendum (§. 931. *part. 1. Jur. nat.*); *liberis naturaliter competit jus a parentibus postulandi, ne ipsis exemplum malum, sed bonum præbeant.*

Vide, quæ alias annotavimus (*not. §. 923. part. 1. Jur. nat.*), cum hoc jus in genere unicuique homini competens demonstraremus (§. cit.). Facile pater, quamdiu liberi bonum a malo discernere nequeunt, ipsos jure hoc suo uti non posse. Non tamen propterea inutile censeretur, quoniam alii a parentibus postulare possunt, ne liberis suis præbeant exempla mala, sed ut præbeant bona, prouti ex sequentibus patet.

§. 692.

An mala parentum exempla sint ad injustitiam referenda.

Quoniam liberis competit jus postulandi a parentibus, ut exempla ipsis bona præbeant, non mala (§. 691.), parentes vero jus hoc suum liberis non tribuunt, si mala præbeant, vel bona præbere negligant (§. 921. *part. 1. Jur. nat.*), & injustus est, qui alteri jus suum non tribuit (§. 926. *part. 1. Jur. nat.*); *si parentes liberis exempla mala præbeant, vel bona præbere negligant, erga liberos suos injusti sunt.*

Repugnat nimirum justitiae universali (§. 934. *part. 1. Jur. nat.*), quæ lege naturali præcepta (§. 935. *part. 1. Jur. nat.*).

Patet.

Patet hinc effectus juris liberis competentis quoad exemplum parentum (§. 691.), etiamsi ipsimet nondum intelligant, quod sibi competat hoc jus, nec ipsis imputari possit, quod exemplis malis parentum sese addant. Ceterum ex hoc jure etiam descendunt justæ liberorum querelæ, quando ad maturitatem judicii pervenerunt & damnum sibi exemplis istis datum sentiunt.

§. 693.

Quilibet sibi maxime cavere debet, ne pueris atque adoles- De exemplo
centibus mala præbeat exempla. In genere enim obligamur malo pueris
nemini exemplum malum præbere (§. 930. *part. 1. Jur. nat.*), & adolescen-
ac. neminem ad vitia quomodocunque seducere (§. 711. *sibus non*
part. 1. Jur. nat.). Quamobrem cum puerorum sit imitari *prodendo*,
alios, consequenter actionem suam ad alterius actionem
conformare (§. 204. *part. 2. Phil. pract. univ.*); adolescen-
tes autem, quorum adhuc imbecille est judicium (§. 644.),
exemplis malis facillime se addant; quilibet sibi maxime
cavere debet, ne pueris atque adolescentibus mala præbeat
exempla.

Turpitudō actionis utique æstimanda est ex nocumento,
quod affert. Quo major vero est actionis turpitudō, eo ma-
jor quoque est naturalis ad eam non committendam obliga-
tio, quippe cujus omittendæ motivum desumitur a turpitu-
dine ejus intrinseca. Exemplā mala nemini magis nocent,
quam pueris; male enim agendi consuetudo degenerat quasi
in naturam, difficillime posthac, immo prorsus non eradicanda.
Pueris autem imputari nequit, quod alios imitando consuetu-
dinem istam contrahant. Eadem fere sors est etiam adoles-
centum, quorum appetitus sensitivus tanto facilius prævalet
adversus rationalem, quo magis propendit in actionem, quam
exempla aliorum tuentur. Etsi itaque meliora edocti ætate
aduliores videant meliora probentque, deteriora tamen se-
quuntur.

§. 694.

De jure puerorum & adolescentum quoad exempla.

Pueris inprimis atque adolescentibus competit jus postulandi, ne quis ipsis mala exempla præbeat. Homini unicuique competit jus postulandi, ne alter ipsi exemplum malum præbeat (§. 933. *part. 1. Jur. nat.*). Quamobrem cum pueri, qui usu facultatum superiorum adhuc destituuntur (§. 644.), sibi cavere non possint, ne exempla mala sequantur, adolescentes vero, quorum adhuc imbecille est judicium (§. *cit.*), exemplis malis facile sese addant, consequenter utrique ad vitia facillime seducantur; pueris inprimis atque adolescentibus competit jus postulandi, ne quis mala ipsis præbeat exempla.

Lex naturæ hoc jure maxime tuetur pueros atque adolescentes adversus seductionem, quæ non majores vires aliunde acquirit, quam ab exemplis. Ipsa igitur hoc jus urget adversus eos, quorum animus in malas propendit actiones, etsi pueri atque adolescentes de eodem non cogitent, nec perpendere valeant, quantum ipsis nocumentum afferant exempla mala.

§. 695.

De injuria pueros & adolescentes per exempla commissâ.

Quoniam pueris inprimis atque adolescentibus competit jus postulandi, ne quis ipsis mala præbeat exempla (§. 694.), consequenter qui hoc faciunt, jus ipsorum, quod perfectum est (*not.* §. 933. *part. 1. Jur. nat.*), violant, violatio autem juris perfecti alterius injuria est (§. 859. *part. 1. Jur. nat.*); qui pueris atque adolescentibus mala exempla præbent, in eos maxime injuriæ sunt.

Non magis læduntur pueri atque adolescentes, quam si exemplis malis ad vitia seducantur. Vulgo læsio ista vix agnoscitur, certe non tanta videtur, quanta est, quasi animum lædere minus sit, quam corpus. Vitia morbi animi sunt, qui difficil-

difficillime curantur, cumque hominem reddant infelicem (§. 406. *part. 1. Phil. pract. univ.*), nec vitio deditus felix esse possit (§. 403. *part. 1. Phil. pract. univ.*), qui felicitatem rite ponderare novit, facile intelliget, quantum lædatur, si ab alio ad vitia seducitur.

§. 696.

Parentes præcavere debent, ne liberi ab aliis ad vitia sedu- *De seductione*
cantur. Etenim parentes operam dare debent, ut liberi *ne libero-*
consequantur virtutes omnes morales (§. 655.), conse- *rum præca-*
quenter cum virtus & vitia sibi mutuo opponantur (§. 321. *venda.*
322. *part. 1. Phil. pract. univ.*), parentes quoque præcavere
debent, ne animus liberorum vitiis imbuatur (§. 722. *part. 1.*
Jur. nat.). Præcavere igitur etiam debent, ne liberi ab
aliis ad vitia seducantur.

Virtus non acquiritur nisi continuo committendo actiones
legi naturæ conformes (§. 323. 321. *part. 1. Phil. pract. univ.*),
& eodem modo conservatur ac perficitur (§. 324. *part. 1. Phil.*
pract. univ.). Quodsi ergo alii seducant liberos ad facienda,
quæ legi naturæ repugnant; fieri non potest, ut iidem virtu-
tem acquirant, etsi parentes iisdem non præcipiant, nisi quæ
legi naturæ conveniunt, ac ea prohibeant, quæ eidem adver-
santur. Omni igitur animi sollicitudine præcavere tenentur
parentes, ne suasu vel exemplo aliorum adducantur ad actiones
committendas, quæ legi naturæ repugnant, vel omitten-
das, quæ eadem præcipiuntur.

§. 697.

Quoniam parentes præcavere debent, ne liberi ab aliis *De consue-*
ad vitia seducantur (§. 696.), mores autem bonos inficit *tudine cum*
ac corrumpit consuetudo cum hominibus improbis, aut male *improbis*
moratis, quod a posteriori notum sumitur; *non permis-*
senda libe-
tere
ris.

tere non debent consuetudinem liberorum cum hominibus improbis, aut male moratis.

Haud postrema cura parentum est, probe perpendere, cuiam liberi se faciant sodalem, nisi in formando animo eorum inanem operam sumere ac educationem molestam sibi facere velint. Pueri enim ac adolescentes non modo prompte sequuntur exempla eorum, quibus familiariter utuntur, verum etiam dicto eorundem audientes sunt. Pravum itaque sodalium corrumpit ipsorum mores tanto facilius, quanto magis fieri non potest, ut ipsi bonum a malo separent, & quodam nocumentum hoc ipsis afferat, intelligant.

§. 698.

*De modo
optimo obli-
gandi libe-
ros.*

Optimus modus obligandi liberos est exemplum parentum. Quoniam enim pueri usu facultatum superiorum destituti & adolescentes imbecilli adhuc iudicio utentes (§. 644.) cœco impetu imitantur alios (§. 208. *part. 2. Phil. pract. univ.*), qui vero alios cœco impetu imitantur, iis exemplum aliorum præbet motivum agendi (§. 284. *part. 2. Phil. pract. univ.*); exemplum parentum pueris atque adolescentibus motivum agendi præbet. Quoniam itaque parentes liberos suos obligant ad actiones committendas, dum motivum agendi ipsis præbent (§. 118. *part. 1. Phil. pract. univ.*), ad sequendum vero parentum exemplum pueri atque liberi jam proni sunt, *per demonstrata*; non melior concipi potest modus obligandi liberos exemplo parentum, consequenter hic optimus eos obligandi modus est.

Non est, quod excipias, optimos parentes pessimos haud raro habere liberos: præterquam enim quod nulla excogitari possit obligatio, quæ nunquam vi sua destituatur, sed semper efficax sit, multæ sunt rationes, cur parentes etiam optimi diligentiam suam in educatione liberorum desiderari patiantur, ut
liberi

liberi ipsorum negligentia, incuria, indulgentia corrumpantur. Non sufficit bonum præbere exemplum, sed cetera quoque observanda sunt, quæ ad educationem requiruntur. Inprimis ea negligenda non sunt, quibus liberi permoventur, ut exemplum parentum lubenter sequantur, & præcavendum, ne malis potius aliorum exemplis sese addant. Talia vero curatius expendenda in philosophia morali. Qui novit, quanta sit vis exemplorum, quam prolixè evicimus alibi (§. 258. & seqq. *part. 2. Phil. pract. univ.*), immo experientia didicit, quid tribuant homines exemplis; is facile largietur, liberos, in prima præsertim ætate, in qua empirici sunt in agendo, non facilius obligari ad actiones suas ad legem naturæ componendas, quam exemplo parentum. Quodsi deinceps præcaveatur, ne exempla sodalium, aut aliorum, cum quibus agunt, mores eorum inficiant; sed potius curæ sit, ut aliorum exempla conformia ad exempla parentum accedant, obligatio ista effectu suo minime destituetur, cum ex adverso exempla prava vim detrahant obligationi, quæ penarum metu introducitur.

§. 699.

Parentibus cura esse debet, ut liberi mature pietatem consequantur. De pietate. Etenim pietas studium virtutis faciliat & virtutem acquisitam conservat (§. 344. *part. 1. Phil. pract. univ.*). Quamobrem cum parentes operam dare debeant, ut liberi consequantur omnes virtutes morales (§. 655.); ipsis quoque curæ esse debet, ut mature pietatem consequantur.

Ad virtutes quoque referenda est pietas, quæ officia omnia erga Deum complectitur, & in qua cultus divinus internus consistit. Quamobrem si parentibus opera danda, ut liberi omnes consequantur virtutes morales, eo ipso quoque obligantur liberos docere pietatem. Enimvero quia pietas mirifice prodest ad virtutes ceteras consequendas & conservandas; ideo necesse est, ut liberis mature pietas instilletur, & ut cum studio cujusvis virtutis jungatur.

(*Wolfii Jur. nat. Pars VII.*)

Q99

§. 700.

§. 700.

De agnitione Dei.

Quoniam parentibus curæ esse debet, ut liberi mature pietatem consequantur (§. 699.), consequenter actiones suas omnes determinant per motiva ab attributis divinis desumpta (§. 339. part. 1. *Phil. pract. univ.*), præsertim a voluntate Dei, (§. 341. part. 1. *Phil. pract. univ.*), per se autem parer, hoc fieri non posse, nisi Deum agnoscant, hoc est, nisi norint, existere Deum & quænam sint ejus attributa; parentibus quoque curæ esse debet, ut liberis mature agnitione Dei instillent.

Docendi nimirum sunt, Deum esse mundi hujus autorem & ipsum velle, ut actiones nostras sic & non aliter determinemus, quemadmodum præscribunt parentes. Ita nimirum agnitione Dei acquiritur una cum virtute, ut pietas cum eadem indivulso nexu cohereat, dum pro diversitate actionum, quas committere jubentur, vel prohibentur, diversa Numinis attributa ipsis inculcantur. Instituti præsentis non est, ut de singulis officiis erga Deum figillatim hic dicamus: cui enim ea perspecta sunt, is facile videbit, quomodo commode liberi ad ea præstanda adducantur, præsertim ubi in philosophia morali docuerimus, quænam de praxi quoad singula observanda sint.

§. 701.

De falsiloquio pueris & adolescentibus nonquam permittendo.

Pueris atque adolescentibus permittendum non est, ut moraliter falsum loquantur. Quoniam enim pueri ob defectum judicii, adolescentes ob imbecillitatem ejusdem falsi loquum licitum ab illicito discernere nequeunt (§. 644.); moraliter falsum loqui aduſeunt, quando alteri animi sui sensa indicare obligantur, consequenter mendaces fiunt (§. 182. part. 3. *Jur. nat.*), si ipsis moraliter falsum loqui permittatur, quando licet. Quamobrem cum mendacium vitium sit

fit (§. 182. 183. *part. 3. Jur. nat.*), veracitati tanquam virtuti oppositum (§. 181. *part. 3. Jur. nat.*), parentes vero operam dare debent, ut liberi virtutes consequantur (§. 655.), consequenter vitia fugiant; pueris quoque atque adolescentibus permittendum non est, ut moraliter falsum loquantur.

Lege positiva ex naturaliter licito effici potest illicitum. Quamobrem cum parentes liberis suis leges ferre possint (§. 677.); omne quoque falsiloquium promiscue iisdem prohibere possunt, immo debent, ne veracitati obicem ponant, ad quam liberi sunt perducendi. Nocuum admodum vitium est mendacium, sicuti ex adverso veracitas hominem aliis mirifice commendat. Parentibus itaque quam maxime curæ esse debet, ne occasionem præbeant mendaciis.

§. 702.

Pueris atque adolescentibus permittendum non est, ut narrent de aliis, quæ vel viderunt, vel ab iis narrari audiverunt. Etenim cum pueri propter defectum iudicii, adolescentes ob imbecillitatem ejusdem discernere nequeant, quandonam veritas sit reticenda (§. 644.); si ipsis permittatur, ut narrent de aliis, quæ vel viderunt, vel ab iis narrari audiverunt, facile contingit ut dicant, quæ reticere debebant, consequenter ut taciturni non fiant (§. 258. *part. 3. Jur. nat.*). Quamobrem cum taciturnitas virtus sit (§. cit.), parentes vero operam dare debeant, ut liberi virtutes consequantur (§. 655.); pueris quoque & adolescentibus permittere non debent, ut narrent de aliis, quæ vel viderunt, vel ab iis narrari audiverunt.

Eadem hic tenenda sunt, quæ modo ad propositionem præcedentem annotavimus (*not. §. 701.*). Taciturnitas virtus est, quæ omni homini maxime necessaria: ejus ex adverso defe-

Etus magnum subinde, immo maximum haud raro nocumen-
tum affert. Parentibus itaque quam maxime curæ esse debet,
ne quid permittant liberis, quod virtuti isti obicem ponat.
Severe igitur liberis intercedere debent, ne ea dicant, quæ re-
ticenda sunt, in casibus particularibus; in genere autem pro-
hibere, ne quicquam dicant de aliis, quod vel viderunt, vel ab
iis dictum audiverunt. Crescente iudicio, successive magis
magisque restringenda prohibitio, donec tandem discernere
valeant, quænam dicere liceat, quænam reticenda sint. Multa
hic & in casu propositionis præcedentis cautione opus est, de
qua dicendum in philosophia morali.

§. 703.

De recto pe- *Mature parentes docere debent liberos, quomodo pecunia re-*
cunia usu. *cte uti debeant.* Qui enim pecunia recte uti non didicerunt,
vel plures & majores faciunt pro facultate patrimonii sui ex-
pensas, quam quas officia erga se, vel alios exigunt, ac o-
stentationis solius causa pecuniam profundunt, vel ex adver-
so pauciores ac minores faciunt pro facultate patrimonii sui
expensas, quam quas officia erga se, vel alios exigunt, con-
sequenter vel prodigi fiunt ac luxu diffuunt (§. 385. 387.
part. 4. Jur. nat.), vel tenaces evadunt (§. 391. *part. 4. Jur.*
nat.). Quamobrem cum prodigalitas & luxus sint vitia
valde nocua, quæ ad paupertatem, egestatem, immo men-
ditatem vel ditissimos redigunt (§. 238. *part. 4. Jur. nat.*),
& tenacitas officiis erga se & alios multum detrahat (§. 391.
part. 4. Jur. nat.); parentum omnino est sedulo præcavere,
ne vitis istis obnoxii fiant liberi, consequenter eos mature
docere debent, quomodo pecunia recte uti debeant.

Prodigalitatæ tristitia commemorare poteramus exempla, nisi
talía satis obvia essent, nec quisquam esset, qui dubiter, pro-
digalitatē maxime nocuam esse. Luxus hodie adeo inva-
luit, ut, quænam damna det, indies experiri liceat. Nemo igitur
sanus

sanus negare audebit, haud postremam parentum curam esse debere, ne liberorum animus vitiis istis inficiatur. Præstat omnino liberos adsuæfacere ad recte utendum pecunia, quam multas corradere opes, quibus recte uti nesciunt. Quomodo autem hoc fieri debeat, in philosophia morali docendum. Vulgo hæc cura prorsus abjicitur; sed quantum nocæatur liberis, quod abjiciatur, experientia abunde loquitur.

§. 704.

Quoniam parentes mature docere debent liberos, quo- *De nummis*
modo pecunia recte uti debeant (§. 703.), ad rectum ve- *in futurum*
ro pecuniæ usum requiritur, ut quædam servetur in futuros *usum ser-*
usus; *parentes liberos quoque adsuæfacere debent, ut nummos quos- v-*
dam, quos ab ipsis accipiunt, non erogent, sed in futuros usus af-
servent.

Quantæ utilitatis sit, ut homines mature cogitent de nummis in futurum usum servandis, nemo facile negaverit, qui ad casus humanos animum advertit.

§. 705.

Parentes imprimis operam dare solent, ut a prima statim Quibusnam
atate liberos assuæfaciant officiis isto vitiorum generi oppositis, in qua officiis ma-
vulgo homines maxime proni esse solent. Quæ enim in prima sta- ture assue-
tim atate nobis inculcantur, ea nobis quasi connata viden- faciendi li-
tur & in naturam degenerant, ita ut non absque repugnancia quadam interna contrario assentiâmur vel contrarium fa-
ciamus: quod a posteriori satis notum atque exploratum
sumimus. Quamobrem patet, si quibusdam officiis matura-
re assueti fuerint liberi, eos facilius resistere vitiis, quæ
iisdem contrariantur, nec ab iis tam facile deflectere posse.
Quoniam vero parentibus, qui operam dare debent, ut liberi omnes consequantur virtutes (§. 655.), inprimis curæ esse debet, ut muniantur contra vitia, in quæ vulgo homi-

nes maxime proni esse solent; iidem omnino operam dare debent, ut mature, seu a prima statim ætate liberos assuefaciant officiis isto vitiorum generi oppositis, in quæ vulgo homines maxime proni esse solent.

Quo majus est periculum, eo major quoque esse debet cura periculum avertendi. Nemo igitur, qui non per præcipientiam judicat, in dubium revocare poterit propositionem præsentem. Quamdiu liberi rationis usu destituuntur, non nisi consuetudinem agendi contrahere valent. Atque ideo parentes aliud agere nequeunt, quam ut liberi committant actus externos legi naturæ conformes & omittant eidem contrarios. Nulla igitur est excusatio, liberos nondum esse eâ ætate, ut talia discernere possint, consequenter iis facile condonanda esse ea, quibus sibi non nocent, quasi vero vitio cuique assuefieri, ut posthac difficulter, aut prorsus non eradicetur, non sit nocere sibi & nocumentum tantummodo æstimandum sit ex eo, quod corporis saluti aut utilitati futuræ e diametro adversatur.

§. 706.

De honorandis aliis.

Quoniam parentes operam dare debent, ut a prima statim ætate liberos adsuefaciant officiis isto vitiorum generi oppositis, in quæ homines vulgo maxime proni esse solent (§. 705.), constat vero eos maxime pronos esse ad alios contemnendum, conviciandum & aliorum laudi, existimationi atque honori detrahendum; *parentes operam dare debent, ut liberos a prima statim ætate assuefaciant aliis honorandis, & quantum per eam datur, existimandis ac laudandis, nequaquam vero ferre, ut alios contemnant, vituperent, conviciantur, aut eorum laudi, existimationi atque honori detrahant.*

Plurima omnino sunt, quæ circa praxin] prudentiæ parentum relinquenda. Neque enim ætati omni conveniunt omnia, prouti facile perspiciet, qui definitiones eorum, quorum mentio sit in corollario præsentis, in parte prima. Juris naturæ evolvit,

ex

ex quorum collatione simul patebit existimationi, honori ac laudi contrariari contemptum, vituperium convicium, & morem aliorum laudi, existimationi ac honori detrahendi.

§. 707.

Ex eadem ratione *mature assuefieri debent liberi imitationi* *Quarum-*
eorum, quæ laudem merentur in aliis & fugæ illorum, quæ dedecori nam imita-
sunt aliis, utque ex alieno casu sapere discant. *tioni ac fu-*

Mature nimirum discere tenentur liberi, esse in aliis, quæ ^{liberi} imitanda, esse etiam, quæ vitanda. Cum vero per se ea a se ^{mature as-} invicem discernere nequeant liberi, immo nec semper adole ^{suscipiendi.} scentes; a parentibus docendi, quænam imitari, quænam vitare debeant, addita ratione, cur alia imitanda, alia vitanda, quamprimum per ætatem eam capere possunt (§. 652.). Ubi philosophia moralis fuerit pertractata eodem modo, quo hactenus usi sumus, abunde constabit ex motivorum doctrina, quænam sint ea, per quæ commendari debeant imitanda, & dissuaderi vitanda.

§. 708.

Ex eadem ratione *liberis mature indicanda sunt ea, ex qui-* *De indican-*
bis alios asstimare debemus, & ad quæ in quolibet hominem animum dis iis, ex
attendere debeant. *quo alii a-*

Loquimur hic de personis singularibus, quæcunque tandem ^{stimandi.} fuerint, & quocunque demum casu nobis obvix fuerint. Quantæ utilitatis sit, ut ad quælibet corporis ac animi bona, quæ dantur in aliis, animum advertamus, unusquisque in seipso experietur, qui huic attentioni animum assuefacere voluerit, suo autem loco disertius explicandum.

§. 709.

Parentes liberos a prima statim ætate assuefacere debent offi- *De officiis li-*
ciis, quæ i sis debentur. Etenim liberi per se non norunt, *betorum er-*
quænam officia parentibus debeant: id quod per se patet, *ga parentes*
Enim. *inculcandis.*

Enimvero parentes liberos educare (§. 263.), consequenter ex sese aptos efficere debent ad vitam hominis vivendum (§. 255.), ac ideo officiis quoque erga parentes satisfaciendum (§. 226. 225. *part. 1. & §. 7. 18. part. 2. Phil. pract. univ.*). Ergo etiam eos a prima statim ætate assuefacere debent officiis, quæ ipsis debentur.

Ostenditur etiam hoc modo. Quamdiu liberi ignorant, quid facere debeant, quid non facere, parentes illa jubere, seu prohibere debent (§. 659.). Quamobrem cum liberi per se non norint, quænam officia parentibus debeant; parentes a prima statim ætate eos assuefacere debent officiis, quæ ipsis debentur.

Quamdiu liberi ignorant, quomodo actiones suas juxta naturæ legem determinare debeant, actiones eorum sunt in dominio parentum (§. 675.). In eodem igitur etiam esse debent actiones pertinentes ad officia, quæ parentibus debentur. Quando igitur liberis ea præcipiunt, quæ officiis conveniunt, prohibent, quæ repugnant; nil faciunt, quod ipsos dedecet. Sane ipse Deus præcipit, ut homines ea sibi præstent officia, quæ ipsis debentur, & prohibet, ne faciant iisdem contraria (§. 918. 990. *part. 1. Theol. nat.*). Parentes itaque officia liberorum, quæ ipsis debentur, urgentes Deum imitantur. Maxime quoque necessarium est, ut officiis hisce a primis statim unguiculis assuescant liberi, ac omni rigore eadem urgeantur, cum in iis maximum præsidium educationi universæ positum sit. Vix majus impedimentum educationi liberorum concipi potest, quam neglectus officiorum erga parentes. Quamobrem cum parentes liberos educare debeant (§. 263.), exinde quoque ipsis non modo jus nascitur ad urgenda officia, quæ liberi ipsis debent, verum etiam ea urgere obligantur, consequenter haud leviter peccant, si in iis exigendis fuerint negligentiores (§. 440. *part. 1. Phil. pract. univ.*). Natura nullam inter parentes inæqualitatem admittit, sed eos omnes æquales facit, qualiscunque tandem sit eorum alias conditio, quæ

quæ ad relationem parentum ad liberos nullum momentum affert. Debentur nimirum officia parentibus a liberis, quia parentes sunt, ac propterea ab omnibus liberis parentibus omnibus eadem debentur. Non est quod objicias exemplo animantium brutorum nos doceri, quod proles instinctu quodam naturali feratur ad amorem parentum. Officia enim liberorum erga parentes non sunt juris hominum ac brutorum communis, sed hominum proprii, & jura assuescieri possunt liberi, etiam ante usum rationis & interea temporis, dum eundem consequuntur, ut ideo longe dispar sit brutorum atque hominum ratio. Quod si imaginem quandam hujus juris, de quo nobis in præsentî sermo est, in brutis conspiciere volueris, animum attendere debes ad naturalem illum amorem, quo bruta persequuntur prolem suam, & qui effectum quandam amoris similem in prole erga parentes excitat.

§. 710.

Parentibus cura esse debet, ut liberos suos reddant felices. De felicitate liberorum
 Etenim liberos aptos efficere debent ad actiones suas juxta naturæ legem determinandum (§. 637.) & operam dare, ut virtutes omnes morales consequantur (§. 655.). Quamobrem cum felicitatem legis naturalis custodia consequamur (§. 396. part. 1. Phil. præct. univ.), eademque non nisi custodia hujus legis conservari possit (§. 397. part. 1. Phil. præct. univ.), sine ea autem nemo felix esse (§. 399. part. 1. Phil. præct. univ.), nec felicitas a virtute seungi queat (§. 400. part. 1. Phil. præct. univ.), vitio autem deditus felix esse nequeat (§. 403. part. 1. Phil. præct. univ.), & legis naturæ transgressione homo infelix fiat (§. 405. part. 1. Phil. præct. univ.); non alio fine parentes liberos aptos efficere debent ad actiones suas juxta naturæ legem determinandum, & ad virtutem eosdem adducere, a vitiis autem advocare, quam
 (Wolfii Jur. Nat. Pars VII.) Rrr ut

ut fiant felices. Parentibus itaque curæ esse debet, ut liberos suos reddant felices.

Finis ultimus educationis liberorum est felicitas eorundem, qua homo in quacunque fortuna frui potest, modo inter felicem & fortunatum distinguas, quemadmodum fieri debet (§. 636. *Psych. empir.* & §. 409. *part. 1. Phil. pract. univ.*). Bona fortunæ, quæ hominem fortunatum efficiunt (§. 409. *part. 1. Phil. pract. univ.*), per se non reddunt felicem (§. 410. *part. 1. Phil. pract. univ.*), etsi non repugnet, ut, qui fortunatus est, idem sit felix (§. 414. *part. 1. Phil. pract. univ.*), nec in potestate parentum semper est, ut liberos fortunatos efficiant, sicuti semper in potestate est eos reddere felices, modo non educationi bonæ obijciantur impedimenta extrinseca, quæ removere nequeunt. In hoc autem casu liberi non culpa parentum, sed propria infelices fiunt, quemadmodum ex philosophia morali suo tempore clarius elucescit. Ne tamen ipsis aliqua culpa tribui possit, nihil eorum omittere tenentur, quæ ad felicitatem liberorum promovendam conferre possunt. Imputent deinde sibi liberi, si dicto parentum non fuerint audientes, quemadmodum esse debebant (§. 666.), aut a virtutis tramite, in quem eos perduxere parentes, se deinceps ad avia seduci patiantur.

§. 711.

Parentes ex felicitate liberorum voluptatem percipere debent.

Quoniam enim iisdem curæ esse debet, ut liberos suos reddant felices (§. 710.); voluntas quoque ipsis esse debet constans & perpetua felicitatem liberorum promovendi (§. 1062. *part. 1. Theol. nat.*). Unde porro eodem prorsus modo ostenditur parentes ex felicitate liberorum voluptatem percipere debere, quo idem in genere ostendimus, quemlibet scilicet hominem ex felicitate alterius cuiuscunque voluptatem percipere debere (§. 616. *part. 1. Jur. nat.*).

Equi-

*Qualis de-
beat esse ap-
petitus sen-
suum re-
spectu libe-
torum.*

Equidem amor ille naturalis quo bruta ac homines prolem suam prosequuntur (§. 259.), efficit, ut parentes ex felicitate liberorum voluptatem percipiant (§. 633. *Psych. empir.*): non tamen is sufficit, ut parentes officio huic satisfaciant ex omni parte. Pater inde perceptionem voluptatis ex felicitate liberorum primis naturæ convenire, & rationem nos eo ducere debere, quo natura ducit; plura tamen requirit lex naturæ, quam ab affectu isto expectari possunt, quem natura hominibus indidit. Rationis enim est discernere felicitatem veram ab apparente, ne liberos reddamus infelices, quos felices reddere intenderamus, vel etiam eos felices reddere negligamus ex vana persuasionem, quasi felices reddere non sit in potestate nostra: id quod indies fieri observamus. Plurimæ deinde dantur rationes, ob quas naturalis iste affectus, quo parentes in felicitatem liberorum feruntur, debilitatur, aut prorsus supprimitur. Id, ad quod natura feruntur, homines vi facultatum inferiorum, etsi conveniat legi naturæ, nondum tamen est id ipsum, quod lex naturæ præcipit. Urget hæc consensum appetitus rationalis, seu voluntatis cum appetitu sensitivo (§. 267. *part. 1. Jur. nat.*), ac ideo appetitum sensitivum rationi subjicit, quæ eundem regere debet, ne abusu, vel non usu facultatis cognoscitivæ superioris, intellectus scilicet, alio dirigatur, quam natura intendit: id quod in brutis facultatibus superioribus destitutus metuendum non est. Accedit, quod abusu & non usu facultatis cognoscitivæ superioris appetitus sensitivus in homine corrumpi queat: quod denuo in brutis metuendum non est. Hinc videas homines odio prosequi liberos, ad quos amandos ducit natura. Sed nolo addere plura, cum hæc abunde sufficiant, ut intelligamus, non superfluum atque inutilem esse obligationem naturalem ad voluptatem percipiendam ex eorum felicitate, quod natura eo ducantur. Quæ vero hic annotamus, ea quoque tenenda sunt in aliis, quæ ad prima naturæ pertinent.

§. 712.

*De dilectione
ne libero-
rum.*

Parentes liberos suos diligere debent tanquam semetipsos. Etenim parentibus curæ esse debet, ut liberos suos reddant felices (§. 710.), consequenter sollicitè sibi caveant, ne eos infelices reddant (§. 722. *part. 1. Jur. nat.*). Constans igitur ipsis ac perpetua esse debet voluntas omni studio id agendi, ut liberi sint felices, ac cavendi, ne fiant infelices (§. 1062. *part. 1. Theol. nat.*). Quamobrem cum alterum diligat, qui voluptatem constantem ac perpetuam habet omni studio id agendi, ut alter felix sit, ac cavendi, ne fiat infelix (§. 617. *part. 1. Jur. nat.*); parentes liberos suos diligere debent. *Quod erat unum.*

Quod vero liberos suos diligere debeant tanquam semetipsos, eodem modo porro ostenditur, quo idem in genere demonstravimus de dilectione aliorum (§. 618. *part. 1. Jur. nat.*). *Quod erat alterum.*

Nullum dubium est, cum liberi nostri sint homines, nos eos peninde ac alios homines diligere debere tanquam nosmetipsos (§. 618. *part. 1. Jur. nat.*). Enimvero præter obligationem generalem datur adhuc specialis, qua tanquam parentes libetis devincti sumus: qua de causa; etiam non applicavimus ad liberos obligationem generalem, sed specialem ex officii parentum erga liberos deduximus.

§. 713.

*De prae-
rogativa libe-
rorum quoad
dilectionem.*

Quoniam liberos non modo diligere debemus tanquam nosmetipsos qua homines (§. 618. *part. 1. Jur. nat.*), verum etiam qua liberos (§. 712.); *in casu coll. si his liberi ex-
transiens quoad dilectionem sunt præferendi*, consequenter liberis quoad eandem prærogativa quaedam naturaliter competit (§. 93. *part. 1. Jur. nat.*).

Equi-

Equidem natura homini nulli prærogativa ulla competit (§. 94. *part. 1. Jur. nat.*); non tamen inde inferri potest, natura libens prærogativam nullam competere posse quoad dilectionem respectu parentum suorum. Quando enim ostenditur, homini nulli naturaliter prærogativam ullam competere, homines omnes in universum spectantur tanquam homines, consequenter non sermo est nisi de juribus universalibus (§. 13. *part. 1. Jur. nat.*), non autem spectantur relationes particulares, ex quibus nascuntur jura singularia (§. 14. *part. 1. Jur. nat.*), quale est jus prælationis liberorum, de quo nobis in præsentî sermo est. Absit itaque, ut tibi persuadeas, nos parum memores eorum, quæ alibi docuimus, nobismetipsis contradicere. Quoniam duplex obligatio fortior simplici, quod per se patet; nemo non facile agnoscit, duplicem obligationem in casu collisionis jus prælationis parere in præstatione officiorum.

§. 714.

Quoniam in casu collisionis liberî quoad dilectionem *Felicitas* extraneis a parentibus sunt præferendi (§. 713.), dilectio verorum autem consistit in promotione felicitatis alienæ (§. 617. *part. præponenda 1. Jur. nat.*); si felicitas liberorum & extraneorum inter se colligatur, felicitas liberorum felicitati extraneorum est præferenda, aliorum.

Charitas, quæ est virtus, quæ diligimus alios tanquam nosmetipsos (§. 620. *part. 1. Jur. nat.*), consequenter felicitatem aliorum promovere studemus perinde ac propriam, quantum in potestate nostra est (§. 617. *part. 1. Jur. nat.*), per se respicit omnes promiscue homines, nemine excepto absque ullo discrimine; ejus tamen exercitium speciali ratione restringitur ad liberos, ut citra injustitiam liberis præferri nequeant alii.

§. 715.

Parentes liberos amare debent tanquam seipsos. Etenim *De amore* ex felicitate liberorum voluptatem percipere debent (§. *liberorum.*

711.), quemadmodum ex propria percipiunt, quatenus per naturam suam eundem appetunt (§. 324. *part. 2. Phil. pract. univ.*). Quoniam igitur animus eorum dispositus esse debet ad voluptatem percipiendam ex felicitate liberorum, quemadmodum ex propria percipiunt, alterum vero is amat tanquam seipsum, cujus animus dispositus est ad voluptatem percipiendam ex alterius felicitate, qualem ex propria percipit (§. 633. *Psych. empir.*); parentes liberos amare debent tanquam seipsos.

Amorem, quem natura parentibus indidit (§. 259.), ratio alere ac fovere debet (§. 154. *part. 1. Phil. pract. univ.*). Et dum hoc modo appetitus sensitivus ad consensum cum rationali reducitur, dilectio nascitur (§. 617. *part. 1. Jur. nat.*). Hæc ubi in habitum abit, charitas gignitur (§. 620. *part. 1. Jur. nat.*). Natura igitur, dum amorem liberorum parentibus indidit, charitati eorum eosdem commendat: huic autem commendationi locum faciunt, dum ratio actiones parentum eo dirigit, quo natura tendit. Quæ hic dicuntur, intelligenda quoque sunt de amore ac dilectione aliorum atque charitate in genere, & ad similia trahi possunt. Probe hæc notanda sunt: magnum enim momentum afferunt ad præxin moralem, quatenus rectitudo actionum, ad quam obligamur (§. 189. *part. 1. Phil. pract. univ.*), requirit consensum facultatum superiorum cum inferioribus (§. 65. *part. 1. Phil. pract. univ.*), & inclinationes naturales ratione eo dirigendæ, quo natura tendit. Sed talia hic nondum satis intelligi possunt, nec hic uberius explicanda.

§. 716.

De labore & otio liberorum. Parentes liberos mature labori assuescere debent, & ab otio vocare. Hominibus enim omnibus laborandum est (§. 514. *part. 1. Jur. nat.*), nemini semper, aut prorsus otiantium (§. 515. *part. 1. Jur. nat.*). Quamobrem cum parentes

tes liberos aptos efficere debeant ad actiones suas juxta naturæ legem determinandas (§. 637.), & quamdiu iidem per se officiis satisfacere nequeunt, ipsi eorum actiones determinare reneantur (§. 659.); liberos quoque mature labori assuefacere & ab otio avocare debent.

Labor hic sumitur in significato latissimo, quem vocabulo imposuimus (§. 512. *part. 1. Jur. nat.*). Ad laborem igitur liberorum etiam refertur, diligentia in addiscendis iis collocata, quæ ipsis discenda sunt. Ratio habenda est cum ætatis, tum conditionis vitæ. Quamobrem ludi quoque spectandi sunt tanquam labor puerorum, quibus ad laborandum & otium vitandum præparantur. Instillandus est cupiditas semper aliquid agendi liberis a primis statim unguiculis, ut in naturam abeat, & fuga otii iisdem insinuanda, ut ex eo molestiam percipiant. Absit itaque, ut tibi persuadeas plebejæ conditionis seu infimi generis hominibus tantummodo convenire labores: sunt enim sui labores etiam hominibus in summa fortuna natis, sit ita quod vulgo laborum nomine non veniant ea, quæ ipsis negotium facessunt, quatenus ad notionem laboris accessit notio quædam secundaria, quæ illi aliquid vile atque abjectum adjecit, & per hoc significatum vocabuli restringit. Venit hoc ab opinione hominum, cujus nullæ sunt partes in philosophia, ubi veritati litatur.

§. 717.

Quoniam parentes liberos labori mature assuefacere *Qua canti-* debent (§. 716.), nihil tamen imperare, quod legi naturæ *one in eo sit* adversatur (§. 672.), laborem vero nimium ac nimis-gravem vitare obligamur (§. 519. *part. 1. Jur. nat.*); *opus.* *parentibus non licet obligare liberos ad laborem nimium nimisque gravem sub-* *enndum.*

Qui perpendit, quinam labor sit nimius, quinam nimis-gravis (§. 516. 517. *part. 1. Jur. nat.*), & officia cetera parentum

tum erga liberos in anterioribus demonstrata cognita atque perspecta habet, is facile intelliget, coactionem ad laborem nimium nimisque gravem illis repugnare.

§. 718.

*Cautio ad-
huc alia.*

Similiter quoniam unusquisque hominum eum laborem feligere debet, cui obeundo se parem sentit (§. 528. *part. 1. Jur. nat.*); eodem modo, quo ante (§. 717.) intelligitur, *parentes liberos assuescere debere labori, cui obeundo pares sunt.*

Relegenda hic sunt, quæ de diversitate laboris alibi annotavimus (*not. §. 527. part. 1. Jur. nat.*). Et quoniam in statu civili homines omnes non sunt ejusdem conditionis, quod a posteriori satis notum; hujus quoque in determinando genere laborum habenda est ratio. Accedunt præterea rationes aliæ, quæ a diversitate pendent, quam dominia particularia intruderunt.

§. 719.

*De vitæ ge-
nere, cui li-
beri desti-
nandi.*

Parentes liberos destinare debent certo vitæ generi, cui apti & quo se utiliores aliis præbere possunt. Etenim parentes aptos efficere debent liberos, ut sibi metipsis prospicere possint de iis, quibus ad conservationem sui indigent (§. 637.), consequenter cum absque labore non comparentur necessaria vitæ subsidia, quod per se patet, certo vitæ generi eos destinare. *Quod erat unum.*

Enimvero unusquisque hominum eligere debet vitæ genus, ad quod aptus est (§. 533. *part. 1. Jur. nat.*), & quo se utiliore aliis præbere potest (§. 534. *part. 1. Jur. nat.*). Quamobrem eum liberi ex sese de eo statuere nequeant, quamdiu autem liberi per se officio cuidam erga seipsum satisfacere nequeunt, parentes facere tenentur, quæ ipmet facere debebant, sed non possunt (§. 641.); parentes liberos desti-

destinare debent vitæ generi, cui apti sunt, & quo se utiliores aliis præbere possunt. *Quod erat alterum.*

Liberos destinare certo vitæ generi cum ipsa necessitas imperet, non adeo frequenter contingit, ut officio huic desint parentes. Ast cum plurimæ sint rationes, cur eos destinare vitæ generi, cui minus apti sunt, aut quo se non adeo utiles præbent aliis, quemadmodum alio poterant; in eo tanto frequentius peccatur. Videmus quotidie, quantus sit numerus eorum, qui studiis literariis a parentibus consecrantur, ad quæ parum apti sunt, immo qui haud raro carent necessariis facultatum subsidiis. In aptitudine enim æstimanda non solum ratio habenda facultatum animæ ac corporis, verum etiam externarum. Per illas enim fieri potest, ut huic vitæ generi destinentur liberi; hæ autem requiruntur, ut actu destinentur, & quidem utiliter. Per illas igitur intrinseca, per has vero extrinseca aptitudinis possibilitas determinatur. Ita non minus ineptus ad studia literaria censendus est, cui desunt studiorum sumtus, quam qui caret iis animi dotibus, quæ ad ea requiruntur. Utrumque scilicet in causa est, ut studia leviter saltem attingantur. Similiter opificio parum aptus censetur, qui præter laborem sumtum impendere nequit, quem exigit. Parum prudentis est, sub prætextu providentiæ divinæ, nimia certe de Deo confidentia lege naturali prohibita (§. 1193. 1194. *part. 1. Jur. nat.*), fortunæ committere ea, ad quæ consequenda spes nulla nobis affulget. Experientia indies loquitur, quam parum liberis prospiciant parentes, qui ad hæc animum non attendunt: haud raro nimirum liberos in egestatem præcipientes dant, qui in alio vitæ genere fortunam sibi magis faventem experturi fuissent. In æstimandis animi dotibus, quas exigit aptitudo ad certum vitæ genus, non modo animum attendere debemus ad facultates cognoscendi, verum etiam ad facultates appetendi ac averfandi. In illo certe vitæ genere, ad quod te non trahit tua voluptas, minime singularis futurus. Quemadmodum itaque quoad facultates cognoscendi potissimum respiciendæ sunt dispositiones naturales, ita

(*Wolffii Jur. Nat. Pars VII.*)

quoad facultates appetendi & averfandi confiderandæ inclinatio-
nes naturales, ficuti in facultate locomotiva vis, robur atque
dexteritas. Hæc breviter indicamus, ut rectius intelligatur,
quid præfens propofitio urgeat, & quam fit neceffe ut officio
huic fatisfiat.

§. 720.

De præpa- Quoniam parentes liberos certo vitæ 'generi deftinare
ratione libe- debent (§. 719.), quodlibet autem vitæ genus fuum re-
rorum ad quirir laborem (§. 531. *part. 1. Jur. nat.*), & *parentes libe-*
futurum ros affuefacere debent labori, cui obeundo pares funt (§. 710.);
vita genus. eos quoque *mature præparare tenentur ad futurum vitæ genus, cui*
eisdem deftinantur, confequenter *cura habere, ut difcant, quæ ad*
idem profunt, immo quamprimum per atatem datur, docendi funt
omnia, quæ difcunt, referre ad futurum vitæ genus (§. 222. *part.*
1. Jur. nat.).

Ira nimirum cavetur, ne quæ prætermittatur occasio difcendi
aliqua, quæ olim proderunt, nec ea, quæ cognitu neceffaria
unicuique funt, poftponantur aliis, quorum non eadem eft ne-
ceffitas, ut cognofcantur. Cumque hoc fit officii noftri, præ-
ferre cognitionem eorum, quæ in eo, quod elegimus, genere
cognitu neceffaria funt, cognitioni aliorum, quæ non æque
neceffaria exiftunt (§. 222. *part. 1. Jur. nat.*); parentes libe-
ris fedulo inculcare debent ea, quæ in eo vitæ genere, cui de-
ftinati funt, fuum habent ufum (§. 641.).

§. 721.

De opera- *Opera minifteriales* liberorum dicuntur, quæ funt in mi-
rum divifo- nifterium parentum, veluti fi filius patrem juvet in opificio,
ne, quas li- vel mercatura; filia matrem in veftibus lavandis, ubi lotrix
beri præ- fuerit, vel in nendo, fi netrix. *Opera artificiale fimplex* vocantur,
stant paren- quibus liberi aliquid acquirunt, fed quæ non funt in mini-
tibus. fterium mariti, veluti fi nendo filia quid acquirat. *Opera*
autem

autem obsequiales appellantur, quæ in usum ac commodum parentum fiunt quocunque modo.

Utitur hic eadem distinctione, qua in distinguendis operis ab uxore præstandis usi fuimus (§. 427.). Quamobrem definitiones earundem ad definitiones supra traditas aptavimus.

§. 722.

Liberi obligantur ad præstandas operas obsequiales. Etenim *De operis ob-* liberi sunt membra societatis paternæ (§. 633. 4.). Sed *sequalibus* singula societatis membra, seu socii singuli (§. 4.), obli- *liberorum.* gantur facere, quod ad finem societatis consequendum facere possunt (§. 7.), consequenter præstare operas, quæ in usum & commodum societatis, consequenter etiam socio- rum (§. 6.), præstare possunt. Liberi igitur etiam præstare debent operas, quæ in usum ac commodum societatis paternæ, consequenter & parentum præstare valent. Quamobrem cum operæ istæ liberorum sint obsequiales (§. 721.); liberi obligantur ad præstandas operas obsequiales.

Operæ obsequiales non sunt acquisitivæ & per hoc distinguuntur ab operis artificialibus tam simplicibus, quam ministerialibus, quibus aliquid acquiritur. Ita operas obsequiales præstat filia, si in usum membrorum societatis paternæ pensâ diurna colo facit, si cibum coquit, si matri ægrotanti adlucit.

§. 723.

Quoniam liberi obligantur ad operas obsequiales præ- *De jure pa-* standas (§. 722.), *rentum ad* parentibus vero competit jus obligandi *liberos ad* liberos ad actiones suas sic & non aliter determinandas (§. *operas obse-* 669.); *parentibus competit jus obligandi liberos ad operas obse-* quiales præstandas, consequenter *jus eisdem puniendi, si eas præ-* stare nolint, vel negligant (§. 670.). *berorum.*

Lege naturali obligantur liberi præstare operas obsequiales (§. 722.). Quamobrem eadem quoque sunt perinde atque actiones ceteræ lege naturæ præceptæ in dominio parentum (§. 676.), & per consequens de iisdem disponere possunt, prouti ipsis visum fuerit, liberi autem perinde ac in ceteris obedire tenentur parentibus operas obsequiales imperantibus (§. 666.). Ad inobedientiam itaque vitandam & obedientiam non abjiciendam metu poenarum quoad hæc quoque operas obligari possunt (§. 671.).

§. 724.

*De operis
ministeria-
libus libero-
rum.*

Si liberi parentibus operas ministeriales præstare possunt, & per ea, qua ipsis discenda sunt, vacat; illas præstare obligantur. Etenim pater per operas suas, mater per operas ministeriales & artificiales simplices, si quas præstat (§. 427.), acquirere studet, quæ ad sumtus educationis faciendos requiruntur. Quamobrem cum hocce facere sumtus sit officium parentum erga liberos (§. 263.), ad officia vero erga alios præstandum non obligamur, nisi quatenus alii id, quod præstandum est, ipsimet in potestate sua non habent (§. 608. *part. 1. Jur. nat.*); si liberi quicquam conterre possunt ad minuendos, vel sustentandos sumtus educationis, id facere omnino obligantur. Quoniam itaque operæ ministeriales sunt in ministerium parentum (§. 721.), consequenter liberi eas præstantes concurrunt ad acquirendum ea, quibus sumtus educationis sustentantur *per demonstrata*, nemo autem obligatur ultra id, quod possibile (§. 209. *part. 1. Phil. Pract. univ.*), nec in specie liberi negligere debent ea, quæ ipsis addiscenda sunt, quod per se patet; si operas ministeriales præstare possunt, & per ea, quæ ipsis addiscenda, vacat, eas utique præstare obligantur.

Indigentia liberorum in causa est, ut parentes sumtus educationis facere teneantur, quemadmodum supra jam annotavimus

vimus (*not.* §. 527.). Cessat autem hæc indigentia five in totum, five ex parte, si liberi per operas ministeriales citra neglectum educationis suæ parentibus quid acquirere valent, quod in educationem impendere tenentur. Iniquum igitur censeretur nequit, quod operas ministeriales a liberis suis exigant parentes ad onera educationis sublevanda. Quodsi liberi eidem vitæ generi destinentur, quod sequuntur parentes, cum parentes obligentur eos ad idem præparare & curæ habere, ut discant, quæ ad hoc profunt (§. 720.), nova ratio accedit, cur operas ministeriales ab iis exigere non modo possint, verum etiam debeant parentes. Non dico, si per operas obsequiales vacaverit, liberos ad ministeriales obligari, quas præstare valent. Quoniam enim actiones liberorum sunt in dominio parentum (§. 676.), & per consequens parentes de iis disponere possunt pro arbitrio suo (§. 118. *part. 2 Jur. nat.*); a parentum arbitrio pendet, utrum operas ministeriales, an obsequiales a liberis suis exigere malint, per se autem patet, fieri non posse, ut uno eodemque tempore simul exigant & obsequiales, & ministeriales. Enimvero cum operas obsequiales & ministeriales eodem jure exigere possint, liberis vero obediendum fit (§. 666.); si eos avocent a ministerialibus ad obsequiales, relictis illis has promte præstare tenentur (§. 205.). Equidem hæc talia videntur, quæ quasi per se nota ac nemini ignota nulla demonstratione, nec uberiori explicatione indigent; qui tamen ita sentiunt, minime perpendunt, in Jure naturæ non quæstionem esse de eo, quod vulgo fit, sed num jure fiat, atque hoc nobis demonstrandum erat. Neque dubium est, in exigendis operis ministerialibus non minus, quam in non exigendis non uno modo peccare parentes; unde, subinde nascuntur tam liberorum querelæ, quam censuræ parentum, quæ utraq; utrum iustæ sint, nec ne, ex iis omnino definiendum, quæ in Jure naturæ demonstrantur,

§. 725.

Quoniam liberi operas ministeriales præstare tenentur, *De jure patris* si eas præstare valent & per ea, quæ discenda ipsis sunt, *rentum in* vacat *operas mini-*

steriales liberorum.

vacat (§. 724.), *parentibus* vero competit jus obligandi liberos ad actiones suas sic & non aliter determinandas (§. 669.); iisdem quoque competit jus obligandi liberos ad praestandum operas ministeriales, si eas praestare valent & per ea, quae ijs discenda sunt, vacat, consequenter jus eosdem puniendi, si eas praestare nolint, vel negligent, aut saltem negligenter praesent (§. 671.).

Notanda hie eadem sunt, quae paulo ante annotavimus (not. §. 723.).

§. 726.

De abusu juris istius vitando.

Parentes propter operas ministeriales liberos non destinare debent ei vitae generi, quod ipsi sequuntur, si ad id apti non sint, nec propter eas, vel etiam obsequiales, destruere fortunam eorum. Parentes enim obligantur liberos destinare vitae generi, cui apti sunt (§. 719.), consequenter si generi isti apti non sint, nec eidem destinandi (§. 722. part. 1. *Jur. nat.*). Quamvis itaque obligare possint liberos ad operas ministeriales praestandas, quas praestare valent (§. 724.), cum tamen in hoc casu collidatur jus parentum cum officio eorumdem (§. 206. part. 1. *Phil. pract. univ.*), consequenter lex permissiva cum praecipitiva (§. 164. 165. part. 1. *Phil. pract. univ.*), immo prohibitiva (§. 163. part. 1. *Phil. pract. univ.*), in casu autem isto collisionis lex praecipitiva vincat (§. 211. part. 1. *Phil. pract. univ.*); parentes liberos propter operas ministeriales non destinare debent ei vitae generi, quod ipsi sequuntur, si ad id apti non sunt. *Quod erat unum.*

Porro parentes obligantur liberos aptos efficere, ut ipsimet sibi de iis prospicere possint, quibus ad sui conservationem indigent (§. 637.), consequenter si liberi experiantur fortunam sibi faventem, ut ad eum statum pervenire possint,

possint, parentes occasionem oblatam ambabus manibus amplecti, nequaquam vero eadem privare liberos debent. Quamvis itaque liberos obligare possint ad operas ministeriales præstandas, quas præstare valent (§. 725.), nec non ad obsequiales (§. 723.); eodem tamen, quo ante, modo patet, quod hoc facere in præsentī minime debeant, nec propter operas ministeriales, vel etiam obsequiales destruere fortunam eorum. *Quod erat alterum.*

Plures dantur casus particulares, qui ex propositione præsentē definiendi, quam videri poterat. Non tamen opus est, ut in iis recensendis diligentiam nostram defatigemus, cum, ubi obvii fuerint, facile agnoscantur. Educatio, ex qua fluit jus parentum ad operas obsequiales & ministeriales liberorum, prouti ex demonstrationibus præcedentibus patet, non tam ad bonum & commodum parentum, quam liberorum tendit, & per consequens hoc isti in casu collisionis semper ante ferendum.

§. 727.

Si liberi operas artificiales simplices præstare possint, eas præstare obligantur. Ostenditur eodem modo, quo idem de operis ministerialibus demonstravimus (§. 724.).

Operæ artificiales simplices perinde ac ministeriales sunt acquirivæ, ut ex iis parentes fiant locupletiores (§. 721.), ac ideo, quod per eas acquiritur, ad sustentandos vel levandos sumtus educationis impendi possit. Perinde igitur est, si per operas ministeriales, si per artificiales simplices aliquid acquiratur.

§. 728.

Quoniam liberi obligantur ad operas artificiales simplices præstandas, quas præstare possunt (§. 727.); eodem quo ante (§. 725.) modo patet, *parentibus competere jus obligandi* *operas artificiales simplices* *De jure parentum in operas artificiales simplices*

plices liberorum. ligandi liberos ad præstandum operas artificiales simplices, quas præstare possunt, immo ut præstare possint eos aptos efficiendi.

Eadem hic quoque notanda veniunt, quæ supra (not. §. 723.) annotavimus. Quoniam quilibet jus suum remittere potest (§. 117. part. 3. Jur. nat.); si parentibus molestum non fuerit de suo facere sumtum educationis, quod liberi per operas ministeriales aut artificiales simplices acquirunt, ipsis proprium relinqui æquitati minime repugnat, præsertim si plures fuerint liberi, quorum aliqui nihil acquirere valent.

§. 729.

De bonis fortune liberorum. Parentes operam dare debent pro virili, ut liberi consequantur bona fortuna, & eos aptos efficiant ad ea consequenda. Etenim quilibet homo alium quemcunque ope ipsius indigentem juvare debet, ut consequatur fortunæ bona, quantum in potestate sua est (§. 62. part. 1. Jur. nat.). Quamobrem etiam parentes operam dare debent, ut liberi consequantur bona fortunæ, quantum in potestate ipsorum est, seu pro virili. Quod erat annum.

Quilibet homo etiam obligatur operam dare, ut ea consequatur bona fortunæ, quæ in potestate ipsius sunt (§. 181. part. 1. Jur. nat.). Quoniam itaque parentes liberos aptos efficere debent, ut actiones suas juxta legem naturæ determinant (§. 637.); eos quoque aptos efficere debent, ad bona fortunæ consequenda. Quod erat alterum.

Equidem bona fortunæ per se hominem non reddunt felicem (§. 410. part. 1. Phil. pract. univ.), non tamen obstant, quo minus felix esse possis (§. 412. part. 1. Phil. Pract. univ.); immo ad felicitatem hominis concurrunt, quatenus ex iis innocua percipitur voluptas (§. 651. part. 1. Jur. nat.). Bona fortunæ vera omnino bona sunt (§. 556. 557. Psych. empir.), nec

nec nisi abusus hominibus nocet, quatenus ea sunt fomes vitiorum; quia a virtute, animi bonis, sejunguntur, quod quominus fiat, curare debent parentes (§. 658. 696.). Tum demum parentes merito reprehenduntur, si fortunam liberorum saltem amplificare student, ea vero negligunt, quæ ad felicitatem eorum faciunt: quod ut plurimum fieri solet. Quoniam vero fortunæ bona in potestate nostra non sunt, nec ea in potestatem alterius pro lubitu redigere valemus; obligatio quoque parentum hæc in parte non extenditur ultra id, quod fieri ab ipsis potest (§. 209. part. 1. *Phil. præct. univ.*). Si desint vires, si desit occasio liberorum fortunæ consulendi, sufficit adesse voluntatem constantem ac perpetuam eos si ruinis augendi & quoad ea, quæ in potestate ipsorum non sunt, providentiæ divinæ eos commendare. Multa omnino sunt, quæ ad exercitium officii præsentis pertinent; sed ea ad philosophiam moralem spectant.

§. 730.

Quoniam parentes operam dare debent pro virili, ut *Quanam* liberi consequantur bona fortunæ & eos aptos efficiant ad *circa bona* ea consequenda (§. 729.), lex vero præceptiva est etiam *fortuna li-* prohibitiva contrarii (§. 722. part. 1. *Jur. nat.*); *parentes li-* beros bonis fortuna privare minime debent, quibus eos augere pot- *licita.* erant, nec negligere eam curam, quam adhibere debebant, ut ad pa- *randam bona fortuna fierent apti.*

Multis modis parentes in hoc genere peccant. Exemplum est, si parentes patrimonia sua profundunt, immo insuper æs alienum contrahunt, ut liberi post eorum obitum paupertate & egestate præmantur. Simile exemplum est, si ea committunt, ob quæ graves inimicitias capiunt in liberos suos.

§. 731.

Quoniam parentes operam dare debent pro virili, ut *Cura paren-* liberi consequantur bona fortunæ & eos aptos efficiant ad *tum circa* ea bona consequenda (§. 729.), lex vero præceptiva est etiam *ca bona fortune* prohibitiva contrarii (§. 722. part. 1. *Jur. nat.*); *parentes li-* beros bonis fortuna privare minime debent, quibus eos augere pot- *licita.* erant, nec negligere eam curam, quam adhibere debebant, ut ad pa- *randam bona fortuna fierent apti.*

(*Wolffii Jur. Nat. Pars VII.*)

Ttt

ca bona fortune

*na libero-
rum.*

ea consequenda (§. 729.), bona autem fortunæ sunt, quæ statum hominis externum perficiunt (§. 556. *Psych. empir.*), consequenter pecuniæ, sive opes, amicitia, honor, laus & fama bona; parentes operam dare debent pro virili, ut liberi consequantur pecuniam, sive opes, amicitias, honorem, laudem ac famam bonam, eosque aptos efficiant ad pecuniam, sive opes, amicitias; honorem, laudem & famam bonam consequendum.

Honorem, laudem & famam bonam esse bona fortunæ, ex ipsis notionibus honoris, laudis atque famæ ostendimus (§. 688. *part. 1. Jur. nat.*). Pecuniam quoque ad bona fortunæ esse referendam, quibus scilicet status externus hominis perficitur, nemo in dubium revocare potest, nisi immemor fuerit, ad tolerandam vitæ necessitatem & ad commode ac jucunde vitam degendam pecunia opus esse. Similiter idem constat de amicis, qui cum nos ament (§. 625. *part. 1. Jur. nat.*), voluptatem nobis creare, tædium vero a nobis avertere student (§. 652. *Psych. empir.*), consequenter opem, qua indigemus, quantum in potestate ipsorum est, ferre parati sunt. Bona equidem fortunæ in potestate nostra non sunt; non tamen ita eisdem subducuntur, ut nihil sive positive, sive negative ad ea consequenda conferre valeamus, si occasionem oblatam teneamus, neque omittamus. Non plus exigitur a parentibus, quam ut ne culpa eorum fortunæ bona defint liberis, quos ceteroquin quoad ea providentiæ divinæ commendare debent.

§. 732.

*De cura pa-
rentum, ut
liberi fiant
fortunati.*

Similiter quia parentes operam dare debent pro virili, ut liberi consequantur bona fortunæ & eos aptos efficiant ad ea consequenda (§. 729.), consequenter ut eorum fiant participes, fortunatus autem est, qui bonorum fortunæ fit particeps (§. 409. *part. 1. Phil. pract. univ.*); parentes quoque operam dare debent pro virili, seu quantum in potestate eo-

rum

rum est, ut liberi fiant fortunati, consequenter sibi cavere, ne culpa eorum fiant infortunati.

Non est, quod dicas, neminem ideo esse felicem, quia fortunatus est (§. 412. *part. 1. Phil. pract. univ.*): neque enim repugnat, ut, qui fortunatus est, idem sit felix (§. 414. *part. 1. Phil. pract. univ.*). Parentibus curæ esse debet, ut liberos suos reddant felices (§. 710.); hoc tamen non obstante iisdem quoque curæ esse debet, ut eos fortunatos reddant. Tum demum peccant, si fortunæ ipsorum consulere studeant, felicitatis autem nullam habeant rationem, & hoc pacto plerumque iis magis nocent, quam consulunt. Necesse est parentes ante seipos regere nosse, quam liberos educare velint: qui enim ipse nondum didicit, quomodo actiones suas juxta naturæ legem componere debeat, quomodo is docebit alios, quomodo hoc facere debeant. Si parentes ignorent, quale sit discrimen inter felicem atque fortunatum hominem, ac de bonis animi, corporis & fortunæ ex vero statuere nesciant; quomodo fieri poterit, ut circa hæc rite fungantur officio suo in educatione liberorum? Sunt equidem qui urgent contemptum honorum fortunæ, & per consequens ab officio parentum erga liberos alienum existimant fortunæ eorum consulere: hi tamen sunt, qui non satis capiunt, in quonam contemptus bonorum fortunæ consistat. Sed is intra suos limites coarctandus est in philosophia morali. Non ex hominum opinione, quamvis eam tyrannum esse constet, sed ex notionibus, quæ in Philosophia evolvuntur, de eodem statuendum.

§. 733.

Liberi in omnibus officiis, quos aliis debemus, ceteris hominibus sunt preferendi. Quoniam enim liberos felices (§. officiis erga 710.) & fortunatos reddere debent parentes, quantum in aliis aliis potestate sua est (§. 732.), consequenter in omnibus opem *preferendis*. terre, in quibus eadem indigent, ac ideo speciali quadam ratione ad eorum perfectionem promovendam obligantur, si

autem plures ope tua indigeant, neque eam singulis ferre possis, illi præferendi sunt, ad quorum perfectionem promovendam speciali quadam ratione obligaris (§. 668. *part. 1. Jur. nat.*); liberi utique in omnibus officiis, quos aliis debemus, ceteris hominibus sunt præferendi.

Natura liberos commendat parentibus singulati ratione, dum amorem quendam liberorum iisdem instillavit (§. 257.), ratio vero, legis naturæ magistra (§. 259. *part. 1. Phil. præf. univ.*), dum curam a parentibus in educatione illorum adhibendam præscribit, & naturalem illum amorem educationi accommodat, tanquam debitum urget, quod ab affectu parentum dependere videbatur. Neglectus itaque liberorum cum sit lege naturali prohibitus (§. 722. *part. 1. Jur. nat.*), officium aliquod alii præstandum in potestate tua non est, siquidem idem a te exigit indigentia liberorum. Alius itaque querelæ parum justæ sunt, si eidem ferre nobis opem, quam ferre non poteris nisi cum neglectu liberorum. Idem valet, prouti facile intelligitur, etiam in alio casu, in quo ad obligationem universalem accedit aliqua singularis. Et quia exceptionem facit obligatio singularis ab universali; ea quoque de causa fieri nequit, ut officia humanitatis perfecte debeantur, quemadmodum alias demonstravimus (§. 659. *part. 1. Jur. nat.*).

§. 734.

De provi-
dentia pa-
rentum cir-
ca educatio-
nem libero-
rum in ca-
sam mortis
immutata.

Parentibus cura esse debet, ut, si ipsos mori contingat, antequam liberi fuerint educati, ipsis relinquunt bona, de quibus sumtus educationis sustentari possunt. Etenim uterque conjux ad sumtus educationis conferre tenetur, quod potest (§. 445.), & cum liberi a parentibus sint educandi (§. 263.), sumtus quoque in educationem facere obligantur, quos eadem exigit. Quamobrem cum haud raro contingat parentes mori, antequam liberi fuerint educati, iisdem utique curæ esse debet, ut ipsi relinquunt bona, de quibus sumtus educatio-

cationis sustentari possunt. Et quamvis sumtus educationis facere teneatur conjux superstes altero mortuo & nihil bonorum relincente, cum perinde sit, ac si conjux alter esset inops (§. 446.); quoniam tamen onera matrimonii, ad quæ etiam pertinent sumtus educationis (§. 448.), conjunctim a conjugibus sunt ferenda (§. 449.); onus quoque hoc in conjugem unum ab altero devolvendum non est solum, si id evitari possit, consequenter nec hoc obstante curæ esse debet parenti utrique, ut, si se mori contingat, antequam liberi fuerint educati, ipsis relinquat bona, de quibus sumtus educationis si non in totum sustentari possint, saltem levari, ne pars superstes nimium gravetur.

Imaginem hujus juris videmus etiam in brutis, vili nimirum insectorum genere, quæ, cum moriantur, antequam fœtus ex ovulis excludatur, ea ibi deponunt, ubi alimentum ipsis commodum obvium est. Dum ita natura ducit animal ad prospiciendum educationi prolis per speciem quandam providentiæ, ubi ipsummet ob obitum suum præesse eidem nequit; ratio omnino eandem providentiam urget in homine, quem mori contingit, antequam liberi fuerint educati. Enimvero nemini cognitus est dies supremus, quem obire tenetur. Quamobrem cura parentum, quam urget propositio præsens, cum ipsa prole nasci debet. Facile autem intelligitur, curam istam extendendam minime esse ultra id, quod possibile (§. 209. part. 1. *Phil. pract. univ.*). Sufficit enim, ne culpa parentum desint sumtus educationis, si diem supremum obire cogantur, antequam liberos suos educare potuerint. Ceterum ex iis, quæ modo diximus, patet, parentes peiores esse vili insectorum genere, qui in eventum mortis educationi liberorum consulere negligunt.

§. 735.

Si in potestate parentum fuerit efficere, ut liberi consequantur bona animi, corporis ac fortune, quibus ipsimet carent, & qua extendendo datur obli-

*gatio paren-pro rerum suarum statu consequi ipsimet minime potuerunt, vel
sum ad pro-possunt; ad hoc faciendum obligantur.* Etenim officium hoc
movendum naturaliter debemus homini cuicunque (§. 646. *part. 1. Jur.*
bonum libe. nat.). Quamobrem cum liberi in omnibus officiis, quæ
rorum. aliis debemus, ceteris hominibus sint præferendi (§. 733.);
parentes quoque, si in potestate eorum fuerit, multo magis
efficere debent, ut liberi consequantur bona animi, corpo-
ris ac fortunæ, quibus ipsimet carent, & quæ pro rerum
suarum statu consequi ipsimet minime potuerunt, vel
possunt.

Relegenda hic sunt, quæ alibi de hoc officio erga alios in
genere annotavimus (*not. §. 646. part. 1. Jur. nat.*). Ducit
eo parentes naturalis ille amor, quem natura ipsis instillavit (§.
257.). Inde nimirum est, quod parentes, nisi affectus ille
aliis contrariis sufflaminetur, gaudeant de bonis quibuscunque,
quæ liberis suis obveniunt. Ac id tanto magis contingit, si
ratio confirmaverit amorem istum, quemadmodum fieri
debet.

§. 736.

*Cura paren- tum quoad ea, quæ vitæ necessitas exigit, & quæ ad vitam commodè ac jucun-
necessita- de transigendum faciunt; ea pro virili conferre tenentur.* Etenim
tem, com- quicquid ad hoc conferre valemus, ne desit aliis cibis ac
moditatem potus salubris, nec desint vestimenta necessaria atque com-
& jucundi- moda, neque ædes commodæ ac pulchræ, consequenter ea,
tatem vita quæ ad vitæ necessitatem faciunt (§. 644. *part. 1. Jur. nat.*),
liberorum. & quicquid facere possumus, ut alii vitam commodè ac ju-
cunde transigant, ad hoc faciendum obligantur (§. 645.
part. 1. Jur. nat.). Quoniam itaque parentes liberos in
omnibus officiis, quæ debentur aliis, ceteris hominibus præ-
ferre debent (§. 733.); parentes quoque multo magis con-
ferre

ferre pro virili debent, quicquid ad hoc conferre possunt, ne desint liberis, quæ vitæ necessitas exigit, & quæ ad vitam commode ac jucunde transigendam faciunt.

§. 737.

Quoniam parentes pro virili conferre tenentur, quicquid ad hoc conferre possunt, ne desint liberis, quæ ad vitæ necessitatem & ad eam commode ac jucunde transigendam requiruntur (§. 736.), liberi autem in omnibus officiis, quæ aliis naturaliter debemus, ceteris hominibus sunt præferendi (§. 733.); liberi quoque in iis, quæ ad vitam necessitatem, commoditatem & jucunditatem spectant, ceteris hominibus præferendi sunt.

Ducit eo parentes amor naturalis liberorum, quatenus exinde voluptatem percipiunt, si liberis bene sit, tristitia vero anguntur, si male sit, præsertim absque eorum culpa. Ratio autem, quæ parentes operam dare jubet, ut liberi sint fortunati, nec ipsorum culpa fiant infortunati, idem expressius urget. Principium hoc probe notandum est: utemur enim eo paulo inferius, ubi de successione in bonis defuncti agitur.

§. 738.

Parentes sunt maximi benefactores liberorum. Etenim parentes non modo efficiunt, ut liberi existant in rerum natura, ut ideo liberi vitam suam ipsis tanquam causis secundis acceptam ferre debeant, quod per se patet; verum etiam multum curæ in educationem eorum impendere, ac sumtus in eandem facere, immo etiam propter educationem plurimum molestiarum devorare tenentur, prouti ex antea demonstratis abunde patet, & experientia quotidiana non minus confirmat. Immo quicquid ad id conferre possunt, quæ vitæ necessitas, commoditas, jucunditas exigit, in eo liberos

De prerogativa liberorum quoad ea, quæ ad vitam necessitatem, commoditatem & jucunditatem faciunt.

Quod parentes sint maximi benefactores liberorum.

liberos ceteris hominibus præferre tenentur (§. 737.). Cumque parentes hæc omnia facere teneantur, etiamsi nihil vicissim accipiant a liberis; omnia quoque præstantur gratis (§. 18. *part. 4. Jur. nat.*). Quamobrem cum benefactor sit, qui alteri gratis dat, vel facit, quod utile eidem est (§. 20. *part. 4. Jur. nat.*); parentes sunt benefactores liberorum. Et quoniam nemo alius ea omnia ipsis præstat, quæ a parentibus veniunt, quod per se patet; parentes utique sunt maximi benefactores liberorum.

Equidem quod bona fortunæ attingit, non omnes parentes æque fortunis liberorum æque consulere possunt, neque etiam eosdem in educationem facere sumtus; non tamen inde sequitur, quod beneficia a parentibus inopibus præstita liberis sint minora iis, quæ a divitibus præstantur. Neque enim solum magnitudo beneficii æstimanda est ex ratione ejus, quod præstatur, ad facultates dantis, ita ut pauper plus dare intelligatur divite, qui multo minus dat quam dives; verum etiam educatio plures molestias creat parentibus pauperibus, quam divitibus, immo subinde eos ad pauperiorem accegiem redigit. Accedit quod bona educatio, quæ liberos reddit felices, pluris facienda sit, quam educatio, qua id potissimum agitur, ut liberi sint fortunati. Bona autem educatio non minus in potestate parentum pauperum est, quam divitum, immo haud raro magis, quatenus absunt impedimenta, quæ his sese offerunt, non semper adeo facili superanda. Immo quotidie experimur, ut ideo prolixius idem demonstrari non sit opus, quantum præstet liberos bene educari, quam multis fortunis augeri. Bene educati quoque haud raro fiunt fortunati & in hoc statu perseverant, cum ex adverso liberi, quos fortunatos effecerant parentes, ceteroquin male, aut non satis bene educati, ipso educationis neglectu ex fortunatis fiant infortunati. Omnes itaque liberi parentes suos pro benefactoribus suis maximis habere debent, nisi prorsus degeneres ipsos ad vitia & scelera seduxerunt, quod rarissime accidit: quo ipso
tamen

tamen nondum tolluntur beneficia cetera, quæ ipsis exhibuerunt, dum vitæ ac sanitati eorum conservandæ studuerunt. In Jure autem naturæ parentes supponuntur, quales esse debent, non quales sunt, si officio suo satisfacere nolunt, vel in eo negligetiores sese præstant.

§. 739.

Liberi amare debent parentes. Etenim parentes sunt be- De amore, nefactores liberorum (§. 738.). Enimvero beneficiarius quo liberi amare debet benefactorem ob beneficia sibi tributa (§. 39. *parentes part. 4. Jur. nat.*). Ergo etiam liberi amare debent pa- *prosequi debent.*

Ipsa natura liberis indidit amorem parentum suorum, cuius imago conspicitur in ipsis brutis. Naturalis iste amor liberos parentibus conciliat, quemadmodum idem in parentibus liberos ipsis commendat, ut ideo ipsa natura amicitiam constituat inter parentes atque liberos (§. 625. *part. 1. Jur. nat.*). Ratio igitur, quæ non minus liberis amorem parentum *vi presentis*, quam parentibus amorem liberorum injungit (§. 715.), amicitiam istam firmare ac conservare debet.

§. 740.

Quoniam liberi parentes amare debent (§. 739.), qui *Parentes* o- vero alterum amat, eum odisse nequit (§. 623. *part. 1. Jur. disse non li- nat.*); *liberi parentes odio habere minime debent.* cet.

Officium universale est, quod nemo hominum alterum odio habere debeat (§. 624. *part. 1. Jur. nat.*). Quoniam vero liberos peculiari quadam ratione ad parentum amorem ducit ipsa natura, & ratio eidem minime contraria eundem liberis injungit (*not. §. 739.*); multo magis repugnat odium parentum naturæ liberorum, quam hominis cujusdam aterius naturæ humanæ. Hinc recte omnino liberi, qui oderunt parentes suos, omnem naturam humanam exuisse dicuntur, consequenter non modo naturam animaleam, quam (*Wolffii Jur. Nat. Pars VII.*) Uuu cum

cum brutis communem habent, verum etiam rationalem, quæ homini propria, ut ea de causa odium parentum suorum deprimat liberos non solum infra sortem hominum, sed & brutorum. Vix igitur quicquam turpius concipi potest odio liberorum, quo prosequuntur parentes suos. Dubium oriri poterat ex eo, quando parentes non satisfecerunt officio suo in educandis liberis, ut ideo vel fiant infelices, vel infortunati, aut infortunati ac infelices simul. Enimvero primum in genere paret, si parentes non satisfaciant obligationi naturali, non ideo permissum esse liberis, ut nec obligationi suæ, qua ipsi tenentur, satisfaciant. Deinde beneficia neglecta non tollunt præstita, sed eorum tantummodo numerum imminuunt, prouti jam antea annotavimus (nat. §. 738.). Amor ergo vi præstitorum adhuc subsistit, & per consequens odium arceat (§. 623. part. 1. Jur. nat.), & ad ignoscendum parentibus, si prava educatione nocuerunt, liberos impellit (§. 959. part. 1. Jur. nat.), ad quod naturaliter quoque homini cuique obligamur (§. 960. part. 1. Jur. nat.).

§. 741.

*De animo
grato libe-
rorum.*

Liberi obligantur ad beneficium reddendum parentibus occasione oblata & gratum erga eos animum habere debent. Etenim parentes sunt benefactores liberorum (§. 738.). Quamobrem cum beneficiarius obligetur ad beneficium reddendum benefactori occasione oblata (§. 41. part. 4. Jur. nat.), & animum gratum habere debeant erga benefactorem (§. 43. part. 4. Jur. nat.); liberi quoque obligantur ad beneficium reddendum parentibus occasione oblata & gratum erga eos animum habere debent.

Ostenditur etiam hoc modo. Beneficarii animus dispositus esse debet ad beneficia benefactori tribuenda ob beneficia sibi ab ipso tributa (§. 40. part. 4. Jur. nat.). Talem igitur quoque animum habere debent liberi erga parentes,

rentes, maximos benefactores, (§. 738.), consequenter animum gratum (§. 42. part. 4. *Jur. nat.*), quem cum habere non possint, nisi etiam beneficium parentibus reddant actu, occasione oblata beneficium quoque parentibus redde-
dere obligantur.

Gratus animus magis ornat liberos, quam amor liberorum parentes, cum in illo majorem sibi partem vindicet ratio, quam natura, in hoc autem majorem natura, quam ratio. Quemadmodum vero gratiarum actio ad plus dandum invitatio esse solet; ita quoque animus gratus liberorum auget amorem parentum,

§. 742.

Quoniam liberi animum gratum habere debent erga *De ingra-*
parentes (§. 741.), lex vero præceptiva est simul *titudine li-*
bitiva contrarii (§. 722. part. 1. *Jur. nat.*); *ingratitude libero-*
rum lege natura prohibita (§. 46. part. 4. *Jur. nat.*)

Summus ingratitude liberorum gradus est odium parentum (§. 46. part. 4. *Jur. nat.*). Quamvis enim ingratitude per se in odio benefactoris consistere nequeat, utpote quæ magis in absentia animi grati consistit; peculiaribus tamen de causis eidem superaccedere potest (*not.* §. 46. part. 4. *Jur. nat.*), consequenter ingratitude tantum turpiorem reddit ac detestabiliorem, quanto causæ istæ ab honestate magis recedunt, veluti si liberi odio prosequantur parentes, quod approbare nolint male facta. Constat ingratitude in genere prohibitam esse lege naturali (§. 47. part. 4. *Jur. nat.*); liberis autem eadem lege insuper in specie prohibita, *vi presentis.* Quamobrem ingratitude liberorum turpior est ingratitude quavis alia.

§. 743.

Similiter quia liberi animum gratum habere debent *De dilectio-*
erga parentes (§. 741.), qui vero animum gratum habet *ne paren-*
Uuu 2 erga *sum.*

erga alterum, eundem diligit, & per consequens constans ipsi est voluntas ac perpetua omni studio id agendi, ut sit felix, & cavendi, ne sit infelix (§. 31. part. 4. Jur. nat.); *liberi parentes suos diligere debent, ac constans ipsis esse debet voluntas omni studio id agendi, ut sint felices, ac cavendi, ne fiant infelices.*

Ut pateat, quomodo appetitus sensitivus hac in parte reducatur ad consensum cum rationali, relegendi sunt ea, quæ alias annotavimus (nos. §. 31. part. 4. Jur. nat.).

§. 744.

De officiis humanitatis Quoniam parentes suos diligere debent liberi (§. 743.), *aliberis pa-* est perfectionem ejus promovendi (§. 653. part. 1. Jur. nat.); *rentibus de-* liberis quoque constans & perpetua esse debet voluntas parentum *bitis.* perfectionem promovendi, consequenter cum officia erga alios, quibus ipsorum perfectio promoveretur, sint officia humanitatis (§. 655. part. 1. Jur. nat.), *liberi qua liberi* etiam parentibus ad præstanda quævis officia humanitatis obligantur.

Paucis hic multa dicuntur. Officia enim humanitatis, quæ homo homini debet, longe plurima sunt, quemadmodum abunde patet ex iis, quæ de officiis humanitatis integro capite tertio partis primæ Juris naturæ demonstravimus. Singula debentur parentibus non modo ex obligatione universali, quæ respicit omnes homines (§. 11. part. 1. Jur. nat.), verum etiam ex obligatione singulari, quæ parentes respicit qua tales (§. 12. part. 1. Jur. nat.). Qui ergo in iis, quæ parentibus debet, nihil a se desiderari voluerit, is officia erga alios singula probe perpendere tenetur, ne ullam prætermittat occasionem parentibus suis pro virili inserviendi, nec quicquam committat, quod eorum gratia omittere debebat.

§. 745.

§. 745.

Liberi in omnibus suis actionibus studere debent, ut placeant Quomodo parentibus, ac sollicite sibi cavere, ne quid faciant, quod voluntati liberi in illorum adversum. Etenim liberi parentes suos amare de omni actione (§. 739.). Enimvero qui alterum amat, is voluptatem eidem creare, tedium vero ab eo avertere studet (§. debeant, ut 652. Psych. empir.). Quamobrem etiam liberi studere de placeant parentibus, ut parentes ex ipsorum actionibus voluptatem, minime autem tedium seu molestiam percipiant. Quoniam itaque is nobis placet, ex cujus actionibus voluptatem percipimus (§. 542. Psych. empir.); liberi in omnibus suis actionibus studere debent, ut placeant parentibus. Quod erat unum.

Porro qui alterum amat, is facere non vult, quod voluntati ipsius adversum (§. 1176. part. 1. Jur. nat.). Quamobrem cum liberi parentes amare debeant (§. 739.); sollicite quoque sibi cavere debent, ne quid faciant, quod voluntati ipsorum adversum. Quod erat alterum.

Facile patet, officium hoc latius patere, quam obedientiam, etsi cum hoc conjungi possit ac debeat. Neque enim solum extenditur ad eas actiones, quas parentes liberis non imperant & ad eum statum, in quo actiones ipsorum non amplius sunt in dominio parentum, quemadmodum deinceps parebit; verum etiam exigit, ut obedientia ex amore parentum proficiatur, nimine autem metu pœnarum extorqueatur. Ita demum liberi obediunt parentibus cum sensu officii, & obedientia tanquam officium naturaliter debitum præstita virtutis est. Non scrupulosius distinguo artem, cuiusmodi obedientia per modum officii præstanda conveniat, & quandam circa obedientiam studere debeant liberi, ut parentibus placeant, talia enim res ipsa loquitur, ubi ad differentiam artem superius explicatam (§. 644.) animus advertitur. Quomodo vero tam obedientia cum sensu officii præstanda, quam studium

placendi parentibus in omnibus actionibus suis citra obedientiam liberis ab ipsis parentibus instillari debeat (§. 709.); in philosophia morali doceri debet. Quemadmodum autem parentes liberis imperare nequeunt, quæ legi naturæ contrariantur (§. 672.), nec liberi talia præcipientibus obedire debent (§. 673.); ita quoque studium placendi parentibus extendendum non est ad actiones illicitas, neque ad tales, quæ fortunæ liberorum nocent.

§. 746.

*De timore
filiali &
servili.*

Parentes sunt timendi timore filiali; timor autem servilis lege naturali non præcipitur, seu non est officium liberorum erga parentes. Liberi enim sollicitè sibi cavere debent, ne quid faciant, quod voluntati parentum adversum (§. 745.). Quoniam itaque sollicitudo animi nil faciendi, quod voluntati alterius adversum, timor filialis est (§. 1177. part. 1. Jur. nat.); parentes timendi sunt timore filiali. *Quod erat unum.*

Enimvero qui timore servili percellitur, metu poenæ facit, quod vult alter, & non facit, quod is a se fieri non vult (§. 1178. part. 1. Jur. nat.). Enimvero actio recta non est, quæ metu poenarum extorquetur (§. 349. part. 1. Phil. pract. univ.). Quamobrem cum lex naturæ præcipiat actionis rectitudinem (§. 189. 164. part. 1. Phil. pract. univ.); timor servilis lege naturali minime præcipitur, consequenter nec officium liberorum erga parentes est (§. 224. 225. part. 1. Phil. pract. univ.). *Quod erat alterum.*

Timor filialis ab amore sejungi nequit: qui ubi abest, nec dici potest, liberos amare parentes, saltem amor parentum restringitur ad eos actus, qui & ipsis placent. Caret igitur amor ea rectitudine, quam lex naturæ exigit. Liberi nimium parentes non amant, quam quatenus amor parentum non adver-

adversatur amoris perverso proprio. Parentes itaque non amant tanquam seipsos, sed ea faciunt, quæ amoris parentum convenire videntur, quia seipsos amant, & per consequens parentes minime amant cum sensu officii, sed quatenus ea probant, vel jubent, aut suadent, quæ & ipsis per se placent, ita ut amor parentum non influat in determinationem actionis quippe quam sic, non aliter determinarent, etiamsi ea parentibus displiceret. Timor servilis non est officium liberorum erga parentes, sed medium cohibendi voluntatem malam, ne in actus externos erumpat, quemadmodum idem jam annotavimus, cum de timore Dei ageremus (not. §. 1180. part. 1. Jur. nat.).

§. 747.

Quamdiu liberi usu rationis destituuntur, vel nondum suffi- De officio pa-
ciente pollent, metu servili imbuendus est animus: *quamprimum tantum*
vero fieri potest, operam dare tenentur parentes, ut metum servi-quoad u-
lem in filialem convertant. Etenim quamdiu liberi usu ratio- *trumque.*
nis destituuntur, vel nondum sufficiente pollent, scientiam boni & mali legumque naturalium acquirere minime valent (§. 689.). Quamobrem fieri nequit, ut cum sensu officii faciant, quæ legi naturæ conveniunt (§. 224. part. 1. Phil. pract. univ.). Metu igitur poenarum deterrendi sunt ab eo, quod omittendum, & adducendi ad id, quod committendum (§. 671.). Quoniam itaque metu poenæ facit, quod vult alter, & non facit, quod is a se fieri non vult, qui timore servili percellitur (§. 1178. part. 1. Jur. nat.); quamdiu liberi usu rationis destituuntur, vel nondum sufficiente pollent, metu servili imbuendus est eorum animus. *Quod erat unum.*

Enimvero cum timor servilis officium liberorum erga parentes non sit, sed filialis (§. 746. h. & §. 224. part. 1. Phil. pract. univ.), parentes vero liberos a prima statim ætate assue-

assuefacere debeant officiis, quæ ipsis debentur (§. 709.); parentes quoque operam dare debent, ut, quamprimum fieri potest, metum servilem liberorum in filialem convertant.

Si officio huic parentes satisfacere velint, ne qua in parte diligentiam suam desiderari patiantur, plura observanda sunt, quam videri poterat. Sed eorum discussio ad Philosophiam moralem spectat. Erunt forsitan, qui existimaturi sunt, nos parentibus in educandis liberis jugum nimis grave imponere, immo intolerabile. Sed hi erunt, qui minime perpendunt, nos nihil affirmare, nisi quod ex principiis juris naturæ demonstratur. Velim itaque, ut, qui sic sentiunt, demonstrationes nostras probe perpendant, ut eorum vim percipiant. Ne vero sibi, vel aliis persuadere contentur, quasi obligationem parentum in educatione liberorum ultra id extendamus, quod fieri potest, parum memores infirmitatis humanæ; velim ne præcipitent judicium, antequam in philosophia morali usum facultatum animæ in exequendis officiis demonstraverimus, & in philosophia civili seu Politica ostenderimus, quænam sint partes principis in educatione liberorum. Plura sane in potestate sunt, quam vulgo putatur, quemadmodum me ostensurum confido, si Deus vitam ac vires corporis & animi conservet, donec Philosophiam moralem atque civilem tradere licuerit, qualem animo concepi. Non famæ studeo, sed felicitati generis humani, ad quam si quid contulero, aliud laborum præmium non expeto, quippe non quærens quod meum est, sed quod alterius cum sensu officii mei (§. 615. *part. 1. Jur. nat.*).

§. 748.

De parentibus non contristandis. Liberi parentes suos contristare non debent. Amare enim debent parentes (§. 739.). Enimvero si quis alterum amat, is ideo contristatur, quod alter tristis sit (§. 642. psych. empir.), consequenter ipse eundem contristare non debet.

debet. Liberi igitur parentes suos contristare non debent.

Animus non contristandi parentes ab amore separari nequit. Plus tamen est in officio eos non contristandi, nimirum circumspecta sollicitudo, ne quid committatur, quo contristari possunt. Hæc ubi abest, incogitantia contingit, ut tale quid committatur, quamvis facti pœniteat, quo parentes contristantur, si liberi animum non contristandi habeant, cum officium præsens motivum esse debeat id non committendi. Et qui officio huic satisfacere voluerit, is assuescere debet actionibus suis ad animum parentum referendis, ut appareat, quænam in eo affectum suscitare possint. Facile autem intelligitur, liberis imputari non posse, si quid ipsis accidat, ob quod lachrymis ac tristitiæ sese tradunt parentes. Ad casus enim evitandos, qui potestati nostræ subducuntur, officium hoc extendi nequit. E. gr. Filia contristat parentes, quæ se stuprari patitur; filius, si scelus perficiat, immo scelus scelere cumulet, nec ab eo quamvis sæpe ac serio monitus liberari possit, non vero si tristitia angantur parentes, quod morbus obstat, quo minus ejus fortunæ consulere valeant, quemadmodum sibi proposuerant: hoc enim in casu parentum est tristitiam, quam suadet amor (§. 642. *Psych. empir.*) mitigare (§. 591. *part. 1. Jur. nat.*), & patienter ferre, quæ mutari non possunt (§. 593. *part. 1. Jur. nat.*). Insanus autem foret ac peccaret, qui ea de causa filium odio haberet, aut amorem saltem suum languescere pateretur.

§. 749.

Parentes liberos ad iram provocare non debent. Quoniam De liberis
enim ira conjuncta est cum odio (§. 862. *Psych. empir.*); *ad iram non*
si liberi a parentibus ad iram provocentur, facile contin- *provocandis.*
git, ut odium concipiant in parentes, aut saltem ut animus
illorum ab iis alienetur. Quoniam itaque parentes amo-
rem sui, ad quem naturaliter obligantur (§. 739.), a prima
(*Wolffii Jur. nat. Pars VII.*) X x x statim

statim ætate instillare debent (§. 708.); eos ad iram provocare non debent (§. 722. *part. 1. Jur. nat.*).

Multis modis contingit, ut parentes ad iram provocent liberos, veluti intempestiva, vel immoderata castigatione, denegando iis, quæ facile concedi poterant, non distinguendo malitiam a culpa, præsertim in re leviori. Sed de his agendum est in philosophia morali. Absit vero, ut tibi persuadeas, propterea liberis quævis pro lubitu esse permittenda, nec pœnis meritis malitiam, vel negligentiam eorum coercendam: sit ita, quod pœna etiam merita condonanda sit, si spes emendationis in posterum affulgeat. Nimia parentum lenitas corrumpit mores liberorum, quos ipsi formare ac emendare tenentur.

§. 750.

*Quod mala
liberis im-
precari non
liceat.*

Parentes liberis mala imprecari non debent. Parentes enim operam dare debent pro virili, ut liberi consequantur bona fortunæ, & eos aptos efficiant ad ea consequenda (§. 729.), minime autem eos privare bonis fortunæ, quibus eos augere poterant, nec negligere eam curam, quam adhibere debebant, ut ad paranda bona fortunæ fierent apti (§. 730.). Immo ex felicitate liberorum voluptatem percipere debent (§. 731.). Quamobrem optare, vel velle nequeunt, ut liberi careant bonis fortunæ, vel iisdem priventur, aut ut ipsis eveniant mala. Enimvero qui verbis declarat velle sese, ut liberis eveniant mala, quale est amissio bonorum fortunæ, alteri mala imprecatur (§. 863. *part. 3. Jur. nat.*). Parentes igitur liberis mala imprecari non debent.

Nemini mala imprecari licet (§. 868. *part. 1. Jur. nat.*), multo minus itaque mala liberis imprecari permissum, cum istiusmodi imprecatio & execratio cum officio parentum erga liberos pugnet. Nec est, quod excipias, mereri eandem liberos immorigeros, qui parentes suos contristare sibi minime religioni ducunt.

ducunt. Quamvis enim liberi desint officio suo (§. 666. 748.); non tamen ideo parentibus permillum est tollere officium suum erga liberos (§. 631. part. 1. *Jur. nat.*) & per consequens eos odio habere (§. 867. part. 3. *Jur. nat.*), ac ideo ex illorum infelicitate voluptatem percipere (§. 668, *Psych. empir.*), quorum felicitas (§. 710.) & fortuna secunda ipsis maxime curæ esse debebat (§. 729.). Optare igitur potius debent, ut liberi immorigeri ad meliorem frugem revertantur, ne semetipsos reddant infelices ac miseros, Votis hisce minime repugnat, sed potius convenit, ut parentes vindictam divinam liberis immorigeris serio ac graviter, nec sine indignatione, factorum atque scelerum detestatione, representent ac mala, in quæ se præcipites dant, prædicant, cum peccatorum divinarum & malorum, quæ sibi accessunt, metu a scelere sint abducendi, nisi causa prorsus desperata sit. Odisse debent scelera liberorum, non vero liberos, & dolere, quod Deum experturi sint vindicem, nisi respiciant. Odium hoc consistere potest cum amore liberorum, quem lex naturæ injungit parentibus (§. 715.). Quodsi parentes ita moderentur iræ, ut tendat in facta, non in personam liberorum; ab omni odio immunem præstabunt animum, nec dici poterunt connivere in malitia liberorum.

§. 751.

Liberi parentes magni facere debent. Etenim liberi non *De parenti-* modo parentibus suis vitam suam & conservationem sui *bus magni* acceptam referre debent tanquam causis secundis; verum *faciendis.* etiam parentes multum curæ in eorum educationem impendere, ac sumtus in eandem facere, immo educationis causa plurimum molestiarum devorare tenentur: id quod nemini ignotum est, nec in dubium revocari potest. Quoniam igitur liberi animum gratum habere debent erga parentes (§. 741.), consequenter tanta a parentibus in se profecta beneficia agnoscere (§. 31. part. 4. *Jur. nat.*); ceteris

teris omnino hominibus parentes præferre, consequenter magni facere debent (§. 839. *part. 1. Jur. nat.*).

Nihil hic datur opinionibus præjudicatis, quemadmodum vulgo in magni faciendis aliis fieri solet (§. 839. *part. 1. Jur. nat.*), sed veritati unice litatur. Si quis dubiter, ea relegat, quæ supra annotavimus (*not. §. 738.*). Equis est, qui præter parentes paria cum ipsis liberis præstare velit, præsertim ubi parentes adhuc in vivis sunt. Merentur itaque parentes, ut a liberis suis majoris fiant quam alii, quos tanquam benefactores suos venerantur; id quod clarius elucescit, si beneficia parentum rite æstimare & alienorum ab iisdem dependentiam perpendere noveris. Meritum hoc in causa est, ut lex naturæ præcipiat parentes magni facere sine ullo discrimine.

§. 752.

De parentibus honorandis.

Quoniam liberi parentes magnifacere (§. 751.), consequenter aliis præferre debent (§. 839. *part. 1. Jur. nat.*), honor autem consistit in actibus externis, quibus alterum aliis præferendum esse indigitamus (§. 841. *part. 1. Jur. nat.*); *liberi parentes honorare debent.*

Non sufficit ut liberi agnoscant beneficia parentum, & ob ea eosdem magni faciant; sed necesse est, ut actibus quoque externis animum suum iisdem declarent. In hac autem significatione animi nostri, qui ad existimationem referendus, honor consistit (§. 538. *part. 1. Jur. nat.*). Honor vero hic cum a beneficiis parentum in liberos profectis dependeat, significationem animi grati (§. 31. *part. 4. Jur. nat.*), & simul amorem ob beneficia parentum continet (§. 799. *Psych. empir.*).

§. 753.

De officio parentum

Quia liberi parentes honorare debent (§. 752.), *parentes autem eosdem a prima statim ætate assuefacere tenentur*

mentur liberos officiis, quæ ipsis debentur (§. 709.), iidem circa hono-
quoque a prima statim aetate liberos assuefacere debent, ut se rem a libe-
honorent. ris ipsis de-
ferendum.

Abfit ut tibi persuadeas, hoc ambitioni parentum esse tri-
buendum, quasi honorem intenderent tanquam finem: ne-
que enim sui gratia liberos ad honorem sui adducunt, sed ut
liberi satisfacere discant officio suo. Est enim ambitiosus,
qui honoris insatiabili cupiditate flagrat (§. 570. part. 1. Jur.
nat.), eundem appetat, five eum mereatur, five minus, &
ab aliis eundem extorquere velit; alia tamen longe est ratio
parentum, quorum curæ demandatum, ut liberos ad officia
sibi debita præstanda obligent, cum sint formatores morum
liberorum suorum. Et quamvis honor præcipue in actibus
externis saltem consistat, a quibus tamen interni abesse mini-
me debent; quamdiu tamen liberi nondum eo iudicio pol-
lent, sine quo existimationi locus non est, quemadmodum in
ceteris, ita etiam in hoc officio parentibus curæ esse debet, ut
actibus externis statim assuefiant liberi, quamprimum fieri
potest, ne, postquam contrariam consuetudinem contraxerunt,
quæ altera natura est & difficulter eradicatur, difficile, si non
profsus impossibile sit ad virtutem infuscatam perducere libe-
ros. Parentes sunt vitæ nostræ autores, educatores & alto-
res, ac propterea maximi benefactores nostri (§. 738.), qui-
bus ut placeamus in omnibus actionibus nostris studere debe-
mus (§. 745.). Quoniam unus quisque alterum tanti existi-
mare debet, quanti meretur (§. 647. part. 1. Jur. nat.) &
eidem exhibere honorem, quem meretur (§. 648. part. 1. Jur.
nat.); parentes esse vitæ nostræ autores, educatores, atque
altiores & maximos benefactores nostros, atque eos, qui-
bus ut placeamus in omnibus actionibus nostris studere debe-
mus, non modo agnoscere, verum etiam quod agnoscamus
actibus externis significare ipsis debemus (§. 538. part. 1. Jur.
nat.). Quamdiu rationis usu destituimur, vel iudicium non-
dum satis perfectum; quanti parentes existimare debeamus,

capere non possumus, externi tamen actus, quibus existimatio significatur, vires corporis non excedunt. His igitur asfuefieri a parentibus debent liberi a primis statim unguiculis. Quando vero ad eam perveniunt ætatem, in qua scientiæ boni & mali sunt capaces, ratio illorum actuum ipsis insinuanda (§. 689.), ut jam cum sensu officii faciant, quod anrea sola consuetudine ducti fecerant.

§. 754.

De prærogativa parentum in præstandis officiis humanitatis. Parentes in præstandis officiis humanitatis in casu collisionis præferre debent aliis, conjuge saltem ac liberis propriis, si quos habent, exceptis. Etenim liberi ad officia humanitatis, quæ naturaliter debentur aliis (§. 655. part. 1. Jur. nat.), speciali ratione, nimirum quia liberi sunt, parentibus obligantur (§. 744.). Quoniam itaque in præstandis officiis humanitatis eos, quibus speciali ratione ad eadem præstanda obligamur, ceteris præferre debemus, quibus ex universali saltem obligatione, nimirum jure humanitatis (§. 11. part. 1. Jur. nat.), tantummodo tenemur (§. 668. 655. part. 1. Jur. nat.); liberi utique in præstandis officiis humanitatis in casu collisionis parentes præferre debent aliis. *Quod erat primum.*

Enimvero conjuges arctissime ita uniuntur, ut instar unius personæ spectentur, nec ita cum persona alia uniri possunt (§. 469.). Quamobrem cum felicitas propria præterenda sit alienæ, si propria & aliena collidantur (§. 622. part. 1. Jur. nat.), consequenter in præstandis officiis humanitatis quilibet præferre debeat seipsum alteri ope ipsius indigenti (§. 655. part. 1. Jur. nat.); in casu collisionis conjux conjugem parentibus suis præferre debet in officiis humanitatis præstandis. *Quod erat secundum.*

Denique naturalis amor parentum, qui se prodit in liberis ante usum rationis, nascitur ex sensu beneficiorum a parentibus acceptorum.

parentibus in eos collatorum & ex significatione amoris parentum erga liberos (§. 649. *Pfych. empir.*); unde est, quod infantes ac pueri matrem magis ament, quam patrem, nisi singulares quædam rationes in contrariam adfuerint, & per consequens natura liberis parentes commendat tanquam benefactores maximos. Et eodem quoque ducit ratio (§. 738. & *seqq.*). Enimvero amor naturalis parentum erga liberos commendat ipsos parentibus tanquam eos, quos felices & fortunatos reddere debent qua parentes (§. 259. 255.) & ratio eos eodem ducit (§. 710. 732.). Quamobrem parentes liberis suis arctius obligantur ad felicitatem eorum promovendam, quam parentibus, quemadmodum etiam naturalis amor parentum, quo prosequuntur liberos, major deprehenditur naturali amore liberorum, quo parentes suos consequuntur, nisi rationes aliunde accedant, quæ naturæ vim inferunt. Quoniam itaque in casu collisionis obligatio una alteri præferenda (§. 207. *part. 1. Phil. pract. univ.*), consequenter arctior vincit minus arctam, vi ipsius principii rationis sufficientis (§. 70. 76. *Ontol.*); in præstandis officiis humanitatis in casu collisionis liberi utique parentibus sunt præferendi. *Quod erat tertium.*

Propositio præsens primis naturæ convenit, nisi naturæ vis inferatur, quemadmodum abusu & non usu facultatum in hominibus facile contingit, prouti discere datur, siquidem ad ea, quæ fiunt, animum attendamus &, quemadmodum fieri necesse est, ea diligenter perpendamus. Quamobrem etiam inde inferri poterat, quod legi quoque naturæ conveniat (§. 83. *part. 2. Jur. nat.*). De naturali amore parentum, quo liberos suos prosequuntur, id satis liquet: ast an natura quoque instillet conjugii amorem conjugis, dubitari poterat, propterea quod matrimonium libera hominum voluntate contrahitur inter personas, quas natura nullo peculiari vinculo conjun-

conjunxit, & quarum uni erga alteram singularem quandam amorem non instillavit. Enimvero quis negare aulit ex copula carnali nasci amorem mutuum quandam conjugum, qui rationi acceptus ferri minime potest. Hoc autem natura non aliud intendit, quam ut artissime uniat conjuges, ad quam unionem quoque ducit ratio (§. 469.), quatenus amorem mutuum conjugum sine exemplo præcipit (§. 468.). Quodsi appetitus rationalis cum sensitivo constanter consentiret, quemadmodum vult lex naturæ (§. 267. *part. 1. Jur. nat.*); amor ille naturalis facilius observaretur. In præsentem autem nostrum non est inquirere in impedimenta, quæ obijciuntur, quo minus amor iste vel non generetur, vel genitus enervetur, ut effectu suo destituatur. Ceterum ne propositio præsens in abusu trahatur, collisio in casu dato rite dijudicanda. Etenim necesse est, ut utriusque eadem sit indigentia & ut vel idem præstandum sit, vel quod uni præstandum præstari nequeat nisi cum neglectu alterius. Præterea quoque notandum est, distinguendum esse inter ea, quæ conjugii & liberis perfecte debentur, & ea, quæ parentibus debentur minus perfecte, hoc est, nisi obster aliud, quod illis perfecte debetur. Sed talia in casu particulari per rationes particulares clarius definiuntur. Quamvis enim nec officia, quæ parentibus præstantur ex animo grato, simpliciter spectentur ut officia humanitatis, quia non solo jure humanitatis iis debentur; minus tamen accedunt ad officia perfecte debita, quam quæ ad educationem liberorum pertinent. Dantur nimirum etiam in iis, quæ perfecte, aut saltem non prorsus imperfecte debentur, gradus. Sed horum accuratior discussio ad theoriam illam magis exasclatam pertinet, quam postentati reservatam alias jam diximus. Generales enim theoriæ post discussionem particularium demum condendæ, tumque facilius ac rectius condi possunt, quam particularibus nondum discussis. Dedimus subinde fidem oculatam in ipsa tractatione nostra: sed quamvis ratio jam pateat acurioribus ex iis, quæ in Logica & Ontologia, immo etiam Psychologia tradidimus; clarius tamen consta-

constabit, ubi Ars inveniendi ad artis formam instar Logicæ fuerit reducta.

§. 755.

Liberi parentes inopes alere tenentur, nisi eadem inopia la- De alimen-
bovent, vel vix liberis suis alendis sufficiant. Etenim liberi be-
neficiarii parentum suorum sunt (§. 738. b. & §. 20. *part. beatus pa-*
4. Jur. nat.), consequenter ad beneficium reddendum ipsis *rentibus.*
obligantur (§. 41. *part. 4. Jur. nat.*). Quamobrem cum
alimenta a parentibus acceperint, cum rerum omnium in-
opia laborarent, nec eas sibi metipsis comparare valerent, quod
per se patet; parentibus quoque inopibus, quos in præsta-
tione cujuscunque officii præferre aliis debent (§. 754.),
alimenta præstare tenentur. *Quod erat primum.*

Enimvero si eadem inopia laborent, qua parentes, in
ipsorum potestate positum non est, ut eosdem alant, quod
per se patet. Quamobrem cum nemo obligari possit ad id,
quod impossibile (§. 209. *part. 1. Phil. pract. univ.*), & in
casu collisionis officium erga seipsum vincat officium erga
alios (§. 229. *part. 1. Phil. pract. univ.*); si liberi cum paren-
tibus eadem inopia laborent, parentes etsi inopes alere non
tenentur. *Quod erat secundum.*

Denique si liberi vix propriis, quos habent, liberis
alendis sufficiunt, siquidem parentes alere deberent, libe-
ros suos alere non possent. Quamobrem cum in quibusvis
officiis in casu collisionis liberi parentibus suos, quos ha-
bent, liberos præferre debeant (§. 754.); iidem quoque pa-
rentes inopes alere non tenentur, si vix liberis suis alendis
sufficiunt. *Quod erat tertium.*

Sincerus amor præstationem hujus officii liberis facilem
reddit, ut non sine gaudio alimenta parentibus inopibus præ-
stent (§. 348. *part. 1. Phil. pract. univ.*), si vel maxime mole-
(*Wolfii Jur. Nat. Pars VII.*) Yyy itum

stum accadat (§. 615. *Psych. empir.*). Liberi itaque, qui parentes amant, quemadmodum debent (§. 739.), quasi natura sua ad parentes inopes alendos ducuntur. Negandum tamen non est, vulgo liberis durum ac molestum videri alere parentes, ut apud nos dudum in proverbium abierit, facilius esse, ut pater unus viginti alat liberos, quam ut viginti liberi unum alant parentem. Equis vero est qui nesciat, amorem rationalem, qualis is est, quem diximus, parcius inter homines esse distributum, & plurimum differre ab eo, quem vulgo unicuique vel sua, quæ ipsum trahit, voluptas commendat, vel necessitas & mores, quamvis non satis sincerum, imperant? In differentiam hanc inquirere & ex natura animæ eandem a priori demonstrare ejus est, qui philosophiam moralem excollere voluerit. Principia sufficientia largitur Psychologia empirica, præsertim ubi genuinus usus facultatum animæ in dirigendis affectibus in philosophiis morali jam fuerit demonstratus. Eadem vero methodo utendum est, qua nos in philosophando uti solemus. Quæ vero modo annotavimus de collisione officiorum rite æstimanda (not. §. 754.); ea etiam hic notanda veniunt.

§. 756.

De iis, quæ ad vitam faciunt. Si parentes equidem habeant, unde vitam tolerare possunt, desint tamen iis quæ ad vitam commoditatem & jucunditatem faciunt; liberi pro modo facultatum suarum parentibus ea conferre debent, quæ vitam commodam ac jucundam faciunt. Quicquid enim facere possumus, ut alii vitam commode ac jucunde transigant, ad hoc faciendum obligamur (§. 645. *part. 1. Jur. nat.*). Quamobrem cum parentibus ad quævis officia humanitatis præstanda obligentur liberi (§. 744.), & in iis præstandis eisdem aliis præferre debeant (§. 754.), ultra posse vero nemo alteri obligetur (§. 209. *part. 1. Phil. pract. univ.*); si parentes equidem habeant, unde vitam tolerare possunt, desint tamen ipsis, quæ ad vitam commoditatem

rateam & jucunditatem faciunt; liberi pro modo facultatum suarum parentibus ea conferre debent, quæ vitam commodam ac jucundam faciunt.

Ostenditur etiam hoc modo. Si qua liberi parentibus conferunt, quæ ad vitam commodè & jucundè transigendam faciunt, quin id ipsum placeat parentibus dubitandum non est. Quoniam itaque studere debent, ut in omnibus actionibus placeant parentibus (§. 745.); si his desint, quæ ad vitam commodè & jucundè transigendum faciunt, etsi non desint, quæ ad vitæ necessitatem faciunt, quin pro modo facultatum suarum ea conferre debeant, dubitari nequit.

Suppeditare ea, quæ ad vitæ commoditatem ac jucunditatem faciunt, manifestius signum est amoris erga parentes, quam eorundem egestatem levare. Liberi igitur, qui parentes suos amare debent (§. 739.), eundem ipsis hoc modo significare utique tenentur. Amare parentes nihil esse videtur, nisi etiam facias, ut sciant se amari. Quæ parentibus præstantur, sunt veluti fructus laborum, quos educatio fecit. Quamobrem æquum est, ut eos quoque percipiant. Sed non opus est, ut ad particularia descendamus, quæ magno numero hic sese offerunt; ipse enim amor, quo imbutus esse debet animus liberorum, optima erit illorum magistra, præsertim si prudentiam individuum habeat comitem (§. 256. part. 1. Jur. nat.).

§. 757.

Si liberis undecunque obveniant bona, parentes ea administrare debent, quamdiu ipsi in eis administrare nondum possunt; De bonis liberorum.
minime autem dominium in iis acquirunt, nec ususfructus ad eos pertinet, nisi quatenus fructus impenduntur educationi. Etenim quamdiu liberi per se officiis erga seipsum satisfacere nequeunt,

Yyy 2

queunt,

queunt, parentes facere tenentur, quæ ipsimet facere debebant, sed nondum possunt (§. 641.). Quodsi ergo bona sua, quæ ipsis undecunque obveniunt, administrare nondum possunt, parentes omnino ea administrare debent.
Quod erat primum.

Constat autem parentes liberos bonis fortunæ privare non debere, quibus eos augere poterant (§. 730.), consequenter nec eos privare bonis, quæ undecunque ipsis obveniunt. Quoniam igitur id fieret, si bona, quæ liberis obveniunt, ipsorum esse deberent, consequenter si dominium in iis acquirerent (§. 124. *part. 2. Jur. nat.*); dominium in iis acquirere nequeunt. *Quod erat secundum.*

Enimvero domino competit jus fructus percipiendi, nec ipso invito alius eosdem percipere potest (§. 441. *part. 2. Jur. nat.*). Quamobrem cum liberi sint domini bonorum, quæ ipsis undecunque obveniunt, *per demonstrata n. 2.* ipsorum quoque sunt fructus, qui ex iis percipiuntur. Quamobrem parentes in iisdem usumfructum habere nequeunt (§. 1420. *part. 5. Jur. nat.*). *Quod erat tertium.*

Quoniam tamen parentibus licet subsidio fructuum sustentare sumtus educationis, si liberis obveniant bona (§. 527.); ususfructus ad parentes pertinet, quatenus fructus impenduntur educationi. *Quod erat quartum.*

Naturale non est, sed mere positivum, quod, quæ liberi acquirunt, patri acquirantur, quemadmodum obtinebat Jure Romano antiquo, aut quod ususfructus bonorum, quæ liberis sunt, pertineat ad patrem, quod Juris Romani recentioris est, ac inde ad nos derivatum. Fluxit illud ex erroneæ potestatis patriæ notione, quæ constituit liberos in dominio parentum; hæc vero introducta postea est ad temperandam iniquitatem Juris antiqui. Naturaliter patriæ potestas patri
ac ma-

ac matri communis est (§. 661.), consequenter si bona, quæ liberis undecunque obveniunt, non essent ipsorum propria, aut si usufructu privari possent ultra sumtus in educationem faciendos, bona, quæ ipsis obveniunt, parentum communia esse deberent & eodem modo intelligitur, quod etiam unusfructus communis esse deberet. Facile itaque apparet, Jus Romanum non attendisse rationem naturalem. Sane naturaliter parentibus jus aliud in liberos competere nequit, nisi in actiones eorundem (§. 663.), ut ideo potestas patria non sit nisi imperium in liberos competens (§. 662.). Nullum igitur jus in bona, quæ liberis undecunque obveniunt, competere potest, nisi quatenus fructibus ex iis percipiendis sumtus educationis sustentare licet (§. 527.). Equidem naturalis hæc æquitas parum attenditur, quia legibus positivis aliud sancitum, ac moribus aliud introductum; non tamen propterea illa nulla est, &c., nisi parentes officio suo deesse velint, non tanta penes eos Juris positivi aut morum reverentia esse debet, ut illi nuncium mittant. Nemo autem sanus a nobis desideraverit, ut, dum ea demonstranda nobis sumimus, quæ Juris naturæ sunt, immutabile hoc jus in positivum convertamus & quæ juris mere positivi sunt pro jure naturali venditemus, ut dicamur Jus naturæ juridicum, non philosophicum tradidisse. Ita enim Jus naturæ juridicum foret larva quædam ad decipiendum incautos conficta. Nostrum non est sumum vendere, sed veritatem conspicuam facere.

§. 758.

Quoniam parentibus non competit dominium in bonis, quæ liberis undecunque obveniunt (§. 757.), nemo *bonorum* autem præter dominum rem alienare potest (§. 668. *part. 2. alienare lib. Jar. nat.*); parentibus quoque non competit *ius bona liberorum* *ceat.* alienandi, seu ea alienare non licet (§. 170. *part. 1. Phil. pract. priv.*). Quoniam tamen parentes operam dare debent pro virili, ut liberi consequantur opes (§. 731.), consequenter

Yyy 3

etiam

etiam ut fiant locupletiores (§. 582. part. 2. *Jur. nat.*) ; si alienatio tendat in utilitatem liberorum bona eorum alienare licet.

E. gr. Ponamus filio tuo acquiri prædium, cujus ædificia sunt prorsus desolata, & nova nonnisi magno sumtu extrui posse; quin liceat prædium vendere & pecuniam melius collocare dubitandum non est. Idem intelligitur, si res minus fructuosa vendatur, & quæ fructuosior ematur. Plus licet naturaliter parenti, quam alii administratori, quia parentes facere tenentur, quæ liberi facere debebant, sed non possunt (§. 641.), ut ideo suo stent judicio, nec consensum liberorum, qualis foret, si ipsimet de re sua statuere possent, adeo rigore præsumere habeant opus. Peccant vero, si alienatio fiat in detrimentum liberorum.

§. 759.

De oppignoratione rerum, quæ sunt in bonis liberorum. Similiter quia bona, quæ liberis undecunque obveniunt, non sunt parentum, sed liberorum manent (§. 757.), nemo autem rem oppignorare potest nisi suam (§. 1164. part. 5. *Jur. nat.*); parentes quoque res, quæ sunt in bonis liberorum, oppignorare nequeunt pro debitis suis.

Ita si filiolus tuus prædium habeat, id pro debitis tuis oppignorare non licet. Aliud enim est fructus prædii impendere educationi, quod tibi permixtum est (§. 527.); aliud vero prædium oppignorare pro debitis suis: id quod tendit, aut tendere saltem potest in detrimentum filii, ac ideo contrariatur officio tuo (§. 732.).

§. 760.

De servitute in re liberorum. Similiter quia in bonis, quæ liberis undecunque obveniunt, dominium non habent parentes (§. 757.), nemo autem præter dominum alteri jus quoddam in re aliqua, consequenter servitutem (§. 1267. part. 5. *Jur. nat.*), constituere

stituere potest (§. 983. *part. 3. Jur. nat.*); *parentes* quoque in re liberorum minime servitutem constituere possunt.

Qui servitutem constituit, particulam quandam, vel partem dominii alienat (§. 1276. *part. 5. Jur. nat.*). Quodsi adeo parentes in re liberorum servitutem constituerent, perinde est ac si quid de bonis ipsorum alienarent: id quod facere minime licet (§. 758.).

§. 761.

Quoniam parentibus competit usufructus, in quantum fructus impenduntur educationi (§. 757.); si fructus ex bonis liberorum superent suntus educationis, iidem bonis accensendi sunt. Immo cum quilibet jus suum remittere possit, nisi id fiat contra jus tertii, quale hic nullum adest (§. 117. *part. 3. Jur. nat.*); parentes omnes fructus, qui ex re ipsorum percipiuntur, iisdem conservare atque hoc modo patrimonium ipsorum amplificare possunt (§. 452. *part. 2. Jur. nat.*).

Convenit hoc officio parentum de liberis fortunatis efficiendis (§. 732. *b. & §. 409. part. 1. Phil. pract. univ.*); sic ita quod a moribus nostris abhorreat, de quibus notanda veniunt, quæ paulo ante annotavimus (*not. §. 757.*).

§. 762.

Infantes & qui propter imbecillitatem intellectus seu iudicii. An infan-
num imperfectum bona administrare non possunt; dominii capaces sibi, quo-
sunt. Etenim quilibet jus suum exercere potest vel per se, vel per alium, consequenter cum ad exercitium dominii, factum est quod jus quoddam est (§. 118. *part. 2. Jur. nat.*), pertineat iudicium administratio bonorum, quod per se patet, modo confideretur dominii sint rentur, quinam actus ad eam requirantur, bona quoque capaces. sua quis administrare potest vel per se, vel per alios. Quamvis itaque infantes & alii, quorum adhuc imperfectum est iudi-

judicium, ut scilicet ignorent ea, quæ ad administrationem bonorum requiruntur, atque in ea observanda sunt, per se bona administrare nequeant; alii tamen eorum nomine ac loco eadem administrare possunt, consequenter dominium ipsis competens exercere. Infantia igitur & judicium imperfectum minime obstat, quo minus dominium rerum iisdem competat, consequenter infantes & qui propter imbecillitatem intellectus sui, seu judicium imperfectum bona administrare nequeunt, domini capaces sunt.

Qui contrariam sententiam tuentur, negantes scilicet infantes & eos, quorum imbecille est judicium, domini esse capaces, sumunt dominium supponere usum rationis, sed sumunt ideo, quia exercitium domini supponit usum rationis. Non igitur attendunt, perinde esse, siue dominium quis exerceat per se, siue per alium, ac itidem perinde esse, siue alius dominium alteri competens exerceat voluntate domini expressa, siue præsumta, aut ex officio naturaliter debito. Dominia rerum introducta sunt, ut homines habeant, unde vitæ necessitati prospiciant, & quæ ad vitam commode ac jucunde transigendam requiruntur, aut ad aliis officiis satisfaciendum requiruntur. Ratio igitur, ob quam dominia introducta sunt, non minus locum habet in infantibus, ac judicio ad bonorum administrationem requisito nondum pollentibus, quam in aliis, qui bona sua administrare norunt. Immo qui per ætatem bona sua per se administrare nondum possunt, ætate tamen adulta administrare per se valent, aut expressa voluntate per alium, consequenter administrationis jam potentia sunt capaces.

§. 763.

An acquirere dominium valent. §. 762. Quoniam infantes & ii, qui propter imbecillitatem intellectus, seu judicium imperfectum bona sua per se administrare non possunt, domini capaces sunt (§. 762.); in eos quocumque

que dominium transferri potest, consequenter id acquirere valent.

Non est quod excipias, deficere acceptationem in infantibus, vel etiam pueris infantiae proximis, sine qua tamen translatio dominii non fit (§. 7. part. 3. Jur. nat.). Acceptatio autem hic facile praesumitur, quemadmodum in promissione liberali (§. 7. 14. part. cit.), & potest fieri ab alio, quia curam acquirentis gerit, seu ejus bona, si qua ipsi obveniunt, administrat, ut ideo non opus sit voluntate legis sustineri acceptationem, quamvis nec absurdum sit de ipsa lege naturae tale quid affirmare, spectatis inprimis circumstantiis particularibus.

§. 764.

Bona liberorum, qui adhuc in patria potestate sunt, *Peculium* dicuntur. *Peculium* quid sit.

In Jure naturae non alia intelligitur potestas, quam quae parentibus eodem Jure competit, & huic quoque juri convenit peculii definitio, quam dedimus, quamvis ea nec a moribus nostris abhorreat. Quoniam Jure Romano alia prorsus erat potestas patris, quam quae lege naturae utrique parenti tribuitur, ac ideo quoque de bonis liberorum alia sancita erant cum Jure antiquo, tum Justiniano, quam quae nostro juri conveniunt; peculii quoque notio illi Juri adaptata fuit, & variae ejus enatae sunt divisiones, in Jure naturae prorsus inutiles, cum in eo non distinguatur, unde liberis eveniant bona. Quoniam Jure Romano antiquo liberi sine ulla distinctione, exceptis iis, quae a parentibus, vel aliis filio in militiam proficiscenti donabantur, vel in militia aut ejus occasione acquirebantur, nihil sibi, omnia patri acquirebant; liberi nihil proprii habere poterant, quam quod pater filio permittere voluerat. Hinc *peculium* dicebatur pecunia, vel aliquid bonorum, quod filius familias, seu qui sub patria potestate erat, patre permittere habebat. Dividebatur itaque in castrense & paganum. *Castrense* est, quod filius acquisivit occasione militiae, vel in militia;

(Wolffii Jur. Nat. Pars II.)

Z z z

lita;

litia; *Paganum* vero, quod habet filius solo patris permisso. Hoc subdividi solet in profectitium, adventitium & quascastrense. *Profectitium* vocatur, quod ex re patris, vel ejus contemplatione ad filium familias pervenit, veluti si is cum re patris negotietur, vel si quid bonorum a patre eadem detur, ut id administret, aut ab alio, qui vult patri donare. *Adventitium* dicitur, quod aliunde, quam e re patris filiofamilias obvenit, vel occasione patris, veluti ex prospera fortuna, ex hæreditate materna, testamentis cognatorum & donatione. Denique *quasi castrense* appellatur, quod filiusfamilias ex officio publico, professione artium liberalium, proventibus sacerdotiorum, seu, ut Jus Romanum loquitur, ratione militiæ rogatæ acquirit. *Justinianus*, qui juris præci iniquitatem lenire studuit, non modo in peculio castrensi plenum dominium reliquit filio, verum etiam in quasi castrensi tribuit; in adventitio vero patri concessit usumfructum, reservata filio proprietate, & in profectitio plenum dominium reliquit patri. Facile patet, hæc esse juris positivi, consequenter in Jure naturæ opus non esse illa peculii distinctione. Immo cum bonorum omnium universitas, quæ quis habet, patrimonii nomine veniat (§. 452. *part. 2. Jur. nat.*); in Jure naturæ nil obstat, quo minus etiam universitatem bonorum, quæ habent liberi adhuc in patria potestate constituti, patrimonium ipsorum dicatur, consequenter in eodem non est opus, ut peculium a patrimonio distinguatur. Dubium movere videri poterat annon peculium profectitium, in quo nec jure naturali plenum dominium concedi poterat liberis, ab adventitio, castrensi & quasi castrensi utique distinguendum. Enimvero quid juris patri in id competat, pro diversitate circumstantiarum particularium ex iis, quæ de institore & operis liberorum artificialibus, præsertim simplicibus, demonstrata sunt, definiendum. Noscitur quoque jus patris in hoc peculio pacto, quo v. gr. administrationem rei suæ, vel negotiationem cum eadem filio commisit,

§. 765.

Quamprimum liberi bona sua administrare valent, & sibi- Quando metipfis prospicere de iis, quibus ad conservationem sui indigent; bona libero- parentes bona ipsorum iisdem restituere tenentur. Etenim pa- rum a pa- rentibus bona liberorum administrare tenentur, quamdiu li- rentibus re- beris ipsimet ea administrare non valent, & ususfructus ad eos *stuenenda.* pertinet, in quantum fructus educationi impendendi (§. 757.). Quodsi ergo liberi ipsimet bona sua administrare valent, ac sibi metipfis de iis, quibus ad conservationem sui indigent, prospicere, & per consequens parentum ope non amplius habent opus; bona ipsorum sine ulla causa sunt in potestate parentum (§. 461. part. 2. Jur. nat.). Quamobrem cum liberi sint domini (§. 757.), consequenter ipsis competat jus ea in potestate sua habendi, nec quisquam alius sine eorum consensu sive expresso, sive tacito eadem in potestate sua jure habeat (§. 465. part. 2. Jur. nat.), & ubi habet, operam dare debeat, ut in potestatem eorum veniant (§. 466. part. 2. Jur. nat.) atque eadem restituat (§. 467. part. 2. Jur. nat.); quamprimum liberi bona sua administrare valent, & sibi metipfis de iis prospicere, quibus ad conservationem sui indigent; parentes bona ipsorum ipsis restituere tenentur.

Quodsi liberi statim, quando bona ipsis obveniunt, eadem administrare possent, nec ulli in eos sumtus impendendi essent; iisdem quoque statim competeret eorundem administratio, nec in iis jus quoddam esset parentibus. Quamprimum itaque ad hunc statum perveniunt, cessat quoque ratio, cur parentibus competat administratio bonorum, quæ liberorum sunt, cessat quoque jus eorundem, quod in fructibus inde percipiendis habent, consequenter nec administratio, nec jus quoddam amplius competere potest. Quamobrem pater mere civile esse, quod pater retineat usumfructum, quamdiu vi-

vit, aut saltem dimidiam partem bonorum restituat, dum liberi non amplius manent pars familiæ parentum, veluti cum filius separatam œconomiam habere incipit, aut filia nubet. Non est quod excipias, liberos alere debere parentes inopes, nisi eadem inopia laborent (§. 755.), immo etiam si habeant, unde vitam tolerare possint, ea tamen conferre, quæ ad vitam commodè ac jucundè transigendam requiruntur (§. 756.), beneficia ipsis rependendo & animum gratum ipso facto declarando (§. 741.): etenim hinc non nascitur jus bonarum liberorum in potestate habendi, ea pro arbitrio administrandi & fructus in suos usus vertendi, nisi hoc fiat expressa liberorum voluntate, ex qua sola jus istiusmodi proficisci potest.

§. 766.

An parentes rationem ipsi undeunque obtulerunt, rationes administrationis reddere non administrantur rationis reddere tenentur libris. Parentes bona liberis restituentes, quæ durante educatione ipsis undeunque obtulerunt, rationes administrationis reddere non tenentur. Parentes, quatenus bona liberorum administrant, & de fructibus sumtus in educationem faciunt, spectandi sunt, tanquam negotiorum gestores (§. 513. part. 5. Jur. nat.), vel ubi expresse jam per ætatem consentire possunt, tanquam mandatarii (§. 640. part. 4. Jur. nat.). Enimvero tam negotiorum gestor (§. 517. part. 5. Jur. nat.), quam mandatarius domino vel mandanti rationem reddere tenetur (§. 701. part. 4. Jur. nat.), consequenter liberis stricto jure competit jus exigendi ut rationem reddant, finita administratione & jure finito, quod in fructibus habent perceptis. Ast liberi etiam grato animo agnoscere debent beneficia a parentibus sibi præstita, quos tanquam maximos benefactores venerari tenentur (§. 738.), ac eadem rependere pro virili (§. 741.), immo eos honorare (§. 752.), & studere, ut ipsis placeant in omnibus actionibus suis, nec non solliciti sibi cavere, ne quid faciant, quod voluntati ipsorum adversum (§. 745.). Colliditur itaque jus liberorum cum officiis

officiis eorundem erga parentes (§. 206. *part. 1. Phil. pract. univ.*), seu, quod perinde est, lex permissiva cum præceptiva (§. 164. 165. 224. *part. 1. Phil. pract. univ.*). Quoniam itaque in casu collisionis lex permissiva cedit præceptivæ (§. 211. *part. 1. Phil. pract. univ.*); parentes bona liberis restituentes, quæ durante educatione ipsis undecunque obvenerant, rationes administrationis reddere non tenentur.

Quodsi fructus ex bonis liberorum percepros superent sumtus educationis, atque hoc satis pateat; absurdum foret exigere a parentibus rationem administrationis, consequenter ratio reddenda foret nonnisi in eo casu, quo evidens est, fructus percepros esse tantos, quantis sumtus educationis sustentari minime debuerunt, consequenter jus exigendi rationem administrationis per se jam restringitur. Quoniam vero ipsa natura parentibus instillavit amorem prolis suæ (§. 257.), in administratione nullus quoque præsumitur dolus (§. 705. *part. 1. Phil. pract. univ.*). Quodsi vero ponamus culpam aliquam in eadem parentibus imputari posse (§. 717. *part. 1. Phil. Pract. univ.*); durum omnino foret eam a liberis parentibus imputari, qui tanta cura ipsos educarunt, & propterea tot tædia devotare coacti fuerunt, prouti ex antecedentibus abunde intelligitur & experientia quotidiana aperte loquitur, & qui ea de causa parentibus beneficium reddere tenentur, quantum possunt (§. 741.). Ecquis inde non intelligit liberos bene moratos remissuros esse rationem administrationis reddendam, si vel maxime parentes sua sponte reddere vellent, nec lex naturæ liberos obligaret ad eandem non exigendam. Quodsi parentes rationem reddere tenerentur administrationis bonorum, quæ sunt liberorum, non parum molestia, quæ educatio jam facessit, augetetur, cum liberi, qui parentes amant, quemadmodum debent (§. 739.), eos mallet ab illa molestia esse liberos, nedum ut plus molestiæ iisdem creare vellent (§.

652. *Pfych. empir.*). Amice agendum inter liberos atque parentes, non stricto jure utendum.

§. 767.

De pubertate & impubertate physica & moralis. Quemadmodum in sensu physico *Impuberes* dicuntur, qui per ætatem ad generandum nondum sunt apti; *Puberes* vero, qui per eam ad generandum apti sunt; ita in sensu morali *Impuberes* vocari possunt liberi, quibus per ætatem nondum est ea boni ac mali notitia, ut per se de actionibus suis statuere valeant; *Puberes* vero, quibus jam est ea boni ac mali notitia, ut per se de actionibus suis statuere possint. De Pubertate & impubertate physica jam dictum est supra (§. 274.).

Quando in Jure Romano masculi a decimo quarto, feminae a duodecimo anno puberes intelliguntur; pubertas magis sumitur in sensu physico, quam morali: ast quando *pubertas plena* in masculis anno ætatis decimo octavo, in feminis vero decimo quarto definitur, pubertatis utique moralis ratio habetur. Pubertas nimirum physica æstimatur ex habitu corporis; moralis autem ex habitu animi. Civile igitur est, si ea certo annorum numero adstringitur. Signum pubertatis physicae in feminis est fluxus menstruus; in masculis erectio spontanea penis, ex qua seminis prolifici generatio colligitur: mas enim ad generandum aptus non est, nisi pene erecto semen prolificum emittere possit. In utroque sexu signum pubertatis physicae habetur emissio lanuginis circa pudenda, quæ pubes dicitur, & unde pubertatis nomen descendit. In hisce autem natura non adeo strictè observat certum annorum numerum. Signum pubertatis moralis sunt actiones humanæ, ex quibus colligitur eorum judicium & quantum profecerint in virtutibus intellectualibus ad negotia gerenda requisitis. Pubertatis physicae ratio habetur in matrimonio incundo (§. 274.); ast pubertas moralis potissimum

atten-

attenditur in negotiis civilibus atque delictis, quamvis etiam momentum aliquod propter educationem liberorum habere debebat in matrimonio contrahendo (§. 262.). Pubertas moralis non perinde ac physica a causis naturalibus pendet; sed magna ex parte, nisi maxima, a causis moralibus, veluti educatione ac consuetudine cum aliis. Poteramus in Jure naturæ terminis istis prorsus carere, nisi nobis propositum fuisset lectorem manuducere ad cognoscendum differentias inter Jus naturæ & Jus civile, imprimis Romanum. Quamobrem doceri quoque debebat, quid in definienda pubertate sit juris naturæ, quid civilis. Quoniam infantia & pubertas, sive physica, sive moraliter spectentur, sunt duo extrema, inter quæ ideo datur medium; haud difficulter definitur, quinam sint infantæ, quinam pubertati proximi, facilius tamen, si de physica pubertate sermo fuerit, quam si de morali, quarum hæc ab ætate magis recedit, quam illa. Et quamvis vulgo non distinguatur inter pubertatem physicam atque moralem, ex dictis tamen patet, hanc non minus, quam illam attendi solere, quamvis negari non possit, in casibus particularibus haud raro aberrari, quod utraque confundatur. Sed cum hæc non tam spectent ad Jus naturæ, quam positivum, ubi in ejus æquitatem inquirendum & opiniones doctorum ad examen revocandæ; nostrum quoque in præsentem non est ea accuratius discutere.

§. 768.

Minores dicuntur, quibus per ætatem nondum est adeo perfectum judicium, ut negotia sua per se rite curare norint: *De minoribus & majorennibus vero*, quorum per ætatem judicium adeo perfectum est, ut negotia sua per se recte curare norint.

Quod minorennitas restringatur ad annos viginti quinque pauciores & minor habeatur, qui nondum vigesimum quintum ætatis annum complevit, majorennis autem, qui eundem com-

complevit; civile est, non naturale. Hinc & videas Jure Saxónico majorennēs haberi masculos, si vigesimum primum, fēminas vero, si decimum octavum ætatis annum excesserunt. Idiomate patrio minor dicitur Unmündig; majorennis vero Mündig. Jure naturali non tam ad certum annorum numerum respicitur, quam ad ipsum judicium, quod quis in actionibus suis prodit.

§. 769.

De contractibus minorum.

Quoniam *minores* nondum adeo perfecto judicio pol-
lent, ut negotia sua per se rite curare norint (§. 768.); ideo
in contractibus facile circumveniuntur & decipiuntur, consequen-
ter *aliena ope & consilio indigent*.

Hinc perenda ratio est beneficiorum in Jure Romano mi-
noribus concessarum, veluti quod donationes ipsorum validæ
non sint, nec vendere, vel permutare possint sine decreto
magistratus, contractus, quibus læduntur, rescindantur, &
contra læsionem in integrum restituantur. In Jure autem na-
turæ hæc vix attendenda sunt, quod omnem fraudem a con-
tractu præscribit (§. 149. part. 5. *Jur. nat.*) & quodvis da-
mnum refarciri jubet (§. 580. part. 2. *Jur. nat.*). Repe-
renda vero hic sunt, quæ paulo ante (not. §. 768.) annova-
vimus.

§. 770.

De consensu parentum ad minorum donationem & contractum requisito.

*Quamdiu liberi minores sunt, sine parentum consensu dona-
re non possunt, nec absque eo aut sine ratihabitione eorundem va-
lide contrahere.* Quamdiu enim liberi minores sunt, facile
circumveniuntur, consequenter aliena ope ac consilio opus
habent (§. 769.). Quamobrem cum ad donandum, quod
donare minime debent, facile induci possint, quamdiu au-
tem ipsimet ignorant, quid facere debeant, parentes actio-
nes eorum determinare teneantur (§. 660.); quamdiu
iidem

iidem minores sunt, sine parentum consensu donare non possunt. *Quod erat primum.*

Similiter quia liberi minorenni facile circumveniuntur ac decipiuntur (§. 769.), in contractibus autem quis facile circumveniri ac decipi potest, prouti experientia abunde docet, immo etiam ignorant, quomodo negotia sua rite curare debeant (§. 768.), consequenter in contrahendo cum aliis parentum ope ac consilio maxime opus habent; ideo nec absque parentum consensu valide contrahere possunt (§. 660.). *Quod erat secundum.*

Quoniam vero perinde est, siue parentes ab initio statim consentiant, siue contractum ratihabeant, absque eorum autem consensu valide contrahere nequeunt *per demonstrata n. 2.* nec sine eorum ratihabitione valide contrahere possunt. *Quod erat tertium.*

Patet itaque, liberorum minorum donationem aut contractum non subsistere, nisi parentum ratihabitione siue expressa, siue tacita subsequatur. Ratihabitione autem tacita, quemadmodum alias, ita hic quoque declaratur facto siue negativo, siue positivo, sicuti expressa verbis expressis. E.gr. ponamus filio tuo adhuc minori donari librum, quo in presenti equidem uti nequit, in posterum tamen opus habebit, ipsum vero eundem vendere tanquam rem, quam sibi inutilem putat, te infcio ac in consucto; venditio, nisi eam ratihabere velis, naturaliter valida non est.

§. 771.

Quoniam liberi minores sine consensu parentum, aut sine ratihabitione eorundem valide contrahere non possunt *De iure parentum contractus minorum* (§. 770.), consequenter a voluntate parentum dependet, utrum contractus minorum subsistere velint, nec ne; *parentum rebus competis jus contractus liberorum ipsis inconsultis initor, sciendendi.* (Wolffii Jur. Nat. Pars VII.) Aa 22 *præfer-*

præsertim non sine damno suo, aut in præjudicium suum, rescindendi.

Ita in exemplo, quod modo dedimus (not. §. 770.), tibi competit jus rescindendi emtionem venditionem libri filio tuo donati.

§. 772.

De jure revocandi donationem liberorum.

Similiter quia donatio liberorum minorum absque consensu parentum non subsistit (§. 770.), consequenter a voluntate ipsorum unice pender, utrum factam ipsis infans, atque inconsultis subsistere velint, nec ne; *parentibus quoque competit jus donationem liberorum revocandi, quamdiu minores sunt.*

Obrinet hoc, quemadmodum rescissio emtionis venditionis, etiam in eo casu, quo res dono data est liberorum propria. Quodsi enim res donata, vel permutata aut vendita non fuerit liberorum propria, sed parentum; ex alio capite, quam minorennitate, donatio & emtio venditio irrita est (§. 97. 1016. part. 4. Jur. nat.). Facile autem pater sermonem nobis esse de minorennitate naturali, qualem definivimus (§. 768.), non de civili, quæ certo annorum numero continetur (not. §. cit.). Quodsi enim alicui jam sit judicium adeo perfectum, ut negotium aliquod recte curare, ac sibi cavere possit, ne ab altero circumveniat & decipiatur, quoad hoc negotium majorem intelligentiam naturaliter, quacunque tandem fuerit ætate, nec ratio ulla est, cur negotium recte gestum subsistere non debeat, consequenter nec a parentibus rescindi potest. Patria quoque potestas naturalis non ultra id extenditur quod vitio caret. Parentum tantummodo est damna a liberis avertere, quæ ipsimet per se avertere nequeunt. Ubi ergo ex contractu liberorum nullum nascitur præjudicium, aut damnum, nihil quoque est, quod parentum officio relictum.

§. 773.

§. 773.

Res, quas liberi a parentibus usus causa accipiunt, manent De proprietate parentum propria, nisi liberorum sumptibus fuerint comparata, vel tate rerum, a parentibus eorum sumptu comparata donentur. Etenim quo- quas usus niam parentes liberis prospicere debent de iis, quæ indi- causa acci- gent (§. 637.), non plus juris in res iisdem concedere te- piunt liberi. nentur, quam quo opus est, ut finem educationis consequantur. Quamobrem cum sufficiat usus rerum ipsis necessariarum; iisdem quoque non concedere tenentur nisi earundem usum, consequenter res ipsæ parentum propriæ manent.
Quod erat primum.

Enimvero si liberi propria habuerint bona, de quorum fructibus sustentantur sumptus educationis (§. 527.), consequenter res, quarum usus ipsis necessarius, eorundem sumptu comparantur; quemadmodum pecunia, quibus res comparatæ, erat liberorum propria, ita etiam res eorum propriæ sunt. *Quod erat secundum.*

Denique cum a parentum voluntate dependeat, utrum liberis suis aliquid donare velint, nec ne (§. 130. part. 4. Jur. nat.); nil etiam obstat, quo minus res, quibus indigent liberi, iisdem donent, declarandi amoris causa (§. 116. part. 4. Jur. nat.), quo ipsos naturaliter prosequuntur (§. 257.) ac prosequi debent (§. 715.). Quamobrem cum donationes declarandi amoris causa factæ legi naturæ conveniant (§. 117. part. 4. Jur. nat.), & donando dominium transferatur (§. 48. part. 4. & §. 675. part. 2. Jur. nat.); si res, quas usus causa accipiunt liberi a parentibus, donentur iisdem, cæ liberorum propriæ sunt. *Quod erat tertium.*

Non plus juris in res a parentibus usus causa acceptas habent, quam hominibus competere ostendimus in communione

primæva: utrumque enim consistit in usu rerum necessario (*vi præf. & §. 21. part. 2. Jur. nat.*). Ita vestibus, quas acceperunt a parentibus, non utuntur tanquam propriis & de iis adhuc pro arbitrio suo disponere possunt parentes, & ubi novas accipiunt, eas donare pro lubitu vel vendere nequeunt liberi, nisi parentum consensu, sive expresso, sive tacito. An vero alterutrum liceat, si ipsorum sumtu fuerint comparatæ, mox disquiretur (§. 774.). Parentes vero etiam vestes, quas utendas dare tenebantur liberis, iisdem donare posse, *per demonstrata* patet, veluti si dent tanquam præmium diligentiae vel obsequii, vel ad conciliandum sibi aut conservandum ac augendum amorem liberorum, non solum amoris sui declarandi causa, quemadmodum sumimus in demonstratione. Et hæc donationes non minus licitæ sunt (§. 124. part. 4. Jur. nat.). Tum vero a voluntate parentum dependet, qua lege donare velint (§. 130. part. 4. Jur. nat.). Non autem res usus causa liberis traditæ donatæ præsumuntur, vi eorum, quæ n. 1. demonstrata sunt, sed semper præsumitur nonnisi usus concessus (§. 248. part. 2. Jur. nat.).

§. 774.

De alienatione rerum sumtu liberorum comparatarum. Si res sumtu liberorum fuerint comparatæ; liberis tamen non licet sine consensu aut ratihabitione parentum, finito licet usu, alteri donare, vel vendere. Etenim parentibus non modo competit administratio eorum, quæ sunt liberorum propria (§. 757.), ut per consequens ipsi de iis disponere possint in commodum liberorum; verum etiam sine eorum consensu aut ratihabitione inire contractum nullum possunt nec donare (§. 770.). Quamobrem quamvis res sumtu liberorum fuerint comparatæ, consequenter eorum propriæ sint (§. 773.); hoc tamen non obstante, usu licet finito, sine consensu aut ratihabitione parentum alteri donare, vel vendere eas nequeunt.

Quid

Quid naturaliter liceat parentibus, in casibus particularibus ex circumstantiis particularibus definiendum, siquidem intelligere velis, quid stricto jure fieri possit, quamvis cum liberi rationem administrationis ut reddant parentes exigere non debeant (§. 766.), in praxi istud vix attendendum videtur, & si quid minus recte a parentibus factum, quod quodammodo in præjudicium liberorum vergere videtur, id beneficiis aliis in eos a parentibus profectis abunde compensatur, ut amor ac animo grato liberorum vix ac ne vix quidem conveniat ad istiusmodi minutias animum attendere. Accedit quod in statu civili obsequi teneantur legibus ac moribus. Non tamen superfluum existimari debet talia demonstrari, quæ in praxi nullum habere usum videntur; neque enim solum hic veritati litatur, verum etiam usum ista habent, ut judicetur, quid jure positivo recte constituatur, quod a jure naturæ quam minimum recedere debet.

§. 775.

Quamprimum liberi ad eum statum fuerint perducti, ut sibi- Quando metipsis prospicere possint de iis, quibus ad conservationem sui indi- potestas pa- gent & actiones suas juxta naturæ legem determinare; naturaliter tria finia- potestas patria finitur. Etenim parentes obligantur liberos tur. aptos efficere, ut sibi metipsis prospicere possint de iis, quibus ad conservationem sui indigent, & actiones suas juxta naturæ legem determinare valeant (§. 637.). Quodsi ergo ad hunc statum fuerint perducti, ut sibi metipsis prospicere possint de iis, quæ ad conservationem sui indigent, & actiones suas juxta naturæ legem determinare, parentum ope ac consilio non amplius habent opus, consequenter cum obligatio parentum expiret, jus quoque parentum in actiones liberorum evanescit (§. 23. part. 1. Jur. nat.). Quamobrem cum naturaliter jus nullum in liberos competit nisi in actiones eorundem (§. 663.), & jus eas deter-

minandi sit potestas patria (§. 661.); quamprimum liberi ad eum statum pervenerint, ut sibi metipsis prospicere possint de iis, quæ ad conservationem sui indigent, & actiones suas juxta naturæ legem determinare, potestas patria naturaliter finitur.

Abfit ut tibi persuadeas, summum requiri rigorem actiones suas juxta naturæ legem determinandi: neque enim talis supponi potest a parentibus. Sufficit itaque liberos eo judicio pollere, ut actiones suas propria voluntate eodem modo determinare valeant, ac si parentum voluntatem sequi tenerentur. Neque necesse est, ut sui juris facti libertate naturali minime aburantur, sed semper faciant, quod æquum, justum ac rectum est; id enim posthac conscientiæ ipsorum relinquendum (§. 157. *part. 1. Jur. nat.*), quemadmodum conscientiæ parentum relinquitur, quid ipsi faciant (§. *cit.*): Educatio perfecta liberorum, quæ sit ab omni labe immunis, vix speranda, etiamsi liberi ad finem usque vitæ parentum manerant in ipsorum potestate, sicuti nec mala educatio prorsus eradicari potest. Neque a parentibus exigitur, ut liberos aptos efficiant actiones suas juxta legem naturæ ex æsse determinandum; id enim in potestate ipsorum non est, si vel maxime supponas, quod tamen minime concedendum, ipsos esse adeo perfectos, ut a veri ac recti tramite nunquam desleant. Nihil ipsis imputari potest, modo fecerint, quæ facere potuerunt, nec negligentia ipsorum liberi tales non sint, quales esse optandum foret. Mere igitur civile est, quod apud Romanos patria potestas durabat usque ad finem vitæ patris, nisi is filium emancipare vellet, seu ex ea eadem dimittere.

§. 776.

Dimissio e potestate patria *Emancipatio* dicitur. Quoniam liberi naturaliter e potestate patria dimittendi, quamprimum ad eum statum perveniunt, ut sibi metipsis de ipsis prospicere possint, quæ ad conservationem sui indigent, & actiones suas juxta

juxta naturæ legem determinare valeant (§. 775.); naturaliter quoque tum emancipantur.

Quemadmodum apud Romanos patria potestas singularis erat, quæ a naturali plurimum differebat; ita quoque emancipatio naturalis non eadem est cum emancipatione Romanorum, nec ex ea fluunt jura ista, quæ tanquam effectus ejusdem in Jure Romano tum ex parte patris, tum ex parte filii emancipati vel filiæ spectantur. Quæ de modo emancipationis ejusque effectu in eo traduntur, Juris positivi sunt, consequenter in Jure naturæ nullam attentionem merentur, in quo ipsa lex naturæ liberos emancipat, ut peculiari quodam actu non sit opus,

§. 777.

Quoniam liberi naturaliter emancipantur, quamprimum ad eum statum perveniunt, ut sibi metipsis de iis prospicere possint, quibus ad conservationem sui indigent, & actiones suas juxta naturæ legem determinare valeant (§. 776.), consequenter etiam negotia sua administrare norint, quando vero liberi bona sua administrare valent & sibi metipsis prospicere de iis, quibus ad conservationem sui indigent, parentes ipsis bona sua restituere tenentur (§. 765.); liberis emancipatis bona, quæ iis obvenierunt, restituenda sunt.

Hæc bonorum restitutio spectari potest tanquam effectus emancipationis naturalis, quatenus hæc illam exigit, aut, si majoris, obligationem restituendi parit.

§. 778.

Quia liberi, dum emancipantur, e patria potestate dimittuntur (§. 776.), consequenter eidem non amplius subiecti sunt (§. 134. part. 1. Jur. nat.), qui vero alterius potestati subiectus non est, sui juris, seu liber est (§. 135. part. 1. Jur. nat.); quando liberi emancipantur, sui juris, seu liberi

*Effectus
proprius e-
mancipatio-
nis.*

Liberi fiunt, consequenter actiones ipsorum non amplius dependent a voluntate parentum (§. 152. pars. 1. Jur. nat.), sed quoad eas a seipso dependent (§. 153. pars. 1. Jur. nat.).

Imaginem hujus juris conspicimus in brutis, quæ prolem suam fibimetipsi relinquunt, quamprimum eandem ad eum statum perduxerunt, ut fibimetipsi prospicere queat de iis, quibus ad sui conservationem indiget, & vitam suæ similem agere.

§. 779.

Causa emancipationis naturalis.

Quoniam ad emancipationem naturaliter requiritur non modo, ut *liberi* actiones suas juxta naturæ legem componere norint, verum etiam ut fibimetipsis prospicere valeant de iis, quibus ad sui conservationem indigent (§. 776.); *naturaliter non emancipantur, si fibimetipsis prospicere nequeant de iis, quibus ad sui conservationem indigent, etiamsi actiones suas juxta naturæ legem determinare norint.*

Nimirum etsi liberi tum faciant per se, quæ lege naturæ præcipiuntur, & omittant, quæ eadem prohibentur: a voluntate tamen parentum adhuc pendent quoad operas ministeriales & artificiales simplices, nec non quoad mutuuum adjutorium, quod tanquam membra societatis paternæ, aut, si mavis, familie parentum præstare tenentur. Immo competit quoque parentibus adhuc jus in actus naturaliter licitos liberorum, quatenus eos jussu suo ac prohibitione efficere possunt vel debitos, vel illicitos. Accedit, quod nec permittere debeant, ut omittant, quod lege naturæ præcipitur, vel faciant, quod eadem prohibetur, siquidem in transversum agitur quacunque de causa liberorum animus. Nolumus hæc singula prolixius demonstrare, cum ex anterioribus facile intelligantur.

§. 780.

De emancipatione filia-

Si filia nubens, naturaliter emancipantur. Etenim si filia nubet, ipsa & maritus ejus usum rerum necessariorum, utilium

ACVO-

ac voluptuariarum sibi invicem communicant, & conjunctis viribus eas acquirere, comparare ac conservare student (§. 424.), consequenter pater non amplius tenetur filię prospicere de iis, quibus ad conservationem sui indiget. Præterea conjuges sibi invicem obligantur ad præstandum mutuum adjutorium in iis, quæ unusquisque naturaliter sibi metipsi debet (§. 474.), & maritus imperium habet in uxorem, (§. 488.), consequenter parentes in determinandis actionibus filię nullum amplius jus habent. Quamobrem cum liberi naturaliter emancipentur, quando in iis, quæ faciunt ad conservationem sui, & in determinandis actionibus suis juxta naturæ legem ope parentum non amplius indigent (§. 776.); filia naturaliter emancipatur, si nubet viro.

Quoniam matrimonium contrahitur sobolis procreandæ & educandæ causa (§. 270.), educatio vero exigit, ut parentes liberis prospiciant de iis, quæ ad conservationem ipsorum pertinent, & actiones eorundem juxta legem naturæ determinare doceant (§. 637.); qui matrimonium contrahunt, utique sibi metipsi de iis prospicere posse ac actiones suas juxta naturæ legem determinare supponuntur. Unde tanto minus dubitari potest filias per nuptias naturaliter emancipari (§. 776.). Quodsi matrimonium contrahant personæ, quibus deest aptitudo moralis matrimonium contrahendi, & parentes in matrimonium istiusmodi consentiant; peccatur tam in matrimonio contrahendo, quam in emancipatione, propterea vero quod peccari possit, jus naturæ minime mutatur. Quemadmodum homines non vivunt vitam moraliter perfectam, qualem exigit lex naturæ, ita etiam perfectio istiusmodi spectanda non est in emancipatione, prouti jam antea annotavimus (not. 775.).

§. 781.

Si pater moritur, liberi naturaliter manent in potestate patriæ. Naturaliter enim potestas patria non minus competit mortuo. *De patre mortuo.*
(Wolff. Jur. nat. Pars VII.)

B b b b

matri,

matri, quam patri (§. 661.). Quando pater moritur, quemadmodum jus omne (§. 700. *part. 6 Jur. nat.*), ita etiam jus determinandi actiones liberorum, consequenter patriam potestatem amittit (§. 661.); non tamen morte ipsius perimitur jus matris, quod per se patet. Liberi igitur naturaliter manent in potestate matris.

Potestas patria tollebatur morte patris apud Romanos, quia pater solus liberos suos in potestate habebat (*not. §. 661.*). Ast potestas naturalis matris in liberos morte patris integra subsistit, cumque esset communis, nunc ad matrem solam pertinet. Adhæret ea educationis oneri, prouti ex antea demonstratis abunde patet, atque ideo post mortem cum hoc onere ad matrem solam devolvitur.

§. 782.

An morte e-
jus emanci-
pentur. Quoniam liberi emancipantur, quando e patria potestate dimittuntur (§. 776.), patre autem mortuo liberi naturaliter manent in potestate matris (§. 781.); *naturaliter liberi non emancipantur morte patris, qui eos in potestate habebat.*

Morte patris emancipabantur liberi apud Romanos, avo ante patrem mortuo. Quamdiu enim avus vivebat, erant cum patre suo in potestate avi, consequenter patre mortuo in eadem manebant, avo autem mortuo in patris morte illius emancipati potestatem recidebant. Hæc quidem principiis Juris Romani admodum congrua sunt; sed cum principiis Juris naturæ minime cohærent.

§. 783.

Adoptio
quid sit.

Assumptio filii alieni, vel filiae in filium, vel filiam *Adoptio* dicitur. Dicitur autem *Arrogatio*, si filius, vel filia fuerit sui juris: *Adoptio* vero in specie, si filius, vel filia adhuc fuerit in potestate patriæ.

Apud

Apud Romanos adoptio frequens erat, tam specifica, quam arrogatio. Sed quemadmodum patria potestas apud eos plurimum differebat a potestate parentum naturali; ita etiam adoptio naturalis plurimum differt a Romana.

§. 784.

Quoniam qui adoptatur in filium assumitur (§. 783.), *Effectus adoptans jura patris & adoptatus jura filii consequitur. Idem in adoptionis. intelligitur de filia.*

Adoptio non est actus temerarius, cum alias adoptando nihil ageretur (§. 277. part. 3. Jur. nat.). Necessse igitur est, ut habeat aliquem effectum juris. Quodsi ergo velis, hunc esse filium tuum, & per consequens declares, quod eum filii loco habere velis & ipsi esse parentis loco, & adoptatus vel consentit expresse, vel saltem consentire præsumitur, necesse utique est ut tibi comperant jura patris, & adoptato jura filii, qualiacunque tandem ea fuerint. Alias nimirum non esset loco filii, nec tu ipsi esses loco parentis.

§. 785.

Naturaliter pater & mater adoptare possunt; quamdiu adoptio non est contra jus quoddam alterius. Quoniam enim natu *De jure adoptanti.* ra homines omnes liberi sunt (§. 146. part. 1. Jur. nat.) & vi liberatis naturalis unicuique permittendum, ut in determinandis actionibus suis suum sequatur judicium, quamdiu contra jus tuum nil facit (§. 156. part. 1. Jur. nat.); patris quoque ac matris voluntati permittendum, ut prolem alienam adoptent, quamdiu adoptio non est contra jus quoddam alterius.

Ex his, quæ de successione in bonis defuncti paulo post demonstrabuntur, potissimum patebit, utrum adoptio sit contra jus quoddam alterius, nec ne. Lex naturæ minime permittit, ut quid fiat contra jus alterius (§. 910. part. 1. Jur. nat.), ac

Bb bb 2

ea de

ea de causa actum istiusmodi validum agnoscere nequit, cum velit unicuique jus suum tribui (§. 922. *part. 1. Jur. nat.*). Motiva adoptionis utique parentibus esse debent (§. 889. *Psych. empir.*), ea tamē propter libertatem naturalem unicuique competentem non sunt attendenda, ubi de jure tantummodo agitur (§. 157. *part. 1. Jur. nat.*). Alter vero sese res habet, si quæsieris, quid officiis erga alios magis conveniat, consequenter quid laudabile sit (§. 550. *part. 1. Jur. nat.*), nec reprehendi mereatur. Motiva istiusmodi sunt, si quorundam sit sterile conjugium, vel si liberos amiserint, aut degeneres ac improbus habeant, vel si quibus educatio liberorum suorum nimis molesta accidat, aut sumtus educationis ferre nequeant.

§. 786.

Qua lege adoptio fiat. *A voluntate adoptantis unice dependet, qua lege prolem alienam adoptare velit.* Adoptans enim in adoptatum transfert jus filii (§. 784.). Quamobrem cum a transferentis voluntate unice dependeat, quomodo seu qua lege jus quoddam suum in alterum transferre velit (§. 11. *part. 3. Jur. nat.*); a voluntate etiam adoptantis unice dependet, qua lege prolem alienam adoptare velit.

Quodsi dubites, adoptantem jus quoddam suum transferre in filium adoptivum, vel filiam, cum jus filii, quod persona adoptata consequitur, nondum extet, antequam adoptio fiat, sed ex hac quasi nascatur; dubium hoc facile tollitur. Etenim adoptivus jus nullum consequi potest, nisi quatenus ad quædam ipsi obligatur adoptans, ad quæ antea non erat obligatus (§. 23. *part. 1. Jur. nat.*); quæ cum sit necessitas agendi, vel non agendi moralis (§. 118. *part. 1. Phil. pract. univ.*), eo ipso particula quædam libertati naturali decedit (§. 153. *part. 1. Jur. nat.*), quæ cum sit jus adoptantis (§. 133. 135. *part. 1. Jur. nat.*), adoptans utique jus quoddam suum in filium adoptivum transfert, dum eum adoptat.

§. 787.

§. 787.

Quoniam a voluntate adoptantis unice dependet, qua *Idem spe-*
lege adoptare velit (§. 786.); *naturaliter adoptio fieri potest cialius ex-*
tam pure, quam sub conditione quacunque licita, seu honesta, & tam penditur.
revocabiliter, quam irrevocabiliter.

Ita e.gr. aliquis adoptare potest sub hac conditione, si ipsi
nulli nascantur liberi, vel si non nascatur filius, item sub con-
ditione potestativa, si adoptatus certum vitæ genus amplectatur,
vel etiam sub modo, ut hæreditati parentum renunciaret, ut perso-
nam quandam uxorem ducat. Similiter adoptare licet ea lege,
ut adoptionem revocare liceat, quando libuerit: id quod ra-
tione minime destituitur, quatenus hoc impellere potest filium
adoptivum, ut patri adoptivo placere studeat. Ex adverso et-
iam adoptio naturaliter fieri potest ea lege, ut adoptatus, si ipsi
ita visum fuerit, ab eadem recedere possit. Naturaliter nimi-
rum multa licita sunt, quæ jure positivo, quale est Romanum,
non conceduntur. Naturalia autem jura ex principiis natura-
libus dijudicanda.

§. 788.

Similiter quia a voluntate adoptantis unice dependet, *De privi-*
qua lege prolem alienam adoptare velit (§. 786.), natu- *gnis adopti-*
raliter autem tam mater, quam pater adoptare potest (§. *vis.*
785.); *naturaliter quoque conjuges simul eandem personam ad-*
optare possunt, vel maritus solus, aut uxor sola adoptare potest, &
tum filius adoptivus erit alterutrius conjugis privignus adoptivus
(§. 610.).

Jus Romanum nescit privignum adoptivum, quia jus ad-
optandi tantummodo patri comperebat, nequaquam vero soe-
minæ, quippe quæ illo jure liberos in sua potestate habere non
poterat. Ratio igitur, quæ obstabat, mere civilis erat, non
naturalis. Quamobrem ex indulgentia quoque Principis, ad
solatium liberos amissorum adoptare permittebatur feminis

§. 10. I. de adopt. Quamvis enim mater non consequi poterat patriam potestatem, sine qua regulariter nulla intelligebatur adoptio; adoptatus tamen jus filii consequabatur, ita ut jus succedendi ab intestato eidem tribueretur.

§. 789.

De privigno adoptato. Si maritus privignum adoptat, pro privigno is amplius non habetur. Idem intelligitur de matre privignum, vel privignam adoptante. Etenim si maritus privignum adoptet, is jus filii consequitur (§. 784.), consequenter perinde est ac si a patre genitus proprius filius existeret. Pro privigno igitur amplius non habetur. *Quod erat unum.*

Idem eodem prorsus modo intelligitur de uxore privignum, vel privignam adoptante. *Quod erat alterum.*

Facile adeo intelligitur, quænam differentia inter privignum adoptivum & privignum adoptatum intercedat (§. 788.).

§. 790.

*Adoptionis
singularis
species.*

Si pater prolem ex uxore natam suam agnoscit, quam tamen a se non genitam esse novit; eandem adoptat. Etenim si pater prolem ex uxore natam suam agnoscit, quam tamen a se non genitam esse novit, sciens ac volens prolem alienam in filium seu filiam assumit. Enimvero qui sciens ac volens prolem alienam in filium seu filiam assumit, eam adoptat (§. 783.). Pater igitur adoptat prolem, si ex uxore natam suam agnoscit, quam tamen a se genitam non esse novit.

Istiusmodi adoptiones fiunt in occulto ad occultandum adulterium, etsi mero jure naturali nec repugnet, ut prolem adulteram adoptet maritus, præsertim si non adsint liberi ab ipso geniti. Invita autem adoptio est, si pater prolem suam esse putet, quæ non est, ignarus adulterii ab uxore commissi. Nec con-

confundendus cum hoc casu est alius, quo maritus adoptat filium ex stupro natum, antequam virginem defloratam duceret uxorem: id quo minus fiat naturaliter nil obstat. Auctor Institutionum Juris Anglicani juxta seriem titulorum in Institutionibus Juris Justinianeis tit. de adopt. monet, in Angliæ non dari aliam adoptionem, quam eam, de qua loquitur propositio præsens.

§. 791.

Filius adoptivus fit pars familia patris adoptivi. Assumi-
tur enim in filium (§. 783.), consequenter per fictionem *adoptivus fit*
juris habetur pro eo, qui immediate per generationem *a pars familia*
patre adoptivo descendit (§. 578.). Quoniam itaque *patris*
persona, quæ per generationem ab ipso descendit, est pars *adoptivi.*
familia ipsius (§. 585.): filius adoptivus fit pars familiae
patris adoptivi.

Immo filium adoptans non aliud intendere videtur, quam
ut sit pars familiae ipsius, & familiae conservatio prima vide-
tur fuisse causa, cur adoptio fuerit olim introducta. Quod si
enim alicui tantummodo benefacere quis velit, ut scilicet iis-
dem beneficiis fruatur, quæ in liberos conferuntur, aut ad quæ
naturaliter jus quoddam habent, iisdem absque adoptione
eum mactare poterat, immo etiam ad ea perfecte sese ipsi ob-
ligare (§. 363. *pars. 1. Jur. nat.*). Nec jura positiva, quibus
utimur, adeo restringunt libertatem nostram, ne alicui eadem
præstare valeamus, quæ jure adoptionis acquirit.

§. 792.

Quoniam filius adoptivus fit pars familiae patris adopti-
vi (§. 791.); *per filium adoptivum familia patris adoptivi pro-*
pagari & conservari potest, filius autem adoptivus cognomen patris conservatio-
adoptivi assumere debet. *ne familia*
per filium
adoptivum.

Vivunt parentes in liberis, quatenus memoria eorum in iis-
dem conservatur. Ac ideo homines, qui non semper vivere
possunt,

possunt, familiæ conservationem appetunt, quasi vitam continuaturi in iis, qui per generationem ab ipsis descendunt. Paret autem memoriam sui perinde conservari in posteris, si familia propagetur per filium adoptivum, quam si per naturalem.

§. 793.

Medium

*conservandi
familiam
per adoptio-
nem.*

Quoniam per filium adoptivum familia patris adoptivi propagari & conservari potest (§. 792.), per feminas autem familiæ conservari non solent, quod a posteriori notum sumitur; Si quis per filiam aut proximam cognatam suam familiam suam conservari velit, necesse est ut eum, cui nubit, adoptet.

Nimirum cum adoptio etiam fieri possit sub conditione (§. 787.); sub ea quoque conditione fieri potest, ut uxorem ducat filiam, aut proximam cognatam suam. Naturaliter enim nihil obstat, quo minus hæc conditio adjici possit. Quod si dicas, posse etiam matrimonium contrahi sub hac conditione, ut qui filiam ducit assumat cognomen parentis ipsius & sub eo familiam ejus propaget; naturaliter idem non differt ab adoptione, præsertim cum adoptanti integrum sit legem præscribere adoptioni, quamcunque voluerit (§. 786.), etsi, ubi jura positiva obstat videntur, idem alio titulo fieri possit, ut non tam res ipsa, quam nomen saltem mutetur.

§. 794.

*An adoptio
filiis per edu-
cationem.*

Si quis prolem alienam educat, non ideo eam adoptasse intelligitur. Ex enim si quis prolem alienam educat, de iis eadem prospicit, quibus ad conservationem sui indiget, & omnem curam adhibet, ut ea actiones suas ad legem naturæ determinare discat, ac aptam reddit ad vitam hominis ex sese vivendum (§. 255.). Enimvero nemo non videt, hoc fieri posse, etiam si proles, quæ educatur, non assumatur in fili-

in filium, vel filiam. Quamobrem cum persona quædam non adoptetur, nisi in filium, vel filiam assumatur (§. 783.); si quis prolem alienam educat, non ideo eam adoptasse intelligitur.

Pater prolem adoptivam educare tenetur, non tamen ex converso qui prolem educare vult, eam ideo adoptare debet. Educatio beneficium est, quod ab adoptione minime dependet, nec ex hoc beneficio, quod gratis præstatur (§. 19. *part. 4. Jur. nat.*), educator consequi potest ulla jura, quæ per adoptionem consequitur pater adoptivus, nec beneficiarius consequitur jus ad plura beneficia, ad quæ jus confertur filio adoptivo, vel filiæ.

§. 795.

Si liberi adoptantur, parentes naturales non liberantur ab ea De jure pa-
solicitudine, ut liberi probe educantur, nec liberi a patria potestate ventum in
naturali prorsus liberantur. Etenim lex naturæ parentes ob liberos ab
 ligat ad sobolem suam educandum (§. 263.), consequenter obligatio hæc naturalis est; (§. 141. *part. 1. Phil. pract. 105.*
univ.), ac ideo immutabilis (§. 142. *part. 1. Phil. pract.*
univ.). Quamobrem per hoc ab ea liberari nequeunt,
 quod ab alio in filium, vel filiam assumatur filius suus, vel
 filia, consequenter quod adoptetur (§. 783.). Manet igitur
 adhuc ea sollicitudo, ut liberi probe educantur. *Quod*
erat unum.

Quoniam igitur adhuc conferre tenentur, quantum
 datur, quod ad formandos mores liberorum conferre pos-
 sunt (§. 655.); jus determinandi ipsorum actiones, conse-
 quenter potestas patria naturalis non prorsus extinguitur (§.
 661.). Liberi itaque per adoptionem a potestate patria
 naturali non prorsus liberantur. *Quod erat alterum.*

Quodsi perpendas ea, quæ in anterioribus prolixè demon-
 strata fuerunt; haud difficile erit judicare, quænam adhuc sint
 (Wolffii Jur. Nat. Pars VII.) C c c c paren-

parentum officia & inde dependentia jura in liberos, postquam ab aliis adoptati fuerunt, ut ideo opus non sit de iis in particulari agere. E. gr. Parentes curare debent, ut liberi consequantur virtutes intellectuales & morales (§. 655.), & ut fiant felices (§. 710.). Hanc curam abjicere non debent parentes naturales, etiamsi eam suam per adoptionem fecerint parentes adoptivi. Sane naturaliter non repugnat adoptionem fieri ea lege, ut cura educationis parentibus naturalibus relinquitur & sumtus tantummodo ab adoptivis suppeditentur, ac demum puberes eorum potestati subjiciantur. Quidni igitur eadem cura parentibus naturalibus & adoptivis communis esse possit, præsertim quoad ea, quæ lege naturali præcepta, vel prohibita.

§. 796.

*An caelebs &
impotens
adoptare
possit.*

Naturaliter etiam persona caelebs adoptare potest, immo etiam castratus & qui ad generandum inhabilis. Etenim si quis alium adoptat, jus filii in ipsum transfert (§. 784.), perinde ac si ab ipso genitus esset. Quamvis itaque caelebs sit, aut ad generandum prolem quacunque de causa inhabilis; nihil tamen obstat, quo minus jus filii in alium transferre possit, consequenter adoptare (§. 783.). Quamobrem cum naturaliter a voluntate transferentis unice pendeat, utrum jus quoddam suum in alium transferre velit, nec ne (§. 12. part. 3. Jur. nat.); naturaliter quoque persona caelebs, immo etiam castratus vel alia de causa ad generandum inhabilis adoptare potest.

Quæ in contrarium occurrunt in Jure Romano, mere civilia sunt. Ratio enim, quæ redditur, quod ars imitari debeat naturam, consequenter qui pater esse nequit, nec adoptare possit, hic attendenda non est, cum de actu mere morali sermo sit, qui a physico nullo modo dependet. Sane in ipso Jure Romano ratio illa physica non semper attenditur. Unde Impe-

Imperator castratis adoptionem non concedens, spadonibus tamen concedit, qui naturæ quodam virio ad generandum inhabiles.

§. 797.

Naturaliter minor natu majorem natu adoptare potest. O- An minor
stenditur eodem prorsus modo, quo propositionem præce-
dentem demonstravimus. majorem.

Rationem juris Romani minime ob stare, scilicet quod adoptio imitari debeat naturam, modo ostendimus (not. §. 796.). Si adoptio naturaliter consideretur, non tam respiciendum est ad id, quod fictitium est, quam ad id, quod reale. Quamvis itaque fictio non imitetur veritatem; sufficit quod id, quod reale est, & quod potissimum in adoptione intenditur, & citra omnem fictionem subsistere potest, locum habere possit, per easdem omnino rationes, ob quas eidem locus est admissa fictione. Immo quando filius esse fingitur, qui non est; necesse sane non est, ut non absolute impossibile sit, aliquem filium habere posse ejus ætatis, cujus est adoptivus, præsertim cum physica possibilitas non semper æstimetur ex conditione ejus subjecti, de quo sermo est, sive individui adoptantis, sed tantummodo hominum in genere spectatorum, quemadmodum in definienda ætate adoptantis obtinet, quod scilicet adoptans decem & octo annis præcedere debeat adoptatum.

§. 798.

Per adoptionem non amittuntur jura naturalia filii. Quam-
vis enim qui adoptatur, jura filii consequatur respectu adop-
tionem ju-
ptantis (§. 784.), non tamen repugnat, ut simul habeat
jura naturalia filii, quæ ipsi competunt respectu patris natu-
ralis, a quo genitus est, v. gr. ut simul sit hæres patris sui
naturalis per ea, quæ inferius demonstrabuntur, & patris ad-
optivi. Nulla igitur necessitas est, ut jura acquisita per-
amittant

imant jura naturalia. Quamobrem cum adoptio per se non perimat jura naturalia filii, nemini autem invito jus suum auferri possit (§. 64. *part. 1. Jur. nat.*); per adoptionem quoque non amittuntur jura naturalia filii.

Æquitatem hanc attendit Justinianus, dum constituit, ut ab extraneo adoptatus maneat in potestate patris sui naturalis, consequenter ipsi saluum maneat jus succedendi in bonis patris naturalis defuncti. Quodsi quis dubitet, annon repugnet jura naturalia filii habere, & simul jura filii adoptivi; is perpendat, per adoptionem non acquiri respectu patris adoptivi non nisi eadem jura, quæ ipsi natura competunt respectu patris naturalis, & utraque respicere commodum ac utilitatem filii.

§. 799.

De prærogativa libero- Quoniam per adoptionem non amittuntur jura naturalia filii (§. 798.), *liberi* autem in omnibus officiis, quos *rum per ad-* aliis debemus, ceteris hominibus sunt præferendi (§. 733.); *optionem* erunt iidem *adhuc præferendi in officiis quibusvis erga alios ceteris non sublatis hominibus, etiamsi ab alio fuerint adoptati,*

Prærogativa hæc liberorum, quam natura ipsis tribuit, jus amplissimum est & cetera omnia ambitu suo complectitur. Quamobrem si constet, quam late pateant officia erga alios in parte prima Juris naturæ prolixè demonstrata; facile patebit, quantum sit illud jus, quod liberis adhuc competit, postquam ab aliis adoptati fuerunt. Per adoptionem non deterioratur conditio liberorum naturaliter, sed semper melior efficitur, quatenus quod habent retinent, præterea vero plus juris acquirunt, quam antea habuerant.

§. 800.

De jure liber- *Parentibus competit jus liberos suos in adoptionem dandi.*
beros in ad- Etenim parentes obligantur liberos suos educare (§. 263.),
accu-

ac curæ ipsis esse debet, ut iidem fiant felices (§. 710.) *optionem dandi.*
 Quamobrem lex naturæ ipsis etiam dat jus ad ea, quibus obligationi huic satisfieri potest (§. 159. *part. 1. Phil. pract. univ.*). Quoniam itaque qui adoptat prolem alienam, eam in filium, aut filiam assumit (§. 783.), consequenter etiam onus educationis parentibus competens (§. 263.) in se suscipit, & adoptatus consequitur jura filii respectu patris adoptivi, seu talia, quæ respectu patris naturalis ipsi competunt (§. 784.), his salvis (§. 798.), consequenter per adoptionem fortunæ ejus consulitur, parentes autem sumtus educationis propriis bonis sustentare non tenentur, si aliunde haberi possint (§. 527.); quin parentibus competat jus liberos suos in adoptionem dandi dubitandum non est.

Non opus est, ut jus hoc intra certos limites coarctemus, pertinent enim hi ad exercitium juris, non ad jus ipsum. Quemadmodum enim dominus re sua non aliter uti debet, quam ut satisfaciatur obligationi cuidam naturali (§. 167. *part. 2. Jur. nat.*), eadem vero abutitur, si ea usus quid faciat, quod obligationi cuidam repugnat (§. 168. *part. 2. Jur. nat.*); ira quoque parentes jure dandi in adoptionem, re incorporali (§. 498. *part. 1. Jur. nat.*), non aliter uti debent, quam ut officio cuidam erga liberos satisfaciatur, eodem autem abutuntur, si quid jure isto usuri committunt, quod officio cuidam repugnat. In demonstratione itaque propositionis præsentis recte supponitur, adoptionem esse medium, quo officio suo erga liberos satisfaciunt parentes, ut educationi eorum ac fortunæ consulatur, nec felicitati præjudicetur. Quod si ergo perpendas ea, quæ antea de officiis parentum erga liberos prolixè satis demonstrata fuerunt; absque omni difficultate patebit, num qui prolem suam in adoptionem dat jure suo recte utatur, quemadmodum debebat, an vero eodem abutatur, sit ita quod jure externo conscientie parentum relinquendum sit, quomodo eodem utantur (§. 157. *part. 1. Jur. nat.*). Ni-

hil hic asseritur, quod non eodem modo obtineat in exercitio juris cujus vis alterius, servato discrimine inter ea, quæ licent jure intre, & quæ permittuntur jure externo. Quodsi parentes liberos ament, quemadmodum debent (§. 715.), nec naturalem illum amorem (§. 257.) contrariis effectibus supprimant; probe perpendere non negligent, utrum adoptione iis consulatur, nec ne.

§. 801.

*De consensu
parentum
ad adoptionem
requi-
sito.*

Quoniam parentibus competit jus liberos suos in adoptionem dandi (§. 800.), nec hoc jus extinguitur, quamdiu liberi per se nondum dijudicare valent, quæ ipsis bona ac utilia sunt (§. 676. 775.), nemo autem quicquam facere debet, quod est contra jus alterius (§. 910. *part. 1. Jur. nat.*); liberi, qui nondum per se statuere possunt, quæ ipsis bona & utilia sunt, consequenter qui adhuc sunt sub patriæ potestate (§. 775.), sine consensu parentum adoptari nequeunt.

Pater itaque sine consensu parentum irritam esse adoptionem in infantia, pueritia & adolescentia (§. 644.).

§. 802.

*De pactis
adoptioni
adjaciendis.*

Similiter quia parentibus competit jus liberos suos in adoptionem dandi (§. 800.), naturaliter autem adoptio fieri potest tam pure, quam sub conditione, & tam revocabiliter, quam irrevocabiliter (§. 787.); si parentes liberos suos in adoptionem dant, cum adoptante convenire debent, quæ lege adoptio fieri debeat.

Quamvis enim a voluntate adoptantis pendeat, quæ lege adoptare velit (§. 786.), cum tamen adoptio requirat consensum parentum (§. 801.), & per consequens sine eo valida fieri nequeat, facile patet, adoptionem fieri non posse nisi ea lege, in quam consentiunt parentes, consequenter de ea cum adoptante conveniri posse a parentibus, nisi pure prolem suam

suam in adoptionem dare velint ac irrevocabiliter, absque lege ulla. Pacta igitur adoptioni adjici possunt.

§. 803.

Arrogatio absque consensu parentum valida est; arrogati tamen An consensum officio convenit, ut eundem impetrare studeat. Qui arrogatus parentum sui juris est (§. 783.), consequenter patriæ potestati tum requiritur non amplius subjectus (§. 135. part. 1. Jur. nat.), ac ideo ratur ad arbitrium (§. cit.). Quoniam itaque in agendo non amplius rogationem. dependet a voluntate parentum, sed a seipso (§. 152. 153. part. 1. Jur. nat.); sine consensu quoque parentum se in arrogationem dare potest, consequenter absque parentum consensu valida est arrogatio. *Quod erat unum.*

Enimvero liberi in omnibus actionibus suis studere debent, ut placeant parentibus, ac solliciti sibi cavere, ne quid faciant, quod voluntati ipsorum sit adversum (§. 745.); & officium hoc subsistit per omnem vitam (§. 805.); officio quoque eorum convenit, ut consensum parentum ad arrogationem impetrare studeant. *Quod erat alterum.*

Justæ autem adesse debent causæ, cur parentes contradicant: alias enim officio liberorum erga parentes minime repugnat, si officio erga seipsum satisfaciunt, parentibus licet dissentientibus.

§. 804.

Liberi per omnem vitam, etiam sui juris facti, ea præstare Quanam debent officia, quæ ipsis tanquam benefactoribus debentur. Et officia debent enim etiam liberi sui juris fiant, non tamen parentes desinunt antur præstare benefactores ipsorum maximi, qui sunt (§. 738.), quod rentibus per se patet. Quamobrem si officia quadam debentur parentibus tanquam benefactoribus; ea utique a liberis præstari.

stari debent per omnem vitam, hoc est, quamdiu parentes ac ipsi vivunt.

Non difficile est iudicium, num officium aliquod debeatur parentibus tanquam benefactoribus. Debetur parentibus tanquam benefactoribus animus gratus (§. 43. *part. 4. Jur. nat.* & §. 741. *b.*), consequenter ab amore (§. 784. *Psych. empir.*), quo parentes, qua parentes, prosequi tenentur (§. 739.), dependent officia ista. Ex amore autem oritur charitas (*not.* §. 715.), quæ complectitur omnia officia hominis erga alios (§. 654. *part. 1. Jur. nat.*), singulari ideo ratione parentibus debita.

§. 805.

*De studio
placendi pa-
rentibus.*

Quoniam liberi per omnem vitam, etiam sui juris facti, parentibus ea præstare debent officia, quæ ipsis tanquam benefactoribus debentur (§. 804.), in numero vero horum officiorum etiam hoc est, ut in omnibus suis actionibus placere parentibus studeant, sibi que sollicitè caveant, ne quid faciant, quod voluntati illorum adversum, prouti ex demonstratione huius officii (§. 745.), ac iis, quæ modo annotavimus (*not.* §. 804.), abunde patet; liberi quoque *per omnem vitam suam studere debent in omnibus actionibus suis, ut placeant parentibus, ac sollicitè sibi caveant, ne quid faciant, quod voluntati illorum adversum.*

Differt hoc studium ab obedientia, quam sui juris nondum facti debent parentibus liberi. Hanc exigere possunt parentes ac propter inobedientiam liberos punire. Studium vero istud magis liberum est, nec jure externo perfecte debetur, sed ad ea referendum, quæ laudem merentur, seu virtutis sunt. Neque eidem repugnat, ut liberi faciant, quod parentibus minime placet, si nullam justam causam dissentendi habeant. Qui novit differentiam inter perfecte debitum, ac imperfecte debitum, studium hoc ab obedientia facile distinguet.

§. 806.

§. 806.

*Naturaliter adoptio fieri potest ea lege; ut curam omnem edu- De cura e-
cationis sibi reservet pater naturalis.* Quando enim parentes *educationis*
liberos in adoptionem dant, cum adoptante convenire de- *adoptari pe-*
bent, qua lege fieri debeat adoptio (§. 802.). Quoniam *nes patrem*
itaque liberi per adoptionem a patria potestate, consequen- *naturalem*
ter a jure patris & matris naturali determinandi actiones *manente.*
ipforum (§. 661.), non prorsus liberantur (§. 795.), a vo-
luntate autem adoptantis dependet, qua lege prolem
alienam adoptare velit (§. 786.); ita etiam conveniri
potest, ut cura omnis educationis, ad quam potissimum spe-
ctat regimen liberorum (§. 661.), maneat penes parentes na-
turales, consequenter ut eam sibi reservent parentes naturales.

Rationes esse possunt sufficientes tam patri naturali, quam
adoptivo, cur ita conveniatur, veluti si naturalis existimet, se
rectius educationem filii curare posse, quam adoptivum, vel
si adoptivus non commodum experiatur, ut onus educationis
præter sumtus in se suscipiat. Ubi vero de jure agitur, mo-
riva non attenduntur, prouti jam non semel monuimus.

§. 807.

*Si pater naturalis sibi reservet curam educationis filii adop- Quando in
tati, in rebus arduis consilium & consensum adoptivi adhibere debet. illo casu pa-*
Etenim liberi studere debent, ut in actionibus suis placeant *tris adoptivi*
parentibus (§. 745.). Quamobrem cum pater adoptivus *consilium &*
per adoptionem consequatur jus patris (§. 784.); filius *consensus*
quoque adoptivus studere debet, ut placeat adoptivo in *adhibendus.*
omnibus actionibus suis. Enimvero quamdiu liberi per se
officiis erga parentes satisfacere nequeunt, ipsi parentes
officiis istis eos assuefacere debent (§. 709.). Quamobrem
eosdem quoque assuefacere debent officiis erga patrem ad-
optivum, consequenter etiam ad studium iisdem placendi in
(*Wolffi Jur. Nat. Pars VII.*) D d d d actio-

actionibus suis. Quoniam itaque parentes tamdiu funguntur in determinandis actionibus liberorum officio liberorum, eas utique ita determinare debent, ut placeant patri adoptivo, consequenter in rebus arduis ejus consilium & consensum adhibere debent, si curam educationis sibi reservaverint.

Quodsi liberi ipsimet actiones suas determinare possent, eas ita determinare deberent, ut placerent patri adoptivo. Quando itaque parentes naturales ipsorum loco faciunt, quod ipsimet facere debebant, sed nondum possunt; ipsimet quoque actiones liberorum ita determinare debent, ut patri adoptivo placeant. Quamobrem in rebus arduis, in quibus scilicet dubium videtur, quid patri adoptivo placeat, ejus consilium ac consensum adhibere debent. E. gr. Parentes liberos destinare debent certo vitæ generi (§. 719.). In eo igitur patris adoptivi consilium atque consensum adhibere debent. Similiter si patris ac matris imperia inter se contendant; vorum quoque patris adoptivi requirendum, & eo standum, cui ipse accedit (§. 74.). Non propterea jus nullum est patris adoptivi, etsi curam educationis relinquat patri naturali. Quamobrem etiam si videat pater adoptivus educationem in nonnullis minus recte curari; ipsi utique competit jus, ut educationi accuratiori prospiciat, competit etiam jus formandi mores filii adoptivi, ubi ad eos formandos quid conferre potest.

§. 808.

Quid proprie sit naturaliter pactum est, quod inter parentes naturales & patrem adoptivum, vel matrem adoptivam initur. Et similiter initur arrogatio pactum est, quod initur inter arrogatum & arrogatorem. Etenim si parentes naturales prolem suam in adoptionem dant, cum adoptante conveniunt, quod filium suum in filium, vel filiam in filiam assumere debeat (§. 783.), cumque non nihil egisse velint, consequenter actum validum

dum esse, omnino pater adoptivus sese obligat, quod filium alterius pro suo habere velit, quasi a se genitus esset, & pater naturalis sese obligat, quod jura patris in ipsum translata esse debeant. Quamobrem cum istiusmodi conventiones pacta sint (§. 788. 393. *part. 3. Jur. nat.*); adoptio naturaliter pactum est, quod inter patrem naturalem & adoptivum initur. *Quod erat unum.*

Non absimili modo ostenditur, arrogationem naturaliter esse pactum inter arrogatorem & arrogantem initum. *Quod erat alterum.*

Mere itaque civile est, quod adoptio & arrogatio habeantur pro actu legitimo & pacto contradistinguantur. Naturaliter tam patris adoptivi, quam filii adoptivi jus venit ex pacto, quod ubi moribus, vel legibus positivis definitum non est, non majus esse potest, quam quod partes contrahentes in se invicem conferre voluerunt. Quemadmodum vero jus naturæ regit omnes actus humanos, nec jure externo permittitur, nisi quod vi libertatis naturalis unicuique permittendum (§. 156. *part. 1. Jur. nat.*); ita idem quoque naturaliter obtinet in adoptione & arrogatione. Quatenus vero jura positiva a naturali recedunt, leges civiles & qui eorum vicem subeunt mores libertatem naturalem restringunt, ut jam non liceat, quod vi illius alias permittendum erat.

§. 809.

Quoniam adoptio pactum est inter parentes naturales & adoptantem, arrogatio vero pactum inter arrogatorem & arrogatum initum (§. 808.), pacta vero servanda sunt (§. 789. *part. 3. Jur. nat.*), nec dissolvuntur nisi mutuo consensu (§. 840. *part. 3. Jur. nat.*); in adoptione quoque & arrogatione servanda sunt ea, de quibus conventum, nec pater adoptivus filium adoptivum absque ipsius consensu e potestate sua dimit-

D d d d 2

dimit-

dimittere, consequenter emancipare potest (§. 776.), neque adoptivum arrogatum jure filiationis privare.

Emancipatio filii adoptivi tollit adoptionem, adeoque perimit jus filiationis ex pacto quæsitum, consequenter ea non est arbitrii patris adoptivi. Alia erat ratio, cur emancipatio filii adoptivi permessa erat apud Romanos. Quoniam enim Jure Romano longe alia erat patria potestas, quam naturalis, & ea durabat, quamdiu pater viveret, patri quoque compete-
bat jus emancipandi filium. Quamobrem cum per adoptionem patria illa potestas transferretur in patrem adoptivum & per arrogationem eandem ex consensu arrogati acciperet arrogator, jus quoque emancipandi, quod potestati isti adhe-
rebat, patri adoptivo & arrogatori compete-
bat. Sed hæc minus quadrant in adoptionem & arrogationem naturalem, de qua hic agimus, quemadmodum nec ad emancipationem naturalem trahenda sunt, quæ ad Romanam pertinent. Cum enim in Jure nostro tam arrogatio, quam adoptio specifica non spectetur, nisi ut pactum (§. 808.); quæ de pactis in univ-
ersum demonstrata sunt, ad adoptionem quoque & arrogationem applicanda veniunt, quæ naturaliter non alio, quam pactorum jure reguntur, ex quo validitatem suam habent.

§. 810.

*Unio proli-
um quid sit.*

Si qui matrimonium contrahunt habeant liberos ex priori matrimonio, vel saltem contrahentium uni ad secunda vota transeunti sint ex priori matrimonio liberi, & illi inter se paciscantur, ut respectu utriusque tum iis, quos jam habent, vel habet pars una, tum his, qui ex novo matrimonio nascentur, commune jus filiationis competat, *proles uniri* dicuntur, & pactum ipsum *Unio prolium* appellatur. Vocatur etiam a nonnullis *Parificatio prolium*, idiomate patrio die *Einfindschaft*. Duo igitur casus sunt unionis prolium. In uno uterque conjux habet liberos ex priori matrimonio;
in al-

in altero nonnisi unus, consequenter in primo liberi utriusque conjugis parificantur cum inter se, tum cum liberis ex novo matrimonio nascendis; in secundo autem liberi, quos conjux unus ex priori matrimonio habet, parificantur cum iis, qui ex novo nascuntur.

Unio prolium in nonnullis Germaniæ locis frequens est, & in tota Germania receptam præsumi auctor est *Bergerus* in *Oeconomia Juris* lib. 1. tit. 3. p. m. 146. Pacto hoc potissimum intenditur paritatio prolium quoad successionem in bonis conjugum defunctorum, de qua paulo post dicemus. Quoniam per adoptionem privignus adoptatus etiam consequitur jus filiationis respectu adoptantis (§. 784. 789.); unio prolium assimilatur adoptioni, præsertim naturali, non tamen prorsus eadem est, præsertim si mores spectes, quibus introducta & definita, Eam non modo ignorat *Jus Romanum*; verum etiam non desunt, qui contendunt, eandem *Juri* isti prorsus adversari. Sed in hoc inquirere nostrum non est, qui ea demonstrare debemus, quæ circa hanc unionem *Juri naturæ* conveniunt.

§. 811.

Quoniam per unionem prolium liberi unius conjugis parificantur liberis alterius conjugis quoad jura filiationis, seu liberorum (§. 810.); liberi ex uno saltem conjuge geniti spectantur tanquam geniti ex utroque, consequenter privigni & pri-
vigna tanquam filii ac filia naturales (§. 596. 610.), & qui erant affines (§. 607.), censentur cognati (§. 562.) vitrici; vel noverci (§. 610.).

Jus cognationis non extenditur ultra vitricum, vel novercam, & per consequens ad jus filiationis restringitur, nec respectu liberorum æquiparatur *juri cognationis*, quod per unionem acquiritur, sed manent affines ex priori matrimonio & novo nati naturaliter, & nulla affinitas intercedit inter liberos, qui nullum communem habent parentem.

§. 812.

*De defra-
datione libe-
rorum in
unione pra-
cavenda.*

Quoniam non modo ab omni pacto fraus omnis abesse debet (§. 149. *part. 5. Jur. nat.*), verum etiam parentes liberos bonis fortunæ privare minime debent, quibus eos augere poterant (§. 730.), per unionem autem prolium liberi ex uno conjugē geniti quoad jura filiationis spectantur tanquam ex utroque conjugē geniti (§. 811.); *qui unionem prolium inveniunt, probe perpendere tenentur, ne per eandem liberi ex priori matrimonio geniti defraudentur.*

Cum per unionem prolium potissimum intendatur parificatio quoad successionem in bonis conjugum defunctorum (*not. §. 810.*); facile patet, defraudari posse liberos, si inæqualis fuerit numerus liberorum, quos uterque conjux ex priori matrimonio habet, & facultates dispares utriusque conjugis.

§. 813..

*An per edu-
cationem
fiat unio
prolium.*

Si conjux unus se obligat ad liberos, quos alter ex priori matrimonio habet, educandum; proles propterea non univertitur. Etenim si conjux unus prolem, quam habet alter ex priori matrimonio, educat, de iis eidem prospicit, quibus ad conservationem sui indiget, & omnem curam adhibet, ut ea actiones suas ad legem naturæ determinare discat, ac aptam reddit ad vitam hominis ex sese vivendum (§. 255.). Enimvero equis non videt, hoc fieri posse, etiamsi proles, quæ educatur, non acquiritur jura filiationis respectu educatoris ac quoad jura filiationis æquiparetur liberis ex ipso genitis? Quamobrem cum unio prolium non fiat, nisi conjux unus quoad jura filiationis parificet liberos, quos alter ex priori matrimonio habet, liberis ex se genitis (§. 810.); si conjux unus se obligat ad liberos, quos alter ex priori matrimonio

monio habet, educandum; proles propterea non uniuntur.

Et si ad jus filiationis pertineat, ut liberi a parentibus educantur (§. 263.), non tamen in eo solo consistit, prouti non modo ex anterioribus intelligitur, verum etiam ex sequentibus patebit, quæ de successione liberorum in bonis defuncti parentis demonstrabuntur. Par nimium ratio est in adoptione & unione prolium (§. 794. *Et vi præf.*), quarum hæc isti assimilatur. Quemadmodum quis prolem alienam educare potest, ut tamen eam non adoptet (§. 794.), ita etiam prolem, quam conjux ex priori matrimonio habet, seu privignum, vel privignam educare potest, ut tamen cum prole sua non uniatur. Vide, quæ supra de secundis nuptiis demonstrata sunt (§. 530. *seqq.*).

§. 814.

Si liberi ex priori matrimonio nati propria habeant bona, veluti paterna aut materna; naturaliter unio prolium ea non afficit. De bonis propriis liberorum unitorum.
Si enim liberi propria habeant bona, parens dominium in iis non habet (§. 757.), consequenter nec de iis ad secunda vota transiens pro lubitu suo disponere potest (§. 118. *part. 2. Jur. nat.*). Quamvis itaque cum novo conjugis matrimonio contrahens paciscatur, ut ipsi quoad jus filiationis pacificentur liberis, quos ipse habet, vel qui ex novo matrimonio nascuntur, consequenter unio prolium fiat (§. 810.); non tamen liberis alterius conjugis, si quos jam habet, aut ex matrimonio cum ipso inito nascendis jus aliquod in bonis illorum constituere potest, consequenter naturaliter unio prolium bona liberorum prioris matrimonii, veluti paterna, aut materna non afficit.

Non ignoro, contrarium a nonnullis doctoribus defendi in eo casu, quo ex posteriori matrimonio suscepti sunt liberi. Vid. *Bergerus* in *Oecon. Jur.* lib. 1. tit. 3. not. 11. p. m. 147.

Ast

Ast ea sententia principiis Juris naturæ parum convenit. Non est quod excipias, hoc pacto liberos ex posteriori matrimonio progenitos deterioris esse conditionis, quam liberi ex priori matrimonio natos: neque enim unio ista eandem prorsus facere debet liberorum unitorum conditionem. Quemadmodum mater dives non prohibetur transire ad secundas nuptias, quod liberorum ex priori matrimonio natorum conditionem deteriores facit, si ex secundo matrimonio suscipit liberos; ita nec nubere viro ea lege illicitum existimari potest, ut prioris matrimonii liberi parificentur liberis ex posteriori nascendis, nec injuriam facit pater ex se natis, si in eam consentit, cum nondum natorum nullum jus sit (§. 830. part. 6. Jur. nat.). Bona fortunæ inter liberos naturales non distribuuntur ea ratione, ut æqualitas observetur, cum non uno modo contingere possit, ut uni obtingant bona, quibus ceteri carere tenentur. Immo si pater liberos ex priori matrimonio habet, quibus nulla sunt bona materna, ducat vero ad secunda vota transiens uxorem divitem, liberorum ex posteriori matrimonio genitorum jus filiationis respectu patris propterea non imminuitur. Quamvis itaque cavendum sit, ne liberi unione defraudentur (§. 812.); defraudationi tamen accensendum non est, si bona, quæ habent, propria unione minime afficiantur.

§. 815.

De bonis quæ unitis aliunde obveniant. Si liberis unitis, facta unione, aliunde obveniant bona, quam ex successione paterna & materna; ea unio non afficit. Ostenditur eodem modo, quo propositionem præcedentem demonstravimus.

Sane in pacto unionis non attenduntur nisi bona uniendum, tum quæ tempore unionis actu habent, tum quæ ab iis acquiri posse spes est non vana, hoc est, ratione probabilissime destituta. Ex his enim æstimandum, num commoda ac utilis futura sit uniendis ista parificatio, ne scilicet liberi ex priori matrimonio defraudentur (§. 812.). Bona igitur, quæ unitis facta unione aliunde obveniunt, extra pactum unionis sunt,

sunt, quod ea nullo modo respicit. *Æquitas hæc naturalis adeo manifesta est, ut eam facile agnoverint, qui de unione prolium ex instituto scripserunt Jacobus Rickius c. 7. & Burcbardus Bardili th. 33.*

§. 816.

Liberi uniti communi sumtu ab unientibus educandi, nisi De educatione fructibus ex bonis propriis, quæ habent, sumtus educatione liberorum sustentari possunt. Etenim unione prolium liberi ex diversis matrimoniis ita parificantur, ac si ex utroque unientium geniti essent, quoad jura filiationis (§. 810.), consequenter omnes simul spectantur tanquam liberi naturales utriusque conjugis. Enimvero uterque conjux ad sumtus educationis conferre tenetur, quod potest, ac præterea eas facere in eandem impensas, quas facere potest (§. 445.), consequenter liberos naturales, seu ex matrimonio ab ipsis contracto natos communi sumtu educare tenetur. Quamobrem liberi quoque uniti communi sumtu ab unientibus sunt educandi. *Quod erat unum.*

Enimvero si liberis aliunde obveniant bona, sumtus educationis sustentare licet subsidio fructuum (§. 527.). Quamobrem cum unio prolium non afficiat bona, quæ liberi uniti ex priori matrimonio habent (§. 814.), aut quæ ipsis facta unione aliunde obveniunt (§. 815.); si uniti bona habeant propria, subsidio fructuum sumtus educationis sustentari possunt. *Quod erat alterum.*

Quæ igitur de educatione liberorum naturalium demonstrata sunt in anterioribus, eadem quoque valent de educatione unitorum. Unio enim pares efficit unitos quoad jura liberorum, nisi quod diverso modo debeantur, quæ educationis causa fiunt ac fieri debent. Liberis enim naturalibus debentur naturaliter propter generationem, ex qua sunt educandi obli-
(Wolff Jur. Nat. Pars VII.)

E e e

gatio

gatio (§. 263.): unitis autem ex diverso matrimonio ex pacto (§. 810.), quod naturaliter obligatorium est (§. 789. *part. 3. Jur. nat.*).

§. 817.

Qua lege unio prolium qua lege liberos ex diversis matrimoniis unire velint. Etenim naturaliter unione prolium in liberos ex priori matrimonio natos transferri debet. tertur jus, quod ipsis competeret, si ex novo matrimonio nati fuissent (§. 810.). Quoniam itaque a transferentis voluntate unice dependet, quomodo seu qua lege jus aliquod in alterum transferre velit (§. 11. *part. 3. Jur. nat.*); naturaliter quoque a voluntate unientium dependet, quomodo seu qua lege liberos ex diversis matrimoniis unire velint.

Quoniam libertas naturalis non tollit obligationem (§. 159. *part. 1. Jur. nat.*); facile patet, dum unientes dant unioni legem, eos rationem habere debere officii lege naturali præscripti (§. 812.).

§. 818.

De unione pura, conditionata, revocabili & irrevocabili. Quoniam naturaliter a voluntate unientium dependet, quomodo, seu qua lege liberos ex diversis matrimoniis unire velint (§. 817.), consequenter in liberos ex diverso matrimonio natos jus liberorum naturalium transferre (§. 811.), jus vero in alterum transferri potest, vel pure, vel sub conditione (§. 673. 678. *part. 2. Jur. nat.*), revocabiliter & irrevocabiliter (§. 16. *part. 3. Jur. nat.*); unio quoque prolium fieri potest tam pure, quam conditionate, seu sub conditione quacunque honesta, & tam revocabiliter, quam irrevocabiliter. Patet autem, *puram & irrevocabilem* intelligi, nisi de conditione, sub

sub qua facta esse debeat, & irrevocabilitate expresse scriptis conventum.

Valet nimirum adversus unientem, quod sufficienter indicavit (§. 428. *part. 3. Jur. nat.*), consequenter conditio tacite adjecta non intelligitur, nec præsumitur uniens sibi reservasse revocabilitatem, quando de ea nihil dixit. Exemplum unionis conditionatæ erit, ut liberi ex diversis matrimoniis partificentur, nisi ex matrimonio novo nascantur liberi quatuor, vel plures, vel si liberorum bona propria non excedant hæreditatem ex unione consequendam. Ita quoque uniens sibi reservare potest jus revocandi unionem, si in casu postea emergente existimet, liberis suis seu ex se natis magis consultum esse, ne sint uniti; quæ reservatio convenit officio parentum erga liberos (§. 730.).

§. 819.

Ex eadem ratione patet, *unionem ea lege fieri posse, ut Leges partiales vel simpliciter, vel certo casu afficiat bona unitorum, quæ ex prioribus matrimonii habent, vel etiam facta unione tisdem obveniunt ex unioni casu quodam prævisis; ut parentes quoque uniens partificentur ad jici possunt. quoad jus succedendi in bonis liberorum unitorum prædefunctorum; ut liberi uniti sibi invicem succedant, si impropres decedant, ne fructibus bonorum propriorum sustententur sumtus educationis & quæ sunt alia ejusmodi.*

In statu nimirum naturali, qualem hic supponimus, non dantur leges positivæ, quæ jus unientium minuunt, nec valent mores, nisi quatenus iis conformiter agendo tacite approbantur. Nec in genere dici potest, quænam lex unioni adjuvenda æquitati magis conveniat, quænam minus: etenim hoc pendet a circumstantiis particularibus, pro quarum diversitate æquum intelligitur, quod sub aliis foret iniquum. Sed quoniam talia haud difficulter dijudicantur ex iis, quæ de officiis parentum erga liberos demonstrata sunt; ad ea discutienda

Eccē 2

non

non progredimur. Et ob similem rationem non expendimus jura, quæ ex diversa lege unionis nascuntur.

§. 820.

De consensu uniendo- Si liberi uniendi per ætatem consentire possunt, eorum consensus ad unionem requiritur: si nondum possunt, vel unio fieri debet sub conditione ratihabitionis, ubi consentire poterunt, vel eorum nomine consensum impartiales alii impertire tenentur. Quoniam enim in pacto unionis de jure liberorum disponitur (§. 810.), consequenter ab ipsorum voluntate dependet, utrum jura quædam sibi competentia cum aliis communicare velint, nec ne (§. 7. 12. *part. 3 Jur. nat.*); si liberi uniendi per ætatem consentire possunt, eorum utique consensus ad unionem requiritur. *Quod erat primum.*

Quodsi per ætatem consentire nondum possunt, per se patet, quod idem ad unionem perficiendam requiri nequeat. Enimvero quoniam unio etiam fieri potest sub quacunque conditione honesta (§. 818.); fieri utique etiam potest sub hac conditione, si uniti eam ratihabuerint, quando per ætatem consentire poterunt. *Quod erat secundum.*

Enimvero quoniam consensus eorum, consequenter ratihabition facile præsumitur, si unio cedat in ipsorum commodum, nec eadem ipsi defraudentur, impartialis vero uni parti non magis faveat, quam alteri (§. 934. *part. 5. Jur. nat.*), consequenter in præsentī casu non probabit unionem, quæ liberis uniendis sit damnosa, nec consentiet, ut uniendorum unus sub obtentu unionis insidiosè inhiat bonis alterius, aut liberis, quos ex priori matrimonio habet, consulat cum detrimento liberorum, quæ ex priori matrimonio sunt alteri, non una autem de causa istiusmodi impartialitas ab iis, qui matrimonium contrahunt, præsumi nequit; si liberi per ætatem consentire nequeunt, nec sub conditione ratihabitionis unio

unio perfici potest; quin loco liberorum uniendorum consensus imparzialium adhiberi possit, dubitandum non est.
Quod erat tertium.

Equidem si parentes prolem suam amarent, quemadmodum debent, minime verendum foret, ne unione prolium liberis ex priori matrimonio præjudicium fieret; quoniam tamen cupidus habendi facile impellit homines ad defraudandum alios, ubi juris obrentu alios defraudare possunt, ac præterea plures sunt rationes, ob quas ad secunda vota transeuntes liberorum ex priori matrimonio genitorum curam non habent, quam habere debebant, ideo præsumere non licet; quod parentes in unione prolium rectius pendunt aliis, quid e re uniendorum sit, ne unio iisdem magis officiat, quam prosit. Quamobrem plus valet aliorum imparzialium, quorum non interest, utrum unio fiat, nec ne, iudicium, quam parentum. Istiusmodi autem imparziales sunt viri boni (§. 967. *part. 5. Jur. nat.*), & qui tales præsumuntur, tutores, cognati uniendorum & amici parentis defuncti. Non est, quod excipias, si per ætatem uniendi ipsi consentire nondum possunt, unionem semper fieri debere sub conditione ratihabitionis. Casus enim emergere possunt, ubi consultius est unionem esse validam, antequam illa conditio existere potest, veluti si is, cui vi unionis succedendum, moriatur, antequam uniti ad eam ætatem pervenerint, qua consentire valent. Immo fieri quoque potest, ut quis matrimonium contrahere nolit nisi sub conditione unionis puræ. Notandum quoque est, naturaliter non repugnare, ut manifestum sit unitorum commodum, veluti si spes lucri quidem adsit, absit vero omnis metus damni, e. gr. quando pars una unientium tantummodo habeat liberos ex priori matrimonio, & unio fiat ea lege, ne afficiat bonorum, quæ ex priori matrimonio habent, nec parti alteri, cui vi unionis succeditur, acquiratur jus reciprocum succedendi in bonis unitorum, neque etiam qui uniuntur cum nascendis quoad successionem inter se fratribus germanis æquiparentur (§. 819.). In hoc igitur casu consensu imparzialium non vi-

detur esse opus. Enimvero non sufficit recte agere, sed curare quoque debemus, quantum datur, ut alii agnoscant, nos recte agere (§ 545. *part. 1. Jur. nat.*), præsertim ubi facile suspicionem incurtere possumus, quasi recte non egerimus, vel agere noluerimus (§ 555. *part. 1. Jur. nat.*). Quamobrem consensus aliorum impartialium jure naturæ ne tunc quidem superfluous censeri debet, ut ideo casus excipiendus non fuerit.

§. 821.

De unione, si ex posteriori matrimonio non nascantur liberi. Si pars una saltem habeat liberos ex priori matrimonio, unio valet, etiamsi ex posteriori matrimonio nulli nascantur liberi, nisi expresse aliter conveniatur. Quoniam enim incertum est, utrum ex posteriori matrimonio nascendi sint liberi, nec ne; si pars una saltem habeat liberos ex priori matrimonio & inter contrahentes conveniatur, ut iidem nascendis parificentur, unio fit pure, seu absque ulla conditione, sub spe liberos natum iri, consequenter id aliter intelligi nequit, nisi ut liberi prioris matrimonii spectentur tanquam ex utroque conjugē, seu matrimonio posteriori nati & jus filiationis respectu partis improlis habere debeant (§ 810. 811.). Quamobrem cum contra paciscentes pro vero habeatur, quod sufficienter indicarunt (§ 428. 788. *part. 3. Jur. nat.*); si pars una saltem habeat liberos ex priori matrimonio, unio subsistit, etiamsi ex posteriori matrimonio nulli nascantur liberi. *Quod erat unum.*

Enimvero quoniam unio etiam fieri potest sub quacunque conditione honesta (§ 818.), quin etiam fieri possit sub hac conditione, si nascantur ex posteriori matrimonio liberi, dubium nullum superesse potest. Quamobrem cum promissio conditionata non ante intelligatur valida, quam ubi conditio existit (§ 467. *part. 3. Jur. nat.*), hac autem deficiente evanescit (§ 534. *part. 3. Jur. nat.*); si pars una saltem

saltem habeat liberos ex priori matrimonio, & unio fiat sub expressa conditione, siquidem ex posteriori matrimonio nascentur liberi, ea non subsistit, si nulli nascantur. *Quod erat alteram.*

Facile pater, conditionem hanc non inutiliter adici eo in casu, quo unio efficere debet bona, quæ liberi uniti ex priori matrimonio habent, jus vero nullum succedendi in eorum bonis acquiritur unienti. Neque minus manifesta est absurditas promissionem pure factam habere velle pro conditionata (§. 504. part. 3. Jur. nat.).

§. 822.

Quoniam si pars una saltem habeat liberos ex priori matrimonio, unio valet, etiamsi ex posteriori matrimonio nulli nascantur liberi, nisi expresse conveniatur aliter (§. 821.), perinde vero est, si ex posteriori matrimonio liberi nulli nascantur, siue nati vivis adhuc unientibus moriantur; unio etiam subsistit, etiam si liberi ex posteriori matrimonio nati ante parentes iterum moriantur, nisi expresse aliter conveniatur (§. 818.).

*De liberis
posterioris
matrimonii
prædesun-
dis.*

In unione prolium non attenduntur casus, de quibus expresse nil dictum, nisi probabiles admodum adsint rationes, ob quas casus aliquis tacite exceptus intelligatur. Standum omnino est iis, quæ verbis expressis, quorum manifestus est significatus, indicata fuerunt (§. 427 part. 3. Jur. nat.), nisi omnem a negotiis humanis certitudinem removere volueris: quod in moralibus recte pro absurdo habetur.

§. 823.

Si liberi, quos pars una ex priori matrimonio habet, ante n-
nientes moriantur; unio prælium subsistit, nec quicquam in ea im-
mutatur, nisi expresse aliter fuerit conventum. Quoniam enim
incertum est, utrum liberi prioris matrimonii unientibus sint
super mortuis.

*De liberis
prioris ma-
trimonii an-
te unientes
super
mortuis.*

supervicturi, nec ne, in pacto autem unionis de eo nihil expresse dicitur, *per hypothesin*; unio pure, seu absque ulla conditione facta intelligitur sub spe, eos unientibus supervicturos esse. Unde porro eodem, quo ante (§. 821.), modo patet, unionem subsistere, etiamli liberi, quos pars una ex priori matrimonio habet, ante unientes moriantur. *Quod erat unum.*

Eandem vero non subsistere, si liberi, quos pars una ex priori matrimonio habet, ante unientes moriantur, ubi expresse ita fuerit conventum, eodem modo patet, quo paulo ante ostendimus non subsistere unionem, si ex posteriori matrimonio nulli nascantur liberi, siquidem ita fuerit conventum (§. 821.). *Quod erat alterum.*

Cum parentes pactum unionis prolium ineuntes probe perpendere debeant, ne per eandem conditio liberorum, quos ex priori matrimonio habent, deterior fiat (§. 812.), ac idem omnino etiam considerare teneantur, qui loco liberorum, per ætatem consentire nondum valentium, consensum in unionem impertiuntur (§. 820.); tam unientes, quam unionem liberorum uniendorum loco consentientes horum quoque ætatem ac valetudinem expendere debent.

§. 824.

De tempore Unio prolium fieri potest, tum quando matrimonium contrahitur, tum matrimonio jam consummato, quovis tempore. Per se patet, unionem prolium non pertinere ad matrimonium, ita ut sine ea contrahi non possit (§. 270.): Nec minus patet, liberos prioris matrimonii parificari, consequenter unionem fieri posse (§. 810.), etiamli matrimonium jam fuerit contractum. Quoniam itaque necesse non est, ut unio ista fiat, dum matrimonium contrahitur, nec quicquam obstat, quo minus fiat matrimonio jam consummato, quovis

vis

vis tempore; ea quoque fieri potest cum statim, quando matrimonium contrahitur, tum matrimonio jam consummato, quovis tempore.

Quoniam officii parentum est, ne liberorum prioris matrimonii conditio per unionem reddatur deterior (§. 812.); contingere utique potest, ut unio prolium matrimonio jam contracto facta officio isti conveniat; quæ tempore matrimonii contracti eidem adversabatur. Immo durante matrimonio parentibus quoque offerre sese possunt uniendi motiva, quæ, cum matrimonium contraherent, non aderant.

§. 825.

Unio prolium revocari nequit liberis invitis; consensu tamen De revocatione prolium potest. Etenim ex pacto unionis jus liberis quæsitum est (§. 810.), vel expresse eorum consensu, vel consensu illorum, in quos a contrahentibus jus acceptandi collatum (§. 820.). Cum igitur id invitis auferri nequeat (§. 336. part. 2. Jur. nat.); nec parentes declarare possunt, quod idem ipsis competere non debeat. Unio igitur prolium liberis invitis revocari nequit (§. 741. part. 3. Jur. nat.). *Quod erat unum.*

Quoniam tamen quilibet jus suum remittere potest, quando nihil committitur contra jus tertii (§. 117. part. 3. Jur. nat.); quin liberorum consensu unio prolium revocari possit, dubitandum non est (§. 95. 741. part. 3. Jur. nat.). *Quod erat alterum.*

Non est quod excipias, revocari posse unionem prolium saltem eo in casu, quo sub conditione ratihabitionis contracta. Cum enim tum contineat promissionem conditionatam, promissio autem conditionata revocari nequeat (§. 600. part. 3. Jur. nat.); nec unio sub conditione ratihabitionis facta revocari potest sine liberorum consensu. Non est quod porro excipias, quamdiu nondum constar, utrum liberi unionem acceptaturi sint, nec ne, parentes promissiones sibi invicem recipere

(Wolffii Jur. Nat. Pars VII.)

F f f f

factas

factas remittere posse (§. 749. *part. 3. Jur. nat.*). Quoniam enim parentes facere tenentur, quamdiu liberi per se facere non possunt, quod debent (§. 641.); iidem de unione convenientes, quæ sine ipsorum consensu perfici non poterat (§. 820.); in acceptando liberorum quoque personam repræsentasse intelliguntur, & liberi in unionem conditionatam actu consensisse censentur. Perinde nimirum est, ac si dixissent liberi, se acceptare unionem sub ea conditione, si eam sibi commodam deprehensuri sint, ubi singula accurate perpendere poterint.

§. 826.

An matrimonium in potest, seu matrimonium inter parentes & liberos naturaliter illicitum. Liberi parentes magni facere debent (§. 751.), ac & liberos honorare (§. 752.), consequenter cum eos considerare teneantur tanquam benefactores maximos (§. 738.), eosdem majoris facere debent quam se & homines ceteros omnes (§. 839. *part. 3. Jur. nat.*), ac ideo honorem singularem exhibere, qualem minime exhibere tenentur aliis (§. 841. *part. 1. Jur. nat.*), seu reverentiam filialem (§. 1182. *part. 1. Jur. nat.*). Enimvero conjuges arctissime ita uniuntur, ut intar unius personæ spectari debeant, nec ita cum persona alia uniri possunt (§. 469.), consequenter conjux unus alterum spectare debet tanquam sibi æqualem. Reverentia itaque a liberis debita parentibus subsistere nequit in matrimonio, cui præterea ea detrahit familiaris illa consuetudo, quæ inter conjuges intercedit. Quamobrem cum obligatio naturalis sit necessaria ac immutabilis (§. 142. *part. 1. Phil. præd. univ.*), consequenter juri naturæ adversetur, quod reverentiæ filiali erga parentes repugnat; matrimonium inter parentes & liberos naturaliter illicitum (§. 170. *part. 1. Phil.*

Phil. pract. univ.), consequenter pater filiam uxorem ducere, mater filio nubere nequit.

Qui cum *Diogene & Chrysippo* probare volunt matrimonium inter parentes & liberos contractum non esse contra jus naturæ argumento a gallis gallinaceis aliisque animantibus brutis petito, perperam supponunt, contra jus naturæ non esse, quod rationem sufficientem minime habet in natura hominum ac brutorum communi. Etenim homo non modo animal est, sed præterea ratione præditus, qua a brutis animalibus differt. Videndum itaque etiam est, annon rationem sufficientem in natura hominum propria deprehendere detur, cur matrimonium inter parentes ac liberos contrahi nequeat. Istiusmodi autem ratio utique est repugnantia matrimonii cum reverentia filiali, quod paritatem quandam inducit huic adversam. Neque igitur opus est, ut in natura hominum & brutorum communi, veluti in appetitu sensitivo, vel aversatione sensitiva quaeratur ratio prohibitionis, tanquam in primis naturæ (§. 80. *part. 2. Jur. nat.*), quibus conformanda ratio (§. 154. *part. 1. Phil. pract. univ.*), quemadmodum facere volunt, qui ad horrorem nescio quem naturalem provocant, seu infamiam fugam commixtionis cum parentibus & ex se natis (§. 813. *Psych. empir.*). Cum enim integræ prostent gentes, quas inter Persas & Arabes nominasse sufficiat, apud quas matrimonia parentum cum liberis fuerunt frequentia, fuga ista diuturnis magis moribus, quam principio cuidam natura hominibus omnibus insito deberi videtur. Huc quoque referri potest mos incolarum insulæ Zeylon, ubi pater filix nubentis virginitatem delibat, cum æquum arbitrentur, ut ex arbore, quam ipse plantavit, primos fructus carpat. Quamvis enim ratio hæc satis prodat turpitudinem naturalem hujus concubitus (§. 246.); mos tamen ipse ostendit, incolas illius regionis horrorem naturalem prorsus nescire. Quod vero *Puffendorfius* lib. 6. c. 1. §. 32. de I. N. & G. existimet, pudorem circa partes genitales actumque generationis potissimum in causa esse, quare ipso Jure naturæ inter ascendentes & descendentes in

recta linea connubia censeantur prohibita, ac illo remoto adeo absurdum non esse, ut mater cum filio jungatur, cum non repugnet maritum uxori ob virtutem, sapientiam aut nobilitatem reverentiam exhibere, multoque minus absurdum esse, ut pater uxorem ducat filiam, quæ patri marito filialem reverentiam cum obsequio conjugali exhibeat; id omnino inde venit, quod, qualis sit filialis reverentia non satis animo comprehenderit, nec quomodo eam successive imminuet, ac tandem prorsus extingdat familiaris illa conjugum consuetudo satis perpenderit. Sane pudor, qui nuditatem plenam, seu ad ipsa membra genitalia extensam comitatur, non magis naturalis dici potest, quam horror ille naturalis, de quo modo diximus. Ipse nimirum *Puffendorfius* l. c. §. 29 30. gentes plures nominat, apud quos membris genitalibus nulla adhæsit, vel etiamnum adhæret verecundia. Huc inprimis pertinet, quod apud *Casares* feminae, si quid ipsis donatum fuerit, pudenda civilitatis causa deregant. Quamvis enim pudorem istum minime improbemus, nec eum rationi convenire difficemus; inde tamen nondum sequitur, eum homini natura esse inscūm, ut per se sufficiat matrimonium parentum cum liberis irritum efficiendi. Pudorem istum tollit matrimonium. Quod si ergo subsistere debeat inter parentes atque liberos, alia adsit necesse est ratio, nimirum ut salvo liberorum erga parentes officio tolli nequeat. Urgent etiam nonnulli contra matrimonium liberorum cum parentibus contrahendum confusionem nominum, veluti quod eadem persona sit pater atque frater, vel mater atque soror; sed hi precario sumunt, istiusmodi nominum confusionem lege naturæ prohibitam esse, seu naturæ humanæ repugnare. Nisi ex repugnantia officiorum liberorum erga parentes cum matrimonio eorum cum parentibus ineundo deducere volueris, istud matrimonii genus legi naturæ adversari, nihil efficies.

§. 827.

De reverentia parentibus superioris ordinis liberi inferioris ordinis non minorem honorem seu reverentiam debent, quam parentibus primi gradus.

sanc nec a parentibus primi gradus plus exigitur, quam quod in eorum potestate est, in ceteris sufficit voluntas, quæ in pia vota abit, & providentiæ divinæ liberos commendat. Ratio igitur præstandæ reverentiæ non minus deprehenditur in parentibus graduum superiorum, quam in iis, qui in gradu primo constituuntur. Omnes sunt ortus nostri ac ceterorum, quæ inde pendent, autores, etsi per naturæ consuetudinem aliæ deinceps causæ ad ea concurrant, quæ arctissimo quodam nexu omnia inter se copulavit.

§. 828.

De matrimoniis in linea recta in infinitum prohibitis.

Naturaliter in linea recta seu inter ascendentes & descendentes matrimonia in infinitum prohibita sunt. In linea recta enim constituuntur parentes cujuscunque gradus & liberi cujuscunque gradus (§. 575. & seqq.), nec personæ aliæ, nisi quæ ad se invicem referuntur sicuti genitæ ad generantes. Quoniam itaque parentibus superioris ordinis liberi inferioris ordinis non minorem honorem debent, seu reverentiam, quam parentibus primi gradus (§. 827.); hinc porro eodem modo ostenditur, naturaliter in linea recta, seu inter ascendentes & descendentes matrimonia in infinitum prohibita esse, quo idem demonstravimus de matrimonio patris cum filia & filii cum matre (§. 826.).

Socrates, referente *Xenophonte* lib. 4. Memorab., in matrimoniis istiusmodi nihil inveniri sibi persuasit, quod reprehendi possit, quam ætatis disparitatem, unde aut sterilitas sequatur, aut male conformatæ soboles. Facile autem apparet, rationem hanc generalem esse, quæ si valere debeat, ad matrimonium omnium personarum disparis ætatis trahenda, cum tamen lege naturali non interdicanter matrimonia nisi iis, qui inhabiles sunt. Facile tamen largior *Socrati* juri naturæ per se festivo magis convenire matrimonia inter eas personas contracta, quæ ambæ sunt vegetis corporibus, quam quarum una

ad

ad ætatem vegetam nec dum accessit, altera vero jam prætergressa est eam, aut in quibus simul alterutrum vitium hæret (§. 193. *part. 1. Phil. præf. univ.*). Multa etiam quoad matrimonium conveniunt Juri naturæ perfectivo, quæ tamen ubi absunt matrimonium non faciunt irritum. Juri naturæ convenit, ut quis ante se regere discat, quam regere velit familiam: quod officium graviter inculcavit suis *Confucius*. Quamobrem cum matrimonium contrahatur non modo sobolis procreandæ, verum etiam educandæ gratia (§. 270.), ad educationem vero requiratur regimen liberorum (§. 661.); juri naturæ perfectivo utique convenit, ut quis ante se regere possit, quam matrimonium ineat. Ecquis vero ideo matrimonia illorum irrita pronunciare ausus, ac lege naturæ prohibita, quæ contrahuntur a personis seipsas regere nondum valentibus.

§. 829.

Jure naturali matrimonium inter fratrem & sororem non est illicitum. Frater & soror per generationem a communibus parentibus descendunt (§. 595.). At per se patet, hoc inter fratem & sororem matrimonium ob stare, quò minus ex se sobolem procreare & procreatum educare possint, consequenter finem matrimonii sit naturaliter consequi (§. 270.). Nulla quoque dantur peculiarior officia fratrum & sororum erga se invicem, quæ sint diversa ab iis, quæ jure humanitatis debentur, etli natura ob communem ortum eos sibi invicem magis commendat, quam homines ceteros, ut in casu collisionis præferantur ceteris & turpius judicetur ea denegare fratri, vel sorori, quam personæ cuidam extraneæ, quod facile conceditur. Officia itaque, quæ frater & soror sibi invicem debent, in matrimonio quoque subsistere possunt, cum lex naturæ conjugum conjugi ad ea commendat (§. 470.). Quamobrem nec inoralis datur ratio, cur matrimonium inire nequeant frater atque soror. Quoniam igitur jus naturæ nil definit, nisi

nisi quod rationem sufficientem in natura hominis habet (§. 135. *part. 1. Phil. pract. univ.*), eodem prohibita, consequenter illicita esse nequeunt matrimonia inter sororem atque fratrem (§. 170. *part. 1. Phil. pract. univ.*).

Non solum *Micbaël Epheſius* ad quintum *Nicomachorum* refert, fratrem cum sorore concumbere ab initio rem mediam fuisse, postea vero adversus tales concubitus legem positam fuisse; verum etiam scriptura sacra idem confirmat, quæ cum omne humanum genus a duobus conjugibus deducat, Adamo scilicet atque Eva, matrimonium inter fratres atque sorores contractum fuisse insinuat. Bene autem observat *Puffendorſius* de J. N. & G. lib. 6. c. 1. §. 34. non vero simile videri, Deum ejusmodi casum procurasse, ut omnino vis legi naturæ esset inferenda, dum speciem humanam propagari jubet, immo voluisse, ut totum genus humanum ex incestis nuptiis propagaretur. Immo cum communi hominum more istiusmodi matrimonia jam improbarentur, *Diodorus* tamen *Siculus* *Ægyptios* ab eo eximit, ut taceam *Persas*, apud quos ne inter ascendentes quidem ac descendentes (*not. §. 826.*), multo minus inter fratres atque sorores matrimonia erant prohibita, atque complures alios. Et *Puffendorſius* cum ex Historia sacra, tum profana l. c. plura adducit horum matrimoniorum exempla. Ratio, quam nonnulli afferunt, quodæorum convictus quotidianus & inobservatus stupris & adulteriis occasionem valde promptam esset daturus, si amores tales nuptiis posſent conglutinari, sufficit equidem, ut lege positiva prohibeantur, non vero naturalem quandam turpitudinem, seu labem matrimonio fratrum atque sororum per se inhaerentem ostendit, ob quam Juri naturæ repugnent. Quid vero sentiendum sit de verecundia naturali, quam nonnulli etiam ad fratres atque sorores, immo personas alias consanguinitatis vinculo junctas extendunt; ex antea dictis (*not. §. cit.*) liquet.

§. 830.

Quoniam Jure naturali *matrimonium* inter fratrem at- *An matri-*
 que sororem (§. 829.), consequenter in primo gradu col- *monia in*
 lateralium (§. 595.), illicitum non est; *nec erit illicitum in gradu remo-*
gradu secundo, vel ulteriori collateralium, multoque minus inter tiori colla-
affines, qui sine ullo naturali vinculo junguntur (§. 607.). *teralium &*

Rationes nimirum, quas nonnulli in contrarium afferunt, *inter affines*
 vel eadem sunt cum iis, quas contra matrimonium sororum *sint prohibi-*
 atque fratrum urgent, vel in certis personis respectum paren- *ta natura-*
 telæ superaddunt, quod scilicet quædam personæ respectu *liter.*

aliorum sint quasi loco parentum, veluti patruus & avunculus, amita & matertera in genere consanguineorum, & vitricus atque noverca in genere affinium. Cum in linea recta matrimoniis inter ascendentes & descendentes nil obstat præter reverentiam a descendantibus debitam ascendentibus, tanquam ortus sui autoribus, quemadmodum ex demonstrationibus anterioribus liquet (§. 826. 828.), qui vero quasi loco parentum esse dicuntur, non sint ortus nostri auctores, consequenter nec filialis reverentia ad respectum parentelæ trahi possit (§. 118. *Ontol.*); prohibitio quoque conjugiorum inter ascendentes ac descendentes ob respectum parentelæ ad cognatos quosdam collaterales atque affines extendi nequit (§. *cit. Ontol.*). Naturaliter itaque nihil obstat, quo minus matrimonium inea-

tur inter cognatos quoscunque collaterales. nec non inter affines cujuscunque generis. Quemadmodum vero suo loco ostendemus, Jure naturæ haud invito, immo haud raro urgente, lege positiva ex naturaliter licito fieri posse illicitum, quod ipsa lege naturæ jubente pro licito non amplius habendum; ita idem quoque valet de matrimoniis collateralium & affinium legē positiva prohibitorum, etsi naturaliter non illicitorum. Quænam vero rationes convenient Juri naturali, ob quas in statu civili matrimonia quædam naturaliter licita prohibeantur, suo loco disquirendum. Cum rationes sufficientes non desint, cur lege positiva prohibeantur matrimonia naturaliter licita,

(*Wolffii Jur. Nat. Pars VII.*)

G g g g

lege

lege naturæ non dissentiente, mirum quoque videri non debet, quod Deus per Moſen Hebræis matrimonia inter plures conſanguineos atque affines prohibuerit, & reſpectu illarum perſonarum præceperit verecundiam, quæ per conſuetudinem quaſi naturalis effecta eſſet inſtar ſæpti ad coercendos impetus in commixtiones corporum prohibitas. Et quoniam Apoſtolus 1 Cor. V. 1 & ſeqq. in cœtu Chriſtianorum tolerare noluit hominem, qui novercam uxorem duxerat; inde omnino colligitur voluiſſe Deum, ut eadem matrimonia, quæ in lege Moſaica prohibita ſunt, illicita quoque ſint chriſtianis.

§. 831.

De educatione liberorum inferioris gradus. Si parentes moriantur, antequam liberi fuerint educati; parentes ſuperioris gradus, veluti avus & avia, eos educare obligantur. Quoniam enim homines generantur, ut genus humanum propagetur (§. 264); avus & avia ideo generantur liberos, ut ex iis porro procreentur liberi alii. Quoniam vero liberi aliena educatione indigent (§. 256.), nec educatio a generatione ſeparari poteſt (§. 262.); qui liberos generant, ut hi porro generent alios, ii etiam hos obligantur educare, ſi ipſorum generatores proximi, ſive parentes primi gradus moriantur, antequam ipſi educati fuerint. Quamobrem ſi parentes moriantur, antequam liberi fuerint educati, parentes ſuperioris gradus, veluti avus & avia, eos educare obligantur.

Genus humanum propagari nequit niſi per continuatas generationes, nec idem propagatur per ſolam generationem, ſed eidem accedentem educationem. Qui adeo concurrit ad generationem, is etiam concurrere debet ad educationem, quando concurſu ejusdem opus eſt. Cumque generatio & educatio ſpectentur propter indiviſum nexum tanquam unus actus, quo genus humanum propagatur; quod quis per alios abſolvere nequit, id ipſe facere tenetur. Iniquum itaque videri nequit, quod parentes ſuperioris gradus, veluti avus & avia,

avia, onus educationis liberorum inferioris gradus, veluti nepotis ac neptis, in se suscipere teneantur, si parentes ipsorum moriantur, antequam eos educare potuerint. Quemadmodum ipsis debetur reverentia filialis a nepotibus ac neptibus (§. 827.); ita quoque ipsimet iisdem debent eam curam, sine qua educari nequeunt.

§. 832.

Quoniam perinde est, siue parentes moriantur, ante- *Idem porro* quam liberi fuerint educati, siue eos ob inopiam educare *expenditur.* non possint, aut educationem negligenter curent, quando autem parentes moriuntur, antequam liberi fuerint educati, parentes superioris gradus, veluti avus & avia, eos educare obligantur (§. 381.); si parentes ob inopiam liberos educare non possint, vel eorundem educationem negligent, parentes superioris gradus, veluti avus & avia, eos educare tenentur. Hinc facile intelligitur, eosdem etiam vivis parentibus ad educationem nepotum atque neptium conferre debere, quod conferre possunt, ac ferre opem in iis, in quibus ea requiritur.

Patet itaque, parentes superioris gradus non abicere debere omnem educationis nepotum atque neptium curam, etiam si parentes primi gradus habeant, unde sumtus educationis sustentent; sed sollicitè potius attendere, utrum recte educantur, nec ne, immo quantum possunt levare onus educationis ope ac consilio.

§. 833.

Si parentes moriantur, antequam liberi fuerint educati, & De parenti-
parentes superioris gradus jam fuerint prædefuncti, illi curam e-
ducationis aliis committere debent, quos eam diligenter curaturos tibus ante-
confidunt. Immo idem facere tenetur pater moribundus, si ma-
trem solam eidem non sufficere norit, ac de matre moribunda idem fuerint edu-
cari. Etenim parentes obligantur sobolem suam

G g g 2

edu-

educare (§. 263), & si moriantur, antequam educati fuerint, nepotes ac neptes educare obligantur parentes superioris gradus, veluti avus & avia (§. 831.). Quamobrem quod per se facere non possunt, ubi defunt alii, qui idem onus in se suscipere tenentur, id ut per alios fiat curare debent. Quod si ergo moriantur, antequam liberi fuerint educati, & parentes superioris gradus, ad quos post illorum obitum educatio spectat (§. 831.), fuerint prædefuncti, illi curam educationis post mortem suam aliis committere debent. *Quod erat primum.*

Enimvero cum obligemur ad actionum rectitudinem (§. 189. part. 1. *Phil. pract. univ.*), consequenter etiam parentibus curæ esse debeat, ut liberi recte educantur; curam educationis post obitum suum iis committere debent, quos eam diligenter curaturos confidunt. *Quod erat secundum.*

Et quoniam uterque parens sobolem suam educare obligatur (§. 263.), si pater norit, matrem solam educationi non sufficere, prolem suam eodem modo alii demandare debere intelligitur, quo omnem curam educationis aliis committendam ostendimus n. 1. Et ex eadem ratione idem liquet de matre, si norit patrem solum educationem non satis recte curaturum. *Quod erat tertium.*

Imaginem hujus juris conspiciamus in ipsis brutis, quæ cum moriuntur, antequam sætus sui ex ovulis, quæ deposuerunt, fuerint exclusi, per speciem quandam providentiæ educationi prolis suæ consulunt. Exemplum habemus in papilionibus ova sua ibi locorum deponentibus, ubi erucæ exclusæ pabulum commodum statim inveniunt.

§. 834.

De beneficiis Parentibus beneficia præstari possunt in liberis. Quoniam parentibus curæ esse debet, ut liberi sint felices (§. 710.), & pro virili

virili operam dare tenentur, ut fiant fortunati (§. 732.), *bus in libe-*
 consequenter bonorum fortunæ participes (§. 409. *part. 1. ris præstan-*
Phil. pract. univ.), beneficia autem ad felicitatem accipien-
 tium aliquid conferunt (§. 34. *part. 4. Jur. nat.*), vel et-
 iam ad bona fortunæ (§. 21. *part. 4. Jur. nat.*); si liberis
 beneficia præstantur, perinde censei debet, ac si ea in ipsos
 parentes fuissent collata. Quamobrem parentibus beneficia
 præstari possunt in liberis.

Amor ille naturalis parentibus erga prolem suam inritus (§.
 257.) quem ratio alit ac fovet (§. 715.), arctissimo quodam
 vinculo parentes ac liberos unit, ut illi hos confiderent tan-
 quam seipsos (§. 659. *Psyeb. empir.*), ac ideo beneficia, quæ
 in liberos conferuntur, tanquam sibi præstata agnoscant. Ea
 de causa ipsa quasi natura docet homines, parentibus beneficia
 præstari posse in liberis, ac vulgo id sumitur tanquam natura
 notum, & beneficia liberis præstata ab ipsis benefactoribus tan-
 quam in parentes collata allegantur. Immo parentes amicis suis
 ac patronis commendent liberos suos, quos sibi bene cupere
 norint.

§. 835.

Quoniam beneficium reddit, qui beneficium tribuit ei, *De reddem-*
 a quo accepit, propterea quod sibi tribuit (§. 32. *part. 4. do alteri*
Jur. nat.), & beneficium reddendo gratum animum decla- *beneficio in*
 rat (§. 42. *part. 4. Jur. nat.*), consequenter benefactori gra- *liberis.*
 tias rependit, *parentibus* autem in liberis beneficia præstari
 possunt (§. 834.); iisdem quoque *in liberis beneficium reddi*
 & gratia rependi potest, consequenter cum *beneficiarius* obli-
 getur *beneficium* reddere benefactori occasione oblata (§. 41.
part. 4. Jur. nat.), *parentibus* quoque *reddere debet in liberis.*

Non abhorrent hæc a notionibus communibus vi eorum,
 quæ modo annotavimus (*not. §. 834.*).

§. 836:

*Obligatio
cognatorum
ad mutua
beneficia.*

Cognati sibi invicem speciali ratione obligantur ad beneficia mutua præstanda, quantum in potestate est. Fratres & sorores sibi invicem cognati sunt in primo gradu collateralium, & communes parentes, aut saltem communem parentem habent (§. 595.). Quamobrem cum liberi obligentur ad beneficium reddendum parentibus occasione oblata (§. 741.), parentibus autem beneficium reddi possit in ipsorum liberis (§. 835.); fratres & sorores, qui jam jure humanitatis sibi invicem obligantur ad beneficia mutua, quantum in potestate est (§. 23. *part. 4. Jur. nat.*), speciali adhuc ratione sibi invicem obligantur ad beneficia mutua præstanda, quantum in potestate est. Et hinc porro intelligitur, quod etiam patruus, avunculus, amita & matertera, atque patruel, consobrini & consobrinæ, amitini & amitinæ sibi invicem obligentur ad præstanda mutua beneficia (§. 596. 601.). Immo per eandem rationem idem patet de cognatis quibuscunque aliis utpote a communi stipite descendentibus (§. 562.), consequenter communem quendam parentem superioris gradus habentibus (§. 576. 590.). Quamobrem in genere cognati sibi invicem speciali ratione obligantur ad beneficia mutua præstanda, quantum in potestate est.

Accuratus demonstrationem præsentem perpendenti facile patet, cognatorum obligationem, qua sibi invicem tenentur qua cognati, descendere ab obligatione, qua stipiti tenentur, tanquam communi parenti. Officia autem erga parentes primi gradus etiam extendenda esse ad parentes superioris ordinis patet ex iis, quæ sup. demonstravimus & annoravimus (§. 827.). Non est quod excipias, cognationem amicitiae contrariæ sapientissimè præferri, ut vinculum amicitiae præferatur vinculo cognationis. Neque enim nobis jam sermo est de

co,

eo, quod vulgo fieri solet, quam de eo, quod fieri debebat, quamvis nec negem dari posse rationes particulares, ob quas sese indignum reddit cognatus jure prælationis præ aliis amicis, sicuti ex adverso non desunt rationes, ob quas interdum amicus cognato præferatur: quæ cum in casu particulari exceptionem pariant, ad casus autem particulares descendere instituti nostri ratio minime permittit, in eas in præsentī inquirere non tenemur.

§. 837.

Educatio liberorum alienorum est beneficium parentibus in liberis ipsorum præstitum. Quoniam liberi per educationem apti efficiuntur, ut sibi metipsum de iis prospicere possint, quibus ad conservationem sui indigent, & actiones suas juxta naturæ legem determinare (§. 255.), actus autem omnis beneficium est, quo perfectionem alterius ac status ejusdem quomodocunque gratis promovemus, aut imperfectionem præcavimus (§. 22. part. 4. Jur. nat.); quin educatio liberorum alienorum sit beneficium non minus respectu liberorum, quam parentum, quorum onus in nos suscipimus (§. 263.), nemo dubitabit. Quamobrem cum beneficia parentibus præstentur etiam in liberis (§. 834.); educatio liberorum alienorum est beneficium parentibus in liberis præstitum.

De educatione liberorum alienorum.

Obrinet hoc, sive parentes fuerint adhuc in vivis, sive mortui. Nemo sane pro beneficio sibi præstito non agnosceret, si quis filium suum, vel filiam suam educare velit. Et si pater moribundus educationem prolis suæ alteri commendat, eam utique pro beneficio sibi præstando confisus amore ejus, cui eandem commendat, erga se reputat. Ac idem liquet in eo casu, quo beneficiariis nostris commendamus liberos nostros, ut beneficia nobis reddenda (§. 41. part. 4. Jur. nat.), in eos conferantur.

§. 838.

§. 838.

De cura educationis ad cognatos spectante.

Si parentes moriantur, antequam liberi eorum fuerint educati, parentibus superioribus jam prædefunctis, nec educationem ad cognatos liberorum suorum alius commiserint; cognati curam educationis naturaliter in se suscipere debent. Etenim cum educatio liberorum beneficium sit parentibus in liberis ipsorum præstitum (§. 837.), cognati autem sibi invicem speciali ratione obligentur ad mutua beneficia præstanda, quantum in potestate est (§. 836.); cognati curam educationis in se suscipere debent naturaliter, si parentes moriantur, antequam liberi eorum fuerint educati, parentibus superioribus jam prædefunctis, ad quos ea alias pertineret (§. 831.), nec curam educationis illorum alius commiserint, quemadmodum facere debebant (§. 833.), vel quia repentina morte abrepti, vel alia quacunque de causa de eo non cogitarunt.

Quoniam beneficium nemini obtrudendum (§. 200. *part. 4. Jur. nat.*); si pater prætermisiss cognatis curam educationis alii committere velit, quem eam diligentius curaturum confidit, hoc utique facere licet (§. 833.), nec cognati eandem sibi arrogare possunt contra expressam patris voluntatem.

§. 839.

De educatione liberorum a morte parentum deficientibus cognatis.

Si parentes moriantur, antequam liberi eorum fuerint educati, parentibus superioribus jam prædefunctis, nec educationem liberorum suorum alius commiserint, cognati autem vel desunt, vel educationem curare non possunt, aut nolunt; in statu naturali unicuique integrum est educationem illorum in se suscipere, qui voluerit. Quoniam enim educatio liberorum beneficium est liberis & parentibus in liberis ipsorum præstitum (§. 837.), naturaliter autem homines sibi invicem obligantur ad beneficia mutua, quantum in potestate est, præstandum (§. 23. *part. 4. Jur. nat.*), & uniuscuiusque arbitrio relinquendum, cui nam

nam beneficium dare velit (§. 29. *part. 4. Jur. nat.*), liberi autem nondum educati beneficium educationis merentur §. 30. *part. 4. Jur. nat.*); in hypothesi propositionis præsentis unicuique omnino integrum est in statu naturali educationem liberorum in se suscipere, qui voluerit.

Ubi deficit obligatio naturalis specialis, locus est generali, quæ ex humanitate venit. Hæc tangit in universum homines omnes, ac laudem merentur, qui eidem satisfacere student (§. 552. *part. 1. Jur. nat.*). Miseratione digni sunt liberi parentibus orbi. Omnium igitur maxime merentur, ut quævis officia ipsis præstentur, quæ homo homini præstare debet. Educationem eorum negligere, aut non satis diligenter eandem curare, maxime inhumanum usque censendum.

§. 840.

Pupilli dicuntur personæ impuberes parentibus, vel *Papilli* de uno saltem parente, præsertim patre orbi. Idiomate Germanico vocantur *Waisen*, & in casu priori *Vater- und Mutterlose Waisen*, in posteriori *Vaterlose Waisen*.

Cum nostris moribus maritus uxorem, pater liberos alere teneatur, consequenter sumtus in educationem prolis facere; ideo pupillis potissimum accensentur, qui patre orbi sunt, & quamdiu is vivit, matre licet mortua, iis adhuc satis prospectum putatur.

§. 841.

Tutores dicuntur personæ, quibus educatio pupillorum *Tutela* quid curæ est, seu jus educandi pupillos competit. Unde *Tutela* sit. est jus educandi pupillos. *Tutores*, qui voluntate ultima parentum constituuntur (§. 833.), vocantur *testamentarii*; qui jure cognationis tales sunt (§. 838.), *legitimi*; qui vero nullo cognationis vinculo pupillis junguntur (§. 839.), *dativi* (*Wolfs Jur. Nat. Pars VII.*) Hh hh

tivi appellantur. Unde patet, quænam sit tutela *testamentaria*, quænam *legitima*, quænam *dativa*.

Terminos in Jure Romano receptos accommodamus Juri naturæ. In Jure isto potestas patria plurimum differt a potestate patria naturali (not § 661.), ac propterea quoque in eodem de tutela varia occurrunt, quæ nostro Juri parum conveniunt. Definitionem *Servit*, quod sit vis ac potestas in capite libero ad tuendum eum, qui propter ætatem se defendere nequit, Jure civili data & permitta, quam defectus familiaritatis morum & usus loquendi Romanorum obscuram reddit, explicavimus in Horis Subsecivis A. 1730. trim. vern. num 11. §. 6 & seqq. Quod si quæ ibidem dicta sunt perpendere volueris, ex templo apparebit inesse huic definitioni, quæ Juri Romano propria sunt, ut ea de causa in Jus naturæ sine ulla mutatione recipi minime possit. Quemadmodum vero definitio tutelæ in genere continet talia, quæ Juri Romano propria sunt, & a quibus liberanda fuit in Jure nostro; ita idem tenendum est de diversis tutelæ speciebus, quarum determinationes admitti nequeunt, nisi quæ in Jure naturæ locum habere possunt. Præterea notandum est, nos hic nondum supponere statum civilem, consequenter tutelam quoque non considerare, nisi quatenus obtinet in statu naturali, consequenter mere a natura dependet. Atque hæc ratio est, cur tutores dativos non diximus eos, qui a Magistratu dantur, cum in statu naturali magistratus non sit. Quemadmodum vero in ceteris, ita quoque in casu præsentis ratio eorum, quæ conveniunt statui civili, penitus perspicere nequit, nisi explorata sint ea, quæ in statu naturali ipsa natura constituta sunt.

§. 842.

De curatela. *CURATOR* dicitur persona, cui competit jus administrandi bona minorum, vel etiam personarum aliarum, quæ ob corporis quoddam, vel animi vitium rebus suis ipsimet præesse nequeunt. Unde *CURA*, *CURATIO* sive *Curatela* est jus administrandi

ministrandi bona minorum, vel aliarum etiam personarum, quæ ob animi quoddam, aut corporis vitium ea per se administrare, seu rebus suis ipsimet præesse nequeunt. Patet itaque *curatore opus habere non modo minores (§. 768.), verum etiam furiosos, mente captos, imbecilli judicio præditos, prodigos, surdos, mutos, morbo perpetuo affectos.*

Apud nos tutela & cura in eadem persona continuantur. Unde Curator retinet nomen tutoris, seu tutor & curator idiomate patrio communi nomine der Vormund appellantur. Similiter curator litis der kriegertische Vormund vocatur.

§. 843.

Si parentes superiorum graduum fuerint in vivis, pupilli tutore opus non habent, nec minores aut animi vel corporis quodam vitio laborantes curatore. Quando tu-
Etenim si parentes moriantur, an- non sit opus.
tequam liberi fuerint educati, parentes superioris gradus eos educare tenentur (§. 831.), consequenter etiam eorum bona administrare, quamdiu per ætatem nondum adeo perfectum est eorum judicium, ut negotia sua per se rite curare norint (§. 757.). adeoque minores sunt (§. 768.). Et idem facile intelligitur etiam eo in casu, in quo ob vitium quoddam animi, vel corporis rebus suis ipsimet præesse nequeunt. Quoniam itaque tutela est jus educandi pupillos, & tutor, cui hoc jus competit (§. 841.), cura autem jus administrandi bona minorum, vel aliarum etiam personarum, quæ ob animi quoddam, aut corporis vitium rebus suis ipsimet præesse nequeunt (§. 842.); si parentes superiorum graduum fuerint in vivis, pupilli tutore opus non habent, nec minores vel animi aut corporis quodam vitio laborantes curatore.

Cum parentum superioris gradus eadem sit obligatio, quæ parentum primi gradus (§. 831.); cura educationis, vel ad-

Hh h h 2

mini-

ministratio bonorum ut personæ cuidam a morte parentum primi gradus committatur, opus non est: morte nimirum parentum primi gradus onus educationis & administrationis bonorum etiam in casu minorennitatis solius devolvitur in parentes superioris gradus, quod in se suscipere obligantur, perinde ac parentes primi gradus idem ferre tenebantur. Quod si dicas, hoc modo liberos parentibus primi gradus orbos non recte dici pupillos, cum perinde sit, ac si parentes primi gradus, seu patrem ac matrem adhuc haberent, quamdiu avus & avia, vel proavus & proavia vivunt; litem nonnisi de nomine moves & siquidem definitionem pupillorum restringere volueris ad eos, qui nec parentes superioris gradus habent, per nos hoc facere licet. Immo si parentes quoque superioris gradus tutores ac curatores appellare velis, nos tibi de nomine litem non movebimus. Tum vero distinguendum erit inter tutores necessarios & voluntarios, ita ut necessarii sint parentes superioris gradus, voluntarii autem ceteri. Quoniam tamen admissa hac distinctione tutorum omnium non eadem prorsus est obligatio: præter necessitatem difficultates fiunt, quibus carere possumus. Ab universalitate enim notionum non discedendum, nisi necessitas urgeat, ita ut potius ex adverso universalitas notionum per fictionem haud raro sustinenda veniat.

§. 844.

An ad tutelam suscipiendam liberorum alienorum beneficium est pa-
rendam quis rentibus in liberis ipsorum præstitum (§. 837.), immo præ-
cogi possit. *In statu naturali ad tutelam suscipiendam nemo cogi potest.* situm etiam ipsis liberis, qui educantur (§. 22. *part. 4. Jur. nat.* & §. 255. *h.*). Enimvero ad dandum beneficium nemo naturaliter cogi potest (§. 27. *part. 4. Jur. nat.*). Nemo igitur cogi potest ad tutelam suscipiendam in statu naturali (§. 841.).

Hoc minime obstat, quo minus quis in statu civili ad tutelam suscipiendam cogi possit. In statu enim civili libertas natura-

tura-

turalis potest restringi & ex imperfecte debito fieri perfecte debitum, prouti suo loco ostendetur.

§. 845.

Tutor non obligatur sumtus educationis sua pecunia sustentare; sed bona pupillorum administrare & de fructibus eorum, vel, obligetur ad si necesse fuerit, de i sis bonis illos facere: si vero bona non habeant, liberalitate aliorum & quocunque alio possibili modo, iisdem cationis de prospicere. Tutor enim beneficium præstat tam liberis, quam propriis suis ipsorum parentibus in iisdem, dum tutelæ onus in se susci-sustentandos. pit, prouti ex demonstratione præcedente patet. Quamobrem cum beneficium non mereantur, nisi qui eodem indigent, aut ipsi acquirere non valent, quæ dat benefactor (§ 30. part. 4. Jur. nat.); si pupilli propria habeant bona, opus non est, ut alii sumtus in educationem faciendos sup-peditent, consequenter nec tutores ad eos de suo faciendos naturaliter obligantur (§. 118. part. 1. Phil. præf. univ.). Quodsi vero pupilli nulla habeant bona, mendici sunt (§. 52. part. 4. Jur. nat.), consequenter cum labore suo tantum acquirere minime possint, quantum ad vitæ necessitatem sufficit, eleemosyna ipsis danda (§. 220. part. 4. Jur. nat.). Quoniam vero ad eleemosynam dandam non obligatur, qui ipse non habet, nisi quod ad tolerandam vitæ necessitatem sufficit (§. 234. part. 4. Jur. nat.), & a dantis voluntate unice dependeat, utrum mendico eleemosynam dare velit, nec ne, & quantum dare velit (§. 224. part. 4. Jur. nat.), nemo autem ad dandum compelli possit (§. 223. part. 4. Jur. nat.); nulla quoque ratio est, cur tutor propterea, quod onus educationis prolis alienæ in se suscipit, etiam sumtus educationis præsertim solus de propriis facere debeat. Quamobrem nec naturaliter obligatur ad sumtus in educationem faciendos tutor (§. 70. Ontol.). *Quod erat primum.*

Quemadmodum vero parentes bona, quæ liberis obveniunt, administrare debent, quamdiu scilicet ipsi met ea administrare non possunt (§. 757.); ita etiam tutores, qui quoad educationem in illorum locum succedunt (§. 841.), bona pupillorum, quæ habent, administrare tenentur. *Quod erat secundum.*

Et quoniam suo sumtu pupillos non educare tenentur tutores, *per demonstrata n. 1.* nec ab alio peti potest, quod quis ipse habet (§. 232. *part. 1. phil. pract. nrrv.*); si bona habeant pupilli, quæ tutores administrare tenentur, *per demonstrata n. 2* fructibus sumtus educationis sustentandi, immo si hi non sufficiant, ipsa etiam bona in eam impendenda. *Quod erat tertium.*

Denique si pupilli non habeant, unde sumtus educationis sustentari possunt, cum tutores eos facere de propriis non teneantur *per demonstrata n. 1.* curæ tamen ipsis esse debeat, ut pupilli conserventur & adolescant, & ne desint ea, quibus ad conservationem sui indigent (§. 637. 841.); de sumtibus in educationem faciendis iisdem utique prospicere debent omni possibili modo, veluti beneficia, quæ merentur (§. 222. *part. 4. Jur. nat.*), ab aliis pro iisdem impetrando, & eleemosynas, ad quas ipsis jus est (§. 220. *part. 4. Jur. nat.*), colligendo, easque de suo augendo, si in potestate ipsorum fuerit (§. 248. *part. 4. Jur. nat.*). *Quod erat quartum.*

Equidem quæ hic demonstratur, moribus apprime conveniunt; ex eo tamen non sequitur, ea sine demonstratione sumi potuisse: neque enim mores sunt norma Juris naturæ, sed ex hoc potius illi dijudicandi. Quamobrem ut constet, utrum mores consentiant cum Jure naturæ, nec ne; quid huic juri consentaneum sit, ex principiis ejus omnino demonstrandum.

dum. Educatio, præsertim quando accedit bonorum administratio, per se onus satis ingens est: durum itaque foret, si, qui hoc onus nulla utilitate sua in se suscipit, sumtu suo illam sustentare deberet. Cum nulla ratio hoc suadeat, nemo sane est, cui non absque ulla probatione absurdum videatur beneficium a tutore præstandum adeo onerosum, immo damnosum efficere velle. Et quoniam parentibus curæ esse debet, ut, si ipsos mori contingat, antequam liberi fuerint educati, ipsis relinquunt bona, quorum fructibus sumtus educationis sustentari possunt (§. 724.); bona a parentibus pupillis relicta non alio fine intelliguntur, quam ut tutor fructibus eorum sumtus educationis sustentet. Immo cum ipsi parentes, si liberis undecunque obveniant bona, eorum fructus in educationem impendere possint (§. 527.), qui tamen de suo eos facere alias tenentur (§. 445.); multo magis idem faciendum est tutoribus, qui in locum parentum succedentes (§. 841.), beneficium iisdem præstant in liberis ipsorum (§. 837.). Pupillos egenos, aut omnium rerum inopes propria indigentia promiscue omnium liberalitati commendat (§. 220, 222. 249. *part. 4. Jur. nat.*). Tutores itaque satisfaciunt officio suo, si pupillis curæ ipsorum commissis de beneficiis aliorum ac elemosynis prospiciant. Quid in statu civili curæ magistratus hac in parte relictum sit, alio loco ostendendum.

§. 840.

Tutoribus competis potestas patria naturalis. Etenim tutores pupillos educare debent (§. 841.). Quamobrem *testas tuto-* *ribus com-* *petas.* ipsis quoque competit omne jus in pupillos, sine quo educatio fieri nequit (§. 159. *part. 1. Phil. præf. univ.*). Quamobrem cum educatio requirat, ut actiones pupillorum determinentur juxta legem naturæ, quas per se ita determinare nesciunt (§. 637. 659.); tutoribus quoque competit jus actiones pupillorum determinandi. Quoniam itaque in hoc

hoc jure consistit potestas patria naturalis (§. 661.); tutoribus utique competit potestas patria naturalis.

Non contradicit hæc propositio juri Romano, quo liberi mortuo patre a patria potestate liberantur, consequenter pupilli, qui sunt sub tutela, non tamen dicuntur esse sub potestate aliena, sed sui juris. Potestas enim patria Romanorum erat jus quoddam mere civile, quod a patria potestate naturali prorsus diversum erat, quemadmodum alias jam annotavimus (not. 661.). Fons patriæ potestatis naturalis est educatio sobolis (not. §. 660.). Qui adeo in locum parentum succedit quoad educationem, ille quoque succedit in jus vi educationis parentibus competens.

§. 847.

Vicarius *quinam sit.* *Vicarius* dicitur, qui vicibus alterius fungitur, seu idem præstat, quod alter præstare debebat. *Vicarius* itaque ad idem obligatur, ad quod obligatur is, ejus vicibus fungitur.

Ita vicarius regni dicitur, qui regnum alterius nomine administrat. Et in genere vicarias operas præstare dicitur, qui operas, quas alter præstare debebat, ipsius nomine ac loco præstat.

§. 848.

Tutores parentum mortuorum vicarii. *Tutores sunt vicarii parentum defunctorum in educatione pupillorum.* Etenim tutores in se suscipiunt onus educandi pupillos (§. 841.), consequenter liberos impuberes parentibus orbos (§. 840.). Quamobrem cum parentum sit educare liberos (§. 636.); quod facere debebant parentes id tutores faciunt, consequenter vicibus parentum funguntur (§. 847.). Quoniam itaque vicarius alterius est, qui vicibus ejus fungitur (§. cit.); tutores sunt vicarii parentum defunctorum in educatione pupillorum.

Nimirum tutores quoad educationem repræsentant parentes, non vero quoad ortum a parentibus, consequenter non per omnia

omnia his æquiparandi. Tutela quoad educationem tutores pares facit parentibus, adeoque ex hac definiendum, in quantum parentibus sint æquiparandi. Hæc probe notanda veniunt, ne officia pupillorum erga tutores ultra id, quod par est, extendantur.

§. 849.

Quoniam tutores sunt vicarii parentum defunctorum *Principium* in educatione pupillorum (§. 848.); vicarius autem ad *generale de* idem obligatur, ad quod obligatur is, cujus vicibus fungi *officio tuto-* *tum.* (§. 847.); *tutoribus idem cura esse debet in educandis pupillis, quod parentibus, consequenter qua de educatione liberorum demonstrata fuerunt, ea etiam de educatione pupillorum tenenda, exceptis iis, qua ad sumtus in educationem faciendos pertinent, si pupilli non habeant, unde iidem sustententur (§. 845.). & per consequens iis, qua inde porro dependent.*

Habemus itaque principium generale officiorum tutorum erga pupillos. Quamobrem cum in anterioribus abunde demonstratum sit, quid parentibus incumbat, ut officio educandi prolem suam ex assè satisfaciant; non minus est, ut ad particularia descendentes ostendamus, quænam ea sint, quæ tutoribus curæ esse debent in educatione pupillorum. Quamvis vero sumtus in educationem de suo non facere teneantur tutores, de iis tamen aliunde pupillis inopibus prospicere debent (§. 845.), quemadmodum ipsimet parentes inopes facere tenebantur. Quamobrem si pupilli fuerint egeni; tutores æquiparantur parentibus egenis. Ubi vero sua sponte liberalitate suæ egestatem pupillorum sublevent; id non faciunt qua tutores, sed qua benefactores, quales etiam esse poterant, si tutores non essent. Cum parentes bona liberorum, quæ habent, administrare debeant (§. 757.), ipsisque competat jus subsidio fructuum sumtus educationis sustentandi (§. 527.); vi propositionis præsentis quoque demonstrari poterat tutores bona pupillorum administrare debere ac sumtus educationis subsidio fructuum sustentandos esse.

(Wolffs Jur. Nat. Pars II.)

I i i

§. 850.

§. 850.

De quasi
contractu
tutoris cum
pupillis.

Dum tutor tutelam in se suscipit, cum pupillo quasi contrahit, quod ipsum educare & bona ejus si licet atque diligenter administrare velit. Etenim cum tutela consistat in jure educandi pupillum (§. 841), & tutori competat administratio bonorum ejusdem (§. 845.); dum tutor tutelam in se suscipit, omnino declarat, quod pupillum educare & bona ipsius fideliter atque diligenter administrare velit. Et quoniam pupillus ope aliena indiget, ut educetur & bona ipsius administrantur; si consensum suum per aetatem declarare posset, quin eundem declaraturus esset, dubitandum non est, consequenter in hoc consentire praesumitur, ut tutori educatio ipsius curae sit & is bona ipsius administret. Recte igitur de eo tutor & pupillus inter se convenire finguntur. Quamobrem cum istiusmodi conventio ficta, in qua consensus alterius tantummodo praesumitur, quasi contractus sit (§. 504. part. 5. Jur. nat.); dum tutor tutelam suscipit, cum pupillo quasi contrahit, quod ipsum educare & bona ejus fideliter atque diligenter administrare velit.

Quemadmodum quasi contractus in genere sunt juris naturalis (§. 511. part. 5. Jur. nat.); ita quoque eidem convenit quasi contractus tutoris cum pupillo initus, nec tantummodo pro figmento juris Romani haberi potest. Unde etiam ex hoc quasi contractu deduci possunt jura & obligationes tam tutoris, quam pupilli. Si quis sua sponte tutelae onus in se suscipit, hic quasi contractus negotiorum gestioni assimilatur (§. 512. part. 5. Jur. nat.): quodsi vero tutela alicui ab alio, vel aliis deferatur, cum hi consensum pupilli nomine impertiantur, consequenter perinde fit, ac si pupillus eundem ipsemet declararet, non tam cum illo, quam cum pupillo contrahit tutor, cui quasi contractus cum pupillo in eundem quasi commendatur, nec qui nomine pupilli impertitur consensus alius est, quam pupilli consensus praesumtus.

§. 851.

§. 851.

Quoniam inter tutorem atque pupillum de tutela quasi contractum (§. 850.), ex quasi contractu autem unus alteri obligatur ad id, ad quod obligaretur, si revera contractum fuisset (§. 505. part. 5. Jur. nat.); tutor pupillo & pupillus tutori ^{Qualis sit obligatio tutoris ac pupilli.} *ita obligatur, ac si de tutela revera contractum fuisset*, consequenter cum obligatio ex contractu perfecta sit (§. 793. part. 3. Jur. nat.), tutor & pupillus sibi invicem perfecte obligantur, cumque id, quod ex obligatione contracta debetur, perfecte debeatur (§. 403. part. 3. Jur. nat.), tutor pupillo curam educationis & fidelem ac diligentem bonorum administrationem perficere debet; nec minus perfecte debet pupillus id, ad quod vicissim tutori obligatur (§. 850.).

Quamvis itaque educatio liberorum alienorum beneficium sit (§. 837.), beneficium autem a benefactore nonnisi imperfecte debeatur (§. 26. part. 4. Jur. nat.); per quasi contractum tamen quod erat beneficium in perfecte debitum mutatur, ut non amplius cura educationis & administratio bonorum ex voluntate tutoris, sed ex iis, quæ ad utramque requiruntur, sit metienda. Esi autem per quasi contractum beneficium fiat perfecte debitum; non tamen ideo beneficium esse definit, sed naturam beneficii simul retinet; neque enim repugnat, ut unus idemque actus simul sit beneficium & perfecte debitum. Inde est, quod contractus quidam sint beneficii, quia scilicet id, quod ex contractu præstatur, beneficium est: id quod in commodato & mutuo clarissime perspicitur (§. 418. 513. part. 5. Jur. nat.). Quamobrem quæ de benefactore & beneficiario quoad beneficium datum & acceptum demonstrata sunt in parte quarta, recte applicantur ad tutorem atque pupillum, & iisdem ideo principiis in subsequen-
tibus demonstrandis utemur.

§. 852.

De divisio-
ne tutela.

*Naturaliter non repugnat, ut uni tutori tantummodo com-
petat cura educationis, alteri administratio bonorum, immo aliis
saltem inspectio, num a ceteris pupilli rite educantur & bona eo-
rum fideliter ac diligenter administrentur.* Tutoris officium est
curare educationem pupilli & bona ejus fideliter ac dili-
genter administrare (§. 851.). Enimvero nemo non vi-
det, curam educationis & administrationem bonorum non
necessario conjunctam esse, sed a se invicem separari posse,
ita ut uni competat educationis cura, alteri vero bonorum
administratio. Quamobrem cum pupillo perinde sit, sive
tutor simul educationem curæ habeat, & bona administret,
sive uni curæ sit educatio, alteri vero competat administra-
tio; naturaliter non repugnat, ut uni tutori tantummodo
competat cura educationis, alteri administratio bonorum.
Quod erat unum.

Et quoniam interest pupilli, ut rite educetur, ac bo-
na ejus fideliter atque diligenter administrentur, quod per
se patet; multo minus naturaliter repugnat, ut alicui com-
mittatur inspectio, utrum ceteri tutores officio suo rite fun-
gantur, nec ne, consequenter utrum pupillum rite educant
ac bona ejus fideliter ac diligenter administrent, nec ne (§.
851.). *Quod erat alterum.*

Tutela jus quoddam est (§. 841.), quod cum plura jura a
se invicem separabilia contineat, in partes potentiales, quas
Grotius vocat, quemadmodum alia jura in plura res solubilia, di-
vidi potest. Cum tutela onus sit respectu tutoris; æquitati
etiam convenit, ut facta divisione onus allevetur. Fieri et-
iam potest, ut, qui educationi rite præesse potest, idem admi-
nistrationi bonorum non sufficiat, & contra. Ipsa igitur ne-
cessitas tum suadet tutelæ divisionem, quemadmodum amor
pupilli, quæ nos impellit, ut optimo quovis modo eidem
consu-

consulatur, inspectionem tutelæ imperat. Ceterum nemo non videt per se, posse etiam curam educationis & administrationem bonorum porro subdividi inter plures, veluti ut uni tutori competat administratio rerum mobilium, alii vero administratio immobilium, vel ut certæ bonorum partes demandentur diversis tutoribus.

§. 853.

Tutor educator dicitur, cui cura educationis pupilli competit: *Tutor* autem *administratur* vocatur, qui bona pupilli administrat. *Tutor* denique *inspector* appellatur, cui inspectio tutelæ demandata. Vocantur illi communi nomine *Tutores inferiores*; hic vero *Tutor superior*, vel *honorarius*, *der Ober-Vormund*. Nec refert, utrum tutela inter tutores inferiores sit divisâ, an vero indivisâ pluribus communis.

Quoniam tutela dividi potest (§. 852.), divisâ autem tutela non idem manet tutoris officium, quod per se pater; ideo necesse est, ut qui sunt ex parte tutores distinguantur ab iis, qui sunt ex integro. Commodissimum itaque nobis videtur, tutoribus imponi nomina ab officio, quo funguntur.

§. 854.

A voluntate parentum pendet, utrum tutelam inter plures dividere, an vero uni vel pluribus conjunctim indivisam committerentur velint, immo etiam utrum tutorem superiorem constituere velint, nec ne. Naturaliter quoque a voluntate tutelam suscipientem tutela tum pendet, utrum tutelam divisam, an indivisam habere velint. Etenim tutela jus quoddam est, quod pater vel etiam mater transfert in tutorem ultima sua voluntate (§. 841.). Quamobrem cum a voluntate jus quoddam in alium transferentis dependeat, quomodo illud transferre velit (§. 11. *pars. 3. Jur. nat.*), naturaliter autem non repugnet, ut tutela inter plures dividatur (§. 852.); a voluntate

omnino parentum pendet, utrum tutelam inter plures, dividere, an vero uni vel pluribus conjunctim indivisam committere velint. *Quod erat primum.*

Et quoniam parentibus curæ esse debet, ut liberi fiant felices (§. 710.), ac fortunati (§. 732.), consequenter ut rite educantur ac bona ipsorum fideliter ac diligenter administrentur, quæ consequentia facile patet, tutelam vero committere debent personis, quos eam diligenter curaturos confidunt (§. 833.); ipsorum judicio, consequenter voluntati relinquendum, utrum inspectionem tutelæ alicui sigillatim committere velint, consequenter tutorem inspectorem, seu honorarium constituere (§. 853.), nec ne. *Quod erat secundum.*

Denique cum naturaliter ad tutelam suscipiendam nemo cogi possit (§. 844.); a voluntate quoque suscipientis pendet, utrum divisam, an indivisam accipere velit. *Quod erat tertium.*

§. 855.

*De voluntaria
divisione
a tutoribus
facta.*

Quoniam naturaliter a voluntate eorum, qui tutelam suscipiunt, pendet, utrum divisam, an indivisam suscipere velint (§. 854.); si plures sint tutores, naturaliter iidem inter se de divisione convenire possunt, & quomodo inter se convenerint, ita singuli cum pupillo quasi contraxisse intelliguntur (§. 850.), consequenter singuli tenentur ex quasi contractu suo.

Fieri hoc potest naturaliter, etiamsi pater dederit tutores conjunctim (§. 833.); immo si unus datus, is contutorem sibi pro lubitu adsciscere potest, cum naturaliter ad tutelam suscipiendam nemo cogi possit (§. 844.), & a voluntate suscipientis dependeat, quomodo eum suscipere velit, an divisam, an indivisam (§. 854.), consequenter etiam num solus, an conjunctim cum aliis. Jure tamen interno non diffé-

differens est, quid horum fiat: id enim fieri debet, quo optime consulitur pupillo. Tutelæ enim administratio medium est pupillos educandi, bona eorum conservandi, immo quantum datur amplificandi: eligenda autem sunt media ad finem consequendum maxime apta. Quid conveniat statui civili, in quo libertas naturalis jure interno restringenda; suo patebit loco.

§. 856.

Si tutor suo sumtu pupillum educat, id non facit qua tutor, De tutore sed qua benefactor. Tutor enim non obligatur pupillum suo suo sumtu sumtu educare, etiamsi inops fuerit (§. 845.). Quamobrem pupillum erem si suo sumtu pupillum educet, id non facit qua tutor. *ducante. Quod erat unum.*

Quoniam vero benefactor est, qui alteri gratis dat, quod eidem utile est (§. 20. part. 4. Jur. nat.); si tutor suo sumtu pupillum educat, id facit qua benefactor. *Quod erat alterum.*

Arbitrio benefactoris relictum est, cuinam beneficium dare velit (§. 29. part. 4. Jur. nat.). Quemadmodum itaque suo sumtu prolem alienam educare potest, qui voluerit; ita quoque tutor suo sumtu educare potest pupillum, si voluerit, nec interest, utrum is sit egenus, an habeat, unde sumtus educationis sustentari possint. Quamvis enim beneficium mereantur, qui eodem indigent, aut ipsi acquirere non valent, quæ dat benefactor (§. 30. part. 4. Jur. nat.); non tamen solum jure externo permittendum, ut dominus de suo disponat pro arbitrio suo (§. 169. part. 2. Jur. nat.); verum dantur etiam causæ honestæ, cur hoc faciat tutor, perinde ac alii, veluti si id fiat animo rependendi gratias parentibus in prole sua (§. 835. b. Et §. 41. part. 4. Jur. nat.), vel amore singulari pupilli dotibus naturalibus, aut moribus sese commendantis tutori.

§. 857.

§. 857.

De obligatione tutoris suo sumtu

Quoniam tutor suo sumtu educat pupillum non qua tutor, sed qua benefactor (§. 856.); ad eum suo sumtu educandum non obligatur ex quasi contractu cum pupillo inito, dum pupillum tutelam suscepit (§. 850.) consequenter ab arbitrio ipsius dependet, quamdiu sumtus educationis dare velit, nisi pacto quodam singulari se ad dandum obligaverit vel parentibus moribundis, vel pupillorum cognatis, aut amicis parentum, quod utique servandum (§. 789. part. 3. Jur. nat.).

Patet itaque, non inani subtilitate distingui inter ea, quæ facit tutor qua tutor, & quæ facit qua benefactor (§. 856.).

§. 858.

De inhabilitate tutoris ob vitia.

Qui vitiis deditus est, ad tutelam administrandam inhabilis est. Qui enim vitiis deditus est, actiones suas ratione contraria dirigit, quam lege naturali præscribitur (§. 322. part. 1. Phil. pract. univ.), omittens ea, quæ lex naturæ præcipit, committens vero, quæ prohibet (§. 356. part. 1. Phil. pract. univ.), & per consequens mala prodit exempla (§. 929. part. 1. Jur. nat.). Quamobrem cum tutori educatio pupilli curæ esse debeat (§. 841.), consequenter is actiones ejusdem juxta legem naturæ determinare teneatur (§. 659.), ac operam dare, ut virtutis exercitium eidem reddatur familiare (§. 658.), & exempla bona præbere, mala vero non proderet teneatur (§. 690.); ad tutelam administrandam utique inhabilis est, qui vitiis deditus.

Pessime consultitur liberis, si eorum educatio committatur hominibus a virtute alienis, sicuti ex adverso iisdem optime prospicitur, si eorundem educatio demandetur hominibus virtute præditis, consequenter vitia odio habentibus (§. 368. part. 1. Phil. pract. univ.). Tutoribus itaque cum committatur educatio pupillorum, præcipua cura esse debet, ut eligantur perso-

personæ, quæ virtutem amant, vitium quodcunque odio habent. Quamvis enim haud raro contingat, ut quis in aliis ferre non possit vitium, cui ipsemet deditus est; cum tamen magna sit exemplorum vis, in animis præsertim impuberum, per hoc inhabilitas tutoris nondum tollitur, quod vitia detestetur in aliis, quibus ipsemet delectatur. Accedit, quod in tutoribus deficiat naturalis ille amor, qui prolem suam parentibus commendat (§. 257.), ut ideo non bene sperandum sit de cura tutorum pupillis exercitium virtutum familiare reddendi, qui nullo virtutis amore ducuntur, sed vitii potius delectantur.

§. 859.

Qui prodigus est, ad tutelam administrandam inhabilis est. De inhabi-
 Qui enim prodigus est, in eroganda pecunia modum ex-*litase prodigi.*
 dit, quem parsimonia præscribit (§. 385. *part. 4. Jur. nat.*),
 consequenter verendum est, ne plures faciat in educationem
 pupilli sumtus, quam par erat, immo ne bona ejus dilapidet
 (§. 459. *part. 2. Jur. nat.*), ac ideo nec cura educationis,
 nec administratio bonorum eidem tuto committitur. Quam-
 obrem cum tutor pupillum educare (§. 841.) & bona ejus
 administrare debeat (§. 845.); qui prodigus est, ad tute-
 lam administrandam inhabilis.

Accedit, quod tutores pupillos mature docere debeant, quo-
 modo pecunia recte uti debeant (§. 703.). Vix autem ac
 ne vix quidem hoc expectare datur a prodigo, qui ipse pecu-
 nia recte uti minime novit (§. 385. *part. 4. Jur. nat.*).
 Quantum autem intersit pupilli, ne hac in parte diligentiam
 suam desiderari patiatur tutor, ex iis patet, quæ supra annota-
 vimus (*not. §. cit.*).

§. 860.

Qui bona rite administrare non novit, vel in propriis ad- De ignoran-
ministrandis negligens est; tutor administrator esse nequit, non ita admini-
(Wolfii Jur. Nat. Pars VII.) Kk kk *tamen strationis*

bonorum etiam simpliciter repugnat, ut sit educator. Etenim tutor administrator bona pupilli administrare tenetur (§. 853.). *negligentia in iis administrandis.* Qui adeo ignorat, quomodo bona rite administrantur, ei administratio bonorum committi nequit, & per consequens tutor administrator constitui non potest. *Quod erat primum.*

Similiter qui in bonis propriis administrandis negligens est, is non præsumitur se magis diligentem præbiturus in administrandis bonis alienis. Quamobrem ipsi bonorum administratio tuto committi nequit, consequenter cum tutori administratori competat bonorum pupilli administratio (§. 853.), tutor administrator constitui nequit. *Quod erat secundum.*

Enimvero simpliciter non repugnat, ut, qui bona rite administrare non novit, vel etiam in bonis administrandis se negligentem præbet, ceteroquin actiones suas juxta naturæ legem determinare studeat. Quamobrem cum seposita bonorum administratione cura educationis potissimum huc redeat (§. 637.), tutori autem educatori cura educationis pupilli demandetur (§. 853.); simpliciter non repugnat, ut, qui bona rite administrare non novit, vel etiam in propriis administrandis negligens est, tutor educator sit. *Quod erat tertium.*

Ita e. gr. mater, quæ administrationi bonorum præesse nequit, sufficere tamen potest educationi prolis suæ quoad mores. Quamobrem in hoc casu pater recte proli suæ dat tutorem administratorem, cura educationis eidem relicta integra.

§. 861.

De inhabilitate ob mor- etiam, aut multitudinem negotiorum propriorum, tutelam ea diligentia

gentia administrare nequeat, quæ requiritur; ad tutelam inhabilis sum, atque est. Quemadmodum naturaliter ad recte agendum in genere obligamur (§. 180. part. 1. Phil. pract. univ.); ita quoque ad tutelam recte administrandam obligatur tutor. Quod si ergo quis ob infirmitatem corporis, vel ob ætatem nimis provec- tam, aut multitudinem negotiorum propriorum tutelam ea diligentia administrare nequeat, quæ requiritur per hypoth. cum nemo obligatur ad id, quod impossibile (§. 209. part. 1. Phil. pract. univ.), nec cum neglectu sui officium quoddam alteri præstare quis teneatur (§. 609. part. 1. Jur. nat.), per se autem pateat, interesse pupilli, ut probe educetur, atque bona ipsius omni diligentia administrantur; illi tutela committi nequit, consequenter idem ad tutelam inhabilis.

Ita e. gr. professores & clerici ad tutelam inhabiles censentur, quia vix vacat iisdem alienis negotiis sese immiscere, si munere suo rite fungi velint.

§. 862.

Minores ad tutelam inhabiles sunt. Etenim minoribus De inhabilibus per ætatem nondum adeo perfectum est iudicium, ut negotia sua per se rite curare norint (§. 768.), ac ideo ipsimet curatore opus habent, qui bona eorum administret (§. 842); tutela minoribus committi nequit, consequenter ad eam inhabiles sunt.

Facile patet, in Jure naturæ sermonem esse de minorennitate naturali, quæ non ex numero annorum, sed ex iudicio, quod quis in actionibus suis prodit, æstimanda venit (not. §. 768.). Naturaliter itaque ætas sola minime obstat, quo minus quis tutor esse possit, & si vel maxime tutor administrator esse nequeat, idem tamen sit tutor educator. Absit itaque, ut, quæ juris positivi sunt, cum naturali perperam confundantur.

dantur. Nulla autem metuenda est confusio, modo animum attendas ad definitionem, quæ in hoc Jure datur.

§. 863.

De tutela Tutor honorarius contutores consilio & auxilio juvare tenetur, quantum datur. Etenim tutori honorario demandata est inspectio tutelæ (§. 853.), consequenter ipsi curæ esse debet, ut a contutoribus tutela recte administretur. Quamobrem quicquid ipse ad rectam tutelæ administrationem conferre potest, id utique conferre tenetur. Contutores itaque consilio & auxilio juvare tenetur, quantum datur.

Inspectio tutelæ non debet esse otiosa: committitur enim ea tutori honorario, ut magis consultum sit pupillo, cujus maxime interest, ut tutela rite administretur. Cum igitur tutor honorarius tutelam suscipiens promittat, se curaturum, ut tutela recte administretur; se ad rectam administrationem collaturum utique promittit, quicquid conferre potuerit. Hinc facile intelligitur, in statu naturali tutore honorario maxime opus esse.

§. 864.

Inventarium dicitur consignatio bonorum defuncti, in quibus pupillus succedit, vel etiam curandus, tum etiam ceterorum, si quæ sunt pupillo, vel curando, quæ aliunde jam habet.

Cum in statu naturali nullus sit magistratus, nec ad inventarium in eo requiritur, ut fiat publica autoritate, consequenter bonorum specificatio ab inventario naturaliter minime differt. Venit enim a statu civili, ut ad signationem bonorum pupilli, vel curandi accedere debeat publica autoritas,

§. 865.

De inventario Tutores & curatores inventarium conficere tenentur & naturaliter inventarium fieri debet coram testibus, qui nomina sua subscribunt.

scribunt & sigilla apponunt. Quoniam enim bona pupilli administrare debet tutor (§. 843.), & bona curandi curator (§. 842.); ideo constare debet, quænam sint illa bona. Ea igitur consignanda sunt, consequenter inventarium conficiendum (§. 864.). *Quod erat unum.*

Enimvero constare etiam debet, inventarium fideliter esse confectum, nec quicquam in eo prætermisum. Quamobrem cum id aliter probari non possit, nisi per testes (§. 1014. *part. 5. Jur. nat.*); naturaliter inventarium fieri debet coram testibus, qui nomina sua subscribunt & sigilla apponunt, ut de eorum testimonio satis constet. *Quod erat alterum.*

In statu civili testium loco sunt personæ, quibus a magistratu demandata inventarii confectio, cum publica autoritas sit testimonium omni exceptione majus.

§. 866.

Quoniam tutori honorario competit inspectio tutelæ *De præsen-* (§. 863.), consequenter ipsi curæ esse debet, ut contutorea tutoris res singula rite faciant, quæ sunt officii sui, tutores autem honorariis, inventarium conficere tenentur (§. 865.); tutor quoque honorarius attendere debet, num inventarium fideliter conficiatur, *quando inventarium* consequenter præsens esse debet, *quando inventarium conficitur.* Immo ex eadem ratione patet, quod urgere debeat, ut tutores ceteri inventarium sine mora conficiant, ne in administratione bonorum quicquam negligatur. Et quoniam ad inventarium conficiendum requiruntur etiam testes (§. 865.); si administratio bonorum sigillatim uni, vel aliquot tutoribus demandata sit, contutores tamen educatores simul præsentibus esse debent, quando inventarium conficitur.

Si plures sint tutores educatores & tutor præterea honorarius constitutus, cum tam illi, quam hic testium loco sint;

naturaliter vix opus videtur, ut præterea testes alii adhibeantur. Evitandæ tamen collusionis causa, aut saltem removendæ suspicionis, consultius omnino est, ut præter tutores educatores ac inspectorem adhibeantur testes alii. Probe autem notandum est, nobis jam sermonem esse de eo, quod recte fit in statu naturali; & ex quo deinde definiendum, quid fieri debeat in statu civili.

§. 867.

*De ratione
administra-
tionis red-
denda.*

Tutor administrator si gulis annis rationem administrationis reddere tenetur tutori honorario. Etenim tutor honorarius curare debet, ut tutor administrator bona pupilli fideliter ac diligenter administret (§. 845. 853.), consequenter ipsi constare debet, quomodo bona pupilli administrentur. Quamobrem tutor administrator rationem administrationis tutori honorario reddere tenetur. *Quod erat unum.*

Enimvero quoniam interest pupilli, ut tempestive de remedio cogitur, siquidem contingat, bona ipsius vel non satis fideliter, vel non satis diligenter administrari, tutor autem honorarius contutores consilio & auxilio juvare debet, quantum datur (§. 863.), immo prospicere pupillo, ne quid committatur, vel prætermittatur, quod in detrimentum ipsius quocunque modo vergere possit, quod ex inspectione eidem demandata facile intelligitur (§. 853.); ideo quotannis rationem administrationis ipsi reddere tenetur tutor administrator. *Quod erat alterum.*

Non est, quod urgeas nihil in administratione fieri debere nisi consensu tutoris honorarii: etenim tum onus administrationis una devolveretur in honorarium, consequenter is non amplius inspector, sed simul administrator foret: quod utique implicat.

consulatur, inspectionem tutelæ imperat. Ceterum nemo non videt per se, posse etiam curam educationis & administrationem bonorum porro subdividi inter plures, veluti ut uni tutori comperat administratio rerum mobilium, alii vero administratio immobilium, vel ut certæ bonorum partes demandentur diversis tutoribus.

§. 853.

Tutor educator dicitur, cui cura educationis pupilli competit: Tutor autem administratur vocatur, qui bona pupilli administrat. Tutor denique inspector appellatur, cui inspectio tutelæ demandata. Vocantur illi communi nomine Tutores inferiores; hic vero Tutor superior, vel honorarius, der Ober-Vormund. Nec refert, utrum tutela inter tutores inferiores sit divisa, an vero indivisa pluribus communis.

Quoniam tutela dividi potest (§. 852.), divisa autem tutela non idem manet tutoris officium, quod per se pater; ideo necesse est, ut qui sunt ex parte tutores distinguantur ab iis, qui sunt ex integro. Commodissimum itaque nobis videtur, tutoribus imponi nomina ab officio, quo funguntur,

§. 854.

A voluntate parentum pendet, utrum tutelam inter plures dividere, an vero uni vel pluribus conjunctim indivisam committerentur quodere velint, immo etiam utrum tutorem superiorem constituere vel ad divisam, nec ne. Naturaliter quoque a voluntate tutelam suscipientem tutelam pendet, utrum tutelam divisam, an indivisam habere velint. Etenim tutela jus quoddam est, quod pater vel etiam mater transfert in tutorem ultima sua voluntate suscipientem (§. 841.). Quamobrem cum a voluntate jus quoddam in alium transferentis dependeat, quomodo illud transferre velit (§. 11. part. 3. Jur. nat.), naturaliter autem non repugnet, ut tutela inter plures dividatur (§. 852.); a voluntate

*patrimoni-
um pupilli.*

quilibet, consequenter etiam pupillus, si per ætatem fieri posset, obligatur ad patrimonium suum conservandum & amplificandum, quantum in potestate sua est (§. 458. *part. 2. Jur. nat.*). Quamobrem cum tutor ea facere obligetur, quæ pupillus facere deberet, si ipse bona sua administraret, quemadmodum administrare deberet (§. 869.); tutor quoque obligatur ad patrimonium pupilli conservandum & amplificandum, quantum in potestate sua fuerit.

Quenam sint in potestate nostra, alibi docuimus (§. 175. *part. 1. Jur. nat.*). Ac inde dijudicare debet tutor honorarius, cui inspectio tutelæ commissa (§. 853.), & cui tutor administrator rationem administrationis reddere tenetur (§. 867.), utrum debitam diligentiam in administratione is adhibuerit, an vero eandem aliqua ex parte desiderari passus fuerit. Huc etiam faciunt ea, quæ de diversis culpæ gradibus demonstravimus alias (§. 748. & seqq. *part. 1. Phil. præf. univ.*).

§. 871.

*De aliena-
tione rerum
mobilium.*

Quoniam tutor patrimonium pupilli conservare & amplificare obligatur (§. 870.), consequenter operam dare pro virili, ne bona pupilli diminuatur, sed ut potius augeantur (§. 452. 453. *part. 2. Jur. nat.*); bona mobilia super-
vacua ac ea imprimis, quæ servando servari non possunt, vendere debet, ac pecuniam inde redactam vel favori dare (§. 1423. part. 4. Jur. nat.), vel in emtionem prædiorum collocare, nisi pater expresse prohibuerit res quasdam mobiles alienari, nec ullas eas alienandi necessitas adsit, quia scilicet fructibus sumtus educationis abunde sustentari possunt.

Patris omnino sequenda est voluntas, quamdiu nulla necessitas urget, ut ab ea recedatur, quoniam is de bonis, quæ liberis suis relinquit, pro arbitrio disponere potest vi domini (§. 118. *part. 1. Jur. nat.*). Ita si prohibet, ne bibliotheca distra-

distrahatur, quod eam usui esse existimat filio, quem studiis literariis destinavit, cum sumptibus etiam studiorum sufficienti fructus bonorum filio præter librorum apparatus relictorum; eam distrahere non licet, præsertim si in eorum numero sint libri selecti ac rariores, quos filius aliquando habere mallet, non tamen iterum nancisci potest. Similiter si mater res quasdam pretiosas filiz servari velit, eas vendere non licet. Quamvis enim tutor repræsentet personam pupilli (§. 868.), consequenter bona ejus administrare debere videatur ex præsumta pupilli voluntate; hoc tamen minime obstat, quo minus in non alienandis mobilibus sequatur voluntatem patris, vel matris, quia parentum voluntas censetur voluntas pupillorum (§. 641. 745.). Ceterum mobilia quænam supervacua sint, facile intelligitur, ea nimirum, quæ nulli usui sunt pupillo. Quodsi vero ætate adulta usui esse possint, immo si eorum usus tum necessarius existat; probe expendendum est, num pecunia inde redacta & fructuum augmentum hoc modo quæsitum parum aut multum superet sumtus in illa comparanda faciendos, ne eorundem alienatio vel damnosa sit pupillo, vel absque ulla utilitate fiat. Prudentia, quæ circumstantiarum singularium rationem haberi jubet (§. 257. part. 1. Jur. nat.), nec ab administratione bonorum pupilli, consequenter nec ab alienatione mobilium abesse debet (§. 258. part. 1. Jur. nat.). Quæ denique servando servari non possint, experientia docet, optima hac in parte rerum magistra.

§. 872.

Similiter quia tutor patrimonium pupilli amplificare *Desumptibus* obligatur, quantum in potestate sua est (§. 870.); *sumtus in educatione superfluos, seu minime necessarios in educationem pupilli facere nem facien-* non debet, & quod ex fructibus prædiorum, vel usuris residuum fuerit, illis deductis, in sortem imputare tenetur, nec pecuniam otiosa in lucram relinquere, sed in lucrum conveniens collocare, nisi desit occasio debitorem idoneum, vel prædia venalia inveniendi. *canda,*

(Wolffii Jur. Nat. Part VII.)

LIII

Boni

Boni oeconomi est non omne lucrum consumere, sed partem quandam, si fieri potest, conservare: alias enim patrimonium non amplificatur, quemadmodum fieri debet (§. 458. *part. a. Jur. nat.*). In lucro pupilli computantur usurae, quae ipsi solvuntur, & pecunia ex fructibus praediorum redacta; vel merces a conductoribus praediorum soluta. Quamobrem cum ex lucro fieri debeant sumtuum in educationem; tutori curae esse debet, ne totum impendatur, sed pars ejus conservetur, quae conservari potest. Lucrum autem residuum computatur in sortem. Per se autem patet, non posse a tutore exigi, quod impossibile. Quae igitur diximus, ea a tutore intendi debent: quantum vero a regula sit discedendum, ex circumstantiis particularibus dijudicandum. Et tutoris honorarii, seu ejus, cujus inspectio est (§. 853.), officium est, ut judicet, utrum culpa administratoris a regula discessum fuerit, nec ne. Datis circumstantiis particularibus, quae necessitatem discedendi a regula tutori imponunt, cum non difficile sit judicium, opus non est, ut ad casus particulares descendamus. Omnibus enim numeris absolutam dare theoriam ab instituto nostro alienum est, ac laboris foret infiniti.

§. 873.

De exigendis debitis, usuris & mercede.

Quia tutor patrimonium pupilli conservare & amplificare debet, quantum in potestate sua fuerit (§. 870.); debitores morosos ad solutionem compellere, cumque residuum lucris in sortem imputandum sit (§. 872.), in exigendis usuris & mercede a conductoribus praediorum moram ipse committere non debet.

Major diligentia requiritur in administrandis bonis alienis, quam in propriis. In administratione enim bonorum priorum quilibet stat judicio suo, & si lucrum, quod habere poterat, negligit, non interest alterius. Ast qui bona aliena administrat, culpa sua efficere non debet, ut alter lucro, quod habere poterat, privetur. Standum hic est judicio ejus, cujus sunt bona: id quod tale praesumitur, ut universa faciat lucra. Nemo

Nemo sibi ipsi rationem reddere tenetur administrationis bonorum suorum: ast tutor, quemadmodum administrator omnis rei alienæ, rationem administrationis tenetur reddere pupillo, ac ei, qui ejus vicibus fungitur (§. 867.).

§. 874.

Ex eadem ratione intelligitur, quod *tutor obligetur sine mora solvere, qua pupillus debet*, ne mora eidem sit damnosa, dis debitis ac, si pupillus in are alieno sit, operam dare ut eodem servituti re-pupilli. *bus immobilibus eam liberet, consequenter sumtus in educationem faciendos moderetur, quantum datur, & quod ex fructibus eorum residuum fuerit, in as alienum luendum impendat.*

Novimus exempla tutelæ adeo laudabiliter gestæ, ut pupillis ex multo are alieno laborantibus eodem prudenti dissoluto prædia servata fuerint. Absit adeo, ut tibi persuadeas hic præcipi, quæ in potestate tutoris nunquam sunt.

§. 875.

Si tutor pecuniam pupilli in rem suam versat; usuras ipse De pecunia solvere & sine mora a seipso exigere debet. Etenim tutor pecuniam pupilli non otiosam relinquere, sed in lucrum convertens collocare debet (§. 872.), veluti ut pariant usuras. *versa.* Quodsi ergo tutor pecuniam pupilli in rem suam vertat, quæ usuras parere poterat, immo debebat; eas utique ipse solvere tenetur. *Quod erat unum.*

Enimvero tutor in exigendis usuris moram committere non debet (§. 873.), easque in sortem imputare (§. 872.). Quamobrem usuras quoque a se ipso sine mora exigere debet tutor, si pecuniam pupilli in rem suam vertat. *Quod erat alterum.*

Naturaliter nihil obstat, quo minus tutor pecuniam pupilli in rem suam verrat, ac debitor fiat pupilli, modo eidem satis

cautum sit. Perinde nimirum est, siue tutor pecunia pupilli utatur, siue alius, modo pupillus inde nullum sentiat damnum: id quod ne fiat, usuras solvere teneatur tutor, quas alius solveret debitor, & ut usuris præstitis fors crescat, eas a se sine mora exigere debet. Quodsi ratio administrationis reddat tutor administrator honorario (§. 867.), hujus est dispicere, utrum pupillo satis cautum sit, si tutor pecunia ejus utatur, nec ne, & usuras, quas solvere debebat, in sortem pupilli imputare, nisi jam ipse hoc fecerit. Ceterum hinc quod patet ratio, cur necesse sit quotannis reddi rationem administrationis, ne usuris non solutis, vel exactis impediatur, quominus fors pupilli crescat.

§. 876.

*De usuris a
tutore non
solutis.*

Quoniam tutor usuras a seipso sine mora exigere debet (§. 875.), ac sorti addere (§. 872.); si eas a seipso non exigit, eadem tanquam nova fors penes ipsum sunt, consequenter etiam pro his usura a termino solutionis solvenda, nisi ostendi possit, defuisse occasionem idoneum debitorem nanciscendi (§. 872.).

Hinc patet, cur tutor, si pecuniam in rem suam vertit, usuras usurarum præstare teneatur, quas non in omni casu, seu in se esse illicitas, alibi demonstravimus (§. 1422. part. 4. Jur. nat.). Tutoris tamen honorarii est dispicere, ne cum periculo pupilli multiplicatis usuris fors penes tutorem crescat.

§. 877.

*De aliena-
tione immo-
bilium.*

Tutor bona immobilia pupilli alienare nequit, nisi ea ad se necessitas, qua ipsum pupillum ad alienandum cogit. Etenim tutor administrator est, non dominus bonorum pupilli (§. 853.). Quoniam itaque nemo præter dominum rem alienare potest (§. 668. part. 2. Jur. nat.), siue per se hoc faciat, siue per alium, quod per se patet; tutor quoque bona immobilia pupilli alienare nequit. Quod erat unum.

Quodsi

Quodsi vero ea emergit necessitas, quæ ipsum pupillum ad alienandum cogit; tum non amplius a voluntate ejus pendet, utrum alienare velit, an nolit, sed alienare tenetur. Quamobrem cum tutor in administratione bonorum personam pupilli repræsentet (§. 868.), ac ideo ea facere debet, quæ pupillus facere deberet, si ipse bona sua administraret (§. 869.); si ea emergit necessitas, quæ ipsum pupillum ad alienandum cogit, bona quoque immobilia pupilli alienare potest, *Quod erat alterum.*

Non solum hic sermo est de coactione physica, quando domino etiam invito alienatio fit; verum etiam de morali, quando nimirum ejus intermissio domino damnosa. Neque enim solum contra officium est damnum & patrimonio suo non avertere (§. 494. part. 2. Jur. nat.); sed etiam insipientis est id, cum possis, avertere nolle. Unde haud difficile erit judicium in casu particulari, utrum adsit alienandi necessitas, nec ne, siquidem tutor rem pupilli immobilem alienare velit.

§. 878.

Quoniam tutor bona immobilia pupilli alienare nō- *De re im-*
quit, nisi ea adsit necessitas, quæ ipsum pupillum ad alie- *mobili ob æ*
nandum cogit (§. 877.); *si æ alienum solvendum sit, nec ex alienum ali-*
rebus aliis solvi possit, tutor bona immobilia pupilli alienare enanda.
potest.

Non solum hoc obtinet, si debitori hypotheca fuerit in re constituta; verum etiam si æs alienum sine hypotheca contractum. Immo alienatio necessaria est non tantummodo in eo casu, quo creditores solutionem urgent, nec moram indulgere ulteriorem volunt, verum etiam si æs alienum inveterascens multiplicandis usuris crescat. Facile autem apparet, huc trahendum non esse casum superiorem, quo prædii servandi causa sumtus educationis imminuendos & residuum lucri in æs alienum luendum impendendum esse diximus (§. 874.):

tum enim ex rebus aliis solvi æs alienum potest, ut ideo alienatio necessaria non sit. Et, si vel maxime sint creditores, quimoram indulgere nolunt, æs tamen alienum novum cogi potest, ut vetus persolvatur. Necessitas alienandi non ante adesse intelligitur, quam ubi alienatio rei immobilis est unicum medium æs alienum, cujus solutio urgetur, persolvendi.

§. 879.

De alienatione immobilium in educationem ex rebus aliis vix fieri possint; illa tutor alienare potest. Etenim tutor obligatur patrimonium pupilli amplificare, quantum in potestate sua est (§. 870.), sicuti pupillus etiam ipsemet obligaretur, siquidem per ætatem hoc fieri posset (§. 458. part. 2. Jur. nat.). Quoniam igitur fieri nequit, ut patrimonium pupilli amplificetur, quantum datur, si bona immobilia inutilia non alienentur; quin necessitas eandem urgeat, dubitandum non est. Quamobrem cum ob urgentem istiusmodi necessitatem bona immobilia pupilli alienare possit tutor (§. 877.); ea quoque alienare potest, quæ inutilia sunt. *Quod erat unum.*

Enimvero si bona immobilia fuerint inutilia, quibus venditis pecunia inde redacta in lucrum conveniens collocari poterat, sumtus autem in educationem ex rebus aliis vix fieri possint; tum utrique alienandi necessitas multo major adest, consequenter patet ut ante, multo magis tutorem bona immobilia inutilia alienare posse. *Quod erat alterum.*

Eadem hic tenenda sunt, quæ supra de bonis mobilibus supervacuis monuimus (not. §. 871.). Bona enim immobilia inutilia non minus supervacua sunt, quam mobilia. Sunt autem bona immobilia inutilia, ex quibus nulli percipiuntur fructus: id quod duplici modo contingit, vel quia per se infructuosa effici nequeunt fructuosa, vel quia impense superant fructus

fructus sive naturales, sive artificiales. Ita ædes inutiles sunt, quæ non inveniunt conductorem, vel ubi impensæ & onera superant pensionem annuam, quæ ab illo solvitur. Similiter hortus inutilis est, ex quo nulli percipiuntur fructus, sed in quem tantummodo impensæ voluptuariæ fieri debent.

§. 880.

Si prædii reficiendi causa contrahendum sit æs alienum, & De ære alieno prædium inutile reddant; tutor id vendere potest. Et no prædii enim si prædium fuerit inutile, tutor id alienare potest, præ- causa con- fertim si ex rebus aliis sumtus in educationem vix fieri pos- trahendo. sint (§. 879). Enimvero unum idemque est, sive prædium in se fuerit inutile, sive usuræ quotannis solvendæ absumant fructus ex eo percipiendos, aut saltem maximam eorum partem, consequenter illud inutile efficiant. Et si prædii reficiendi causa æs alienum contrahendum; plerumque ex aliis rebus sumtus in educationem vix fieri poterunt. Quamobrem si prædii reficiendi causa contrahendum sit æs alienum & usuræ prædium inutile reddant; tutor id vendere potest.

Ponamus e. gr. incendio consumi omnia ædificia, quæ necessario de novo excitanda esse per se patet. Quod si æs alienum contrahendum sit, & fructus ex prædio percepti sint modici; nemo non videt, præstare ut prædium vendatur & pecunia in aliud lucrum conveniens collocetur, quam ut prædium ære alieno gravetur.

§. 881.

Naturaliter tutor administrator prædium pupilli alienare nequit sine consensu tutoris honorarii. Etenim tutor honorarius tutoris bono inspicere debet, num tutela a contutoribus rite administretur (§. 853.), hosque consilio juvare, quantum datur (§. 853.). Quamobrem cum bona immobilia pupilli alienari non possint (§. 853.), hosque consilio juvare, quantum datur (§. 853.). Quamobrem cum bona immobilia pupilli alienari non possint (§. 853.), hosque consilio juvare, quantum datur (§. 853.).

non debeant, nisi ea adsit necessitas, quæ pupillum, si per ætatem de rebus suis statuere liceret, vel invitum adigeret ad alienandum (§. 877.), consequenter tutor administrator maxima hic uti teneatur circumspectione, tutorisque honorarii consilio maxime indigeat, tutor autem honorarius inprimis dispicere debeat, ne alienatio præter necessitatem fiat; naturaliter omnino tutor administrator prædium pupilli alienare nequit sine consensu tutoris honorarii.

Alienatio prædiorum pupilli res maxime ardua est in omni tutelæ administratione. Circumstantiæ, si rem in se spectes, adeo variant in casu particulari, ut nonnisi omnibus simul excussis definiri possit, an magis e re pupilli sit, prædium servari, quam alienari. Quoniam vero non modo præsens pupilli utilitas spectanda est, verum etiam futura, quam prævidere non satis licet; ideo iudicium de eo, quod e re pupilli est, adhuc difficilius redditur. Præterea de possessione rerum immobilium iudicium non omnes ab utilitate arcessunt, & plures sese offerunt rationes, ob quas quis mavult habere prædium hoc, quam aliud, etsi alterum sit illi, siquidem utilitatem solam spectes, multo præferendum. Qua de causa de alienatione prædii tutor statuere nequit ex eo, quod sibi videtur, neque ex eo, quod revera pupillo suo utilius est; sed ad eam procedere non debet, nisi satis certus sit, pupillum, ubi ad ætatem adultam pervenit, alienationem necessario ratihabiturum. Patet itaque, consensum tutoris honorarii ad prædii alienationem esse abhibendum. Quæ vero in statu naturali de tutore honorario demonstrantur, ea proderunt in sequentibus ad definienda ea, quæ magistratui circa tutelæ administrationem conveniunt.

§. 882.

*Quomodo
res pupilla-
res distra-
henda.*

Si res pupillares distrahende, a peritis taxanda sunt, & tutori cura esse debet, ut inveniat emptorem pretium iustum offerentem. Etenim tutor obligatur ad patrimonium pupilli conservan-

servandum & amplificandum, quantum in potestate sua est (§. 870.). Quamobrem curæ ipsi esse debet, ut, si quæ res pupilli distrahendæ, eadem justo pretio vendantur, immo ne vendat huic emtori, si alium pinguorem invenire possit, consequenter omnem diligentiam adhibere debet, ut emtorem pretium justum offerentem inveniat. *Quod erat unum.*

Enimvero cum rationem reddere debeat administrationis (§. 867.), consequenter probare, quod pretio justo rem vendiderit, necesse omnino est, ut a peritis taxetur. *Quod erat alterum.*

Non est quod excipias, sufficere consensum tutoris honorarii, cui ratio administrationis reddenda (§. 867.). Etenim pupillo, ubi ad ætatem adultam pervenerit, constare etiam debet, tutelam fideliter satis ac diligenter administratam fuisse, & tutorem honorarium officio suo satisfecisse. Quamobrem taxatio omnino necessaria est.

§. 883.

Quoniam tutori curæ esse debet, ut inveniat emtorem *Quanam* pretium justum offerentem (§. 882.), si vero plures sint *porro obser-* emtores, pretium id injustum non est, quod ceteris pin- *vanda.* guior offert; si res pupillares distrahende, cura esse debet tutori, ut, *quænam res sint venales, publice innotescat,* & certo die distrahitio facienda indicetur, ac res vendatur ei, qui pretium majus quam ceteri offert. Quodsi nemo fuerit, qui pretium taxationis offert, nec extrema aosis alienandi necessitas, qua moram non fert, venditio differenda in aliud tempus, ut appareat, num emtor pinguior inveniri possit.

Maxime interest tutoris, ut hoc modo distrahitio rerum pupillarium fiat, ob eam, quam modo diximus (not. §. 882.) rationem. Ita nimirum non modo prospicitur pupillo, ne lucro quo-
(Wolff Jur. Nat. Pars VII.) M m m m dam

dam priveretur, quod habere poterat, verum etiam a tutore tam administratore, quam honorario suspicio omnis removeatur, quasi pretio viliori res vendita fuerit, quam vendi poterat, aut debebat. Quamvis enim tutores sint vicarii parentum (§4848.), non tamen per omnia iisdem æquiparantur (§. 849.); cessat in iis ratio, cur parenribus licita alienatio, quæ in liberorum utilitatem tendit (§. 758.), quippe qui rationem administrationis iisdem reddere non tenentur (§. 766.).

§. 884.

De re immobili abs- tate facta fuerit, jure nulla est, & nisi pupillus, ubi ad ætatem que urgente adultam pervenit, eam ratihabuerit, illam a possessore vindicare necessitate potest. Etenim tutore non competit jus alienandi res immobiles pupilli, nisi adfit ea necessitas, quæ ipsum pupillum ad alienandum cogit (§. 877.), consequenter alienatio, quæ absque urgente necessitate fit, nullo jure fit. Quamobrem cum per se pateat, alienationem nullo jure factam ipso jure nullam esse; erit etiam alienatio prædii, seu rei immobilis pupilli absque urgente necessitate facta, ipso jure nulla. *Quod erat primum.*

Enimvero quando pupillus ad ætatem adultam pervenit, bona sua ipsemet administrat. Quodsi ergo alienationem a tutore factam, etiam absque urgente necessitate, ratihabeat; perinde omnino est, ac si eandem ipse vendidisset. Quamobrem cum eam pro lubitu alienare possit (§. 665. pars. 2. Jur. nat.); alienatio absque urgente necessitate a tutore facta subsistit. *Quod erat secundum.*

Denique cum alienatio absque urgente necessitate facta ipso jure nulla sit, *per demonstrata*; si pupillus, ubi ad ætatem adultam pervenit, eam non ratihabeat, nulla manet. Quoniam itaque domino competit jus rem suam vindicandi

dicandi adversus quemlibet possessorem (§. 544. *part. 2. Jur. nat.*); pupillus, ubi ad aetatem adultam pervenit, nec alienationem a tutore factam absque urgente necessitate rati-
habet, rem suam vindicare potest. *Quod erat tertium.*

Facile patet, idem valere, etiamsi tutor honorarius in alienationem consenserit. Quamvis enim ipsi competat inspectio, utrum adsit necessitasurgens, nec ne, ut permittere non debeat absque tali alienationem fieri (§. 853.); non tamen ipsi competit jus alienationem absque urgente necessitate permittendi, consequenter actum jure nullum consensu suo validum efficere nequit. Male prospiceretur pupillo tutela honoraria, si ejus talis esset effectus.

§. 885.

Si pupillus rem a tutore absque urgente necessitate alienatam vindicat; pretium emtori restituere tenetur. Quoniam enim tutor res pupilli vendere potest, si necessitas quardam urgeat (§. 877. & *segg.*); qui rem ab ipso emit, non modo praesumit, tutorem jure suo non abuti, verum etiam quod dat pretium in rem pupilli vertitur. Quodsi ergo pupillus pretium restituere non teneretur, locupletior fieret cum damno alterius: quod cum fieri non possit (§. 585. *part. 2. Jur. nat.*); pupillus rem a tutore absque urgente necessitate alienatam vindicans pretium emtori restituere tenetur.

Non est, quod excipias; sumi in demonstratione, quod in hypothesi propositionis non continetur, nimirum tutorem pretium rei venditæ in rem pupilli vertisse. Neque enim supponimus tutorem adeo dolosum & infamem, qui res pupilli, ipsas etiam immobiles vendat & pecuniam inde redactam in rationes pupilli non referat: id quod si vel maxime fiat, emtori tamen imputari nequit, sane qui tutori solvit pecuniam pupillo debitam, propterea non denuoolvere tenetur, siquidem tutor defraudator pupilli eandem in rationes non re-

Mmm 2

ferat:

ferat: quamobrem nec ratio ulla est, cur pretium, quod accepit tutor, re vindicata, a pupillo restitui non debeat, si vel maxime contingere possit, ut tutor pecuniam acceptam forsitan vertat in suos usus, ex quo facto deinde pupillo suo teneatur (§. 875.). Qui cum tutore agit, tanquam cum bono viro agit, parum sollicitus, utrum ipse tutelam rite administret, nec ne: quamobrem si vel maxime in emenda re pupillari non satis circumspectum se præbeat, non tamen damnum ex culpa aliena sentire debet, sufficit quod suæ culpæ causa teneatur ad restitutionem. Quando tutor rem pupillarem vendens pretium ab emptore accipit, eam pupillus accepisse intelligitur. Quomodo deinceps pecunia ista utatur, vel abutatur tutor, de eo sollicitus esse non debet emptor, cui nulla inspectio administrationis tutelæ competir. Ceterum per se patet, hic nobis sermonem esse de re pupillari vendita tanquam pupillari, non vero tutorem dolose vendere rem pupillarem tanquam suam. Tum enim ulterius patet, eadem hic valere, quæ de re aliena vendita alibi demonstrantur (§. 940. *Et seqq. pars. 4. Jur. nat.*).

§. 886.

*De servitu-
te prædio
imponenda
& acqui-
renda.* Tutor prædio pupilli servitutem imponere nequit; acquirere ta-
men valet. Etenim prædium imposita servitute deteriora-
tur, ut tanti æstimare nequeat, ac si esset liber (§. 1275.
part. 5. Jur. nat.), & quoniam prædium dominans jus quod-
dam in serviente acquirit, & illi ab hoc utilitas quædam
præstatur (§. 1271. *part. 5. Jur. nat.*), prædium acquisita
servitute melioratur, ut majoris æstimeretur, quam si eo jure
careret. Quoniam itaque tutor obligatur ad patrimonium
pupilli amplificandum, quantum potest (§. 870.), conse-
quenter etiam obligatur ad idem non diminuendum (§.
722. *part. 1. Jur. nat.*); tutor prædio pupilli servitutem im-
ponere nequit, acquirere tamen valet.

Facile

Facile patet, servitutem a tutore prædio pupilli impositam ipso jure nullam esse, consequenter possessorem prædii dominantis jure a tutore ipsi concessio uti non posse, ubi ad ætatem adultam pervenerit pupillus, nec impositionem servitutis ratihabuerit.

§. 887.

Tutor ob urgentem necessitatem prædium pupilli oppignorare De oppignoratione prædii pupilli. Etenim si necessitas urgeat prædium pupilli oppignorari, necesse est ut pecuniam sine mora solvere teneatur pupillus, quam paratam tutor non habet. In hoc igitur casu aut prædium alienandum, aut oppignorandum esse nemo non videt. Quoniam tamen nulla necessitas adhuc urget, ut prædium alienetur, quamdiu oppignorari potest, tutor autem absque necessitate, quæ pupillum ad alienandum non cogit, id alienare nequit (§. 877.); quin illud potius oppignorare debeat, consequenter oppignorare possit, dubitandum non est.

Quoniam oppignoratio est via ad alienationem, nisi debitum statuto tempore solvatur (§. 1145. part. 4. Jur. nat.); eadem de ea tenenda sunt, quæ de alienatione demonstrata sunt (§. 881.), & præterea etiam quæ de oppignoratione demonstrata sunt in parte quinta.

§. 888.

Bona tutoris naturaliter obligata sunt pupillo. Etenim De bonis tutori competit administratio bonorum pupilli (§. 845.), *tutoris naturaliter obligata sunt pupillo.* consequenter pupilli interest, ut ea fideliter ac diligenter administrantur, nec ei detur damnum culpa vel dolo tutoris. Quamobrem cum pupillus securus esse debeat, ne culpa vel dolo tutoris damnum detur patrimonio suo, hanc vero securitatem aliter consequi nequeat, nisi ea de causa bona tutoris

tutoris ipsi sint obligata (§. 1142. 1143. *part. 5. Jur. nat.*); bona tutoris naturaliter obligata sunt pupillo.

Ostendimus supra (§. 850.), tutorem eo ipso, quod tutelam suscipit, cum pupillo quasi contrahere, quod bona ejus fideliter ac diligenter administrare velit. Quamobrem cum pupillus, si revera cum eodem contraheret, jure quoque ab eo exigeret cautionem; oppignoratio bonorum tutoris in isto quasi contractu contenta intelligitur, ut adeo perinde sit, ac si eadem expresse eidem oppignorasset.

§. 889.

De hypotheca Quoniam bona tutoris naturaliter oppignorata sunt pupillo (§. 888.); eidem *in rebus immobilibus tutoris tacita hypotheca competere* (§. 1143. *part. 5. Jur. nat.*), consequenter cum *jus hypothecæ* cum re transeat ad quemlibet possessorem (§. 1154. *part. 5. Jur. nat.*), *si durante tutela tutor rem suam alienat, vel antequam de administratione satisfecerit, pupillus hypothecam in eadem retinet.*

§. 890.

Quando satisfactione tutoris non sit opus. Quoniam pupillo tacita hypotheca competit in rebus immobilibus tutoris (§. 889.); *naturaliter non est opus satisfactione tutoris, si bona immobilia possidet.*

Hypotheca nimirum tacita idem operatur, quod expressa, quemadmodum quasi contractus eandem obligationem inducit, ac idem jus confert, quam inducit & quod confert contractus verus (§. 505. *part. 5. Jur. nat.*).

§. 891.

Quinam tutor admittitur Similiter quia pupillo tacita hypotheca competit in rebus immobilibus tutoris (§. 889.), eadem autem opus *strator eligi* habet pupillus in securitatem sui (§. 1143. *part. 5. Jur. nat.*); *tutor administrator dari non debet, nisi qui bona immobilia possidet,*

det, quibus pupillo satis cautum est, aut, si ipse non possideat, ca- quando sa- vere is debet per fidejussores, talia possidentes (§. 784. part. 4. tisdatione Jur. nat.), quippe quæ accedere potest ad quamlibet obli- opus sit. gationem (§. 789. part. 4. Jur. nat.).

Facile pater, in statu naturali tutoris honorarii esse, ut in- quirat in facultates tutoris administratoris, utrum per eas pu- pillo satis cautum sit, nec ne (§. 853.). Immo propter hanc cautionem sæpius necesse est, ut plures constituentur tu- tores, quorum bona simul obligata sint in solidum pupillo, aut ut administratio inter plures dividatur, ut uniuscujusque bona obligata sint pro ea parte, quam quis administrat. Natura- liter autem nulla ratio est, cur bona tutoris educatoris obligata sint pupillo.

§. 892.

Tutor & Curator suspectus dicitur, qui non fideliter, aut *Tutor & cu- rator qui- negligentem* tutelam vel curam administrat.

Tutorem & curatorem suspectum reddit vel dolus, vel cul- nam suspe- pa, vel dolus & culpa simul. Administratio parum fidelis, dus dica- vel fraudulenta a dolo, negligens a culpa proficiscitur; quæ tur. vero fraudulenta & negligens est, a dolo & culpa simul. In administratione tutelæ dolum quoque committere potest, mul- toque magis culpam etiam tutor educator, e. gr. si sumtus in educationem pupilli faciendos simul impendat in liberos suos, quando scilicet pupillus apud ipsum educatur. Similiter tu- tor honorarius suspectus sit, si rationes administrationis sibi reddi non curat, vel quomodo tutela administraretur a tutori- bus ceteris parum curat,

§. 893.

Tutorem suspectum reddere potest tam tutor honorarius, quam Quinam contutor alius: immo suspectum reddere potest quilibet a'ius. Et tutores su- enim tutori honorario competit inspectio tutelæ (§. 853.), *spectos red- con- dere possint.*

consequenter ejus est inquirere, utrum tutores ceteri tutelam fideliter ac diligenter administrent, an vero parum fideliter, seu fraudulentè, aut negligenter. Quamobrem cum tutor suspectus reddatur, si ostendatur, eum parum fideliter, aut negligenter tutelam administrare (§. 892.); tutor honorarius tutorem suspectum reddere debet. consequenter potest (§. 158. *part. 1. Phil. pract. univ.*). *Quod erat primum.*

Tutoribus idem curæ esse debet in educandis pupillis, quod parentibus (§. 849.), consequenter quicquid ad hoc conferre possunt, ut iidem fiant felices, ac fortunati, pro virili conferre tenentur (§. 710. 733.). Quodsi ergo tutor unus videat, a contutore quædam committi, quæ felicitati aut fortunæ pupilli adversantur, consequenter eum parum fideliter, aut negligenter tutelam administrare; id utique ferre non debet. Quoniam itaque tutorem suspectum reddit, qui eum parum fideliter, aut negligenter tutelam administrare ostendit (§. 892.); tutor quilibet contutorem suspectum reddere potest (§. 159. *part. 1. Phil. pract. univ.*). *Quod erat secundum.*

Denique unicuique homini danda est opera, quantum in potestate sua est, ut alii quoque homines, quicunque fuerint, consequenter etiam pupilli, quorum educatio tutoribus commissa (§. 840.), fiant felices, & quantum in ipsis est impedire, ne sint infelices (§. 614. *part. 1. Jur. nat.*). Nec minus danda est opera, ut consequantur fortunæ bona (§. 612. *part. 1. Jur. nat.*), & ne incidant in mala fortunæ (§. 613. *part. 1. Jur. nat.*), consequenter ut fiant fortunati (§. 409. *part. 1. Phil. pract. univ.*). Quodsi ergo videat, tutorem parum fidei, aut negligente tutelæ administratione committere felicitati ac fortunæ pupillorum

rum adversa; ipsi utique jus est hoc ostendendi (§. 159. *part. 1. Phil. pract. univ.*), consequenter tutorem suspectum reddendi (§. 892.). *Quod erat tertium.*

Educatione liberorum intenditur, ut fiant felices &, quantum datur, fortunati: neque enim fortunæ bona in potestate nostra sunt, ut ideo contenti esse debeamus ea fecisse, quæ a parte nostra proficisci possunt, ne culpa nostra iisdem careamus. Pupilli maxime indigent ea in re aliorum ope atque auxilio (§. 840. 767.), ac ideo merentur opem atque auxilium cujuscunque (§. 667. *part. 1. Jur. nat.*). Quamvis itaque tutela sit divisa, ut unicuique certæ assignentur partes; non tamen ideo alter liberatur ab obligatione naturali pupilli perfectionem & commoda quovis modo promovendi, nec quia constituti sunt tutores, ideo quilibet alius ab eadem obligatione liberatur (§. 142. *part. 1. Phil. pract. univ.*), consequenter & contutori, & cuilibet alii jus est tutorem suspectum reddendi, ut læsio quævis pupilli avertatur, quamvis major sit obligatio contutoris, in quo ad naturalem accedit contracta ex quasi contractu, quam aliorum, qui naturaliter tantummodo obligantur.

§. 894.

*In statu naturali tutor honorarius, immo etiam honorario deficiente contutor tutorem suspectum removere potest, & alium maturum su-
gis idoneum eligere.* Etenim tutoris honorarii est inspicere, *speculum in* utrum tutela fideliter atque diligenter administretur, nec ne (§. *statu natu-* 853.), consequenter ipsi competit jus ad ea, sine quibus *rati remo-* fidelis ac diligens tutelæ administratio obtineri nequit, (§. *vere possunt.* 159. *part. 1. Phil. pract. univ.*): alias nimirum temere daretur tutor honorarius (§. 277. *part. 3. Jur. nat.*), quod in jure naturæ absurdum (§. 278. *part. 3. Jur. nat.*). Quodli-
ergo tutor honorarius deprehendit, a tutore alio tutelam pa-
rum fideliter ac negligenter administrari, eidem administra-
(*Wolfii Jur. Nat. l. ars VII.*) Nnn tio-

tionem amplius relinquere non debet, sed alii committere, qui eam fideliter ac diligenter administret. Patet itaque in statu naturali tutori honorario competere jus tutorem suspectum removendi (§. 892.), & alium magis idoneum eligendi. *Quod erat unum.*

Enimvero quoniam tutori cuilibet competit jus contutorem suspectum reddendi (§. 893.), consequenter inspiciendi, utrum tutelam fideliter ac diligenter administret (§. 892.); si nullus constitutus fuerit tutor honorarius, cui inspectio in specie demandata, contutores sibi invicem simul sunt inspectores, seu tutoris honorarii vicibus funguntur (§. 853.). Quoniam itaque tutor honorarius in statu naturali tutorem suspectum remove & alium magis idoneum eligere potest, *per demonstrata*; quilibet tutor contutorem suspectum remove atque alium magis idoneum eligere potest. *Quod erat alterum.*

Non est quod excipias, difficilem esse hujus juris executionem in statu naturali: quæstio enim hic tantummodo est de jure, non de executione juris. Difficultas executionis non modo obtinet in executione hujus juris, sed etiam aliorum. Quomodo vero eadem tollatur in statu civili, suo loco constabit.

§. 895.

De obligati- Pupillus naturaliter sine tutoris consensu alteri se obligare
one pupilli & nequit ad aliquid praestandum, nec qui curatorem habet, sine cu-
curandi sine ratoris consensu, nisi factum pupilli ratihabuerit tutor, vel curandi
tutoris & curator. Etenim tutori competit administratio bonorum pu-
curatoris pilli (§. 845.), & curatori administratio curandi (§. 842.),
consensu fa- consequenter pupillus sine consensu tutoris, curandus sine
cta. consensu curatoris alteri se obligare nequit ad aliquid præ-
standum. Quod erat unum.

Quodsi

Quod si vero factum pupilli ratihabuerit tutor, vel curandi curator, perinde omnino est, ac si tutore autore, vel cum consensu curatoris actus obligatorius perfectus fuisset. Quamobrem cum tutori competat jus administrandi bona pupilli (§. 845.), curatori autem jus administrandi bona curandi (§. 842.); si factum pupilli vel curandi ratihabuerit tutor, vel curator, actus obligatorius validus est. *Quod erat alterum,*

Damni averrendi causa pupillo, etsi non amplius sit infans, datur tutor, curando autem curator, quia uterque nondum sibi satis cavere potest, ne cum damno suo alteri sese obliget. Quamobrem repugnat, ut sine consensu tutoris, vel curatoris alteri sese obligare possit pupillus, vel curandus. Jus se alteri obligandi ademptum est pupillo, & curando atque translatum in tutorem & curatorem. Quod ergo sine consensu tutoris, vel curatoris fit, id ex parte pupilli, vel curandi invalidum est, etsi ex parte alterius validus sit actus, qui jure suo pupillo, vel curando sese obligare potuit. Tutoris itaque & curatoris est inquirere, utrum actus obligatorius vergat in detrimentum pupilli, vel curandi, nec ne, ac per consequens utrum eundem subsistere velit, an nolit. Per se autem pater in jure naturali sermonem esse de pubertate morali & minorennitate naturali, non autem de civili, quæ certo annorum numero circumscribitur. Fieri nimirum potest, ut quis negotium unum satis circumspecte gerere possit, etiamsi ceteris nondum sufficiat, immo ut gerendis rebus suis in universum præesse possit, quamvis ad certam ætatem nondum pervenerit.

§. 896.

Si pupillus vel curandus alterum sibi obligavit ad aliquid gratis præstandum, vel cum eo contraxit in commodum suum; actus validus est. Etenim si pupillus, vel curandus alterum sibi obligavit ad aliquid gratis præstandum, vel cum eo contraxit in commodum suum.

Nnn 2

De actu, quo pupillus alterum sibi obligavit in commodum suum.

trahit in commodum suum; tutori, vel curatori nulla ratio est, cur consentire non debeat in factum pupilli, vel curandi, consequenter id ratihabere tenetur. Quamobrem cum in hoc casu perinde sit, ac si tutore autore, vel cum consensu curatoris alterum sibi obligasset pupillus, vel curandus; si is alterum sibi obligavit ad aliquid gratis præstandum, vel cum eo contraxit in commodum suum, actus validus est.

Cessat nimirum ratio, cur actus absque consensu tutoris, vel curandi invalidus esse debeat, quæ non alia est, quam ut omne damnum a pupillo, vel curando avertatur, qui nondum eo judicio poller, ut rebus suis ipsemet præesse queat. Quamobrem si pupillo, vel curando aliquid donetur, vel promittatur, etsi acceptatio facta fuerit incscio tutore, vel curatore, donatio tamen & promissio valida est. Similiter si pupillus, vel curandus emat rem sibi necessariam, vel vendat inutilem pretio minime iniquo, quam emere, vel vendere debebat ipse tutor, vel curator; emptio & venditio subsistit.

§. 897.

De contractibus pupillorum & curandorum.

Contractus pupilli, vel curandi absque tutoris, vel curatoris consensu iniiti invalidi sunt, si vergant in detrimentum pupilli, vel curandi. Contractus enim sunt actus obligatorii (§. 793. part. 3. Jur. nat.). Quamobrem cum pupillus, vel curandus alteri sese obligare nequeat ad aliquid præstandum, nisi hoc fiat in commodum ipsius (§. 895. 896.), consequenter si vergat in detrimentum ejusdem; contractus pupilli, vel curandi absque tutoris, vel curatoris consensu invalidi sunt, si vergant in detrimentum pupilli, vel curandi.

Sunt equidem qui existimant, naturaliter valere etiam contractus minorum, etsi non accedat vel tutoris, vel curatoris consensus; vix tamen nobis contradicere videntur, quippe cum illi supponant minorennitatem civilem, quæ certo anno-

annorum numero definitur, non naturalem de qua nobis hic sermo est (not. §. 895.). Quodsi objicias difficultatem contractuum validitatem æstimandi ex naturali minorennitate; ea tenenda sunt, quæ paulo ante monuimus (not. §. 894.).

§. 898.

Qua de administratione bonorum pupilli demonstrata sunt, De administratione etiam valent de administratione bonorum curandi. Etenim *administratione eadem ratio est, cur tutori & cur curatori competat administratio bonorum, nimirum quia is, cujus bona administranda sunt, ipse rebus suis præesse nequit.* Quamobrem quæ de administratione bonorum pupilli demonstrata sunt, non solum valent de tutore, verum etiam de curatore.

Quamobrem nec opus est, ut cura minorennium parentibus orbis a tutela distinguatur, sed, quemadmodum nostris moribus obtinet, qui tutor est, idem etiam curator manet, etsi post pubertatem, moralem scilicet, jus in actiones personæ non prorsus idem maneat, quemadmodum ipsa potestas patria non toto tempore eadem est, quo eidem subsunt liberi. Sane quamvis cura potissimum respiciat administrationem bonorum minorennis; non tamen curatori naturaliter ademptum est omne jus in actiones personæ, quippe quæ quoad eas, quæ per se rite determinare nondum novit, adhuc pro impubere in sensu morali habetur. Atque hinc patet ratio, cur naturali rationi magis conveniat, ut tutelæ administratio continetur, donec educatio omnis fuerit absoluta, seu majorenitate in sensu morali acquisita. Ceterum ex propositione præsentem intelligitur, non opus esse, ut de administratione bonorum minorennis curatori demandata figillatim agatur.

§. 899.

Curator honorarius dicitur, cui inspectio administrationis bonorum ejus personæ, cui curator datus est, demandata. *De curatore honorario.* Unde intelligitur, *quænam sit curatoris honorarii officium, cum-*

Nnn 3

que

que de curatoribus valeant, quæ de tutoribus quoad administrationem bonorum demonstrata sunt (§. 898.), ad curatorem quoque honorarium applicanda veniunt, quæ de tutore honorario respectu administrationis bonorum demonstrata sunt.

Ita curator curatorii honorario quotannis rationem administrationis reddere tenetur, sicuti tutor administrator tutorii honorario (§. 867.).

§. 900.

De obedientia pupillorum.

Pupilli tutoribus obedire tenentur. Quoniam enim tutoribus idem curæ esse debet in educandis pupillis, quod parentibus (§. 849.), idem quoque jus in actiones eorundem ipsis competit, quod parentibus competeat (§. 159. part. I. Phil. pract. univ.), consequenter jus determinandi actiones eorum (§. 660.), ac ideo liberi easdem ad voluntatem illorum componere debent (§. cit.). Quamobrem cum alteri obediat, qui actiones suas ad voluntatem ipsius componit (§. 205.); pupilli tutoribus obedire tenentur, consequenter inobedientes esse non debent (§. 207.).

Vitanda igitur sunt ea, quæ liberis minime permissa demonstravimus, quando de obedientia & inobedientia eorum egimus (§. 667.).

§. 901.

De obligatione tutorum ut obediant aliis, ipsis insciis ac inconsultis, aut prorsus invidiis, quoad obedientiam pupillorum.

Tutores obligantur pupillos efficere obedientes, nec permittere ut obediant aliis, ipsis insciis ac inconsultis, aut prorsus invidiis. Etenim parentibus ad hæc obligantur (§. 659.), consequenter etiam tutores (§. 849.).

Facile apparet, nos supponere, quod pupilli educantur apud tutorem: alias enim tutor curare saltem debet, ut per alium rite educantur, alter tamen sequi in educatione debet ipsius voluntatem, nec hoc obstante, ipse etiam tutor pupillis præcipere potest, quæ facienda sint, & prohibere non faciend.

da. Quamvis enim per alium faciat, quod ipse facere debet; ipsi tamen imputatur, si qua minus recte fieri permittat.

§. 902.

Quoniam tutor obligatur pupillos efficere obedientes *De jure p-*
nec permittere, ut obediant aliis, ipso inscio ac inconsulto, *niendi pu-*
aut prorsus invito (§. 901.); *eidem quoque competit jus ob-*
ligandi pupillos ad obedientiam præstandam & inobedientiam vitan-
dam, seu actiones suas sic & non aliter determinandas (§. 205.), vitandi ad
consequenter eidem competit jus inobedientes puniendi & præmiis obedi-
invitandi ad obediendum (§. 159. part. 1. Phil. pract. univ. & am.
§. 671, h.).

Nisi jus puniendi pupillos concedatur tutoribus, sine ullo effectu iisdem competit cura educationis, & nullius est efficacæ obligatio pupillorum ad obedientiam. Quamobrem qui curam educandi committit alteri, is etiam eidem concedere debet jus puniendi. Parum vero refert, siue castigationem, siue pœnam vocare velis, qua inobedientes coërcere debent tutores. Nos pœnæ nomen retinemus, ne terminos multiplicemus præter necessitatem. Quæ vero porro superius de obedientia liberorum parentibus præstanda demonstrata sunt (§. 673. & seqq.), ea quoque ad pupillos facile applicantur, ut prolixioribus nobis esse non liceat.

§. 903.

Tutores sunt benefactores pupillorum. Etenim tutores *Quod tuto-*
sunt vicarii parentum in educatione liberorum (§. 848.), *acres sint be-*
ideo eandem curam in eam impendere tenentur, quam *im-nefactores*
pendunt parentes (§. 849.), & propter pupillorum educa-
tionem plurimum molestiarum devorare tenentur, prouti
patet ex iis, quæ de omni educatione liberorum supra demonstrata sunt. Præterea multum quoque negotii ipsis successit bonorum administratio & haud parum molestiæ affert,

vi eorum, quæ de eadem hæcenus demonstrata sunt, & experientia indies confirmat. Quamobrem cum tutores tutelam gratis administrent, omnis autem actus beneficium sit, quo perfectionem alterius ac status ejusdem quomodocunque gratis promovemus (§. 22. *part. 3. Jur. nat.*); tutores sunt benefactores pupillorum.

Equidem tutores, quatenus spectantur ut benefactores, parentibus æquiparari nequeunt, cum ipsis non debeant vitam & sumtus educationis, sicuti hisce; non tamen propterea beneficia ipsorum vilipendenda sunt. Cessat enim in iis obligatio illa naturalis educandi prolem, quæ tenet parentes (§. 263.), nec minoris est relictæ a parentibus conservare atque amplificare, consequenter parva tueri, quam quærere. Quodsi ergo tutela rite administretur, quod hic supponitur, administratio hæc utique non infimum inter beneficia locum meretur.

§. 904.

*De officiis
pupillorum
erga tuto-
res.*

Quoniam tutores sunt benefactores pupillorum (§. 903.), beneficiarius autem benefactorem amare (§. 39. *part. 4. Jur. nat.*), beneficium occasione oblata eidem reddere (§. 41. *part. 4. Jur. nat.*) & animum gratum erga eum habere debet (§. 43. *part. 4. Jur. nat.*); *pupilli tutores amare, beneficium occasione oblata iisdem reddere ac animum gratum erga eos habere debent.*

Officia hæc sunt perpetua, & subsistunt, tutela etiam finita, cum ratio eorundem semper subsistat (§. 118. *Ontol.*). Quatenus eadem officia ad curatores quoque extendantur, facile patet.

§. 905.

Quando tu-

ela & cura- *Quamprimum pupilli ad eum statum fuerint perducti, ut sibi metipsis prospicere possint de iis, quæ ad conservationem sui incutela finiat. digent, & actiones suas juxta legem natura determinare; tutela*
curam

curam complexa finitur: omnis autem cura finitur, quando curandus ipsemet bona sua administrare potest. Etenim tutoribus competit potestas patria naturalis (§. 846.), consequenter ea finitur, quando potestas patria naturalis finitur. Quamobrem cum potestas patria naturalis finiatur, quamprimum liberi ad eum statum fuerint perducti, ut sibi metipsis prospicere possint de iis, quæ ad conservationem sui indigent & actiones suas juxta naturæ legem determinare (§. 775.); tutela quoque iisdem positis finitur, quatenus curam quoque sub se comprehendit. Quod erat unum.

Curator datur bonorum administrandorum causa (§. 842.). Quamobrem si qui sub cura est ipsemet jam bona sua administrare potest, ut administratore non amplius habeat opus; cessante ratione curæ, ea omnino finitur. *Quod erat alterum.*

Nobis hic sermo est de eo, quod naturale est, non quod civile.

§. 906.

Quoniam tutela & cura finitur, quamprimum pupillus *Finis tutela* ipsemet per se actiones suas per legem naturæ determinare, *ac cura ul-* sibi de iis, quibus ad conservationem sui indiget, *prospici-* terius *ex-* exercere & bona sua administrare valet (§. 905.), in sensu *au-* *penditur.* tem morali puberes sunt, quibus jam est ea boni ac mali notitia, ut per se de actionibus suis statuere possint (§. 767.), & naturaliter majorennescunt, quorum per ætatem judicium adeo perfectum est, ut negotia sua per se recte curare norint (§. 768.); ideo patet, *naturaliter tutelam pu-* *bertate in sensu morali accepta, & curam majorennitate natu-* *rali finiri.*

Hæc ideo addimus, ut luculentius constet, quantum juri civili cum naturali conveniat, & quænam inter utrumque differens.

ferentia intercedit. Etenim jure civili tutela pubertate, cura majorenitate finitur; sed utraque civiliter accipitur, quatenus certo annorum numero circumscripta,

§. 907.

*De morte
tutoris &
curatoris.*

Tutela administratio finitur morte tutoris; cura administratio morte curatoris. Etenim quando tutor moritur, tutelam ipsemet amplius administrare nequit, quod per se patet. Quoniam vero tutela personale jus est (§. 539. *part. 3. Jur. nat.* & §. 841. *h.*), jus autem personale cum ipsa persona exinguitur (§. 542. *part. 3. Jur. nat.*); morte quoque tutoris finitur tutelæ administratio. *Quod erat unum.*

Morte curatoris curæ administrationem finiri, eodem modo ostenditur. *Quod erat alterum.*

Morte tutoris non finitur ipsa tutela quoad pupillum, quippe qui tutore adhuc habet opus, ut ideo illa continuanda sit ab alio; finitur tamen administratio, quatenus jus, quod habuit defunctus, non transit in hæredes ipsius, qui se administrationi immiscere nec debent, nec tenentur. Et idem tenendum est de cura,

§. 908.

*De morte
pupilli, vel
curandi.*

Morte pupilli finitur tutela; morte curandi cura. Etenim quando pupillus & curandus moritur, ille non amplius educatore, nec uterque, cum dominium amittat (§. 701. *part. 6. Jur. nat.*), administratore bonorum habet opus. Quamobrem cum tutoris sit educare pupillum & bona ipsius administrare (§. 841. 845.), curatoris vero administrare bona curandi (§. 842.); morte pupilli finitur tutela, morte curandi cura.

Morte adeo pupilli exinguitur omne jus tutoris & morte curandi jus omne curatoris, ut neuter in administratione bonorum quicquam amplius valide agat, nisi adsit periculum in mora:

mora: quo in casu ipsum tenet obligatio damni ab alio aver-
tendi (§. 495. part. 2. *Jur. nat.*), quæ majorem adhuc vim
acquirat ex tutelæ ac curæ gestione, prouti ex sequentibus cla-
rius elucescat.

§. 909.

*Si tutelam tutor, bona curandi curator bene administravit, De honora-
nec tenue sit patrimonium pupillo, vel curando; naturaliter su- rio tutori &
tori & curatori honorarium debetur, non tamen exigere potest. Et curatori de-
enim pupillus tutori beneficium, si potest, reddere tenetur bis.*
(§. 904.), ac idem intelligitur de curando (not. §. cit.).
Quamobrem cum dona sint beneficia (§. 56. part. 4. *Jur.*
nat.), honorarium vero sit donum pecuniarium quod remu-
nerandi animo ob præstationem gratuitam datur (§. 731.
part. 4. *Jur. nat.*), & pupillus ac curandus eodem non gra-
vetur, si habeat patrimonium non nimis tenue ac mediocre,
quod per se patet; quin tum tutori & curatori honorari-
um quoddam debeatur, dubitandum non est. *Quod erat
unum.*

Enimvero ad dandum honorarium nemo cogi potest
(§. 732. part. 4. *Jur. nat.*), consequenter nec pupillus, vel
curandus majorennis factus. Quamobrem tutor finita tu-
tela, vel curator finita cura honorarium exigere nequit.
Quod erat alterum.

Non iniquæ equidem sunt querelæ de honorario non da-
to, si bona præsertim multa fuerunt administranda, & ab ad-
ministratore non modo servata, verum etiam insigniter aucta,
vel si præterea multum curæ ac diligentiz in educationem im-
pendit tutor; non tamen qui jus habet conquerendi de ingra-
titudine alterius, eidem etiam jus est adigendi alterum ad be-
neficium reddendum.

§. 910.

De salario Naturaliter non illicitum est, ut tutori, vel curatori, si ampla tutoris, vel sint bona pupillo, vel curando salarium, atque quod constitutur. Etenim curatoris. si pupillo, vel curando ampla sint bona, pro tutela ac curæ gestione, quam amplitudo patrimonii magis molestam efficit, quidpiam dari tutori & curatori in potestate pupilli, vel curandi est (§. 175. part. 1. Jur. nat.). Quamobrem cum nemo teneatur alteri gratis dare, vel facere, si is vicissim dare, vel facere possit (§. 268 part. 4. Jur. nat.); tutor quoque & curator onus administrationis in se gratis suscipere non tenentur, si ampla sint pupillo, vel curando bona. Quamobrem naturaliter illicitum non est, ut eo in casu tutori, vel curatori constituatur aliquod salarium.

Vidimus æquum esse, ut tutori, vel curatori detur aliquod honorarium, finita tutela, vel cura, si id sit in potestate ejus, qui majorennis factus (§. 909.). Quemadmodum vero de honorario etiam conveniri potest (§. 735. part. 4. Jur. nat.); ac tum idem abit in mercedem (§. 737. part. 4. Jur. nat.); ita eadem quoque est salarii tutori vel curatori danditatio, quæ honorarii, consequenter illius æquitas inde quoque elucescit. Neque vero est, ut excipias, salarium dari quotannis, honorarium nonnisi semel, tutela nimirum, vel cura finita, consequenter illud hoc excedere; cum enim quantitas honorarii dantis arbitrio definiatur (§. 738. part. 4. Jur. nat.), & excedere possit mercedem operarum in deposito & mandato (§. 741. part. 4. Jur. nat.), contractibus beneficiis; tale quoque honorarium tutori & curatori dari potest, quod ipsum salarium, si quod constitutum fuisset, superet.

§. 911.

Quinam Naturaliter tutori, vel curatori salarium constituere nequis, istud consti- nisi pater, vel mater. Etenim pater, vel mater, quando moriuntur, bona sua liberis relinquunt, consequenter de iis quo-

quoque pro arbitrio suo, antequam moriuntur, disponere possunt (§. 118. *part. 2. Jur. nat.*). Quamobrem dum iisdem tutores, vel curatores dant (§. 831. 841. 842.); hisce quoque pro tutelæ, vel curæ gerendæ onere salarium aliquod constituere possunt (§. 910.). *Quod erat unum.*

A morte parentum dominium in bonis relictis competit pupillo, vel curando, consequenter iisdem quoque jus competit de iis disponendi pro arbitrio suo (§. 118. *part. 2. Jur. nat.*), nec ulli alii (§. 121. *part. 2. Jur. nat.*). Enimvero cum pupillus & curandus bona sua nondum administrare valeant (§. 345. 842.); nec ipsi salarium tutori, vel curatori decernere possunt, sed eorundem est statuere de honorario pro gestione tutelæ, aut curæ dando. Præter parentes igitur in statu naturali nemo tutori, vel curatori salarium constituere potest. *Quod erat alterum.*

Naturaliter non repugnat, ut tutor vel curator finita tutela vel cura de honorario in locum salarii succedente cum eo, cui restituuntur bona, conveniat: quodsi tamen hunc non inveniat satis æquum, hoc ipsi ferendum (§. 732. 738. *part. 4. Jur. nat.*). Non est quod excipias, tutorem vel curatorem administrare bona pupilli, vel curandi, consequenter etiam sibi metipsi salarium, naturaliter non illicitum (§. 910.), constituere posse. Neque enim administrat nisi ex voluntate præsumta pupilli, vel curandi, consequenter nil committere potest, nisi quod pupillus, vel curandus ratihabere debet, quatenus administrationis actus vergit in commodum ipsius, cum ipsemet id facere debuisset, siquidem ipse bona sua administrasset. Jus igitur administrandi bona non continet jus sibi pro administratione decernere salarium.

§. 912.

*Tutela, vel cura finita, bona pupillo vel curando & quæ ex De restitutione debentur sunt restituenda & ratio administrationis tione bono-
reddendum & red-*

denda rati- reddenda. Tutela enim, vel cura finita, cessat administra-
one tutela tio bonorum pupilli (§. 845. 842.), consequenter eadem
vel cura fi- sine omni causa sunt in potestate tutoris, vel curatoris (§.
nita. 461. *part. 2. Jur. nat.*). Quamobrem cum qui rem alie-
nam in potestate sua habet, & novit, cujusnam ea sint, ean-
dem domino restituere debeat (§. 467. *part. 2. Jur. nat.*);
finita tutela, vel cura tutor, vel curator pupillo, vel curan-
do bona sua, quæ administravit, restituere debet. *Quod erat*
primum.

Quoniam alter nobis ad id dandum obligatur, quod
debet (§. 170. *part. 1. Phil. pract. univ.*), consequenter ut
det necesse est (§. 118. *part. 1. Phil. pract. univ.*); finita tu-
tela, vel cura, etiam restituendum, quod ex administratione
debet tutor, vel curator. *Quod erat secundum.*

Quoniam pupillo, vel curando constare nequit, quæ-
nam sint bona, quæ sibi restituenda, *vi n. 1.* & quomodo
bona sua fuerint administrata, consequenter quæ sibi ex ad-
ministratione debeantur, adeoque restituenda *vi n. 2* nisi ra-
tionem administrationis reddat tutor, vel curator (§. 700.
part. 4. Jur. nat.); ideo quoque tutor, vel curator pupillo,
vel curando rationem reddere tenentur. *Quod erat*
tertium.

Multa sunt, quæ ex administratione, hoc est, ideo quia
tutor, vel curator bona pupilli, vel curandi, administravit, re-
stituenda. Pertinet huc omne residuum ex fructibus & usu-
ris in educationem non impensis; pertinet etiam huc omne
damnum, quod refarciendum. Quamvis adeo constet ex in-
ventario, quænam fuerint bona, quorum administrationem in
se suscepit tutor, vel curator (§. 864.); nondum tamen hinc
constat, quænam sint restituenda, nisi ratio administrationis
reddatur. Et quamvis ratio quotannis reddita fuerit tutori
honoratio (§. 867.); eam tamen etiam inspicere debet ipse
pupil-

pupillus, vel curandus, ut eidem pateat, num etiam tutor honorarius officio suo satisfecerit; ipsius enim est de administratione bonorum suorum statuere, nec in alieno iudicio naturaliter acquiescere tenetur.

§. 913.

Naturaliter tutor, vel curator omne damnum refarcire tenetur dolo, vel culpa in administratione datum. Etenim quilibet damnum alteri dolo, vel culpa datum refarcire tenetur (§. 580. part. 2. Jur. nat.). Naturaliter itaque tutor etiam, vel curator damnum omne dolo, vel culpa in administratione datum refarcire tenetur.

Naturaliter adeo quæstio nulla est, quamnam culpam præstare debeat tutor, vel curator. Alia vero quæstio est, an in exigenda præstatione culpæ adeo rigidus esse debeat pupillus, vel curandus, quando eidem ratio redditur, an vero, cum ad beneficium reddendum illi obligatus sit (§. 904.), de summo jure non potius quædam remittere debeat (§. 95. part. 3. Jur. nat.).

§. 914.

Si quis saltem tutor educator fueris constitutus, is propter De tutore damnum ab administratore datum non tenetur. Etenim si quis educator, saltem tutor educator fuerit constitutus, ei nulla administratio commissa (§. 841.). Quamobrem nulla ratio est, cur culpa in administrando commissa ipsi imputari debeat. Quamobrem nec tenetur propter damnum ab administratore datum.

Nemo tenetur propter factum alienum, sed propter suum, siquidem ad alienum concurrat. Quamobrem nec tutor educator tenetur propter factum administratoris, si nulla cura administrationis illi relicta. Quod si excipias, naturaliter tutorem quemlibet posse contutorem reddere suspectum (§. 893.), immo removere (§. 894.); probe tenendum est, non obquam-

quamlibet culpam removeri posse tutorem, nec quamlibet culpam manifestam esse ei, qui omnem administrationis rationem non inspicit, consequenter quo inscio ac inconsulto sit administratio.

§. 915.

*De admini-
stratione
divisa.*

Si administratio inter plures tutores, vel curatores fuerit divisa; unusquisque nonnisi damnum sua culpa datum in ea parte, quam ipse administrat, resarcire tenetur. Etenim si administratio inter plures tutores vel curatores fuerit divisa; unusquisque quoad partes ceteris commissas spectandus est respectu ceterorum tanquam tutor educator, cui nihil administrationis demandatum, respectu tutoris administratoris, cui soli administratio competit (§. 841.). Quamobrem cum tutor educator propter damnum ab administratore datum non teneatur (§. 914.); ideo nec tutor vel curator, cui pars administrationis commissa, tenetur propter damnum datum culpa ceterorum in ea parte, quam ipsi administrant. Quoniam tamen quilibet damnum sua culpa datum resarcire tenetur (§. 580. part. 2. Jur. nat.); si administratio inter plures tutores, vel curatores fuerit divisa, unusquisque damnum sua culpa in ea parte, quam ipse administrat, resarcire tenetur.

Eadem hic tenenda sunt, quæ modo annotavimus (not. §. 914.).

§. 916.

*De admini-
stratione
conjunctim
facta.*

Si plures tutores, vel curatores conjunctim administrant; singuli ob damnum culpa datum tenentur equaliter; quodsi ramen ceteri solvendo non sint, qui solvendo est, tenetur in solidum. Etenim si plures tutores vel curatores conjunctim administrant, administratio fieri debet communicato consilio & communi consensu, consequenter si quod damnum culpa datur, id culpa

culpa omnium datum intelligitur, cum nullus pati quoque debeat, ut unus quid faciat, se infcio ac inconsulto. Quoniam itaque quilibet damnum sua culpa datum refarcire tenetur (§. 580. *part. 2. Jur. nat.*), & singuli æqualiter obligentur, quod per se patet; singuli quoque ob damnum culpa datum æqualiter tenentur, si plures conjunctim administrant. *Quod erat unum.*

Quoniam vero plures dantur tutores, vel curatores, qui conjunctim administrant, non alio fine, quam ut magis cautum sit pupillo, vel curando, nec expresse conventum fuit, ut singuli non teneantur ultra ratam, *per hypoth.* ideo omnino plures administratores constituti intelliguntur, ut de eo, quod restituendum est, pupillo vel curando magis sit cautum, consequenter ut, si qui solvendo non sint, qui solvendo est, in solidum teneatur. *Quod erat alterum.*

Tutores conjunctim administrantes respectu pupilli, vel curandi nonnisi unam personam repræsentant, consequenter eorum bona, quæ ei obligata sunt (§. 888.), spectantur tanquam bona unius personæ, ex quibus conjunctim satisfieri debet pupillo, vel curando. Non igitur hic quæritur, cujusnam sint hæc, vel illa bona, sed potius quænam sint bona, ex quibus conjunctim præstandum, quod debetur. Rata igitur a singulis solvenda non habet locum, nisi quando solvi potest, quatenus communis bonorum massa pro toto debito oppignorata respectu tutorum vel curatorum spectatur tanquam divisa.

§. 917.

Tutor & curator honorarius non tenetur nisi ob damnum cal. De eo, quod pa in inspectione administrationis commissum datum. Etenim tutori ac curatori honorario demandata est inspectio administrationis (§. 853.), consequenter ultra ea, quæ inspectio-
Wolffii Jur. Nat. Pars VII.) *curatore honorario præstandum.*

P p p p

nis sunt, obligatio ejus non extenditur. Quodsi ergo in hac nihil admisit, quod culpæ tribui possit; nihil quoque est, quod refarciri ab eo debeat. Quodsi vero tale quid commisit, tum utique damnum sua culpa datum refarcire tenetur (§. 580. part. 2. Jur. nat.). Quamobrem patet tutorem & curatorem honorarium non teneri nisi ob damnum culpa in inspectione administrationis commissum datum.

Valent etiam de tutore honorario, quæ paulo ante de contutorum culpa annotata sunt (not. §. 914.). In casu particulari facile patet, quomodo dijudicandum sit, utrum damnum aliquod culpa tutoris honorarii datum fuerit, nec ne, ut ideo non opus sit in ea prolixius inquiri.

§. 918.

De administratione inter se diviserint; eodem modo tenentur, ac si conjunctim inter tutores vel curatores conjunctim constitutos divisa. Si tutores, vel curatores conjunctim constituti administrationem inter se diviserint; eodem modo tenentur, ac si conjunctim administrassent. Etenim si tutores, vel curatores conjunctim constituti administrationem inter se diviserint; respectu pupilli, vel curandi, perinde est, ac si conjunctim administrassent, & si quod damnum culpa unius datum, id ceteris quoque imputari potest, quod administrationem, quam conjunctim fieri intererat pupilli, vel curandi, diviserint. Nulla igitur ratio est, cur hujus periculo divisio facta esse debeat. Quamobrem tutores & curatores eodem modo tenentur, ac si conjunctim administrassent.

Tutores constituti, ut conjunctim administrarent, ex quasi contractu pupillo obligantur ad bona conjunctim administranda (§. 850.). Quodsi ergo eam inter se dividunt, ipsorum periculo fit divisio, non pupilli, qui ex ea nullum damnum sentire potest.

§. 919.

Pupillus & curandus obligatur tutori & curatori ad impensas administrationis causa factas restituendum & damnum occasione eius datum refarciendum, seu tutorem & curatorem indemnum toris & curatorem. Etenim tutor pupilli, curator curandi nomine administrat, consequenter quæ in administrationem impenduntur, ejus nomine impenduntur, ut ideo perinde sit, ac si ab ipso impensæ fuissent. Quamvis itaque sese obligaverit tutelam, vel curam suscipiens ad fidelem ac diligentem administrationem (§. 850. 842.); non tamen ideo sese obligavit ad impensas suo sumto faciendas, quas administratio exigit. Quamobrem cum nulla ratio sit, cur impensas facere teneatur, nec pupillus, vel curandus cum damno tutoris, vel curatoris locupletior fieri debeat (§. 585. part. 2. Jur. nat.); pupillus tutori, curandus curatori restituere obligatur impensas administrationis causa factas. Quod erat unum.

Similiter cum nemo obligetur naturaliter cum neglectu officii erga seipsum, ac per consequens cum damno suo (§. 493. part. 2. Jur. nat.), alteri præstare officium (§. 609. part. 1. Jur. nat.), consequenter bona ipsius administrare; ideo nec tutori, vel curatori administratio damnosa esse debet. Quodsi ergo tutori vel curatori occasione administrationis damnum aliquod detur, id a pupillo, vel curando refarciendum (§. 582. part. 2. Jur. nat.). Quod erat alterum.

Impensa itaque & damni æstimatio rationibus administrationis recte inferuntur. Per se autem patet, necesse esse, ut probentur. Cum vero impensæ aliæ sint necessariæ, aliæ utiles, aliæ voluptuariæ (§. 604. & seqq. part. 2. Jur. nat.); quoad earum restitutionem eadem tenenda, quæ de negotio-

rum gestore demonstravimus (§. 524. part. 2. Jur. nat.), quemadmodum quoque alia de negotiorum gestione demonstrata ad tutelæ ac curæ administrationem applicari possunt, ut ideo in ea explicanda brevioribus esse licuerit. Inprimis autem notandum est, quicquid agit tutor, vel curator, id fieri ex præsumta pupilli, vel curandi voluntate, ex qua omnino omne jus administrationis metiendum. Sed ea fusius persequi descendendo ad particularia non est instituti nostri. Brevitati enim, quantum datur, studendum.

§. 920.

De re tutoris, vel curatoris administrationis causa oppignorata. Quoniam tutorem pupillus, curatorem curandus indemnem præstare debet (§. 919.); si tutor pupilli, curator curandi causa res sibi proprias oppignoravit, eas ab hoc onere liberatione tenetur pupillus, vel curator, tutela, vel cura finita. Et idem eodem modo intelligitur de fidejussione.

Per se patet, in casu opposito oppignorationem ac fidejussionem fore tutori ac curatori damnosam (§. 1144. part. 5. & §. 794. part. 4. Jur. nat.).

§. 921.

De jure deducendi impen- Naturaliter tutor & curator impensas & alia, qua restitu-
pendendi impen- ere debet pupillus & curandus, deducere potest: & si qua de causa
pendas & a- ipsi quoad ea, ad qua ipsis tenetur pupillus & curandus, statim
lia tutori satisfieri non possit, res ipsis restituenda tamdiu retineri possunt,
ac curatoris donec fueris satisfactum, nisi alio modo satis cautum sit. Jus
restituenda, deducendi impensas & alia, quæ a pupillo & curando resti-
tuenda (§. 919.), competere tutori atque curatoris, eodem
modo ostenditur, quo idem de possessore rei alienæ demon-
stravimus (§. 637. part. 2. Jur. nat.). Quod erat primum.

Quodsi vero quacunque de causa contingat, ut ea, quæ restituenda sunt (§. 919.), non statim restituantur, veluti si controversia de iis oriatur, ut deduci non possint, quando ratio

ratio administrationis redditur (§. 912.), vel etiam res tutoris ac curatoris non statim ab oppignorazione liberentur, aut ipse etiam tutor atque curator a fidejussione, quemadmodum fieri debet (§. 920.); securus omnino esse debet tutor ac curator, ut, quod ipsi debetur, consequatur, vel quod fieri debet, præstetur. Quamobrem cum securitatem præstent res pupilli, vel curandi, si maneant in potestate tutoris, vel curatoris (§. 461. *part. 2. Jur. nat.*); tutor atque curator eas tamdiu retinere possunt, donec ipsis fuerit satisfactum. *Quod erat secundum.*

Enimvero cum securitatem etiam præstet oppignoratio (§. 1142. 1143. *part. 5. Jur. nat.*), & fidejussio (§. 783. *part. 4. Jur. nat.*), consequenter alio quoque modo, quam retentione rerum restituendarum; si tutori, vel curatori alio modo satis cautum sit, res restituenda retineri nequit, donec ipsi fuerit satisfactum. *Quod erat tertium.*

§. 922.

Si filia nubet ac propria habet bona; naturaliter parentes ea De officio ipsi restituere debent, quantum tamen datur prospicere, ut ea serventur. Etenim conjuges conjunctim onera matrimonii circa bona ferre tenentur pro modo facultatum suarum (§. 449.), consequenter si uxor habuerit bona, quæ ex iis proveniunt, pro rata ab utroque conjuge acquisite in onera matrimonii impendenda (§. 448. 450.); bona autem sua administrare potest uxor vel ipsa, vel eorundem administrationem committere marito (§. 441.): immo etiam bonorum communionem contrahere possunt conjuges (§. 439. 440.). Quoniam parentes in bonis, quæ liberis undecunque obveniunt, dominium non acquirunt, sed ea saltem administrare tenentur, nec ususfructus ad eos pertinet, nisi quatenus fructus impenduntur educationi (§. 757.); quando

filia nubet, quæ ipsa bonis suis jam habet opus, *per demonstrata*, nulla amplius ratio est, cur ea mancant in potestate parentum (§. 461. *part. 1. Jur. nat.*). Quamobrem parentes ea filiæ restituere debent. *Quod erat unum.*

Enimvero parentes sibi cavere debent, ne culpa eorum liberi fiant infortunati (§. 732.), consequenter bonis, quæ habent, priventur (§. 409. *part. 1. Phil. pract. univ.*). Quamobrem si filiæ nubenti restituuntur bona, *per demonstrata*; quantum datur prospicere debent, ut ea serventur. *Quod erat alterum.*

Prospicere filiæ nubenti prudentiæ est, & pro diversitate circumstantiarum diversimode prospicitur. Eadem igitur probe expendendæ, ne quid culpæ parentum tribui possit. Quemadmodum natura nullam facit differentiam inter potestatem patris atque matris (§. 661.); ita quoque præsens propositio de utroque parente eodem modo intelligitur. Ceterum facile patet, si quis sibi non sufficiat in iis, quæ prudentia exigit, eum alienum consilium adhibere debere: id quod universaliter valet in omni negotiorum genere.

§. 923.

*De officio
tutorum &
curatorum.*

Quoniam tutores sunt vicarii parentum defunctorum in educatione liberorum (§. 848.), ad quam etiam spectat bonorum, quæ ipsis sunt, administratio (§. 757.), consequenter eadem facere tenentur, quæ parentes facere debent (§. 847.). parentes autem filiæ nubenti bona, quæ habet, propria restituere debent, ac quantum datur prospicere, ut ea serventur (§. 922.); tutores quoque *virgini, quæ sub tutela est, nubenti bona sua & quæ ex administratione debentur* (§. 912.), restituere tenentur, & quantum datur prospicere debent, ut ea serventur. Cumque de curatore eadem valeant, quæ de tutore quoad administrationem bonorum demon-

demonstrata sunt (§. 898.); *idem* etiam de *curatore intelligitur*.

Poterat de utroque *idem* demonstrari eodem modo, quo de parentibus id ostendimus (§. 922.).

§. 924.

Dos dicuntur res, quas uxor affert ad maritum, vel *Dos quid* quæ nomine ejus ipsi traduntur ab alio onerum matrimonii *dicatur*. sustinendorum causa. Nobis dicitur die *Mittgabe*, vel die *Mittgift*.

Constat in Jure Romano vocabulum doris non semper eodem modo sumi. Etenim subinde denotat titulum, quo jus in res uxoris onerum matrimonii sustinendorum causa in maritum transfertur: subinde ipsam hanc rem, vel res, in quibus marito jus istud constituitur; subinde etiam ipsum jus in istis marito constitutum. Quoniam vero nostrum institutum exigit, ut omnem æquivocationem evitemus & vocabulo significatum fixum tribuamus; conveniens nobis visum fuit, ut significatum secundum retineamus, tanquam usitatiorum. Et cum in anterioribus demonstratum fuerit, quale jus naturaliter competat marito in bonis uxoris; definitionem quoque juri naturæ aptare debuimus, consequenter non diximus, res ab uxore transferri in maritum, vel ab eadem tradi, quia naturaliter non repugnat, ut ipsa fœmina bona sua administret, vel etiam per alium administrare curet, & de iis, quæ lucratur, ad onera matrimonii sustentanda ratam suam conferat.

§. 925.

Quoniam dos est res, vel rerum quædam universitas, *De jure ma-* quam uxor affert ad maritum, vel alius ipsius nomine tradit *riti in dose*. onerum matrimonii sustinendorum causa (§. 924.), oneribus vero matrimonii sustinendis non ipsæ res impendi debent, nisi summa necessitas urgeat (§. 452.); *naturaliter marito*

vito non competit nisi jus fructum dotis oneribus matrimonii impendendi, consequenter non dominium plenum in dote habet (§. 137. part. 2. Jur. nat.), sed saltem usumfructum (§. 1420. part. 5. Jur. nat.).

Jus, quod marito in dote competit, dominii nomine subinde venit in Jure Romano, per alias tamen leges ita restringitur, ut ultra usumfructum extendi nequeat. Qua de causa interpretes istius Juris misere sese torquent in conciliandis legibus istis, non attendentes Romanos JCros vocabulum dominii etiam accipere in significato restrictiori, prouti circumstantiæ rei ferunt. Sed ea sunt a foro nostro aliena.

§. 926.

De dotis substantia Quoniam naturaliter marito non competit nisi ususfructus in dote (§. 925.), in usufructu autem salva manere debet substantia rei (§. 1420. part. 5. Jur. nat.); *uxori quam de illa tenenda.* quoque salva manere debet substantia dotis: immo ex eadem ratione de dote intelliguntur naturaliter, qua de usufructu demonstrata sunt in parte quinta Juris naturæ.

Ita autem, quæ de usufructu demonstrata sunt ad dotem applicanda, ut habeatur ratio eorum, quæ de oneribus matrimonii ferendis ac bonis conjugum supra demonstrata sunt (§. 435. & seqq.).

§. 927.

An inter bona uxoris naturaliter quadam sit differentia.

Similiter quia dotis nomine veniunt res, quas uxor ad maritum affert onerum matrimonii sustinendorum causa (§. 924.), naturaliter autem onera matrimonii conjunctim ferre debent, pro modo facultatum suarum (§. 449.), &, si maritus fuerit inops, uxor dives, vel fructus ex omnibus bonis uxoris oneribus matrimonii impendi possunt (§. 446.), immo si per operas suas & ex rebus suis conjuges tantum-

tantundem acquirere nequeunt, quantum ad onera matrimonii ferenda sufficit, de ipsis etiam bonis uxoris quædam iisdem impendi possunt (§. 452.); *naturaliter inter bona, quæ habet uxor, nulla est differentia, sed omnia dotis sub nomine comprehenduntur, quorum fructum non sibi soli expresse reservavit.*

In Jure civili distinguuntur *bona dotalia* a *paraphernalibus*, quorum illa sunt, quæ, dum matrimonium initur, marito onerum ejus sustinendorum causa traduntur, hæc vero sunt, quæ præterea ab eadem inferuntur; sed eam differentiam nescit Jus naturæ, etsi ipsa dos ab eo non abhorreat, prouti ex sequentibus patebit.

§. 928.

Naturaliter de dote & lege eidem imponenda conjuges convenire possunt, prouti ipsis visum fuerit. Etenim naturaliter *tione circa* inter dotem & reliqua bona uxoris nulla est differentia, sed *dotem.*

omnia sub dotis nomine comprehenduntur (§. 927.). Quamobrem cum uxor per pactum marito jus constituere possit in bonis suis, quale voluerit (§. 436.); naturaliter de dote & lege eidem imponenda conjuges convenire possunt, prouti ipsis visum fuerit.

Ex hoc fonte manat jus superioris de dote ferendi leges positivas, quæ commodæ ipsi visæ fuerint. Quæ enim jura per pacta immutari possunt; ea etiam similem mutationem subire valent per leges positivas.

§. 929.

Pacta dotalia dicuntur, quibus a contrahentibus matrimonium de dote convenitur. Idiomate patrio dicuntur *pacta dotalia* *quæ sint.* Ehepacten, quamvis hæc vox latiore habeat moribus nostris significatum. Quoniam naturaliter de dote & lege eidem imponenda convenire possunt matrimonium contrahere. (Wulfii Jur. nat. Pars VII.)

hentes, quomodo ipsis visum fuerit (§. 928.); *pacta dotalia naturaliter licita sunt, modo ab omni fraude sine aliena* (§. 149. *part. 5. Jur. nat.*).

Ita illicita forent pacta dotalia, quibus conveniretur, ne dos marito mortuo reddatur uxori superstiti, prouti ex subsequen-
tibus clarius elucescet, vel ut dotis fructus in dotem conver-
tantur, quia revera tum dos esset nulla, consequenter pactum
qua dotalie absurdum.

§. 930.

De quibus in istis com-veniri possit. Quoniam per pacta dotalia definiri potest jus, quod
marito in dote competere debeat (§. 929.); *jus in ea ipsi naturaliter competens* (§. 925.), per ea augeri potest, vel im-
minui, veluti dominium utile in dote marito constituendo, vel ad-
ministrationem alii demandando, aut uxori reservando, bona omnia
in dotem dando, vel quadam uxori reservando.

Cum eadem vis sit legum positivarum (§. not. §. 928.);
mirum videri non debet, si leges positivæ de dote variant,
nec ex earum discrepantia quarundam colligi potest ini-
quitas.

§. 931.

De dotandis filiabus. Si parentes filiam elocant, qua propria non habet bona, eam
dotare debent pro modo facultatum suarum. Quod si indotatam du-
cere velis maritus, non tenentur: imo si propria filia habuerit bo-
na, eam, si velint, dotare possunt. Etenim parentes operam
dare debent pro virili, ut liberi sui sint fortunati (§. 732.),
consequenter ne careant bonis fortunæ (§. 409. *part. 1. Phil.
pract. univ.*), præsertim si iisdem indigeant ad vitæ necessi-
tatem, vel commoditatem (§. 736.). Quoniam itaque et-
iam uxor onera matrimonii ferre debet pro modo faculta-
tum suarum (§. 449.); ut ferre possit, parentes filiam elo-
cantes, quæ propria non habet bona, eam dotare debent.
Quod erat primum.

Enim-

Enimvero quoniam parentes liberorum fortunam pro virili quidem (§. 732.), attamen non ita promoveri debent, ut ipsi deinceps inopia eorum, quæ ad vitæ necessitatem vel commoditatem requiruntur, laborent (§. 609. *part. 1. Jur. nat.*); parentes filiam elocantes eam dotare debent pro modo facultatum suarum. *Quod erat secundum.*

Et quoniam *maritus* solus onera matrimonii ferre potest, si possit, ac velit (§. 446. *h. & §. 117. part. 3. Jur. nat.*); si velis *indotatam ducere*, parentes dotem dare non tenentur, *quavis dare possent.* *Quod erat tertium.*

Immo cum parentes operam dare debeant pro virili, non modo ut liberi habeant, quæ ad vitam necessaria sunt & ad eam commode agendam requiruntur, verum etiam quæ ad eam jucunde transigendam faciunt (§. 736.), tum etiam fieri possit, ut maritus sit inops, nec multum acquirere valeat; si vel maxime filia propria habuerit bona, hoc non obstante, eam, si velint, dotare possunt. *Quod erat quartum.*

Quoniam matrimonium sobolis procreandæ & educandæ causa contrahitur (§. 270.), fieri autem possit, ut maritus oneribus matrimonii ferendis solus sufficiat, immo etiam uxor per operas ministeriales & artificiales simplices acquirere valeat, quæ ad onera matrimonii marito levanda conferat; matrimonium utique sine dote subsistere potest, consequenter absolute necessarium non est, ut filia dotetur. Ceterum cum parentibus incumbat, ut liberos ad eum perducant statum, quo sibi ipsis prospicere possunt de iis, quibus ad sui conservationem indigent (§. 637.), consequenter etiam ad vitæ consuetudinem, ad quam matrimonium contrahentes conjugii obligantur (§. 473.); doratio filiarum officium parentum est ad educationem pertinens ac ideo naturaliter non minus matris, quam patris est dotare filiam pro modo facultatum suarum,

ne scilicet sibi ipsi desit dotans, præsertim mater, quæ mortuo marito non habet nisi fructus bonorum, unde vitam tolerare possit. Sunt quædam gentes, veluti Sinenſes, quarum moribus patri pecuniæ summam conventam solvere tenetur, qui filiam ducere vult, ut ideo indotatæ ducantur omnes. Nec hoc per se juri naturæ repugnat. Quoniam vero per pacta dotalia conveniri potest, prouti visum fuerit (§. 928. 929.); de dote quoque sub conditione conveniri potest, veluti ut pater, vel mater certam det dotem, si proles una, vel plures nascantur, vel etiam si casu quodam contingat, ut jacturam bonorum faciat maritus, vel non tantum acquirere valeat, quantum onera matrimonii exigunt. Immo cum necesse etiam non sit, ut marito competat administratio rerum dotalium (§. 930.); parentes quoque nonnisi fructus doris conventæ marito solvere possunt, dominio filiz in eadem conservato, administratione autem sibi reservata. Talia autem brevitatis causa particulatim persequi nolumus, cum in dato casu facile intelligantur per ea, quæ in genere demonstrata sunt.

§. 932.

An parentes ad dotandum, vel sic lint. Naturaliter parentes cogi nequeunt ad filiam dotandam & si dotare velint, arbitrio ipsorum relinquendum, quomodo dotare velint. Etenim parentes filiam dotare debent pro modo facultatum suarum (§. 931.), consequenter si hæ dotationem non ferant, dotare non tenentur. Quamobrem cum vi libertatis naturalis parentum sit judicium de eo, quod ferre possint facultates suæ (§. 156. part. 1. Jur. nat.), & conscientiz ipsorum relinquendum, quantum officio suo in promovenda fortuna liberorum satisfacere velint, nec ulli rationem ejus, quod faciunt, reddere teneantur (§. 157. part. 1. Jur. nat.); parentes naturaliter cogi nequeunt ad filiam dotandam, & si dotare velint, arbitrio ipsorum relinquendum, quomodo dotare velint.

Mere

Mere civile est, quod pater ad dotandum compelli possit, mater vero dotare filiam non teneatur nisi ex magna & probabili causa.

§. 933.

Si quis filiam alienam dotet; dotatio donationis quædam species est. Etenim qui filiam alienam dotat, is ipsi dat (§. ne filia aliena. 924.) rem aut pecuniam, quæ in locum rei cujuscunque succedere potest (§. 294. part. 4. Jur. nat.), ut nihil vicissim ab ea recipiat, consequenter gratis (§. 18. part. 4. Jur. nat.). Quamobrem cum datio gratuita donatio (§. 48. part. 4. Jur. nat.); si quis filiam alienam dotet, dotatio donationis quædam species est.

De dotatione itaque filiæ alienæ statuendum est ex iis, quæ de donatione demonstrata sunt in quarta parte Juris naturæ.

§. 934.

Quoniam dotatio filiæ alienæ donationis quædam species est (§. 933.), donationes autem in se illicitæ non sunt (§. 122. part. 4. Jur. nat.), immo variæ quoque dantur causæ, ob quas eadem legi naturæ conveniunt (§. 113. & seqq. part. 4. Jur. nat.), consequenter honestæ sunt (§. 968. part. 1. Jur. nat.); dotatio filiæ alienæ in se illicita non est & honesta ob eas causas, ob quas donatio qualibet legi naturæ convenit.

§. 935.

Dotatio scæminæ ob causam turpem, naturaliter valida est. An ob causam turpem Etenim qui scæminam dotat, ei quid dat (§. 924.), consequenter dominium ejus in eam transfert (§. 675. part. 2. Jur. nat.). Quamobrem cum sola voluntate domini dominium transferatur in accipientem (§. 13. part. 3. Jur. nat.); dotis quoque dominium transfertur in scæminam, consequenter dotatio valida est. Et quoniam in ipso modo

dandi nullum est vitium, etiamsi ob causam turpem detur *per demonstrata*; dotatio quoque ob causam turpem valida manet, consequenter naturaliter valida est.

Facile patet, per demonstrationem propositionis præsentis; dationem quamlibet ob causam turpem validam esse, consequenter quod datum reperi non posse. Non obstat, quod promissio sub conditione turpi facta non sit valida (§. 495. *part. 3. Jur. nat.*), nec quod promissum exigi possit, turpi licet facto perpetrato (§. 496. *part. 3. Jur. nat.*). Alia nimirum est datio, alia promissio. In modo dandi nihil est vitii, sed omnia adfunt, quæ ad transferendum dominium requiruntur, quippe in quo non attenditur causa, ob quam datur: ast in modo promittendi vitium est, (*not. §. 494. part. 3. Jur. nat.*); quod obstat, quo minus ea valida esse, seu obligationem producere & jus ad promissum parere possit. Datio ob causam turpem jure interno illicita est & ad abusum domini pertinet (§. 168. *part. 2. Jur. nat.*); sed cum hic jure externo unicuique sit permittendus, qui nil facit, quod est contra jus tuum (§. 169. *part. 2. Jur. nat.*), externo quoque jure subsistit datio ob causam turpem. Luculenter hinc in genere patet, *dationem ob causam turpem naturaliter esse validam* hoc est, *si quis alteri quid det, ob causam turpem, dominium a transferente in accipientem abire*. Poterat hoc eodem prorsus modo demonstrari, quo propositionem præsentem ostendimus, ac inde hæc, cum dotatio datio quædam sit, per modum corollarii inferri.

§. 936.

De dote fœmina propria bona habentis.

Si fœmina nubens propria habet bona, per se dotata est. Etenim naturaliter inter dotem & alia bona uxoris nulla est differentia, sed omnia, quæ habet uxor, sub dotis nomine comprehenduntur, quorum fructus non sibi reservavit (§. 927.). Quamobrem si fœmina nubens propria habet bona, ea loco dotis sunt, consequenter per se dotata est.

Nimi-

Nimirum nisi quædam bona sibi reservet, omnia ad maritum affert, & ea, quæ ex ipsis proveniunt, quantum necesse est, impenduntur oneribus matrimonii ferendis (§. 449.), consequenter naturaliter dos sunt (§. 924.). Quatenus igitur bona propria habet, dotata est, hoc est, apta ad ferendum onera matrimonii pro rata, & quatenus ea affert ad maritum, dotem affert, hoc est, res vel rerum quandam universitatem, exinde onera matrimonii levare possunt, ne marito soli sint ferenda. Quæ ab his abeunt, mere positivi sunt juris, minime naturalis.

§. 937.

Quoniam fœmina nubens, si propria habet bona, per Quatenus se dotata est (§. 936.); naturaliter nec ipsa ex iis dotem naturaliter rito constituere, nec tutores, vel curatores constituere possunt, nisi dos constituta quatenus fœmina quædam bona reservantur, quorum fructus onerantur a fœminis, vel

Dotis quantitas in se definita non est, & ab arbitrio dotis ejus intore, tantis pendet naturaliter, quantam constituere velit, ut ipsius aut curatore dominii (§. 118. part. 2. Jur. nat.). Quod si ergo mulier re. ampla habuerit bona, nil obstat, quo minus omnium fructus oneribus matrimonii ferendis impendi a marito velit; nec ex adverso quid impedit, quo minus certam saltem bonorum partem iisdem destinet, si vel maxime bona sint tenuia. Immo si maritus velit onera matrimonii solus ferre, ut lucrum fœminæ imputeretur in sortem; naturaliter nil obstat, quo minus id fieri possit. Dos igitur a fœmina locuplere, vel ejus nomine a tutore atque curatore naturaliter non aliter constitui intelligitur, nisi quatenus convenitur de iis, quæ fœmina ad ferenda onera matrimonii conferre debet.

§. 938.

De pactis Si fœmina nubens propria bona habet, ea, vel ipsius nomine dosalibus tutor, aut curator pacta dosalia cum sponso inire potest. Etenim fœmina locupletis.

si foemina nubens propria bona habet, per se dotata est (§. 936.), quatenus nimirum propria bona habet (§. 927.). Quamobrem cum naturaliter de dote & lege eidem imponenda inter se convenire possint conjuges, prouti visum fuerit (§. 928.), ac inprimis foeminæ prospiciendum sit, etiam a tutore, aut curatore (§. 923.), ut substantia dotis servetur (§. 926.), illiusmodi autem conventiones pacta dotalia sint (§. 929.); si foemina nubens propria habeat bona, ea, vel ipsius nomine tutor, aut curator pacta dotalia cum sponso inire potest.

Pacta hæc non superflua censi debent, etiamsi intra terminos juris mere naturalis subsistant, hoc est, non aliter disponatur de ferendis matrimonii oneribus, quam quod juri naturæ convenire supra demonstravimus, quando nihil conventum. Cum enim pacta novam inducant obligationem (§. 789. part. 3. Jur. nat.), nil vero obstat, quo minus etiam nos alteri obligemur ad ea, quæ jam naturaliter debemus; quin in pactis dotalibus declarare possimus, nos intra terminos juris mere naturalis subsistere velle, dubitandum non est.

§. 939.

De rebus in dotem dari possunt res omnes tam corporales, quam incorporeales. Etenim dos constituitur onerum matrimonii sustinendorum causa (§. 924.). Quamobrem cum onera matrimonii sint impensæ, consequenter etiam omnes sumtus (§. 443.), matrimonii causa faciendæ (§. 448.), res tamen ipsæ impendi non debeant (§. 926.); res omnes, ex quibus fructus quicunque percipi possunt, tam corporales, quam incorporales in dotem dari possunt.

§. 940.

Idem porro Quoniam res omnes tam corporales, quam incorporales in dotem dari possunt (§. 939.), res autem corporales vel

vel mobiles, vel immobiles sunt (§. 496. *part. 1. & §. 148. 149. part. 2. Jur. nat.*), in rerum incorporalium numero vero etiam sint ususfructus & nomina, seu jus utendi fruendi aliqua re & debita exigendi ac quæcunque jura alia (§. 498. *part. 1. Jur. nat.*); in dotem dari possunt res tam mobiles, quam immobiles, ususfructus & nomina, ac jura quæcunque alia, item pecunia.

In dotem nimirum dantur res, ex quibus fructus quidam percipiuntur, prouti ex fine intelligitur (§. 924.). Res igitur fructuosæ tam per se, quam quæ arte fructuosæ efficiuntur, in dotem dari possunt. Si quæ vero saltem voluptuariæ fuerint, veluti picturæ & res pretiosæ ornatui inservientes, eadem per se dotis loco haberi nequeunt.

§. 941.

Si res æstimato in dotem dentur; pecunia in dotem data in De rebus æstimatur. Etenim si res æstimato in dotem dantur non alio modo in fine pretium earum determinari intelligitur, quam ut condotem datis. stet, quid salvum mulieri manere debeat (§. 926.). Quoniam itaque nonnisi pretium rei in dotem datum intelligitur, perinde omnino est, ac si pecunia in dotem data fuisset (§. 292. *part. 4. Jur. nat.*). Quamobrem si res æstimato in dotem dantur, pecunia in dotem data intelligitur.

E. gr. Ponamus fundum dotalem taxari pretio quatuor mille thalerorum; tum perinde est ac si quatuor mille thaleri in dotem dati essent,

§. 942.

Quoniam, re æstimato in dotem data, pecunia in dotem data intelligitur (§. 941.); si res æstimato in dotem data in re ista sit, dominium in maritum transfertur, consequenter is eandem consequatur pro arbitrio suo alienare (§. 665. *part. 2. Jur. nat.*), & de ea maritus, quocunque modo pro libitu disponere potest (§. 118 *part. 2. Jur. nat.*).

(Wolffii Jur. Nat. Pars VII.)

Rrrr

§. 943.

§. 943.

Similiter quia, rebus aestimato in dotem datis, pecunia in dotem data intelligitur (§. 941.); *aestimato in dotem dari possunt etiam res, quae usu consumuntur, & infructuosae, veluti mere voluptuariae.*

Nimirum in hoc casu in arbitrio mariti est, utrum res istas vendere & pretium inde redactum in rem suam vertere, an vero eas ipsemet consumere, aut voluptatis causa conservare velit. Perinde nimirum est, ac si res istas sua pecunia emitteret, pecuniam vero dotalem sub usuris collocasset, vel alio modo in commodum suum convertisset.

§. 944.

De pecunia in dotem data. Si pecunia in dotem datur marito ea lege ut eandem in rem suam vertat, vel eandem saltem administret proprio nomine; dominium ejus in eam transfertur. Etenim si pecunia in dotem detur marito, ea lege ut eandem in rem suam vertat; necesse est, ut pecuniam in commodum suum convertere, consequenter erogare possit. Enimvero cum per se pateat, pecuniam aliter erogari non posse, nisi ut dominium ejus in accipientem transferatur, nemo autem dominium transferre possit in alium nisi dominus (§. 662. 668. part. 2. Jur. nat.); si pecunia in dotem datur ea lege, ut maritus eam in rem suam convertat, dominium ejus in eam transfertur. *Quod erat unum.*

Ponamus porro pecuniam in dotem dari ea lege, ut maritus eam saltem suo nomine administrare debeat, consequenter sub usuris collocare, sortem vero servare (§. 926.); patet denuo ut ante dominium pecuniae in ipsum transferri debere. *Quod erat alterum.*

Utrumque etiam hoc modo ostenditur. Si pecunia in dotem datur ea lege, ut maritus eam in rem suam vertere possit,

possit, vel ut ipsi competat administratio; tum usus pecuniæ in dotem datus intelligitur, quia fors salva manere debet (§. 926.). Quamobrem denuo patet ut ante, *per demonstrata* scilicet *n. 1.* dominium pecuniæ in maritum transferri.

Naturaliter fœmina nubens manet domina etiam pecuniæ suæ, etsi ad onera matrimonii ferenda obligetur pro rata (§. 449.). Quamobrem eidem quoque competit administratio sicuti bonorum omnium, quæ habet, ita etiam pecuniæ suæ. Sive igitur eandem per se administret, sive per alium, consequenter etiam per maritum; omnia fiunt ipsius nomine. Quodsi ergo in pactis dotalibus conveniatur, ut administratio marito competere debeat (§. 928. 929.); maritus bona uxoris proprio nomine administrare debet. Moribus nostris & Jure quoque Romano obtinet, ut proprio nomine administret.

§. 945.

Si maritus bona uxoris proprio nomine administret, bona ipsius tam præsentia, quam futura pro iisdem uxori oppignorata sunt naturaliter; minime vero si ipsamet ea vel per se, vel per pro bonis alium quemcumque, etiam maritum, suo nomine administret. Ex- *Quando bona uxoris obligata sint.*
 enim naturaliter omnia bona uxoris sub dotis nomine comprehenduntur, nec inter dotem atque bona alia ulla est differentia (§. 927.). Quamobrem cum dotis substantia salva eidem manere debeat (§. 926.), si per pacta dotalia marito concedatur, ut ea proprio nomine administret, ea lege administratio eidem commissæ intelligitur, ut substantia bonorum ipsi servetur. Quoniam igitur tœmina secura esse debet de substantia bonorum suorum, oppignoratio autem præster securitatem (§. 1142. 1143. *part. 5. J. r. nat.*); quando marito conceditur libera administratio bonorum, id omnino actum intelligitur, ut bona ipsius pro bonis uxoris

ris oppignorata sint, ex quibus ea consequi possit uxor, matrimonio finito. Quodsi ergo maritus bona uxoris proprio nomine administret, bona ipsius tam præsentia, quam futura pro iisdem uxori oppignorata naturaliter. *Quod erat*
monitum.

Enimvero si uxor ipsamet suo nomine bona administret, five hoc faciat per se, five per alium quemcunque, ipsum etiam maritum, cum bona maneant in potestate ipsius, non autem veniant in potestatem mariti (§. 461. *part. 2. Jur. nat.*); ratio quoque cessat, cur in eorum securitatem bona mariti ipsi oppignorata esse debeant, consequenter nec oppignorata sunt. *Quod erat alterum.*

Tacita oppignoratio nonnisi locum habet, quando bona marito actu traduntur, ut ea pro lubitu administret: tum enim tantummodo opus est, ut maritus præstet securitatem de restituendis iisdem matrimonio finito. Si vero nihil accipit, nihil quoque quod restituendum habet. Quodsi maritus nomine uxoris ea administret, tum non spectatur ut maritus, sed ut extraneus, cui suo nomine administrationem demandavit uxor.

§. 946.

De donatione propter nuptias.

Donatio propter nuptias in Jure Romano appellatur donatio mulieri a viro in securitatem dotis facta. *Donatio* igitur *propter nuptias* non minor esse debet dote & quoniam hypotheca constituitur in re immobili (§. 1143. *part. 5. Jur. nat.*), pignus in re mobili in securitatem crediti (§. 1142. *part. 5. Jur. nat.*), naturaliter autem omnia bona mariti obligata sunt uxori pro bonis ipsius, quæ ad maritum attulit (§. 945.), consequenter pro dote ejusdem (§. 924.); *naturaliter donatione propter nuptias opus non est.*

Est igitur ea commentum juris Romani, in quo habet rationem sufficientem, sed quæ deficit in Jure naturali. De
 ea

ea igitur ut plura dicamus, præsentis instituti non est; sicuti ab eodem etiam aliena sunt plurima alia, quæ de ipsa dote in Jure civili occurrunt, a nobis hic minime attingenda.

§. 947.

Morgengaba dicitur donum, quod sponsus dare solet *De Morgen-* sponsæ altero nuptiarum die in præmium virginittatis, seu *gaba*. pudicitix ereptæ, aut propter primum concubitum.

Morgengaba est Juris Germanici, quemadmodum apparet ex antiquis Germanorum legibus, & hodiernum passim obtinet inprimis inter personas illustres & nobiles. Dicitur autem *Morgengabe*, quod vocabulum vi originis donum matutinum significat, quia dabatur mane ante prandium. Differt a donatione propter nuptias Romanorum, quia hæc dabatur in securitatem dotis, aut in recompensationem dotis (§. 946.), atque a *virginitate sponsalitia*, seu muneribus sponsalitiis, quia hæc dantur propter spem nuptiarum amoris declarandi causa (§. 393.). Consistebat ea in re quadam pretiosa, veluti in catena aurea, aut jocalibus, adjecta certa pecunie summa, quæ liberæ uxoris dispositioni relinquitur: postea vero adjecta sunt certa prædia, villæ ac pagi, cumprimis apud Alemanos, non tantum jure usufructus, sed etiam jure proprietatis. Videatur *Müllerus ad Struvii Synt. Jur. civ. Exercit. 30. §. 32. not. e.* Duplicem per modo dicta is dici monet *morgengabam*, alteram per se & *ex sua natura* talem, alteram vero *extensivè* talem *cum augmento Saxonico*, ut præter donum uxori nobili citra conventionem ex bonis mariti defuncti certæ res debeantur, propter solam legis dispositionem. Istiusmodi res sunt omnis generis fæmellæ pecudes, veluti vaccæ cum vitulis, capræ, sues, quorquor harum omnium in agris pascuntur, equæ etiam cum pullis, quæ aratro jungi non assueverunt, sepes, ædificia carpentata & omnis materia lignorum prædiis extruendis comparata. Videatur idem ad *Exercit. 38. th. 41. n. π.*

§. 948.

An jure naturali debeat.

Quoniam morgengaba datur propter primum concubitum, vel in præmium ereptæ virginitatis (§. 947.), fœmina autem mari perfecte obligatur ad concedendum corporis sui usum generationis causâ (§. 308.), consequenter ipso pacto, quo contractum matrimonium est, transtulit in marem, maritum futurum jus eripiendæ virginitatis, vel, si ad secunda vota transit, pudicitia; *morgengaba jure naturali non debetur.* Quoniam tamen naturaliter quilibet jus quoddam in alterum transferre potest ea lege, quæ placuerit (§. 11. part. 3. *Jur. nat.*); *fœmina quoque naturaliter jus eripiendæ virginitatis, vel pudicitia in futurum maritum conferre potest sub modo, ut ipse præmium quoddam post primum concubitum detur, vel certi quispiam donetur, tumque maritus novellus præmium vel donum promissum post primum concubitum dare tenetur* (§. 431. part. 3. *Jur. nat.*), cumque solutio præcise fieri debeat tempore convento (§. 665. part. 5. *Jur. nat.*), *statim mane ante prandium.*

Quamvis itaque morgengaba non sit jure naturali debita, non tamen eidem repugnat, ut pro illicita haberi possit. Et quoniam morum seu consuetudinis atque legum positivarum eadem vis est, quæ pactorum; ideo nec illa legi naturæ repugnant, nec ea invita, obligationem inducere possunt, & ita quoque morgengabam debitam efficere. Ceterum augmentum morgengabæ saxonicum ad eam proprie non spectat, quemadmodum jam ante annotavimus (*not.* §. 947.).

§. 949.

Idem porro expenditur.

Similiter quia morgengaba datur altero nuptiarum die post primum concubitum (§. 947.), consequenter quando matrimonium mutuo consensu perfectum per copulam carnalem consummatum fuit (§. 367.), adeoque amor ille conjugalis incipit, cui nullus alius æquiparandus (§. 465.), donis

donis autem alteri declarare possumus amorem nostrum (§. 116. *part. 4. Jur. nat.*) & alterius quoque amorem nobis conciliare (§. 120. *part. 4. Jur. nat.*), & utroque fine data dona legi naturæ conveniunt (§. 117. 120. *part. 4. Jur. nat.*); *morgengaba* quoque legi naturæ convenit. Et quoniam promittendo nos perfecte alteri obligare possumus ad aliquid dandum (§. 363. 361. *part. 3. Jur. nat.*), consequenter etiam ad donandum (§. 48. 130. *part. 4. Jur. nat.*); *naturaliter quoque sponsus sponsa sese obligare potest ad morgengabam dandam.*

Personæ sponsi magis convenire videtur, ut sua sponte sese obliget sponsæ ad dandam morgengabam, cum promissio causam expressam habere non debeat (§. 594. *part. 1. Jur. nat.*), quam personæ sponsæ, præsertim virginis, ut eam sibi stipuletur. Et spontanea sponsi obligatio ad dandam morgengabam rationes habet magis honestas, quam ejus stipulatio a femina facta, prouti ex collatione demonstrationis utriusque statim patet.

§. 950.

Uxor in morgengaba accepta dominium acquirit. Etenim *Jus uxori in morgengaba* donum est, quod datur sponsæ a sponsa secundo nuptiarum die (§. 947.), consequenter consilii in re, *ba compes* vel pecunia, aut in re & pecunia simul (§. 10. *part. 4. Fir. tens. nat.*). Enimvero datio rei translatio dominii est (§. 675. *part. 2. Jur. nat.*), consequenter accipiens in re data dominium acquirit. Uxor itaque in morgengaba accepta dominium acquirit.

Non obstat augmentum Saxonicum morgengabæ, quod femina demum accipit mortuo marito (*not. §. 947.*). Nil enim impedit, quo minus aliquid promittatur in diem incertum, quod ideo demum accipitur a promissario die isto veniente. Morgengaba cum promitti possit, quæ de modo promit-

mittendi in genere valent, ea etiam valent de morgengaba promissa. Quocunque igitur tempore præstetur, dominium in ea acquirit uxor, quamprimum eandem accipit, ex promissione autem habet jus ad eandem, quale esse potest per ea, quæ promissioni adjiciuntur.

§. 951.

An morgengaba in usufructu consistere possit. Naturaliter morgengaba etiam in usufructu consistere potest, vel etiam in usu nudo. Etenim morgengaba donum quoddam est (§. 947.). Quamobrem cum donum sit res, quæ gratis datur (§. 48. part. 4. Jur. nat.), dari vero etiam potest ususfructus & usus nudus (§. 10. part. 4. Jur. nat.), res incorporales (§. 498. part. 1. Jur. nat.); naturaliter morgengaba etiam in usufructu consistere potest, vel etiam in usu nudo.

Minime hoc repugnat propositioni præcedenti. Cum enim ususfructus & usus nudus sint res incorporales, quæ non minus in dominio esse possunt, quam corporales (§. 216. part. 2. Jur. nat.); si sæminæ loco morgengabæ constituitur ususfructus, vel usus nudus in re aliqua, in eodem non minus dominium habet, quam in re haberet, si ipsa daretur. Facile autem patet, si morgengaba in usufructu, vel usu rei consistit, rem utendam, vel utendam fruendam tradi debere post primum concubitus, facta mentione amoris conjugalis copula carnali iam confirmati: datio enim morgengabæ requirit, ut expressa sit causa (§. 947.), alias nimirum ab alia donatione discerni nequit. Conjunctio animorum, quæ veluti mater est amoris conjugalis illius prorsus singularis, a conjunctione corporum, quo matrimonium consummatur, abesse minime debet. Nec ab usu abhorret, ut etiam certi annui redditus in morgengabam dentur. Vid. Mylerus in Gama-log. c. 6. n. 5.

§. 952.

De filio nubente. Si filius nubes, qui propria non habet bona, qua autem ipse acquirit & uxor ad ferenda onera matrimonii confert, ea hisce sustentant.

sentandis non dum sufficiunt; naturaliter parentes obligantur res quasdam fructuosas, vel pecunia certam summam ei dare, pro modo facultatum suarum. Immo dare etiam possunt, si velint, in casu oppo- sito. Parentes enim operam dare debent pro virili, ut liberi sui sint fortunati (§. 732.), consequenter ne careant bonis fortunæ (§. 409 *part. 1. Phil. præf. univ.*), præsertim si iis indigeant ad vitæ necessitatem, vel comodatatem (§. 736.), eosque perducere in eum statum, quo sibi metipsis prospicere possunt de iis, quibus ad conservationem sui indigent (§. 637.), consequenter etiam ad vitæ consuetudinem, quam contrahunt conjuges (§. 473.). Quamobrem si filius nubens propria bona non habet, nec tantum acquirere valet, quantum oneribus matrimonii ferendis sufficit, symbola licet sua ab uxore collata (§. 449.); naturaliter parentes obligantur res quasdam fructuosas, vel pecuniæ certam summam ei dare. *Quod erat primum.*

Quod vero dare debeant pro modo facultatum suarum, eodem modo ostenditur, quo idem demonstravimus de filia dotanda (§. 931.). *Quod erat secundum.*

Et quod parentes dare etiam possint, si velint, in casu opposito, eodem quoque modo ostenditur, quo idem demonstravimus de filia dotanda (§. *cit.*). *Quod erat tertium.*

Nemo non videt, quod filio nubenti datur a parentibus onerum matrimonii constituendorum causa convenire cum dote filiarum (§. 924.). Usus tamen loquendi non fert, ut filius dotari dicatur, nec quæ de dote demonstrata fuerunt, multo minus ea, quæ de ea juris positivi sunt, ad hæc, quæ dantur filio matrimonii causa, applicari possunt, etsi nec a moribus nostris abhorreat, ut parentes locupletes satisfaciant officio huic. Ceterum ad hoc officium pertinet, ut parentes etiam filiis dent, si opus habuerint eorum ope, quæ ad onera sponsaliorum, & nuptiarum; sustinenda requiruntur, & ad

(Wolffii Jur. Nat. Pars VII.) S s s s insti-

instituendam æconomiam; item ut dent, ubi in usu est, morgengabam.

§. 953.

De consensu parentum ad nuptias liberorum. Liberi sine consensu parentum matrimonium contrahere non debent: quodsi vero sine eodem contrahatur matrimonium, naturaliter id irritum non est. Etenim non solum liberi in omnibus suis actionibus studere debent, ut placeant parentibus, ac sollicitè sibi cavere, ne quid faciant, quod voluntati illorum adversum (§. 745.) ; verum etiam parentum est prospicere felicitati (§. 710.) ac fortunæ liberorum (§. 732.), consequenter providere, ne matrimonium, quod contrahunt, felicitati ac fortunæ eorundem sit adversum. Quamobrem liberi inficiis ac invitis parentibus, consequenter sine consensu eorundem matrimonium contrahere non debent. *Quod erat unum.*

Enimvero quoniam liberi, quando matrimonium contrahunt, jam ea sunt ætate, qua de actionibus suis statuere possunt, cum alias matrimonium, quod sobolis educationem exigit (§. 270.), naturaliter non debeant contrahere (§. 255.), consequenter tum potestas patria naturalis, adeoque jus determinandi actiones liberorum (§. 661.), jam expiravit (§. 775.); consensus parentum non requiritur ad validitatem actus eorum, consequenter matrimonium sine eo contractum subsistit, ac ideo irritum non est. *Quod erat alterum.*

Consensus nimirum parentum ad matrimonium liberorum est honestatis, utpote officio liberorum erga parentes & horum erga ipsos congruens; non vero necessitatis, ut sine eo ipsum pactum, quo matrimonium contrahitur, intrinseco quodam vicio laboret, quod validitati obstet. Et in eo conveni-
jus

jus canonicum cum Jure naturæ. Nondum tamen hinc inferre licet, leges positivas esse injustas, quæ consensum necessarium faciunt, cum eadem quod est officii, seu imperfecte debetur, in perfectæ debitum convertere possint, prouti suo loco ostendetur.

§. 954.

Quoniam per sponsalia sponsus sponsæ & sponsa spon- *De consensu*
so obligatur ad matrimonium incundum (§. 370.), *liberi parentum*
autem sine consensu parentum matrimonium contrahere non *ad sponsalia*
debent (§. 953.); iidem *sine parentum consensu sponsalia in-*
liberorum.
ire non debent. Quoniam tamen matrimonium *sine consensu*
parentum contractum naturaliter irritum non est (§. cit.);
nec sponsalia sine eodem contracta naturaliter irrita sunt, conse-
quenter *nec dissensu parentum dissolvi possunt.*

Juris mere positivi est, quod *sponsalia clandestina* dicantur,
quæ sine consensu parentum celebrantur. Naturaliter solus
cum sola sponsalia celebrare potest: testes enim, si qui adhi-
bentur, non requiruntur ad actus validitatem, sed probationis
causa, si forte contingat, ut pars una altera invita ab iis rece-
dere, nec matrimonium consummare velit (§. 1014. *part. 5.*
Jur. nat.).

§. 955.

Quoniam liberi sine consensu parentum matrimonium *De officio li-*
(§. 953.) & sponsalia inire non debent (§. 954.); *ad ma-*
trrimonium incundum consilium parentum adhibere & *ubi rationes quoad con-*
sensum pa-
rentum in-
petrandum.
suas iisdem exposuerint, consensum eorum requirere debent.

Ita nimirum liberi satisfaciunt officio suo studendi in a-
nibus suis, ut placeant parentibus, ac probant animum nil
committendi, quod sit voluntati ipsorum adversum (§. 745.).
Quodsi ergo parentes quoque satisfaciunt officio suo de feli-
citate & fortuna liberorum promovenda (§. 710. 732.);

nullus metuendus est in sponſalibus ac matrimonio contrahendis parentum atque liberorum diſſenſus.

§. 956.

Quando parentes conſuum denegare non debent, ſi matrimonium cum hac perſona non manuſiſto adverſetur felicitati aut fortuna eorundem. Et enim ſenſum ſuum recte denegent.

ac fortunati (§. 732.). Quamobrem ſi liberi matrimonio velint contrahere, quod manuſiſto eorum felicitati, vel fortunæ, aut utrique adverſatur; in id conſentire nequeunt, conſequenter conſenſum ſuum recte denegant.

Quod erat unum.

Enimvero ſi matrimonium, quod contrahere volunt, liberi, ipſorum felicitati, vel fortunæ, multo minus utrique manuſiſto non adverſetur; nulla quoque ratio eſt, cur in id conſentire nolint, conſequenter conſenſum ſuum denegare non debent. *Quod erat alterum.*

Arduum ac difficile negotium eſt matrimonium contrahere, conſequenter multa circumſpectione opus eſt, ne contracti poeniteat. Parentes, qui ipſimet in matrimonio vixerunt, & ejus commoda & incommoda experti ſunt, & qui præterea longa experientia didicerunt, quænam aliena matrimonia fecere fauſta, vel infauſta, rectius plerumque judicare poſſunt, quænam felicitati ac fortunæ adverſa ex matrimonio aliquo naſci poſſunt, quam juvenes, aut puellæ, experientia iſta deſtituti. Nihil itaque magis naturale eſt, quam ut liberi de matrimonio contrahendo cum parentibus deliberent, & rationes diſſenſus, quas aſſerunt, probe expendant, aut, ſi iis diſcutiendis minime ſufficiant, in parentum potius voluntate acquieſcant, quam ſuam ſequantur. Enimvero non modo liberi, verum etiam parentes, ut in aliis negotiis, ita hic quoque affectibus, quibus indulgent, facile in tranſverſum agunt.

aguntur, ut verum cernere non possint. Quamobrem difficile est, ut sine iudice perito ac impartiali comp. natur controversia de matrimonio contrahendo inter parentes ac liberos orta, & in statu naturali permittendum liberis est, ut suo abundent sensu, sibimetipsis imputaturi, siquidem incauti sese reddant infelices ac infortunatos culpa sua.

CAPUT V.

De Testamentis & successione ab intestato seu Jure hæreditario.

§. 957.

In bona defuncti succedere dicitur, qui a morte defuncti *Successio in*
jus in iis acquirit, quod habuerat defunctus. *bona defun-*
cti quid sit.

Reddenda omnino nobis est ratio, cur hic loci demum agamus de ea quæstione, cujusnam esse debeant bona a defuncto relicta, seu quinam in ea succedere debeat. Nimirum ad hanc quæstionem respondere non datur, nisi constet, quænam sint officia nostra erga eos, qui a nobis per generationem descendunt, vel a quibus nos per eandem descendimus, aut qui nobiscum ab eodem stipite descendunt, seu cognatorum erga cognatos, aut, si mavis, consanguineorum erga consanguineos. Quamobrem methodus, qua utimur, requirebar, ut ante ageremus de matrimonio, de cognatione & de officio parentum erga liberos & liberorum erga parentes cujusvis gradus. Hisce igitur absolutis progredi jam licet ad successionem in bona defuncti demonstrandam.

§. 958.

Qui in bona defuncti succedit, *Hæres* dicitur. Quam- *Hæres qui-*
obrem cum qui in bona defuncti succedit in iis acquirit jus, *nam sit.*
quod habuerat defunctus (§. 957.); *Hæres succedit in omne*

jus, quod habuerat in bonis suis defunctus, consequenter cum huic juri etiam respondeant obligationes, vel saltem ei respondere possint, in omnes etiam obligationes defuncti, quibus respectu bonorum tenetur aliis. Unde porro patet, heredem quoad bona a defuncto relicta personam ejus repræsentare, consequenter cum persona moralis sit subjectum jurium & obligationum (§. 70. part. 1. Jur. nat.); eundem cum defuncto eandem esse personam moralem, in qua omne jus defuncti & omnes obligationes quoad bona ejusdem continuantur.

Probe pendenda sunt, quæ hic dicuntur, ne successionem in bonis defuncti implicemus difficultatibus inextricabilibus præter omnem necessitatem. Cum natura res omnes sint communes (§. 7. part. 2. Jur. nat.); dominium, quo res communes factæ sunt singulorum propriæ (§. 117. 118. part. 2. Jur. nat.), nulli homini natura competit, seu tanquam individuo physico, sed quatenus spectatur tanquam dominus & possessor rerum, ac inde ipsi orta sunt jura alia & ipse obligationes certas contraxit, persona quædam moralis concipienda, cui dominium & omnia jura atque obligationes inde derivata inhzrent (§. 70. part. 1. Jur. nat.). Quamvis itaque homine mortuo individuum physicum intererat, propterea tamen necesse non est, personam moralem interire, quam diximus, cum non repugnet, ut in alio individuo physico subsistat. Immo nec repugnat, ut dicamus, sublato individuo physico personam istam moralem adhuc vivere, dum homo moritur, & in eo subsistere voluntatem defuncti quoad bona sua. Non est quod objicias meras has esse fictiones, a quibus abhorreat Jus naturæ: neque enim in fictionum numero sunt, quæ per ipsam naturam vi abstractionis a se invicem separantur. Sane hoc pacto omnia genera & species rerum, seu omnia entia universalia forent fictiones, quibus in disciplinis nullus esset locus, quia illa in rerum natura nullibi existunt, nec subsistere possunt nisi in rebus, quæ in rerum natura existunt. Immo quis dixerit fictionem, si fluidum grave vi abstractionis dividatur

tur in duo subjecta, quorum uni nonnisi fluiditas, alteri sola gravitas inhæret, ut duo stantur corpora a se invicem diversa, quorum alterum fluidum est, alterum grave, etsi neutrum per se subsistere possit, sed simul subsistant in subjecto aliquo physico, seu corpore in rerum natura existente, veluti in aqua. Entia moralia non minus vera sunt entia, quam physica. Et quod de hisce valet, idem etiam valet de illis. Entia moralia, quæ in iuribus & obligationibus consistunt, cum subsistere nequeant nisi in individuis physicis, hoc singulare habent, ut de uno subjecto in aliud transire possint, nec per eas causas, per quas interimitur individuum physicum, perimuntur. Atque ideo cum individuo physico non necessario inererent, quamvis in eodem amplius subsistere nequeunt.

§. 959.

Jus hereditarium dicitur jus succedendi in bona defuncti. *Jus hereditarium quid sit.* Quamobrem cum bona sint res, quas habuit defunctus, seu quas moriens relinquit, universam, non sigillatim spectatæ, nullo attento earum discrimine (§. 448. *part. 2. Jur. nat.*); *jus hereditarium est jus succedendi in universitatem rerum a defuncto relictarum.*

In præsentī itaque demonstrandum est, quomodo jus hereditarium acquiratur, cum per se nemini competat.

§. 960.

Rerum a defuncto relictarum universitas *Hæreditas* appellatur, & dominium, quod in ea acquiritur, *Dominium universale* vocatur. *Hæreditas & dominium universale quid sit.*

Equidem communiter jus hereditarium, hæreditas & dominium universale promiscue tanquam synonyma usurpantur, vaga dicendi licentia; atamen cum eam non ferat methodus, qua utimur, accurate a se invicem distinguenda sunt, quæ eadem non sunt. Ecquis vero non videt, modo identitatis ac diversitatis notiones distinctas habeat (§. 181. 183. *Ontol.*), bono-

bona a defuncto relicta, jus in ea succedendi & jus in iisdem acquisitum non esse unum idemque? Quæ autem diversa sunt, ea etiam nominibus diversis a se invicem distinguenda (§. 145. *Disc. pralim.*).

§. 961.

De hereditatis susceptione & aditione, & pro herede gestione.

Hereditatem suscipere dicitur, qui verbis, vel facto sufficienter declarat, quod hæres esse velit, consequenter *susceptio hereditatis est acceptatio juris hereditarii* (§. part. 2. *Jur. nat.*). In specie autem *Hereditatis aditio* vocatur, si voluntas ista per verba, aut alia signa æquipollentia, sine ullo facto sufficienter declaratur: aut *Gestio pro herede*, si quis facto sufficienter declarat se heredem esse velle. Quamobrem si quis res quasdam hereditarias administrat alio animo, quam quod hæres esse velit; is pro herede se non gessit.

Retinemus significatum terminorum in Jure civili receptorum ob rationem sæpius jamjam inculcatam, scilicet ut manifestior sit Juris naturæ ac civilis differentia & consonantia, nec confundantur qui utrique Juri operam navant.

§. 962.

Quomodo jus hereditarium & dominium universale acquiritur.

Quoniam hereditatis susceptio est acceptatio juris hereditarii (§. 961.), jus vero transferri nequit nisi in acceptantem (§. 7. part. 3. *Jur. nat.*) & acceptatione acquiritur jus sibi declarum (§. 13. part. 3. *Jur. nat.*); si quis hereditatem suscipit, consequenter vel eandem adit, vel pro herede se gerit, jus hereditarium acquirit, cumque inacceptatione juris hereditarii simul contingatur acceptatio domini universalis (§. 959. 960.), cum jure hereditario simul acquiritur dominium universale.

Utrique qui declarat, sese velle fieri heredem, consequenter habere jus succedendi (§. 959.), is etiam declarat eo ipso, quod

quod dominium universale habere velit (§. 957. 960.), si quidem, quod hic supponitur, acceptatio fiat post mortem hæredem instituentis. Quoniam vero in se non repugnat, ut jus succedendi acceptetur vivo adhuc instituyente, cum dominium universale tum demum acquiratur a morte ipsius, satis patet, jura hæc a se invicem esse distincta, etsi communiter simul acquirantur.

§. 963.

Hæreditas acquiritur, dum quis possessionem rerum a defuncto relictarum occupat. Etenim quando quis possessionem rerum a defuncto relictarum occupat, easdem detinere incipit, ut de iis tanquam suis disponere possit (§. 761. part. 2. Jur. nat.). Quamobrem cum res acquirantur, dum potentia physica ita subjiciuntur, quod per se patet, hæreditas vero consistat in rebus a defuncto relictis (§. 960.): hæreditas acquiritur, dum quis possessionem rerum a defuncto relictarum occupat.

Possessio acquiritur actu corporali, qui consistit in occupatione rerum hereditariarum, cum nemo sit, qui eam tradit, nisi defunctus aliquem constituerit, qui tradat: quod fieri potest, cum per se patet, tum ex infra dicendis elucescet.

§. 964.

Ad hæreditatem pertinent res omnes corporales tam mobiles, quam immobiles, siue fuerint in potestate defuncti, siue in potestate alterius sint, nomina etiam & jura omnia, qualiacunque tandem fuerint: si tamen in rerum numero fuerint aliena, aut rendenda sunt are alieno laboraverit, illa ad hæreditatem non pertinent, hoc ab ea deducendum. Etenim hæreditas consistit in universitate rerum a defuncto relictarum (§. 960.), seu bonis ejusdem (§. 448. part. 2. Jur. nat.). Quamobrem cum res corporales vel mobiles sint, vel immobiles (§. 148. 149. part. 2. Jur. (Wolffii Jur. Nat. Pars VII.) T t t t nat.),

nat.), & ad bona quoque pertineant res nostræ, quæ sunt penes alios, atque nomina (§. 450. *part. 2. Jur. nat.*), immo omnia jura nostra (§. 451. *part. 2. Jur. nat.*), non vero res alienæ, quæ penes nos sunt, & æs alienum (§. 449. *part. 2. Jur. nat.*), ad hæreditatem utique pertinent res corporales omnes tam mobiles, quam immobiles, siue fuerint in potestate defuncti, siue in potestate sint alterius, nomina etiam & omnia jura, qualiacunque tandem fuerint, ablatis tamen rebus alienis, si quæ fuerint in numero rerum defuncti, & deducto ære alieno, si eo laboraverit defunctus.

Nimirum bona, quæ relinquit defunctus, ad hæreditatem pertinent: ea vero non intelliguntur nisi rebus alienis, quæ in rerum defuncti numero sunt, ablatis & ære alieno deducto (§. 449. *part. 2. Jur. nat.*). Quamobrem ut constet, quænam ad hæreditatem pertineant, res alienæ sunt a ceteris separandæ, & æs alienum a massa bonorum deducendum.

§. 965.

Quænam ad eam non pertinent. Jura personalia non pertinent ad hæreditatem. Etenim jus personale cum ipsa persona extinguitur (§. 542. *part. 3. Jur. nat.*), consequenter ab ipsa relinqui nequit, quando moritur. Quamobrem cum ea bona, in quorum numero etiam sunt jura (§. 451. *part. 2. Jur. nat.*), ad hæreditatem pertineant, quæ a defuncto relinquuntur (§. 960.); jura personalia non pertinent ad hæreditatem.

Ususfructus, qui concessus erat defuncto ad dies vitæ, non pertinet ad hæreditatem, nec ad eam pertinent redditus annui defuncto ad dies vitæ præstandi.

§. 966.

Quænam obligationes. Nulla obligationes personales transcunt in heredem. Quicquid enim personale est, id a persona, cui inhaeret, in aliam trans-

transire nequit (§. 543. part. 3. Jur. nat.): Quamobrem *defuncti non*
nec obligationes personales in hæredem transeunt. *transcunt in*

Hæres personam defuncti non repræsentat nisi quoad bona *hæredem*.
na a defuncto relicta ac inde dependentes obligationes (§. 958.), quatenus scilicet vi dominii atque jurium inde ortorum & obligationum originem suam ad id referentium constituitur persona moralis jurium & obligationum istarum subiectum; non vero personam defuncti repræsentat, quatenus est individuum physicum, vel alias adhuc personas morales induit. Unde si delictum commisit defunctus, quod certam pœnam meretur, de eo non tenetur hæres. Similiter hæres non repræsentat defunctum tanquam artificem. Quamobrem si quis hujus operas conduxit ad conficiendum opus; hæres ad idem conficiendum non obligatur, nec si conficere velit, eidem ex contractu tenetur conductor. Operæ nimirum, quæ locantur, personale quid sunt, nec perinde est, a quonam eadem præstentur. Operæ hujus artificis, quæ tibi locatæ sunt, non sunt eadem cum operis alterius cujusvis. Ex eadem ratione, tutore mortuo, ad tutelam administrandam non obligantur hæredes, nec jus administrandi, prouti jam supra (§. 907.) ostendimus, in eos transit. Ac idem valet de cura,

§. 967.

Onus hæreditatis sunt obligationes bonis defuncti adhæ. De onere
rentes. Quamobrem cum hæres succedat in omnes obligatio- *hæreditatis*.
nes defuncti, quibus is respectu bonorum tenetur aliis (§. 958.);
dum hæreditatem suscipit, omne quoque ejus onus in se suscipit.

Retinetur hic significatus generalis oneris, quem eidem tribuimus, cum de promissis ageremus (§. 585. part. 3. Jur. nat.).

§. 968.

Si as alienum superet massam hæreditatis; hæres ultra ejus Quatenus
vires naturaliter non tenetur, nec naturaliter alio animo hæredi- naturaliter
T t t t 2 *tatem onus hære-*

ditatis ferre tatem quis suscipere intelligitur, quam ut ultra vires hereditatis debeat ha- non teneatur. Etenim naturaliter nemo obligatur præstare *res.* id, ad quod præstandum alter obligatur, consequenter pro alio solvere (§. 659. *part. 5. Jur. nat.*), nisi pro alio sese obligaverit, consequenter fidejusserit (§. 782. *part. 4. Jur. nat.*), aut sua sponte hoc facere velit vi dominii in rebus suis sibi competentis (§. 118. *part. 2. Jur. nat.*). Quamobrem cum hæres non fidejusserit pro defuncto, *per hypoth.* (quod si enim contingat fidejussorem fieri hæredem, non qua hæres fidejussit, quod per se patet); naturaliter nec pro defuncto solvere obligatur. Quoniam tamen æs alienum solvendum est ex bonis a defuncto relictis (§. 964.), & hoc facere obligatur hæres (§. 958.); si æs alienum superet massam hereditatis, hæres ultra ejus vires naturaliter non tenetur. *Quod erat unum.*

Et quia nemo præsumitur solvere de suo velle pro alio, nisi expresse hoc declaret, aut actu solvat, qui vero hereditatem suscipit, cum eo ipso acquirat dominium in rebus omnibus a defuncto relictis (§. 962. 960.), hoc facere intelligitur lucri faciendi, non suum perdendi animo, præsertim cum posterius repugnet officio avertendi damni a patrimonio suo (§. 494. *part. 2. Jur. nat.*); naturaliter autem hæres, si æs alienum superet massam hereditatis, ultra vires ejus non tenetur, *per demonstrata n. 1.* naturaliter quoque nemo hereditatem suscipere intelligitur nisi eo animo, ut ultra vires hereditatis non teneatur. *Quod erat alterum.*

Non est quod excipias hæredem repræsentare personam defuncti, immo eandem esse personam moralem cum defuncto, in quo omnes hujus obligationes continuantur (§. 958.), consequenter eum teneri ultra vires hereditatis, ut solvere cogatur de suo, quod ex bonis defuncti solvi nequit. Etenim si defunctus adhuc esset in vivis, ut ipse solveret, non.

non plus tamen solvere posset, quam quantum est in bonis suis, non autem solvere posset de alieno, quod de suo solvere nequit. Representatio itaque personæ defuncti minime exigit, ut ultra vires hæreditatis teneatur hæres. Nec est, quod urgeas, hæredem hæreditatem adeundo quasi contraxisse cum creditoribus defuncti, quod ipsis satisfacere velit, dum omne onus hæreditatis in se suscipit hanc suscipiendo (§. 967. b. & §. 304. part. 5. Jur. nat.), ac ideo ad solvendum obligari ex quasi contractu, citra ullum respectum ad vires hæreditatis. Etsi enim admitatur, hæredem suscipiendo hæreditatem cum creditoribus defuncti quasi contraxisse de debitis defuncti solvendis; non tamen aliter quasi contraxisse intelligitur, quam ea lege, ut non teneatur ultra vires hæreditatis, quia aliter hæreditatem suscepisse non intelligitur.

§. 969.

Quoniam hæres, si æs alienum superet massam bonorum, ultra vires hæreditatis non tenetur, nec naturaliter hanc res in vires alio animo suscipere intelligitur, quam ut ultra vires ipsius hæreditatis non teneatur (§. 968.); si hæreditas æri alieno obnoxia fuerit, ne inquirere cesse est ut de viribus hæreditatis satis constet, consequenter utrum teneatur, as alienum superet massam bonorum, nec ne, ac ideo hæres in hoc inquirere tenetur, antequam declaret, se hæredem fieri velle, consequenter hæreditatem suscipiat (§. 961.).

Si hæreditas æri alieno obnoxia fuerit, non minus creditorum, quam hæredis interest, ut quantæ sint vires hæreditatis exploratum sit, ne de iis lites oriantur inter hæredem ac creditores, si hi urgeant solutionem, ille autem ultra vires hæreditatis solvere nolit.

§. 970.

Quoniam constare debet, utrum æs alienum superet *Quando inventarium* massam bonorum, nec ne, si hæreditas eidem obnoxia fue- *conferi ien-* rit, (§. 969.), ad hæreditatem vero pertinent res omnes *dum & quo-* tam modo.

tam corporales. mobiles ac immobiles, quam incorporales, nomina & jura quæcunque alia, & ut massa bonorum constituitur, æs alienum deducendum, ac si in numero rerum a defuncto relictarum deprehendantur res alienæ, eædem a rebus defuncti propriis separandæ (§. 964.); *res a defuncto relicte una cum nominibus & ære alieno fideliter ac diligenter sunt consignande*, consequenter inventarium fieri debet (§. 864.), *nec sine eo hæreditas suscipienda, si ea æri alieno obnoxia fuerit*. Et quoniam probari debet inventarium fideliter ac diligenter fuisse confectum, si æs alienum hæreditatis vires superare contingat; facta autem probanda sunt per testes (§. 1014. *part. 5. Jur. nat.*); *inventarium fieri debet in præsentia testium in statu naturali*.

Cum hæreditas non constet pecunia numerata, sed rebus etiam corporalibus & incorporalibus, atque nominibus (§. 964.), res autem non semper eo pretio vendi possint, quo a nobis æstimantur, nomina vero omnia non sint adeo certa, ut exigi possint; de viribus hæreditatis non semper certum est judicium, inventario licet confecto, consequenter fieri potest ut de facultatibus defuncti plus speretur, quam in iis est. Quamobrem cum inventarium conficiatur non solum hæreditis, verum etiam creditorum causa, necesse omnino est, ut illud habeat fidem, consequenter ut probari possit, id fideliter ac diligenter confectum esse, nec dolo, vel culpa hæreditis quicquam prætermissum, quod eidem inferendum erat. In statu igitur naturali in præsentia testium fieri debet, qui eidem fidem faciunt, prouti jam supra in casu speciali annotavimus (§. 865.).

§. 971.

De bonorum Si hæres inventarium nullis testibus præsentibus confecit, & specificatio hæreditas æri alieno persolvendo non sufficit; naturaliter hæres ne jurata. creditoribus juratam specificationem bonorum defuncti edere teneat.

inv. Etenim creditoribus probare tenetur hæres inventarium fideliter ac diligenter fuisse confectum, si hæreditas æri alieno defuncti persolvendo non sufficiat, quod per se patet. Quamobrem cum inventarium nullis testibus præsentibus ab hærede confectum per testes probari nequeat, quod denuo per se patet, quando vero res controversa aliter probari nequit, per juramentum probanda (§. 1060. *part. 5. Jur. nat.*); si hæres inventarium confecit nullis testibus præsentibus & hæreditas non sufficit æri alieno defuncti persolvendo, cum naturaliter ultra ejus vires non teneatur hæres (§. 968.), specificationem bonorum juramento confirmare, seu creditoribus juratam bonorum defuncti specificationem edere naturaliter tenetur.

Et si naturaliter specificatio bonorum & inventarium non differant (*not. §. 864.*); poterat tamen ea in statu naturali ab hoc distingui, ut consignatio bonorum in præsentia testium facta dicatur inventarium, facta absque testibus ab hærede solo specificatio, ut terminorum significatus proprius accedat ad eum, quem in Jure civili obtinent. Et, si ita visum fuerit distinguere, nos habebis minime repugnantes, utur omiſſa illa distinctione veritati non præjudicetur.

§. 972.

Hereditatem repudiare dicitur, qui jus hereditarium sibi *Repudiatio hereditatis* delatum acceptare non vult.

Opponitur repudiatio susceptioni hereditatis. Quemad- *quid sit.* modum enim qui hereditatem suscipit, sufficienter significat, se heredem fieri velle (§. 961.); ita qui hereditatem repudiat, sufficienter significat, se heredem fieri nolle. Retinetur hic significatus, quem vocabulo in genere tribuimus (§. 111. *part. 3. Jur. nat.*).

§. 973.

§. 973.

*De libertate
naturali ha-
reditatem
suscipiendi,
vel repudi-
andi.*

A voluntate uniuscujusque pendet, utrum hæreditatem sibi delatam suscipere, an vero repudiare velit. Quoniam enim nemini quid obtrudi potest (§. 200. *part. 4 Jur. nat.*); ideo nec hæreditas obtrudi potest, consequenter invitatus ac re-nuens, seu quando declarat, quod eam acceptare nolit, ean-dem acceptare non tenetur. Quamobrem cum hæredita-tem suscipit, qui jus hæreditarium acceptat (§. 961.), ean-dem vero repudiet, qui idem acceptare non vult (§. 972.); naturaliter a voluntate uniuscujusque pendet, utrum hære-ditatem sibi delatam suscipere, an vero repudiare velit.

Non opus est, ut hic addatur, a voluntate ejus, cui hære-ditas defertur, etiam pendere, ut addatur, quomodo hæredi-tatem suscipere velit, cum naturaliter eam suscipere non in-telligatur, nisi ea lege, ut ultra vires ejus non teneatur (§. 968.). Quodsi enim famæ defuncti consulturus de suo sol-vere velit ea, quibus hæreditas non sufficit; id non facit qua hæres (§. *cit.*), sed qua benefactor (§. 20. 17. *part. 4 Jur. nat.*), consequenter non opus est, ut animum benefaciendi defuncto declarat creditoribus.

§. 974.

*De hæredi-
tatis susce-
ptæ abdic-
tione.*

*Naturaliter hæres hæreditatem susceptam abdicare potest, si inventarium fuerit confectum in præsentia testium, aut jurata spe-
cificatio edatur ab hærede integræ fidei.* Facile patet, nemi-nem hæreditatem susceptam abdicaturum, hoc est, de-claraturum, quod eam habere nolit (§. 972.), nisi ubi deprehenderit, ex bonis defuncti creditoribus satisfieri non posse, aut saltem de eo dubitet, vel etiam si lucel-lum, quod ex hæreditate sperare potest, ipsi non videatur tanti, ut molestiam subeat, sine qua creditoribus satisfieri nequit (§. 892. *Phys. empir.*). Quodsi inventarium fue-rit confectum in præsentia testium, cum in eo res a defun-

defuncto relictae una cum nominibus & ære alieno fideliter sint consignatae (§. 970.); creditorum eadem manet conditio, siue hæreditas nondum suscepta repudietur (§. 972.), siue suscepta abdicetur (§. 115. part. 3. *Jur. nat.*). consequenter qui susceptam abdicat nihil facit, quod est contra jus creditoris (§. 239. part. 1. *Phil. pract. univ.*). Quodsi hæres fuerit integræ fidei, perjurii suspectus non est (§. 757. 926. part. 3. *Jur. nat.*), consequenter juratae specificationi eadem fides haberi debet, quæ inventario in præsentia testium confecto. Quoniam itaque quilibet jus suum abdicare potest, quamdiu nil fit contra jus tertii (§. 118. part. 3. *Jur. nat.*); naturaliter quoque hæres hæreditatem susceptam abdicare potest, si inventarium in præsentia testium fuerit confectum, aut jurata specificatio edatur ab hærede integræ fidei.

Juri naturæ perfectivo, quo quod est melius, consequenter in præsentia casu tutius, alteri præferendum (§. 193. part. 1. *Phil. pract. univ.*), magis convenit, ut inventarium in præsentia testium conficiatur, immo ut testes adhibeantur ipsi creditores, quam ut jurata specificatio edatur, cum non modo securitati creditorum omnium maxime hoc pacto prospiciatur, verum etiam ipse hæres omnem suspensionem famæ suæ adversam a se removeat, prouti virum bonum decet. (§. 963. part. 5. *Jur. nat.*), ut ideo non omni culpa vacet hæres, qui novit multo ære alieno gravari hæreditatem, nec tamen inventarium in præsentia testium conficit (§. 717. part. 1. *Phil. pract. univ.*).

§. 975.

Si parentes moriantur, bona sua liberis relinquere debent: De jure ha-
quodsi eorum quidam fuerint educati, alii vero non fuerint, & quædeditario li-
ab i. sis relinquuntur bona vix educationi horum sufficiant, ea ad alterum.
nondum educatos solos naturæ pertinet, aut si fructus illi suffi-
(Wolffii Jur. nat. Pars VII.) Uuuu ciant,

cient, ad eos ususfructus pertinet solos, donec fuerint educati. Et enim parentes operam dare debent pro virili, ut liberi consequantur bona fortunæ (§. 729.), nec eos privare bonis fortunæ, quibus eosdem augere poterant (§. 730.). Quamobrem cum re nulla amplius indigeant, quando moriuntur, quod per se patet, consequenter bonis suis non amplius habeant opus, immo dominium in iisdem retinere nequeant (§. 700. pars. 6. Jur. nat.); ea liberis suis relinquere debent. Quod erat primum.

Enimvero parentibus curæ esse debet, ut, si ipsos mori contingat, antequam liberi fuerint educati, ipsis relinquunt bona, de quibus sumtus educationis sustentari possunt (§. 734.). Quodsi ergo bona ab ipsis relicta vix educationi eorum sufficiant, qui nondum educati sunt, ceteris ipsorum cura atque ope ad eum statum jam perductis, quo sibi met-ipsis prospicere possunt de iis, quæ ad conservationem sui indigent (§. 637.), naturaliter omnino ad liberos nondum educatos solos bona a parentibus relicta pertinent. *Quod erat secundum.*

Denique si ususfructus bonorum a parentibus relictorum educationi liberorum nondum educatorum sufficiat, parentum erga eos officio satisfactum, si eodem sumtus educationis fuerint sustentati (§. 734.). Quando vero educati sunt, eadem jam est quam liberorum ceterorum conditio, consequenter cum nulla sit ratio, cur substantia bonorum pertineat ad ipsos solos, quæ omnium esse debet, *per demonstrata n. 1.* si ususfructus bonorum educationi liberorum nondum educatorum sufficiat, ad eos quoque solos is saltem pertinet. *Quod erat tertium.*

Quid æquitati naturali conveniat, hic nobis demonstrandum est, sive paradoxum videtur iis, qui notionibus ex Jure civili

civili haustis imbutum possident animum, siue minus. Et quamvis in statu civili standum sit legibus positivis; æquitatis tamen naturalis notitia non censeri debet usus nullius. Eam enim sequi non prohibent leges positivæ, & qui conscientiam rationem habere volunt, illi parere debent. Recte igitur faciunt fratres atque sorores, si in gratiam fratrum, vel sororum nondum educatorum in casu primo ab hæreditate abstineant; eamque totam his relinquunt, in casu autem altero permittant, ut fructus omnes in educationem impendantur, nec ipsa bona inter se ante dividant, quam hi fuerint educati. Nullus dubito neminem fore, qui illa facientem non laudet, nisi ab æquitate animum alienum effecerit nimia lucri cupiditas, manifesto indicio, illam æquitatis notionem hominibus connatam esse, quatenus eam fovet amor fratrum atque sororum perversis affectibus minime imminutus. Ostendimus in superioribus, parentibus beneficia præstari posse in liberis (§. 834.), & in iisdem reddi (§. 835.), & cognatos sibi invicem speciali ratione obligari ad beneficia mutuo præstanda, quantum in potestate est (§. 836.). Quamobrem multo minus absolum videri potest, ut fratres atque sorores abstineant ab hæreditate in gratiam fratrum atque sororum nondum educatorum, aut ut in educationem impendi patiantur omnes bonorum a parentibus relictorum fructus, si sumtus educationis aliter sustentari nequeant.

§. 976.

Officia parentum primi gradus erga liberos suos etiam intel- De officiis ligendi sunt de parentibus gradus cujusunque superioris erga li- parentum beros suos gradus cujusunque inferioris, seu nepotes ac pronepotes, gradus su- & ita porro. Etenim liberi gradus inferioris, veluti nepotes perioris. ac pronepotes, non minus per generationem descendunt a parentibus gradus superioris, quam a parentibus gradus inferioris, & quamvis ab illis non immediate descendant, cum tamen liberi procreentur, ut genus humanum propagetur

Uuuu >

(§.

(§. 264.), a parentibus quoque per generationem liberorum suorum intenditur ulterior generatio liberorum ulterioris gradus, consequenter quæ officia parentes præstare debent liberis suis, quia eos generarunt, ac ideo voluerunt, ut in rerum natura existerent, ea etiam liberis gradus cujuscunque inferioris præstare debent parentibus gradus cujuscunque superioris. Quamobrem cum ex iis, quæ de officiis parentum primi gradus erga liberos suos in superioribus demonstrata sunt, abunde pateat, ea rationem sufficientem non agnoscere nisi in generatione, seu in eo, quod liberos in rerum natura existere voluerint, conservandi generis humani causa (§. 56. *Ontol.*), & posita ratione sufficiente ponatur etiam id, quod per eam potius est, quam non est (§. 118. *Ontol.*); officia parentum primi gradus erga liberos suos etiam intelligenda sunt de parentibus gradus cujuscunque superioris erga liberos suos gradus cujuscunque inferioris, veluti nepotes & pronepotes, ac ita porro.

Natura liberos commendat per generationem. Quamobrem qui ad generationem concurrunt, consequenter ad hoc, ut liberi existant in rerum natura; illi etiam ad ea concurrere debent, ut iidem vitam hominis vivere, eamque, quantum datur, commode ac jucunde transigere possint. Sane ipsa etiam natura parentes superiorum graduum huc ducit, quibus non minus ac parentibus primi gradus instillavit amorem liberorum, qui ex liberis suis procreantur. Satis manifesto se prodit amor iste, nisi aliis affectibus appetitus sensitivus in transversum agatur. Neque enim solum voluptatem percipiunt ex eorum nativitate, verum etiam ex eorundem felicitate ac fortuna. Quamobrem ipsa quoque natura eos stimulat ad eorum felicitatem atque fortunam promovendum (§. 632. 636. *Psych. empir.*). Et hoc amore uniuntur parentes superioris gradus cum liberis inferioris gradus, ut hos spectent tanquam partem sui. Quo vero natura homines ducit, eo etiam eos ten-

tendere jubet ratio, ut sit appetitus sensitivi & rationalis consensus (§. 267. *part. 1. Jur. nat.*), eademque regere debet affectus ceteros, ne adversus amorem naturæ insitum prævalent, & a via recta ad devia deflectatur.

§. 977.

Quoniam officia parentum primi gradus erga liberos *De officio* suos etiam intelligenda sunt de parentibus gradus cujuscun- *rundem in* que superioris erga liberos suos gradus cujuscunque infe- *promovenda* rioris (§. 976.), parentibus autem primi gradus curæ esse *felicitate ac* debet, ut liberos suos reddant felices (§. 710.), ac fortu- *fortuna li-* natos (§. 732.), consequenter bonorum fortunæ partici- *berorum* pes (§. 409. *part. 1. Phil. pract. univ.*); parentibus quoque gradus cu- *gradus cu-* juscunque superioris curæ esse debet, ut liberi gradus cu- *juscunque* juscunque inferioris reddant felices, ac fortunatos, seu bonorum inferioris. *fortuna partici-* pēs, consequenter pro virili conferre debent, quic- *quid ad hoc* quid ad hoc conferre possunt, ut felices ac fortunati, seu bonorum *fortuna partici-* pēs fiant.

Alia est ratio hominum, quam brutorum. Etenim bruta non conservant memoriam prolis suæ, nec hæc, ubi educata fuerit, genitorum suorum ope ac auxilio amplius indiget, sed sibi meritis satis prospicere valet: alia vero prorsus ratio est hominum. Ideo etiam natura amorem illum naturalem, quod educatio prolis ninitur, non extendit ultra prolem primi gradus, nec in ea ultra educationis tempus, cum in hominibus extendatur ad descendentes quoscunque, nec nisi morte parentum terminetur, nisi causæ quædam accidentales eundem supprimant. Sane amorem istum prodit ipsa tristitia, qua perturbatur animus parentum, quando liberi immorigeri in vitia prolapsi felicitati ac fortunæ suæ obicem ponunt (§. 642, *Pfych. empir.*), immo ipsa indignatio, ad quam ab iis adducuntur (§. 873. *Pfych. empir.*). Quodsi homines omnes ratione duce uterentur, quæ modo diximus de amore parentum

U u u 3

supe-

superiorum graduum, ea multo luculentius paterent. Quamvis patria potestas Romanorum prorsus diversa fuerit a naturali; in eo tamen cum jure naturæ conveniebat, quod in eadem etiam essent liberi inferioris gradus & per eandem jus filiationis ad hos quoque extenderetur.

§. 978.

De successione. Si parentes superioris gradus, velut avus & avia, moriantur, ac di sint liberi primi gradus; bona sua relinquere debent liberis inferioris gradus, veluti nepotibus. Et si bona sint tenuia, superiorum, nondum educatorum eadem habenda est ratio, quam habere debent parentes primi gradus in eodem casu. Ostenditur eodem modo, quo idem demonstravimus de successione in bona parentum primi gradus (§. 975.) vi §. 977.

Immo ex iis, quæ de successione in bona parentum primi gradus demonstrata sunt (§. 975.), per modum corollarii idem inferri poterat vi §. 976.

Educatio nimirum, sine qua homo natus conservari & vitam hominis vivere nequit (§. 255.), indispensabilis necessitatis est. Sumtus igitur educationis expensis necessariis accensendi (§. 365. part. 4. Jur. nat.), consequenter ceteris omnibus præferendi (§. 378. part. 4. Jur. nat.). Quoniam igitur cura educationis non minus ad parentes superiorum graduum (§. 831.), quam ad parentes primi gradus pertinet (§. 263.); bona ab iis relicta vix intelliguntur, nisi deductis impensis, in educationem eorum faciendis, quos educare tenentur. Non est quod hinc inferas, in omni casu sumtus in educationem liberorum nondum educatorum faciendos subtrahi debere a bonis relictis, antequam de hæreditate statuatur. Quod si enim fructibus illius partis, quæ nondum educato cedit, sumtus educationis sustentari possunt, parentum officium de suo eos faciendi cessat (§. 527.). Ergo nec educationis in hæreditate amplius habenda est ratio,

§. 979.

§. 979.

Sui heredes sunt, qui per generationem a defuncto descendunt. Quamobrem cum ii, qui per generationem a defuncto descendunt, sint liberi primi vel ulterioris gradus *litter heredes* (§. 578.), *liberi primi ac ulterioris gradus sunt heredes sui.*

In Jure Romano jus heredum suorum deducitur ex patria potestate: sed cum ea naturalis non sit (not. §. 661.), heredum suorum notio formanda erat, qualem Jus naturæ admittit. Atque eadem conformis est notioni communi, nemo enim est, qui nesciat suos appellari recepto usu loquendi eos, qui per generationem ab aliquo descendunt, idiomate patrio dic. Seinigen.

§. 980.

Si defuncto fuerint liberi primi gradus & quidam ulterioris, Desubitione veluti nepotes aut neptes ex filio, vel filia; nepotes subeunt in locum patris, vel matris suæ. Etenim cum non minus libero-
rentum.

rum ulterioris (§. 977.), quam primi gradus fortunæ consulere debeamus (§. 732.), præsertim cum illis desint parentes, qui iisdem prospicere possunt; liberi ulterioris gradus una cum liberis primi gradus in bona defuncti succedere debent. Enimvero cum illi jus succedendi non immediate acquisiverint a defuncto sed mediate per patrem suum, aut matrem; illis competere nequit nisi jus, quod pater, vel mater haberet, si adhuc in vivis esset. Nepotes igitur aut neptes ex filio, vel filia in locum patris, vel matris suæ subeunt.

Jus heredum suorum per natiuitatem acquiritur, ita ut quamprimum quis nascitur, sit hæres suus patris ac matris suæ. Quoniam vero hoc jus etiam pertinet ad liberos ex ipso aliquando nascendos, si ante patrem, vel matrem suam eos mori contingat, liberis relictis; jus hoc transmissibile est, ut hi in idem succedant, parentibus suis mortuis. Quamobrem

rem

rem in aliud jus succedere nequeunt, quam quod patri suo, vel matri competeret, si adhuc in vivis esset, avo vel avia moriente. Quotquot igitur in liberorum ulterioris gradus fuerint, ii simul in locum patris sui, vel matris subeunt, & in capienda hæreditate ejus personam repræsentant. Nihil itaque magis naturale est, quam ut nepotes ac nepres in locum parentis prædefuncti succedant, mortuo avo, vel avia.

§. 981.

De jure re-
præsentatio-
nis.

Jus subeundi in locum parentum suorum, quod competit liberis ulterioris gradus cum liberis primi gradus concurrentibus, vocatur *Jus repræsentationis*. Atque ideo patet, *Jus repræsentationis esse naturale, seu juri natura convenire* (§. 980.).

Dicitur ideo jus repræsentationis, quia liberi ulterioris gradus repræsentant parentes suos quoad jus hæreditarium, quod in iis conjunctim subsistit, quatenus morte parentum in ipsis fuit transmissum. Probe nimirum notandum est, aliud esse transmissionem, aliud translationem juris. *Jus transmittitur* in aliquem, quod ipsi debetur, quamprimum in habente expirat, cum non transferatur nisi voluntate habentis (§. 12. part. 3. *Jur. nat.*). Quemadmodum vero jus, quod unus habet, in plures tanquam commune transferri potest; ita nec repugnat, ut in plures tanquam commune transmittatur. Jus nimirum commune acquirentes unam repræsentant personam moralem.

§. 982.

De successio-
ne paren-
tum.

Si quis improles moritur, naturaliter bona sua relinquere debet parentibus suis primi gradus, aut, his deficientibus, gradus ulterioris, nisi quatenus conjugis superstitis habenda ratio. Etenim liberi non modo parentes inopes alere tenentur, nisi eadem inopia laborent, vel vix liberis suis alendis sufficiant (§. 755.), verum etiam ad beneficium iisdem reddendum, occasione oblata obligantur (§. 741.), & in præstandis officiis huma-

humanitatis, consequenter etiam in promovenda eorum fortuna (§. 612. *part. 1. Jur. nat.*), ipsos præferre debent aliis, conjuge saltem ac liberis propriis, si quos habent, exceptis (§. 754.), immo pro virili conferre ea, quæ vitam eorum commodam atque jucundam faciunt (§. 756.). Quamobrem cum mortui non amplius rebus suis indigeant, quod per se patet; si improles moriuntur, nec conjugis superstitis habenda ipsis ratio sit, naturaliter utique parentibus suis primi gradus bona sua relinquere debent. *Quod erat unum.*

Enimvero non modo parentes gradus ulterioris, veluti avus & avia, sunt vitæ nostræ autores, quatenus spectantur tanquam causa remota ejusdem, consequenter etiam eorum, quæ inde dependent, quod in rerum natura existimus, quod per se satis patet; verum etiam nepotes ac neptes educare tenentur, si parentes moriantur, antequam educati fuerint (§. 831.), immo vivis adhuc parentibus, si hi vel inopes fuerint, vel educationem negligant, & in omni casu ad eandem conferre, quicquid possunt (§. 832.). Quamobrem his quoque ad beneficium reddendum obligantur nepotes atque neptes occasione oblata (§. 41. *part. 4. Jur. nat.*), perinde ac parentibus primi gradus (§. 741.), quemadmodum iisdem non minorem, quam his, reverentiam exhibere debent (§. 827.). Quodsi ergo quis improles moriatur, nec conjugi superstiti prospicere teneatur, deficientibus parentibus primi gradus, quibus in eo casu bona relinqui debent *per demonstrata*, ea relinquenda sunt parentibus gradus superioris. *Quod erat alterum.*

Non par omnino jus est parentum primi ac ulterioris gradus. Quoniam enim parentes gradus primi sese habent per modum causæ proximæ eorum, quæ ipsis quodammodo accepta

(*Wolfii Jur. Nat. Pars VII.*)

X x x

cepta

cepta ferre debemus, parentes autem gradus ulterioris per modum causæ remotæ; ac ideo in præstandis officiis in locum parentum primi gradus non succedunt, nisi his vel deficientibus, vel ea præstare non valentibus; liberi quoque in præstandis officiis erga parentes eos, qui gradus primi sunt, præferre debent illis, qui sunt gradus ulterioris, nisi utrisque simul idem officium exhiberi possit, quale reverentia filialis est (§. 827.). Nec est, quod excipias, parentum superioris gradus majorem esse posse indigentiam, quam parentum primi gradus, consequenter æquius esse, ut in eo casu illis potius, quam hisce relinquuntur bona, quia tum parentes nostri illorum indigentiam sublevare tenentur (§. 755.), ac commoditatem & jucunditatem eorundem pro virili promovere (§. 756.), & nos bona nostra parentibus nostris relinquentes ad hujus officii præstationem concurrimus. Quodsi hi non satisfaciant officio suo, id ipsis, non nobis imputandum. In jure naturæ sequentia ex præcedentibus deducenda, consequenter ex his, quæ fieri debent, inferenda quæ porro facienda. Quamobrem in parentibus ulterioris gradus recte supponitur animus ea faciendi, quæ facere deberent, nisi eadem præstarent parentes primi gradus, & quando desunt vires, supponenda tamen voluntas est. Ac in utroque casu voluntas facta æquiparatur. Quibus hæc paradoxa videntur, hi intimam philosophiam moralem nondum penitus perspexerunt.

§. 983.

De hæredibus naturalibus. *Hæredes naturales* dicere lubet eos, quos ipsa natura constituit: *voluntarius* vero, quos defunctus voluntate sua libus & *voluntarius*, sive expressa, sive tacita, aut præsumta, instituit. Quamobrem cum natura constituat liberos hæredes parentum (§. 975. & seqq.) & vicissim parentes hæredes liberorum improlium (§. 982.); *liberi sunt hæredes naturales parentum* & *parentes hæredes naturales liberorum improlium*.

Liberi quæ hæredes parentum suorum dicuntur hæredes sui (§. 979.). Atque ideo pater, hæredes suos esse speciem quan-

quandam hæredum naturalium. De hæredibus autem voluntariis agitur in sequentibus.

§. 984.

Quoniam liberi sunt hæredes naturales parentum & *Quomodo* parentes hæredes naturales liberorum improlium (§. 983.), *hæreditas* parentes vero sunt cognati ascendentes & liberi descendentes *deseratur.* in eadem linea recta (§. 565. 576. 578.); in linea recta *natura deserit hæreditatem* descendentibus, observato jure representationis (§. 980. 981.), *his autem deficientibus* parentibus secundum gradus (§. 982.).

§. 985.

Jus hæreditarium parentum & liberorum mutuum est jus per- *Quale jus*
fectum. Etenim jus hæreditarium parentum & liberorum *fit jus hære-*
mutuum oritur ex mutuis eorundem officiis erga se invicem, *ditarium*
prouti ex demonstratione ejusdem luculenter patet (§. 975. *parentum*
& *segg. atque §. 982.).* Enimvero societas paterna, quæ *& liberorum.*
inter parentes & liberos contracta intelligitur (§. 633.),
& cum homines generentur atque educuntur generis hu-
mani conservandi causa (§. 264), etiam ad parentes & liberos
gradus remotioris extenditur, quasi pactum est (§. 634.), con-
sequenter officia mutua parentum eaque liberorum & inde
orta jura quasi pacto nituntur. Quamobrem cum ex qua-
si contractu nascantur obligationes, quales ex contractu ve-
ro nascuntur (§. 505. *part. 5. Jur. nat.*), ex contractu autem
nascantur obligationes perfectæ (§. 793. *part. 3. Jur. nat.*),
consequenter jura ipsis respondentia (§. 23. *part. 1. Jur. nat.*),
etiam sint perfectæ (§. 235. 236. *part. 1. Phil. præf. univ.*);
jus hæreditarium parentum & liberorum mutuum est jus
perfectum.

Nemo non agnoscit arctiorem esse obligationem, qua pa-
rentes ac liberi sibi invicem tenentur, quam qua natura co-

teros homines sibi invicem devinxit. Unde multo magis reprehenduntur parentes atque liberi, si desint officio suo, quam alii, qui officia erga alios insuper habent. Et quo magis parentes student fortunam liberorum promovere, eo magis parentis partes omnes adimplere censentur. Ac idem est de liberis judicium. Ipsa itaque ratio hominibus dicitur, ea, quæ parentibus a liberis & liberis a parentibus debentur, magis esse necessitatis, quam voluntatis, sicuti ea, quæ ex contractu debentur, seu ad quæ perfecte nos alteri obligavimus. Quamvis vero vulgo non agnoscatur obligatio, quæ ex quasi contractu venit, & naturalem obligationem firmiorem efficit; ubi tamen rationem reddere volueris, cur arctius vinculum sit illa parentum ac liberorum obligatio, quam qua homines alias inter se copulantur, ea tandem distinctius explicata nos deducet ad quasi contractum, ita ut qui animum ab eo alienum habet non juxta præscriptum legis naturæ generationi prolis operam det, atque ideo quasi contraxisse nolens volens intelligatur, qui prolem a se genitam agnoscit.

§. 986.

An iis auferri possit. Quoniam jus hæreditarium parentum & liberorum jus perfectum est (§. 985.), jus vero istiusmodi acquisitum nemini invito auferri potest (§. 336. pars. 2. Jur. nat.); jus quoque hæreditarium parentibus ac liberis invitis auferri nequit.

Naturalem hanc justitiam agnovere Romani, qui liberos & parentes in testamento necessario hæredes instituendos esse voluerunt, ita ut invalidum sit testamentum, in quo præter-

§. 987.

*Quid sit
abdicatio
liberorum.*

Liberi abdicari dicuntur, si parentes sufficienter declarent, quod eos pro liberis suis agnoscere nolint.

Abdicatio liberorum apud Græcos usu recepta fuit. Quamvis vero moribus nostris non conveniat; ea tamen a Jure natura-

turæ

turæ minime abhorret, quemadmodum ex sequente propositione intelligitur. Ceterum abdicatio liberorum intelligitur tam de parentibus superioris, quam primi gradus.

§. 988.

Si liberi scientes ac volentes ea committunt, quæ e diametro Quando ea ipsorum erga parentes officio repugnant, vel a vita scelestæ sese re-naturaliter vocari non patiantur; naturaliter eos abdicare licet. Etenim si *licita.*

liberi scientes ac volentes ea committunt, quæ e diametro ipsorum erga parentes officio repugnant; ipso facto declarant, quod sese tanquam liberos erga ipsos gerere nolit. Quamobrem indigni sunt, quos parentes pro liberis suis agnoscant, consequenter nec eos pro liberis suis agnoscere tenentur. Lege igitur naturali ipsis datur jus declarandi, quod eos pro liberis suis agnoscere nolit (§. 158. *part. 1. Phil. pract. univ.*). Quamobrem cum ista declaratio sit abdicatio liberorum (§. 987.); si liberi scientes ac volentes ea committunt, quæ e diametro ipsorum erga parentes officio repugnant, naturaliter eos abdicare licet (§. 170. *part. 1. Phil. pract. univ.*). *Quod erat unum.*

Quodsi vitæ scelestæ dediti ab ea sese avocari minime patiantur, per se patet, quod continuo contristantur parentes. Quoniam itaque liberi parentes contristari minime debent (§. 748.), officio liberorum erga parentes e diametro adversatur, quod a vita scelestæ sese revocari minime patiantur, sed in ea perseverent. Quamobrem cum liberos abdicare liceat, si scientes ac volentes ea committunt, quæ e diametro ipsorum erga parentes officio repugnant, *per demonstrata n. 1.* eosdem etiam abdicare licet naturaliter, si a vita scelestæ sese revocari non patiantur. *Quod erat alterum.*

Qui officia liberorum erga parentes in superioribus demonstrata perpendit, facile animadverteret, quænam sint facta, per

quæ illa tolluntur, ita ut quis personam filii exuisse dicendus sit. Ita ferire parentes, aut iis maledicere reverentiæ filiali e diametro adversa, sine qua tamen filii persona concipi nequit (§. 752.). Hæc igitur iusta abdicationis causa est, consequenter multo magis talis erit, si ipsi vitæ patris, vel matris infidias struat. Similiter amor filialis tollitur odio, seu inimico in parentes animo. Quamobrem qui inimicitiam irreconciliabilem fovet, filii personam sustinere nequit. Exemplum vitæ scelestæ est, si filius prædonibus se societ, vel filia meretrix sit.

§. 989.

De quantitate juris hæreditarii liberorum & parentum.

Naturaliter liberi omnes ejusdem gradus æquale jus ad hæreditatem parentum habent, ac vicissim parentes ejusdem gradus ad hæreditatem liberorum. Etenim liberis jus ad hæreditatem parentum competit, quia liberi sunt, prouti ex anterioribus patet, consequenter quia a parentibus suis per generationem descendunt (§. 578.). Quoniam itaque eadem est ratio sufficiens hujus juris in singulis liberis, quorum ceteroquin eadem supponitur conditio, nimirum ut omnes vel jam sint educati, vel non educati (§. 56. *Ontol.*); idem quoque esse debet singulis jus (§. 118. *Ontol.*). Naturaliter itaque liberi omnes ejusdem gradus æquale jus ad hæreditatem parentum habent. *Quod erat unum.*

Similiter parentibus competit jus ad hæreditatem liberorum, quia parentes sunt, prouti similiter ex anterioribus patet. Unde denuo ut ante colligitur, parentes ejusdem gradus ad hæreditatem liberorum æquale jus habere. *Quod erat alterum.*

Natura liberi omnes æquales sunt, quod idem de parentibus respectu liberorum intelligitur: neque enim ulla adest diversitatis ratio est. Quodsi ergo uni illorum prærogativa quædam seu jus potius præ ceteris competere debeat; ex acciden-

cidente aliqua adesse debet ratio; qualis est, si quidam liberi nondum fuerint educati, quibus tamen perinde alimenta debentur, ac ceteris debebantur & præstita fuerunt, fructibus tamen ejus, quam accipiunt, partis sumtus educationis sustentari nequeant. Nisi enim in eo casu admitteretur aliqua prærogativa quoad jus hereditarium, non amplius natura forent æquales, cum conditio illorum deterior foret, quam ceterorum.

§. 990.

Quoniam liberi singuli ejusdem gradus naturaliter æ- *De divisione*
quale jus ad hereditatem parentum habent (§. 989.); *li- hereditatis*
beri singuli hereditatem aqualiter inter se dividere debent, & si inter liberos.
militer qui jure representationis succedunt (§. 980.), eam partem,
quam parens ipsorum accepisset, si adhuc in vivis fuisset.

Dicuntur liberi, qui proprio jure succedunt, *in capita suc-*
cedere, quia personæ singulæ æquales capiunt partes; qui autem succedunt jure representationis, seu jure parentum morte eorundem in ipsos transmissio, *in stirpes succedere* dicuntur, quia quotquot eorum numero sint nonnisi unam tamen personam, defuncti nimirum parentis sui, representant, ac ideo nonnisi unam portionem capiunt, parenti scilicet suo debitam, si adhuc viveret, inter se porro æqualiter ob æqualitatem juris dividendam. Facile autem patet, si omnes fuerint liberi ulterioris, sed ejusdem gradus, veluti nepotes ac nepres, eos jam jure proprio, non vero jure parentum succedere, consequenter cum cesset disparitas juris, quo succeditur, eos in capita succedere, non autem in stirpes. Non igitur opus est, ut hisce demonstrandis ulterius immoremur.

§. 991.

Ex eadem ratione intelligitur, *hereditatem filii, vel filia De divisione*
inter patrem & matrem, hereditatem nepotis, vel neptis inter a- hereditatis
vum paternum & maternum, & aviam paternam atque matrem liberorum.
aqualiter esse dividendam.

Paren-

Parentes enim, cum in bona defunctorum liberorum nunquam succedant, nisi qui sunt ejusdem gradus (§. 978.), consequenter singuli eodem jure succedant; nonnisi in capita succedere possunt, nunquam vero in stirpes (*not.* §. 990.). Ceterum naturale non est, ut attendatur, unde bona venerint sint liberorum, num paterna sint, an materna, vel noviter acquisita. Quamprimum enim quis efficitur rei dominus, res fit ejus propria, nec amplius quaeritur, quomodo ea acquisiverit, cum per se eidem nullum adhæreat onus ex modo acquirendi. Si enim tale onus adhæreret, ex quo alteri jus aliquod nasceretur, de eo disponere non poterat in hujus præjudicium. Et nonne contingere potest, ut quis bona materna, vel paterna consumat, postea vero, ubi ad meliorem statum pervenit, alia acquirat? Quodsi ergo mortuus fuisset, antequam alia acquisivisset, nulla prorsus fuisset hæreditas.

§. 992.

De acceptatione post mortem *post mortem suam acceptari possit.* *transferentis facienda.* *Dominium in alterum transferri potest ea lege, ut nonnisi post mortem suam acceptari possit.* Etenim a domini voluntate unice dependet, quomodo dominium rei suæ in alium transferre velit (§. 11. *part. 3. Jur. nat.*). Quamobrem etiam ea lege transferre potest, ut nonnisi post mortem suam acceptari possit.

Nulla est necessitas, ut consensus transferentis cum consensu accipientis eodem tempore & simul existant. Actus transferentis absolvitur soli declaratione voluntatis suæ, & quamdiu is subsistit (subsistit tamen tamdiu, quamdiu voluntas non mutatur), acceptatio quocunque tempore accedere potest. Quamobrem cum moriens inter vivos velle definat, consequenter quamprimum quis moritur certum fit eum voluntatem suam non mutasse; quin post mortem ejus acceptatio ad actum transferentis accedere possit, ad quod tempus a transferente fuit restricta, dubitandum non est.

§. 993.

Si accipiens ante acceptare non potest, quam post mortem transferentis; necesse non est, ut ante mortem transferentis voluntas ejus ipsi innotescat. Quando voluntas transferentis accipienti innotescere debet, ut accipiendi voluntatem declarare possit, quod per se patet. Quamobrem si non ante hoc fieri possit, quam post mortem transferentis, *per 170th.*; necesse beat accipienti. tem ipsi innotescat.

Quamdiu acceptare non potes, noticia voluntatis transferentis nulli tibi usui est. Sufficit igitur, hanc tibi innotescere eo tempore, quo acceptare potes: E. gr. si Titio committo, ut tibi notum faciat, me tibi aliquid promississe in certum diem, salvo tamen jure revocandi promissum, antequam dies iste venerit; is demum tibi voluntatem meam significare potest, postquam dies venerit, nisi expresse aliter fuerit dictum. Quamobrem si acceptatio fieri debeat post mortem transferentis, ac interea promissum fuisse revocabile; is tibi voluntatem transferentis demum post mortem ejus significare poterit, immo si transferens ita voluerit, non ante debet. Perinde vero est, sive per te, sive per scripturam defuncti ejus voluntas illi innotescat. Nihil in hisce absurdi est, modo dominii & libertatis naturalis, unde exercitium ejus dependet, notionem satis distinctam habueris.

§. 994.

Expressa declaratio voluntatis defuncti de translatione dominii rerum post mortem suam relictarum, & de eo, quod præterea post mortem suam fieri velit, ea lege facta, sit. ut nonnisi post mortem suam acceptatio fieri possit, Testamentum dicitur.

Intelliguntur hic res tam corporales, quam incorporales, cum etiam hæ sint in dominio (§. 216. part. 2. Jur. nat.).
(Wolffii Jur. Nat. Part. VII.) Yyy Quod

Quod vero diximus, voluntatem defuncti declarari quoque posse de eo, quod quis præterea fieri post mortem suam velit; ideo additur, quia in testamento etiam dari potest liberis tutor, vel curator, potest etiam præcipere defunctus, quæ de sepultura sua observari velit, quod monumentum ipsi sit excitandum, quod MSc. quoddam sit in lucem publicam edendum & si qua alia fuerint hujus vel alterius generis,

§. 995.

De revocabilitate translationis dominii acceptatione nonnisi post mortem faciendæ. Si dominium in alterum transfertur ea lege, ut nonnisi post mortem suam acceptatio fieri possit; quamdiu vivit, voluntatem suam transferens mutare potest. Quoniam enim ex acceptatione accipienti nascitur jus in re translata (§. 365. part. 3. Jur. nat.), quod invito eidem rursus adimi nequit (§. 336. part. 2. Jur. nat.); si transferens nolit acceptationem fieri ante mortem suam, non alio fine hoc velle intelligitur, quam ne jus quoddam acquirat ante mortem suam is, in quem dominium suum transferre nunc vult. Quamobrem sibi utique reservat jus mutandi voluntatem suam, quamdiu vixerit, si ita visum fuerit. Quodsi ergo dominium in alterum transfertur ea lege, ut nonnisi post mortem suam acceptatio fieri possit; quamdiu vivit, voluntatem suam transferens mutare potest.

Naturaliter homini competit jus mutandi voluntatem suam, quando mutatio non sit contra jus alterius (§. 377. 378. part. 3. Jur. nat.), & jure quoque interno licita, si mutata fertur in melius (§. 374. part. 3. Jur. nat.). Quando voluntatem nostram declaramus de eo, quod post mortem nostram fieri debet; de eo statuimus pro circumstantiis præsentibus, quoniam futuras prævidere non possumus. Quamobrem cum hæc mutari possint, voluntas quoque nostra non sine ratione mutatur. Illud contingere quoque potest, ut circumstantias præsentis non satis expenderit, quæ posthac penitus

nitiùs inspicere possumus, ut denuo adsit ratio sufficiens ad mutationem. Voluntas igitur hominis recte dicitur ambulatoria usque ad extremum vitæ halitum, quo velle definimus inter vivos. Non igitur absurdum est, ut, quis sibi reservet jus mutandi voluntatem suam, quando disponit de eo, quod demum post mortem suam fieri vult.

§. 996.

Testator dicitur, qui testamentum facit. Et *testari* idem *Testator* significat ac testamentum facere, seu suam de translatione ^{quinam sit} dominii rerum post mortem relictarum voluntatem declarare. Unde *testatus* decedere dicitur, qui testamento facto ^{et quamam} moritur; *intestatus* vero, qui nullo testamento condito ^{ultima vo-} decedit. *Voluntas* vero *ultima* est, qua quis ea vult, quæ post mortem suam fieri debent.

Ultima nimirum, quæ quis velle potest, ea sunt, quæ quis post mortem suam fieri vult.

§. 997.

Testator testamentum mutare potest, quamdiu vixerit, immo De mutatio-
testamento alio non facto intestatus decedere. In testamento *ne testa-*
enim de translatione dominii rerum suarum ita disponit *menti.*
testator, ut acceptatio demum post mortem fieri debeat (§. 994. 996.). Enimvero si dominium in alterum transfer-
tur ea lege, ut nonnisi post mortem suam acceptatio fieri
possit, quamdiu vivit transferens voluntatem suam mutare
potest (§. 995.). Ergo etiam testator testamentum muta-
re potest, quamdiu vixerit. *Quod erat unum.*

Enimvero quoniam testamentum mutans voluntatem suam ultimam mutat (§. 996. 994.). Voluntatis autem ultimæ mutatio permilla unicuique, quamdiu vivit, *per de-*
mon-

monstrata; propterea quod quis testamentum fecerat, non aliud facere cogitur. Quamobrem si velit, vel etiam si contingit ipsum alio testamento non facto mori, alio non facto intestatus decedere potest (§. 996.). *Quod erat alterum.*

Non modo integrum est unicuique vi domini (§. 118. *part. 2. Jur. nat.*), utrum testatus, an intestatus decedere velit; verum etiam haud raro contingit, ut quis intestatus decedat, si vel maxime testatus decedere maluisset, cum mortis horam praevidere minime liceat. Quamobrem cum necesse non sit, ut quis persistat in ea voluntate, quam in testamento declaravit; testamento, quod quis fecerat, sublato, res redit in eum statum, in quo fuerat ante conditum testamentum.

§. 998.

Quando testamentum fiat validum.

Quoniam testamentum mutari potest, quamdiu testator vixerit (§. 997.), consequenter post ejus demum mortem constare potest, ipsum in ea voluntate, quam facto testamento declaravit (§. 994.), perstitisse; *ante mortem testatoris testamentum validum non est, sed morte demum ejus validum efficitur.*

Nimirum testamentum non ante validum, nisi quando voluntas testatoris immutabilis efficitur: tunc enim actus translationis domini rerum a defuncto relictarum perfectus est, ut acceptari possit.

§. 999.

An testamenta sint juris naturalis.

Naturaliter testamentum facere licet. Etenim vi domini dominus de re quacunque sua disponere potest pro arbitrio suo (§. 118. *part. 2. Jur. nat.*), ita ut eidem etiam permittendus sit rerum suarum abusus, quamdiu nil facit contra jus alterius (§. 169. *part. 2. Jur. nat.*). Quamobrem

rem cum naturaliter dominium rerum suarum etiam in alterum transferre possit ea lege, ut nonniti post mortem suam acceptatio fiat (§. 992.), in testamento autem dominium rerum post mortem testatoris relictarum ea lege transferatur (§. 994.); naturaliter testamentum facere licet.

Pater inique, testamenta esse juris naturalis. Non valere rationem, quæ cum *Puffendorffio* in contrarium affertur, quasi ea lege nihil transferri possit, ut is, in quem transferri debet, demum post mortem transferentis acceptare possit, antea jam refellimus (not. §. 992.). Equidem *Feldenus* testamentum juri naturæ repugnare inde infert, quod vero hæredi, hoc est, ei, qui alias ab intestato succederet, auferatur jus suum, quod facere minime licet (§. 64. part. 1. Jur. nat.), quæ olim erat opinio Germanorum, hodie adhuc nonnullorum animos occupans, unde jenatum est vulgare illud: Wer will wohl und seelig sterben, laß sein Gut den recht'n Erben, id est, qui morte beata defungi voluerit, bona sua relinquat hæredi vero; patebit tamen ex sequentibus, deficientibus liberis ac parentibus, nemini jus perfectum ad bona defuncti competere, immo non obstante jure liberorum atque parentum (§. 975. 982.), omne testandi jus minime esse ademptum, quin potius legi naturæ convenienter non minus inter liberos atque parentes, quam respectu aliorum extraneorum non uno modo de rebus post mortem relictis disponi posse. Immo ex sequentibus quoque patebit, successionem ab intestato revera non esse nisi testamentum præsumtum, seu eandem niti præsumta defuncti voluntate. Quamvis vero admittendum sit testamentitactionem juri naturæ non repugnare, immo si recte fiat testamentum, eidem convenire; modus tamen testandi naturalis plurimum differt ab eo, quem Jus Romanum præscribit & qui moribus Germanorum parum convenit, ac contra eos introductus fuit, prouti ex sequentibus elucescit.

§. 1000.

De exhæredatione liberorum.

Liberi exhæredari dicuntur, quibus a parentibus expressa voluntate aufertur hæreditas, vel qui ex numero hæredum excluduntur, seu si parentes expresse declarent, quod in bona post mortem suam relicta succedere non debeant (§. 957. 960.). Quoniam liberi abdicantur, si parentes insufficienter declarent, quod eos pro liberis suis agnoscere nolint (§. 987.), consequenter eo ipso simul declarent, quod jus alias liberis competens in bona post mortem suam relicta succedendi (§. 975.) ipsis competere non debeat; si liberi abdicantur, eo ipso quoque exhæredantur. Quamobrem cum naturaliter liberos abdicare liceat, si scientes ac volentes ea committunt, quæ e diametro ipsorum erga parentes officio repugnant, vel a vita scelestâ revocari sese non patiuntur (§. 988.); naturaliter quoque liberi exhæredari possunt, si scientes ac volentes ea committunt, quæ ipsorum erga parentes officio e diametro repugnant, vel a vita scelestâ sese revocari minime patiuntur.

Abdicationis & exhæredationis liberorum idem effectus est; utraque enim iidem privantur jure liberorum, quod alias natura ipsis tribuit. Exempla igitur justæ abdicationis supra allata (not. §. 988.) sunt etiam exempla justæ exhæredationis.

§. 1001.

Quantum officia humanitatis ad liberos restringantur.

Si parentes absque neglectu liberorum officia humanitatis aliis præstare possunt; ad ea præstanda naturaliter obligantur. Et enim quilibet homo obligatur omnem facere facultatum suarum usum, qui ad perficiendum animam, corpus & statum hominum aliorum & ad arcendum omnem imperfectionem ab eorum anima, corpore & statu requiritur, quatenus id absque neglectu officii erga seipsum fieri potest (§.

609. *part. 1. Jur. nat.*), consequenter quævis præstare officia humanitatis (§. 655. *part. 1. Jur. nat.*). Quoniam hæc obligatio necessaria & immutabilis est (§. 142. *part. 1. Phil. pract. univ.*); nec ab ea liberantur parentes, quod liberos suos in omnibus officiis, quos aliis debemus, ceteris hominibus præferre debeant (§. 733.), consequenter per hoc officia humanitatis tantummodo ita restringuntur ad liberos, ne cum eorum neglectu præstentur aliis. Quodsi ergo parentes absque neglectu liberorum officia humanitatis præstare aliis possunt; ad ea præstanda naturaliter obligantur.

Obligatio specialis non tollit obligationem universalem ad idem, sed tantummodo restringit in casu collisionis, quia illa utpote ex duplici causa proveniens fortior est, consequenter hanc vincit.

§. 1002.

Quoniam parentes, si absque neglectu liberorum officia humanitatis aliis præstare possunt, ad ea præstanda naturaliter obligantur (§. 1001.), ad officia vero hæc pertinet aliorum fortunam, quantum in potestate est, promovere (§. 612. *part. 1. Jur. nat.*), aliis benefacere (§. 23. *part. 4. Jur. nat.*), beneficia occasione oblata reddere (§. 41. *part. 4. Jur. nat.*), itemque mendicis atque egenis eleemosynam dare (§. 220. 244. *part. 4. Jur. nat.*); si parentes absque neglectu liberorum fortunam aliorum promovere, aliis benefacere & beneficia occasione oblata reddere, itemque mendicis atque egenis eleemosynam dare possunt, ad hac singula obligantur, consequenter etiam in gratiam extraneorum & mendicorum ac egenorum de bonis post mortem suam relictis disponere possunt.

Parentes, etsi liberis suis prospicere pro virili debeant, propterea tamen non peccare, si aliis quoque beneficia exhibeant, qui

qui ea merentur, & mendicis atque egenis eleemosynas dent, pro modo facultatum suarum, nemo in dubium vocaverit. Nec facile quis erit, qui affirmaverit, injuriam fieri liberis, si parentes hoc faciant. Cum ergo de bonis suis in eorum gratiam disponere possint, qui beneficia, vel eleemosynam merentur, quamdiu vivunt; nulla sane ratio est, cur jus hoc ipsis denegetur, quando voluntate ultima disponunt de bonis post mortem suam relictis. Si servetur modus, ne in præjudicium liberorum plus detur, quam dari debebat aliis; non habent hi, de quo conquerantur.

§. 1003.

*Legatum
quid sit.*

Legatum dicitur donatio rei cujusdam, vel etiam certæ pecuniæ summæ ultima voluntate facta. Persona vero, cui legatum relinquitur, *Legatarius* vocatur, & qui ultima voluntate quid donat alteri, *legare* dicitur.

E. gr. Si ultima voluntate declaro, quod domum meam vel hortum habere debeas; domum, vel hortum tibi lego. Similiter si volo, ut post mortem meam inter pauperes distribuantur centum thaleri; pauperibus centum thaleros lego. Differt adeo legatum ab hæreditate, quia hæc consistit in universitate rerum a defuncto relictarum (§. 960.); legatum vero nonnisi in re quadam particulari, aut in rebus quibusdam particularibus, vel etiam in certa quadam pecuniæ summa.

§. 1004.

*Quando juris
naturalis.*

Quoniam legatum donatio est (§. 1003.): quando donationes legi naturæ conformes sunt (§. 112. & seqq. part. 4. Jur. nat.), legata quoque eidem conveniunt.

Quemadmodum temere donandum non est (§. 104. part. 4. Jur. nat.), ita nec temere legandum. Quemadmodum vero donatio temeraria valet (§. 107. part. 4. Jur. nat.); ita & legatum temerarium valet. Quodsi tamen manifesta fuerit legantis temeritas, idem omnino est legatarii officium, quod dona-

prium rationem habere, quibus aliquando bona sua relinquere debent liberi sui, immo ad animum quoque revocare casus, quibus fortuna hominum obnoxia est, ne ex statu tantummodo præsentis liberorum fiat iudicium. Multa igitur circumspeditione opus est, ne in legendo modum excedat, nec habeant liberi, de quo vel in præsentis, vel futuro tempore iure conquerantur.

§. 1006.

Quatenus Si liberi absque neglectu parentum officia humanitatis aliis officia humanitatis præstare possunt; ad ea præstanda obligantur. Quoniam liberi in præstandis officiis humanitatis in casu collisionis parentes aliis præferre debent, conjuge saltem ac liberis propriis, si quos habent, exceptis (§. 754.), quemadmodum parentes liberos suos præferre tenentur in casu collisionis aliis (§. 713.); propositio præsens eodem modo ostenditur, quo supra demonstravimus parentes obligari ad præstanda humanitatis officia aliis, si ea absque liberorum neglectu præstare possunt (§. 1001.).

§. 1007.

Idem in specie expenditur Hinc porro eodem, quo supra (§. 1002.), modo ostenditur, liberos quoque obligari fortunam aliorum promovere, aliis benefacere & beneficia occasione oblata reddere & mendicis atque egenis elemosynam dare, immo eos posse in gratiam eorum, qui beneficia merentur, & mendicorum ac egenorum de bonis post mortem suam relictis dispendere.

Sane si quis nonnisi parentum, liberorum atque conjugum rationem habere deberet, omnis cessaret obligatio humanitatis officia præstandi aliis, quæ tamen naturaliter non restringuntur, nisi quatenus ea in potestate nostra non sunt (§. 611. part. 1. Jur. nat.). Tum vero demum in potestate nostra non esse intelliguntur, si absque neglectu non modo nostri,

ftri, verum etiam eorum, qui pars nostra esse censentur, aut quorum pars nos sumus, hoc est, liberorum atque parentum præstari possunt. Quodsi vires humanæ essent inexhaustæ, officia humanitatis promiscue deberentur absque ulla restrictione. Enimvero quoniam admodum limitatæ sunt, natura quosdam arctiori vinculo inter se copulavit, ut ea sibi invicem præstent, non tamen exclusis ceteris, quantum arctius hoc vinculum permittit.

§. 1008.

*Si liberi habeant patrimonium amplum, vel parentibus jam Quando le-
adsint, quæ vista necessitati, commoditati ac jucunditati inserviant; gata a libe-
pro modo facultatum suarum legata beneficia merentibus & paupe- ris relinqui
ribus relinquere possunt. Idem eodem modo ostenditur vi §. possint.
1007. quomodo id de legatis parentum paulo ante demon-
stravimus (§. 1005.).*

Eadem hic, mutatis mutandis, tenenda sunt, quæ paulo ante annotavimus (not. §. 1005.).

§. 1009.

*Collateralibus qua talibus non aliter speciali quadam ratione Quatenus
obligamur ad præstanda officia humanitatis, quam quatenus in ipsis collateralibus
beneficium redditur parentibus communibus primi, vel ulterioris gra- bus speciali-
bus. Quoniam enim officia humanitatis sunt officia erga ter obligati
alios, quibus eorum perfectio promovetur (§. 655. part. 1. sumus ad
Jur. nat.), actus vero omnis beneficium est, quæ perfectio- præstanda
nem alterius ac status ejusdem quomodocunque gratis pro- officia hu-
movemus, aut imperfectionem præcavemus (§. 22. part. 4. manitatis.
Jur. nat.); officia humanitatis, quippe quæ gratis præstari
constat, beneficiorum loco sunt. Quamobrem cum bene-
ficium reddat, qui beneficium tribuit ei, a quo accepit, pro-
pterea quod accepit (§. 32. part. 4. Jur. nat.); beneficium
alteri reddimus præstando officia humanitatis. Quoniam*

Zz'zz a

ita-

itaque liberi obligantur ad beneficium reddendum parentibus, occasione oblata (§. 741.), & ex demonstratione superiori successionis parentum (§. 982. n. 2.) patet, idem quoque extendendum esse ad parentes gradus cujuscunque superioris, beneficium vero parentibus reddi potest etiam in liberis eorundem (§. 719. *part. 6. Jur. nat.* & §. 712. 976. *h.*); naturaliter ad præstanda officia humanitatis obligamur collateralibus, quia nobiscum communem quendam parentem primi, vel ulterioris gradus habent (§. 590. 575.), consequenter qua talibus. *Quod erat unum.*

Enimvero inter cognatum collateralem & alium quemcunque respectu nostri non alia datur differentia, quam quod cum illo communem quendam parentem, cujus memoriam habemus, veneremur (§. 590. 575. *h.*). Collateralibus itaque qua talibus non aliter speciali quodam ratione obligamur ad præstanda officia humanitatis, quam quatenus in ipsis beneficium redditur parenti communi primi, vel ulterioris gradus. *Quod erat alterum.*

Quoniam collaterales non per nativitatem a se invicem descendunt, sicuti liberi a parentibus; ideo non paria ipsorum jura sunt, quæ parentum & liberorum; nec eadem illos tenet obligatio, quæ his natura inest. Natura tamen eos inter se copulat, quatenus a communi quodam stipite descendunt, qui quo ipsis proprius est, eo ætius quoque intelligitur vinculum. Sunt enim membra familiæ stipitis sui, ad quem referuntur (§. 585.), ita ut alii sint in familia patris & matris, veluti fratres atque sorores, alii in familia avi nostri, vel avix, alii in familia proavii nostri & proavix, ac ita porro (§. 587. & *seqq.*). Quamobrem si beneficia rependuntur parentibus in liberis suis; vel rependuntur patri aut matri & fratribus ac sororibus, vel avo & avix, vel proavo, aut proavix in iis, quæ ab ipsis descendunt, ac ita porro. Natura igitur fratres ac sorores amari non modo jubet qua homines, verum etiam propter

propter patrem nostrum ac matrem, & collaterales ceteros propter avum ac aviam, proavum & proaviam, & ita porro, ac in linea inæquali respective propter parentem ejus gradus, cujus unusquisque agnoscit communem stipitem (§. 598.), veluti ego filium fratris amare debeo propter patrem meum, & is me amare propter avum suum.

§. 1010.

Quoniam naturaliter id præsumendum, quod fieri ab aliquo debebat, naturaliter autem speciali quadam ratione cognatis collateralibus obligamur ad præstanda officia humanitatis non aliter, quam quatenus in ipsis beneficium redditur communi parenti primi, vel ulterioris gradus (§. 1009.); naturaliter quoque unusquisque præsumitur officium aliquod humanitatis potius cognato collateralis, quam extraneo præstare velle, consequenter eum magis amare, quam extraneum (§. 654. pars. 1. Jur. nat.).

Magis amare alterum hic idem est, ac eundem in casu collisionis aliis præferre.

§. 1011.

Similiter quia collateralibus qua talibus non aliter ad officia humanitatis speciali quadam ratione obligamur ad præstanda officia humanitatis, quam quatenus in ipsis beneficium redditur parenti communi primi, vel ulterioris gradus (§. 1009.), consequenter non quatenus ipsis per se hoc beneficium debetur, ad beneficium vero beneficiario non nisi jus imperfectum competit (§. 26. pars. 4. Jur. nat.); collateralibus quoque qua talibus non competit jus perfectum ad officia humanitatis ex speciali obligatione ipsis præstanda.

Si fratres mutuo amore se invicem complectantur, per se unus alterius beneficium meretur speciali quadam ratione. In hoc autem merito non attenditur fraternitas, ea enim con-

fistit in mutua dependentia quoad ortum suum a communi patre ac matre: quæ etfi arctius eos obliget ad mutuum amorem, qualem natura in omnibus hominibus exigit (§. 619. *part. 1. Jur. nat.*), non tamen is ideo notionem fraternitatis per modum determinationis essentialis ingreditur. Quamobrem cum amor actualis non operetur jus perfectum ad beneficium (§. 26. *part. 4. Jur. nat.*), multo minus fraternitas, quæ fratrem amori isti commendat, jus perfectum producere valet. Ferendum fratri est, etiamsi mereatur beneficium, ut id a fratre ipsi denegetur, nec eundem ad exhibendum cogere jure potest.

§. 1012.

*De jure hæ-
reditario
collateralium.*

Quia collateralibus qua talibus non competit jus perfectum ad officia humanitatis ex speciali obligatione ipsis præstanda (§. 1011.); *nec ipsis competit jus perfectum ad hoc; ut eos compotes reddamus bonorum fortuna, quibus eos compotes reddere poteramus* (§. 612. *part. 1. Jur. nat.*), consequenter *nec jus perfectum in bona post mortem nostram reliqua succedendi* (§. 957.), ac ideo ea ipsis relinquere non tenemur, cumque ea de causa a voluntate nostra unice dependeat, utrum eos hæredes instituere velimus, nec ne, *hæredes naturales non sunt cognati collaterales, sed voluntarii* (§. 983.).

Jus hæreditarium cognatorum collateralium minime perfectum est, sicuti ascendentium & descendantium (§. 985.), consequenter perperam veri hæredes dicuntur in oppositione ad eos, quos defunctus sibi hæredes esse voluit (*not. §. 999.*). Immo rationes sufficientes nobis esse possunt, cur bona nostra post mortem nostram extraneis potius, quam cognatis collateralibus relinquere malimus, etiamsi solum jus internum spectemus, quod ex obligatione in conscientia oritur. Obligatio, quæ ex cognatione oritur, præsupponit æquale meritum eorum, quibus beneficium præstatur, & inter eos, quorum æquale meritum est, prælationem tribuit cognato col-

to collateralis, non vero simpliciter eundem ceteris præferri vult.

§. 1013.

Parentes exhæredari dicuntur, si ipsi expressa liberorum voluntate aufertur hæreditas. *Quid exhæredario parentum sit.*

Nimirum quia parentes sunt perinde liberorum suorum hæredes naturales, sicuti liberi parentum suorum (§. 983.); eodem sensu a liberis exhæredari dicuntur, quo sensu liberos exhæredari dicimus a parentibus (§. 1000.).

§. 1014.

Si parentes scientes ac volentes ea faciunt, quæ ipsorum erga in natura liberos officio e diametro repugnant; naturaliter liberi eos exhæredare possunt. Etenim si parentes scientes ac volentes ea faciunt, quæ ipsorum erga liberos officio e diametro repugnant; ipso facto declarant, quod personam parentum tueri nolint. Quoniam igitur eandem sua sponte exuunt, nec ipsis competere potest jus, quod ob eorum in liberos profecta beneficia natura iisdem tribuit. Quamobrem cum jus succedendi in bona liberorum post mortem suam ab iisdem relictorum ob beneficia ista illis tribuatur, prouti ex demonstratione superiori (§. 980.) abunde liquet; si liberi declarent, quod nolint, eos in bona post mortem suam relictæ succedere debere, consequenter eos exhæredent (§. 1013. 960.), injuriam iisdem minime faciunt (§. 859. pars. 1. Jur. nat.). Quod si ergo parentes scientes ac volentes ea faciunt, quæ ipsorum erga liberos officio e diametro repugnant; liberi eos exhæredare possunt.

Qui officia parentum erga liberos in superioribus demonstrata perpendit, facile intelliget, quænam sint facta, per quæ illa tolluntur, ita ut quis parentis personam exuisse dicendus sit.

fit. Ita si parentes infidias vitæ liberorum struant, si omnem eorum fortunam subvertere, aut famæ ipsorum nocere omnibus viribus conentur, si odio prosequantur, quod ad vitam scelestam sese seducere non patiantur; justa omnino de causa exheredantur. Idem etiam recte fieri potest, si turpi vitæ dediti opes omnes, si quas habent, profundant, fratres autem vel sorores fuerint filio, quorum egestatî subvenitur, bonis suis post mortem suam iis relictis.

§. 1015.

Quando testamentum sita de causa exheredantur; testamentum non valet quoad hæredis parentum & institutionem. Etenim jus parentum & liberorum hæreditarium jus perfectum est (§. 985.), quod adeo ipsis citra injuriam (§. 859. part. 1. Jur. nat.) auferri nequit (§. 64. part. 1. Jur. nat.), nisi justa de causa exheredantur (§. 1000. 1014.). Quodsi ergo liberi, vel his deficientibus parentes (§. 982.) prætereantur, nec justa de causa exheredantur, testamentum non valet quoad hæredis institutionem.

Quodsi nimirum liberi prætereantur, hæreditas ipsis adimittitur & alii defertur in testamento. Si ergo justa causa non allegetur, ob quam hoc fieri possit; testamentum quatenus contra jus liberorum factum, cum naturaliter unicuique jus suum sit tribuendum (§. 922. part. 1. Jur. nat.), nec contra jus alterius quicquam faciendum (§. 910. part. 1. Jur. nat.), utique subsistere nequit. Et idem eodem modo intelligitur de parentibus præteritis, nec justam ob causam exheredatis.

§. 1016.

Quinam necessario redantur (§. 1015.); liberi in testamento a parentibus, aut parentibus situenti. Quoniam testamentum non valet, si liberi, vel his deficientibus parentes prætereantur, nec justa de causa exheredantur (§. 1015.); liberi in testamento a parentibus, aut parentibus situenti.

rentes à liberis vel hæredes necessario instituendi, vel juxta de causa exheredandi.

Æquitatem hanc naturalem sequitur *Justinianus*, prouti in vulgus notum.

§. 1017.

Posthumus dicitur, qui post mortem demum patris nascitur. Quoniam liberi sunt hæredes sui parentum suorum (§. 979.); *posthumus* quoque hæres suus patris sui est, immo etiam avi, ac avie, aut parentum cujuscunque gradus superioris. *De posthum.*

Nulla sane ratio est, cur *posthumus* ideo deterioris conditionis esse debeat liberis ceteris, quod a morte demum patris nascitur.

§. 1018.

• Si liberi, vel parentes exheredantur, in testamento alleganda est exheredationis causa. Etenim liberi ac parentes in testamento aut sunt hæredes instituendi, aut justam ob causam exheredandi (§. 1016.), & nisi justam ob causam exheredentur, testamentum invalidum quoad institutionem hæredis (§. 1015.). An igitur validum sit testamentum, constare nequit, nisi cognita causa exheredationis. Necesse igitur est, ut ea in testamento allegetur. *De causa exheredatio- nis in testa- mento alle- ganda.*

Causæ exheredationis factæ sunt (§. 1000. 1014.): hæc igitur commemoranda, nec sufficit de moribus perversis exheredati verbis generalibus conceptum judicium. Ita non sufficit dixisse, quod exheredatus summo mœrore affecerit continuo exheredantem; sed facta recenseri debent, quæ mœrori causam dederunt. Non sufficit dicere, quod filia sit meretrix, si stuprata forsan fuerit.

§. 1019.

Si exheredatus negat causam exheredationis & immeritum exheredationis obtendat; hæres institutus causam probare debet. *De causa exheredationis probanda.*
(*Wolffii Jur. nat. Pars VII.*) Aaaa

niam enim exhæredatio non valet, nisi ob justam causam, quæ scilicet exhæredatum indignum reddit, qui defuncto succedat (§. 1000. 1014.); exhæredatum ea commisisse, quæ ipsi imputantur, certum omnino esse debet. Quodsi ergo exhæredatus neget, se ea commisisse; probandum utique erit, quod commiserit. Quamobrem cum defunctus ipse probare non possit, hæres autem quoad bona a defuncto relicta personam ejus repræsentet (§. 958.), & ipsi ab exhæredato jus, quod ex testamento habere debet, controversitur, negata causa exhæredationis, quod per se patet; si exhæredatus neget causam exhæredationis, & immeritum odium obtendat, hæres institutus causam probare debet.

Quoniam vel parentes exhæredant liberos (§. 1000.), vel liberi parentes (§. 1014.); non est quod excipias, non præsumendum esse istiusmodi odium, quo vel parentes adducuntur ad imputandum liberis facta, quæ non commiserunt, vel etiam liberis impellantur ad ausum istiusmodi adversus parentes. Etenim ob præsumptionem nemini auferri potest jus suum, quod manifestum est. Immo fieri potest, ut sine dolo imputentur exhæredato, quæ minime commisit.

§. 1020.

De exhæredato ad hæreditatem admisso. Si hæres instituti exhæredatum ad hæreditatem admittere velint, eum admittere possunt; testamentum tamen quoad cetera manet validum. Etenim cum quilibet jus suum remittere possit, quando nil sit contra jus alterius cujusdam (§. 117. part. 3. Jur. nat.); hæres quoque instituti jus, quod ex testamento habent, vel quantum sibi visum fuerit, de eo remittere possunt, quatenus tertii jus minime violatur. Quamobrem si hæres instituti exhæredatum ad hæreditatem admittere velint, admittere quidem possunt; quoniam tamen legatariis jus suum auferre nequeunt (§. 336. part. 2. Jur. nat.),

nat.), testamentum quoad legata validum manet. Immo cum nulla ratio sit, cur exhæredatione sublata non valeat, si qua præterea in testamento voluit defunctus, ab illa minime dependentia; quoad hæc quoque testamentum validum manet.

Hæres voluntatem defuncti immutare nequit: sed cum hæreditatem repudiare possit (§. 973.), immo susceptam abdicare (§. 974.), multo magis de acquisita pro arbitrio suo disponere potest, eam exhæredato vel cedendo, vel certam ejus partem in eum conferendo. Hoc nimirum facit jure suo. Quoad cetera vero in testamento nihil immutare potest, cum ad mutationem ipsi sit jus nullum. Quando itaque hæres institutus exhæredatum in locum sui, vel in partem hæreditatis admittit; stricte loquendo, nihil in testamento immutatur, sed totum illud subsistit, & quoad id, quod ex eodem acquisivit hæres ac suum factum est, instar domini saltem disponit.

§. 1021.

Ab intestato succedere dicitur, qui in bona defuncti succedit testamento nullo facto, vel a defuncto in testamento non institutus hæres. *Quid sit successio ab intestato.*

Posterius in Jure naturæ addendum, prouti ex iis patet, quæ mox sequentur. In Jure Romano tamen vix locum habet, juxta quod nemo nisi miles pro parte testatus & pro parte intestatus decedere potest.

§. 1022.

Si posthumus, vel unus ex liberis ceteris fuerit præteritus; De præteritis ad hæreditatem una cum ceteris admittendus, & testamentum quo ad cetera subsistit, etiam quoad legata, nisi ideo relicta intelligantur, quia hæredum numerum minorem putavit defunctus, seu quia liberorum posthumus, vel alius quis præteritus. Etenim posthumus non aliorum.

A a a a a

minus

minus est hæres suus, quam ceteri liberi (§. 1017.), consequenter hæres naturalis (not. §. 983.), quem ipsa natura hæredem instituit (§. 983.). Quamobrem etsi in testamento fuerit præteritus, una cum ceteris tamen ad hæreditatem admittendus. *Quod erat primum.*

Quoniam liberi nonnisi iustam ob causam exhæredari possunt (§. 1000.), & si exhæredentur, causa exhæredationis in testamento alleganda (§. 1018.), quando vero saltem prætereuntur, in testamento nulla eorum mentio fit, consequenter ex silentio testatoris colligi nequeat exhæredatio; si prætereuntur, jus suum, quod tanquam hæredes naturales habent (§. 983.), per hoc ipsis non adimitur. Quamobrem una cum ceteris liberis ad hæreditatem admittendi. *Quod erat secundum.*

Enimvero etsi testamentum sit invalidum quoad institutionem hæredum (§. 1015.), quatenus scilicet defuncto non soli succedunt, qui hæres instituti sunt, consequenter nec in ea parte, in qua instituti, sed præterea admittuntur etiam qui præteriti sunt liberi, *per demonstrata n. 1. & 2.* nulla tamen ratio est, cur voluntas testatoris non subsistere debeat quoad ea, quæ in ipsa hæreditate nullam vim habent, qualis v. gr. est tutelæ datio. Quamobrem testamentum quoad hæc subsistere debet in hypothesi propositionis præsentis. *Quod erat tertium.*

Denique cum parentes in testamento etiam legata relinquere possint, modo id non fiat in præjudicium liberorum (§. 1005.); si admissio ad hæreditatem posthumum, vel alio ex liberis præterito legata tamen in præjudicium liberorum facta non dici possint, quin etiam quoad legata testamentum subsistere debeat dubitandum non est. Quodsi ergo satis appareat, testatorem non ideo legata reliquisse, quia

quia posthumo, vel alio ex liberis præterito numerum hæredum, inter quos hæreditas dividenda, minorem putavit; testamentum etiam quoad legata subsistit. *Quod erat quartum.*

Jure naturali valet voluntas ultima defuncti, quantum valere potest. Valere autem potest, quatenus non est contra jus alicujus, veluti contra jus hæredum naturalium. Quamdiu itaque in testamento nihil occurrit, quod juri liberorum hæreditario adversatur; nihil quoque in eodem immutandum, nec a voluntate testatoris recedendum.

§. 1023.

Si parentes, vel filius, quem quis habet, unicus, aut liberi omnes, quos quis habet, prætereantur, nec justam ob causam ex-heredentur, præteriti ad hæreditatem sunt admittendi, & heres in-stitutus repellendus, quoad cetera vero testamentum subsistit, etiam quoad legata, nisi in præjudicium parentum, vel liberorum præteritorum fuerint relicta. Etenim in hypothesi propositionis præsentis testamentum invalidum est quoad hæredis institutionem (§. 1015.), & præteritos ad hæreditatem esse admittendos patet eodem modo, quo idem ostendimus in propositione præcedente de liberis quibusdam præteritis. *Quod erat primum.*

Enimvero quoniam hæreditas, quæ debetur parentibus (§. 982.) ac liberis (§. 475. 978.), in testamento alii, vel aliis defertur *per hypothesin*; illis admissis, *per demonstrata n. 1.* hi utique repellendi sunt. *Quod erat secundum.*

Quod vero testamentum subsistere debeat quoad cetera, quæ in eodem continentur, etiam quoad legata, nisi in præjudicium parentum, vel liberorum præteritorum fuerint facta; eodem modo patet, quo idem in propositione præcedente demonstravimus.

Cum istiusmodi testamentum invalidum sit quoad hæredis institutionem (§. 1015.); facile patet, ea non subsistere, quæ ad eandem quomodocunque pertinent, nec ad eos, qui præteriti fuerunt, trahenda esse, quæ hæredes institutos attingunt. Illi enim quando ad hæreditatem admittuntur, suo jure ab intestato succedunt, non vero in locum hæredis instituti subeunt, ac suo jure eundem repellunt. Nulla igitur ratio est, cur ea, quæ voluit testator quoad hæredes a se institutos, transferantur ad eos, qui ab intestato succedunt.

§. 1024.

De legatis in præjudicio liberorum vel parentum; naturaliter non valent, nisi quatenus absque eorum præjudicio subsistere possunt. Si legata relicta fuerint in præjudicium liberorum vel parentum (§. 1005.) ac liberis non competit jus legandi, nisi quatenus legata non relinquuntur in præjudicium liberorum, vel parentum (§. 1008.), hoc est, nisi parentes, vel liberi habeant patrimonium amplum, vel parentibus adsint, quæ vitæ necessitati, commoditati ac jucunditati sufficiunt (§. cit.). Quamobrem si bonis a parentibus relictis maxime indigeant liberi, naturaliter legata plura & majora relicta, quam pro modo facultatum defuncti ac liberorum, aut parentum, non valent, nisi quatenus imminuuntur. Non itaque valent legata in præjudicium liberorum relicta, nisi quatenus absque eorum præjudicio subsistere possunt.

Quando legata relinquuntur in præjudicium liberorum, vel parentum, ex demonstratione liquet. Estimanda nimirum sunt ex relinquentis & hæredum naturalium facultatibus. Vide, quæ supra annotavimus (not. §. 1005.). Hinc ortum traxit *Legitima* liberorum atque parentum, quæ est portio hæreditatis liberis ac parentibus lege positiva debita: sit ita quod legitima civilis non semper juri naturali conveniat. Posset quoque in significatu Juri naturæ conveniente dici *Legitima* portio

portio hereditatis liberis atque parentibus jure naturali debita, cujus quantitas hoc jure non eadem est, seu non eandem ad totam hereditatem in omni casu rationem habet, utpote ex circumstantiis particularibus determinanda per ea, quæ diximus. Immo subinde naturaliter legitima totam hereditatem absorbet, vi præsentis,

§. 1025.

Si nulli fuerint ascendentes, vel descendentes in vivis, testator heredem ex collateralibus instituire potest, quemcunque vo- *De liberta-*
luerit, immo etiam præteritis collateralibus omnibus extraneum si desint co-
quemcunque. Quod si enim desint ascendentes, vel descen- *gnati in li-*
dentes, hoc est, parentes, vel liberi (§. 574. 575.), cum *nea recta.*
cognati collaterales non habeant jus perfectum in bona
post mortem nostram succedendi (§. 1012.), quale est pa-
rentum ac liberorum (§. 985.), nemo est, qui necessario
sit instituendus, aut ob justam causam exheredandus (§.
1016.). Quamobrem cum vi domini unusquisque de re-
bus suis disponere possit, quemadmodum voluerit (§. 118.
part. 2. Jur. nat.) & dominium earum transferre in eum,
quem voluerit (§. 12. *part. 3. Jur. nat.*), & qua lege vi-
sum fuerit (§. 11. *part. 3. Jur. nat.*), quamdiu scilicet nil
committitur, quod est contra jus alterius cujusdam (§. 910.
part. 1. Jur. nat.); si nulli fuerint ascendentes, vel descen-
dentes in vivis, testator heredem ex collateralibus institu-
ere potest, quemcunque voluerit, immo etiam collateralibus
omnibus præteritis extraneum quemcunque.

Libertas nimirum testandi prorsus irrestricta est, si nemo fuerit, cui jus perfectum ad hereditatem competit. Testamentum equidem iniquum esse potest, quatenus non satis convenit officii; non tamen propterea injustum est, cum non sit contra jus perfectum ejus, quem officia commendabant (§. 239. *part. 1. Phil. præf. univ.*).

§. 1026.

§. 1026.

*Quanam
naturaliter
ad modum
testandi
requirantur.*

Naturaliter testamentum validum est quoad modum testandi, si quocunque modo constet hanc esse voluntatem defuncti. Quoniam enim testamentum non est nisi declaratio expressa voluntatis defuncti de translatione domini rerum suarum post mortem relictarum ea lege facta, ut nonnisi post mortem suam acceptatio fieri possit, atque de eo, quod præterea post mortem suam fieri vult testator (§. 994.); ut valeat testamentum, alia re non opus est, quam ut constet, hanc re vera esse voluntatem defuncti. Quodsi ergo quocunque modo de eo certi sumus, quoad modum testandi naturaliter validum testamentum.

Naturaliter ad testamentum faciendum non aliud requiritur, quam ut testator voluntatem suam expresse declararet. Quodsi ergo certo constet, testatorem hoc modo declarasse voluntatem suam; in modo testandi nihil desideratur, consequenter quoad eum testamentum habet omnia requisita, quæ naturaliter habere debet. Erit igitur quoad modum testandi validum, hoc est, pro nullo declarari nequit. Non vero hic queritur de eo, an testamento quædam infint, quæ non valent; sed an pro ultima voluntate defuncti haberi debeat. Solennitates, quas requirit jus Romanum, etsi apud Romanos suas habuerint rationes, nulla tamen ratione naturali nituntur, nec nostro statui conveniunt. Merito igitur abrogandæ essent, cum contra voluntatem defuncti hæreditas deferatur ei, quem in bona sua succedere is noluerat, quando ob defectum solennitatum illarum testamentum pro nullo declaratur.

§. 1027.

Modus testandi naturalis quatuorplex.

Quoniam naturaliter validum testamentum quoad modum testandi est, si quocunque modo constet hanc esse voluntatem defuncti (§. 1026.), de eo vero certo constare nobis nequit, nisi aut voluntatem suam coram testi-

testibus declaret testator (§. 1014. part. 5. Jur. nat.), non vero soli hæredi, cum nemo testis esse possit in propria causa, ex qua nempe commodum quoddam sperat, (§. 1048. part. 5. Jur. nat.), aut eandem in scripturam redigat, aut ab alio redactam propria manu subscribat, quod per se patet; *naturaliter ad testamenti factionem non requiritur, quam ut testator voluntatem suam declaret vel coram testibus, vel in scripturam redigat, aut ab alio in scripturam redactam subscribat.*

Pater itaque duplicem esse modum testandi naturalem, cum non aliter voluntatem nostram declarare possumus, ut de ea post mortem nostram certo constet, nisi vel per testes, vel per scripturam.

§. 1028.

Testamentum nuncupativum dicitur, quando testator voluntatem suam declarat coram testibus, live hæres ipse præ-sens fuerit, live absens. *Testamentum verò scriptum* vocatur, quando testator voluntatem suam in scripturam redactam relinquit.

Si testator velit, ut testamentum scriptum subscribant testes, quidam, inter quos etiam esse potest hæres institutus; hoc non novam facit speciem, cum testes non adhibeantur alio fine, quam ut certius constet, scripturam istam non esse supposititiam (§. 1014. part. 5. Jur. nat.), sicuti ex adverso testamentum nuncupativum tale esse non definit, si memorie causa testes voluntatem testatoris sibi declaratam in scripturam redigant & singuli eandem subscribant. Quod statui civili conveniat, ne dubia maneat voluntas a testatore declarata, ex iis patebit, quæ suo loco demonstraturi sumus.

§. 1029.

Si testamentum scriptum a testibus, vel ipso etiam hærede An subscribitur; opus non est, ut ejus tenor notus sit subscribentibus. (Wolffii Jur. Nat. Pars VII.)

Bbb bb

Quo-nor testa-

menti notus esse debeat. Quoniam enim acceptatio ab hærede post mortem dēum testatoris fieri potest (§. 994.), non opus est, ut voluntas testatoris hæredi innotescat ante mortem illius. Et cum testes testamentum non alio fine subscribant, quam ut per eos probari possit, scripturam hanc continere ultimam testatoris voluntatem (§. 1014. *pars. 5. Jur. nat.*); nulla quoque necessitas exigit, ut qualis ea sit subscribentibus patefiat. Quamobrem si testamentum scriptum a testibus subscribitur, vel ipso etiam hærede, opus non est, ut ejus tenor notus sit subscribentibus.

Testamentum scriptum ideo præfertur nuncupativo, ne de ultima voluntate nostra cuiquam constet ante mortem nostram. Quamobrem ipse etiam hæres subscribit non qua hæres, sed qua testis.

§. 1030.

Quid non præsumendum de eo, qui intestatus decedit. Qui intestatus decedit, non præsumitur voluisse, ut bona post mortem suam relicta sint res nullius. Quoniam enim naturaliter testamentum facere licet (§. 999.), consequenter declarare, in quemnam dominium rerum post mortem nostram relictarum translatum esse debeat (§. 994.), non uno autem casu contingere possit, ut quis eandem non declaret, consequenter intestatus decedat (§. 996.); ex eo, quod quis intestatus decedit, colligi minime potest, quod voluerit, ut bona post mortem suam relicta fiant res nullius. Quamobrem qui intestatus decedit, non præsumitur voluisse, ut bona post mortem suam relicta sint res nullius (§. 244. *pars. 2. Jur. nat.*).

Præsumtio hæc naturæ humanæ adeo convenit, ut veritati equiparari possit. Non enim puro facile repertum iri aliquem, cui perinde sit, quinam post mortem suam res a se relictas habeat, & non velit eas haberi ab eo, quem maxime amat,

amat, aut cui non sint rationes, cur hujus potius eas velit, quam alterius. Quando homo moritur, cum nulla re post mortem amplius indigeat; maxime opportuna nascitur benefaciendi occasio. Quamobrem cum ad beneficia aliis præstanda naturaliter obligemur, quantum in potestate est (§. 23. *part. 4. Jur. nat.*); officio quoque nostro convenit, ut res post mortem nostram relinquendas demus aliis, quos beneficio nostro dignos existimamus, ut ideo nobis non perinde esse debeat, quinam eas acquirat.

§. 1031.

Quoniam qui intestatus decedit, non præsumitur *vo-* *Fundamen-* luisse, ut bona post mortem suam relicta sint res nullius (§. *cum succe-* 1030.). voluntatem suam expresse non significavit *tionis ab in-* (§. 996. 994.); *cujusnam esse voluerit bona post mortem reli-* *testato,* præsumendum est, consequenter cum is nullo testamento facto in eadem succedat (§. 996.), *successio ab intestato niti-* *tur præsumta defuncti voluntate,* seu qui ab intestato heres est, *ex* *præsumta defuncti voluntate succedit* (§. 1021.), *nisi hæreditas* *sit ipsi debita, seu is jure suo succedat,* quo in casu non opus est præsumptione.

Vidimus in anterioribus, dari hæredes naturales, quos ipsa natura instituit (§. 983.), & quibus hæreditas auferri nequit nisi tanquam indignis ob justam causam (§. 1016.).

§. 1032.

Successio ab intestato est ex testamento veluti tacito successio. Quid pro- *Etenim* quando ab intestato succeditur, ex præsumta volun- *prie sit suc-* *tate defuncti succeditur* (§. 1031.), consequenter cum *cessio ab in-* *probabiliter saltem colligatur, quem in bona sua succedere testato.* *voluerit defunctus* (§. 245. *part. 2. Jur. nat.*), *successio ab* *intestato est quasi tacita declaratio voluntatis defuncti de* *translatione domini rerum post mortem suam relictarum.*

Bbb bb 2

Quam-

Quamobrem cum expressa de hac translatione voluntatis declaratio testamentum sit (§. 994.); successio ab intestato ex testamento veluti tacito successio est.

Hanc propositionem idæo addimus, ut tanto manifestior sit differentia successionis ab intestato a successione ex testamento. Nisi enim testamenta naturaliter non liceret facere; nec naturaliter ab intestato succedere quis posset. Hinc *tel-*
denus cum negaret testamenta esse juris naturalis, recte quoque negavit successionem ab intestato esse hujus juris. Qui vero negant prius, ast posterius concedunt, non satis sibi consentiunt, cum præsumtæ voluntati plus tribuant, quam expressæ. Non est quod excipias, successionem ab intestato omnem æquiparari posse successioni liberorum atque parentum, ita ut omnes, qui ab intestato succedere possint, ab ipsa natura instituuntur hæredes & per consequens collaterales jure pares sint liberis acque parentibus: reclamant enim ea, quæ in antecedentibus demonstrata sunt. Non ita sibi invicem obligantur collaterales, quemadmodum parentes & liberi: ex obligatione tamen derivatur jus succedendi, quod sine justa causa adimi nequit, nec aliunde id nasci potest (§. 23. *part. 1. Jur. nat.*). Ceterum si liberi ab intestato succedant, non modo suo jure succedunt, verum etiam ex testamento tacito succedere dici possunt, quatenus defunctus, qui legata relinquere poterat (§. 1005.), quando intestatus decedit, voluisse præsumitur, ut sine ullo onere in bona sua succedant. Quidni etiam tacite significasse præsumitur, sibi nullam esse causam, cur quandam ex liberis exheredare velit, vel etiam uni quiddam prælegare?

§. 1033.

De successione Si quis intestatus decedit, ei succedunt liberi, vel his def-
ne ab inte- cientibus parentes, ita ut in liberis attendatur jus representationis.
stato in li- in parentibus autem proximitas gradus. Etenim si quis inte-
nea recta. status decedit de successione in bona sua nihil expresse dis-
posuit

spofuit (§. 996.). Quamobrem cum in linea recta natura deferat hæreditatem descendantibus, observato jure repræsentationis, his autem deficientibus parentibus secundum gradus (§. 984.), & jus hæreditarium parentum & liberorum perfectum est (§. 985.), quod ipsis invitis adimi nequit (§. 986.); si quis intestatus decedit, succedunt liberi, observato jure repræsentationis, his autem deficientibus parentes secundum gradus.

Satis manifesta hæc sunt ex antecedentibus, ita ut propositio præfens prorsus omitti potuisset, nisi consultum visum fuisset, ut ordo succedendi ab intestato uni quasi conspectui exhiberetur.

§. 1034.

Deficiente hærede in linea recta, ab intestato succedunt qui De successione sunt in familia patris vel matris secundum gradus familiae, & his ne collateralibus deficientibus similiter, qui sunt in familia avi, vel aviae, ac ita lium ab in-
porro, ut non fiat transitus de familia in familiam, nimirum de testato,
arctiori in diffusorem, nisi ubi in illa nulla extet persona, ubi vis
nulla habita sexus differentia Etenim si in linea recta deficit hæres, nemo est cui hæreditas sit debita (§. 575. 985.), consequenter qui ab intestato succedunt nonnisi ex præsumpta defuncti voluntate succedunt (§. 1031.). Quamobrem cum collateralibus qua talibus non aliter speciali ratione obligemur ad præstanda officia humanitatis, consequenter etiam ad augenda ipsorum bona fortunæ (§. 612. part. 1. *Jur. nat.*), quam quatenus in ipsis beneficium redditur parentibus communibus primi, vel ulterioribus gradus (§. 1009.), & naturaliter officium aliquod humanitatis potius cognato collateri, quam extraneo præstare velle præsummur (§. 1010.); deficientibus hæredibus in linea recta ex præsumpta voluntate, adeoque ab intestato (§. 1031.),

Bbb bb 3

succe-

succedunt collaterales, qui communem quandam parentem habent, cu propiore gradu eundem attingunt. Is igitur omnino observandus ordo est, quem exigit arctius cognationis vinculum, ut scilicet qui sunt in familia parentis defuncti propioris excludant familiam remotioris & in eadem familia, qui parenti huic tanquam stipiti propiores sunt, excludant remotiores. Atque hoc modo patet, ex collateralibus primum admittendos esse eos, qui sunt in familia parentum primi gradus, seu patris, vel matris secundum gradum, quo eidem cognati sunt, deinde similiter illis deficientibus, qui sunt in familia parentum secundi gradus, veluti avi, vel aviæ, ac ita porro secundum distinctionem familiam & gradus in iisdem. *Quod erat unum.*

Quoniam vero tam mares, quam foeminae in qualibet familia & quolibet ejus gradu eodem cognationis vinculo nobis junguntur, prouti satis superque apparet ex iis, quæ de cognationibus prolixè demonstrata sunt, consequenter eadem in utroque sexu adest successionis ratio, *per demonstrata*; nulla quoque in successione habenda est sexus ratio (§. 118. *Onsol.*). *Quod erat alterum.*

Nulla in re magis variant leges positivæ, quam in successione ab intestato. Quodsi vero in ea ratio naturalis attendenda, ut præsumatur id, quod officiis maxime congruit; is omnino successionis ordo admittendus, quem in propositione præsentè definivimus. Et hoc pacto omnia sunt plena & expedita, juri etiam cognationis apprimè consentanea. Et naturalis ille modus computandi gradus consanguinitatis, quem sequitur jus canonicum, & quo nos utimur in matrimonialibus & criminalibus, inservit quoque successionì collateralium determinandæ, modo is rite intelligatur, nec absurditates singantur, ubi nullæ sunt, prouti suo loco jam ostendimus. Quamvis itaque Jcti Romani aliam introduxerint graduum compu-

computationem pro deferenda hæreditate ab intestato, quam etiam nos sequimur, ex demonstratione tamen propositionis præsentis patet, nos eadem non habere opus: immo si curatius eam expendas, deprehendes ex ea potius difficultates subinde nasci, quas naturalis ille modus gradus consanguinitatis computandi arcet, veluti an patruus, vel avunculus una cum patruelibus succedere debeat, quorum illi sunt in familia avi, vel avia, hi in familia patris, vel matris. Naturalis quædam inclinatio seu propensio in eos, qui nobiscum sunt in eadem familia, observatur, modo non ex accidente a causa quadam extrinseca supprimatur, & ea major est, prouti caput familiæ, seu stipes in linea recta minori intervallo a nobis distat. Et huic respondet officium de reddendis beneficiis parentibus in liberis suis. Vi illius volumus, ut familia, ex qua orum trahimus, sit quam ornatissima, ac eo nomine homines sibi gratulantur: immo idem in laudem vulgo vertitur, ac inter bonæ fortunæ connumeratur. Unio illa naturalis, quæ familiam efficit, in causa est, ut, si qua præclare facta sunt ab iis, qui nobiscum in eadem familia sunt, ea etiam ad nos quodammodo pertinere existimemus, & ex adverso nobis quoque ignominia ducamus, quæ ipsis ignominiam pariunt. Quodsi homines omnes ratione duce uterentur, ut instinctum naturæ sequerentur, non aliter in bona post mortem suam relicta succedi vellent, quam fert propositio præsens, nisi quatenus pro modo facultatum suarum quædam legarent iis, qui beneficium merentur, nec in testamento præterirent collateralem, vel omnes, nisi quatenus factis suis sese beneficio indignos reddidissent, & vinculum cognationis quasi dissolvissent. Ex hæc omnino probe expendenda sunt ei, qui in testamento alium instituere vult hæredem, quam quem successio ab intestato designat, qualem hic demonstramus, ne quid in rectitudine naturali testamenti desideretur.

§. 1035.

*Si quis intestatus decedit, nec adsit, qui ab intestato succe- Si hæres ab
dere possit, in statu naturali hæreditas sit occupantis. Quicquid intestato
inte- deficiat, cu-*

*iusnam sit
hæreditas.*

intestatus decedit, voluntate expressa dominium rerum post mortem suam relictarum non transfert in alium (§. 994. 996.). Et si nullus adit, qui ab intestato succedere possit, nec idem in alium transfertur voluntate præsumpta defuncti (§. 1031.). Quamobrem cum dominium amittatur, quamprimum quis moritur (§. 700. *part. 6. Jur. nat.*), in hypothefi præsentis statim res relictæ post mortem dominio vacuæ sunt, seu *αὐτὸνικα* (§. 313. *part. 2. Jur. nat.*). Quoniam itaque harum rerum dominium occupando acquiritur (§. 315. *part. 2. Jur. nat.*); si quis intestatus decedat, nec ipsi sit ab intestato hæres, in statu naturali hæreditas fit occupantis (§. 960.).

Civile est, quod in statu civili fisco adjudicetur hæreditas in hypothefi propositionis præsentis. Ceterum non est, quod excipias, non præsumendum esse, ut, qui testatus decedit, voluerit; bona post mortem suam relictæ fieri res nullius (§. 1030.), consequenter præsumendum esse, quod voluerit, ea esse amici, cuius familiaritate maxime delectatus. Cum enim, ut bene observat *Puffendorfius* de J. N. & G. lib. 4. c. 11. §. 15. amicitia inter extraneos, hoc est, eos, qui in familia non sunt, mutua fere benevolentiae significatione, consiliorum communicatione & quotidianis vitæ officiis absolvatur, ea ad præsumtionem voluntatis de translatione domini rerum post mortem suam relictarum minime sufficit. Quamvis præsumta voluntas defuncti sufficiat ad deferendam hæreditatem cognatis collateralibus, quia unusquisque ad conservationem familiæ conferre debet, quantum potest, absque neglectu sui, cum præsumatur id voluisse, quod officio convenit; non tamen peculiare quoddam officium est, ob quod idem præsumi possit in gratiam extranei, quo amico utimur, sicuti ne legata quidem præsumuntur, sed expressam voluntatem requirunt.

§. 1036.

Hæres institui potest vel pure, vel sub conditione, vel in d'iem, Quotuplici vel sub onere quodam. In hæredem enim transfertur domini- modo hæres
 nium rerum a testatore post mortem suam relictarum (§. institui pos-
 958.). Quamobrem cum a domini voluntate unice de-
 pendeat, quomodo domini in alium transferre velit
 (§. 11. part. 3. Jur. nat.); hæredem is quoque vel pure,
 vel sub conditione, vel in diem, vel sub onere quodam in-
 stituere potest.

Facile patet, nobis hic imprimis sermonem esse de hæredi-
 bus voluntariis, cum in naturalibus non per omnia libera sit
 testatoris voluntas, prouti ex anterioribus patet. Quoniam
 vero institutio hæredis voluntarii prorsus arbitraria est, ita ut
 eum citra injuriam etiam non instituere possit; ideo quoque
 meri arbitrii est, quomodo eum instituere velit. Convenit
 hæredis institutio cum promissione liberali, ac ideo quæ de
 diverso promittendi modo demonstravimus in parte tertia; ad
 hæredis quoque institutionem facile applicantur.

§. 1037.

Si hæres pure instituitur, acceptatione sua dominium in bonis De jure in-
defuncti statim acquirit. Etenim cum ad translationem do-stitutionis
 minii requiratur sufficiens declaratio domini & acceptatio pure.
 ejus, in quem is dominium transferre vult (§. 13. part. 3. Jur. nat.),
 testamento autem condito & morte testatoris confirmato a-
 ctus transfereris perfectus sit (§. 994. 998.); ut domini
 translatio perficiatur, nihil amplius exigitur, quam ut ac-
 ceptatio hæredis instituti accedat. Quodsi ergo pure insti-
 tutus fuerit, acceptatione sua dominium in bonis defuncti
 statim acquirit.

Nihil nimirum adest, quod facta acceptatione actualem do-
 minii translationem suspendat, vel differat, quemadmodum
 (Wolffii Jur. Nat. Pars VII.) C c c c c ea

ea suspenditur per conditionem, aut differtur per diem adjectum, certum scilicet, cum incertus conditionis loco sit. Quodsi enim testator dixerit: Tu mihi hæres esto, quando duodecimum ætatis annum attigeris; perinde est, ac si dixisset: Hæres mihi esto, si duodecimum ætatis annum attigeris. Quodsi ergo ante annum duodecimum moriaris, non eris hæres.

§. 1038.

De institutione conditione bonis a defuncto relictis utitur fruatur hæres ab intestatione. Si hæres sub conditione fuerit institutus, naturaliter pendente conditione & ea non existente, vel potestativa non adimpleta hæreditatem acquirit. Quodsi enim hæres sub conditione fuerit institutus, nonnisi conditione existente dominium in rebus post mortem a testatore relictis acquirere valet, & ea non existente, hæres non fit, consequenter perinde est, ac si hæres nullus fuisset institutus, immo quamdiu pendet conditio, perinde est ac si toto isto tempore nullus existeret hæres institutus. Quamobrem cum ab intestato succedatur, si nullus sit ex testamento hæres (§. 1021.), nec pendente conditione, sub qua hæredem instituit testator, is voluisse intelligitur, ut interea nemo rebus suis utatur fruatur; ideo conditione non existente, vel potestativa non adimpleta hæreditatem acquirit, qui ab intestato hæres est, ac idem pendente conditione habet usumfructum bonorum a defuncto relictorum.

Qui præterito hærede ab intestato alium instituit sub conditione sive casuali, sive potestativa, nonnisi sub hac conditione hæreditatem adimere voluit ei, qui alias ab intestato succederet. Quare perinde est, ac si dixisset, tu mihi esto hæres, si Titius hæres non fuerit, & tamdiu eris hæres, quamdiu is non exiterit, consequenter tamdiu usumfructum bonorum a se relictorum eidem contulisse intelligitur.

§. 1039.

§. 1039.

*Si hæres institutus in diem certum, seu certo venturum, te- De hærede
stator interea, donec dies venerit, ejus, qui ab intestato fuisset in diem cer-
hæres, usumfructum rerum suarum post mortem relictarum esse vo- sum institus-
luit. Etenim si hæres in diem certo venturum institutus, 20.
testator omnino voluit, ut is in bona post mortem suam re-
licta succedat, non alius, noluit tamen, ut, antequam dies
iste venerit, iisdem utatur fruatur. Quoniam itaque ratio
aliqua adesse debet, cur noluerit (§. 889. Psych. empir.);
necesse est ut voluerit interea temporis, donec dies veniat,
alium illis utifrui. Quia vero neminem expresse nomina-
vit, non alium intellexisse præsumitur, quam qui ex præ-
sumta voluntate in eadem successisset, consequenter hære-
dem ab intestato (§. 1031.). Quamobrem si hæres insti-
tuatur in diem certum, seu certo venturum, testator interea,
donec dies venerit, ejus, qui ab intestato fuisset hæres, u-
sumfructum rerum suarum esse voluit.*

Aburdum omnino foret adjicere diem certum, a quo quis
esse debeat hæres, veluti decimum a morte sua annum, & ta-
men velle eum statim rebus a se relictis uti frui debere tan-
quam suis, aut usumfructum earum interea temporis esse nul-
lius. Quamobrem cum nemo præsumatur velle absurda, ita
omnino interpretatio fieri debet, ut absurditas evitetur. Ut
vero clarius appareat, interpretationem ita factam, prouti eam
fecimus, non esse absurdam; statim subjungere lubet propo-
sitionem sequentem.

§. 1040.

*Legari possunt res omnes tam corporales, quam incorporales, De rebus,
etiam ususfructus omnium bonorum post mortem suam relictorum quæ legari
in certum diem, per modum termini ad quem' adjectum. Et possunt.
enim legata donationes sunt (§. 1003.). Quamob-*

Ccc cc 2

rem

rem cum a domini unice voluntate pendeat, utrum alicui quid donare velit, an nolit, & qua lege donare velit (§. 130. *part. 4. Jur. nat.*); res omnes, tam corporales, quam incorporales, & ususfructus etiam ita legari potest, ut per certum temporis intervallum, veluti decem annos, aut per dies vitæ rebus omnibus post mortem relictis utatur fruatur legatarius.

Quod igitur expressa voluntate fieri potest, idem etiam fieri potest tacita, si illa hanc satis perspicue contineat. Unde patet, absurdum non esse, ut ususfructus pendente conditione, si hæres fuerit sub conditione institutus, vel donec dies venerit, si is demum certo temporis spatio elapso res post mortem relictas habere debeat, tacita voluntate intelligatur relictus hæredi ab intestato (§. 1038. 1039.). Consultius tamen videtur, ut testator expresse dicat, quinam interea, donec conditio extiterit, vel dies certo venturus venerit, rebus post mortem suam relictis uti frui debeat.

§. 1041.

De hærede. Si hæres sub conditione negativa instituitur, hæreditatem restituere tenetur hæredi ab intestato, si contra agat, vel si contrarium eveniat. Etenim si sub conditione negativa instituitur hæres, hæreditas ejus esse nequit, quando conditio negativa existit. Quamobrem cum conditio negativa non existat, si hæres institutus contra agat, vel si contrarium eveniat (§. 490. *part. 3. Jur. nat.*); si ille contra agat, vel id eveniat, hæreditas ejus esse nequit, consequenter eandem restituere tenetur. Quoniam vero, quando hæres institutus hæres non est, perinde est, ac si testamentum non esset factum (§. 994.), consequenter ab intestato succeditur (§. 1021.); si hæres sub conditione negativa instituitur, hæreditatem restituere tenetur hæredi ab intestato, si contra agat, vel si contrarium eveniat.

E gr.

E. gr. Si Titius te hæredem instituit sub conditione, si Medicinæ te non mancipaveris, vel si patruus tuus hæredem te non instituerit, vel si uxorem divitem non duxeris; tu hæreditatem equidem statim adire potes, sub hac scilicet promissione, quod Medicinæ operam navare nolis, vel uxorem divitem non ducere velis, immo cum tibi prospicere voluisse intelligatur testator, quamdiu incertum est, utrum patruus tuus te sit hæredem institurus, nec ne, & utrum sis supervicturus, nec ne, immo si instituat, num hæreditatem patris vel adire, vel repudiare libuerit, prouti consultius visum illius, vel hujus esse hæredem, ab hæreditate pendente ista conditione repelli nequis. Quodsi tamen mutata voluntate studium medicum amplexus fueris, vel uxorem divitem duxeris, aut si contingat patruum tuum te hæredem instituere & te hæreditatem adire, hæreditatem restituere debes. Ea nimirum mens testatoris fuit, ut ipsi sis hæres, sed ut hæreditatem restituas, si hoc feceris, vel si patruus tuus te hæredem instituerit. Condicio negativa in tempus futurum collata, qualis hic intelligitur, sive potestativa fuerit, sive casualis statim quasi existit, sed illa existere definit, seu non existere intelligitur, quando contra agis, hæc vero, quando evenit, quod eventurum non esse supponebatur. Ceterum naturaliter nil obstat, quo minus etiam valeat conditio negativa, si non nupserit, vel si in viduitate permanserit. Testator enim non sine ratione honesta ea adjicere potuit, quoniam prospicere voluit personæ, quam hæredem sub ista conditione instituit, si non nubat, vel quamdiu in viduitate persistat. Ceterum me vel tacente patet, quæ de hæreditate dicta sunt, ea etiam intelligenda esse de legatis, cum utrobique dominium rerum in alium gratis transferatur, quas transferens post mortem suam relinquit.

§. 1042.

Si legatum pure relinquitur, vel in diem certo adventurum, Quomodo vel sub modo, legatarius acceptione sua dominium statim acqui-legata acris in re legata, nisi tamen modum adimpleveris, eam restituere quirantur.

CCCC 3

tene-

*tenetur heredi: quodsi vero sub conditione relicta fuerit, acceptatione sua acquirit spem dominium acquisitum iri. Etenim ad translationem domini & juris cujuscunque actualem requiritur declaratio voluntatis transferentis & acceptatio ejus, in quem illud transfertur (§. 13. part. 3. Jur. nat.). Quando legatum relinquitur, actus translationis juris in re legata ex parte transferentis perfectus est, quamprimum legans moritur (§. 998. 1003.). Quamprimum itaque legatarius legatum acceptat, jus in re legata acquirit, quale in eum transferre voluit legans, sive testator. Quando legatum pure relinquitur, testator utique voluit, ut statim a morte sua dominium in re legata acquirat, quod per se patet. Quamobrem legatarius in re pure legata dominium statim acquirit acceptatione sua. *Quod erat primum.**

Enimvero si legatum relinquatur in diem certo adventurum, veluti ut ei tradatur ab hærede quinque a morte testatoris annis elapsis; hic voluisse intelligitur, ut præterea hæres re legata utatur fruatur, & per consequens cum noluerit hunc esse dominum, dominium statim transire debere in legatarium. Quamobrem legatarius acceptatione sua statim acquirit dominium in re legata. *Quod erat secundum.*

* Quoniam modus promissioni adjectus nec promissionis adimplerionem differt, nec promissi exactionem ex parte promissarii (§. 560. part. 3. Jur. nat.): si legatum sub modo fuerit relictum, legatarius quoque dominium in re legata acceptatione sua statim acquirit, eamque exigere potest. *Quod erat tertium.*

Enimvero si legatum sub modo relinquatur, legatario res legata datur, ut aliquid præster (§. 557. part. 3. Jur. nat.). Enimvero si quid tibi datur hoc fine, ut hoc facias,
tu

tu vero non feceris, quod datum restituere teneris (§. 556. *part. 3. Jur. nat.*). Quamobrem si legatarius modum non adimpleverit, rem legatam restituere tenetur. Patet idem ex eo, quod de donatione sub modo facta demonstrata sunt (§. 71. *part. 4. Jur. nat. & §. 1003. h.*). *Quod erat quartum.*

Denique si legatum sub conditione relictum fuerit, testator voluit, ut res legata non sit legatarii, nisi conditione existente, consequenter legatum respondet donationi sub conditione facta, re non statim tradita (§. 1003. *h.*) consequenter traditio nonnisi sub eadem conditione & ea non existente revocabiliter promissa intelligitur (§. 69. *part. 4. Jur. nat.*). Quoniam itaque promissarius nonnisi spem habet debitum iri, antequam certum est conditionem extare (§. 471. *part. 3. Jur. nat.*); si legatum sub conditione relinquatur, legatarius acceptance sua acquirit spem dominium acquisitum iri. *Quod erat quintum.*

Quoniam donatione sub conditione facta, res statim tradi potest, tum vero revocabiliter facta intelligitur (§. 68. *part. 4. Jur. nat.*); nec quicquam obstat naturaliter quo minus testator rem sub conditione legatam statim tradi velit legatario, sed revocabiliter, ita ut conditione non existente restituatur. Quoniam vero ratio aliqua adesse debuit, cur voluerit testator rem tradi legatario, antequam constet, utrum ejus esse debeat, nec ne; id voluisse intelligitur, ut pendente conditione is re legata utatur fruatur, consequenter ut legatus saltem sit usus-fructus, donec conditio existat. Facile autem apparet, expressam hic requiri voluntatem testatoris, ne hæres præter ejus voluntatem gravetur.

§. 1043.

Si heres, vel legatarius moritur, jus acceptance sua acquirit. Quando ius situm in hereditate, vel re legata transmittit in heredem suum, heredi, quorsiv vel legata

rii trans- quodsi moritur ante acceptationem, vel antequam modum, sub
mittatur in quo hæres instituitur, aut legatum relictum, adimpleverit, nihil
hæredem transmittit. Etenim jus, quod acceptatione sua acquirit
ipsius. hæres, vel legatarius, ad bona ipsius pertinet (§. 451. *part.*
2 Jur. nat.). Quamobrem cum hæres tuus succedat in
 bona post mortem tuam relictæ (§. 958.); idem etiam suc-
 cedit in jus, quod acceptatione tua in hæreditate, vel re
 legata acquisivisti. Patet itaque si hæres, vel legatarius
 moriatur, eandem jus acceptatione sua acquisitum in hære-
 ditate, vel re legata transmittere in hæredem suum. *Quod*
erat primum.

Enimvero cum sine acceptatione dominium, vel jus
 quoddam proprium transferri nequeat (§. 7. *part. 3 Jur.*
nat.); si hæres, vel legatarius moritur ante acceptationem,
 cum nihil habeat, quod transferre possit, nullum quoque
 jus in hæreditate, vel re legata transmittere potest in eum,
 qui ipsi hæres est. *Quod erat secundum.*

Enimvero si quod tibi sub modo detur, tu vero mori-
 aris, antequam modum adimplere potueris, quod datum re-
 stituendum (§. 566. *part. 3 Jur. nat.*). Quamobrem cum
 etiam hæreditas, vel legatum restitui debeat, si modo non-
 dum adimpleto moriaris, consequenter modo nondum ad-
 impleto jus nullum tibi competat in re hæreditaria, vel le-
 gata; nihil quoque in hæredem tuum transmittere potes.
Quod erat tertium.

Quæ hic demonstrantur satis manifesta sunt. Quod vero
 non dixerimus hæreditatem, vel legatum transmitti in hære-
 dem tuum, sed jus in rebus hæreditariis, vel legatis acceptatione
 tua acquisitum; ejus quidem ratio patet ex antecedentibus:
 neque enim idem est in omni casu, sed variat, prout hæres
 instituitur, aut legatum relinquitur, vel pure, vel sub condi-
 tione,

tione, vel in diem, vel sub modo. Quale igitur jus in dato quolibet casu transmittatur, ex antea demonstratis dijudicandum. Hæres non necessario hæres est, etsi fuerit institutus, nec legatarius necessario legatarius est, quamvis legatum ipsi fuerit relictum, seu ipse nominatus legatarius, cum utrique liberum sit, utrum quod offertur acceptare velit, an nolit. Sola voluntate defuncti nemo fieri potest hæres, vel legatarius. Nec dici potest, ad acceptandum sufficere præsumtam hæredis, vel legatarii voluntatem, quæ tamdiu valeat, donec contraria expresse declaretur. Neque enim testatori perinde est, cui benefacere velit, nec ex eo, quod te hæredem instituit, vel tibi legatum reliquerit, præsumi potest, quod, si tu ante conditum testamentum mortuus fuisses, cum, qui tibi hæres existit, sibi hæredem instituturus, vel eidem legatum relicturus fuisset. Naturaliter jus in hæredem transmittere nequis, nisi quod acquisivisti, ut sit tuum, antequam moriaris.

§. 1044.

Qui per ætatem, aut aliam ob causam acceptare nondum possunt, in iis acceptatio præsumenda. Etenim si quis eum institutione hæreditatis instituit hæredem, vel ei legatum relinquit, qui per ætatem, aut aliam ob causam acceptare nondum potest; testatus est præsumitur voluisse intelligitur, ut valeat acceptatio præsumta, quoniam præsumi nequit nihil agere voluisse. Quamobrem cum a testatoris tanquam jus quoddam in alterum transferentis voluntate unice dependeat, quomodo id transferre velit (§ 12. part. 3. Jur. nat.) ; quin etiam ea lege transferre possit, ut valeat acceptatio præsumta, dubitandum non est. Quodsi ergo hæres instituitur, vel legatarius nominetur, qui per ætatem, aut aliam ob causam acceptare nondum potest, in iis acceptatio præsumenda.

E. gr. Si infans instituitur hæres, vel ei legatum relinquitur; acceptatio præsumitur, alias enim hæres institui, vel legatum ei relinqui non potuisset. Idem intelligitur de posthumo, (Wolffii Jur. Nat. Pars VII.) D d d d d qui

qui expectatur, de furioso & amente. Immo nec repugnat, ut etiam præsumatur acceptatio in eo, qui acceptare potest: manet enim eidem adhuc liberum jus acquisitum abdicandi (§. 974.), ut ideo nihil ipsi obrudatur (§. 199. part. 4. Jur. nat.). Enimvero tum necesse est, ut testator hoc expresse dicat, quoniam non aliter voluntas ejus sufficienter indicata intelligitur, quam quomodo in hypothefi propositionis præsentis exprimitur.

§. 1045.

Ejus effe-
ctus.

Qui præsumta acceptatione jus in re hæreditaria, vel legata acquirit; is idem acquirit eo ipso momento, quo testator animam exhalat. Quoniam enim testamentum morte testatoris validum efficitur (§. 998.); eo ipso momento, quo animam exhalat, actus translationis ex parte ipsius perfectus est. Et quoniam tantummodo accedere debet ex parte hæredis, vel legatarii acceptatio præsumta, ut translatio perficiatur, *per hypoth.*; eodem momento ea accessisse intelligitur, cum præsumptioni acceptationis statim locus sit, quando habere locum potest, consequenter quamprimum voluntas testatoris immutabilis facta. Patet igitur cum, qui præsumta acceptatione jus in re hæreditaria, vel legata acquirit, eo ipso momento, quo testator animam exhalat, idem acquirere.

Hinc patet, cur infantes, vel furiosi, aut amentes, immo etiam absentes, qui moriuntur, antequam voluntatem suam expresse declarare potuerint, hæreditatem, vel legatum, aut jus in hæreditate, vel re legata acquisitum transmittant naturaliter in eum, qui sibi hæres est, ut ideo non opus sit huic diutius immorari.

§. 1046.

An natura-
liter testa-

Naturaliter in testamento tantummodo relinqui possunt legata, immo etiam tantummodo disponi potest de aliis, quæ post mortem

tem suam fieri vult testator, tumque hæres is est, qui ab intestato mentum si-
succedit. Quoniam enim in testamento non modo declaratur ne hæredis
voluntas de translatione domini rerum post mortem suam reli-*instituzione*
ctarum, sed & de eo, quod quis præterea post mortem suam fieri possit.
fieri velit (§. 994.), quando autem quis vult, eundem sibi
esse hæredem, qui ab intestato succedere debet, non demum
opus est, ut de eo expresse voluntatem suam declaret (§.
1033. 1034.); naturaliter nihil obstat, quo minus in testa-
mento saltem voluntatem suam de legatis, vel de eo, quod
præterea fieri vult, post mortem suam declaret, cum hæc
absque institutione hæredis declarari possint. Naturaliter
itaque in testamento tantummodo relinqui possunt legata,
immo etiam de aliis, quæ post mortem suam fieri vult testa-
tor, tantummodo disponere potest. *Quod erat unum.*

Quando vero in testamento nulla fit hæredis mentio,
quoad hæredis institutionem perinde est, ac si testamentum
nullum conditum fuisset (§. 994.). Quamobrem cum ab
intestato succedatur, si nullus institutus fuerit hæres (§.
1021. 1033. 1034.); si in testamento tantummodo legata
fuerint relicta, vel etiam dispositum de aliis, quæ post mor-
tem suam fieri vult testator, hæres ipsi est, qui ab intestato
succedit. *Quod erat alterum.*

Ita in testamento naturaliter hæredi ab intestato præscribi
possunt leges, quas adjicere licet, si expresse instituatur. Dici
potest, sub qua conditione succedere debeat, si non desint
alii remotioris gradus collaterales. Disponi tantummodo
potest de tutela liberorum, vel eorum cura, & quæ sunt alia
istiusmodi, quæ in testamento locum habent. Naturaliter
enim voluntas defuncti sufficienter declarata valere debet, quan-
tum valere potest citra injuriam tertii cujusdam.

§. 1047.

De iis, quæ ad testa- Naturaliter ad testamentum adjici possunt, tum per quæ non nulla in eodem immutantur, tum quæ nihil mutationis afferunt. Testator enim testamentum mutare potest, quamdiu vixerit (§. 997.), nec naturaliter opus est, ut suam de eo, quod post mortem fieri vult, voluntatem simul declaret, quod per se patet, consequenter ut actus testandi unico contextu fiat. Quamobrem naturaliter ad testamentum adjici possunt, tum per quæ non nulla in eodem immutantur, tum quæ nihil mutationis afferunt.

Naturaliter nimirum sufficit, ut certo constet, hanc esse ultimam defuncti voluntatem, hoc est, eam, quam morte sua confirmavit, seu immutabilem fecit. Quamobrem nec opus est, ut in Jure naturæ codicilli distinguantur a testamento, quemadmodum in Jure Romano, in qua codicilli dicuntur ultima voluntas quinque testibus adhibitis declarata, quæ hæres ex testamento, vel ab intestato rogatur, ut hæreditatem vel ejusdem partem restituat, aut rem particularem præster, prouti eos describit *Struvius* in Juris. Rom. Germ. for. lib. 2. tit. 28. §. 1. & qui eodem Jure fieri possunt vel testamento ante, vel postea facti, immo nullo facto. Rationes equidem fuerunt Romanis, cur codicillos distinguerent a testamentis, sed illæ in Jure naturæ cessant. Et consulum foret, ut omnis testandi modus ad simplicitatem naturalem reduceretur, abrogatis iis, quæ juris mere Romani sunt.

§. 1048.

De successio- Si successio quadam ab intestato moribus, vel lege positiva in ne moribus, civitate fuerit introducta; eum heredem sibi voluisse intelligitur vel lege po- defunctus, quem mores, vel lex designant. Qui enim volun- sitiva intro- tatem suam expresse non declarat, quinam in bona post ductis. mortem suam relicta succedere debeat, cum tamen non præsumatur voluisse, ut ea post mortem suam sint res nullius,

lius (§. 1030.), id omnino voluisse intelligitur, quod moribus, vel legi positivæ in civitate convenit, consequenter ut is sit hæres, quem mores, vel lex designant.

Nemo sane nvoit, quando sit moriturus, & num ipsi tantum superfuturum sit spatium, quando moriendum, ut testamentum facere possit. Quodsi ergo nolit eum sibi esse hæredem, quem mores, vel lex positiva ad hæreditatem vocant, tempestive testamentum condere debet, cum id omni tempore facere, ac factum, quodcumque voluerit, iterum mutare, immo tollere possit (§. 997.). Quamobrem si vel maxime testamentum facere & in eo alium hæredem instituere voluerit; ob ea, quæ diximus, recte tamen voluisse præsumitur, ut si se intestatum decedere contingat, valeant mores, vel lex tanquam voluntas ultima sua.

§. 1049.

Prælegatum dicitur legatum hæredi uni, vel alteri *Prælegatum*
relictum. *quid sit.*

Ita e. gr. liberi naturaliter æquo jure succedunt: quodsi vero pater, vel mater uni præter hæreditatis partem legatum quoddam relinquit, id prælegatum dicitur. Idem intelligitur de hæredibus voluntariis. Prælegatum vero non est, si saltem alicui res quædam in particulari assignetur, veluti domus, aut hortus: tum enim imputatur in partem hæreditatis debitam.

§. 1050.

Quoniam parentes, etiam si liberi succedant, vel etiam *De prælega-*
liberi, si succedant parentes, pro modo facultatum suarum *soliberorum*
beneficia merentibus & pauperibus legata relinquere possunt (§. 1005. 1008.); *parentes* quoque *uni liberorum* & *liberi*
parentis uni prælegatum relinquere possunt (§. 1049.).

Motivum prælegati esse potest non modo indigentia ejus, cui id relinquitur, sed etiam beneficii meritum, cujus plures

Ddd dd 3 esse

esse possunt causæ. Possunt etiam prælegata relinqui cum onere, vel sine onere.

§. 1051.

De institutione hæredum plurimum notanda.

Hæredes plures institui possunt in partibus æqualibus & inæqualibus pro lubitu, alii etiam pure, alii sub conditione, vel in diem certum, aut incertum, vel sub modo, immo alii sine onere, alii cum onere: nec minus pro arbitrio testatoris uni, vel alteri prælegatum relinqui potest, immo etiam singulis relinqui prælegata in æqualibus partibus institutis. Quodsi enim nulli fuerint ascendentes, vel descendentes in vivis, quibus non sine iusta eaque gravi causa hæreditas auferri nequit (§. 1016. 1000. 1014.), a testatoris unice voluntate dependet, quemnam & quomodo hæredem instituere velit (§. 994. h. & §. 11. 12. part. 3. Jur. nat.). Quamobrem si hæredes plures instituit, eos instituere potest in partibus æqualibus & inæqualibus pro lubitu, alios pure, alios sub conditione, vel in diem certum, aut incertum, vel sub modo, alios cum onere, alios sine onere. Quod erat unum.

Et quoniam similiter a voluntate testatoris dependet, utrum nonnullis legata relinquere velit, nec ne (§. 1003. h. & §. 130. part. 4. Jur. nat.); nil obstat, quo minus is hæredibus sive singulis, sive uni, vel alteri eorum, prælegata relinquat (§. 1049.), si vel maxime in partibus inæqualibus fuerint instituti. Quod erat alterum.

Hæredes omnes simul sunt quædam communitas, quæ jus commune habent in hæreditate indivisa: ast legatarii nonnisi jus habent in re quadam particulari, & res legatæ ab hæreditate separandæ tanquam alienæ, nec ad eam pertinent. Hæres itaque & legatarius sunt diversæ personæ morales. Quamobrem si hæredi relinquitur prælegatum, id ipsi non relinquitur qua hæredi, sed qua legatario: unde qua hæres legatarius non

non est, nec qua legatarius hæres est. Repræsentat itaque duas personas, quarum unicuique competunt sua jura a se invicem minime dependentia.

§. 1052.

Testator hereditatem inter hæredes dividere potest. Oſten- *De heredi-*
ditur eodem modo, quò propositionem præcedentem de- *dite a testa-*
monſtravimus. *sore diviſa.*

Hæredes omnes simul acquirunt dominium univerſale ſeu commune in omnibus rebus a defuncto relictis. Quoniam itaque adita hereditate res communes inter ipſos pro rata, in qua ſinguli inſtituti, ſunt dividendæ; ſi teſtator præſcribit modum, quo hereditatem inter ipſos dividi velit, & ideo certæ res ſingulis aſſignentur, propterea porciones hereditariæ non convertuntur in legata. Sane ſi quod a teſtatore diviſum non eſt, id adhuc erit omnium commune, ab ipſis inter ſe dividendum. Cum hæredes ſuccedant in omnia bona defuncti (§. 958.); ideo jam ſupra (not. §. 1049.) monuimus, ſi hæredi uni res quædam particularis aſſignetur, eam ideo non eſſe prælegatum, ſed in portionem hereditariam impu- tandam.

§. 1053.

Si hereditas a teſtatore inter hæredes fuerit diviſa, hoc non An eam tol-
obſtante iidem unanimi conſenſu eandem aliter inter ſe pro lubitu lere poſſint
dividere poſſunt. Etenim hæredes omnes ſimul cum ſucce- *hæredes.*
dant in omnia bona defuncti (§. 958.), dominium in iis acquirunt, conſequenter nonniſi eorum intereſt, quomodo hereditas dividatur. Et quamvis adeundo hereditatem, cum teſtator hæredem inter ipſos dividere potuerit (§. 1052.), acquirant jus ad certas res particulares in illa contentas; quoniam tamen quilibet jus ſuum remittere poſſet (§. 117. part. 3. Jur. nat.), diviſio hereditatis a teſtatore facta

facta minime obstat, quo minus unanimi consensu eandem inter se pro lubitu dividant.

Duo actus diverſi ſunt hæredis inſtitutio & hæreditatis diſiſio, qui diverſos quoque habere debent juris effectus. Illa acquirunt hæredes omnes ſimul dominium univerſale in bonis defuncti conjunctim; hac vero jus ad res particulares in hæreditate contentas, ut, niſi velint, hæreditas aliter dividi nequeat (§. 336. part. 2. Jur. nat.). Atque hinc patet, jus legatarii ab hoc jure, quod ex hæreditate a teſtatore diſiſit ſuiſ, plurimum diſſerre, cum illud ſit dominium in re particulari ad hæreditatem non referenda.

§. 1054.

De obligatione præſtandi legata.

Hæredes legatariis legata præſtare obligantur, ſeu res legatas tradere. Legatarius enim acceptatione ſua acquirit dominium in re legata, etſi per conditionem adjectam ſuſpendi poſſit (§. 1042.), conſequenter res legata, quamprimum debetur, ſpectatur tanquam res ad hæreditatem non perti-nens, cum in ea nullum jus competat hæredi. Quamobrem cum res legatæ ſeſe habeant per modum rerum alienarum in hæreditate inventarum, ab hac auſerendæ ſunt (§. 964.), & domino ſuo reſtituendæ (§. 467. part. 2. Jur. nat.). Quoniam vero hæres ſuccedit in omnes obligationes defuncti (§. 958.), qui ad rem legatam tradendam, legato perfectò, obligatus intelligitur (§. 54. part. 4. Jur. nat. & §. 1003. h.); hæres legatariis res legatas tradere, ſeu legata præſtare obligatur.

Jus in re legatarius acquirit a defuncto, non ab hærede (§. 1003.). Quoniam vero demum poſt mortem ejus acquiritur; obligatio ad tradendum rem legatam cadit in hæredem, qui perſonam defuncti repræſentat (§. 958.). Quemadmodum itaque rei ſibi donatæ traditionem exigeret legatarius a defuncto, ſi adhuc viveret, eam petendo tanquam rem ſuam (§. 60.

(§ 60. *part. 4. Jur. nat.*); ita post mortem ejus rem sibi legatam tanquam suam perit ab hærede, qui jam loco defuncti est, & ejus traditionem urget, non vero hæredem ad donationem adimplendam compellit.

6. 1055.

Si hæres unus hæreditatem repudiet, vel etiam legatarius le- *Si hæres u-*
gatum; portio illius, vel res legata hujus hæreditati accrescit. nus hæredi-
Etenim si hæres unus hæreditatem repudiet, perinde est ac tatem repu-
si hæres non esset institutus, nec ullum jus in hæreditate diet, vel le-
habet (§. 972.). Quainobrem cum hæredes simul insti- *gatum lega-*
tuti acquirant dominium universale in omnibus rebus a de- *tararius.*
functo relictis (§. 960.); iisdem quoque competit domi-
nium in portione repudiata, consequenter si hæres unus hæ-
reditatem repudiet, portio ejus hæreditati accrescit. Quod
erat unum.

Quodsi legatarius legatum repudiet, in re legata dominium non acquirit (§. 7. 111. *part. 3. Jur. nat.*), consequenter cum nemini in ea re jus competat, ea ad hæreditatem pertinet (§. 460.). Res igitur legata, si legatarius legatum repudiet, hæreditati accrescit. *Quod erat alterum.*

Si donatarius donationem acceptare nolit; res manet utique donantis: id quod nemo in dubium vocaverit. Cum legatum donationis species sit (§. 1003.), si id repudietur consequenter non acceptetur (§. 2. 111. *part. 3. Jur. nat.*); res legata utrique manere debet ejus, qui in locum defuncti tanquam donatoris succedit. Nulla vero ratio est, cur res legata accrescere debeat ceteris legatariis, quippe qui nullum jus commune habent in rebus legatis, sed unusquisque jus singulare in re sibi legata. Ecquis dixerit, si quis uno eodemdemque tempore simul donet, unus vero donationem acceptare

(*Wolffs Jur. Nat. Pars VII.*) E e e e ptare

ptate nolit, quod res huic donata non manere debeat donatoris, sed donatariis ceteris fieri communis?

§. 1056.

Da jure legatariorum, si hereditatem adire nolit, vel non possit heres institutus.

Si heres institutus hereditatem adire nolit, vel non possit; legata tamen subsistunt. Etenim si hæres institutus adire nolit, vel non possit, veluti si ante testatorem moriatur, aut antequam eam acceptet; perinde est ac si nullus hæres in testamento fuisset institutus, sed in eo tantummodo legata sint relicta (§. 962.). Quamobrem cum naturaliter in testamento tantummodo legata relinqui possint (§. 1046.); si hæres institutus hereditatem adire nolit, vel non possit, legata tamen subsistunt.

Jus legatarii minime dependet a jure hæredis instituti (not. §. 1056.). Quamobrem etsi nullum jus sit ejus, qui institutus fuerat hæres, si hereditatem adire nolit; non tamen propterea perimitur jus legatarii, utpote quod sine eo subsistit.

§. 1057.

De hereditibus in eadem parte conjunctim institutis.

Si duo hæredes conjunctim in certa quacumque parte instituantur, aut res eadem duobus conjunctim legetur, & unus illorum hereditatem, alter legatum repudiet; hæres illi conjunctus portionem hereditatis integram solus, legatarius vero rem legatam solus accipit. Etenim si duo hæredes conjunctim in certa quadam parte instituantur, hereditas ita dividenda, ut hi duo simul accipiant partem, in qua conjunctim instituti sunt, consequenter quoad ceteros cohæredes perinde est, ac si una tantummodo persona in illa parte fuisset instituta, nec quicquam refert utrum unus, an duo partem illam accipiant. Quodsi ergo unus eorum hereditatem repudiet, consequenter declaret, se nihil ex hereditate capere velle (§. 972.

(§. 972. h. §. 2. part. 3. Jur. nat.); omnino declarare intelligitur, quod nolit partem istam inter se ac heredem sibi conjunctum dividi. Erit igitur integra ejusdem. Patet itaque, si duo heredes conjunctim in certa quadam parte instituuntur, & unus hereditatem repudiet, portionem hereditatis integram solum accipere, qui cum illo conjunctim in ea fuerat institutus. *Quod erat unum.*

Similiter si res eadem duobus legetur, erit ea tanquam communis inter ipsos dividenda. Quodsi ergo eorum unus legatum repudiet, omnino declarare intelligitur, quod eam inter se dividi nolit, nec velit partem ejus habere. Manebit itaque integra legatarii, cui cum ipso conjunctim legatum fuit relictum. *Quod erat alterum.*

Facile patet, idem valere, si alia de causa deficiat heres eorum unus, qui conjunctim in eadem parte hereditatis sunt instituti, vel legatariorum unus, quibus conjunctim eadem res legata. Cum vero herede uno, consequenter etiam duobus conjunctim in eadem parte institutis hereditatem repudiantibus, vel legatario etiam, consequenter & duobus, quibus eadem res legata legatum repudiantibus, in priori casu portio hereditatis, in posteriori res legata accrescat hereditati (§. 1055.); facile patet accrementum hoc participare etiam pro rata sua heredes conjunctim in eadem parte institutos; quippe qui nonnisi unum heredem respectu ceterorum repræsentant. Patet etiam per se plures, quam duos in eadem parte conjunctim institui posse heredes, & pluribus, quam duobus eandem rem conjunctim legari posse. Opus autem non est, ut plures conjunctionis heredum modos distinguamus, ut de accremento ex repudiatione unius heredis emergente judicium fieri possit.

§. 1058.

Testator quoque heredi instituto alium substituere potest, ut De substitutione deficiente quacunque de causa, hic succedat: vel in ea parte, in tione hereditatis.

Eeeee 2

qua ille erat institutus, vel in alia quacunque. Etenim si hæres substituitur, perinde est ac si institueretur sub hac conditione, si alter quacunque de causa deficiat. Quoniam itaque hæres sub quacunque conditione institui potest (§. 1036.); sub hac quoque conditione institui potest, si alter quacunque de causa deficiat. Testator itaque hæredi instituto alium substituere potest, ut illo deficiente quacunque de causa succedat. *Quod erat unum*

Et quoniam si plures hæredes instituit, ipsi integrum est, in quam parte singulos instituere velit (§. 11. *part. 3. Jur. nat.* §. 958. *h.*); eidem quoque liberum est, utrum hæredem in eadem parte substituere velit, in qua alter institutus fuerat, an vero in alia quacunque. *Quod erat alterum.*

Testator minime prævidere potest, utrum ante mortem suam moriturus sit hæres, nec ne, aut num alia forsan de causa deficere possit hæres a se institutus. Datur itaque substitutionis sufficiens ratio (§. 56. *Ontol.*). Possunt vero etiam uni duo, vel plures conjunctim eidem substitui, immo substituto denuo substitui alii, prouti testatori commodum visum fuerit.

§. 1059.

De substitutione legatarii.

Testator legatario alium substituere potest, ut, si is quacunque de causa deficiat, hic legatum accipiat. Etenim si legatarius substituitur, legatum ipsi relinquitur sub hac conditione, si alterum deficere contingat. Quamobrem cum legatum sub conditione relinqui possit (§. 1003. *h.* §. 130. *part. 4. Jur. nat.*); legatario quoque substitui potest alius, qui illo quacunque causa deficiente legatum accipiat.

Valent etiam de legatarii substitutione, quæ modo de substitutione hæredis annotavimus (*not.* §. 1058.).

§. 1060.

§. 1060.

Furiosi, durante furore, amentes & infantes, atque impubes De iis, qui *res in sensu morali tales testamentum facere nequeunt.* Etenim *testari non* homo nil agere debet absque animo deliberato (§. 390. *possunt.* *part. 3. Jur. nat.*), consequenter nec absque eo testamentum facere. Quoniam itaque testaturus probe perpendere debet, utrum hunc potius, an alium hæredem instituere debeat, & quomodo instituere debeat (§. 387. *part. 3. Jur. nat.*), furiosi autem, durante furore, amentes & infantes hoc probe expendere nequeunt, quod per se patet, ac idem quoque manifestum est de iis, qui in sensu morali impuberes sunt (§. 767.); furiosi, durante furore, amentes & infantes, atque impuberes in sensu morali tales testamentum facere nequeunt.

§. 1061.

Parentes liberis suis hæredem substituere possunt sub hac con- De substitu-
ditione, si infantes vel impuberes moraliter tales, aut amentes, vel *tionem a pa-*
furiosi decedant. Etenim quamdiu liberi infantes sunt, vel *rentibus li-*
impuberes in sensu morali, aut amentes, vel furiosi, testamen- *beris facta.*
tum facere nequeunt (§. 1060.). Quamobrem cum pa-
rentibus competat jus determinandi actiones liberorum,
quamdiu ipsimet easdem juxta naturæ legem determinare
nequeunt (§. 660.); hæredem quoque ipsis substituere pos-
sunt sub hac conditione, si infantes, vel impuberes, aut a-
mentes, vel furiosi decedant.

Perinde nimirum est, ac si testamentum facerent ipsorum
loco, quod ultra illum statum extendi nequit, in quo ipsimet
testamentum facere nequeunt. Quoniam enim non sunt hæ-
redes voluntarii, sed naturales, quos ipsa natura instituit (§.
983.); non potest ipsis hæreditas relinqui ea lege, ut post
eorum mortem sit ejus, quem ipsi voluerint. Quod si ea sub-

stitutio valeret, deterioris essent conditionis, quam liberi apud Romanos, qui sub patria potestate erant, quippe quæ ultra vitam patris non extendebatur.

§. 1062.

*De substitutio-
tione vulga-
ri, pupillari
& quasi pu-
pillari.* *Substitutio vulgaris* dici solet, qua quis instituitur hæres sub ea conditione, si alius institutus deficiat. *Pupillaris substitutio* vocatur, qua parentes liberis impuberibus substitunt hæredem sub ea conditione, si impuberes moriantur, seu in statu pupillari decesserint. Denique *quasi pupillaris*, vel etiam *exemplaris* appellatur, qua parentes liberis furiosis, vel amentibus sub ea conditione substituant hæredem, si in illo statu, quo testamentum ipsimet facere nequeunt, decesserint. *Est autem tam substitutio vulgaris, quam pupillaris & quasi pupillaris, vel exemplaris juris naturalis* (§. 1058. 1061.).

Abstinet autem, ut propterea juris naturalis esse putentur omnia, quæ in Jure civili de substitutionibus istis præcipiuntur.

§. 1063.

Quando substitutio vulgaris expirat; pupillaris autem, si status pupillaris liberorum finitus, & quasi pupillaris, seu exemplaris, si hæres in illo statu non decesserit, in quo testamentum facere nequit. Etenim substitutio vulgaris est substitutio facta sub conditione negativa, si alius, seu primo gradu institutus deficiat (§. 1062.). Quamobrem cum conditio hæc negativa deficiat, seu non existat, si hæres primo gradu institutus hæreditatem adeat (§. 490. part. 3. Jur. nat.); substitutio quoque vulgaris tum expirare debet (§. 534. part. 3. Jur. nat.). *Quod eras primum.*

Simi-

Similiter cum substitutio pupillaris sub ea conditione fiat, si liberi in statu pupillari decesserint (§. 1062.); conditio non existit, quamprimum status pupillaris finitur. Eo igitur finito substitutio pupillaris expirat (§. 534. *part. 3. Jur. nat.*). *Quod erat secundum.*

Denique substitutio quasi pupillaris, seu exemplaris, sub hac conditione fit, si liberi in eo statu decesserint, in quo ipsimet testamentum facere non poterant (§. 1062.). Quamobrem cum conditio ista deficiat, si in eo statu non decesserint; substitutio quoque quasi pupillaris, seu exemplaris tum expirat (§. 534. *part. 3. Jur. nat.*). *Quod erat tertium.*

Substitutionem hæredis æquiparari promissioni & per consequens ad eandem recte applicari, quæ de promissione conditionata demonstrata fuerunt, nemo dubitaverit, qui quid sit promissio (§. 361. *part. 3. Jur. nat.*) & quid sit substitutio probe perpenderit. Ceterum cum furiosus in intervallis lucidis testamentum facere possit, quemadmodum valide promittere potest (§. 449. *part. 3. Jur. nat.*); facile patet, non valere substitutionem, si furiosus in intervallo lucido decedat.

§. 1064.

Legatum pæna dicitur, quod relinquitur sub hac conditione, si hæres hoc fecerit, vel non fecerit. Quamobrem patet, *legatum pæna* relinqui *hæredis exercendi causa*, ut quid faciat, vel non faciat. Quoniam testator sub quacunque conditione legatum relinquere potest (§. 1003. *b. & §. 130. part. 4. Jur. nat.*); *legatum pæna juri natura minime ad-versatur.*

Pæna nimirum adjicitur legato, quemadmodum promissio (§. 606. *part. 3. Jur. nat.*). Quamobrem quæ ibidem annotavimus, etiam hic notanda veniunt. Et sicuti demonstra-

vimus,

vimus promissionem pœnalem esse conditionatam (§. 607. part. 3. *Jur. nat.*); ita quoque legatum pœnæ inter conditionalia referendum, & per consequens de eodem valent, quæ de legato condicionali demonstravimus. Exemplum legati pœnæ est, quando testator dicit; si hæres Cleliam duxerit, Mævio hortus meus legatus esto. Item si dicat: Sempronio mille aureos lego, si hæres Medicinæ operam navet.

§. 1065.

De re hæredis legata. Si res hæredis legetur, hæres institutus est cum hoc onere, ut rem certam suam legatario præstet. Quoniam res aliena donari nequit (§. 97. part. 4. *Jur. nat.*); proprie loquendo nec legari potest (§. 1003.), Cum tamen hæres quis institui possit cum onere (§. 1036.), consequenter etiam ut rem certam suam alteri præstet (§. 585. part. 3. *Jur. nat.*), tum vero legatarius eandem voluntate testatoris ultima acquirit, si hæreditatem acquirere velit hæres; si res hæredis legetur, institutus is est cum hoc onere, ut rem certam suam legatario præstet.

Ex demonstratione liquet, si res hæredis legetur, hæredis institutionem fieri sub modo, & legatum sub conditione relinqui. Hæres enim institutus intelligitur sub hoc modo, ut præstet rem certam suam legatario, & huic legatum relictum intelligitur sub hac conditione, si hæres hæreditatem adierit. Exemplum esto hoc: Titius mihi hæres esto, ejus autem domum lego Sempronio. Si enim Titius hæreditatem adit, domus est Sempronii, & Sempronio ille eam tradere tenetur, si hæres esse velit.

§. 1066.

De re legatarii legata. Si res legatarii legetur, legatum ipsi relinquitur cum hoc onere, ut rem certam suam præstet alteri. Patet eodem modo, quo propositionem præcedentem ostendimus.

Exemplum esto: lego Titio domum meam, Sempronio autem domum Titii. Facile patet, domum meam majoris pretii

pretii esse debere, quam domum Titii: alias enim inutile foret legatum, cum a Titio non acceptaretur, consequenter etiam legatum Sempronio relictum evanesceret. Ac idem intelligitur in casu quocunque alio.

§. 1067.

Si cui res certa in genere legetur, naturaliter in arbitrio hæredis relictum videtur, quamnam ejus generis e rebus post mortem genere relictis dare velit legatario. Etenim cum testator in testamento disponat de translatione dominii rerum post mortem suam a se relictarum (§. 994.); si rem certam in genere alicui leget, unam istarum, quas in hoc genere relinquit, legatario tradendam esse voluit. Quoniam tamen in specie non nominat eam, quæ tradenda, cum voluntatis suæ de eo nulla indicia prostant, unde ea colligi possit; in arbitrio omnino hæredis reliquisse videtur, quamnam tradere velit.

E. gr. Si in hæreditate fuerint tres equi, & testator unum in genere leget Sempronio; hæres existis tribus tradere potest Sempronio, quem voluerit. Idem intelligitur, si Cajo tres vaccæ legentur, sint vero in hæreditate triginta. Aliter vero sese res habet, si res legata demonstretur, seu certo modo describatur: tum enim ea tradenda legatario, cui demonstratio convenit. Patet etiam ex demonstratione propositionis, non posse hæredem loco rei in hæreditate contentæ legatario dare aliam ejusdem generis, nisi consentiat legatarius, qui de jure suo remittere potest, quantum ipsi commodum visum fuerit (§. 117. part. 3. Jur. nat.).

§. 1068.

Si testator ante mortem suam rem legatam alienavit, vel debitum, quod debitori, aut nomen, quod alii legavit, exigit; legatum ademptum intelligitur. Etenim si testator voluisset legatum ademptum. *De legato*
debitum, quod debitori, aut nomen, quod alii legavit, exigit; legatum ademptum intelligitur. Etenim si testator voluisset legatum ademptum. *De legato*
 (Wolffii Jur. Nat. Pars VII.) Fff ff tum

tum subsistere debere, rem legatam alienare non poterat, nec debitum debitori, aut nomen alii legatum exigere. Quamobrem si hoc fecerit, voluntatem suam ultimam, seu testamentum quoad legatum hoc mutasse intelligitur. Quamobrem cum testator testamentum mutare possit, quamdiu vixerit (§. 997.); si ante mortem suam rem legatam alienet, vel debitum debitori, aut nomen quoddam alii legatum exigat, legatum utique adimere intelligitur.

Contrariam nimirum voluntatem ipso facto declarat: perinde vero est, siue quis verbis, siue facto quodam voluntatem suam declarat, modo eandem hoc sufficienter indicet.

§. 1069.

An naturaliter valeant fideicommissa.

Naturaliter hæres quoque institui potest ea lege, ut vel hæreditatem integram, vel certam ejus partem, prouti jusserit testator alteri restituat. Et idem intelligitur de legatis. Ostenditur eodem modo, quo supra demonstravimus hæredem institui posse sub conditione, in diem, sub onere quocunque (§. 1036.).

Non desunt rationes honestæ, cur ita disponat testator. Pone Sempronium esse absentem, nonnisi uno, vel altero anno elapso rediturum. Absurdum non est, si is Cajum ea lege instituat hæredem, ut hæreditatem integram restituat Sempronio redeunti. Nec Cajus inutiliter hæres institutus, cum Sempronio non redeunte, quia moritur absens, ipse maneat hæres. Similiter si Sejus instituat ea lege, ut hæreditatem, vel certam ejus partem restituat Tanaquillæ, quando nupserit; nihil absurditatis inest huic institutioni, ac utilis ea est tum respectu Seji, tum Tanaquillæ. Idem liquet, si hæreditas post mortem hæredis alteri cuidam restituenda. Cumque liberrima regnet in hæredis institutione voluntas testatoris, legem restitutioni scribere potest, qualemcunque voluerit. Quod de hæreditate diximus, valet quoque de legatis.

§. 1070.

§. 1070.

Hæreditatis delatio ea lege facta, ut vel tota, vel certa *Fideicom-*
ejus pars, prouti testator jusserit, restituatur alteri, dicitur *missum quid*
Fideicommissum. Et hoc nomine etiam venit legatum ea-^{sis} *et quon-*
 dem lege relictum. Vocatur autem *Fideicommissum univer-*
sale, si tota hæreditas restituenda; *particulare* autem, si non-
 nisi res certa restituenda. Unde patet, *si fideicommissum sis*
in legato, hoc esse particulare.

Fideicommissa a Romanis primum usurpata, ut res suas
 vel omnes, vel certas relinquere post mortem suam possent
 iis, quibus alias hæreditatem, vel legata relinquere non lice-
 bat, veluti spuriis ac incestuosis, deportatis, peregrinis. Hinc
 hæres institutus tantummodo rogabatur, ut hæreditatem, vel
 ejus partem, aut rem certam alteri, qui hæres, vel legatarius
 esse non poterat, restitueret, qui cum invitus cogi non posset
 ad præstandum id, quod rogatus fuerat a defuncto, ideo re-
 stitutio fidei saltem ejus committebatur, ac ideo *Hæres fidu-*
ciarius appellabatur, is autem, cui aliquid restituendum, *Fidei-*
commissarius. Enimvero *Augustus* postea semel atque iterum
 jussit, ut consules cogerent hæredes fiduciarios ad reddendum
 fideicommissariis, quæ reddere rogati essent. Et hoc paula-
 tim in assiduam jurisdictionem conversum. Quoniam vero
 exempla, quæ modo commemoravimus (not. §. 1069.), a-
 perte loquuntur, fideicommissa etiam iis relinqui posse, qui
 hæredes institui possunt, & quibus legata relinquere licet, na-
 turaliter autem valet voluntas testatoris, nec restitutio ab hæ-
 redis, vel legatarii fiduciarii voluntate dependet; ideo in defi-
 nitione legati non diximus, rogari hæredem, vel legatarium,
 ut restituat. Atque hinc facile dignoscere poterimus, quæ-
 nam in Jure Romano de fideicommissis sint mere hujus juris.
 Quemadmodum vero substitutio hæredum plures admittit
 gradus, ita ut in continua quadam serie antecedenti semper
 substituaturs sequens, ita similiter fideicommissum gradus istius-

modi recipit. Nec absurdum videri potest, ut quis pluribus per longum tempus benefacere velit.

§. 1071.

De Fideicommissis. *Fideicommissum familiae dicitur, quod familiae relictum, vel quo testator prohibet, ne res ejus extra familiam alienentur.*

Nimirum in casu priori post mortem hæredis instituti res restituantur cognatis proximioribus & ita porro; in casu autem posteriori, quo testator tantummodo voluit, ne bona sua in extraneum transmittantur, nullo expresso successionis ordine, proximiores ultimi possessoris succedunt. Pater autem, successionis ordinem ac modum a testatore pro lubitu exprimi posse (§. 1069.). Nolumus autem prolixius ea persequi, quæ de fideicommissis demonstrari poterant. Qui enim principiorum juris naturalis, quæ abunde satis in toto opere nostro demonstravimus, fuerit gnarus; haud difficulter ex notatione fideicommissi ea deducet (§. 1070.).

§. 1072.

De pactis hæreditariis. *Naturaliter valida sunt pacta de hæreditate inita.* Quoniam dominus vi domini de rebus suis disponere potest, quomodo voluerit (§. 118. *part. 2. Jur. nat.*); de successionem quoque in bona post mortem suam relinquenda cum alio pacisci potest. Quamobrem cum naturaliter servanda sint pacta, quæ licite incuntur (§. 789. *part. 3. Jur. nat.*); naturaliter quoque valida sunt pacta de hæreditate inita.

Ita e. gr. iniri possunt pacta reciproca, ut, qui sine liberis aut parentibus decedit, utpote quibus hæreditas adimi nequit, nisi justam ob causam exhæredentur (§. 1016.), vel istis deficientibus superstes, ei, qui prius moritur, succedat. Et in genere pacto deferri potest hæreditas quacunque lege, aut quomodo inter se convenerint paciscentes, ac quomodo convenerint, id valebit, quamdiu nihil conventum in præjudicium

cium tertii, tum enim non subsistit pactum, nisi quatenus præjudicium istud evitatur (§. 910. part. 1. Jur. nat.).

§. 1073.

Quoniam naturaliter valida sunt pacta de hæreditate *De pactis* inita (§. 1072.); pacta quoque *conjugum de modo, quo sibi successoriis* invicem succedere debent, sive ante nuptias, sive durante *matrimonio condita valent.* Immo cum pacta mutuo dissensu dissolvantur (§. 840. part. 3. Jur. nat.); pacta ante nuptias inita dissolvi & alia durante matrimonio quocunque tempore condici possunt.

§. 1074.

Sic conjux unus moritur, in bona ejus succedunt hæredes sive De hæreditate in testamento instituti, sive qui ab intestato existunt. Etenim si *bas* conjux unus moritur, matrimonium dissolvitur (§. 510.), *gum.* consequenter nec is amplius quid conferre tenetur ad onera matrimonii ferenda (§. 449.), ac ideo conjux superstes nullum amplius jus ad bona defuncti habet. Quamobrem cum post mortem in bona defuncti succedant hæredes (§. 958.). sive qui in testamento instituti (§. 999.), sive qui ab intestato existunt (§. 1033. 1034.), si conjux unus moritur, in bona ejus succedunt hæredes, sive in testamento instituti, sive qui ab intestato existunt.

Morta rumpitur vinculum conjugum, & exinguitur illa vitæ consuetudo, ad quam qua conjuges obligabantur (§. 473.). Et quamvis contingat, liberos nondum esse educatos, cum hi succedant in bona parentis defuncti (§. 1033.), non tamen ideo onus sustentandi sumtus educationis in superstitem conjugem solum devolvitur (§. 527.), ut adeo nihil fiat in præjudicium conjugis superstitis, etiamsi in defuncti bona succedant hæredes, quemadmodum succederent in bona personæ non conjugatæ.

§. 1075.

De successione naturali. Si conjux superstes non habeat propria bona, vel ea non sufficiant ad vitæ necessitatem, commoditatem aut jucunditatem; qui moritur post mortem suam eam pro modo facultatum suarum bonorum partem relinquere debet, quæ vel vitæ necessitati soli, vel etiam commoditati, immo etiam jucunditati sufficiant, aut saltem usumfructum in ista parte bonorum, vel bonis etiam omnibus, aut ad dies vitæ, aut donec in statu viduitatis permanseris conjux superstes, prouti circumstantia particulares suadent, nec quid sit in præjudicium hæredum naturalium. Conjux neminem magis amare (§. 465.) & diligere debet quam conjugem (§. 462.), & in quibusvis officiis humanitatis præferre aliis (§. 463.), consequenter lubenter conferre, quæ non modo ad vitæ necessitatem (§. 640. *part. 1. Jur. nat.*), verum etiam ad ejus commoditatem ac jucunditatem conferre potest (§. 645. *part. 1. Jur. nat.*). Quodsi ergo conjux superstes altero mortuo propria non habuerit bona, vel ea non sufficiant ad vitæ necessitatem, commoditatem & jucunditatem, qui moritur post mortem suam eam ipsi relinquere debet pro modo facultatum suarum bonorum partem, quæ vel vitæ necessitati soli, vel etiam commoditati, immo jucunditati sufficit. *Quod erat unum.*

Enimvero cum fieri possit, ut conjugi morienti sint rationes, cur malit bona sua in familia conservari, nolit autem ea in extraneos transmitti; sufficit omnino, ut in parte bonorum sufficiente, vel etiam in bonis omnibus, usumfructum conjugi superstiti relinquat, vel ad dies vitæ, vel donec in statu viduitatis permanserit. *Quod erat secundum.*

Quoniam vero liberi, aut his deficientibus parentes sunt hæredes naturales quos ipsa natura instituit (§. 983.), & quibus sine justa causa hæreditas adimi nequit (§. 1016.);
eodem

eodem modo patet, nihil in illorum præjudicium fieri debere, quemadmodum idem de legatis ostendimus (§. 1005. 1008.). *Quod erat tertium.*

Satis patet, jus nullum perfectum conjugii superstiti competere ad hæreditatem conjugis defuncti; sed officii saltem conjugum esse, ut qui moritur, prospiciat superstiti, quantum potest, de iis, quæ ad vitæ necessitatem, commoditatem, immo etiam jucunditatem faciunt. Ducit huc amor, quo conjux conjugem prosequitur, ut moriens velit superstiti etiam post mortem suam bene esse, nolit autem eum esse miserum.

§. 1076.

Conjux conjugem superstitem deficientibus liberis, aut parentibus hæredem instituere potest. De conjuge
Etenim si nulli fuerint a hærede inscendentes, vel descendentes in vivis, testator præteritis instituto omnibus collateralibus extraneum quemcunque instituere potest (§. 1025.). Quod si ergo deficient liberi, vel parentes, conjux etiam conjugem superstitem hæredem instituere potest.

Non est quod dicas, æquum esse, ut deficientibus liberis ac parentibus conjux superstes conjugii defuncto etiam ab intestato succedat ex voluntate præsumta (§. 1075.). Etenim possunt esse morienti rationes, cur malit bona sua non transmitti in extraneos, sed manere in familia sua. Expressa igitur voluntate opus est, ut constet, voluisse conjugem defunctum, ut in bona sua succedat superstes.

§. 1077.

Si conjux moriens conjugem superstitem hæredem instituere De legato vel non possit, vel certas ob causas nolis; legato vel fideicommisso conjugii prospicere debet eidem, ne desint, quæ ad vitæ necessitatem, immo perstiti requantum fieri potest, etiam ad commoditatem ac jucunditatem relinquendo, nec in legando intra tam arctos limites continetur arbitrii vel fideicommissi.

nm in casu priori, quam ubi alii legata relinquuntur. Quoniam enim conjux moriens superstiti prospicere debet de iis, quæ post mortem suam ad vitæ necessitatem, immo commoditatem ac jucunditatem requiruntur, quantum fieri potest (§. 1075.), aut hæres institui (§. 958.), aut legatum (§. 1003.), vel fideicommissum eidem relinqui potest (§. 1070.). Quod si ergo hæredem instituere non possit, vel ob certas causas nolit, veluti ne bona sua in extraneos transmittantur, cum sint cognati collaterales, qui iis maxime indigent, vel ea merentur; legatum, aut fideicommissum relinquere debet, prouti circumstantiæ hoc potius, quam illud suaferint. *Quod erat unum.*

Quoniam vero liberi parentes inopes non modo alere tenentur, nisi eadem inopia laborent, vel liberis suis alendis vix sufficiant (§. 755.), & si iidem equidem habeant, unde vitam tolerare possint, desint tamen, quæ ad vitæ commoditatem & jucunditatem faciunt, pro modo facultatum suarum ea conferre, quæ vitam commodam & jucundam faciunt (§. 756.), & post mortem ipsis bona sua relinquunt parentes (§. 975.); in legando non adeo facile præjudicium fit liberis, quam si legata relinquuntur aliis. Quamobrem cum parentum in legando potestas restringatur, quatenus in præjudicium liberorum legata relinquuntur (§. 1005.), immo idem etiam intelligatur de liberis respectu parentum suorum (§. *cit.*); in hoc casu, quo conjux conjugii legatum relinquit, non intra tam arctos limites potestas legandi continetur, quam ubi alii relinquitur. *Quod erat alterum.*

Ne quid in demonstrando remaneat obscuritatis, probe perpendenda sunt, quæ in anterioribus demonstravimus de modo, quo quis hæres institui, vel etiam alicui legatum relinqui potest: immo ea quoque in memoriam revocanda, quæ de

de modo promittendi in parte tertia & de modo donandi in parte quarta prolixè satis ostendimus. Atque ex iis etiam intelligitur, quomodo legata sint conjugì superstiti relinquenda, vel etiam qua lege is hæres sit instituendus, ne quicquam committatur, quod vel in præjudiciu liberorum, vel familiæ vergat. Quoniam vero naturaliter ab intestato succedunt conjugì defuncto deficientibus liberis & parentibus collaterales (§. 1025.); necesse omnino est, ut per testamentum disponatur de eo, quod conjux superstes habere debeat, ex quo is jus perfectum acquirit in id, quod alias nonnisi imperfecte deberetur, & quod ab hærede exigì non potest.

§. 1078.

Jure naturali matrimonium perpetuum esse debet. Etenim *De indissolubilitate matrimonii.* conjuges non modo conjunctim liberos suos educare (§. 263.) verum etiam per omnem vitam pro virili ea conferre, quæ possunt, ad hoc, ne defint liberis ea, quæ vitæ necessitas exigat; & quæ ad eam comode ac jucunde transigendam faciunt (§. 736.), bona sua ipsis relinquere debent (§. 975.); verum etiam matrimonium contrahentes saltem tacite sibi invicem promittunt, quod persona alteram magis amare ac diligere velit, quam alium quemcunque & in præstandis officiis humanitatis ceteris hominibus anteferre, atque ad hoc pars una alteri sese perfecte obligat (§. 468.); immo etiam si conjux unus moriatur, alteri superstiti prospicere debet de iis, quæ post mortem suam eidem ad vitæ necessitatem, commoditatem, immo & jucunditatem faciunt, pro modo facultatum suarum, & quantum per alia fieri potest (§. 1075.). Quoniam itaque nemo non videt officiis hisce parentum erga liberos & conjugis erga conjugem satisfieri non posse, nisi matrimonium perpetuum sit; jure naturali matrimonium utique perpetuum esse debet.

(Wolffii Jur. Nat. Pars VII.)

Ggggg

Patet

Patet itaque juris naturalis esse, ut matrimonium perpetuam vitæ consuetudinem contineat, nec minus ex demonstratione manifestum est, hic demum loci hoc demonstrari potuisse. Divortia igitur naturaliter respectu conjugum se habent per modum exheredationis liberorum atque parentum, ita ut, quemadmodum hæc non procedat, nisi ubi sese indignos facto suo reddiderunt liberi jure filiationis, vel parentes jure ipsis competente qua parentibus, ita quoque divortio locus esse nequeat, nisi ubi conjugum pars una sese indignam reddit officiis, quæ pars altera ipsi tanquam conjugi debet, quamvis in statu naturali unicuique permittendum sit, ut pro lubitu matrimonium dissolvat (§. 517.). Toleranda nobis sunt multa in eo, in cujus actiones nobis jus nullum competit, quæ tamen non recte, immo improbe ab eodem sunt. Absit itaque, ut tibi persuadeas, quæ hic demonstrantur repugnare iis, quæ in superioribus demonstravimus. Relegenda hic sunt, quæ ibidem (*not. §. cit.*) annotavimus. Christus itaque quando urget indissolubilitatem vinculi matrimonialis contra divortiorum licentiam; legem naturæ suæ integritati restituit: ut enim matrimonium sit dissolubile, non ex natura matrimonii fuit, sed a facto conjugis venit, quo sese indignum reddit, ut sit conjux.

§. 1079.

De successione *Naturaliter liberi ex illicito concubitu nati aequale jus habent*
ne libero- *ad hereditatem parentum cum liberis ex justis nuptiis natis.* Quo-
rum ex illi- *niam enim illicitus parentum concubitus tanquam factum,*
cito concu- *quod a voluntate liberorum ex eodem natorum minime*
bitu nato- *pendebat, iisdem imputari nequit (§. 650. part. 1. Phil.*
rum. *præcl. univ.); ideo naturaliter inter liberos ex illicito concu-*
 cubitu & justis nuptiis natos, utpote qui utrique non sunt
 liberi nisi quia a parentibus geniti (§. 578.), nulla diffe-
 rentia est. Quamobrem eodem modo patet, quod natura-
 liter liberi ex illicito concubitu nati æquale jus habeant ad
 hære-

hereditatem parentum cum liberis ex justis nuptiis natis, quo æquale jus hereditarium liberorum ejusdem gradus supra demonstravimus (§. 989).

Naturale igitur non est, quod tantummodo matri succedant. Neque enim est, quod objicias matrem esse certam, sed patrem incertum. Quando enim incertum manet, utrum sis prolis hujus pater, nec ne; ea quoque dici nequit proles tua. Quodsi vero agnoscas eam esse tuam, eadem omnino est ratio, cur tibi succedere debeat, quam quod matri.

CAPUT VI.

De Servitute & Societate herili.

§. 1080.

Servitus est subjectio, qua quis operas perpetuas pro alimentis perpetuis præstare obligatur. *Servitus quid sit.*

Definimus servitutem, prouti convenit Juri naturæ, prouti ex sequentibus liquet.

§. 1081.

Qui operas alteri perpetuas pro alimentis perpetuis præstare obligatus est dicitur *Servus*: qui vero alimenta perpetua pro operis perpetuis præstare tenetur & jus hasce exigiendi habet, *Dominus* vocatur. Famina operas præstans *Ancilla* appellatur. Atque hinc patet, domino subiectum esse *servum* atque *ancillam* (§. 1089.), consequenter ei competere potestatem, seu *jus in servum atque ancillam* (§. 133. 134. part. 1. Jur. nat.). *Domini, servi & ancilla definitio.*

§. 1082.

Jus domini in servum, vel ancillam dicitur *Potestas* *Potestas dominica quid sit.*

Ggg gg 2.

Hic

sit.

Hic itaque nobis demonstrandum est, quale jus domino in servum, vel ancillam competat per legem naturæ. Eri enim servitus in Jure Romano dicatur juris Gentium, quatenus apud plerasque gentes erat usu recepta; non tamen propterea a jure naturæ abhorret, prouti mox ostendetur. Et quamvis in eodem dicatur, eam esse contra naturam; eo ipso tamen non aliud indicatur, nisi quod, cum natura omnes homines sint liberi (§. 146. *part. 1. Jur. nat.*), nemo natura alteri subjiciatur: quo sensu etiam dici poterat, dominia esse contra naturam introducta, cum natura res omnes sint communes (§. 7. *part. 2. Jur. nat.*). Potestas dominica nemini natura competit; jure tamen naturæ non repugnante acquiri potest, prouti ex sequentibus patebit.

§. 1083.

*Quanam
servitus
perfecta &
imperfecta.*

Servitus perfecta dicitur, si operæ, quæ perpetuo debentur, determinatæ non sunt, sed eas pro libitu determinare potest dominus. *At imperfecta* est *servitus*, si operæ debentur nonnisi certæ, aut si non debeantur perpetuo, aut non continuo.

Servitutis imperfectæ plurimæ dantur species pro diversitate operarum præstandarum & diverso præstandi modo, nec non pro diversitate modi, quò ad certum tempus restringuntur.

§. 1084.

*Diversitas
juris domi-
ni in servi-
tute perfe-
cta & im-
perfecta.*

Unde liquet, in *servitute perfecta* dominum a servo exigere posse operas quascunque pro libitu, in *imperfecta* autem nonnisi in *servitute certa*, aut certo tempore, vel etiam usque ad certum tempus (§. 1083.).

Plurimum itaque differt potestas dominica in *servitute perfecta* ab ea, quæ domino competit in *imperfecta*.

§. 1085.

*An servituti
locus sit in*

in communione primæva servituti locus non est. Etenim in primæva communione usus rerum necessarius unicuique patet,

patet, prout cuique eodem opus est (§. 27. *part. 2. Jur. nat.*), *communio- ne primaeva.* Nemo igitur opus habet, ut operas quasdam pro alimentis hoc est, victu & amictu, præstet, consequenter ob hæc se alteri subijciat. Quamobrem cum servitus sit subiectio, qua quis ad operas perpetuas pro alimentis perpetuis præstandum obligatur (§. 1080.); in communione primaeva servituti locus non est.

Absurdum omnino foret præstare alteri operas pro eo, ad quod tibi cum ipso æquale jus competit. Nemo enim alteri præstat operas pro mercede, nisi quia jus ad mercedem operarum præstatione demum acquirit, quod antea nondum habebat, nec sine iis acquirere poterat.

§. 1086.

Introductis dominiis servituti locus est. Introductis enim dominiis jus commune ad res quaslibet, quod cuilibet homini natura competit (§. 7. *part. 2. Jur. nat.*), in proprium abiit (§. 118. *part. 2. Jur. nat.*), quo dominus excludit omnes ab usu ejus rei, quæ est in dominio ipsius (§. 120. *part. 2. Jur. nat.*). Quoniam itaque fieri non potest, ut quis habeat per se res omnes, quæ ad vitæ necessitatem, commoditatem ac jucunditatem requiruntur, ac in multis adhuc indiget aliorum opera (§. 119. *part. 3. Jur. nat.*), unicuique competit jus res (§. 126. *part. 3. Jur. nat.*) & operas ab alio sibi comparandi (§. 130. *part. 3. Jur. nat.*), consequenter cum nemo gratis dare vel facere teneatur, si is vicissim dare, vel facere possit (§. 268. *part. 2. Jur. nat.*); operas præstare licet, ut alter det. Quamobrem si quis sola operarum præstatione sibi comparare potest ea, quibus ad vitam tolerandam indiget; operas omnino perpetuas pro alimentis perpetuis, hoc est, iis, quibus ad vitæ ac sanitatis conservationem indiget, præstare potest. Subiectio, *Quando eadem locus.*

Ggggg 3

qua

qua quis operas perpetuas pro alimentis perpetuis præstare obligatur, servitus est (§. 1080.). Dominiis itaque introductis servituti locus est.

Introducitis dominiis operæ quoque hominum juri proprio subiectæ sunt, cum in statu communionis primæ eadem essent perinde ac res communes, & omnibus laborandum sit communis utilitatis gratia, nemini otium (§. 41. part. 2. *Jur. nat.*). Equidem in cōmunionē primæ locum habet contractus onerosus facio ut facias, & beneficis, in quo unus se alteri obligat ad faciendum (§. 211. part. 5. *Jur. nat.*); hoc tamen minime adversatur juri communi ad operas ab altero præstandas. Quomodo enim non obstante eo, quod res sint communes, ex apprehensione rei alicujus apprehendenti nascitur jus ad usum hujus rei proprium (§. 35. 36. part. 2. *Jur. nat.*); ita ex eo, quod alterum tibi obliges ad quid faciendum, tibi nascitur jus ad hoc factum, seu operam ab altero præstandum proprium, non obstante jure per se communi ad idem factum, seu eandem operam. Et si tu vicissim indiges opera alterius, dum tuam alteri præstas, nil obstat, quod eodem actu alterum tibi quoque obliges ad quid faciendum, quamvis accurate loquendo dici nequeat præstari operas pro operis, tanquam in compensationem operarum sibi præstitarum, quia unusquisque habet natura jus ad operas alterius. Atque hinc facile liquet, dominiis nondum introductis ne concipi quidem posse istiusmodi subjectionem, qua unus uni obligaretur continuis præstare operas gratis.

§. 1087.

An servitus sit parare valet ea, quæ ad vitæ necessitatem faciunt; jus in se est sese naturaliter alteri, qui hoc dare potest, in servitutem dandi. Quilibet enim licita.

homo obligatur ad corpus suum conservandum (§. 349. part. 1. *Jur. nat.*). Quamobrem cum sine victu & amictu, seu alimentis corpus conservari nequeat, introducitis autem domi-

dominiis res, quibus indigemus, sed quas ipsi non habemus, ab aliis nobis comparare tenemur, nemo tamen gratis dare obligatur, si vicissim quid facere eidem potest alter (§. 268. *part. 4. Jur. nat.*); homini omnino jus est sese alteri ea lege subijciendi, ut operas perpetuas eidem præstare teneatur pro alimentis perpetuis (§. 159. *part. 1. Phil. pract. univ.*), consequenter in servitutem dandi (§. 1080.).

Si servitus intra terminos naturales subsistat, quos definitio continet; nihil ea acerbitatis habet. Etsi enim videri possit plus valere operas, quam alimenta, quæ præstantur; quod plus videtur esse in operis abunde compensatur perpetuorum alimentorum certitudine, quam non habent, qui operas diurnas locant. Sane nisi abusus potestatis dominicæ adeo difficulter evitari posset; nil magis iis, qui per operas aliis locandas acquirere debent necessaria vitæ subsidia, commendari poterat, quam servitus.

§. 1088.

Si quis se alteri in servitutem sponte dat; ex pacto oritur De ortu servitutis ac inde vim suam accipit. Et enim si quis sponte se in servitutem dat, is alteri promittit, quod operas per *luntaria* & perpetuas præstare velit pro alimentis perpetuis, & alter ipsi *unde ea vim* vicissim promittit quod alimenta perpetua præstare velit (§. *accipiat.* 1080.). Quamobrem cum de eo inter se conveniant (§. 698. *part. 3. Jur. nat.*), & conventiones istiusmodi, quæ mutuas præstationes continent, pacta sint (§. 788. *part. 3. Jur. nat.*), si quis alteri sese sponte in servitutem dat, ex pacto oritur servitus. *Quod erat unum.*

Quoniam itaque pacta sunt servanda (§. 789. *part. 3. Jur. nat.*); servitus, in quam quis sese alteri sponte dat, ex pacto vim suam accipit. *Quod erat alterum.*

§. 1089.

§. 1089.

Servitus voluntaria dicitur, in quam quis se alteri sponte dat, consequenter quæ ex pacto oritur (§. 1089.). *Servitus vero coacta* est, quam quis invitatus subire cogitur. Quoniam quis se sponte sua in servitutem dare potest, si non aliter quam operarum præstatione ea acquirere valet, quæ ad vitam conservandum necessaria (§. 1087.); in eo casu *servitus voluntaria* juris naturalis est.

Non obstat, quod contra naturam servitus esse dicatur introducta, modo recte intelligatur, quo sensu contra naturam dicatur (not. §. 1082.).

§. 1090.

De jure externo sese in servitutem det pro lubitu suo. Etenim dominiis introductis operæ, quas præstamus aliis, æquiparantur rebus, quæ sunt in dominio nostro (§. 437. part. 2. *Jur. nat.*), consequenter de iis non minus pro arbitrio nostro disponere possumus, quam de rebus, quæ in dominio nostro sunt (§. 118. part. 2. *Jur. nat.*). Epimvero nemo alteri rationem reddere tenetur actionum suarum (§. 158. part. 1. *Jur. nat.*), consequenter nec quomodo de re sua disponat. Quamobrem nec quis rationem cuiquam reddere tenetur, quomodo disponat de operis suis. Quoniam itaque dominium rei suæ pro lubitu in alium transferre potest dominus, quomodo voluerit (§. 111. 12. part. 3. *Jur. nat.*); jus quoque ad operas suas quilibet transferre potest in alium, quomodo voluerit, consequenter etiam sub ea lege, ut perpetua ipsi præstentur alimenta, nec cur hoc faciat cuiquam rationem reddere tenetur, ac ideo ut faciat ipsi permittendum. Enimvero in servitutem se alteri dat, qui jus ad operas suas in perpetuum in eandem transfert ea lege, ut pro iis sibi præ-

præstentur alimenta perpetua (§. 1080.). Naturaliter itaque unicuique permittendum est, ut se sponte sua alteri in servitutem det pro lubitu suo.

Quamvis dominus re sua aliter uti non debet, quam ut satisfaciatur obligationi cuidam naturali (§. 167. *part. 2. Jur. nat.*); nemini tamen propterea competit jus rerum suarum abusum impediendi, quamdiu nil facit contra jus alterius (§. 169. *part. 2. Jur. nat.*). Quamobrem jure externo permittendum quoque est, ut alter abutatur jure, quod habet in operas suas, quamdiu nil committit, quod est contra jus alterius cujusdam. Etsi igitur non recte faciat, si alteri sese in servitutem det, cum alio modo salva libertate sua sibi prospicere possit de iis, quæ ad vitæ necessitatem requiruntur, seu de alimentis; si tamen velit in servitutem se dare, hoc ipsi permittendum est, nec cuiquam competit jus hoc impediendi, in statu scilicet naturali, de quo hic nobis unice sermonem esse, ex anterioribus abunde liquet.

§. 1091.

Quoniam naturaliter unicuique permittendum, ut se *An natura-* sponte alteri in servitutem det pro lubitu suo (§. 1090.); *litter licitum* naturaliter quoque pro certo pretio se alteri in servitutem dare se vendere, re, consequenter vendere licet (§. 937. *part. 4. Jur. nat.*), ut alteri aut alio quocunque modo alienare (§. 662. *part. 2. Jur. nat.*). *serviat.*

Mercis loco est jus perpetuum in operas pro perpetuis alimentis præstandas. Quamvis enim alimenta, quæ pro operis præstantur, sint loco mercedis, consequenter servitus videatur operarum locatio conductio ad dies vitæ (§. 1208. *part. 4. Jur. nat.*); jus tamen, quatenus perpetuum esse debet, operas istas exigendi certo pretio quo minus comparatur, illud non obstat, quia a voluntate locatoris operarum pendet, utrum pro certo pretio, an sine eo perpetuitatem juris exigendi operas in alterum transferre velit, nec ne. Locari igitur possunt operæ pro

(*Wolffii Jur. Nat. Pars VII.*)

H h h h h

cer-

certa mercede, qualis hic sunt alimenta præstanda, & vendi potest perpetuitas juris operas exigendi, seu jus in actiones suas liberar, ut fiat emptori proprium. Apud Germanos, Tacito autore, erant, qui perditis aleæ lusu bonis, ad postremum libertatem suam in aleam mittebant, aut res recepturi, aut in servitutem sese daturi. Illicitus omnino erat istiusmodi lusus, quatenus tamen jure externo permittendus erat libertatis suæ abusus, jure externo servitus quoque subsistebat, quatenus nimirum ex pacto acquiri poterat servitus (§. 1088.). Immo quando quis res omnes perdiderat, in eum statum videbatur reductus, ut nonnisi operarum præstatione ea, quæ ad vitam necessaria, sibi comparare posse videbatur: quo in casu ipso jure interno sese in servitutem alteri dare licet.

§. 1092.

*An parentibus liceat
liberos in servitu-
tem vende-
re.*

Si parentes aliter liberis suis de iis prospicere non possunt, quæ ad educationem requiruntur; eos in servitutem vendere licet. Parentes enim naturaliter obligantur educare liberos suos (§. 263.). Quamobrem cum lex naturæ ipsis det jus ad ea, sine quibus obligationi suæ satisfacere non possunt (§. 159. part. 1. Phil. præf. univ.); si aliter liberis suis de iis prospicere non possunt, quæ ad educationem requiruntur, eos in servitutem vendere licet.

Non est quod excipias, parentibus curæ esse debere, ut liberos fortunatos reddant (§. 732.) atque felices (§. 710.): felicitari enim non adversatur servitus, fortunæ autem ipsorum consulere tenentur parentes, quantum possunt (§. 209. part. 1. Phil. præf. univ.).

§. 1093.

*An ob a-
liennum libe-
ros vel uxo-
rem vende-
re liceat.*

Ob a alienum parentibus liberos in servitutem vendere non licet, nec licet marito vendere uxorem. Etenim nec liberi sol-
ros vel uxo- vere tenentur debita parentum, nec uxor debita mariti,
rem vende- cum nemo obligetur solvere debita alterius, nisi ad hoc se
re liceat. obli-

obligaverit, seu fidejufferit (§. 782. *part. 4. Jur. nat.*). Et ex iis, quæ de jure parentum in liberos & jure mariti in uxorem demonstravimus, facile patet, liberos non esse in dominio parentum, nec uxorem in dominio mariti, ut illi de liberis, hic de uxore disponere possint pro lubitu (§. 118. *part. 2. Jur. nat.*). Quamobrem ob æs alienum parentibus liberos in servitutem vendere non licet, nec licet marito vendere uxorem.

Si quas apud gentes debitores cogantur vendere liberos & uxorem, ubi bona ipsorum solutioni minime sufficiunt; eadem patriam & maritalem potestatem dominio perperam æquiparant, quasi in liberos parentibus, quia dicuntur sui, & marito in uxorem, quia sua dicitur, idem jus competat, quod in res suas. Dicuntur liberi sui, dicitur uxor sua, dicuntur denique res suæ, quia parentibus in liberos, marito in uxorem, dominio in res suas jus proprium competit (§. 131. *part. 1. §. 2. part. 2. Jur. nat.*): at non omne jus proprium idem est, & quamvis dominium sit jus proprium (§. 118. *part. 2. Jur. nat.*), non tamen jus proprium omne dominium est.

§. 1094.

Creditor debitorem, qui solvendo non est, in servitutem redigere potest, donec sibi operis præstatis ex æsse fuerit satisfactum. se debitoris. Etenim debitor solvere tenetur, quod debet (§. 96. *part. 3. §. 659. part. 5. Jur. nat.*), nec obligatio debitoris tollitur nisi per solutionem, ubi creditor debitum remittere noluerit (§. 660. *part. 5. §. 97. part. 3. Jur. nat.*), ad quod is cogi nequit (§. 336. *part. 2. Jur. nat.*). Quodsi ergo debitor solvendo non sit, seu non habeat res, unde solvat, si tamen adhuc operas præstare possit, quæ plus valent quam alimenta, creditori omnino jus est operas hasce exigendi præstatis alimentis, donec ipsi ex æsse fuerit satisfactum. Quamobrem cum in servitutem alterum redigat, qui eum

Hhh hh 2

sibi

sibi ita subijcit, ut pro alimentis operas præstare teneatur (§. 1080.); creditor debitorem, qui solvendo non est, in servitutem redigere potest, donec sibi operis præstatis ex asse fuerit satisfactum.

Facile patet, pro quantitate debiti debitorem quoque obligari posse ad operas perpetuas pro alimentis perpetuis præstandas, consequenter redigi in servitutem perfectam (§. 1083.). Tanto minus autem acerbum videri potest debitorem, qui solvendo non est, redigi in servitutem, quod is in eum statum pervenit, quo sponte sua in servitutem se tradere potest (§. 1087.), nec contra charitatem viderur, eum in servitutem redigere, si præsertim culpa sua non solvendo factus sit.

§. 1095.

*Jus credito-
ris in debi-
torem, qui
solvendo non
est.*

Quoniam creditor debitorem, qui solvendo non est, in servitutem redigere potest, donec sibi operis præstatis ex asse fuerit satisfactum (§. 1094.), quilibet vero alteri jus suum cedere potest (§. 117. part. 3. Jur. nat.); creditor alii sibi pro debitore solvendi eundem in servitutem addicere potest, cumque de jure suo remittere possit, quantum velit (§. cit.), aut potius jus debitorem in servitutem redigendi, donec sibi fuerit satisfactum, æstimare possit, quantum ipse voluerit & alius pro eo dare velit, ideo *opus non est, ut cedenti debitum ex asse solvas cessionarius.*

Nimirum conventio cedentis cum cessionario facta non pertinet ad debitorem, qui cessionario ad idem obligatur, ad quod obligatus fuerat cedenti (§. 87. part. 3. Jur. nat.), poterat enim creditor jus suum in debitorem gratis cedere, non tamen propterea a debito liberaretur debitor, ut cessionario nullas operas præstare teneretur.

§. 1096.

§. 1096.

Domino non competit jus nisi in operas a servo præstandas & Quale sit in actiones ceteras, quatenus respectum quandam ad illas habent. jus domini
 Etenim vi servitutis servus domino non obligatur, nisi ad *in servum.*
 operas præstandas (§. 1080.), consequenter cum ex obligatione servi nascatur jus domini (§. 23. part. 1. Jur. nat.), domino non competit jus nisi in operas a servo præstandas.
Quod erat unum.

Et quoniam dominus servum compellere potest ad operas præstandas, nisi sponte sua præstet, consequenter etiam permittere non tenetur, ut servus faciat, quæ impediunt, quo minus operas debite præstare possit vel quæ profunt, ut præstent; quin domino quoque competat jus in actiones ceteras servi, quatenus respectum quandam ad illas habent.
Quod erat alterum.

Quodsi servus præstet operas, quas præstare debet, dominus ab eo nihil amplius exigere potest, consequenter si quod servus facit, quod nihil illis detrahit, id dominus ipsi permittere debet.

§. 1097.

Domino competit jus obligandi servum ad operas præstandas. Jus obligandi
 Etenim servus obligatur domino præstare operas (§. 1081.), *di servum*
 & jus hoc perfectum est (§. 908. part. 1. Jur. nat.). Quamobrem *domini com-*
 rem cum jus cogendi contineatur in jure perfecto, nisi alter *petens.*
 obligationi suæ satisfacere voluerit (§. 235. part. 1. Phil.
pract. univ.); domino utique competere debet jus adigendi
 servum ad operas præstandas.

§. 1098.

Quoniam domino competit jus servum adigendi ad ope- *De coercen-*
 ras debitas præstandum (§. 1097.), si vero is refractarium *do servo re-*

Hhh hh 3

aut

fractario & aut negligentem sese præbuerit, aliter quam minis ac verberibus ad præstandum adigi non possit, quod per se patet; eidem quoque *competit jus servum refractarium aut negligentem ad præstandum operas debitas minis ac verberibus compellendi.*

Nullum esset jus domini exigendi a servo operas debitas, si voluntari servorum relictum esse deberet, num & quas præstare velit, ac quomodo. Licitæ igitur sunt media, sine quibus præstatio operarum etiam ab invito extorqueri possit. Pertinent ea ad exercitium juris domini, quod sine eo effectu destituere-tur. Neque hoc durum videri potest, vel iniquum, cum inobedientia, ignavia ac negligentia dent poenis, qui obligationi suæ non satisfaciunt, minime autem mala hæc subeant ob servilem conditionem.

§. 1099.

*De officiis
humanitatis naturaliter
debet. Etenim per se patet,
hominem non de-
servo præ-
standis.*

Dominus obligatur servo præstare officia, quæ homo homini Etenim per se patet, hominem non deservire esse hominem, quia servilis fit conditionis, seu alteri operas perpetuas pro alimentis perpetuis præstare obligatur (§ 881.). Quamobrem quæ homo homini naturaliter debet, ea quoque, ob immutabilitatem & necessitatem obligationis naturalis (§. 142. *part. 1. Phil. pract. univ.*), dominus servo debet, consequenter eidem officia, quæ homo homini debet, præstare obligatur (§. 170. *part. 1. Phil. pract. univ.*).

Dominus servum duplici modo considerare tenetur, tanquam servum, & tanquam æque hominem. Quatenus eum considerat tanquam servum, eidem jus est exigendi operas, ad quas præstandum is ipsi obligatur; quatenus eundem spectat tanquam æque hominem, eidem præstare debet officia, ad quæ homo homini obligatur. Jus illud obligationi huius minime repugnat, sed cum eadem consistere potest: hæc potius exercitium

citium illius dirigit, ne quicquam committatur, quod sit ini-
quum. Immo si jus domini, seu dominica potestas ab hac
obligatione separaretur, nec cum ea constanter maneat conjun-
cta; jus domini in licentiam convertitur, qualis ipsi competere
nequit (§. 150. *part. 1. Jur. nat.*).

§. 1100.

Quoniam dominus obligatur servo præstare officia, quæ *De potestate*
homo homini naturaliter debet (§. 1099.); ideo *sibi cave-* dominica
re debet, ne in exercendo jure suo quicquam committat, quod offi- rite exer-
ciis istis repugnet, nec servum aliter sibi obligatum existimet, quam cenda.
officia ista permittunt, consequenter cum illa eadem sint cum
officiis erga seipsum (§. 608. *part. 1. Jur. nat.*), *quantum per*
officia erga seipsum i. si obligari potuit.

Vide, quæ modo annotavimus (*not. §. 1099.*). Hæc si
perpenderent domini, ubi servitus in usu est, ea videri minime
poterat jugum durum ac intolerabile. Quicquid enim acer-
bitatis alit servitus, id ex accidente est, quatenus scilicet jus
suum in nimium extendit dominus, eoque abutitur: æstima-
tur autem abusus ex neglectu officiorum illorum, quibus ho-
mo homini natura sociatur.

§. 1101.

Quoniam dominus obligatur servo præstare officia, *De servo*
quæ homo homini naturaliter debet (§. 1099.), homo *amando &*
vero hominem quemcumque amare (§. 619. *part. 1. Jur. diligendo.*
nat.) & diligere debet tanquam seipsum (§. 618. *part. 1.*
Jur. nat.); *dominus quoque servum amare ac diligere debet tan-*
quam seipsum,

Animus itaque domini ita dispositus esse debet, ut volupta-
tem percipiat ex felicitate servi (§. 633. *Psych. empir.*) & con-
stans ac perpetua ipsi esse debet voluntas felicitatem servi pro-
movendi, hoc est, omni studio id agendi, ut etiam servus sit
felix,

felix, ac cavendi, ne fiat infelix (§. 617. *part. 1. Jur. nat.*). Amori huic atque dilectioni minime obstat jus verberibus compellendi servum refractarium ac negligentem ad præstandum operas debitas (§. 1093.). Verbera enim infliguntur ob inobedientiam, ignaviam & negligentiam, quæ inter vitia servi utrique referenda. Servum itaque infelicem reddunt propria vitia (§. 406. *part. 1. Phil. præct. univ.*), non autem talis efficitur voluntate domini, qui per verbera nil aliud intendit, quam ut servus satisfaciat officio suo, consequenter per ea cavet, ne se reddat miserum ac infelicem, id quod dilectioni convenit, haud quaquam vero eidem repugnat (§. 617. *part. 1. Jur. nat.*). Nulla in se datur repugnantia inter veritates morales, modo intimius inspiciantur; si qua vero appareat, id inde est, quod, hominibus a veritate recedentibus, omnia confundantur.

§. 1102.

De jure domini in ser- sed dare potius operam; ut virtuti studeat. Etenim vitium hominum quoad minem reddit infelicem (§. 406. *part. 1. Phil. præct. univ.*); actiones li- nec sine virtute is felix esse potest (§. 400. *part. 1. Phil. præct. univ.*). Quamobrem cum dominus servum diligere debeat tanquam seipsum (§. 1101.), consequenter constantem & perpetuam habere voluntatem omni studio id agendi, ut servus sit felix, ac cavendi, ne fiat infelix (§. 617. *part. 1. Jur. nat.*); servo quoque permittere non debet, ut sit vitio deditus, sed dare potius operam, ut virtuti studeat.

Quemadmodum itaque servus, qui se in servitutem dat, sive sua sponte (§. 1090.), sive invitus (§. 1092. 1094.), operas suas subijcit voluntati domini (§. 1080.); ita natura eidem subijcit actiones ejus ceteras, quatenus juxta naturæ legem determinandæ.

§. 1103.

§. 1103.

Quoniam dominus permittere non debet, ut servus sit *Ad quam* vitio deditus, consequenter ne faciat, quæ legi naturæ repu- *dominus* gnant (§. 322. *part. 1. Phil. pract. univ.*), sed dare potius operam, *servum obli-* ut virtuti studeat (§. 1102.), consequenter ut faciat, quæ legi *gare possit.* naturæ conveniunt (§. 321. *part. 1. Phil. pract. univ.*); *domino* competit jus præcipiendi servo, quæ legi naturæ conveniunt, & *prohibendi,* quæ eidem repugnant (§. 983. & seqq. *part. 1. Theol. nat.*), consequenter *jus obligandi servum ut illi faciat, hac non* faciat (§. 984. 985. *cit.*).

Alio nimirum modo officio suo satisfacere nequit dominus, nisi ad jussum, vel verationem accedat obligatio, quæ servo imponitur necessitas agendi, vel non agendi (§. 118. *part. 1. Phil. pract. univ.*).

§. 1104.

Quoniam domino competit jus obligandi servum, ut *Jus punien-* faciat, quæ juri naturæ consentanea, & prohibendi, ne fa- *ds servos &* ciat, quæ eidem repugnant (§. 1103.), consequenter et- *præmio dō-* iam ut operas debitas præster (§. 1087. 1090. 1094.), ob- *nando.* ligatio autem positiva aliter quam sanctione pœnali & præ- *Phis.* miorum promissione introduci nequit (§. 301. *part. 1. Phil. pract. univ.*); *domino* quoque competit *jus puniendi servum ob* actus vitiosos & operas neglectas, & quando e re visum fuerit, *præ-* *miis quoque eos invitare potest ad bene & recte faciendum.*

Aliud est pœna afficere servum ob operas neglectas, aliud verberibus negligentem stimulandi in ipso præstationis actu: nil tamen obstat, quo minus etiam hæc ad pœnam referamus (§. 285. 286. *part. 1. Phil. pract. univ.*), cum etiam per hæc verbera non intendatur aliud, quam ut motivum præbeat negligentem operas præstandi, consequenter ut is ad eas obligetur (§. 118. *part. 1. Phil. pract. univ.*), quod obligatio naturalis non satis efficax in eodem deprehendatur.

(Wolffs Jur. Nat. Part. VII.)

liii

§. 1105.

§. 1105.

*De officio do-
mini circa
alimenta &
vestes ser-
vorum.*

Dominus servo alimenta salubria iuxta quantitatem & vestes aptas ad corpus contra injurias aeris tuendum & ad partes obsecernas velandum dare debet. Etenim servo dominus alimenta dare tenetur pro operis, quas præstat (§. 1081.). Quamobrem cum servus aliter ipsi obligari non potuerit, quam salvis officiis erga seipsum, homo autem uti non debet nisi cibo ac potu salubri (§. 399. part. 1. Jur. nat.), eoque iuxta quantitatem (§. 402. & seqq. part. 1. Jur. nat.), utique vestibus ad corpus contra injurias aeris tuendum & partes obsecernas velandum aptis (§. 450. part. 1. Jur. nat.); dominus servo alimenta salubria iuxta quantitatem & vestes aptas ad corpus contra injurias aeris tuendum & ad partes obsecernas velandum aptas dare debet.

Interest ipsius domini, ut servus sit sanus, siquidem operas ipsi proficuas præstare debeat. Quemadmodum enim jus naturæ utile est (§. 263. part. 1. Phil. pract. univ.), etsi utilitas non præbeat jus (§. 264. part. 1. Phil. pract. univ.); ita etiam in servitute ipsa lex naturæ utilitatem domini cum officio erga servum constanter copulat, ut ideo sibi metipsum desit, qui isti satisfacere negligit. Absurdum omnino est eam curam de sanitate servi abjicere, quam in jumentis adhibent omnes, nisi quis insaniat.

§. 1106.

*De operis a
servo exi-
gendis.*

Dominus a servo exigere potest operas quascunque, quas præstare valet, nisi aliter conventum fuerit, quantum permittit sanitas corporis. Etenim si de operis præstandis nihil conventum fuerit, servitus perfecta est (§. 1083.), consequenter dominus a servo pro lubitu operas quascunque exigere potest (§. 1084.). Quoniam tamen nemo obligari potest ad id, quod impossibile, seu ultra posse (§. 109. part. 1. Phil. pract.

pract. univ.); dominus quoque a servo operas exigere nequit, quam quas præstare valet. *Quod erat unum.*

Et quoniam servus domino ad præstandas operas obligari nequit, nisi salvis officiis erga seipsum (§. 1100.), servus autem naturaliter in labore assiduus esse non debet, nisi quantum permittit sanitas corporis (§. 537. *part. 1. Jur. nat.*); dominus quoque a servo non potest exigere operas, nisi quantum permittit sanitas corporis. *Quod erat alterum.*

Operarum quantitas & qualitas in servitute imperfecta æstimanda est ex pacto, quo servitus contracta; in perfecta vero ex voluntate domini (§. 1083.); non minus tamen pactum, quam voluntatem domini regit lex naturæ, quæ modum in labore servandum determinat (§. 537. *part. 1. Jur. nat.*), ita ut promissa non intelligantur, quæ huic repugnant, cum promitti non potuerit (§. 674. *part. 3. Jur. nat.*), nec libertas domini in imperando tollat obligationem naturalem in se immutabilem (§. 142. *part. 1. Phil. pract. univ.*), qua is servo tenetur (§. 642. 643. *part. 1. Jur. nat.* & §. 1100. *b.*). Utrobique igitur habenda est ratio virium ac sanitatis servi, ne operæ exigantur, quæ illas excedunt, hanc destruant.

§. 1107.

Quicquid servus per operas suas acquirit, id domini est: si Cui servus quid vero aliunde acquirit, vel per operas suas horas subsecris, id acquirit naturaliter domini non est. Etenim dominus servo pro operis præstat alimenta, ut ipsi sint utiles (§. 1080.). Quamobrem si ei mandat operas, per quas aliquid acquiritur; quod per eas acquiritur, domino utique acquiritur. *Quod erat primum.*

Enimvero cum domino non competat jus nisi in operas a servo præstandas, nec in actiones ceteras, nisi quatenus respectum ad eas habent (§. 1096.); ratio naturalis nulla

est, cur id domini esse debeat, quod aliunde acquirit. Quamobrem cum ejus esse nequeat (§. 70. *Ontol.*); erit utique servi. *Quod erat secundum.*

Quodsi denique servus horis subsecivis, quibus scilicet voluntate domini a labore vacat, vel quæ penso absoluto supersunt, per operas suas aliquid lucretur; nulla denuo ratio est, cur id domini esse debeat. Quamobrem hoc quoque, quicquid est lucri, manet servi (§. 70. *Ontol.*). *Quod erat tertium.*

Naturale non est, quod servus non sit domini capax, consequenter quicquid eidem quomodocunque obvenit, id domino acquiratur. Nititur hoc falso principio, quasi servi conveniant cum rebus in dominio existentibus & æquiparandi sint jumentis. Quemadmodum nemo humanam naturam exuere potest; ita quoque naturale non est, ut homo accenseatur rebus se moventibus, seu jumentis, & ab his fiat argumentario ad servum. Repugnat hoc iis, quæ paulo ante demonstravimus (§. 1099.). Improbata est opinio eorum, qui existimant servitute hominem detrudi in conditionem jumentorum.

§. 1108.

*De peculio
servorum.*

Peculium servorum dicuntur res & pecunia, quas servus quomodocunque extra ministerium domini acquirit. Quoniam servi extra ministerium domini sibi acquirere naturaliter possunt (§. 1107.); *servi naturaliter peculium habere possunt*, & quia domino naturaliter nullum jus in ea competit, quæ servus extra ministerium acquirit (§. cit.), *peculium ipsorum est pleno jure, seu in rebus peculioribus aut pecunia peculiari plenum dominium habens* (§. 137. *part. 2. Jur. nat.*). Similiter cum ad peculium pertineant, quæ servus quomodocunque extra ministerium domini acquirit; *ad peculium refe-*

referenda sunt omnia, quæ servo ab aliis donantur, vel legantur, & quæ is jure hæreditario, vel per operas extra ministerium, aut liberalitate domini consequitur.

Ex his facile judicium fieri potest de iis, quæ circa peculium servorum sint juris naturalis.

§. 1109.

Dominus permittere non tenetur, ut peculio suo abutatur servus. De abusu Dominus enim competit jus prohibendi, ne servus taci-peculio servo at, quæ legi naturæ adversa sunt, eumque obligandi, ne fa- non permit- ciat (§. 1103.), immo puniendi, si fecerit (§. 1104.) tendo. Quamobrem cum abusus rerum suarum lege naturali prohibitus sit (§. 170. part. 2. Jur. nat.); dominus quoque permittere non tenetur, ut peculio suo abutatur servus.

Non opus est, ut dicatur, quomodo peculiaribus rebus uti debeat servus. Cum enim sit pleno jure dominus earundem (§. 1108.), iis aliter uti non debet, quam ut satisfaciat obligationi cuidam naturali (§. 167. part. 2. Jur. nat.).

§. 1110.

Dominus peculium servi in rem suam vertere nequit. Et- An dominus enim servus in peculio plenum dominium habet (§. 1108.); peculium consequenter dominum omni jure in eodem excludit (§. servi in 120. part. 1. Jur. nat.). Dominus itaque peculium servi rem suam in rem suam vertere nequit.

Ita ex peculio servi solvere nequit dominus, quæ ipse debet, nec pecuniam peculiarem impendere potest in res sibi comparandas. Quodsi consensu servi hoc fecerit, erit servi debitor, cui idem jus competit, quod ceteris creditoribus. Quamvis hæc paradoxa videantur, si jus Romanum, vel mores gentium spectes, apud quas servitus adhuc in usu est; juri tamen naturæ apprimè consentanea sunt, per ea, quæ hactenus demonstravimus.

§. IIII.

De damno a servo dato. Si servus dolo, vel culpa sua, sed sine culpa domini damnum dederit; de peculio, si quod habet, damnum resarciendum; alias nonnisi a domino puniendus. Etenim qui alteri dat damnum dolo, vel culpa sua, id resarcire tenetur (§. 580. part. 2. Jur. nat.). Quamobrem etiam servus damnum dolo, vel culpa datum de peculio, si quod habet, resarcire tenetur. *Quod erat primum.*

Quoniam tamen facti servi, quo damnum datum sine culpa domini, eidem imputari nequit, cum tum demum imputetur, si quomocunque a voluntate domini dependeat (§. 650. part. 1. Phil. pract. univ.); nulla quoque ratio est, cur de damno dolo, vel culpa sua dato, sed sine culpa domini, teneatur ipse dominus. *Quod erat secundum.*

Quod si servus non habeat peculium, unde damnum resarciri possit, vi n. 1. cum dominus de suo idem resarcire non teneatur, vi n. 2. nihil superest, quam ut servus puniatur (§. 1061. part. 1. Jur. nat.). Quamobrem cum domino competat jus puniendi servum ob actus vitiosos (§. 1104.); dominus servum dolo, vel culpa sua alteri damnum dantem punire debet. *Quod erat tertium.*

Quoniam servus domino obligatur ad operas præstandas, interest ejus, ne in puniendo modus excedatur, ne ad illas præstandas vel prorsus inutilis reddatur, vel saltem ad tempus. Quamvis itaque alias in statu naturali cuilibet competat jus puniendi eum, qui ipsum læsit (§. 1061. part. 1. Jur. nat.), perinde tamen est, siue is puniatur a domino, siue ab eo, qui læsus fuit, nec quicquam committendum contra jus domini (§. 910. part. 1. Jur. nat.); ideo qui læsus est, a domino saltem exigere potest, ut ipse lædat. Naturale igitur non est, ut vel ipse damnum resarciat, vel servum noxæ det: immo potius æquitati naturali maxime repugnat, ut dominus ex facto servi, quod nullo modo ipsi imputari potest, damnum aliquod sentiat.

Quando

Quando autem factum servi domino impurari possit, ut ipse etiam teneatur de damno resarciendo, patet ex iis, quæ alias demonstravimus de imputatione facti alieni (§. 654. & seqq. part. 1. Phil. pract. univ.). Ceterum cum diversa sit obligatio damni resarciendi & pœnam patiendi, facile patet, quemadmodum alias, ita hic quoque servum adhuc puniri posse, etiam si damnum de peculio ejus resarciatur. Pœna enim repetitur ab eo, qui læsit, ut animum lædendi mutet, & ne exemplum ejus sequantur alii (§. 1058. part. 1. Jur. nat.).

§. 1112.

Dominus servo agroto non modo alimenta, verum etiam De servo medicamenta & præterea operam dare debet, ut servus sanitati resituitur. Etenim ideo operæ præstantur simpliciter pro alimentis, non facta comparatione utilitatis, quam ex iis percipit dominus, & pretii alimentorum, ut quocunque in casu alimenta certa sint (§. 1080.). Quiaobrem etsi servus agrotus operas præstare non possit, aut saltem non eas, quas præstare poterat sanus; nihilominus tamen dominus adhuc eidem debet alimenta. *Quod erat primum.*

Quoniam vero servus aliter domino obligari non potuit, nisi salvis officiis erga seipsum & erga alios (§. 1100.), qui vero in morbum incidit, operam dare tenetur, ut sanitati restituatur (§. 413. part. 1. Jur. nat.), & uti medicamentis, si sine iis sanitas restitui nequeat (§. 415. part. 1. Jur. nat.); atque prompti conferre debemus ea, quæ ad conservationem sanitatis aliorum, consequenter etiam ad restitutionem amissæ, conferre valeamus (§. 643. part. 1. Jur. nat.); dominus utique, qui alias operis servi sua culpa careret, operam dare tenetur, ut sanitati idem restituatur, consequenter etiam dare medicamenta, sine quibus eadem restitui nequit. *Quod erat secundum & tertium.*

Quemadmodum interest domini, ut jumentum suum conservetur & agrotum sanitati restituatur; ita etiam ejus interest, ne

ne servus moriatur, sed sanitati restituitur. Enimvero quod facit dominus, si jumentum ægrotet, utilitate sua motus; id facere debet, servo ægrotante, cum sensu officii sui. Quamobrem hic ostendendum erat, quale sit domini officium, ne existimet liberum ipsi esse, utrum servum perdere ac utilitate quam ex operis ejus sperare potest, carere, an eundem servari malit.

§. 1113.

*Quale sit
jus domini
in actiones
servi.*

Actiones servi sunt in dominio domini. Etenim dominus non modo servo præcipere potest, ut faciat, quæ legi naturæ consentanea sunt, & prohibere, ne faciat, quæ eidem adversa sunt (§. 1103.), verum etiam operas ab eodem exigere quascunque pro lubitu suo, quas præstare valet, aut saltem eas, de quibus conventum (§. 1106.), & de ceteris ejus actionibus, quæ respectum ad illas habent, prouti sibi commodum visum fuerit disponere (§. 1096.). Quamobrem cum jus disponendi de re pro arbitrio suo sit dominium (§. 118. part. 2. Jur. nat.); actiones servi sunt in dominio domini.

Vix concipi poterit actio aliqua humana, quæ non certo quodam modo respiciat operas, hoc est, eas, quæ in utilitatem alicujus præstantur. Et quamvis dominus in determinandis actionibus servi non recedere debeat a lege naturæ; hoc tamen dominio minime obest, cum nec rebus aliis aliter uti debeat, quam ut satisfaciatur obligationi cuiusdam naturali (§. 167, part. 2. Jur. nat.), consequenter rerum quoque suarum usus regulis juris naturæ adstringatur. Sane dum non permittit, ut servus faciat, quæ juri naturæ adversantur; actiones ejusdem contra voluntatem servi sua voluntate determinat, seu ut sibi videtur.

§. 1114.

*Quale jus
sit potestas
dominica.*

Potestas dominica imperium est. Etenim domino non competit nisi jus determinandi actiones servorum pro lubitu suo,

suo, salva tamen obligatione naturali, ne jure suo abutatur (§. 1096. 1103. 1100.). Quamobrem cum jus determinandi actiones liberas pro lubitu suo dicatur imperium (§. 194.), & jus in servum, vel ancillam potestas dominica (§. 1082.); potestas dominica imperium est.

Consultius fuisset hoc jus appellare *imperium herile*. Quoniam tamen potestatis dominicæ nomen obtinuit, ab hac appellatione recedere nolimus (§. 147. *Disc. pralim.*).

§. 1115.

Servi subjecti sunt domino. Etenim domino competit *De subjecti-* imperium in servum (§. 1114.). Quoniam itaque is ei *one servo-* subjectus est, qui imperium in ipsum habet (§. 201.); *servi rum.* subjecti sunt domino.

Atque hinc patet ratio, cur servitutem definivimus per subjectionem (§. 1080.). Poterat autem *subjectio servorum* definiri per dependentiam a voluntate domini. Vide, quæ supra annotavimus de subjectione liberorum (not. §. 665.).

§. 1116.

Quoniam servi domino subjecti sunt (§. 1115.), sub- *De obedi-* jectus vero imperanti parere, seu obedire obligatur (§. *tia servo-* 206.); *servi domino obedire debent*, consequenter cum alteri *rum.* obediatur, qui actiones suas ad voluntatem ipsius componit, faciendo scilicet, quod fieri vult, & non faciendo, quod fieri non vult (§. 205.); *servi actiones suas ad voluntatem domini componere debent, facere nimium, quæ jubet dominus, non facere, quod is prohibet.* Et quoniam subjectus inobediens esse non debet (§. 208.), *servi quoque inobedientes esse minime debent*, consequenter cum inobediens sit, qui actiones suas ad voluntatem alterius componere non vult (§. 207.), *non licet servo actiones suas componere ad suam potius, vel tertii cuius-* (*Wolffii Jur. Nat. Pars VII.*) Kkk kk dam,

dim, quam ad domini voluntatem, faciendo scilicet, non quod dominus vult, sed vel ipsemet facere mavult, aut ut faciat tertius quidam ipsi suadet; vel etiam faciendo, quod dominus non vult, seu prohibet, vel quia ipsi lubet, vel quia suadent alii.

Nihil magis servituti contrarium est, quam inobedientia, modo domini non præcipiant, quæ legi naturæ manifesto contrariantur. Tum enim eos obedire non posse, & talia a domino nullo jure præcipi, per immutabilitatem obligationis, quæ a lege naturæ venit, abunde manifestum est (§. 141. 142. part. 1. *Phil. pract. univ.*).

§. 1117.

De libertate Quoniam liber non est, cujus actiones dependent a *per servitutum* voluntate alterius (§. 152. part. 1. *Jur. nat.*), servi autem *tem amissa.* actiones dependent a voluntate domini (§. 1116. h. & §. 851. *Ontol.*); *servi liberi non sunt*, consequenter quando quis *servitutem subit*, libertatem suam amittit, & qui se in servitutem dat, libertatem suam in dominum transfert, consequenter eam alienat.

Datio itaque sui in servitutem nihil aliud est, quam translatio libertatis suæ naturalis in alium. Nimirum qui se in servitutem dat, domini voluntatem loco propriæ sibi esse vult, quasi propriam nullam haberet. Quemadmodum vero libertas, quæ homini natura competit (§. 146. part. 1. *Jur. nat.*), non tollit obligationem naturalem (§. 159. part. 1. *Jur. nat.*), ita quoque in dominum, quando quis servitutem subit non aliter eo transferri potest, nisi solva obligatione naturali. Quamobrem nec actiones servi in dominio domini esse possunt, nisi quantum permittit ista obligatio. Quodsi hæc probe consideres, protinus evanescent nebulae, quæ offundi poterant circa ea, quæ in interioribus de jure domini in actiones servi demonstrata sunt, ac facile præcaveretur, ne abusu idem in licentiam degeneret. Ceterum hinc patet, cur status servitutis opponatur statui libertatis, quem natura habemus.

§. 1118.

§. 1118.

Nemini licet alterum invitum sine justa causa in servitutem An invitum redigere. Qui alterum in servitutem redigit, is libertatem in servitutem naturalem, consequenter jus, quod natura habet (§. 146. *tem redige part. 1. Jur. nat.*), adeoque connatum (§. 28. *part. 1. Jur. re liceat. nat.*), eidem aufert (§. 1117.). Quamobrem cum jus connatum nemini hominum auferri possit (§. 64. *part. 1. Jur. nat.*), dentur tamen causæ justæ, ob quas eidem libertatem auferre liceat, dominiis introductis (§. 1092. 1094.), & quoque sponte quis eandem in alium transferat (§. 1087.); nemini licet alterum invitum sine justa causa in servitutem redigere.

Quemadmodum justæ dantur causæ, ob quas introductis dominiis alterum invitum in servitutem redigere liceat; ita adhuc aliæ dantur in statu civili, de quibus hic dicendum non est. Quoniam jus omne nascitur ex obligatione quadam (§. 23. *part. 1. Jur. nat.*); justa causa, ob quam quis se in servitutem dat, aut vel invitum in eam redigitur, consistit in obligatione quadam, cui is, qui servitutem subit, aliter satisfacere nequit (§. 159. *part. 1. Phil. pract. univ.*). Atque hinc in casu particulari facile patebit, utrum quis ob justam causam in servitutem redigatur, nec ne.

§. 1119.

Dominus servum alienare potest pro lubitu, cui & quomodo De jure alienaverit. Etenim domino competit jus in servum (§. 1081. *nandi serv. 1046. & seqq.*). Quamobrem cum dominus jus suum pro lubitu transferre possit, in quem voluerit (§. 12. *part. 3. Jur. nat.*) & quomodo voluerit (§. 11. *part. 3. Jur. nat.*); jus quoque in servum pro lubitu transferre potest, in quem & quomodo voluerit. Enimvero jus istud in dominio ipsius est (§. 216. *part. 2. Jur. nat.*), & rem alienat, qui dominium, quod in

ea habet, in alium transfert (§. 662. *part. 2. Jur. nat.*); dominus igitur jus suum in servum, consequenter servum, cui inhæret, & sine quo istud alienari nequit, pro lubitu cui & quomodo voluerit, alienare potest.

Proprie loquendo non tam servi alienantur, quam jus, quod in eos habet dominus. Quoniam tamen jus istud aliter tradi nequit, nisi tradatur servus, in quem idem domino competit; ideo servus ipse alienari dicitur. Probe tamen notandum est, quid proprie alienetur; ne quis putet ipsum servum tanquam rem corporalem alienari, quemadmodum visum est iis, qui potestatem dominicam in nimium extenderunt, quasi de servi quoque substantia domino integrum esset pro lubitu suo disponere, quemadmodum de substantia rei corporalis.

§. 1120.

De jure vendendi, Quoniam dominus servum pro lubitu alienare potest, quomodo voluerit (§. 1119.); eundem quoque vendere (§. donandi, *le. 937. part. 4. Jur. nat.*), donare (§. 48. *part. 4. Jur. nat.*), gaudi & ha- legare (§. 1003.) & heredi relinquere potest (§. 964.) ac redi relin- ita porro.

quendi servum.

Nimirum quotquot concipi possunt modi alienandi, tot etiam modis servus alienari potest. Et quocunque in casu alienatio licita, vel jure saltem externo valida; in eodem quoque alienatio servi licita, vel jure saltem externo valida. Quamvis enim servi perpetam æquiparentur rebus, quæ sunt in dominio; quatenus tamen jus in eos alienari nequit, sine ipsorum traditione, in alienando spectari possunt tanquam res, consequenter quæ de alienatione rerum passim demonstrata sunt, ea ad alienationem servorum recte transferuntur.

§. 1121.

Manumissio. Dominus servum manumittere dicitur, si libertatem suam eidem restituit. *Manumissio* itaque est actus, quo dominus libertatem suam servo restituit. Quoniam servus liber est,

fit.

est, quamprimum jus domini in eum extinguitur (§. 1080. 1081.), jus autem domini extinguitur, quamprimum id remittit (§. 97. part. 3. Jur. nat.), consequenter quando declarat, se nolle, ut servus sibi præstet operas pro alimentis, seu ad eas præstandas sibi amplius sit obligatus (§. 95. part. 3. Jur. nat. & §. 1080. b.); *naturaliter servus manumittitur, si dominus declarat, seu sufficienter indicat, se nolle, ut servus sibi amplius obligatus sit ad operas præstandas pro alimentis, consequenter etiam si eundem expellit.*

Naturaliter ad manumissionem non requiritur nisi sufficiens voluntatis domini significatio, quocunque modo facta. Quod enim sufficienter indicat, id contra ipsum pro vero habetur (§. 427. part. 3. Jur. nat.). Mere civilia sunt, quæ de diversis manumittendi modis traduntur in Jure Romano.

§. 1122.

Manumissio naturaliter licita nisi fiat in præjudicium servi. An naturaliter licita.
 Servus enim manumittitur, quando dominus declarat, se nolle, ut servus sibi amplius obligatus sit ad operas pro alimentis præstandas (§. 1121.), consequenter si jus suum in eum remittit (§. 95. part. 3. Jur. nat.). Quamobrem cum quilibet jus suum remittere possit, quamdiu nil sit contra jus tertii (§. 117. part. 3. Jur. nat.), consequenter contra jus servi exigendi a domino alimenta, manumissio naturaliter licita, nisi fiat in præjudicium servi.

Ingens beneficium est, si, qui servire cogitur, manumittatur, ut ideo plerumque manumittantur volentes. Et si quis vel maxime manumittatur, cujus interest, ut habeat certitudinem alimentorum perpetuorum; si operas adhuc præstare possit, ac servire potius, quam libertate frui malit, is se alteri in servitutem dare potest. Erit tamen adhuc beneficii loco, quod, cum dominus eum vendere posset (§. 1120.), gratis eidem libertatem restituerit, ut, si se ipsum vendere velit, pretium

lucreretur. Quamobrem nec hoc in casu quicquam fit contra jus servi, quod manumissionem illicitam efficeret. Facile autem patet, casum istum referendum esse inter eos, qui, etsi existere possint, raro tamen existunt.

§. 1123.

*Quando il-
licita.*

Quoniam servum manumittere non licet, si id fiat in præjudicium ipsius (§. 1122.), id vero fit, si manumittitur, quando vel morbo impeditus, vel ob defectum virium ætate ingravescente operas præstare amplius nequit (§. 1080. 1112.); *dominus servum manumittere nequit, si vel morbo impeditus, vel ob defectum virium ætate ingravescente operas amplius præstare nequit.*

Tum demum nimia foret servitutis acerbitas, qua alias caret, quamdiu intra terminos libertatis naturalis subsistit (nos. §. 1087.), si dominus servum ægrotum, vel ob ætatem proVectam manumittere posset. Immo manifesta foret injustitia, si servitus a pacto originem trahit.

§. 1124.

*An domino
competat jus
vita ac ne-
cis in ser-
vum.*

Domino in servum jus vita ac necis naturaliter non competit. Etenim servus domino aliter obligari nequit, quam falvis officiis erga seipsum & erga alios (§. 1100.). Quamobrem cum nemini seipsum vita privare liceat (§. 353. part. 1. Jur. nat.), & nemo alterum occidere debeat (§. 743. part. 1. Jur. nat.), ne quidem volentem (§. 745. part. 1. Jur. nat.); domino quoque in servum jus vitæ ac necis naturaliter competere nequit.

Quando quis servitutem subit, libertatem suam amittit, & ea in dominum transfertur (§. 1117.). Libertas non tollit obligationem naturalem (§. 159. part. 1. Jur. nat.). Quamobrem nec in dominum transferri potest, nisi hac salva, & quia homini non competit dominium in vitam suam (§. 351. part. 1. Jur.).

1. *Jur. nat.*), nec dominus, qui acquirit jus in servum, quod is natura in seipsum habet, jus vitæ ac necis in eundem acquirere valet. Et quamvis ipsi competat jus puniendi servum refractarium & negligentem (§. 1104.), ne scilicet in posterum se amplius refractarium & negligentem præbeat (§. 287. *part. 1. Phil. pract. univ.*), cum tamen emendari nescium expellere possit, & raro admodum eo usque procedendum sit, ex jure puniendi jus vitæ ac necis derivare non licet. Sane qui servum occidit, jure suo exigendi operas sibi utiles perinde excidit, ac si eundem expellit; nec expulsus facile in servitum recipiet alius, etiamsi sese alteri in eandem dare velit, quia non habet, unde sibi de alimentis prospicere possit.

§. 1125.

Dominus in servum *sevire* dicitur, si dura verbera jugiter ferat in servum in præstandis operis licet assiduum & *sevitia* do- ob non præstitas operas nimias, aut solo odio sine ulla ejus *mini*. culpa, vel alio quodam modo nimis duriter tractet.

§. 1126.

Servo ob nimiam domini *sevitiam* aufugere licet, vel etiam *Quando* si alimenta *sufficiencia* dare desinet: *alias aufugere non licet.* Et- *servo aufu-* enim si dominus sevit in servum, dura verba jugiter in eum *gere liceat.* fert, quamvis sit in operis præstandis assiduus, easque operas præstet, quas præstare valet, quod vero nimias præstare nequeat, vel etiam solo odio sine ulla ipsius culpa verberibus afficit, aut alio modo nimis duriter tractat (§. 1125.). Quamobrem cum servus domino non obligetur nisi quantum per officia erga seipsum eidem obligari potuit (§. 1100.), laborem autem nimium nimisque gravem vitare debeat (§. 519. *part. 1. Jur. nat.*); domino quoque jus nullum est eundem verberandi, vel alio modo duriter tractandi, propterea quod operas non præstiterit, quas præstare non potest: multo minus vero hoc facere potest, si in labore se assiduum præ-

præster, aut solo odio. Quoniam itaque nulla ratio est, cur servus hoc pati teneatur, non vero aliter sibi consulere potest, quam si aufugiat; ob nimiam utique servitiam domini aufugere licet. *Quod erat primum.*

Quoniam servus operas domino præstare obligatur pro alimentis, consequenter sub hac conditione, ut alimenta præstentur (§. 1080.), nec aliter ipsi obligari potuit, quam officia erga seipsum permittunt (§. 1100.), consequenter ut ea ipsi detur alimentorum quantitas, quæ corpori conservando sufficit (§. 403. *part. 1. J. r. nat.*); si dominus servo operas suas debite præstanti non det alimenta sufficientia, nec ad eas præstandas eidem obligatur. Quamobrem cum aliter nisi fuga sibi consulere queat; fugere licet. *Quod erat secundum.*

Enimvero si servus sine justa causa aufugeret, domino auferret pro mero lubitu suo jus, quod in ipsum habet, & se liberare vellet ab obligatione, qua ipsi tenetur (§. 1081.). Quoniam itaque nemo alteri invito jus suum auferre potest (§. 336. *part. 2. J. r. nat.*), nec seipsum liberare ab obligatione sua (§. 674. *part. 3. J. r. nat.*); servus quoque pro lubitu suo aufugere nequit. *Quod erat tertium.*

Hæc probe notanda sunt, ut pateat, quid jure positivo statuendum sit, ne quicquam committatur vel a domino, vel a servo, quod injustum est, vel iniquum.

§. 1127.

De manumissione liberorum a parentibus venditorum.

Si Liberi ob inopiam a parentibus in servitutem venditi, dominus eos manumittere tenetur, ubi sumtus educationis ei restituerint una cum pretio emtionis. Etenim parentibus non licet liberos in servitutem redigere, nisi eos vendant inopia sumtuum in educationem faciendorum (§. 1092.), consequenter eos vendere non potuerunt nisi sub tacita hac conditione,

ditione, si sumtus educationis & pretium, quo emti sunt, restituere nequeant. Quamobrem si domino restituantur sumtus, quos in educationem fecit, & pretium, quod dedit, cum emeret; iis libertatem suam restituere, consequenter eosdem manumittere tenetur (§. 1121.).

Manumissio hæc necessaria est, cum non pendeat a voluntate domini. Equitati autem naturali maxime convenit. Nulla culpa sua, nec voluntate sua in servitutem redacti sunt. Nulla igitur ratio est, cur privari debeant libertate, natura ipsis competente (§. 146. part. 1. Jur. nat.). Neque tamen etiam dominus sentire debet damnum, qui pretium parentibus non solvit, nec sumtus in educationem fecit, nisi spe operarum sibi utillum præstandarum, nec emit, nisi quod licite emere poterat (§. 1092.). Quamobrem ipsi refundendi sunt sumtus in educationem facti & pretium, quo emit, restituendum. Hoc pacto nihil committitur, quod sit vel contra jus liberorum in servitutem redactorum, vel contra jus domini, ne damnum ipsi detur (§. 495. part. 2. Jur. nat.); sed utrique tribuitur, quod suum esse debet.

§. 1128.

Ex ancilla natus naturaliter servilis conditionis est, donec sumtus educationis & si quid præterea interest, restituantur, nisi te eorum, pater, vel alius suo sumtu liberum educare velit. Etenim ancilla non habet, unde sumtus in educationem partus sui facere possit, cum per operas suas domino saltem acquirat (§. 1107.). Quoniam itaque dominus eos facere tenetur, ac præterea carere operis, quas mater præstare propter hunc partum suum impedita fuit; perinde omnino est, ac si mater cum domino in servitutem venderet obinopiam. Quamobrem cum hoc facere liceat (§. 1092.); ex ancilla natus naturaliter servilis conditionis est. *Quod erat primum.*

(Wolffii Jur. nat. Pars VII.)

LIII

Enim-

Enimvero si quis ob inopiam a parentibus in servitutem fuerit venditus, dominus eum manumittere tenetur, consequenter ei libertatem restituere (§. 1121.), si sumtus educationis una cum pretio emtionis restituantur (§. 1127.). Quamobrem etiam ex ancilla natus non tenetur esse servilis conditionis, nisi donec sumtus educationis & si quid præterea interest domino restituantur. *Quod erat secundum.*

Denique si pater, vel alius infantem natum velit educare liberum; cessat ratio, cur is in servitutem tradi possit (§. 1092.). Quamobrem cum libertas, jus quod natura habet (§. 146. *part. 1. Jur. nat.*), præter voluntatem suam eidem auferri non possit (§. 64. *part. 1. Jur. nat.*); si quis partum ex ancilla natum suo sumtu liberum educare velit, is conditionis servilis naturaliter esse non debet. *Quod erat tertium.*

Quicumque alteri servit, vel voluntate sua servit, vel quia servire velle debet, veluti quando a parentibus ob inopiam venditus factum parentum approbare tenetur, aut quatenus ob æs alienum, quod solvere debebat, sed non poterat, in servitutem redactus operas domino præstare velle debet, quia velle debet solvere. Libertas itaque proprie loquendo non adimitur servo, sed is vi libertatis suæ eandem exercet per alium, nempe dominum. Liberum vero est unicuique jus suum exercere vel per se, vel per alium, prouti ipsi visum fuerit. Atque ita patet, quod obiter alias indicavimus (*not. §. 64. part. 1. Jur. nat.*). Quæ hic opponi poterant de servis pænz, vel captivis in servitutem redactis, de iis dispiciendum erit suo loco.

§. 1129.

*De conjugia
servorum.*

Si servus cum ancilla paciscatur, quod liberos procreare velint; pactum hoc naturaliter iustum matrimonium est. Etenim pactum maris cum scemina de prole procreanda & educanda

canda matrimonium est (§. 270.). Quamvis itaque ipsi-
met sumtus in educationem liberorum facere nequeant,
cum tamen liceat liberos natos domino in servitutem tra-
dere, ut eos educet suo sumtu (§. 1092.); hoc minime
obstat, quo minus etiam educationis causa pactum fuerit
initum, parentibus educationi prospicientibus, quantum
datur. Naturaliter itaque pactum servi cum ancilla de li-
beris procreandis initum iustum matrimonium est.

Quod igitur Romani *contubernium servile* a justis nuptiis
distinguerint, mere civile est. In Jure autem naturæ ratio nul-
la est, ut conjugium hominum libertorum a conjugio servo-
rum distinguatur. Cumque servitus nihil acerbioris habeat,
si intra terminos æquitatis naturalis subsistatur (not. §. 1087.).
nec propterea illicita pronuntiari possunt, aut iniqua, quod li-
beri servilis esse debeant conditionis, nisi sumtus educationis
& quod præterea interest restituere possint (§. 1087.).

§. 1130.

Si dominus intestatus decedit, nec ipsi extiterit hæres ab in- De domino,
testato, servus fit liber. Erit idem etiam liber, si dominus ipsum qui intesta-
hæredem in testamento institueris. Quodsi enim dominus inte- tus decedit,
status decedat, nec ipsi hæres ab intestato extiterit, bona vel hæredem
ejus sunt res nullius (§. 700. pars. 6. & §. 313. part. 2. Jur. instituit
nat.). Quamobrem etiam jus, quod in servum habebat servum.
(§. 1081.) & in bonis ejus continebatur (§. 451. part. 2.
Jur. nat.), nullius fit. Quamprimum itaque nemo
existit, cui illud competere possit; sui juris fit servus,
& per consequens liber fit (§. 135. part. 1. Jur. nat.).
Quod erat unum.

Quodsi ponamus servum in testamento hæredem insti-
tui; is in omne domini jus succedit (§. 958.), consequen-
ter etiam in jus, quod in se habuerat dominus (§. 1081.).

Lllll 2

Fit

Fit igitur denuo sui jûris, consequenter liber (§. 135. part. 1. Jur. nat.). *Quod erat alterum.*

Alia in casu posteriori ratio redditur & reddenda erat in jure Romano, quia isto jure hæres institui non poterat servus, ut hæreditatem sibi acquireret, nisi esset liber. Voluntas igitur manumittendi in testatore præsumebatur. Ast in nostro jure præsumptio ista opus non est, prouti ex demonstratione liquet.

§. 1131.

Hærus & heræ, famulus & famula. Qui alicui certas operas ad certum tempus pro alimentis & certa mercede locat; *Famulus* dicitur, & earum conductor *Hærus*. Similiter foemina locans pari modo operas, vocatur *Famula*; foemina autem, quæ famulum, vel famulam conducit *Hera*.

Ubi servitus in usu non est, vel abrogata, quemadmodum apud nos; famulis utimur & ad alias operas diurnas operariis.

§. 1132.

Unde astimari debeas. Quoniam famuli & famulae operas suas pro alimentis & certa mercede locant hero atque heræ (§. 1131.); omne jus heri & heræ, famulorum & famularum, omnes quoque earundem personarum obligationes, quibus sibi invicem tenentur, ex contractu locationis conductionis astimari debent.

nam.

Alia igitur longe ratio est famulorum & servorum, alia quoque dominorum & herorum. Neque adeo ad heros transterranda sunt omnia, quæ de dominis fuerunt demonstrata; nec ad famulos, quæ demonstrata sunt de servis.

§. 1133.

An societas. Pactum, quod inter herum vel heram & famulos atque famulas initur, societas est. Etenim hoc pacto herus, vel heræ se obligat.

obligat famulis ad certam mercedem & alimenta præstandum, famuli autem & famulæ vicissim sese obligat ad certas operas præstandas ad certum tempus (§. 1131.), consequenter conjunctis viribus utilitati communi convento modo prospicere volunt. Quamobrem cum pactum de fine quodam conjunctis viribus consequendo societas sit (§. 1.); pactum, quod inter herum, vel heram & famulos atque famulas initur, societas est, aut, si mavis, dum herus, vel hera, famulos atque famulas conducunt, & famuli ac famulæ hero, vel heræ operas locant, societas inter has personas contrahitur.

Omnis societas pro fine habet utilitatem quandam nonnisi unitis viribus obtinendam, qualem etiam in hac societate adesse nemo non per se videt. Non obstat, quod famuli & famulæ operas suas locent hero, vel heræ, & herus, vel hera eas conducant: locatio enim conductio tantummodo respicit modum, quo societas ista contrahitur. Quando enim futuri socii paciscuntur, inter se conveniunt de operarum locatione ac conductione, seu de modo, quo sibi invicem obligati esse debent, nimirum quod obligati esse velint per modum locatoris ac conductoris operarum, ut adeo contractus locationis conductionis sit norma juris atque obligationis in hac societate (§. 1132.).

§. 1134.

Societas herilis dicitur, quæ inter herum, vel heram & Societas herilis quæ famulos atque famulas intercedit.

Nomen hoc in philotopia dudum receptum retinere debuimus, nec sine ratione ad societatis notionem reduximus locationem conductionem operarum famulorum & famularum, cum ea, quæ de societate in genere demonstrata fuerunt, ad herum quoque & heram, famulos & famulas applicanda sint: id quod in locatione conductione operarum, vel ad certum quoddam opus restrictarum non obtinet.

LIII 3

§. 1135.

§. 1135.

*An sit juris
naturalis.*

Societas herilis naturaliter licita, seu juris naturalis est. Etenim introductis dominiis homines sibi invicem obligantur ad dominia transferenda & ad operas communicandas (§. 123. part. 3. *Jur. nat.*), & unicuique competit jus res, consequenter & operas (§. 437. part. 2. *Jur. nat.*), ab alio sibi comparandi (§. 126. part. 3. *Jur. nat.*), nemo autem alteri gratis dare, vel facere tenetur, si is vicissim dare, vel facere possit (§. 268. part. 4. *Jur. nat.*). Quamobrem cum in societate herili famuli & famulae hero atque heræ præstent operas certas ad certum tempus, modo convento, & herus atque hera ipsis vicissim præstent alimenta & certam mercedem (§. 1131. 1134.); illi sibi comparant ea, quæ ad conservationem sui necessaria sunt, hi vero operas, quibus vel ad vitæ necessitatem, commoditatem aut jucunditatem indigent, consequenter societas herilis naturaliter licita est (§. 170. part. 1. *Phil. pract. univ.*).

§. 1136.

*Qualis sit
servitus fa-
mulorum &
famularum.*

Famuli & famula imperfectam servitutem subeunt. Etenim hero sese obligant ad operas certas ad certum tempus præstandas pro alimentis & certa mercede (§. 1131.). Quamobrem cum servitutem imperfectam subeant, qui sese alteri ad certas operas ad certum tempus præstandum obligant (§. 1083.); famuli & famulae imperfectam servitutem subeunt.

Si servitus intra terminos æquitatis naturalis subsistat, nec jus domini in licentiosum dominium convertatur, famulorum & famularum conditio a servili non differt, nisi in eo, quod ipsorum operæ magis sint restrictæ, nec perpetuo præstandæ, quemadmodum in servitute perfecta (§. 1083.). Immo etiam ea, quæ pro operis famulis præstantur ab hero, vel hera, magis determinata sunt, nec in iis tam liberum est heri, vel heræ

heræ arbitrium, quemadmodum in servitute perfecta. Unde facile patet, multo meliorem esse famulorum & famularum conditionem, quam servorum & ancillarum. Patet autem porro, quatenus ea, quæ de servis & dominis in anterioribus demonstrata fuerunt, etiam ad famulos & heras applicari possint.

§. 1137.

Famulus promissæ ac diligenter facere debet, quæ ab hero pacto Officium famul. convenienter imperantur, aut quæ certo tempore faciendæ esse per se novit. Etenim famulus obligatur hero ex pacto (§. 1132.). Quamobrem cum pacta sint servanda (§. 789. part. 3. Jur. nat.); si qua pacto convenienter imperet herus, ea facere tenetur. *Quod erat primum.*

Et quoniam non a voluntate famuli pendet, utrum facere velit, nec ne (§. 118. part. 1. Phil. pract. univ.); prompte facere debet, quæ herus imperat. *Quod erat secundum.*

Quia vero negligentia culpa est (§. 758. part. 1. Phil. pract. univ.), culpa autem omnis vitanda (§. 299. part. 1. Jur. nat.), & qui negligens esse non vult, diligens sit necesse est (§. 757. part. 1. Phil. pract. univ.); famulus diligenter facere debet, quæ ab hero imperantur. *Quod erat tertium.*

Enimvero cum ex pacto constet, quænam operæ a famulo sint præstandæ, si quæ certo tempore faciendæ sunt, ea per se novit famulus, consequenter non opus est, ut deum imperentur. Quamobrem cum famulus ea præstare debeat, quæ ex pacto debet; si quæ certo tempore faciendæ esse per se novit famulus, ea præcise injussus facere debet. *Quod erat quartum.*

Pacto inesse intelliguntur, quæ moribus consentanea sunt: ideo enim de iis diserte non convenitur, quia per se nota supponuntur.

ponuntur. Absit itaque, ut tibi persuadeas, jus heri nimium restringi, quo famulum non ultra id sibi obligare potuit, quam ipse eidem obligari voluit.

§. 1138.

De negotiis famuli propriis. Famulus tempore, quo heri negotia obeunda sunt, sua curare nequit, nisi domino consentiente; ab iis autem liber propria curare potest. Etenim famulus operas suas locavit hero, ut iisdem utatur in commodum suum (§. 1131.), & eas diligenter exequi debet, ad quæ ex pacto tenetur (§. 1137.). Quamobrem cum negotia domini negligantur, si famulus sua curare velit, quando illa obeunda sunt, nec is præstet, quæ debet, si hoc faciat; famulus eo tempore, quo heri negotia obeunda sunt, sua curare nequit. *Quod erat primum.*

Quoniam tamen quilibet jus suum remittere potest (§. 117. part. 3. *Jur. nat.*); herus quoque permittere potest famulo, ut eo tempore, quo negotia sua obire debebat, negotium quoddam suum curet. Quamobrem si herus consentiat, ut faciat hoc famulus, facere potest. *Quod erat secundum.*

Denique si quo tempore nullas operas hero præstare tenetur, cum heri non interfit, quid eo tempore faciat famulus, quid facere velit libertati ipsius relictum est, consequenter propria negotia curare potest. *Quod erat tertium.*

Nullum damnum sentit herus, si famulus tempus in utilitatem suam collocet, quo a negotiis heri liber est. Et præstat tempus utiliter collocari, quam otiosi.

§. 1139.

De damno a famulo dato. Si famulus negligentia, vel malitia damnum dederit; id hero rescire tenetur. Quilibet enim rescire tenetur alteri damnum, quod culpa, vel dolo dedit (§. 580. part. 2. *Jur. nat.*). *Quam-*

Quamobrem cum negligentia culpa sit (§. 758. *part. 1. Phil. pract. univ.*), & malitia ad dolum referatur (§. 705. *part. 1. Phil. pract. univ.*); famulus quoque negligentia, vel malitia datum hero damnum resarcire tenetur.

Suadent tamen rationes particulares, ne culpa quævis famulis imputetur, consequenter ne herus nimium rigidus sit in reparatione damni exigenda. Rationes autem istæ suasoriæ ad prudentiam pertinent (§. 257. *part. 1. Jur. nat.*), ad quam cum naturaliter obligemur (§. 258. *part. 1. Jur. nat.*), illæ ab hero utique attendendæ sunt. Jus externum moderatur prudentia, ne ab interno recedat, & ne conscientiæ vim inferamus illius rigore.

§. 1140.

Hero competit jus famulum obligandi ad faciendum, quod in De jure obli-
tra conventum modum imperare potest. Quoniam enim famu- *gandi fa-*
 lus hero obligatur ex pacto ad certas operas præstandum *malum.*
 (§. 1131.), jus ipsius, quod huic obligationi respondet,
 perfectum est (§. 908. *part. 1. Jur. nat.*). Quamobrem
 cum jus perfectum conjunctum sit cum jure cogendi alterum,
 si obligationi suæ satisfacere noluerit (§. 235. *part. 1. Phil. pract. univ.*); si famulus præstare nolit, ad quæ præstanda
 ex pacto obligatur, vel in iis negligentem sese præbeat, he-
 ro competit jus poenis obligandi eundem ad ea præstanda
 (§. 301. *part. 1. Phil. pract. univ.*). Quoniam tamen herus
 famulo imperare nequit nisi intra conventum modum (§.
 1132.); illi quoque tantummodo competit jus hunc obli-
 gandi ad faciendum, quod intra conventum modum impe-
 rare potest.

Jus hoc in famulis non adeo late patet, quemadmodum in
 servis, cum pactum possit dissolvi, si famulus idem servare
 nolit, prouti mox ostendetur.

§. 1141.

*De mutuis
commodis
promoven-
dis.*

Famulus heri commoda, & herus vicissim famuli salutem data occasione promovere debet. Quamvis enim in societate quadam in specie fuerit conventum, quid a quolibet sociorum fieri debeat; hoc tamen non obstante si data occasione aliud præterea facere quis possit, quo commune bonum promovetur, is ad hoc faciendum obligatur (§. 114.). Quodsi ergo occasio sese offerat, quo famulus heri commoda, vel vicissim herus famuli salutem promovere possit; ad hoc faciendum uterque obligatur.

Officia, quæ homo homini debet naturaliter, famulus quoque hero & herus famulo debet. Quamvis itaque obligationes heri arque famuli æstimari debeant ex contractu (§. 1132.); non tamen per hoc tolluntur obligationes naturales. Virtutis utique heri est præstare ea, quæ ex pacto non debentur, sicuti justitiæ, quæ ex eodem debentur: non tamen ideo ea negligenda, quæ hero famulum & herum famulo commendant, præsertim cum stimulus sint faciendi ea, quæ exigere possunt, libentius ac diligentius, nisi degeneres fuerint cujusdam mores. Amor ille universalis, qui animos hominum unit, ut ad promovendam communem felicitatem sint prout, heri quoque & famulorum animos jungit, ut in mutua commoda ferantur. Is vero ubi absuerit, societas quoque herilis non attingit eam perfectionem, quam habere debebat.

§. 1142.

*An ante diem firmum dimitti, de-
re licet famulo, nisi herus a pacto recedat.*

Si famulus, non præstet, quæ præstare debet; herus eum ante diem dimittere potest: alias non licet. Eidem ante diem discere licet famulo, nisi herus a pacto recedat. Etenim cum pacta sint servanda (§. 789. pars. 3. Jur. nat.), famulus autem locaverit operas ad certum tempus (§. 1131.); nec ante diem conventum herus famulum dimittere, nec famulus hero invito discedere potest. Quod erat mirum.

Eni-

Enimvero si pacta mutuas præstationes continent, & unus paciscentium præstare nolit, quod debet, alter a pacto recedere potest (§. 827. part. 3. Jur. nat.). Quodsi ergo famulus non præstet, quæ præstare debet, herus eum dimittere, & si herus quocunque modo a pacto recedit, famulus quoque discedere potest. *Quod erat alterum.*

Utriusque jus, tam heri, quam famuli, nascitur ex pacto (§. 1131.), ex eo æstimandum (§. 1132.). Quamobrem non magis licet hero dimittere famulum, quam famulo discedere. Nulla ea in re inæqualitas est, licet Societas herilis alias sit Societas inæqualis.

§. 1143.

Finito tempore, ad quod societas herilis contracta, societas Quando quoque herilis finitur. Famuli enim non minus, quam heri *cietas heri-* jus omne ac obligatio omnis æstimatur ex pacto (§. 1132.). *lis finitur.* Quamobrem cum Societas herilis ad certum tempus contrahatur (§. 1131.), ultra istud tempus nec famulus hero, nec herus famulo amplius obligatur, consequenter & jus utriusque extinguitur. Societas itaque herilis finitur.

Quoniam pacta renovari possunt, vel expresse, vel tacite; societas quoque herilis ultra tempus conventum mutuo heri ac famuli consensu prorogari potest: quod absque ulteriori demonstratione facile patet.

§. 1144.

Quoniam finito tempore, ad quod societas herilis contracta, eadem finitur (§. 1143.); *Effectus fi-* finito tempore contractus nec *nita socie-* herus famulum inquitum retinere, nec famulus hero sese diutius satis. *obtrudere potest,* consequenter *herus famulum volentem dimit-* tere, famulus jussus discedere tenetur.

Mmm m m a

Facile

Facile patet, societatem herilem inter hunc herum & hunc servum finire, licet ea quoad herum subsistat, quatenus alium famulum in eam recipit, priori dimisso.

§. 1145.

*De hero vel
famulo non
obtrudendo
intra tem-
pus contra-
ctus.*

Intra tempus contractus nec herus famulo herum, nec famulus hero famulum alium loco sui obtrudere potest. Etenim famulus se obligavit ad servitia præstanda huic hero, nec ipsi perinde est, cui hero eadem præstet, ac similiter herus sibi obligavit hunc famulum ad præstanda servitia, non vero ipsi perinde est, num ab alio præstentur (§. 1131.), famulo nimirum in contrahendo qualitatum heri, & hero qualitatum servi, quæ utrobique personales sunt, rationem habent. Quamobrem arbitrio heri relictum non est, ut intra tempus contractus famulo herum obtrudat, nec simile quid arbitrio famuli relictum (§. 199. *pars. 1. Jur. nat.*). Quamobrem cum omne jus tam heri, quam famuli metiendum sit ex contractu (§. 1132.); nec herus famulo herum, nec famulus hero famulum alium loco sui intra tempus contractus obtrudere potest.

Magis tamen personales sunt operæ, quas hero debet famulus, quam alimentorum & mercedis præstatio, quæ hero incumbit. Quamobrem difficilius hero famulus, quam famulo herus obtruditur.

§. 1146.

*De famulo
commodan-
do.*

Herus famulum ad aliquot dies alteri commodare potest. Etenim si herus carere velit operis, vel servitiis famuli in gratiam alterius per aliquot dies, famulo autem perinde sit, sive ea, quæ hero præstare tenebatur, alii præstet, sive hero suo per istos dies; nihil omnino obstat, quo minus herus usum juris sui gratis concedat alteri per aliquot dies. Quam-

Quamobrem cum herusfamulum suum alteri commodet ad aliquot dies, si hoc faciat (§. 418. *part. 4. Jur. nat.*); cum alteri ad aliquot dies commodare licet.

Quale tum sit jus commodatarii, ne famulus habeat, de quo conqueratur, ex iis facile intelligitur, quæ de commodato demonstravimus suo loco.

CAPUT VII.

De Domo.

§. 1147.

Domus dicitur societas composita ex conjugali, paterna & herili, vel saltem ex binis. Illa perfecta est; hæc vero imperfecta. Unde patet, imperfectam componi vel ex conjugali & paterna, vel ex conjugali & herili, vel ex paterna & herili. *Domus quid sit.*

Non una est ratio, cur domus saltem ex duabus subinde societatibus componatur: sed in rationes istas inquirere non est hujus loci.

§. 1148.

Eadem persona, quæ in societate conjugali maritus, *Paterfamilias* in paterna pater, in herili herus appellatur, in domo dicitur *Paterfamilias*, idiomate patrio *der Haus-Herr* vel *der terfamilias Haus-Bater*. Et quæ in societate conjugali uxor, in paterna mater, in herili hera vocatur, *Materfamilias* audit, idiomate patrio *die Haus-Frau*, vel *die Haus-Mutter*.

In domo imperfecta, quæ ex societate paterna & herili componitur, deest vel *paterfamilias* & *materfamilias*: quod levi attentione patet.

§. 1149.

*Domestici
quinam di-
cantur.*

Domestico communi nomine appellare lubet liberos & famulos atque famulas simul sumtos, quatenus sunt membra minus digna domus. Sit ita, quod subinde nomen hoc tantummodo ad famulos atque famulas restringatur, subinde vero etiam ad omnes extendatur, qui nobiscum in eadem domo habitant. Idiomate patrio vocantur *Haus-Genossen*.

Quemadmodum nimirum vocabulum domus hic tanquam terminus technicus in peculiari quodam significato sumitur (§. 1147.); ita eidem convenienter quoque accipienda est vox domesticorum, quæ inde derivatur.

§. 1150.

*De jure &
obligatione
singulorum
in domo.*

In domo non omnia membra eadem habent jura & iisdem tenentur obligationibus; sed singulorum obligationes & jura metienda ex fine societatis simplicis, cujus sunt membra. Etenim domus componitur ex pluribus societatibus simplicibus (§. 1147.) & quæ in eadem domo sunt personæ manent earundem membra. Quamobrem cum tot dentur fines diversi, quot dantur societates simplices (§. 3.), & in singulis societatibus sociorum obligationes & jura metienda sint ex fine societatis (§. 10.); personarum omnium, quæ in eadem domo sunt, non eadem sunt jura, nec eadem obligationes; sed singulorum jura & obligationes metienda sunt ex fine societatis simplicis, cujus sunt membra.

Nullus finis societatis simplicis per hoc mutatur, quod plures in unam compositam coalescant. Singula igitur membra societatis compositæ manent adhuc membra societatum simplicium & eorum jura ac obligationes subsistunt, quæ ex finibus simplicium derivantur. Quatenus tamen unam compositam constituunt, necesse est, ut hinc quoque nascentur quæ-

consequenter etiam in domo (§. 1147.), alius finis intendi nequit, quam ut fines societatum simplicium, consequenter earundem salus (§. 11.) conjunctis viribus rectius promoveatur.

Non est, quod objicias, necessitatem parere compositionem, quia paterfamilias est membrum omnium societatum simplicium, per quem adeo societates diversæ uniuntur. Hoc enim minime obstat, ut unio fiat cum ratione sufficiente. Et quemadmodum jus naturæ regit omnes actus humanos; ita etiam regere debet unionem societatum simplicium ad constituendam unam compositam: neque enim unio ita fieri debet, ut societates simplices aliquod patiantur detrimentum, quin potius ita eam fieri convenit, ut in singulas aliquid commodi inde redundet.

§. 1153.

*Quomodo
societas
composita
contrahatur.*

In societate composita, consequenter & in domo, societates singula simplices, ex quibus ea coalescit, spectantur tanquam personæ singulares societatem contrahentes eo fine, ut conjunctis viribus finis singularum rectius promoveatur. Etenim societatis compositæ, consequenter etiam domus (§. 1147.), membra sunt societates simplices, ex quibus ea coalescit (§. 5.), & salus omnium societatum simplicium, quatenus conjunctis viribus rectius obtineri potest, est finis illius (§. 1152.). Quamobrem cum quælibet societas simplex, dum in unam compositam plures coalescunt, suum retineat finem, cujus causa ipsa inita (§. 6.), & ex quo uniuscujusque peculiaris nascuntur jura & obligationes peculiares (§. 10.), persona autem moralis per jura & obligationes, quæ eidem conveniunt, concipitur (§. 70. *part. 1. J. r. nat.*); in societate composita, consequenter & in domo, societates singulæ simplices, ex quibus ea coalescit, spectantur tanquam perso-

personæ singulares societatem eo fine contrahentes, ut conjunctis viribus salus singularum rectius promoveatur.

Patet hinc per hoc, quod ex societatibus simplicibus componatur aliqua societas, actiones membrorum societatis simplicis unius referri ad finem societatis simplicis alterius, quatenus non impeditur progressus ad eum consequendum, hoc est, salus ejusdem (§. 11.), ab illis sive positiva, sive negativa quadam ratione dependet.

§. 1154.

Quoniam in societate composita, & per consequens *De tacita in domo*, societates simplices, ex quibus ea coalescit, *spe obligatione* étantur tanquam personæ singulares societatem eo fine contrahentes, ut conjunctis viribus salus singularum rectius *in societate* promoveatur (§. 1193.); *quando quis sit membrum societatis sem simplicis, qua composita cujusdam & per consequens domus mem- cem, qua brum est, eo ipso tacite quoque se obligat, quod salutem singularum compositæ simplicium, quantum datur, promovere velit, cumque ex obli- membrum gatione passiva oriantur jura (§. 23. part. 1. Jur. nat.), tacite est, recipiuntur, & consequitur jura obligationi isti respondentia.*

Atque hinc patet fons jurium & obligationum in societate *tum jure*. composita, quæ, dum simplex expresso pacto initur, tacite contrahitur.

§. 1155.

Naturaliter patrifamilias & matrifamilias conjunctim com- *De imperio*
petit imperium in domo: possunt tamen inter se ita convenire, ut in domo.
patrifamilias soli competat partim per se, partim per matrifamilias exercendum, & ut ita conveniatur, consilium est. Etenim
domus componitur ex societatibus conjugali, paterna atque herili, aut saltem ex duabus (§. 1147.). Enimvero
naturaliter in societate conjugali mutuum est conjugum im-
(*Wolffii Jur. Nat. Pars VII.*) Nnnnn peri-

perium (§. 488.), in paterna imperium competit matri & patri conjunctim (§. 661. 662.) & in herili hero ac heræ (§. 1131. 1140.). Quamobrem cum in domo paterfamilias sit, qui maritus in conjugali, pater in paterna, herus in herili, materfamilias autem, quæ uxor in illa, mater in ista, hera in hac (§. 1148.), liberi vero & famuli ac famulæ sint illæ personæ, quibus imperatur; naturaliter imperium in domo conjunctim competit patrifamilias & matrifamilias. *Quod erat primum.*

Enimvero non modo uxor imperium conjugale omne in maritum transferre potest, immo etiam in ceteras actiones quasunque (§. 489.), & ubi moribus id introductum, in hoc consensisse intelligitur uxor, dum matrimonium contraxit (§. 493.), & quando tunc parentum imperia inter se contendunt, patris imperium præferendum (§. 680.), id quod etiam alias conveniri potest (§. 682.), ac eundem in modum idem intelligitur de imperio in famulos & famulas; ita omnino paterfamilias & materfamilias inter se convenire possunt, ut illi soli imperium competat, cum tamen solus commode non exercere id possit, partim per se, partim per matremfamilias exercendum. *Quod erat secundum.*

Denique quod consultum sit, ut ita conveniatur, exinde facile colligitur, quod alias, si vota patrisfamilias & matrisfamilias inter se contendant, jure nihil agatur, & nonnisi contentionibus materia suppetitur, ut discordia illarum salus domus periclitetur, immo liberi plerumque magis vereantur patrem, quam matrem, & famuli ac famulæ magis patremfamilias, quam matremfamilias, ut alia taceamus. Quamobrem cum lege perfecta obligemur ad id, quod melius est, præferendum (§. 192. *part. 1. Phil. præd. univ.*); eidem omnino convenit, ut patrifamilias soli competat

petat imperium partim per se, partim per matremfamilias exercendum. *Quod erat tertium.*

Qui contendunt patrifamilias naturaliter competere imperium in domo, nullam sententiæ suæ rationem sufficientem asserere possunt; sed quod moribus convenit pro jure naturæ venditanti. Sed hæc abunde patent per ea, quæ in superioribus de societate conjugali, paterna atque herili demonstravimus.

§. 1156.

Paterfamilias & materfamilias de administratione imperii inter se convenire possunt. Naturaliter enim ipsis conjunctim competet imperium in domo & inter se convenire possunt, ut patrifamilias soli competat partim per se, partim per matremfamilias exercendum (§. 1155.). Quamobrem cum constare debeat, quid per se facere velit paterfamilias, & quænam esse debeant partes matrifamilias; de administratione inter se convenire possunt.

Ubi moribus definitum, quænam sint patrifamilias, quænam vero matrifamilias partes, in id consensisse videantur, nisi expresse aliter convenerint. Sunt sane alia, quæ rectius per virum, alia vero, quæ rectius per mulierem expediuntur. Quamobrem facile patet, quænam matrifamilias sint demandanda, quænam vero patrifamilias reservanda. Et si fuerint concordæ, quemadmodum esse debent conjuges (§. 496.); nihil in divisione imperii difficultatis occurret (§. 132.).

§. 1157.

Domus suas habere debet leges mutuo patrifamilias & matrifamilias consensu determinandas, nisi quatenus de imperio & domesticis administratione ejus specialiter quid fuerit conventum. Domus enim societas est (§. 1133.). Quamobrem cum quælibet societas suas habere debeat leges (§. 46.); domus quoque leges suas habere debet. *Quod erat primum.*

Nonnn 2

Enim.

Enimvero leges regulæ sunt, juxta quas actiones liberæ determinantur (§. 131. *part. 1. Phil. præd. univ.*). Quoniam itaque jus determinandi actiones liberas alterius pro lubitu suo imperium est (§. 194.) & naturaliter imperium in domo patrifamilias & matrifamilias conjunctim competit (§. 1155.); leges in domo determinandæ sunt utriusque consensu. *Quod erat secundum.*

Quodsi tamen de imperio ipso vel ejus administratione specialiter quid fuerit conventum, cum pacta sint servanda (§. 789. *part. 3. Jur. nat.*), in ferendis quoque legibus eadem sunt observanda. *Quod erat tertium.*

Quoniam tamen socius unus pati non tenetur, ut socius alter faciat, quæ saluti societatis repugnant (§. 25.), leges vero præscribunt media, quibus finis societatis obtineatur (§. 49.) & sine quarum custodia salus societatis subsistere nequit (§. 50.); potestas legislatoria patrifamilias & matrifamilias per se communis non ita uni relinqui potest, ut a voluntate alterius sit prorsus independens.

§. 1158.

*Vigilantia
quid sit.*

Vigilans dicitur, qui ad omnia, quæ fiunt, diligenter attendit, ne scilicet quid facile notitiæ ipsius subtrahatur. Hinc *Vigilantia* est diligentia animum attendendi ad omnia, quæ fiunt, & quæ nosse interest. Idiomate patrio dicitur die Wachsamkeit.

Vigilantia quando ad animum refertur, ea potissimum respicit, quæ ab aliis fiunt, quæ nosse interest, ut officio nostro satisfaciamus, nec quid fiat, quod a nobis permittendum non est, ne sine intento excidamus.

§. 1159.

§. 1159.

Paterfamilias & materfamilias in domo vigilantes esse debent. Etenim in domo unusquisque agere debet, quod suum est, sibi que cavere, ne alterum quomodocunque impediatur, quo minus aliqua ex parte officio suo satisfacere possit (§. 1151.). Cumque sine legum domesticarum custodia salus domus obtineri nequeat (§. 1157.); non permittendum, ut qui in domo est faciat, quæ legibus istis adversantur. Quoniam itaque paterfamilias & materfamilias imperium in domo habent, aut saltem conjunctim exercent (§. 1155.); eorum quoque est ad omnia, quæ fiunt in domo, diligenter attendere, ut constet, num singuli agant, quod suum est, nec quicquam committant, quod ullo modo impediatur, quominus alius officio suo rite defungatur, & num leges domesticas sancte custodiant. Quamobrem cum vigilantes sint, ubi hoc fecerint (§. 1158.); paterfamilias & materfamilias in domo vigilantes esse debent.

Vigilantia virtus est patrifamilias & matrifamilias in domo propria & sine qua salus domus vix ac ne vix quidem consistere potest, quacunque tandem cura eidem prospiciant. Sed quæ ad praxin spectant, ea non sunt hujus loci.

§. 1160.

Patrifamilias cura esse debet, ut in matrefamilias habeat auctoritatem. Et eadem cura esse debet matrifamilias respectu patrifamilias. Utrique autem cura esse debet, ne propriam auctoritatem immittant. Etenim paterfamilias & materfamilias imperium in domo conjunctim habent, aut saltem exercent (§. 1155.). Quamobrem cum obvia experientia

Nnnnn 3

con-

constet in administratione imperii domestici plus valere auctoritatem, quam rationem; necesse omnino est, ut tam matrisfamilias, quam patrisfamilias auctoritas plurimum valeat. Quamobrem utrique curæ esse debet, ne non modo propriam auctoritatem imminuant, verum etiam ut hæreat auctoritas in altero.

Non opus est, ut a priori prolixius demonstretur, quantum interfit ut plurimum valeat in domo tam patrisfamilias, quam matrisfamilias auctoritas, cum ubivis prostant exempla, quæ manifesto loquuntur, quomodo salus domus periclitetur, immo subvertatur, si illa contemnatur, & quomodo salutis domus consulatur, si illa tanta fuerit in domo, quanta esse debet. Ut hoc obtineatur, multa profecto prudentia opus est, quam circumspècta experientia plurimum juvat.

§. 1161.

*Quid eo si-
ne tenen-
dum.*

Quoniam materfamilias patrisfamilias auctoritatem conservare debet (§. 1160.); domesticis, hoc est, liberis ac famulis presentibus (§. 1149.), patrisfamilias non contradicere, multo minus loqui, vel facere debet, quæ contemptum eidem offerunt, nec adversus eum partes liberorum aut famulorum, vel famularum agere, sed privatim monere, si qua cum ratione monenda habeat. Ac idem ex eadem ratione observandum est a patrefamilias (§. 1160.).

Omittimus alia brevitatæ causa ob eam, quam modo diximus (not. §. 1160.), rationem.

§. 1162.

De cura in

*Patrisfamilias ac matrisfamilias provide prospiciendum, ne li-
domo, ne li- berorum mores per famulos & famulas, nec vicissim famuli ac fa-
bers per fa- mulas per illos corrumpantur. Etenim in domo unusquisque
libi*

sibi cavere debet, ne alterum quomodocunque impediatur, *mulus & hi* quo minus aliqua ex parte officio suo desit (§. 1151.), *per illos cor-* cumque paterfamilias ac materfamilias vigilantes esse de- *rumpantur.* beant (§. 1159.), ipsorum quoque est diligenter attendere, ne vel ab iis, qui in societate herili sunt, societati paternæ, vel ab iis qui in paterna sunt, societati herili impedimentum istiusmodi afferatur. Provide igitur prospicere debent, ne liberorum mores per famulos & famulas, nec vicissim famuli atque famulæ per liberos corrumpantur.

In domo societas conjugalis, paterna & herilis coalescunt in unam (§. 1147.), quæ eo fine contracta intelligitur, ut societatum istarum simplicium salus conjunctis viribus rectius promoveatur (§. 1153.). Quamobrem si ea, quæ ad singulas istas societates pertinent, separaveris ab iis, quæ domo propria sunt, præcipua cura domestica huc redit, ne qui sunt in societate una impedimentum quoddam adferant, quo minus finis alterius obtineatur, sed ut contrarium potius eveniat.

§. 1163.

Quoniam *paterfamilias & materfamilias* provide pro- *Quæ ideo* spicere debent, ne liberi per famulos & famulas, nec fa- *præcaven-* muli ac famulæ per liberos corrumpantur (§. 1162.); *ideo* *da.* *permittere minime debent, ut liberi implicentur familiarisatibus fa-* mulorum & famularum, nec ut liberi in famulos & famulas, vel *hi vicissim in illos: ius quoddam sibi arrogant.*

Quanta inde emergant damna, quanta nascantur tædia, si contrarium fiat, adeo obvium est, ut de iis disertiùs dici non sit opus. Paucis autem multa diximus: quænam vero sub iis comprehendantur, experientia magistra facile addiscuntur.

§. 1164.

§. 1164.

Quomodo Qui in eadem domo sunt, quævis officia humanitatis data
qui in ea- quacunque occasione sibi invicem præstare debent. Naturaliter
dem domo enim officia quævis humanitatis homo homini præstare ob-
sunt erga seligatur, quantum datur (§. 609. 655. part. 1. Jur. nat.).
invicem se Quoniam itaque qui in eadem domo sunt tanquam socii (§.
gerere debe- 1147.) sibi invicem magis commendantur (§. 1157.), quatenus
ant. conjunctis viribus ad communem integræ domus salutem prom-
 movendam obligantur; quævis etiam officia humanitatis data
 quacunque occasione sibi invicem præstare debent.

Vide, quæ supra (not. §. 1141.) annotavimus. Ceterum ar-
 etior illa unio, quæ eorum est, qui in eadem domo sunt,
 facit, ut in casu collisionis præferendi sint extraneo, nisi sin-
 gularis quædam ratio fortior contrarium urgeat. Sane ipsa
 etiam salus domus exigit, ne officia humanitatis sibi invicem
 denegent, quæ unus alteri præstare potest. Ita enim ma-
 gis uniuntur animi, ex quorum unionem pluri-
 mum commodi in ipsam domum
 resultat.

Finis Partis VII. Juris Naturæ.



CONSPECTUS

PARTIS VII.

JURIS NATURÆ

CAPUT I.

De Imperio ac Societate in genere, pag. 1

CAPUT. II.

De Societate conjugali, seu Matrimonio, 166

CAPUT III.

De Cognationibus & affinitatibus, 378

CAPUT IV.

De Societate paterna, 426

CAPUT V.

De Testamentis & successione ab intestato, seu jure hereditario, 693

CAPUT VI.

De Servitute & Societate herili, 787

CAUT VII.

De Domo, 892

FINIS CONSPECTUS.

(*Wolffii Jur. Nat. Pars VII.*)

O o o o o

INDEX

I N D E X

VERBORUM ET RERUM PRÆCIPUARUM, IN QUO NUMERI PARAGRAPHS DENOTANT.

| | | |
|---|------|---|
| A. | | |
| <i>Abavus,</i> | 576 | <i>Adoptio.</i> Definitio, 783. effectus, |
| <i>Abavus,</i> | 576 | 784. qua lege fieri <u>debeat</u> , 786. 787 |
| <i>Abdicatio liberorum.</i> Definitio, | 987 | quid naturaliter proprie fit, 808 |
| an naturaliter licita, | 988 | num fiat per educationem, 784. num |
| <i>Abnepos,</i> | 578 | requirat parentum consensum, 801 |
| <i>Abneptis,</i> | 578 | num pacta eidem adjici possint, 802 |
| <i>Acceptatio</i> num post mortem trans- | | num perimat jura naturalia <u>filiis</u> , 798 |
| ferentis fieri possit, | 992 | quinam finis per eam intendatur, |
| <i>Acquisita a conjugibus</i> cujusnam sint, | | 792 |
| | 426 | <i>Adoptionis</i> species singularis, 790 |
| <i>Actiones legi natura adversæ</i> , si a paren- | | <i>Adoptio privigni</i> num licita, 788. <u>quem-</u> |
| tibus fuerint præceptæ, quando li- | 674 | nam habeat effectum, 789 |
| beris imputari nequeant, | | <i>Adulterium.</i> Definitio, 318. quando |
| <i>Actiones liberorum</i> quamdiu a parenti- | | committi nequeat, 327. quando non |
| bis regendæ, 659. quando sint in | | committatur cum uxore aliena, 326 |
| dominio parentum, | 676 | num committi possit cum propria |
| <i>Actiones servi</i> num sint in dominio do- | | uxore, 325. quomodo matrimonio |
| mini, | 1113 | adversetur, 320. num dissolvat ma- |
| <i>Actiones sociorum</i> certo modo determi- | | trimonium, 511. & seqq. |
| nandæ, | 45 | <i>Adulterium committens</i> num injuriam |
| <i>Adjuvium.</i> Definitio, | 140 | faciat conjugi alteri, 322. 323 |
| <i>Adjutorium mutuum.</i> Definitio, | 140 | <i>Adulterium duplicatum.</i> Definitio, 318 |
| quinam sibi invicem præstent, | 141 | quomodo matrimonio adversetur, |
| <i>Adnepos,</i> | 578 | 321 |
| <i>Adneptis,</i> | 578 | <i>Adulterium simplex.</i> Definitio, 318 |
| <i>Adolescentia.</i> Definitio, | 644 | <i>Ætate</i> liberorum diversæ, 644 |
| <i>Adoptati educatio</i> num patri naturali | | <i>Ætas nimis provec̃ta</i> num causa inha- |
| adhuc curæ esse debeat, | 806 | bilitatis tutoris, 861 |
| | | <i>Ætas virilis,</i> 644 |
| | | <i>Ætimum.</i> |

Index verborum & rerum præcipuarum.

| | | | |
|--|----------|--|------------|
| <i>Affinium nomina,</i> | 610 | <i>Amor naturalis fetus sui,</i> | 357. quam- |
| <i>Affinitas.</i> Definitio, 607. quomodo | | diu duret, | 258 |
| contrahatur, 607. an detur inter co- | | <i>Amor parentum</i> præceptus, | 739 |
| gnatos utriusque conjugis, 609. num | | <i>Amoris</i> cum dilectione necessarius ne- | |
| per sponsalia contrahatur, 627. num | | xus, | 464 |
| per adulterium, | 628. 629 | <i>Ancille</i> partus num sit servilis conditio- | |
| <i>Affinitatis gradus,</i> | 609 | nis, | 1128 |
| <i>Agnati in linea recta.</i> Definitio, 563 | | <i>Androgyni.</i> Definitio, | 279 |
| quomodo ad se invicem referantur, | 564 | <i>Appetitus sensitivus parentum</i> qualis esse | |
| | | debeat respectu liberorum, | 711 |
| <i>Agnatio.</i> Definitio, | 562 | <i>Aptitudo naturalis</i> ad procreandam so- | |
| <i>Agnitio Dei</i> liberis mature insinuanda, | 700 | bolem, | 236 |
| | | <i>Arctitudo cognationis</i> fratrum atque so- | |
| <i>Agnitio partus.</i> Definitio, 540. quan- | | rorum, | 595 |
| do pateteneatur partum agnoscere, | 540 | <i>Arctitudo nimia mulieris</i> num impe- | |
| | | diat matrimonium, | 276 |
| <i>Agnitio partus</i> ex stupro, | 542 | <i>Arrogatio.</i> Definitio, 783. quid natu- | |
| <i>Alimenta</i> num liberis debeantur a pa- | | raliter proprie sit, 808. num fieri | |
| rentibus, 640. quando parentibus a | | possit absque parentum consensu, 807 | |
| liberis, 755. quod debeantur servo, | 1105 | <i>Arrogatio imperii in invitum</i> num sit | |
| | | licita, | 195 |
| <i>Alienatio rerum mobilium pupilli</i> tutori | | <i>Arthe sponsalitia.</i> Definitio, 393 | |
| injuncta, | 871 | quemnam habeant usum, 396. num | |
| <i>Actus veneri.</i> Definitio, 248. num | | ad sponsalia contrahenda requiran- | |
| illiciti, | 246 | tur, 394. quomodo dentur, 397 | |
| <i>Amita,</i> | 601 | quomodo datæ intelligantur, si ni- | |
| <i>Amita magna,</i> | 601 | hil expresse de iis conventum, 398 | |
| <i>Amita major,</i> | 601 | quando in iis dominium non trans- | |
| <i>Amita maxima,</i> | 601 | feratur, 399. quando consummato | |
| <i>Amitina,</i> | 596 | matrimonio restituenda, 400. quan- | |
| <i>Amitini,</i> | 596. | do in penam imputentur, 405 | |
| <i>Amor conjugum mutuus</i> præceptus, 465 | | quando simul sint munus sponsali- | |
| quem producat effectum, | 466 | tium, | 401 |
| <i>Amor liberorum</i> præceptus, | 715 | <i>Arthe sponsalitia nomine</i> quænam res | |
| | | dari possint, | 402 |
| | | O o o o o 2 | Atavia |

Index verborum & rerum præcipuarum.

| | | |
|---|------------|---|
| <i>Avia,</i> | <u>576</u> | <i>Bona uxor</i> num a marito administranda, 441. num naturaliter detur inter ea differentia quædam, 927 |
| <i>Avus,</i> | <u>576</u> | <i>Boni scientia</i> quamprimum liberis instillanda, <u>689</u> |
| <i>Avia,</i> | <u>576</u> | <i>Bonarum administratio</i> cuinam in matrimonio competat, 441 |
| <i>Avunculus,</i> | <u>601</u> | <i>Bonarum verorum & apparentium discrimen</i> quando liberis <u>infinuandum</u> , <u>689</u> |
| <i>Avunculus magnus,</i> | <u>601</u> | C. |
| <i>major,</i> | <u>601</u> | <i>Calebs</i> num adoptare possit, <u>796</u> |
| <i>maximus,</i> | <u>601</u> | <i>Calculus Minerva.</i> <u>Definitio</u> , 84. <u>quando</u> ei sit locus, <u>85</u> |
| <i>Avus,</i> | <u>576</u> | <i>Cassitas.</i> <u>Definitio</u> , <u>251</u> |
| B. | | <i>Cassitas conjugum</i> præcepta, <u>211</u> |
| <i>Bæse;</i> | <u>601</u> | <i>Cassitas</i> a quibusnam abstineat, <u>252</u> |
| <i>Beneficia</i> parentibus in liberis præstanda, <u>834.</u> reddenda, <u>835</u> | | quod quilibet homo esse <u>debeat</u> , <u>253</u> |
| <i>Bigamia universalis</i> num sit possibilis, 301 | | <i>Constratus.</i> <u>Definitio</u> , <u>275.</u> num matrimonium contrahere possit, 275 |
| <i>Bluts Freunde,</i> | <u>562</u> | num adoptare possit, <u>796</u> |
| <i>Bluts Verwandten,</i> | <u>562</u> | <i>Ceremonia nuptiales.</i> <u>Definitio</u> , <u>501</u> |
| <i>Bona</i> num filix nubenti <u>restituenda</u> , <u>922</u> | | quemnam habeant finem, <u>501</u> |
| <i>Bona</i> quando liberis a parentibus restituenda, <u>765</u> | | <i>Certitudo proli,</i> <u>539</u> |
| <i>Bona fortuna</i> ut liberi consequantur, num parentes studere debeant, <u>729</u> | | <i>Cognati ab utroque latere.</i> <u>Definitio</u> , <u>562</u> |
| quænam hic illicita sint, <u>730.</u> quænam circa ea parentum cura, 731 | | <i>Cognati in linea recta.</i> <u>Definitio</u> , <u>563</u> |
| <i>Bona liberorum</i> quatenus subsint juri parentum, <u>757.</u> num alienare liceat, <u>758</u> | | quomodo ad se invicem referantur, <u>564</u> |
| <i>Bona mariti</i> quando pro bonis uxoris obligata sint, <u>945.</u> num ab uxore administrari possint, <u>441</u> | | <i>Cognati ordinis inferioris.</i> <u>Definitio</u> , <u>574.</u> quinam sint in linea recta, <u>578</u> |
| <i>Bona pupilli & curandi</i> quando restituenda, <u>912</u> | | eorum numerus in quovis gradu indeterminatus, <u>579</u> |
| <i>Bona receptitia.</i> <u>Definitio</u> , <u>532.</u> an fructus eorum in onera matrimonii impendendi, <u>533.</u> an juri naturæ convenient, <u>534</u> | | <i>Cognati ordinis superioris.</i> <u>Definitio</u> , <u>574.</u> quinam sint, <u>576.</u> numerus eorum in linea recta, <u>577</u> |
| | | <i>Cognati propiores.</i> <u>Definitio</u> , <u>569</u> |
| | | <i>Cognati</i> |

Index verborum & rerum præcipuarum.

- Cognati remotiores.* Definitio, [569](#)
Cognatorum conjugis unius ad alterum conjugem relatio, [606](#)
Cognatorum obligatio ad mutua beneficia, [836](#)
Cognatorum collateralium nomina, qui a patruo, avunculo, amita & mateterna descendunt, [603](#)
Cognatus proximus. Definitio, [569](#)
Cognatio. Definitio, [562.](#) unde ejus diversitas oriatur, [567.](#) an oriatur ex concubitu [illicito](#), [605.](#) ejus species in linea descendente, [580.](#) in linea obliqua inæquali diversitas, [598.](#) & gradus, [599.](#) ejus vinculum diversum inter eos, qui descendentibus meis collaterales sunt, [602](#)
Cognatio collateralis, sive a latere. Definitio, [590.](#) qualis sit in gradu æquali, [592.](#) qualis in inæquali, [599](#)
Cognatio directa. Definitio, [572](#)
Cognitio rerum, ad quam liberi perducendi, [648](#)
Cohabitatio conjugum num sit juris naturæ, [423](#)
Collaterales. Definitio, [590.](#) quomodo in familia eadem [constituantur](#), [591](#) quatenus sibi invicem specialiter obligentur ad officia humanitatis, [1009](#) quid de hisce officiis præsumendum, [1010](#)
Collateralium ordo in diversarum familiarum gradibus, [604](#)
Conmortalio uxorum num sit illicita, [291.](#) an adulterium, [319](#)
Communi bono adversa num in societate permittenda, [21](#)
Communio bonorum an in matrimonio sit juris naturalis, [439](#)
Communicatio uxorum. Definitio, [298](#) an juri naturæ repugnet, [290.](#) an sit adulterium, [319](#)
Communio uxorum. Definitio, [285](#) an naturaliter licita, [286.](#) an polyandriæ species, [287.](#) an sit jus, [288](#) quod excludat adulterium, [327](#)
Comprivigni & comprivigna num sint inter se affines, [624](#)
Conclusum. Definitio, [74.](#) num & quando mutari possit, [113.](#) quando unius dissensu irritum effici possit, [126.](#) quando dissensu plurium, [127](#)
Conclusum jussum, vel legitimum. Definitio, [128](#)
Conclusum per majora, vel plurimavota num imputari possit dissentientibus, [119.](#) quibusnam [imputeretur](#), [229.](#) an ceterorum quis se eidem opponere possit, [124.](#) [125.](#) quando ei præferri possit, quod placuit minoribus, [114](#)
Concordia. Definitio, [132](#)
Concordia conjugum, [496.](#) omnium hominum, [146.](#) sociorum præcepta, [136](#)
Concubitus quatenus appetendus, [239](#) quinam illicitus, [240.](#) quando adversus stupratorem probandus, [543](#) quomodo probetur, [544](#)
Concubitus cum femina mortua an sit illicitus, [314](#)

O o o o o 3

Concu-

Index verborum & rerum præcipuarum.

- Concubitus cum pellice* an sit adulterium, [333](#)
Concubitus promiscuus. Definitio, [267](#)
 an sit licitus, [268](#)
Conjuges. Definitorio, [304.](#) quibusnam acquirant, [426.](#) unus factum num imputari possit alteri, [548.](#) quinam plus acquirere debeat, [425.](#) unus num puniri possit propter factum alterius, [549.](#) num debitum alterius solvere teneatur, [551.](#) num rem suam alienare possit in præjudicium alterius, [455.](#) quamnam curam alterius gerere debeat, [460.](#) num alterum in officiis humanitatis præstandis præferre debeat aliis, [463.](#) [613](#) an alterum hæredem instituere possit, [1076.](#) num ad concubitum sibi invicem obligentur, [308](#)
Conjugum amor mutus præceptus, [465](#) ejus effectus, [466](#)
Conjugum cohabitatio an legi naturæ conveniat, [423](#)
Conjugum dilectio mutua præcepta cum qua prærogativa, [462.](#) [463](#)
Conjugum jus in deliberando, [481](#)
Conjugum æconomia communis in quo consistat, [424.](#) num sit juris naturæ, [423](#)
Conjugum promissio mutua in quo consistat, [305](#)
Conjugum unio qualis sit, [469.](#) ejus effectus, [470](#)
Connubii adjuutores num uxor permitte-
 nte marito habere possit, [292](#)
Consensus liberorum uniendorum num ad unionem prolium requiratur, [820](#)
Consensus parentum num ad contractum & donationem liberorum minoren-
 num requiratur, [770.](#) [771.](#) num ad eorum adoptionem, [801.](#) arrogationem, [803.](#) sponsalia, [954.](#) nuptias, [953.](#) an a liberis ad nuptias impetrandus, [955.](#) quando in hoc casu recte denegetur, [956](#)
Consensus patris adoptivi num in educatione adoptati a patre naturali requirendus, [807](#)
Consensus tutoris honorarii ad alienationem prædii pupilli num requirendus, [881](#)
Consilium patris adoptivi num in educatione filii adoptivi a patre naturali requirendum, [807](#)
Consobrina Definitio, [596](#)
Consobrini. Definitio, [596](#)
Consoctri. Definitorio, [610.](#) num sint inter se affines, [611](#)
Consociatio. Definitio, [47](#)
Consocrus. Definitio, [610.](#) num sint inter se affines, [611](#)
Consuetudo vitæ. Definitio, [471.](#) an communionem bonorum requirat, [472.](#) num conjuges ad eam obligentur, [473](#)
Consuetudo cum improbis non permit-
 tenda liberis, [697](#)
Consultatio quando reperenda, [97](#)
Contractus pupillorum & curandorum
 quando invalidi, [897](#)
 Contri-

Index verborum & rerum præcipuarum.

Contrahatio parentum prohibita, 748
Copula carnalis. *Definitio*, 309. quem
 pariat effectum juris, 630. si acce-
 dat ad sponsalia pura, 377. si ad
 conditionata, 415. si ad posteriora,
 379
Creditor num debitorem in servitutem
 redigere possit, 1094
Crimen onanisticum quodnam dicatur, n.
 248
Culpa societatis in expediendo negotio
 commissa, 235
Cura, *Curatio*, *Curatela*. *Definitio*,
 842. quando ea non fit opus, 843
 quando finiatur, 905. 906. 908
Cura administratio quænam requirat,
 898. quando finiatur, 907
Cura conjugis unius ab altero gerenda,
 460
Cura in domo, ne liberi per famulos &
 famuli per liberos corrumpantur,
 1162. 1163
Cura salutis societatis, 16. quando ei-
 dem satisfiat, 17
Curandus num sine curatoris consensu
 se obligare possit, 895. an in com-
 modum suum sibi obligare alterum,
 896. num bona curatoris pro ipso
 oppignorata liberare teneatur, 920
 num curatorem indemnem præstare,
 919
Curator. *Definitio*, 842. quinam eo
 habeat opus, 842. num honorari-
 um ei debeat, 909. an salarium
 constitui possit, 910. & a quo, 911

num virgini nubenti bona restituere
 debeat, 923. num finita cura ratio-
 nem administrationis reddere, 912
 an sit indemnitas præstandus, 919
Curator honorarius. *Definitio*, 899
 quodnam sit ejus officium, 899. in
 quantum teneatur curando, 917
Curator suspectus quinam sit, 892
Custodia legum necessitas ad salutem so-
 cietatis, 50

D.

Dammum quando in societate detur,
 177. quod a socio dari non de-
 beat, 178. quando datum resarci-
 endum, 179. quando a tutore & cura-
 tore resarciendum, 913. quomodo
 si administratio inter plures fuerit
 divisa, 915. si conjunctim facta,
 916. si divisa inter tutores, vel cu-
 ratores conjunctim constitutos, 918
Dammum culpa conjugis datum num sit
 resarciendum, 459
*Dammum in rebus conjugis unius con-
 tingens* cujusnam sit, 458
Dammum a famulo datum quando resar-
 ciendum, 1139
Dammum a servo datum num ex peculio
 ejus resarciendum, 1111
Debitum conjugale. *Definitio*, 309
 num conjuges ad id præstandum sibi
 invicem obligentur, 310. an ejus
 denegatio dissolvat matrimonium,
 515
Debitum conjugis unius num sit solven-
 dum ab altero, 551. 552
Dei

Index verborum & rerum præcipuarum.

- Dei notitia* liberis mature instillanda, [700](#)
- Deus* obligat parentes ad sobolem suam educandum, [266](#)
- Dispositio impuberum* quomodo contrahi possit & contracta intelligatur, [392](#)
- Dilectio liberorum* præcepta [702.](#) cum qua prærogativa, [713](#)
- Dilectio parentum* præcepta, [743](#)
- Dilectio sociorum* præcepta, [20](#)
- Dimissio uxoris* num sit arbitrii mariti, [508](#)
- Discordia.* Definitio, [133.](#) quod sit vitanda, [133](#)
- Discordia conjugum* prohibita, [496](#)
- Dissensus conjugum* in rebus ad societatem conjugalem spectantibus quomodo dirimendus, [482.](#) [483](#)
- Dissolutio matrimonii* necessaria, [510](#)
- Divortium.* Definitio, [509.](#) ejus causas, [511.](#) [514.](#) & seqq.
- Divortii voluntarii* tolerantia in statu naturali, [517](#)
- Domestici.* Definitio, [1149](#)
- Dominatus socii* num tolerandus, [193](#)
- Dominium* an transferri possit ea lege, ut nonnisi post mortem suam acceptari possit, [992.](#) quando tunc voluntas transferentis innotescere debeat, [993.](#) an tum translatio revocari possit, [995](#)
- Dominium universale.* Definitio, [960](#) quomodo acquiratur, [962](#)
- Dominium uxoris* in bonis suis, durante matrimonio, [435](#)
- Domus.* Definitio, [1147.](#) quinam sit ejus finis, [1152](#)
- Donatio facta conjugii* sub hac conditione, ne ad secunda vota transeat, [554.](#) [555](#)
- Donationes inter virum & uxorem* num sint licitæ, [553](#)
- Donatio propter cotum* an probeat, sceminam esse meretricem, [338](#)
- Donatio propter nuptias.* Definitio, [946](#) an minor esse possit dote, [946.](#) an sit juris naturalis, [946](#)
- Dor.* Definitio, [924.](#) quale jus mariti in ea competat, [925.](#) [926.](#) quænam in eam dari possint, [939.](#) [940.](#) [943](#) quid de ea conveniri possit, [928](#) quomodo naturaliter constituatur a femina, vel ejus tutore, aut curatore, [937](#)
- Dotata per se* quando sit femina, [936](#)
- Dotatio femina* ob causam turpem num sit invalida, [935](#)
- Ducere uxorem* quid significet, [281](#)
- E.
- Educatio prolis.* Definitio, [255.](#) num primis naturæ conveniat, [261.](#) num voluntari divinæ, [265.](#) num leginaturæ, [263.](#) quod natura eam cum generatione copulaverit, [262.](#) cui nam competat, conjugæ uno mortuo, [528.](#) cujusnam sit, quando conjux superstes ad secunda vota transsit, [530.](#) [531.](#) quando pertineat ad

Index verborum & rerum præcipuarum.

- ad cognatos, [838](#). ad quos pertineat, [838](#)
 cognaris deficientibus, [838](#)
Educatio liberorum alienorum quale sit beneficium, [837](#)
Educatio liberorum inferioris gradus coinam competat, [831](#) [832](#)
Educatio liberorum unitorum cujus sumtu fieri debeat, [816](#)
Educationis filii adoptati cura num pene patrem naturalem maneat, [806](#)
Edam, [610](#)
Einfindschaft, [810](#)
Emancipatio. Definitio, [776](#). quomodo naturaliter fiat, [776](#). quem habeat effectum proprium, [778](#). quænam sint causæ ejus naturales, [779](#) num filix per nuptias emancipentur, [780](#)
Emancipatio filii adoptivi num licita, [809](#)
Emancipatis liberis num bona sint restituenda, [777](#)
Exempla a parentibus præbenda & non prodenda liberis, [690](#)
Exempla mala parentum an sint ad injusitiam referenda, [692](#)
Exemplum malum pueris & adolescentibus non prodendum, [693](#). num prodens iis faciat injuriam, [695](#)
Exhereditatio liberorum. Definitio, 1000. an sit licita, 1000. num in testamento causa alleganda, [1018](#) quando ab hærede [probanda](#), [1019](#)
Exhereditatio parentum num licita, [1014](#)
 (Wolffii Jur. Nat. Pars VII.)
Extraneus. Definitio, [23](#). an patientum, ut saluti societatis officiat, [24](#) F.
Facta libidinosa num naturaliter illicita, [250](#)
Factum conjugis unius num imputari possit, [548](#)
Factum unius socii num societati imputari possit, [228](#)
Facultatis locomotiva liberorum usus quod parentibus curæ esse debeat, [647](#)
Falsiloqua pueris atque adolescentibus non permittenda, [701](#)
Familia. Definitio, [585](#). diversitas, [585](#). quousque extendatur, [588](#). gradus unde oriantur, [586](#). earum numerus, [587](#)
Familiam conservandi medium, [793](#)
Familia majores continent minores, [589](#)
Familia propagatio & conservatio perfectum adoptivum, [792](#)
Famula. Definitio, [1131](#)
Famulus. Definitio, [1131](#) unde ejus jus æstimandum, [1132](#). officium, [1137](#). an ante diem dimitti possit, [1142](#). an discedere, [1142](#) an intra tempus contractus hero alium loco sui obtrudere possit, [1145](#) num eidem ab hero suo alius obtrudi possit, [1145](#). num ab hero alteri commodari possit, [1146](#). quando propriis negotiis vacare possit, [1138](#). quod heri commoda promovere

Ppppp

Index verborum & rerum precipuarum.

- vere teneatur, [1141](#). quando damnum resarcire debeat, [1139](#)
- Felicitas liberorum* felicitati aliorum præferenda, 714. omni modo promovenda, [710](#)
- Fideicommissum*. Definitio, 1070. an naturaliter valeat, [1069](#). quoduplex sit, 1070. num conjugii relinqui possit, 1077
- Fideicommissum familiae*. Definitio, [1071](#)
- Fideicommissum particulare*. Definitio, 1070
- Fideicommissum universale*. Definitio, 1070
- Fides conjugalis*. Definitio, [315](#) quando violatur, [316](#)
- Filia*. Definitio, 578. num sit a parentibus dotanda, [931](#)
- Filia aliena* num dotari possit, [933-934](#)
- Filia amita & patris uxoris mea* quo in gradu mihi affinis, [625](#)
- Filius*. Definitio, [578](#). num uxorem ducenti parentes quid dare debeant ad onera matrimonii ferenda, 952
- Filius adoptivus* num sit pars familiae patris adoptivi, 791. num invitus emancipari possit, [809](#). an jure filiationis privari, [809](#)
- Filius patris & amita mea* quo in gradu uxori meæ affinis, [625](#)
- Filius & filia privigni mei, vel privigna* num sit mihi affinis, [620](#)
- Filius privigni & privigna uxoris meæ* num sit mihi affinis, [620](#)
- Famina steriles*. Definitio, 278
- Famina stuprata* quando concubitus probare teneatur, [543](#). quomodo probet, [544](#)
- Famina una* num pluribus simul nubere possit, [283](#)
- Fornicatio*. Definitio, [241](#). an naturaliter licita, [241](#)
- Fornicatio mariti* num sit adulterium, [324](#)
- Fornicator* num prolem educare teneatur, [343](#)
- Frater*. Definitio, [595](#)
- Frater uxoris meæ* quo gradu sit mihi affinis, [621](#)
- Fratres consanguinei*. Definitio, [595](#)
- germani*. Definitio, [595](#)
- uterini*. Definitio, [595](#)
- Frigidus* quinam dicatur, [277](#). an matrimonium contrahere possit, [277](#)
- Fuge* quorumnam liberi mature adfuefaciendi, [707-708](#)
- G.
- Gener*. Definitio [610](#). qualis ejus affinitas, [614](#)
- Genus humanum* quomodo propagetur, [556](#). & seqq. quomodo propagari debeat, [269](#)
- Gestio pro herede*. Definitio, [961](#)
- Gratus cognationis in linea recta*. Definitio, [568](#). quomodo computetur, [568](#)
- Gratus cognationis in linea obliqua æquali*, [594](#)
- Gratus*

Index verborum & rerum precipuarum.

Gradus cognationis in linea inaequali,
599. illorum differentia, 600
Gradus familiae unde oriuntur, 586
 quot sint, 587. quousque extendan-
 tur, 588
Gradus inferioris ordinis. Definitio,
574
Gradus superioris ordinis. Definitio,
574
Gratus animus liberorum erga parentes
praeceptus, 741

H.

H*eres.* Definitio, 958. in quid suc-
 cedat, 958. quatenus personam
 defuncti repraesentet, 958. quotu-
 plici modo institui possit, 1036
 quando necessario instituendus, 1016
 quando in vires hereditatis inquirere
 teneatur, 969. si cum alio in
 eadem parte conjunctim instituat, 1057.
 quando jus ejus transmittatur in
 haeredes ipsius, 1043
Haereditas non adveniens num
 legata subsistant, 1055
Haereditas repulsiante cui-
 nam ejus portio accrescat, 1055
Haereditas conjugum quanam sint, 1074
Haereditas naturales. Definitio, 983
 quanam sint, 983
Haereditas voluntaria. Definitio, 983
Haereditas in diem instituta jus, 1039
Haereditas pure instituta jus, 1027
Haereditas sub conditione instituta jus,
1038

Haereditas sub conditione negativa insti-
tuta jus, 1041
Haereditas substitutio num licita, 1058
Haeres suus. Definitio, 979. quanam
 sit, 979
Haereditas. Definitio, 990. quomodo
 deferatur in linea recta, 984. quo-
 modo acquiratur, 963. quanam ad
 eam referenda, 964. quanam non,
965. num suscepta abdicari possit,
 974. quando cedat occupanti, 1035
Haereditatis acceptatio quando prae-
 sumatur, 1044. quanam sit praesumptae
 effectus, 1045
Haereditatis additio. Definitio, 961
Haereditatis divisio inter liberos, 990
 inter parentes, 991. num a testatore
 facta consensu haeredum tolli possit,
1053
Haereditatis onus. Definitio, 967. num
 id in se suscipiat haeres, 967. qua-
 tenus id ferre teneatur, 968
Haereditatis repudiatio. Definitio, 972
 an sit licita, 973
Haereditatis susceptio. Definitio, 969
Hauff, Genossen, 1149
Hauff, Mutter, 1143
Hauff, Vater, 1143
Hera. Definitio, 1131
Hermaphroditus. Definitio, 279. qua-
 tenus matrimonium contrahere po-
 test, 279
Herur. Definitio, 1131. num famulo
 alium herum tempore contractus
 obtrudere possit, 1145. num eun-
 dem

Index verborum & rerum præcipuarum.

- dem alteri commodare, [1146. quod](#)
famuli salutem promovere debeat,
1141
- Homines* quænam ab aliis fieri pati non
reneantur, [149](#)
- Hominum omnium voluntas* in quibus-
nam eadem esse debeat, [148](#)
- Honor* parentibus debitus, [752. 706](#)
officium eorum circa eundem, [753](#)
- Honorarium* num debeatur tutori & cu-
ratori, 909
- Hypotheca tacita* pupilli in rebus præ-
sertim immobilibus tutoris, 889
- L**
- Ignorantia administrationis* num sit
causa inhabilitatis tutoris, [860](#)
- Imaginatio liberorum* a parentibus per-
ficienda, [643](#)
- Imbecillitas iudicii* num obstet acqui-
sitioni dominii, [763](#)
- Imitationi* quorumnam liberi mature
affluendi, [707. 708](#)
- Immobilia pupilli* num alienari possint a
tutore, [877. quando possint, 878. 879](#)
- Impense.* Definitio, [442.](#) an sint species
sumtuum, [443](#)
- Imperari liberis* quænam non possint,
[672](#)
- Imperfectum iudicium* num in causa sit,
ut quis dominii capax non sit, [762](#)
- Imperium.* Definitio, [194.](#) an cuidam
naturaliter competat, [195.](#) an quis
sibi arrogare possit, 195. quodnam
jus involvat, [197. 198.](#) quale sit jus,
[199. 200.](#) quomodo in alium ac-
quiratur, [196.](#) unde nascatur, 213
quænam sint ejus limites, [214.](#) unde
statuendum de ejus exercitio, 215
quomodo de eo disponi possit in so-
cietate, [216.](#) an possit transferri in
societate in extraneum, [217.](#) quot
modis transferri possit, [221.](#) quæ lege
fit transferendum, [220](#)
- Imperium conjugale.* Definitio, [490.](#) an
sit mutuum, [488](#)
- Imperium domesticum* cui competat,
[1155.](#) quænam id administrare de-
beat, [1156](#)
- Imperium in matrimonio* quænam habe-
re debeat, [488.](#) num uxor omne,
etiam in se, marito conferre possit,
[489.](#) num maritus in uxorem invi-
tam id sibi arrogare possit, [497](#)
- Imperium maritale.* Definitio, [490](#)
quomodo acquiratur, [490.](#) quous-
que pateat, [490.](#) num moribus de-
finiatur, [493](#)
- Imperium parentum* in liberos, [664](#)
quando in casu collisionis imperium
patris præferendum, [680.](#) quid na-
turaliter hic valeat, [681.](#) quomodo
prævalentia a patre, vel matre ac-
quiratur, [682](#)
- Improles.* Definitio, [278.](#) an matrimo-
nium contrahere queat, [278](#)
- Improborum consortium* num liberis per-
mittendum, [697](#)
- Impuberes.* Definitio, [274.](#) num matri-
monium contrahere possint, [274](#)
- Impuberum desponsatio* quomodo con-
trahi

Index verborum & rerum præcipuarum.

- trahi possit & contracta intelligatur, 392
- Impubertatis physica & moralis* differentia, 767
- Impudicitia*, Definitio, 345. quod sit vitanda, 349
- Infantes* quod indigeant educatione, 256. num a matre lactandi, 480
num sint dominii capaces, 762. num id acquirere valeant, 763. eorum indigentia naturalis, 254
- Infantia*, Definitio, 644
- Infirmetas corporis* num sit causa inhabilitatis tutoris, 861
- Ingenium liberorum* a parentibus perficiendum, 654
- Ingratitudo liberorum* erga parentes prohibita, 742
- Inhabiles ad tutelam* quinam sint, 858 & seqq.
- Inimicitia irreconcilabilis* num dissolvat matrimonium, 516
- Injuria conjugii a conjuge facta*, concessione corporis sui usus, 307
- Inobedientia*, Definitio, 208
- Inobedientia liberorum* prohibita, 667
- Instinctus naturalis* hominum & animalium ad procreandam sobolem, 237
- Integritas membrorum corporis liberorum* num parentibus curæ esse debeat, 639
- Intestatus decedere* quinam dicatur, 996
- Intestatus decedens* quid voluisse præsumatur, 1030
- Inventarium*. Definitio, 864. an a tutoribus & curatoribus conficiendum, 865. an ad id tutoris honorarii præsentia requiratur, 866. quando & quomodo conficiendum ab hærede, 970
- Invitum* num quis in servitutem redigi possit, 1118
- Juri naturæ* quænam convenient, 143
quænam disconvenient, 143
- Juris naturæ principium* quoad societatem, 163
- Jus adoptandi* num patri & matri competat, 784
- Jus alienandi servum* domino competent, 1119
- Jus ceremoniarum nuptialium* quale sit in statu naturali, 502. 503
- Jus coercendi servum* domino competent, 1098
- Jus collateralium ad officia humanitatis* ex speciali obligatione sibi invicem debita, 1011
- Jus conjugum* in deliberando, 481. quoad observantiam legum societatis conjugalis, 487. in bonis sibi invicem constituendum, 436. quando hoc moribus deficiendum, 437
- Jus creditore in debitorem*, qui solvendo non est, 1095
- Jus deducendi impensas* tutori & curatori competent, 921
- Jus domini in servum* quale sit, 1096
quodnam ipsi competat in actiones servi, 1113. 1102. quænam sit divers-

Index verborum & rerum præcipuarum.

- veritas in servitute perfecta & imperfecta, [1084](#)
Jus ferendi leges societati competens, [46](#)
Jus hereditarium. Definitio, [959](#)
 quomodo acquiratur, [962](#)
Jus hereditarium collateralium quale sit, [1012](#)
Jus hereditarium parentum & liberorum quale sit, [975.](#) [985.](#) [886.](#) [quantum](#) sit, [989](#)
Jus infantes enecandi, aut exponendi num parentibus competat, [638](#)
Jus in liberos quale naturaliter parentibus competat, [663.](#) [664](#)
Jus liberorum in exempla parentum, [691](#)
Jus liberorum illegitimorum quale naturaliter sit, [546](#)
Jus mariti in dote, [925.](#) [926.](#) si res æstimato in dorem dentur, [942](#)
Jus obligandi alterum in imperio contentum, [197](#)
Jus obligandi famulum heredi competens, [1140](#)
Jus obligandi liberos parentibus competens, [669](#)
Jus obligandi seruum domino competens, [1097](#)
Jus deducendi impensas & alia tutori & curatori competens, [921](#)
Jus determinandi faciendam in societate cuinam competat, [44](#)
Jus non patiendi, ut a conjuge uno fiant, quæ salutis societatis adversa, [486](#)
Jus non patiendi, ut a parente uno liberis præcipiantur legi naturæ adversa, [683](#)
Jus in partate votorum cur in societate uni concedendum, [87](#)
Jus parentum in liberos quatenus assimiletur dominio, [675](#)
Jus parentum liberos in adoptionem dandi, [800.](#) in liberos ab aliis adoptatos, [795.](#) in bona, [757.](#) actiones [757.](#) contractus, [771.](#) donationem, [772.](#) operas obsequiales, [723](#) ministeriales, [725.](#) artificiales simplices liberorum, [728.](#) quoad divisionem tutelæ, [854](#)
Jus personale num pertineat ad hæredem, [965](#)
Jus parvarum in societate, [52](#)
Jus præmiandi liberos, & socios, [670.](#) uxorem, [494.](#)
Jus proponendi, vota colligendi & concludendi cur in unum conferendum, [129.](#) quid ei convenienter fieri debeat ab eo, quicquid ad deliberandum proponi vult, [130.](#) [131](#)
Jus singulorum in demo, [1150](#)
Jus sociorum singulorum in singulos, 25 universorum in singulos in societate æquali, [31.](#) in consultando, [61](#) in extraneum, 24. quando æquale, [26.](#) quando diversum, [27](#)
Jus societatis se defendendi, [165](#)
Jus

Index verborum & rerum præcipuarum.

Jus a societate extraneo concessum num socio uni rursus liceat, 233

Jus puerorum & adolescentium in exempla mala aliorum, 694

Jus puniendi & premiandi in imperio contentum, 198

Jus puniendi adulterum, 364. consocium, 57. liberos, 684. 670. servos, 1104. stupratorem violentum, 359 uxorem, 494. 495

Jus representationis. Definitio, 981 an sit juris naturalis, 981

Jus retentionis tutori & curatori competentis, 921

Jus tutoris obligandi pupillum ad obedientiam, 901. puniendi inobedientiam, 902

Jus tutorum quoad divisionem tutelæ, 854

Jus vendendi, donandi, legandi servum domino competens, 120

Jus vite ac necis an domino in servum competat, 1124

Jus universi in singulis competens in societate quale sit, 212

Juventus. Definitio, 644

L.

Labore liberi assuefaciendi, 716. quæ cautione hic sit opus, 717. 718

Legatarius. Definitio, 1003. num ei alius substitui possit, 1059. si ei cum alio eadem res conjunctim legetur, 1057. quando jus suum transmittat in hæredem, 1043. si legatum repudiet, cuinam id accrescat, 1055

Legatum. Definitio, 1003. quando legi naturæ conveniat, 1004. ab hæredibus legatario præstandum, 1054 quomodo acquiratur, 1042. quando iterum adimatur, 1068. num conjugum relinqui possit, 1077. num subsistat, hærede hæreditatem non ad eunte, 1056. in genere relictum quomodo tradendum, 1067. quando relinqui possit a parentibus, 1005. quando a liberis, 1008. num in præjudicium liberorum vel parentum relictum sit validum, 1024 quando ejus acceptatio præsumatur, 1044. & quo effectu, 1045

Legatum pænæ. Definitio, 1064. an juri naturæ conveniat, 1064

Leges de exercitio imperii, 223

Leges domesticae a quibus ferendæ, 1157

Leges fundamentales societatis. Definitio, 224

Leges maternas. Definitio, 628

Leges mutandi jus in societate, 48

Leges naturæ quænam ad societatem applicandæ, 162. num iis adversa parentes liberis imperare valeant, 672

Leges particulares unioni prolium ad iiciendæ, 819

Leges paternæ. Definitio, 678. num matris consensu ferendæ, 679

Leges societatis quid proprie sint, 49

Legum necessitas in societate, 46

Legum societatis conjugalæ materia, 485

Legum

Index verborum & rerum præcipuarum.

- Legum naturalium scientia* quando liberis instillanda, 639
- Legum transgressio* in societate non ferenda, 51
- Leno.* Definitio, 365
- Lenocinium.* Definitio, 365. an naturaliter illicitum, 366
- Liberi.* Definitio, 525. quibusnam officiis mature adsuæfaciendi, 705 quod officiis erga parentes a primæ ætate adsuæfieri debeant, 709. num sint parentibus subiecti, 665. quando parentibus obedire non debeant, 673. quænam officia parentibus debeant per omnem vitam, 804. 805 ad iram non provocandi, 749. num puniri possint propter factum parentum, 550. ut fiant fortunati a parentibus opera danda, 732. sunt hæredes parentum, 975. unde eorum obligatio oriatur, 636. qua prærogativa gaudeant quoad officia humanitatis a parentibus aliis præstanda, 733. quoad ea, quæ ad vitæ necessitatem, commoditatem ac jucunditatem faciunt, 737. num quibusdam præteritis rumpatur testamentum, 1022
- Liberorum fratris & sororis nomina,* 596
- Liberorum studium placendi parentibus* in omnibus actionibus suis, 745
- Liberorum successio* in bona parentum superiorum, 978
- Liberorum uniendorum consensus* num requiratur ad unionem, 820
- Liberi adulterini.* Definitio, 537
- Liberi illegitimi.* Definitio, 537. num macula quadam laborent, 547. num nativitas illegitima ipsis imputari possit, 545. eorum jus, 546
- Liberi iusti, vel legitimi.* Definitio, 342. 836. quinam habendi, 541
- Liberi spurii.* Definitio, 342
- Liberi supposititii.* Definitio, 538
- Liberi vulgo quasi.* Definitio, 342
- Libertas* num per servitutem amittatur, 1117
- Libertas naturalis* societatis cujuslibet, 166. quid inde sequatur, 167
- Libertas societatum simplicium* in composita. quomodo restringatur, 170
- Libertas sociorum* quomodo in societate restringatur, 169
- Libertas votandi* in societate, 115. num ejus violatio sit injuria, 116
- Libido.* Definitio, 248. an sit licita, 249
- Linea cognationis.* Definitio, 563
- Linea ascendens.* Definitio, 565
- Linea descendens.* Definitio, 565. in qua persona terminetur, 571
- Linea obliqua.* Definitio, 584
- Linea obliqua æqualis.* Definitio, 593
- Linea obliqua inæqualis.* Definitio, 597 unde oriatur, 597
- Linea recta.* Definitio, 563. ejus terminus, 570. quomodo in ascendentem & descendentem dividatur, 573
- Linea*

Index verborum & rerum precipuarum.

Linea recta plures communem stipitem habentes, [582](#). quod earum sint species, [583](#)
Locus cognatorum quomodo in linea recta determinetur, [566](#)
Lucrum. Definitio, [431](#)
Luctus conjugum num licitus, [522](#)
Lupanarium. Definitio, [242](#). an exerce-
 re licitum, [243](#)

M.

Magisbasse, [562](#)
Majora vota quando concludant, [118](#)
Majorenitas. Definitio, [768](#)
Majores. Definitio, [576](#)
Mala imprecari num liberis liceat, [750](#)
Mali scientia quando liberis instillanda, [689](#)
Malitiosa desertio num dissolvat matrimonium, [514](#)
Malorum verorum & apparentium discrimen quando liberis infinuandum, [689](#)
Munumisso. Definitio, [1121](#). quomodo fiat, [1122](#). an naturaliter licita, [1123](#). quando illicita, [1123](#). si liberi a parentibus in servitutem venditi, [1127](#)
Maritus. Definitio, [282](#). quodnam habeat jus in corpus uxoris, [306](#). quando habeat usum fructum in bonis uxoris, [438](#). quomodo jus in bonis suis uxori constituere possit, [434](#). num fiat particeps lucri ex operis artificialibus simplicibus uxoris quaesiti, [434](#). an in uxorem invitam im-
 (Wolffii Jur. Nat. Pars VII.)

perium sibi arrogare possit, [497](#). an eam pro lubitu dimittere, [508](#). an ob res alienum inservitutem vendere, [1093](#). quando debitum ab uxore contractum solvere teneatur, [552](#)
Mariti fornicatio num sit adulterium, [324](#)
Mariti jus defendendi jus suum in uxorem adversus adulterum, [362](#)
Massupratio. Definitio, [247](#). an naturaliter illicita, [247](#)
Mater. Definitio, [576](#). an teneatur lactare infantem, [480](#)
Materfamilias. Definitio, [1148](#). quod ejus auctoritas conservanda, [1160](#). & quomodo, [1161](#)
Matertera, [601](#)
Matertera magna, [601](#)
Matertera major, [601](#)
Matertera maxima, [601](#)
Matrimonium. Definitio, [270](#). a quibus nam contrahi possit, [271](#). & seqq. num a servis, [130](#). an sit naturaliter indissolubile, [1078](#). quinam contrahere obligentur, [524](#). [525](#). num ad tempus contrahi possit, [478](#). inter quot personas contrahendum, [303](#). quomodo perficiatur, [367](#). quomodo consummetur, [367](#). quando consummandum, [368](#). quando necessario dissolvatur, [510](#). quando dissolvi nequeat, [506](#). an mutuo consensu dissolvi possit, [507](#). num inter parentes & liberos, [826](#). ascendentes & descendentes quoscunque in
 Q 99 99 linea

Index verborum & rerum præcipuarum.

- linea recta, [828](#). fratrem & sororem, [829](#). inter collaterales gradus remotioris & affines fit licitum, [830](#)
- Matrimonii* non contrahendi causæ physicae, [273](#)
- Matrimonio dissoluto* quinquam sumtus in educationem liberorum facere debeat, [535](#). quid tenendum de bonis conjugum, [535](#). num matrimonium novum contrahi possit, [518](#)
- Matrimonium contrahentes* ad quænam sese sibi invicem obligent, [468](#)
- Matrimonium persona desponsata* cum alia initum, [378](#)
- Matrimonium ad beneplacitum*. Definitio, [479](#). num sit juris naturæ, [479](#)
- Matrimonium ad thalac*. Definitio, [479](#). num sit juris naturæ, [479](#)
- Matrimonium temporarium*. Definitio, [479](#). num sit juris naturæ, [479](#)
- Matrimonii imperfecti* quædam species, [477](#)
- Media* quando societatem in se licitam efficiant illicitam, [155](#)
- Mediis illicitis* num uti liceat ad finem licitum consequendum, [154](#)
- Memoria liberorum* a parentibus persicienda, [643](#)
- Meretrix*. Definitio, [241](#). quando fœmina præsumitur, [338](#)
- Meritum panæ* in societate, [56](#)
- Meritum præmii* in societate, [56](#)
- Minor natu* num natu majorem adoptare possit, [797](#)
- Minorennitas*. Definitio, [768](#). num sit causa inhabilitatis ad tutelam, [862](#)
- Minores* num valide contrahere & donare possint, [769](#). [770](#)
- Mirigabe*. [924](#)
- Mirgilie*. [924](#)
- Mit. Schwäher*, [610](#)
- Mit. Schwieger*, [610](#)
- Moller* quinquam dicantur, [247](#). an sint sodomiz rei, [447](#)
- Monogamia*. Definitio, [280](#). num primis naturæ conveniat, [297](#). an juri naturæ, [298](#). an polygyniz præferenda, [299](#). an per se repugnet, [100](#)
- Monogynia* an propagando generi humano sufficiat, [293](#)
- Morgengaba*. Definitio, [947](#). an jure naturali debeat, [948](#). [949](#). quale jus uxori in ea competat, [950](#). an in usufructu consistere possit, [951](#)
- Munera sponsalitia*. Definitio, [393](#). sub qua conditione dentur, [403](#). num sint licita, [395](#)
- Mutue*, [601](#)
- Mulier nimis arcta*. Definitio, [276](#). an matrimonium contrahere possit, [276](#)
- Multitudo negotiorum propriorum* num excuset a tutela, [861](#)
- Mutterlose Wäysen*, [840](#)
- Mutuum adjutorium* in qualibet societate præstandum, [145](#)
- Mutuum adjutorium conjugum* quale sit, [474](#). quomodo præstetur, [475](#). an ejus causa matrimonium contrahi possit, [476](#)

N. Nati.

Index verborum & rerum præcipuarum.

N.

Nativitas illegitima an proli imputari possit, [545](#)
Negligentia sociorum prohibita, [19](#)
Negligentia in administrandis bonis num sit causa inhabilitatis ad tutelam, [860](#)
Negotium. Definitio, [68](#). in quo consistat, [68](#)
Negotium exitum habere quando dicitur, [69](#). quod habere debeat, [70](#)
 quando habere possit stante paritate vororum, [86](#). quando non, [86](#)
Nepos, [528](#)
Neptis, [528](#)
Notiones rerum quænam liberis a prima ætate *infinuanda*, [649](#). quænam hic vitanda, [650](#)
Noverca. Definitio, [610](#). qualis ejus sit affinitas, [612](#)
Noverca avi & avia quop in gradu mihi sit affinis, [619](#)
Noverca avus & avia num sint affines privignis, [618](#)
Noverca parentes num sint affines privignis, [615](#)
Noverca uxoris meæ quomodo mihi affinis, [615](#)
Nubere quid significet, [231](#)
Nummos in futuros usus servandi studi-um liberis mature *conciliandum*, [704](#)
Numerus certus præsentium si ad concludendum requiratur, [109](#) [110](#)
Numerus personarum ad societatem requisitarum, [174](#)

Nuptiæ. Definitio, [498](#). quomodo a sponsalibus differant, [499](#)
Nurus. Definitio, [610](#). qualis sit ejus affinitas, [614](#)

O.

Obedientia. Definitio, [205](#)
Obedientia liberorum præcepta, [666](#)
 quod a parentibus promovenda, [668](#)
 quando iisdem non debeat, [673](#)
Obedientia pupillorum debita tutoribus, [900](#)
Obedientia Rectori societatis debita, [225](#)
 quando recte detrectetur, [226](#)
Obedientia servorum domino debita, [1116](#)
Obedientia uxoris marito debita, [492](#)
Ober- & Vormund, [853](#)
Obligandi liberos *modus* quinquam optimus, [698](#)
Obligatio communis sociorum. Definitio, [13](#). an per propriam penitus auferatur, [15](#)
Obligatio conjugum ad concubitum, [308](#)
Obligatio liberorum unde oriatur, [636](#)
Obligatio parentum unde oriatur, [636](#)
 ad promovendum bonum liberorum quo usque extendatur, [735](#)
Obligaciones personales num transeant in heredem, [966](#)
Obligatio propria socii. Definitio, [13](#)
 an tollat communem, [15](#)
Obligatio singulorum in domo quænam sit, [1150](#)
Obligatio socii dum in societatem recipitur, [60](#)
 Q9999 [2](#) Obliga-

Index verborum & rerum præcipuarum.

Obligatio factorum erga se invicem in societate æquali, [31.](#) quoad vota, [26](#)
 quoad pœnam subeundam, [55](#)
Obligatio factorum quando æquales, [26.](#) quando diversæ, [27](#)
Obligatio tacita eorum, qui in societatem simplicem, quæ compositæ membrum est, recipiuntur, [1154](#)
Odiū conjugum naturaliter prohibetur, [467](#)
Odiū parentum prohibitum [liberis, 740](#)
Oeconomia. Definitio, [422](#)
Oeconomia communis conjugum num sit juris naturæ, [423.](#) in quo consistat, [424](#)
Officia quænam sint, quibus liberi maturatione aduſueri debent, [705](#)
Officia eorum, qui sunt in domo, [1151](#)
Officia erga parentes liberis a prima ætate inculcanda, [709](#)
Officia liberorum per omnem vitam parentibus debita, [804. 805](#)
Officia humanitatis quatenus ad liberos restringantur, [1001. 1002.](#) quatenus ad parentes, [1006. 1007.](#) debita a liberis parentibus, [744.](#) a domino servis, [1099](#)
Officia pupillorum erga tutores, [904](#)
Öheim, [601](#)
Onera matrimonii. Definitio, [448.](#) num sumtus & impensæ in educationem ad ea pertineant, [448.](#) quinam ea ferre debeat, [449.](#) quomodo pro modo facultatum inter conjuges distribuenda, [450.](#) quid circa ea ma-

xime conveniat juri naturæ, [451.](#) si conjuges tantundem acquirere nequeant, quantum ad ea sufficit, [452](#)
Opera quænam a servo exigi possint, [1106](#)
Operarum uxoris divisio, [427](#)
Opera artificiales uxoris. Definitio, [427](#)
Opera artificiales ministeriales uxoris. Definitio, [429.](#) quando ab uxore debeantur, [429.](#) quomodo inter conjuges de iis conveniri possit, [440](#)
Opera artificiales simplices liberorum. Definitio, [721.](#) num ad eas liberi obligentur, [727](#)
Opera artificiales simplices uxoris. Definitio, [427.](#) quando ab uxore debeantur, [430.](#) quomodo de iis inter conjuges conveniri possit, [440](#)
Opera ministeriales liberorum. Definitio, [721.](#) quando debeantur, [724](#) jus parentum in eas, [725](#)
Opera obsequiales liberorum. Definitio, [721.](#) num ad eas liberi obligentur, [722.](#) jus parentum in eas, [723](#)
Operæ obsequiales, seu officiales uxoris. Definitio, [427.](#) an debeantur, [428](#)
Ordo in votando observandus, [117](#)
Otiū liberis non permittendum, [716](#)
 P.

Pacta a Societate servanda, [232](#)
Pacta dotalia. Definitio, [929.](#) de quibusnam in iis conveniendum, [930](#)
Pacta dotalia fœminæ locupletis, [938](#)
Pacta hereditaria num naturaliter valida, [1072](#)
Pacta

Index verborum & rerum precipuarum.

- Pacta successoria conjugum* quando condi possint, 1073. an sint mutabilia, 1074
- Pactum inter verum & famulos* num sit societas, 1133
- Paderastia.* Definitio, 245. an naturaliter illicita, 245. an sit sodomiz species, 447
- Parentes.* Definitio, 575. ad quam obligentur liberis, 637. sobolem suam educare tenentur, 262. quod sint maximi benefactores liberorum, 738 a liberis magnificiendi, 757. num filiam dotare teneantur, 931. an ad dotandum cogi possint, 932. num teneantur rationem administrationis reddere liberis, 766. num liberos in adoptionem dare possint, 800. num iisdem hæredem substituere, 1061 num inservitutem vendere, 1092 1093
- Parentum cura* circa liberos in genere, 641. circa vitam & conservationem liberorum, 639.640. 641. quoad necessitatem, commoditatem ac jucunditatem vitæ eorundem, 736. in corpore, anima & statu liberorum perficiendo, 642. circa usum facultatum animæ a liberis acquirendum, 645. 646. circa bona fortunæ, 731 732
- Parentum ex hereditatio.* Definitio, 1013 quando licita, 1014
- Parentum jus* in actiones liberorum, 660
- Parentum morientium providentia* quoad educationem liberorum, 833
- Parentum obligatio* unde oriatur, 636 quænam sit ad reddendum liberos obediens, 668. ad promovendum bonum liberorum, 735. ad depellendum omne periculum a liberis, 640
- Parentum officium* circa bona filiz nubentis, 922
- Parentum successio* in bona liberorum, 98a
- Parentum superioris gradus officia* erga liberos, 976. in specie in promovenda felicitate ac fortuna eorum, 977
- Partus ex stupro* quando a stupratore agnoscendus, 542
- Pater.* Definitio, 576. num eo mortuo liberi maneant in potestate matris, 781. an emancipentur, 782
- Paterfamilias.* Definitio, 1148. quod ejus autoritas conservanda, 1160 quomodo conservanda, 1161
- Patrimonium liberorum* quomodo a parentibus augendum, 761
- Patris adoptivi consilium & consensus* num a patre naturali ad educationem filii adoptati requiri debeat, 807
- Patruus.* Definitio, 596
- Patruus,* 601
- Patruus magnus,* 601
- major,* 601
- maximus,* 601
- Peculium.* Definitio, 764
- Q9999 3 Pecu-

Index verborum & rerum præcipuarum.

- Peculium servi.* Definitio, [1108.](#) an juri naturæ conveniat, [1108.](#) quale in eo jus servus habeat, [1108.](#) quænam ad id referenda, [1108.](#) an id dominus in rem suam vertere possit, [1110](#)
- Pecunia rectus usus* liberis mature inculcandus, [703](#)
- Pecunia in dotem data* quale jus consequatur maritus, [944](#)
- Pecunia pupilli* in lucrum collocanda a tutore, [872.](#) si in rem suam a tutore versa, [875](#)
- Pellicatus.* Definitio [331.](#) an [sit licitus](#), [332](#)
- Pellex.* Definitio, [331](#)
- Perfectio societatis* in quo consistat, [171](#) unde æstimanda, [172.](#) quomodo promovenda, [173](#)
- Persona conjugata.* Definitio, [317](#)
- Persona desponsata* matrimonium cum alia initum, [378](#)
- Persona soluta.* Definitio, [317](#)
- Personarum ad societatem requisitarum* numerus & qualitas, [174](#)
- Pietas* mature liberis inſinuanda, [699](#)
- Pluralitatis votorum* effectus, [79](#)
- Pæna* quando a parentibus remittenda, [687.](#) quando miriganda, [688](#)
- Pæna in ſocietate* a quonam determinanda, [53.](#) eorum qualitas & quantitas, [54.](#) jus, [52](#)
- Pæna meritum* in quo consistat, [56](#)
- Pænarum metus effectus* in liberis, [671](#)
- Pæna capitales.* Definitio, [685.](#) an parentibus permiſſæ, [686](#)
- Pæna crudelis.* Definitio, [685.](#) an parentibus permiſſæ, [686](#)
- Polyandria.* Definitio, [280.](#) num licita, [283-284](#)
- Polygamia.* Definitio, [280.](#) an licita, [300. 302](#)
- Polygamia ſucceſſiva.* Definitio, [519](#) num licita, [520](#)
- Polygynia.* Definitio, [280.](#) an ſit juris naturæ, [302.](#) an generis humani propagandi cauſa permiſſa, [294. 295](#) quando naturaliter prohibita, [296](#)
- Posteriores.* Definitio, [578](#)
- pro *Poſſeſſore* quando pronunciandum, [83](#)
- Poſthumus.* Definitio, [1017.](#) an ſit hæres patris, [1017.](#) an præteritus teſtamentum rumpat, [1022](#)
- Potentia generandi deſtitutus* num matrimonium contrahere poſſit, [272](#)
- Poteſtas dominica.* Definitio, [1081](#) quomodo exercenda, [1100.](#) quale ſit jus, [1114](#)
- Poteſtas legiſlatoria* parentum, [677](#)
- Poteſtas patria.* Definitio, [661.](#) an etiam matri competat, [661.](#) quale ſit jus, [662.](#) quando finiatur, [775](#)
- Præcedentia* num locum habeat in ſocietate æquali, [33.](#) num in inæquali, [36.](#) cur in æquali introducenda [38.](#) cui naturaliter in inæquali competat, [40.](#) quomodo de ea conveniri poſſit, [41.](#) quænam hic non attendenda, [42](#) quando ſucceſſori competat, [43](#)
- Præcedentia extraordinaria* in ſocietate inæquali, [39](#)

Pradium

Index verborum & rerum præcipuarum.

| | |
|--|---|
| <i>Pradium pupilli</i> absque necessitate alienatum num in ætate adulta vindicari possit, 884 . an pretium emptori sit restituendum, 885 | <i>Progener</i> . Definitio, 610 . qualis sit ejus affinitas, 617 |
| <i>Præjudicium autoritatis</i> in liberis præcavendum, 653 | <i>Proles adulterina</i> num a marito educanda, si uxorem adulteram non reputat, 529 |
| <i>Prælegatum</i> . Definitio, 1049 . an liberis & parentibus relinqui possit, 1050. an hæredibus institutis, 1051 | <i>Prolis</i> certitudo undenam sit, 539 |
| <i>Premia</i> in societate a quonam determinanda, 53 . eorum qualitas & quantitas, 54 | <i>Pronepos</i> , 528 |
| <i>Premian</i> si jus in societate, 52 | <i>Proneptis</i> , 528 |
| <i>Premii meritum</i> in quo consistat, 56 | <i>Propagatio generis humani</i> voluntari divinæ convenit, 264 |
| <i>Premiorum spes</i> quid valeat in liberis, 671 | <i>Promissio</i> ejus, qui in societatem recipitur, 58 . qui ex quasi pacto recipitur, 59 |
| <i>Prærogativa</i> quando socio nulli competat, 30 . num locum habeat in societate inæquali, 35 | <i>Promissio</i> , mutua conjugum quænam sit, 305 |
| <i>Prærogativa liberorum</i> quoad officia humanitatis parentum an per adoptionem tollatur, 799 | <i>Promissio viduitatis perpetuæ</i> num sit valida, 526 |
| <i>Principium juris nature</i> quoad societatem, 163 | <i>Providentia parentum</i> circa educationem liberorum in casum mortis immaturæ, 734 |
| <i>Principium rationis sufficientis</i> liberis tempestive inculcandum, 652 | <i>Puberes</i> . Definitio, 274 |
| <i>Privigna</i> . Definitio, 610 . qualis sit ejus affinitas, 612 | <i>Pubertatis moralis & physica</i> differentia, 767 |
| <i>Privignus</i> . Definitio, 610 . qualis sit ejus affinitas, 612 . num adoptari possit, 788 | <i>Pudicitia</i> . Definitio, 345 . quid eadem adverteretur, 344 . quomodo violetur, 344 . quomodo violetur, 350 . eam conservandi obligatio, 348 |
| <i>Proavia</i> , 526 | <i>Pudicitia defendenda</i> jus, 354 . quantum sit, 355 . an æquiparetur juri defendendi vitam, 356 |
| <i>Proavus</i> , 526 | <i>Pudicitiam alienam defendendi</i> jus & obligatio, 357 |
| <i>Pronurus</i> . Definitio, 610 . qualis sit ejus affinitas, 617 | <i>Pudicitiam uxoris, filia, sororis</i> defendendi jus, 358 |
| <i>Prodigalitas</i> num faciat tutorem inhabilem, 859 | <i>Pudicitia uxoris aliena</i> violatio, 353 |
| | <i>Pudicus</i> . Definitio, 344 |
| | <i>Puella</i> |

Index verborum & rerum præcipuarum.

Puella num matrimonium contrahere possint, 273
Pueri num matrimonium contrahere possint, 273
Pueritia. Definitio, 644
Pupillus. Definitio, 840. num sine tutoris consensu se alteri obligare possit, 895. num alterum sibi in commodum suum obligare possit, 896. an bonatutis pro se oppignorata liberare teneatur, 920. num obedire tutoribus, 900. num ab iis obligari possit ad obedientiam, 901. num puniri, 902
Pupillorum obligatio, 851. officia erga tutores, 904

Q.
Qualitas personarum ad societatem requisitarum, 174
Quasi affinitas unde oriatur, 631. 632
R.

Rationis usus quod liberis tempestive conciliandus, 651
Ratio voti num sit reddenda, 112
Rektor Societatis. Definitio, 218. unde ejus jus merendum, 222. quod sit ei parendum, 225. quando ei non parendum, 226. quando obedire liceat sociis, etiamsi non teneamur, 227
Regimen. Definitio, 218
Regimen parentum. Definitio, 661
Repudium. Definitio, 509
Reverentia parentibus superioris gradus debita, 827
Ritus nuptiales. Definitio, 504. quales esse debeant, 505
Res quænam in dotem dari possint, 939

num æstimato in dotem dari, 941
 quale sit in iis jus mariti, 94. quænam legari possint, 1040
Res consumptibiles num in dotem dari possint, 943
Res conjugum quomodo alienari possint, si sit bonorum communio, 454. num iis servitus imponi possit, 456
Res domestica. Definitio, 422. cujus sumtu in matrimonio comparandæ, 447
Res hæreditis num legari possit, 1065
Res immobiles pecunia a conjugibus acquisita comparatæ ejusnam sint, 457
Res legataria num legari possit, 1066
Res liberorum num a parentibus oppignorari possint, 759. num iis servitus imponi possit, 760. num ex, quas utendas accipiant a parentibus, sint ipsorum propriæ, 773. ut ab iis alienari possint, 774
Res mariti num uxor alienare & oppignorare possit, 453
Res mobiles pupilli num a tutore alienari possint, 871
Res pupillares quomodo distrahendæ, 871
Res sua num a conjuge alienari possit in præjudicium alterius, 455
Res uxoris num maritus alienare & oppignorare possit, 453
S.
Sevitiæ in servum. Definitio, 125. quale jus det servo, 126
Salarium num tutori & curatori constitui possit, 910. a quonam possit, 911
Salus

Index verborum & rerum præcipuarum.

| | | | | | | | | | | | | | | | | | | | | | | | | | | | | | | | | | |
|--|---|--|----------------------|-----------------------|---------------------------|----------------------------------|------------------------|-------------------------------|-----------------------------|--------------------------------|------------------------------|---|---|---|---|---|---|--|---|---|--|---|--|---|---|--|------------------------|---|--|---|--|--|----------------------|
| <i>Salus societatis.</i> Definitio , 11. unde æstima- manda, 11. a sociis promovenda, 16 eidem adversa non facienda, 22 | <i>Sanctas liberorum</i> parentibus curæ esse debet, 639 | <i>Satisfactio tutoris</i> quando non sit o- pus, 890. quando sit opus, 890 | <i>Schnüre</i> , 610 | <i>Schwäher</i> , 610 | <i>Schwerdmagen</i> , 562 | <i>Schwerdmagenschaffe</i> , 562 | <i>Schwieger</i> , 610 | <i>Schwieger-Mutter</i> , 610 | <i>Schwieger-Sohn</i> , 610 | <i>Schwieger-Tochter</i> , 610 | <i>Schwieger-Vater</i> , 610 | <i>Scortatio.</i> Definitio , 241. an naturaliter licita, 241 | <i>Secunde nuptiæ.</i> Definitio , 519. an sint licitæ, 520. quando celebrari possint, 523 | <i>Seductio liberorum</i> a parentibus præca- venda, 696 | <i>Senes</i> num matrimonium contrahere possint, 273 | <i>Sensum vitæ</i> in liberis præcavenda, 643 | <i>Sententia tutoris</i> quando præferenda, 100 | <i>Servus.</i> Definitio , 1081. ad quam a domino obligari possit, 1103. cui ac- quirat, 1107. an peculium habere pos- sit, 1108. an eo abuti possit, 1109. num aufugere ei liceat, 1126. quam æ- groto debeantur a domino, 1112. num matrimonium contrahere possit, 1129 an hæres institutus fiat <i>liber</i> , 1130. num deficiente hærede, 1130. an sit aman- (<i>Wolffs Jur. Nat. Pars VII</i>) | <i>du</i> & diligendus, 1107. an ex sneil- la nati sint servilis conditionis, 1128 | <i>Servitus</i> num imponi possit rebus libe- rorum a parentibus, 760. num præ- dio pupilli a tutore, 886. num rebus conjugis a conjugē, 436 | <i>Servitus.</i> Definitio , 1080. num locum habeat in communione primæva, 1085. quando habere cœperit, 1086. an in eam invitus redigi possit, 1118. qualis sit eorum, qui in conditione servili nascuntur, 1128 | <i>Servitus famulorum & famularum</i> qua- lis sit, 1126 | <i>Servitus imperfecta.</i> Definitio , 1082. qua- le sit domini in ea jus, 1083 | <i>Servitus invita</i> num & quando licita, 1092. 1093. 1094 | <i>Servitus perfecta.</i> Definitio , 1082. quale in ea sit domini jus, 1083. num sit na- turaliter licita, 1087 | <i>Servitus voluntaria.</i> Definitio , 1089. an juri naturæ conveniat, 1089. an per- mittenda, 1090. unde oriatur & vim suam accipiat, 1088 | <i>Sipscasse</i> , 562 | <i>Sobolis procreatio</i> num conveniat primis naturæ, 238. an sit juris naturæ, 239 | <i>Sobrini & Sobrina.</i> Definitio , 596 | <i>Socer.</i> Definitio , 610. quo in gradu affi- nis sit genero & nurui, 614 | <i>Socer magnus.</i> Definitio , 610. qualis sit ejus affinitas, 612 | <i>Societas.</i> Definitio , 1. homonymia, 47 quam licita, 153. quam illicita, 153. quam injusta, 159. quam | <i>Rrrrr</i> a natu- |
|--|---|--|----------------------|-----------------------|---------------------------|----------------------------------|------------------------|-------------------------------|-----------------------------|--------------------------------|------------------------------|---|---|---|---|---|---|--|---|---|--|---|--|---|---|--|------------------------|---|--|---|--|--|----------------------|

Index verborum & rerum precipuarum.

- a natura instituta, [138](#). 'quando' quis in eam recipi possit, [180](#). num unam personam repræsentet, [161](#). num integra sese aliis obligare & ab aliis jus acquirere possit, [230](#). an pacisci cum aliis, [231](#). an ad pacta servanda obligetur, [232](#). an culpam in expediendo negotio committere possit, [235](#). quinam eam regat, [219](#). quando quis ex ea excludi possit, [192](#). [193](#). quando intereat, [185](#). quomodo dissolvi possit, [185](#). quando ab ea recedere non liceat, [186](#). quando liceat, [187](#). [188](#) [191](#). quando non liceat sine sociorum consensu, [189](#). quando eidem renunciare liceat, [190](#). quid in eam recipiendus promittere debeat, [58](#). quod receptus ad legum observantiam obligetur, [60](#)
- Societatis commune bonum, sive salus.* Definitio, [11](#). unde æstimandum, [11](#) quod promovendum, [12](#). [14](#)
- Societatis conservatio* quod sociis curæ esse debeat, [164](#)
- Societatis jus defensionis* adversus lædentes, [165](#)
- Societatis obligatio* ad diligentiam in negotio suscepto adhibendam, [234](#)
- Societatis perfectio* in quo consistat, [171](#) unde æstimanda, [172](#). quomodo promovenda, [173](#)
- Societates* quando contrahendæ, [137](#). quomodo differant, [3](#). quot dentur, [3](#). quando diversæ simul contrahi ab uno possint, [174](#). quando non, [176](#) quomodo plures diversæ inter se spectandæ, [168](#)
- Societas equalis.* Definitio, [28](#). quænam in ea dentur obligationes & jura, [26](#) quid singulis licitum & illicitum, [32](#)
- Societas adiutorii* *mutui causa contrahenda* inter marem & feminam num sit matrimonium, [476](#)
- Societas bonorum & omnium fortunarum* num a conjugibus contrahi possit, [440](#)
- Societas compesita.* Definitio, [5](#). quoruplex, [5](#). ejus finis, [6](#). [1152](#). quomodo contrahatur, [1153](#)
- Societas composita major.* Definitio, [5](#) minor. Definitio, [5](#)
- Societas conjugalis.* Definitio, [270](#). num habere debeat [leges](#), [484](#). *Vide* matrimonium.
- Societas berilis.* Definitio, [1134](#). an sit juris naturalis, [1135](#). quomodo finitur, [1143](#). quid inde sequatur, [1144](#)
- Societas illicita* an differat ab injusta, [160](#). num producat obligationem & jura, [156](#). num sit valida, si juramento confirmetur, [156](#)
- Societas inæqualis.* Definitio, [28](#). quales in ea dentur obligationes & jura, [26](#)
- Societas licita* quando illicita evadat, [155](#)
- Societas naturalis.* Definitio, [142](#)
- Societas naturalis magna.* Definitio, [142](#) finis, [144](#). qualis sit, [150](#). an tollat naturalia jura, [151](#). quænam sint ejus [leges](#), [152](#)
- Societas negotiatoria* num sit species societatis, [2](#)
- Societas paterna.* Definitio, [633](#). an sit quasi pactum, [634](#). an naturaliter valeat tanquam quasi pactum, [635](#)
- Socie-*

Index verborum & rerum precipuarum.

Societas perpetua. Definitio, [181](#). quando intereat, [183](#)
Societas simplex. Definitio, [5](#)
Societas temporaria. Definitio, [181](#). quando finitur, [183](#)
Socii quinam sint, [4](#). quando æquales, [29](#)
 quinam intrinsece æquales, [37](#). quando sint concordēs, [134](#), quando discordēs, [134](#)
Sociorum actiones certo modo determinandæ, [45](#)
Sociorum consensu tacitus de votis, quando societatem ineunt, [80](#)
Sociorum diligentia præcepta, [29](#)
Sociorum inequalitas in societate inæquali, [34](#)
Sociorum iura quando æqualia, [26](#)
 quando diversa, [27](#)
Sociorum jus quale sit, [9](#). unde metiendum, [10](#). univĕrsorum in singulos in societate æquali, [31](#). in extraneum, [24](#). in consultando, [61](#). in societate illicita, [157](#)
Sociorum negligentia prohibita, [19](#)
Sociorum obligatio qualis sit, [7](#). unde metienda, [10](#). qualis erga se invicem in societate æquali, [31](#). quoad vota, [96](#). ad poenam subeundam, [55](#). ad præmia præstanda, [55](#)
Sociorum obligationes quando æquales, [26](#). quando diversæ, [27](#)
Sociorum obligatio communis. Definitio, [13](#)
propria. Definitio, [13](#)
Sociorum officium, [12](#). [16](#)
Socius. Definitio, [4](#). quæ nam non facere debeat, [18](#), [21](#). [22](#). an ultra conventa

teneatur, [14](#). jus ejus in confocium, [25](#)
 an pari debeat, ut confocius faciat salutis societatis adversa, [25](#). quando e societate excludi possit, [192](#). an unius factum societati imputari possit, [228](#)
Socrus. Definitio, [610](#). qualis ejus affinitas, [614](#)
Socrus magna. Definitio, [610](#). qualis sit ejus affinitas, [617](#)
Sodomia. Definitio, [244](#). an naturaliter illicita, [244](#)
Soror. Definitio, [595](#)
Soror uxoris meæ quo gradu sit mihi affinis, [621](#)
Soror uxoris fratris mei num sit mihi affinis, [623](#)
Soritio in valore votorum, determinando quando repetenda, [99](#). ejus usus in eo determinando, [98](#)
Spadones. Definitio, [275](#)
Specificatio jurata bonorum quando ab hærede edenda, [971](#)
Spillmagen, [562](#)
Spillmagtschaft, [562](#)
Sponsa. Definitio, [369](#)
Sponsa stuprata, [381](#). [382](#)
Sponsalia. Definitio, [369](#). quomodo celebrentur, [369](#). quibus verbis contrahantur, [387](#). num contrahi possint inter *absentes*, [390](#). quinam contrahere nequeant, [391](#). num contrahi possint sub conditione certi quid dandi & quo effectu, [413](#). [419](#). num sub poena, [404](#). num coram testibus, [409](#)
 num nuptias præcedere debeant, [382](#)
 500 quem producant effectum, [370](#)
 Rrrr 2 quo-

Index verborum & rerum præcipuarum.

- quomodo dissolvantur, [383.](#) an ob **impotentiam**, [384.](#) an ob furorem supervenientem & morbum contagiosum, [385.](#) ob casum alium supervenientem, [386.](#) qua lege dissolvi possint, [408.](#) quid restituendum, si mutuo dissenso dissolvantur, [407.](#) num contra-cta in arbitrium alterius conferri possint, [420](#)
- Sponsalia bina* si celebrentur, [373.](#) [374.](#) quando a prioribus recedere liceat, [375.](#) an ad priora consummanda cogi possit pars læsa, [376.](#) sub qua conditione celebrari possint, [413](#)
- Sponsalia clandestina.* Definitio, [410](#) num valida, [410](#)
- Sponsalia conditionata* num ante conditionem existentem consummari possint, [414.](#) num pendente conditione contrahi possint alia sub eadem conditione, [411.](#) sub qua conditione alia contrahi possint, [413.](#) num pura iis præferenda, [412.](#) an per copulam carnalem in matrimonium abeant, [415](#)
- Sponsalia contracta sub conditione, ducam te, nisi meliorem reperero,* qualia sint, [421](#)
- Sponsalia contracta sub conditione impossibili* qualia sint, [417](#)
- Sponsalia facta sub conditione turpi* num sint invalida, [416](#)
- Sponsalia de presenti & de futuro.* Definitio, [389.](#) an ea de præsentibus sint naturaliter matrimonium, [389](#)
- Sponsalia errantis* num sint valida, [380](#)
- Sponsalia pura* num conditionalibus præferenda, [412](#)
- Sponsaliorum penalium effectus* naturalis, [406](#)
- Sponsalia publica.* Definitio, [410](#)
- Sponsus.* Definitio, [369](#)
- Sponsus stuprator,* [381.](#) [382](#)
- Stiefmutter,* [610](#)
- Stiefvatter,* [610](#)
- Stipes cognationum.* Definitio, [559.](#) in linea descendente, [581](#)
- Stipes masculinus.* Definitio, [561](#)
- Stipes femininus.* Definitio, [561](#)
- Στοιχὴν* quid sit, [259.](#) quid per eam intendat natura, [260](#)
- Studium placendi parentibus* per omnem vitam debitum, [805](#)
- Stuprator.* Definitio, [334.](#) virginis receptor, [346.](#) [350.](#) num prolem educare **teneatur**, [339.](#) quando stupratam ducere, [340.](#) quando non, [341](#)
- Stuprator violentus* num occidi possit, [355.](#) quando puniri ab alio, [360.](#) num a stuprata, [359.](#) quando a marito, patre & fratre, [361](#)
- Stuprum.* Def. [334.](#) an sit licitum, [335](#)
- Stuprum violentum.* Definitio, [334.](#) num in meretricem committatur, [336](#)
- Stuprum voluntarium.* Definitio, [334](#)
- Substitutio in locum parentum* an sit juris naturalis, [980](#)
- Subjelli actiones* a quonam dependant, [209.](#) quatenus is liber est, [210](#)
- Subjelli obligatio,* [204.](#) [206.](#) [208](#)
- Subjellio.* Definitio, [20.](#) an sit naturalis, [202.](#) an invita esse possit, [200.](#) an in ea renunciatur libertati, [211](#)
- Subje-*

Index verborum & rerum præcipuarum.

| | | |
|--|----------|--|
| <i>Subiectio liberorum,</i> | 665 | mutari possit, 997. quando fiat vali- |
| <i>servorum,</i> | 1115 | dum, 998. an sit juris naturalis, 999 |
| <i>uxoris,</i> | 491 | quando naturaliter validum, 1026 |
| <i>Succedens in locum an in jus & obligatio-</i> | | num condito quædam posthac adji- |
| <i>nem succedat,</i> | 122.123 | possint, 1047. an sine hæredis insti- |
| <i>Successio ab intestato. Definitio,</i> | 1021. in | tutione fieri possit, 1046. an tenor e- |
| <i>linea recta, 1033. in obliqua, 1034</i> | | jus subscribentibus notus esse debeat, |
| <i>quid proprie sit, 1032. quo funda-</i> | | 1029. in quantum subsistat, liberis, |
| <i>mento nitatur,</i> | 1031 | vel parentibus præteritis, 1023. aut ex- |
| <i>Successio in bona defuncti. Definitio,</i> | 957 | hæredato ad hæreditatem admissio, |
| <i>Successio liberorum ex illicito concubitu</i> | | 1020 |
| <i>natorum,</i> | 1079 | <i>Testamentum nuncupativum. Definitio,</i> |
| <i>Successio moribus, vel lege positiva intro-</i> | | 1028 |
| <i>ducta, quando eam voluisse præsu-</i> | | <i>Testamentum parentum & liberorum</i> |
| <i>matetur defunctus,</i> | 1048 | <i>quando invalidum,</i> |
| <i>Successio naturalis conjugum,</i> | 1075 | 1015 |
| <i>Successori in societate quando competat</i> | | <i>Testamentum scriptum. Definitio,</i> |
| <i>præcedentia,</i> | 43 | 1028 |
| <i>Suffragium. Definitio,</i> | 62 | <i>Testandi libertas, si desint cognati in li-</i> |
| <i>Substitutiones hæredum quando expi-</i> | | <i>nea recta,</i> |
| <i>rent,</i> | 1063 | 1025 |
| <i>Substitutio exemplaris, sive quasi pupilla-</i> | | <i>Testandi modus naturalis quatuorpl.</i> |
| <i>ris. Definitio,</i> | 1062 | 1027 |
| <i>Substitutio pupillaris. Definitio,</i> | 1062 | <i>Testari quinam possint,</i> |
| <i>Substitutio vulgaris. Definitio,</i> | 1062 | 1060 |
| <i>Sumus. Definitio,</i> | 443 | <i>Testator. Definitio, 996. num hæredita-</i> |
| <i>Sumus educationis quinam sint, 445</i> | | <i>tem dividere possit inter hæredes, 1052</i> |
| <i>quinam eos facere teneatur, 445. 446</i> | | <i>Testatus decedere quinam dicatur, 996</i> |
| <i>quarto a parentibus non debeantur,</i> | 527 | <i>Timor filialis parentum num præceptus,</i> |
| <i>Sumus in res domesticas quinam in ma-</i> | | 746. quodnam parentum circa eun- |
| <i>trimonio facere teneatur,</i> | 447 | <i>dem officium,</i> |
| <i>T.</i> | | 747 |
| <i>Tacturnitas pueris & adolescentibus</i> | | <i>Timor servilis parentum num præceptus,</i> |
| <i>insinuanda,</i> | 702 | 746. quodnam parentum circa ean- |
| <i>Testamentum. Definitio, 994. quamdiu</i> | | <i>dem officium,</i> |
| | | 747 |
| | | <i>Tractus sponsaliti. Definitio, 371. an</i> |
| | | <i>sint obligatorii,</i> |
| | | 372 |
| | | <i>Transgressio legum in societate non fe-</i> |
| | | <i>renda,</i> |
| | | 51 |
| | | <i>Tribades,</i> |
| | | 247 |
| | | <i>Trinepos,</i> |
| | | 578 |
| | | <i>Trineptis,</i> |
| | | 578 |
| | | <i>Tritæ</i> |
| | | 3 |

Index verborum & rerum precipuarum.

Tritavia, 576
Tritavus, 576
Tutor. Definitio, 841. num sit parentum vicarius, 848. in quo officium ejus consistat, 849. qualis sit ejus obligatio, 851. qualis potestas ei competeat, 846. num pupillum suo sumtu educare teneatur, 845. si suo sumtu educet, 856. 857. quos sumtus in educationem facere debeat, 872. quomodo bona pupilli administrare debeat, 869. num in administratione personam pupilli repræsentet, 868. num finita tutela administrationis rationem reddere teneatur pupillo, 912. an ejus bona pupillo sint obligata pro bonis suis, 888. num satis dare teneatur, 890. 891. quod res mobiles pupilli suas alienare debeat, 871. num immobilia alienare possit, 877. & seqq. num prædium pupilli servitutem imponere, 886. num æs alienum prædii causa contrahere, 880. an prædium oppignorare, 887. quod pecuniam pupilli in lucrum collocare debeat, 872. usuras, debita & pensiones exigere, 873. debita pupilli solvere, 874. num filix nubenti bona restituere, 923. num honorarium ipsi debeatur, 909. an salarium constitui possit, 910. a quonam possit, 911. num sit benefactor pupilli, 903
Tutoris indemnitas, 919
Tutoris obligatio quoad patrimonium pupilli, 870
Tutor administrator. Definitio, 853. qui

nam eligi debeat, 891. quando rationem administrationis reddere, 867
Tutores dativi. Definitio, 841
Tutor educator. Definitio, 853. num ad damnum resarciendum teneatur, 914
Tutor honorarius, sive *inspector*. Definitio, 853. num ejus præsentia ad inventarium conficiendum requiratur, 866. ejus officium quoad administrationem bonorum, 863. in quantum teneatur pupillo, 917
Tutor suspectus. Definitio, 892. a quonam suspectus reddi possit, 893. a quonam removeri, 894
Tutores testamentarii. Definitio, 841
Tutela. Definitio, 841. quando ea non sit opus, 843. num dividi possit, 852. quando finiatur, 905. 906. 908. quinam ad eam sint inhabiles, 858. & seqq.
Tutela administrat. quando finiatur, 907
Tutela diviso voluntaria quem habeat effectum juris, 907
V.

Valor votorum quando per rationes extrinsecas determinandus, 100
Vaterlose Wäysen, 840
Vendere se in servitutem an naturaliter sit licitum, 1091
Venus præpostera. Definitio, 312. an diversa a copula carnali, 312. an sit naturaliter licita, 313. quando meretrici non imputanda, 337
Vestes liberis num debeantur a parentibus, 640. quales servo debeantur, 605
Vetere, 601
Vica-

Index verborum & rerum præcipuarum.

| | |
|--|--|
| <i>Vicarius.</i> Definitio, 847. ad quid obli- getur, 847 | <i>Vitrici paterentes</i> num sint affines privi- gnis, 613 |
| <i>Vidua.</i> Definitio, 521 | <i>Vitricus mariti</i> quomodo affinis uxori, 616 |
| <i>Vidua stuprata</i> num sit meretrix, 334 | <i>Unio conjugum</i> qualis sit, 469. quinam sit ejus effectus, 470 |
| <i>Viduitatis perpetua promissio</i> num sit valida, 526 | <i>Unio prolium.</i> Definitio, 810. quem ha- beat effectum, 811. qua lege natura- liter fieri debeat, 817. quot modis fieri possit, 818. quando fieri possit, 824 quænam leges eidem adjici possint, 819. num fiat per educationem, 813 num fieri possit absque consensu uni- endorum liberorum, 820. quid in ea præcavendum, 813. an valeat, si ex posteriori matrimonio non nascan- tur liberi, 821. si liberi posterioris ma- trimonii prædefuncti, 822. si liberi prioris matrimonii ante unientes mo- riantur, 823. an possit revocari, 825 num afficiat bona propria liberorum ex priori matrimonio, 814. an bona, quæ ipsis aliunde obveniunt, 815 |
| <i>Virtus vir.</i> Definitio, 521 | <i>Verba libidinosa</i> num naturaliter illicita, 250 |
| <i>Vigilantia.</i> Definitio, 1158. patris fami- lias & matris familias in domo, 1159 | <i>Voluntas ultima.</i> Definitio, 996 |
| <i>Virginitas.</i> Definitio, 346. quamdiu re- tineatur, 346 | <i>Voluptas venerea.</i> Definitio, 248 |
| <i>Virgo.</i> Definitio, 346. quomodo virgi- nitate orbetur, 347. num stuprata sit meretrix, 334 | <i>Votandi libertas</i> asserta, 115 |
| <i>Virgo deflorata</i> quænam dicatur, 334 | <i>Votandi jus</i> in societate, 63 |
| <i>Virtutes intellectuales & morales</i> liberis implantandæ, 655. 656. 658 | <i>Votum.</i> Definitio, 62. num ab eo discede- re liceat, 111. num ejus ratio reddenda, 112 |
| <i>Virtutum moralium</i> conjunctio, 657 | <i>Vota</i> quænam prævaleant, si majora ha- beri nequeant, 95. quænam conjun- genda, 88. quænam conjungi neque- ant, 89 |
| <i>Vita liberorum</i> parentibus curæ esse de- bet, 639 | <i>Voto.</i> |
| ad <i>Vita commoditatem & jucunditatem</i> <i>facientia</i> quando parentibus debean- tur, 756 | |
| <i>Vita generi</i> cuiuslibet liberi a parentibus destinandi, 719. quod ad istud præpa- randi, 720. quid hic vitandum, 726 | |
| <i>Vitam solitariam agere</i> num liceat, 139 | |
| <i>Vitia</i> num reddant ad tutelam inhabi- lem, 858 | |
| <i>Vitia sensuum</i> in liberis præcavenda, 643 | |
| <i>Vitricus.</i> Definitio, 610. qualis ejus affi- nis, 612 | |
| <i>Vitricus avi & avie</i> quo in gradu mihi affinis, 619 | |
| <i>Vitrici avus & avia</i> num sint affines privi- gnis, 618 | |

Index verborum & rerum precipuarum.

Potestatem valor in societate, 78. quando forte determinandus, 98
Potestatem conjunctione num majora, vel paria effici possint, 93. quando negotium decidi nequeat, 94
Potestatem absentis, vel *vocare impediti*, 108
Potestatem affirmativum. Definitio, 64
Potestatem certa parte majora si ad concludendum requirantur, 107
Potestatem consentientia. Definitio, 64
Potestatem decisivum. Definitio, 102. quem habeat effectum, 103. quando competat forti, 103. cuiusnam competat in matrimonio, 483. cuiusnam in societate conferendum, 105. num in consultatione alicui conferendum, 104. num contra id exceptio valeat, 106
Potestatem dissentientia. Definitio, 65
Potestatem majora. Definitio, 66
Potestatem meliora. Definitio, 71. num concludere possint, 76
Potestatem minora. Definitio, 66
Potestatem negativum. Definitio, 64
Potestatem paria. Definitio, 67. num concludant, 81. quid ex paritate sequatur, 82. quando non obstant, ut negotium habeat exitum, 86. quando obstant, 86. quando sunt pro rebus specie, vel quantitate diversis, 90. pro diversis penis, vel onere diverso, 91. quando occurrant in divisione rerum, 92
Potestatem pluralitas. Definitio, 66. num concludat, 79. quando plura eidem socio competant, 120. 121
Potestatem ponderatio. Definitio, 72. eius difficultas, 72. quod sit dissensui obnoxia, 73. num in concludendo locum habere possit, 77
Potestatem secunda. Definitio, 519

Potestatem unanimia. Definitio, 66. si ad concludendum requirantur, 107. eorum effectus, 75
Usum fructus in bonis uxoris quomodo a marito acquiratur, 438
Uxor. Definitio, 282. num obedire teneatur marito, 292. num marito subiecta, 491. num obligetur ad operas obsequiales, 428. an habeat dominium in bonis suis, 435. quomodo marito jus in bonis suis constituere possit, 436. 437. per quasnam operas sibi acquirat, 433. num lucri particeps fiat maritus per operas artificiales simplices acquisiti, 434. num ipsa particeps fiat lucri per operas ministeriales acquisiti, 432. an habere possit communij adjuutores, marito permittente, 292. num alteri a marito commodari possit, 291. si vi comprimatur, an adulterium committat, 351. & concubitus ipsi imputari possit, 352. num pro libitu a marito dimitti possit, 508. an pro libitu ab eo discedere, 508
Uxoris jus in corpus mariti, 306
Uxoris jus defendendi jus in corpus mariti adversus adulterum, 363
Uxor filii fratris mei, vel sororis mea quo gradu mihi affinis, 622
Uxor pudica. Definitio, 344
Impudica. Definitio, 344

§§§ *Sachsamkeit*, 1158
Wäysen, 840

Z.
Zelotypia. Definitio, 328. an ad prima naturae referenda, 330
Zelotypia conjugalis. Definitio, 328. an locum habeat in communione uxorum, 329

FINIS INDICIS.

ANT 121.100

